


四庫禁燬書叢刊編纂委員會

北京出版社

四庫禁燬書叢刊



集部第一一二冊目次

范勛卿詩集二十一卷文集六卷

〔明〕范鳳翼撰
明崇禎刻本

..... 一

棄草詩集七卷文集八卷棄草二集二卷（一）

〔明〕周之夔撰
明崇禎木犀館刻本

..... 四五

范勛卿詩集二十一卷文集六卷

〔明〕范鳳翼撰

明崇禎刻本

北京圖書館北京大學圖

書館藏

范曄卿集小引

予讀白氏長慶集緣情通
韻尋變騁節可謂靡易矣
其自叙一章顧謂康樂溺
於山水靖節放于田園而
屬詞比事獨許杜拾遺一
揆其終始興會既殊音節
上異香山放曠而意樂少
陵忠厚而思深香山歸老
東都多和平之聲少陵避


地西川有棲候之響非素
製之相詭繇時會之懸殊
也予幸交范吳羽負志節
為名卿從廣陵渡江栖遲
白下江左饒佳山水吳羽
日養夕酌醴林枯卧石蹲林
懷人望古為履道里秦適
之叟無院花村憂生之嘆
發為歌章氣體高妙詞旨
遙深惓惓忠愛不巨

君父被宣徒含毫辭物涉興
 為詩者我杜少陵云與子
 成二老來往上風流予兄
 弟老矣將別予歸廣陵白
 去傳在東都書謂山南王
 僕射淮南李僕射歷事四朝
 年餘三紀海內年輩不過
 三人然皆雲波邈曼良觀
 不易予與異羽望衡接宇
 樂有攸同今在盛穠乃聞

歸鞅江水湛、連峰拱鬱
 魚鳥受風一葉墜露能不臨
 蹊蹠而躊躇持樽酒而鬱
 陶也異羽可慨然而賦矣

賜老平章龍眠芝叟年弟何

如寵書於石城之靜外軒



花聖仙序

喜悲哀樂人之真情
觸而成聲詩三百篇
莫非情之生也蓋樂之

董序一

極而歌大風如哀之
極而歌垓下懷寧此強
哭強哭亦唯其真如故
片言而離賦可代近日

之情不惟情之哭矣總

情皆緣其學初事功華

而之皆偽也於戲難云

矣余讀吾友異相花聖

董序二

仙之語乃知風靡波首

中物根其特言之學為

人情而生難得時事相

刺更而難多居卑而富

居貧十年如遷計部郎
吏大司馬李公霖家及
少宰楊公止菴所共推擇
為天官郎身寄統帥之

董子三

署又為太宰孫公孟寧
所知其為人一不為己
憂國而一腔忠憤憤發
洩而為大雅之音且有

英雄豪大氣本朝王
文成李空同兩先生無
此其君憂國之念性情
真而學術事功氣節

董子四

出之為詩故無之為料
生也予不敢竊於其間
之詩而窺見其大要政
事焉去淫觀之詩法得

紀律寓於至習而不以
為名六代以還漸就靡
靡初唐人起致力振之
一變而為正紳而後如

董字五

名吏治也者然其家之
看法律無家之有紀律
也其相訪備德體而固
而皆若告性情為大雅

振整新章守之以法
律而行之以紀律者
以此而大用於今日以維
成之大事功其同之大

董字六

昌故雖猶存身不立於
奸邪小人而海內大
皆多其品目乃其情
者之可以取勝合其理

而一之者為能取以親
 者之通也惟多者為多
 衣樂根於性情之出而
 其耳於政事又家大子
 與子曰生於其心害於其
 事發於其子害於其政
 說者謂今日詩道之壞也
 從仍笑吸別者二為詩

董序七

應入今肺腑尤求古人
 所不獲見之語以生波
 馬肅方入藥囊以為執
 方靈藥而遂歸罪于二
 王子大夫則主操維世之
 大權不稍政事相與以
 含性情為真詩訪力進
 風雅頌之貴以是為先

董序八

本治事之善以收其學
術之功善民之教是也
吾輩文任之責盡取矣
羽茲編為今日正統我余

董序九

後之選亦與人觀者下
我以石者異羽在天曹
弗眾援之不遠解力予
得各溺其冬直道任事

為之如此恒懷知之
或取余贈以言者吏部
父章言不朽龍圖臺樂
亦同者不可得也冬已

董序十

也嗟乎余又客以十外
人學作此報為何足以報
志已者其

友弟董世昌



范異羽先生詩序

學士家考信六藝為言春秋者持在之書也以討亂賊其辭嚴至詩則流連光景已耳牧夫游女皆得而為之此甚非知詩者居山氏恐天下濫觴於詩也以言邪一言披毛伐髓直使荒野鬼才有筆而不敢下其辭甚笑而謂與春秋有異首卦鶴鳴夜鳴強作喑之好

音終而不類則論詩者必當合人而論之而詩道始尊詩之道尊而後人之能為詩不必人之能為詩也能為詩者當就詩而求工而詩之能工者不以詩也唐詩鼻祖沈宋真凝蘇東曾世間言將謂沈宋不高凝不華東曾心不服天下人亦不肯服然亦安所用之哉此門學士倪首濡足於臆香狐

粉之間不知作何面孔即鬚禿
心枯窮士極艱要亦媚寵何涎
耳讀明河之詠而不按陸冠
指去豈人臣也哉又安用攫錦
袍於樓下以明得意耶余之所

方三

以論詩者如是時孫宗伯
湛澳得余論而深首之今讀
異羽先生詩而不勝感也異羽
勁骨挺峙嫉邪惡嚴然其天
性不獨遵元規之塵如垢穢即

薰蕕稍別輒不禁蛇蝎畏之
而蚊蚋驅之上不必其有損於
已也至四海內外遺直廢忠業
已甘蕩為冷灰矣而異羽啼噓流
涕慨想其人況乎芝蘭在室

方四

有不權帶收之而致齒盟之
者乎以故異羽在朝在野皆以
玉性孤行時多忤難遇
明聖信為庶卿而再起再顯以
坎壈終其身若其妻桂之性

先而愈烈終不以百鍊此徒指
也然後以其慷慨歷落之氣
變擢為詩即其句必選聲調
必合格一軌於盛唐要以宣吐
性情以詩論世終不拂字句

方五

5 撲藻詞人多妍詞捷此其
大旨矣習異相之人不必讀其詩
讀異相之詩而合之於其人其
詩必傳無疑也長江以北其土
厚重其人質樸其聲音恥

為纖靡
明興以來

政皇帝神聖作人北地應運
維時若孫薛君采考功以古詩
授其上座是為弘正前五子人

方六

久君采以古詩題而不知其不
附張桂以諫大禮謫歸老於牖
下君采自有所以重古詩者原
不以古詩重也

肅皇帝繼統在文濟南太倉彬

於倡和維時具化宗考功子相
連相雄長是為嘉隆後士子
人久子相以也體題而不知其不
耐嚴陸外遷閩臬竇志以強
子相自有所以重也體表不以

卷八

近體重如令併異相先生而三
此三先生亦其為江北人同其
鋒鐵骨將權貴同而又同官
吏部以昌大其詩是何甚巧合
也引余頗嘆其可以似又不深

於詩獨以為時所棄遂濟稱
先生之友暮年三事當手
選三先生詩標其大之即使今
古慕義未因詩而仰止景行
以表其

卷八

湯沐之盛不亡佳哉倘有窺
人少年淫秀而呵之曰摩詰
曾受福山僧署日佳久作策
寇希賓猶以佳言贈矣人
口而子乃欲止點沈宋固哉方

子之爲詩也嗟夫乎誠固矣
其不固者欲何爲也哉
崇禎庚辰八月既望

壽春友弟方震孺拜序

併書



范異羽先生集序

嗟、詩至今日而厄矣匪惟
詩厄人、亦厄詩、厄人也
者上邇六朝下迨七子作者
林立千餘年來雖心靈不殊
而好語亦幾說盡兼之載籍
愈繁累力弗給杜陵之萬卷
既未能今日之窻陋即不可
遂令才人志士望洋中盡白
首腐膺故曰詩厄人也人厄

詩也者今世靡人而弗詩也
靡人而弗詩而詩厄自楚人
創為別調而枵腹者便之靡
人而弗楚而詩又厄比年來
彼輩亦自覺醜繆稍換脣舌

遂成侏儒而詩又益厄嗟
是安所底止耶斯文未墜物
極當返天必為生一異人為
之砥柱其間以存風雅之一
脉今其在范異羽先生乎先

生甫踰弱冠甲第高等拾級
崇牖步武可致乃性甘恬適
不樂營競逡迴雲路幾三十
年雖佐統均厯卿寺綜其立
朝不過數載端居多暇故得

以身為蟬蛸自恣于墨花芸
草之間靡古不如靡今不鎔
鑿為文章與有韻之言既已
價騰鷄賈紙貴雒陽矣會邑
有民變縵絳中田遂同靖節

之阮裒集甚富悉畀炎火于
是避地金陵不佞以半生傾
慕之私遂把臂入林之願先
生不以余椎魯贈之珠玉間
得稍窺帷祕而乃知先生真

知書

金序

白

猶龍也先生今將返櫂於廣
陵爰出錦囊用傳梨棗大都
變後所得燼餘第十一耳蓋
嘗竊評先生之詩不作今人
一語而非古人不襲古人一

語而非今人苦思如長吉而
出韋孟之自然譏切似少陵
而載王岑之潤妙出經入史
可以目其淹博而不能目其
脫化苑光月露可以狀其祥

知書

金序

年

華而不能狀其名理此先生
之詩之大較也若析而評之
古樂府三四五言非天馬赤
蛟安世房中之雲曾子五言
古非魏武陳思二阮三謝之

矯正乎七言歌行非開元大
曆之衿裾乎律體則大矣化
矣另出心手獨堅壘壁前無
三唐後無

昭代吾何從評之吾將為季

咸之逃矣嘗與友人言未讀
先生詩謂好語前人說盡讀
先生詩乃知未嘗盡也未讀
先生詩謂詩中萬卷僅一杜
陵讀先生詩乃知千秋有兩

杜陵也當羣飛刺天舉世醉
狂之日而此集適出謂非天
有意存風雅之脉薦生先生
吾不信矣或又訝先生素不
以詩名何也曰此先生所以

為猶龍也寧直詩也乎哉三
餘二酉不以博名潛心性命
不以學名中立獨行不以氣
節易退難進不以嘉遜名
清流推戴不以門戶名先生

之猶龍也直詩也乎哉不肖
所知猶有進于是者先生太
翁世所稱雲從先生者以明
經高第拜慶雲令甫數月適
先生晉秉銓政遂解綬歸曰

彭澤不以五斗折腰彼何人
哉築尊腰館日哦詠其中優
游幾三十年先生文章恬退
固自天性家學淵源亦有自
來矣不肖故著之以見少陵

之先有審言子瞻之先有明
允造物好奇今古一轍也

崇禎十三年歲在己丑執徐
月旅脩玄日月合璧姻友弟
俞彥謹謨于三素雲齋之

左介



范勛卿詩集卷之一目錄

賦四首

樂府

庚午歌

地驅樂歌

城上烏

五意歌

伊人歌

聖皇操

神羊操

上留田行

企喻歌

鴻鵠歌

憶鄉歌

思悲公

丹塗歌

自君之出矣

范勛卿詩集卷之一目錄

捉搦歌

折楊柳歌

江南弄

月節折楊柳

象變操

歲暮行

白雪謠

祛羶謠

秦郵湖上吟

采桑曲

采菱曲

嶽爐篇

貞慈頌

古意

天寧寺鐘銘

貞慈頌

訟卦解

琵琶女

三言古詩

江行望金陵

贈葉臺山老師

四言古詩

瓶梅對飲詞

歲乙巳節屈中元乃延諸衲禮懺以資先

慈冥福信口各拈一偈奉酬敢云能暢宗

風聊以小代清供云爾

導愚

景賢

范勛卿詩集卷之二目錄

月亭

守虛

休菴

天鏡

水谷

蘊白

凝谷

潤洲

海陵道中不寐作

買山清涼山游憇志喜

答贈孟山人因以招之

瑞麥篇

家難後垂喻

卷之二

五言古詩

遊招隱山晚歸 時感

冬日送祝生遊辰沅及永順

對獨 升次阻風

贈顧與治 答仲和觀若

述懷 送別徐山人

秋日同慈明穆其潛夫諸子集西寺限寺字

李負谷大廷尉見惠象山新茗賦謝

北湖詩集

三

呂城道中 打魚歌爲靜補作

竹醉日移竹 謁露舫祠

夏日與中 暮春病中有述

追憶景逸蓼洲塵客綿真諸君子

遊西園

予避亂客久歸苦無家及詢胡京孺先生見其敗垣頽屋擁書憇息其間同一感歎

有作

薄遊篇

雉臯之北水涸不可以舟行人窮感會大

雪撲船窓可喜遂同諸子紀事時甲戌孟冬

讀顧去非詩遂效其體述懷

賈兒行 暑雨

江潯

書堪輿熊仲璠遊海上冊子

李太素姊夫來會金陵有述

贈錢五長來白門

雨中登燕子磯此凡三度

北湖詩集

四

金山次姜觀若壁間韻

錢密緯家山奇勝予雪後同木公往登有

作 阻風

同王孫掣小舟放生遂訪夢叟清泌軒見

案頭攤尊生諸牒而壁掛鸞書一幅居然

仙境不遠對酒抽毫予得曙宇

挽杜麓阮先生 五首 贈陳公車

蘆悲詩

贈周江左

卷之三

五言古詩

贈姜開先

送薛千仞先生還甬東

久雨乍晴客自少卿同子有志三茅之遊

客居京口秋日偶謁廣陵作

贈竹

採筍詩東介公

舟次讀史謬爲彈射聊抒鄙意

三首

月下探梅贈周生夢歸

朱孝廉摩詰招同張孝廉玉橫夜飲賦謝

立冬前二日遊清涼山

沈初學詩集卷之四

五

奴子盜酒作詩申禁

月望雨中携酒訪慈明先生作

同蒼雪扈芷齋會淨業菴舟行書事

輓錢密緯與潘木公相繼下世

夏日避暑清涼山房同史弱翁賦

遠歸見園中早梅喜賦

七月朔程德懋招同林茂之李芳生過其

家副融公禪棲處是名西方庵同賦園字

丙子中秋前二日携酒錢過汪遺民托園

邀同薛千仞黃海鶴程德懋周安期林茂

之經行一李芳生小集同賦

過句曲崇明寺作

讀錢集之遺稿有述爲密緯冢嗣早世故

足悲也

秋日渡京口江中望宋又生焦山海門庵

讀書處述懷

王鞠劬侍御同陳友荀胡止水過飲小齋

時雨甚聽歌鞠劬以詩見示次韻答贈

沈初學詩集卷之四

六

征途

贈經行一

寒夜登露臺看月愛女

登攝山絕頂得入韻

山中次阮勳卿圓海韻

又次陳太史雪灘韻山茨解嘲有引

卷之四

七言古詩

中秋詞

贈盛君行

弄潮歌有引

補天詞有引

長歌行送潘仲和虞部奉使閩中催取大	工鐵料事畢還朝	擬四愁詩	四首
酒間與范穆其山人談詩兼用爲贈	題周江左鼎足齋	別業引	
無屋嘆答湯慈明先生	有引		
秋日李玄素徵侯招同汪遺民諸子飲瑤	華堂觀演家樂卽席贈歌童雲在和玄素	作每句次韻另一格也	
子午花歌	二首	醉蝶行	
贈胡京孺先生	燕歌行	有引	
輿上			
鄭潛菴公祖特召入朝奉贈			
賦得庭中有奇樹	有引	醉花引	
周孟巖先生及張太君七十雙壽益予友	仲馭兄兩尊人也是用作歌以應其猶子	介生之請	
花淚引			
醉歌	梁鼠行		
操桐引	秦淮雨泛行		

春日酌花下	睡午		
卧月			
卷之五			
七言古詩			
遊俞少卿容自家園率賦			
蓮瑞詞	有引		
七夕連雨萬寅陽兵憲及乃弟振海姪震	甲昭同楊九華茅叔延潘君寵竟夕暢飲	歌以紀勝	
送錢海嶽懸壺海陵海嶽開少弟也	玄雲歌	爲潘無隱娶姬志喜	
曳香歌	雨醉歌		
遊鄒彥吉慧山園追贈	輿夫嘆		
遊京口李侍御濠濮園	焦石山菴中見老僧博作一頌子	贈鶴篇	
七夕詞	有引	昨日行	

答贈大行李大生次來韻乃祖后岡先生
與予交最久而屠緯真曾署其園曰五柳
故有五楊柳之句

元日遊斗山園同周徐二子醉梅林下短
歌

寶鏡歌贈慈明先生時慈明喪偶
顧麗人爲予畫蘭扇却贈

答贈粵西大將軍王宛委見懷之作宛委
書來有懷將母思吏隱白門故云

沈勳卿詩集

目錄

九

廣陵之役夢叟見夢已有五言集句一章
夢叟復以七言見索信口拈經語以應之
孟冬朔二日氣暖如春予與楊伯觀若有
事南郊因從友人借具共遊狼山作歌紀
事
還青亭歌

訪沈汀州不遇留詩一首時值其有新安
之行
長春行贈袁士馨
贈呂心安
題凌君父齋頭

卷之六

七言古詩

戲贈劉靜之博士

米友石以六合令被召還京途次損惠石

子一盆走筆言謝
放歌行

孫意白銓部祖母節壽詩

江生能起小孫之病予心感之乃作短歌

志謝

過勝靜菴聽若昧上人講楞嚴分得七言

古體

沈勳卿詩集

目錄

十

飲萬兵憲齋頭聽琵琶時一春多風雨爲

花事厄

贈孫實勲先生

秋霖曲

寄贈陳弗如

延令北口峴看江

董州守長白擢大理寺副詩以送之

雨夜何仲文携尊見訪同友人賦得七虞

時客居廣陵

贈倪復貞國手

寄贈張四明六十

山中贈周江左之作

棲霞寺住覺公禪堂臨別索書走筆贈
遊攝山歸次日復同諸子汎月秦淮作
孩木館中諸子看菊行路難有引
一拂吟定一歲三雛卷

卷之七
五言律詩

立春日雨

一尊

山茨社次韻二首

香雨菴

友人招飲南山有二美人行酒

范勛卿詩集目錄

十二

贈顧太學

秋夜同慈明及僧無公談詩因分賦半字

時予方私謚盧子明朱滄海兩先生

廣陵東隱菴赴若昧齋會

從西方庵達虎踞關行舊林中十餘里人

蹤幾絕雞犬皆靜惟僧磬數聲從柳烟中

出令人悠然有遠思作詩示融公禪伯

水閣

同宋又生潘君寵焦山晚步宿海門庵

金山次袁中郎韻

金山對月同王伯舉給諫賦

移酌江天閣

金山風雨異常

遊焦山三詔洞

同何鳴素何元石諸子遊八公洞在潤州

城南十八里

宿焦山海西菴曉望

焦山題萬上人書

北固山作

渡金山

范勛卿詩集目錄

十三

同客自先生江左社兄郊遊

秋日送張鉅卿之燕兼赴代州謁其婦翁

聞叅知

與了因上人手談

病起偶命侍兒拈韻得既字

贈湯慈明先生

六首

夏日李後園先生五柳園讌集

夏日同楊元孺周千載諸君遊天界寺

同元孺千載輩聲諸子秦淮晚泛

二首

山亭對雨

輓潘公

贈邵都閫

清涼山居憶周江左時江左有淮浦之遊
用扇頭方孩未御史韻

春日大司馬賢公宗兄載酒俞容自勳卿
園中招同黃石圃海震甫暢敘而質公詩
先成步韻

暮春同談大京兆中約萬兵憲寅陽及何
鳴素何孺龍劉太華招錢密緯潘木公飲

東阜

湖上晚坐同貞父作

范勛卿詩集

目錄

三

靈谷和王覺斯先生作

夏夜早起有會呈馮慕岡曹貞予兩先生
八月十四日同友人酌月限韻二首

遠歸

朱弱水孝廉載酒小墅酌月翌日大雨却

賦

北山次王夢叟

丁愼所劉本孺安我素三先生各寄到新
芥茶亟命童子烹點適名僧至

久雨初霽新興不淺薄暮仍雨撥悶以詩

同諸詞人過介立看竹山房二首

揆日同洪桂渚汪霽寰集劉靜之衙齋

山房尋宿同中郎賦

王夢叟見過辱以詩依韻

爲史弱翁下榻二首次原韻

雨中招黃海鶴先生及林茂之吳次尾張

隆甫程德懋楊曰補江孟辰史弱翁飲鳴

鳩亭同賦九青

卷之八

范勛卿詩集

目錄

十四

五言律詩

白蒲晚泊

夏日清涼山居與諸子奕松林中作

廣陵雨夜王夢覺有思歸之作率而

狼山道中

簡薛廣文又損

秋夜集王氏水亭

廣陵文昌閣送別何武莪年丈

初夏集山茨

昌平道中晚霽

潞河答鮑中素

羅淡研御史同黃石璽卿飲梅花樹下作
時有雙猿白兔可玩

懷阮集之山中時方省其兩尊人殯所戊

寅正月也

春日同客自集之諸先生遊天界寺綠夢

菴

對月有懷周千載時正遊吾里

宋量公續蘭社三山閣畢至羣賢惟眉月

二美人阻雨未至子分得齊字

范勛卿詩集目錄

十五

子無丹青之能而有丹青之好故蘭社大

集皆招子往子乃縱觀其妙

秋日遊北山社集正公禪房限層僧藤燈

四字

冬夜抵海陵作

秋日雷電大作志感

二首

秋夜潛夫諸子見過小齋因命家僮絃歌

侑酒同賦五律時周千載至自楚

二首

次吳師利居士韻呈雪公

二首

飲潘仲和尊拙軒同社分賦

四首

答贈湯慈明先生 出門

卜築亦適園沈湛原先生遠至同作此詩

清河晚泊 夜抵焦山

天界寺訪賀靜補諸友讀書處是名西庵

湯慈明秋色軒卽事

金山 泗州道中

遊乾元觀時余六十初度

毓華李甥省子京口因走筆寄懷太素姊

夫

范勛卿詩集目錄

十六

遊長干里夜過酒家賦

春日集汪遺民托園

秋日招薛千仞諸詞人小集限韻

東張文寺

過小桃源 無迹大禪師禪堂

新嘉驛松風亭 安德驛

錫山周太史祠堂代其門人作

送董崇相之廣州廣文

中秋同諸詞人翫月共賦十四寒

遊攝山四首

山中晚酌

訪雪上人見案上楞嚴因共詮其旨

暮鴉

同上來白王憲葵上陵有感

得友人望鍾山之作時有寇警

卷之九

五言律詩

小坐

七夕前一日立秋與曰補弱翁同賦時予

范勛卿詩集入目錄

七

久客金陵

同江左諸子從半山園城頭望鍾陵紅樹

同十一尤先是予杜門數月矣

送包稚修上公車時予客白門稚修來別

冬夜俞容自方孩未房潭柘阮集之李玄

素文起美周江左諸君來集集之以詩二

首見示用韻酬之

送祝千秋入茅山修道

幼白陳中丞席間同張揚伯李玄素經行

一限韻

揚伯訪予白門雪後話舊

越卓凡兵憲新館成招同千仞海鶴延之

龍友孟遷諸公雅集各賦五言近體四首

時卓凡與予皆寓白門

舟宿儀真道中

吳氏園作四首

春日從白門來廣陵陸山人于張二守席

間賦詩見示走筆次韻四首

同張徐二公有真州之役而季薦以他奪

范勛卿詩集入目錄

六

不及同載以詩示予次韻和之

偶過經行一其內子就豆架摘鮮佐酒甚

歡率賦爲贈

留別長源兄弟

次王夢叟山居

登北山限韻

過自然僧樓作

予年友程漢南與予兩榜皆同葉謝兩師

門乃甫釋褐卽乞假歸一月而溘然矣痛

哉今垂三十年而令嗣見予山中追悼一

首

代友人答錢密緯

同靜補千秋江行卽事

從京口指金陵作

求我靜補昆仲携予與千秋酌月雙巢館

月下飼鶴和千秋詩

經行一招同李徹侯晚泛秦淮苦熱分韻

牛首道中

山行呈戴德克

舟中同嘯父夢覺限韻

舟次宜陵聞四弟將從廣陵赴舉白下不

及晤走筆寄懷

范勛卿詩集

目錄

五

避暑玄妙觀同慈明諸子賦

夏日兒輩讀書東墅時予養病辱穆其見

枉留題次韻

劍山後峭壁絕奇予遊踪所未到王將軍

邀同夢史觀之口占一律

同朱君揚諸子山中酌月二首

新牖觀潮便過張氏桃源莊卽事

慈明巨卿夢覺王徐兩夜過談甚暢分得

炎字

千載以詩見示復次韻

同德克山行作

十八夜月下憶覺公

秋夜楊曰補周千載來集

郊行

王季重招飲

喜葉羽遐至

立冬前一日李玄素徹侯招飲瑤華堂乘

月復登松雲閣眺望分韻

秋日社集見西府海棠着花

范勛卿詩集

目錄

三

賦得月明千里故人來

十六夜同穉修潛夫諸子卽席限韻是月

以十七日望

都門三聖菴亭子

遊香雨菴晚歸獨酌口占一首時接友人

書有勸余出山語句中及之

暮遊黃泥諸山卽事

焦山晚坐

金山訪太素不遇瞿太素方事神仙之術

得家報

江山人爲其尊人索還金詩時王孫在座
與江並美風儀故有末句

送弱水赴舉

贈胡唯一道兄亦最精命理

訪雪上人見案上楞嚴因共詮其旨

山中晚酌

卷之十

七言律詩

狼山萃景樓遠眺

蘇勸卿詩集

目錄

王

庚午歲同了因上人談禪法雲閣今又十

年所而了因適他往有作

江天閣晚作

滄洲道中對月

稅得清涼山居一首

鄭大司農玄岳唐大中丞存憶畢大銀臺

東郊袁大鴻臚景源招同何岡卿天王鳥

龍潭酌却賦

焦山 二首

從廣陵指泗上途中示姜觀若兄弟

四首

乙亥三月寇警甚迫予久卧病又苦久雨

感懷

木末亭同介立禪兄賦

贈南昌令何非鳴考績

陳氏醒園分賦

予久客白門未決歸計孟生下榻我所一

日別去轉爲我里之遊不勝惋嘆作詩送

之

朝長陵 二首

寄答葉相國老師暨張給諫鮑卿部馬侍

范勸卿詩集

目錄

王

御熊兵垣諸君子

蘇潛甫侍御按漕北上遮子于德平之北

郊藉草河干話別以詩見投賦答

東昌城樓遠眺

將抵子舍口占

秋日投効南還舟次作

舟中同嘯父夢覺咏盆蘭

十六夜偕王元玉諸子集李汝質別駕飛

雲閣席上口占

移舟

旅病

虜警

歲晚

同蘇潛甫方光祿諸公遊西山憩中峰禪寺有作

爲友人贈高美姬每首用古十二名姝入句余創製也繼和者不下百輩矣二首

送王伯舉給諫還滇南

毘盧閣避暑

靜勝菴避暑步王夢叟韻

同盧子明吳善大避暑李氏泉芳園分韻

范勛卿詩集目錄

香山寺與省上人談

予抱病不過山茨社五閱月矣至是始偕

諸子續遊有作 時感

吳陵道中憩不二上人茶庵作上人本江

右朝補陀初至 廣陵客舍

焦山望海亭遠眺 中秋泛月

泛漲 金陵午日

庭中紫薇花盛開 夏日十笏齋客至二

穀雨口胡京孺張誠甫諸子見枉同用風

字

陳壽昌先輩見枉山茨社辱惠七言近體

次韻賦酬 九日有感

小齋十月石榴人面桃西府棠與諸色菊
一時競開却賦

署中靜寄軒成有作時予監督南新濟陽
諸翁了心禪友在座

疊石齋頭口占

七夕再過北來禪房酌大樹下時予有悼

范勛卿詩集目錄

亡之感

卷之十一

七言律詩

夏日林居偶成 東董玄宰先生

徐石鍾繕部奉劉大司空奏允專董鳳陽

陵工却贈 渡江登焦山作

登軍山追和胡京孺之作

秋日過黃貞父寓林

幽居

無題

秋日訪趙凡夫山居

汰如道兄訪子吳門舟中却贈

憶京口友人詩 有引二首

范穆其山人以詩留別次韻送之

夏日郊居卽事效長慶體

東張揚伯

送王夢叟從張揚伯之官粵西

題袁九深憲副移園

登戴處士招隱山山故有玉蕊花及梁昭

范勛卿詩

目錄

五

明讀書石几今花亡而几尚存

遊乾元觀

登朝真樓向銜珠山看月是茅山勝處

讀曹能始詩集

祝何相國芝岳老年翁華誕

卜居白門將十年所宗兄大司馬質翁親

家少司馬吳行翁親家太僕何天翁併大

冢宰鄭玄翁少司農畢東翁翰林王覺翁

少司成周巢翁掌科毛禹翁光祿俞容翁

道長方孩翁大中丞李世翁掌科吳擲翁

少京兆張二翁掌科孫魯翁道長金天翁

少京兆徐虞翁銓部侯廣翁光祿阮圓翁

大中丞方仁翁淡翁羅道長及方密之周

景虞兩孝廉皆賜顧鳴鳩亭石浪軒垂教

殷殷聲氣甚浹殊不似半生獨居海上者

久負知己因感作詩四章

庚午二月海上亂民焚掠殺人闔城塗炭

或又教孫反噬衣冠遭毒予因叩關使大

范勛卿詩集

目錄

五

慙不免授首乃當國猶獨罪予違今

皇帝解網之意諸君子如玄嶽牧齋孩未禹門

益吾懋明永言湛持榔梅石泓大生現聞

黃石起田澤壘石帆鹿友鞠劬聖任湛虛

中湛九疑公讓祖洲旭海若谷及岳石帆

諸公輩莫不爲予主持公道予因呈上四

章紀變併以示烏程當國及諸公之自遭

家難者

四首

秋日訪璞如依雲二僧于通濟寺二僧皆

詩
秋日過焦山海門菴是宋又生及弟彩兒
祐讀書處

秋日同慈明幼栢潛夫五長過穉修醉菴
同用棠字二首

同魏賓吾司馬遊北岡山

秋日同祝子登甘露山因過平素禪師閒
話

登焦山觀音閣無可上人來話片時

范勛卿詩集

目錄

卷

秋日遊于潤甫雲林二首

虞憲副園中卽事

辛未長淮大浸所見饑民皆食浮萍可憐

辛未元旦京口客舍試筆

京口除夕答錢密緯

立春前二日同黃賓王璽卿程淡如山人

登觀山閣

過中峰訪汰如師留贈

淮上

過象山訪靜公靜公從山下漩渦中手自

斃石築基結菴其上接待往來免風帆覆

溺之苦功德無量賦詩贈之

九日同賀靜補城日櫻祀千秋登雨花臺

邵潛夫以貧故婦竟求去所遭異矣而風

氣甚高予爲作五十詩爲贈

遊武林理安寺十八灘韜光庵九里松共

六首

東李玄白中丞有感

廣陵十日

秋日盧子明諸公見過

范勛卿詩集

目錄

卷

卷之十二

七言律詩

移家江行與友人同賦

送王令新任休寧

別都門徐若谷馬六初併寄曹貞宇孫拱

陽諸君子

放舟鄭家口揮杯月下聽颶法華時予有

內子之痛

山海關

秋日訪錢茂才于雞鳴山寺

泛漲過悠然閣雨來

客病思歸中

焦山用壁間韻

送韓月峰別駕督餉軍前

五白山茨社同社中諸子賦時若昧禪師

住山說法

廣陵秋日同于中甫丁慎所登文昌閣賦

此

京口客舍除夕有感

萬寅陽兵憲招同朱非二中丞錢幼恒茂

才飲陽彭山是日闔城士女出而賽神故

范勛卿詩集

目錄

元

云爾

朱非二中丞寓居萬兵憲東墅予携酒訪

之時春行盡矣

登潤州九華山止宿

同譚中約大京兆携妓江上泛舟

春日楊元孺汪遺民諸子至小齋夜集共

用今字二首

客京口元日立春是爲今

上登極之歲試筆呈寅陽鳴素諸兄

孤鶴

舟次與友人談邊事

走筆答葛羅浮見懷亂離詩二首次韻

九日何子極岡卿招同沈淵淵蔡將軍賀

上舍諸子登周處臺却賦

陳方伯招同何天玉岡卿王遂東工部飲

三重閣賦此

秋日楊元孺招飲家園

和感遇江左雪後禮長十塔詩

子以庚午流寓京口三山之間屨年友萬

寅陽兵憲招飲甘露多景樓移酌摩雲亭

范勛卿詩集

目錄

三

以二律見示次韻謝之

王鞠劬侍御招同朱明京中丞劉忠孕叅

知袁天游年侄集好好園水亭留題一首

夏日集水月閣分得漁字

鄭儀部抗章忤時擬者重譴留中久之乃

下作詩送之

春日僧續明偶來閒話南山之勝卽邀千

載諸子同遊因拈杏林猶見一枝梅之句

遂用梅字

贈中丞馬岫旭王孺初

治圃

王苑委大將軍十年前分闡白狼今復總
戎于此邀續軍山舊遊興情不淺却贈
花燭詞

夏日過飲君印靜芳軒卽事

寄懷徐州司倉史永嚴

庭中香條三樹結實纍纍醉歌其下

答廣陵孫氏父子

范勛卿詩集

目錄

三

泛漲

相輪閣同王夢叟賦

登崇明寺毘盧閣僧澹緣索題

贈王闇生侍御誕辰遂送還朝

詠茉莉花

夏日送盧原甫還嶺表中有新安之遊

贈周午陽道丈

冬日有懷張四明張惺初袁四野季野諸

君作

金山晚酌 登金山絕頂

卷之十三

七言律詩

秋日張惺初招陪陳郡侯遊平山堂詩以
紀之

鄧家窩寒宿時有邗上之行有懷方孩未
先生

秋盡登金山萬兵憲寅陽張太學修予暨
何孺龍萬震甲楊荆卿携尊及鳳姬來會

二首

贈姜抱宏中翰

夏日葉瞻山詹月庵二侍御過訪賦謝

范勛卿詩集

目錄

三

江上寇平有述呈大司馬質公宗兄

爲友人贈妓

詠蠟梅

秋抄招蒲中朱平仲豫章宗侯吳苑文啓

美金陵顧與治延令周江左福唐魏道安

泛舟秦淮有眉生阿人三艷行酒時啓美

與眉生談曲靡靡可聽故有末句云

夏日齋居有懷房海客先生因其門人胡

麟兮將詣東省奉訪却寄

東錢牧齋先生

定水庵用壁間韻

夏日同社讌集元孺齋頭賦得四支時總
兵吾通州二首

七月五日集元孺衙齋再疊前韻二首

七夕元孺復見招詩先成率和一首

天虞王分闌遊于江頭酌月共賦天虞山
陰人也

同何天玉諸人登狼山倚和一首

雲陽口占將晤靜補兼訪雙巢館雙鶴

訪賀靜補于雲陽適雨甚乏酒有作

范勛卿詩集

目錄

三

答贈沈尚璽世兄時奉 朝命有事南都

暑中邀瞿湛菴畢撫之汪遺民盧原甫周

江左經行一同集鳴鳩亭值雨甚時尚禱

雨原甫又言別南歸故句及之

送閃廣山太公暫還滇南

贈南陽王大將軍有引

贈冒伯廉

遊西山寺和何許卿

潘仲和不赴予登山之約詩來代簡依韻
賦此趣之 野望有懷湯襲明

雨霽後張山人同盧子明漫賦

寤言堂讌集有小引 興教寺社集有小引

冬夜張兵憲揚伯招同姜刺史荆璆及諸

子天寧寺酌月適顧圭峰携家樂至雅歌

投壺甚暢卽事詩成

和史弱翁咏春風作次韻

贈黃山黃光祚

韓象雲相公以書至因作詩壽之

贈陳蓮舟

雨中展墓哭先安人

范勛卿詩集

目錄

三

西湖舟中與荆璆民部手談

夏日邀薛千仞黃黃石臧幼星陳退公顧

不盈小集次不盈韻

積雨新霽同雲岳千載諸子遊半山園時

秋八月也先是元日曾于此探梅有感而

作二首

九日楊元孺總戎招同王夢叟狼山江邊

遊賞二首

送邵潛夫遊五嶽

中秋飲陳于樞西園限中字是夜無月

答贈李海嶽孝廉孝廉博雅好神仙諸姬
皆能簡書供事

讀揚伯夢叟仲和遊軍山訪法空禪師之
作恨予未與斯遊聊爾追和一首仍次其
韻

碧雲寺夜宿得詩字

贈王夢叟

下金山過郭璞墓

九日新霽擬同朱非二中丞俞仲茅少卿

周山人江左登雨花臺未果乃于齋頭演

說勸卿詩錄

今日錄

佳

劇率成一首

客白門送汪遺民游我里中有感而作

李徹侯玄素文文學啓美迭奏家樂招予

同觀分韻得豪字時玄素于席上成詩

白下荅錢五長見懷

十八夜觀燈是爲放燈日邀諸詞人雅集

寄壽孫太初

集雲起堂

秋日寄懷張揚伯

僧房夜坐次韻

卷之十四

七言律詩

丙子除夜口占和文啓美時予避亂白門
復聞寇警

崇禎丁丑元日作是外計年以元日日食

感懷

揚曰補移居詩

送許我西職方之任楚黃兼呈幕客周千

載

花朝日庭梅盛開邀薛更生陳旻昭同續

明介立兩高僧齋會共下同用齋字

說勸卿詩錄

今日錄

三

趙二瞻公祖直指招飲其家園有作

茅止生爲其內子楊宛叔索四十初度詩

却贈宛叔詩翰壇場閨閣中最上一流人

也

冬日喜鄭超宗徵君至兼惠佳詩予邀同

諸君子夜談仍步韻奉贈

贈葛震甫用來韻

贈許文學爲壽文學著書作權相故云

張隆甫索聽雪齋詩率成一律

黃孝翼應徵北上因同諸名彥各贈以詩
時正初度

咏短菊次阮勳卿韻

白下辱張揚伯憲副遠顧別去却贈

醉後登悠然臺看餘雪

阮勳卿席上同用賢字贈啓美之燕謁選

在座正七人

蘭社詩有小引

元日試筆

崇禎丁丑

呈劉誠意復陽

金盤石封公七十

范勳卿詩集

卷目錄

注

碧峰禪堂前看芍藥是晨送亡友王給諫

殯出南郊適祝千秋又有雲陽之別

舊贈黃黃石壘卿

兩節卽事

錢生席上贈湘雲美人是生所歡也次陸

子韻

南和伯方心寰先生招飲豕園却賦

飲戴叔正西園

二首

秋日登金山有懷

楚黃孟生丹陽江生從予遊最久一旦別

去相約春初來會猶不免悵然興懷孟生

工詩予爲下榻旅館經年江生手談與臂
皆國手故詩中及之

予適抱疴而友人交集作感懷詩

病起

元夜鄭玄岳大司農招同尹惺鹿方伯飲

署中賦謝

寓京口辱斬于王贈詩奉答

上人宗白詩甚工而不禁酒予甚愛之

予流寓京江辱談中約王純菴萬寅陽錢

范勳卿詩集

卷目錄

注

密緯潘木公靳于王錢開少諸公聲氣之

末各以詩見投喜賦二章奉答

靜補齋頭坐月時八月初九日也

題賀求我空如閣

廣陵客舍何帶河解元携酒見訪

贈王紫垣奉常簿 贈李太公漢翔先生

黃文學爲其母求壽言以七夕後二日

寄張揚伯兵憲

鳴素何一丈誕辰

簡孫嘯父

答贈陸季薦

答贈冒玄同先生 江契此見夢客居

五月十三日同江左感遇輩遊燕磯有感

汪遺民乍逢朱氏席間莫逆辱枉顧以二

詩見貽予因報謝托園遂次原韻答之

同張揚伯姜黃姑丁兆甫諸君遊朝陽洞

月下口占用揚伯韻 二首

喜京孺自西粵歸走晤一首次來韻

張揚伯之任粵西途中以詩見寄聞諸夷

蠢動次韻答之

范勛卿詩集

卷十五

朱長源兄弟邀同王夢叟遊張光祿園志

感

董長白父母以廷尉止內召予沐恩最深

爰從白下追送海陵不忍舍去情見乎詞

暮抵慶雲寺辱長源兄弟款留時延上人

亦至自崇川

淨明寺天如上人新營禪室予以養病假

寓詩以代簡 奉送大司空靳習魯歸養

卷十五

七言律詩

登顧廓菴吏垣半雲閣

秋日招李大生陳天敘諸子登狼山次韻

二首

答張揚伯來訊

李徹侯留飲納涼得十一尤

盧原甫汪遺民招同李玄素太傅及朱景

洲瞿湛菴托園雅集分賦七虞

雞鳴山雨眺和笠間韻同摩詰太素王孫

江關晚泊感遇諸社兄共賦八庚

范勛卿詩集

卷十五

飲楊都督元孺園亭一首

獻花巖次隣初韻 謝閔太公有引

余父客南都蒙光祿卿俞容自先生交誼

最篤見贈古詩極佳病中奉酬二律

方孩未先生子生平知己同寓南都頃還

吾狼五山去戀別依依病中勉成二律并

酬枉贈佳篇

李侯招同諸詞人燈讌是夜雨

夏日新于王錢密緯安無咎社集青玉軒

限絨衫南僂曉五韻詩各奇險加以穩致
子讀而艷之因密緯索和據案率成七律
八章無異效贈祗堪捧腹

李玄素微侯招飲杭江亭索贈是日大賞
海棠

過袁天游新居却贈

過廣陵錢生携美人湘雲醉子與惺初季
薦士起卽席一首

述懷呈蔣澤壘大中丞

遊清涼山呈濟園先生

元勛卿詩集

目錄

聖

遊牛首次李本寧先生壁間韻時闕客在

座同賦呈顧隣初年友

十笏齋與楊伯野臣季野諸君小飲酒間

以惜春二字爲令遂用爲題

冒玄同先生七十 東天如上人作

歲六十詩

江頭看落照

妙高臺觀塔燈作 答寄蒼雪禪師次韻

秋日同千載士英登清涼山戲作士英并

青好手也

中秋日同慈明幼桓并徐生善影戲者飲
陳于樞所限秋字是夜無月

扈芷上人以陳眉公書至齋會有酒人在
生

同扈芷上人及諸祠人齋會時有霧淞之
異人以爲甘露云

盛苑民工丹青吳人貧而俠來顧予白門
却贈

久病擬還里中郭居適千載携牧齋先生

元勛卿詩集

目錄

聖

書并移居詩至寄懷

過姜荆璆漁山館呈其太公星河先生

九日招同諸名士登雨花臺因望大江以

北有作 秋泛卽事

秦郵陳大霍世兄偶寓其大隱園因登醉

京樓有作

端午前一日李微侯招同陳幼白中丞何

天玉岡卿及周江左方密之集河亭同韻

時崇禎之乙亥歲也

午日同江左弱翁諸詞丈及兒國祐國禧
國祿孫大宗廣宗輩泛舟秦淮觀競渡仍
用城字

丙子六月浹旬不雨酷暑偶遊程德懋林
茂之李芳生史弱翁小飲以清言消之率
賦一章博和

王季重書樓同李沮修封公俞容自少卿
房潭杯泉憲趙惕菴徹侯葉白於中倫及
美人顧眉李香集與李重同用方字

范勛卿詩集
目録
卷之十六
秋月初抵攝山

恒覺導予與士程千載元白遊天開巖

同諸子登明月臺

從棲霞寺望攝山巔一首

攝山贈秦漢卿山人次韻

卷之十六

五言排律

贈邵芝南太史捧詔之齊魯

秋日同湯慈明冒伯慶遊北山分得九青

一韻二首

呈大司馬范質公宗兄三十韻

江左以五言長律見示次韻

夏日齋居有懷葉雁湖范中闇二民部

史永嚴銓部馬三仲廷尉招飲梅花嶺遠

眺賦十二韻

夜過朝爽閣聯句

三聖庵同劉靜之賦

賦得梧桐雨似袁小修

立夏前一日錢王孫携酒同慈明仲和潛

范勛卿詩集
目録
卷之十六
夫諸君訪予亦適園摘葉分韻

喬光祿招集如如齋卽事

王將軍天虞招飲狼山新署仍移酌選勝

劍脊之陰卽事

朱摩詰初舉南闈訪予流寓京口者再詩

以酬之

借榻舫軒爲殷冠軍賦

贈王夢覺

六言排律

遊招隱洞訪懋修禪師

延令西鄉同夢叟賦

七言排律

送張揚伯備兵粵西從遊爲王夢叟

秋日社集僧房仍移酌田家分韻得微字

秋日同社中諸子及麗麗人過北山僧舍

訪冒伯麋歸舟泛月分韻

寄陳眉公

冬日同慈明夢覺諸子宿狼山遂訂買山

范勛卿詩集

目錄

四

之約席間同賦山字

升次立秋

送李臨淮徹侯北上

何止舍啓明大開詩書社邀予主盟分一

先韵社所爲紫烟閣

卷之十七

五言絕句

讀易

夢遊山

題衲衣

秋夜

題畫二首

爲顧太學題畫馬

山中坐月

盱眙山中二首

取道句曲山中四首

秋日過賀氏雙泉館 歸舟感悼

冬寒從泗上至淮陰步道甚艱雜吟四首

李太傅招遊山園賞海棠懸燈樹間達旦

同諸名士分體三首

包穉修誕辰謬陳四解

題錢五長新居四首

遊武林雜咏七首

范勛卿詩集

目錄

四

月下同若浮千載卽席占十灰二首

偶成

曉起

點茶

客窗雜咏十首

看竹山房贈介立禪師

延令雜咏八首

陸雲生求題合書亂石扇面

風正

贈洪華上人

退園山房八景

遊山歸船頭小酌

和杜工部眼邊無俗物多病也身輕十首

白壽卿母夫人四解

春病

楓

萬松庵

中峰澗

庭樹下看雲際月覺樹皆移走恍爾有會

作頌子示恒覺僧二首

白雲庵二首

紫峰閣

坐桂樹下

西林庵

六言絕句

廣陵舟中雜詩

卷之十八

范勛卿詩集

目錄

聖七

七言絕句

不寐

遊陽彭山 春悟

秋日渡京江

夜宿牛首山二首

贈圓明上人

挽王伯舉給諫四首

甘泉道中

過夢店二首

甘露寺晚眺二首

雒阜道中

贈李處士八十一歲納妾

錢密綿寵姬猛修慧業却贈二首

書李海嶽憶周姬詩附述 併引

支月補月

有引

江行卽事

江上贈吳山人

爲徐鳳池題畫壽羅浮王吏部

八寶年家子桑生走京江謁予求其尊人

明積年友輓詩四首

摩詰招同王笑公晚酌出薛文清公五友

詩各屬和五首

張總戎防汎狼山作訊二首

題畫壽王紫垣

范勛卿詩集

目錄

聖八

從祀獻陵時有官監說仁宗事

秋夜湖泛

擬古

真州寫懷時納妾未遇

廣陵秋日得侍兒口號

贈鶴

有引

王孫携麗人飲張園

夏日齋居

哭內四首

龍廉孺戶部轉餉關中歸途暫住廣陵便

還西粵二首

贈何郎花燭詩二首

思內

夢內

恨山晚眺二首

秋暮抵家二首

秋暮抵家二首

夢

農家

山行

送詩僧寺白往京口

萬寅陽憲副招飲東墅觀梅時美人在座
二首

卷之十九

七言絕句

山中書所見

龍潭道中二首

范勛卿詩集入目錄

四九

攝山

薄暮遊焦山

同王士英李太素觀紅葉於鍾山之側沽
酒賦詩

山間見路旁小桃才三寸許上開一花時
已九月奇甚作詩紀之

山行

舟中

田居

亦適園分韻

漁歌

爲人題畫時予在病中

別友

齋居

病中示宋又生諸子四首

庭中橙花開落志感二首

長陵

上陵志感

黃河晚泊懷家大人

聞大人置新宅有作

泗亭晚泊

再過下邳

道經鹽山境偶占是徐市駐童男女處

下邳

七夕

范勛卿詩集入目錄

譯

采蓮曲六首

送吾里王吏目陞任北通州衛幕四首

宿甘露寺見壁間有和潘無隱尋梅詩者

次韵三首

賦得秋日贈西府棠贈錢五長二首

友人索丁處士詩走筆付之

茗雪道中

晚過慈雲寺

鳴鳩亭畱客

虎林十八灘晚歸二首

輿睡

園居示若昧禪師

北來寺二首

爲王宛孩題畫冊紫丁香

時感三十首

卷之二十

七言絕句

從句曲達雲陽二首 丹陽道上步聞香草

賀靜楠醉青樓四首 淮泗道中口占二首

曾波臣爲丁寫照 秋涼吟二首

范勛卿詩集入目錄

退園卽事二首

夏日村居

買花二首

予避亂殊方倏五閱歲戚友士民多見思

者以千泉遠迎予因扶病過里雖風景不

殊自顧轉若他方客也有述四首

輓純夫李姊夫哀詞四章有引

吾里崇川午日竹枝詞二十首

宿海門菴

王夢叟送李太素梅花

重陽前二日對菊 與客把火看菊

九日月夜漫興 米桂詞四首

行樂 展王安人墓

西湖夕雨 江上贈淨上人

輓曹穎峰先生三首 坐月

李四郎席上觀劇二首 北通州

看水 感時口號四首

爲邵潛夫追輓亡配二首

遣興二首 初向攝山道中四首

范勛卿詩集入目錄

品外泉 白鹿泉菴三首

優曇菴贈老僧

贈萬松菴老僧僧以賣花爲業

虎穴巖 再過綠雲菴有引

中秋二首 德雲菴

觀音菴

附九言

金陵遊眺紀事九言一章

白下買山成志喜九言一章

卷之二十一

詩餘

減字木蘭花

客邦江歸思 二首

望江南

代美人訴病

代美人傷春

代美人燈下

代美人月下

西江月

答友 二首

范勛卿詩集 入目錄

五

百字令

壽友人

山花子

冬日舟次

菩薩蠻

旅思

密春曉

阮郎歸

舟雪望金山

憶王孫

永梅

江城梅花引

雪景舟中作

眼兒嬌

友人靜芳軒酒間

卜秋歲

壽友人

范聖卿詩集卷之二十一目錄終

范勛卿詩集 入目錄

五

范勛卿詩集卷之一

白狼山范鳳翼異羽著

賦

介壽賦

戊子歲仲春念有九日爲社友李羽中之懸弧日不佞實與心交謹仰福謙良友足延無量壽因敢泰賦以風其詞曰惟萬類之憑元氣兮伏領大塊之洪鈞雖任陰陽之變化兮猶仗信修爲環循何意乎九爻陽

厄大運棟傾時際鼎革難望重更平地霆駭上見機槍天降喪亂闔郡號驚何幸乎明神有靈眷注李生賢哉李生雋秀奇特駿茂貞夷涵淳泳德篤學則孔孟之及門兮何媿乎魯儒之聖域儲才則揚馬之同途兮實有裨于漢英之羽翼雖曰自然無爲游神守道總之有體有用奇才雅抱滿握有赤野之珠兮盈積則有禹氏之王修路有高騁之逸驥兮排空則有虛翮之黃鵠若夫重裘之有羣腋兮兼以崇臺之多衆材

又于高鳥游魚而無慚愧兮再則龍騰驥屈之共低回好林蔚之與波清兮不必爲挂瓢洗耳之事效清狂之與靜養兮亦無效冶鍛長嘯之方畏孤身之嬰時網兮匪若南榮越之防營而損道將一日而作千秋兮何殊和璧之時暗而文章引興于書草蓉蘭兮豈但芳櫝之一新息躬于春蘿秋桂兮尤有貞松之千古隨時宜而任閒雲兮自知否泰之通運遭勢亂而急奔浪今惟有義氣之自主厭貴累而棄家兮猶端文

叔之遺派聚衆飲以作文兮是种明逸之流風輕富貴之于我兮同天邊之朝露重清貞之絕俗兮如海上之孤峰賢哉李生弱不好弄寡乃和高含經味道振響揮毫隻身砥行良友托交利斷金蘭如僑盼之相識縞素和通車輔似宣篤之共避荊州爰摘藻以流聲兮嚶鳴結羣英之道契慕聖途與仙境兮消搖經遐矚而雲遊引修日與朗月兮多揮詞而夢筆題千山與萬水兮昭文采之風流北游燕以躡胡沙兮南入

闕而窮夷島東登岱嶽而弔七十二君兮西望
河源而遊千萬里之古道獨托妻而寄子兮慰
丁內翰之托堅誰排難而解紛兮致李文選之
有造有典劇者招以弓旌兮乃謝朱紱而指揮
有席顯者分以餘鎰兮乃捐黃金而全歸有天
部天垣之華幕而屢借重兮乃家貧家衆仍蓬
戶而守寒微苦奇慘之離亂惟正志以無違獨
寡欲而飢寒因介性以覺非許考功之國亡殉
難兮冒血刃而殲殲以禮鄭侍御之城破捐生

范勛卿集

卷一

三

今招遺魂而望祭以時賢哉李生山林清品草
野忠臣美新可耻元亮同倫計汎歛乃周貧之
義兮何獨辭古風之所厚况公論無過情之譽
今想衆宜月旦之所遵咄哉彭祖喬松身今安
在三芝五藥食亦無功年壽有盡文章無窮屈
原詞賦懸日月上嵇康養生空天地間惟我羽
中甫經年而耳順將奉聖教以全真輒閉門而
隱服無媿堯天之保身惟我羽中忠孝性生學
問無量無量無窮長壽無恙詞曰美矣哉天布

陽和有脚兮萬花有意笑迎人歲歲之花相似
今一盃美酒壽千春老夫愚拙作賦以陳以風
後世以風串親

梧桐再生賦

余東墅蒙稱修手造有小包山山中種
梧桐一本冉冉榮木已經彌載繼而連
雨三月傷根自春徂秋不發一葉園丁
嫌以爲槁欲伐去余憐而止之至孟冬
忽發數葉今且扶疎布陰滿地矣諸游

范勛卿集

卷一

四

客驚喜令余賦詩以紀異余因作賦一
章其詞曰

厥惟江上山狼五若通靈乎五洞天仰包山之
分秀臨于東墅而超然計似若扶桑之越海乃
至中原崇茂而裕裕幸山中之佇柯招羣鳥其
來呀宜梧桐之朝陽擬高岡以鳴鳳初孟冬而
植幹奈傷雨之無情至春夏秋之枯集何怪哉
而發冬菁想淮南子有言曰木落葉而長年悲
桐久雨以衰變量殊無患木之能支又想子山

枯樹賦謂桐何爲而半死今乃同聚窟之返魂
又幸此員丘而不死矣樹將交讓良抗貞一邊
枯而一邊榮龍筋鶴骨如松柏鳳鸞終和琴瑟
聲殆根石掛雲之幽眇偏含烟媚月于昏曉吾
徒據重生之榮木快已哉傾尊酒而窈窕

宗枝賦送夫山和上

紫維白狼之鬱蔥翠瀨氣彌滄海而沕滴或鍾
奇秀之儒術宜令聲名乎洋溢詎意師頓悟之
超軼獨系滄沱之宗一殆如生右脇于堯率追

龍動柳集

卷一

五

玄軫而家乃出豈常住曹溪之圭筆惟精進秘
藏于波羅蜜想八萬一言之專壹并馬鳴龍樹
而呵叱方寂照爲門而通慧爲室將興化楊岐
之同表率其道無爲爲有而空爲實恐與妙冥
會之如漆卽誘道之爲慧日然神聖登壇而誰
無惴慄計凡愚之驚虎跡爲羊質欲摹矜角而
猶不必大端恭仰師之奉親也雖遵如來之儀
式而孝道則毫無失更仰以孔禮而兼佛律尤
賜乎桑梓以慈卹倘欲救衆生之多疾何幸現

有今日之摩詰况天人聽法之俱悉奈何卽欲
梯空而上使求教爲弟子者而願難畢也哉

仁壽賦贈保濟寰乃弟七十

厥惟季俗兮彫素樸有美難弟兮秉清淑勵經
緯兮絕奇表篤孝友兮光望族仰庚位兮萬物
生載秋成兮瑞豐亨開玄宴兮椿運永汎甘谷
兮菊酒盈詎須還丹兮待仙授計惟積德兮荷
天祐神脉無窮兮元會通日月并照兮天地壽

龍動柳集

卷一

六

范助卿詩集卷之一

白狼山范鳳翼異羽著

樂府 有引

蓋樂府之興蘊衷成叶渾融天造無跡
可求今以樂府爲樂府者殊乖厥旨所
謂代哭不悲效嘯增陋者矣仰濟南哲
匠人猶病諸若空同介州先生每多率
情偶境無異少陵與今人之樂府良足
錄也余遶海上庚午之難流離困蹟偶

一呻吟摧心結思雖拈古題實抒時變
聊附里巷之歌謹敢與采風之休烈

庚午歌。

雉罹羅而免爰則脫鵲有巢而鳩拙則居虎冠
擇食者何人乎而誰當集于荼

地驅樂歌

玉亦可惜石亦可急崑岡之火玉石同焚

城上烏。

城上烏夜啼苦朝爲官夕爲虜鏃可掠廬可火

仍大索將殺我奸兇得勢氣何豪刀頭贖命惟
錢刀祇今三尺操天朝朝中有 聖主一往訴
之府公怒

五噫歌

昊天不吊今噫降此閔凶今噫此邦之人今噫
亂是用長今噫我罪伊何今噫

伊人歌

衣冠塗炭亦不我恤兇慝彰顯亦不我弼切奪
是施亦不我尼惟予立俗之無方若讐於伊人

乎何尤

聖皇操

羣兇煽令殃一方予何力今誅亂亡仰 聖皇
今肅王章俾授首今民樂康

神羊操。

簪危冠今立柱下乘駿馬今驅雄霸請尚方今
法無赦亂庶有豸今宣王化

上留田行。

炎涼何太區區上留田無炙手熱安媚之上留

田英雄失據世所欺上留田宵小何與人事上
留田蒼天何必無私上留田禍福之至脩身俟
之上留田

企喻歌

夜深黑如漆人與鬼作隣雞鳴天下旦鬼不敢
撲人

鴻鵠歌

鴻鵠高飛今世萬里胎書大鵬兮試南徙背青
天兮浮雲低笑蓬蒿兮安足棲橫四海兮愁流
范勛卿集

卷一

三

沙愛三山兮飲朝霞宇宙大兮皆吾家脫藩柴
今樂無涯彌天施羅兮誰能加

憶鄉歌

此地何地兮遠道傷離今夕何夕兮倏夢見之
寒雞則鳴兮喚破相思俗美非吾土兮惠而好
我自媿不祥之人兮衆皆曰可親者疎兮疎者
親好醜易兮難爲身

思悲公

思悲公心欲灰豺狼滿路何時回何時回慰予

心彪池已涸須甘霖須甘霖代耕鋤嘉禾得植
稂莠除稂莠除年豐登民無作惡民頌興民頌
興海邦治伊誰之賜予知之予知之衆所擯天
縱能言人弗信人弗信良足悲明明在上吾誰
欺

丹塗歌

江濺濺兮山雷雷兮人界仙都不能分兮天使
子來會兮

其二

范勛卿詩

卷一

四

遵彼丹塗兮望帝都兮三山遮予兮去澡俗而
載止爰得我所兮

自君之出矣

自君之出矣思君如蠶子曉夜不斷絲絲盡只
一死

其二

自君之出矣心情難久持思君如天地復合知
何時

捉搦歌

玉闌金井施轆轤繩絲軋軋相轉輪寐時抱子
醒抱夫寐少時聞狸捕鼯

折楊柳歌

聞郎出門去願作郎馬鞍仰承郎蹀坐日夜追
郎歡

江南弄三曲

盈盈花襯田田葉芳塘繚繞鴛鴦帖佳人翠袖
支紅頰支紅頰舞香心狂風起嬌不禁

其二

范勛卿集

卷一

五

蘭橈桂楫青絲竿紅粧皓腕纖羅薄吳娘葉底
低聲諾低聲諾心與歡花能媚葉能團

其三

櫓搖垂珮響鳴璫齊紈越羅蓮花香柔情縹緲
藕絲長藕絲長將奈何載愁歸雙鴛過

月節折楊柳

正月歌

餘寒戀芳榭梅梢已滿粧欲倩東君嫁折楊柳
舊節不如新新人不如舊

二月歌

和風吹杏花無賴欺儂豔浪子不還家折楊柳
芳辰已過半何忍相辜負

三月歌

春愁日相促那得笑千金但見啼雙玉折楊柳
歡子若來歸休落殘春後

四月歌

鶯花無力飛儂已如紅瘦歡胡似綠肥折楊柳
溪水點荷錢能買春回否

范勛卿集

卷一

六

五月歌

炎熱蒸成病萱草轉添憂五絲難續命折楊柳
碧筒通絳脣歡醉倡家酒

六月歌

斗帳偏藏暑歡獨無三伏竟體涼如許折楊柳
長願歡情熱此意恐難取

七月歌

儂絲綽多日乞巧天孫憺何慮不成匹折楊柳
雙星會經年不及歡情厚

八月歌

閨閣滿清光郎若不爲樂蟋蟀已在床折楊柳
兩情似華月能不虧盈否

九月歌

爲歡須及早韶年能幾時含悽對霜草折楊柳
落葉打疎櫺且進黃花酒

十月歌

孟冬如仲春妍和好風日鷓鴣又鳴晨折楊柳
驚被覆郎眠忘妾曉霜厚

范勛卿集卷一

七

十一月歌

烈烈雪交風黼帳寄寒入倩歡偃着儂折楊柳
刺繡線頻添夜短歡知否

十二月歌

臘日何慘白同心無改移西陵問松柏折楊柳
除歲又生新儂情只依舊

閏月歌

閏氣疊成古乍可閏三月餘月不須補折楊柳
三春作四春春光亦成偶

象變操

崇禎八年冬日在未次有白虹數
十道叢薄久之予心還焉乃作此
操

日之方中曷云其晚今羣陰叢薄陽靈是奪叶
今厥象伊何匪祲匪字兮肆乃殺機而如受如
破兮嗟下土之咄咄夫安得勝妖以德叶兮

歲暮行

石引

冬日赴京口視兒頑病予凍阻海陵口占
同雲莽互兮酸風吼大雪飄颻兮寒色陡甫戒
旅兮未百里俄膠舟兮兀相守僮僕僵卧兮次
范勛卿詩集卷一

八

且篙師告勞兮龜手我阻兮河滄兒病兮京口
逼歲暮兮心幾煩天聽高兮不我有嗟維谷兮
奈何彼安居兮知否塞驢蹶躅兮宿莽饑烏叶
號兮凍柳撫枕不寐兮其誰語曷以寫憂兮微
我無酒

白雪謠

風櫛櫟兮雪飄飄兮天地氣合兮河水膠兮我
舟滯淫兮坐鬱陶兮有孤綏綏兮征人勞勞兮
好風自南兮旭日始旦兮見睨日消兮舟楫是

資兮破浪乘潮兮用矢長誼兮

社蝗諍

歲陽尼逢百六蝗之來啄我穀蝗之翼蔽天黑
蝗之過輸江波蝗之肉飽魚腹稼無傷民多福
饑倉實寒者燠德勝妖嗟良牧

秦郵湖上吟

藻生湖之濬生未作火想採之曝為薪水性忽
以莖浮萍覆水面生未習人口將取塞饑倉魚
腹則何有

范勛卿集

卷一

秋

其二

魚欲枯過河沚萍亦民所食藻亦民所食民之
魚矣以代乃粒

其三

長淮千里波魚蝦賤如土賣錢飽豪吏國課亦
何補

采桑曲

油油田中禾沃沃陌上桑與郎桑下嬉莫待蠶
時忙

其二

儂本養蠶人十月無綿着郎但能溫存儂不愁
綿薄

其三

儂自紡絲坐郎自將船駕切莫偷戲儂悞觸前
船罵

采菱曲

女郎學采菱同伴向菱田瓦盆坐未穩兩足白
向天

范勛卿詩集

卷一

十

其二

采菱復采菱風細湖波澄波光炤儂屬顧郎還
自矜

其三

不是倦搖艣船較郎船小郎船載妾船抽身就
郎好

嶽爐篇

天地為爐雲為烟陰陽作炭元氣難虎形躩踞
奮飛廉薰修一瓣通重玄維嶽降神欲潔蠲景

福盼饗斯萬年

貞慈頌爲雋上秀士徐典維節母錢孺人作

苕歲徇夫柏操辛甫孩天降石麒麟奮志隕軀
風節易撫孤有後未亡人銘旌滅燭閃單影畫
扶九熊製警沈慈親芳烈子孝廉恩錫行看庇
重錦嗟嗟亂世殊傷時俗偷鳴珮冠裳尚寡羞
粉黛并禕標峻義令名展矣足千秋

古意

范勛卿詩集卷一

十一

新調楚江秋絲肉聲相和一曲彈未終羈人淚
雙墮

天寧寺鐘銘

於惟龍藏圓寂爲宗雷師六震鑪再僊供碾破
邪魔覺路周衝法輪聖諦
國泰堯封

貞慈頌 讀張進士陳太君節詩作

傷哉命兮母心悲夫君不可以見乎昭晴雷車
兮電旗天門開兮上騁君遊如雲兮御清風予

淚盡乎心恹恹黃口數齡乎可憐生子二紀今
慘咽哽遺挂在壁兮琴瑟斷吐絨在牖兮甫指
其誰秉畫荻九熊兮撫孤兒啼竹操松兮亮梗
寶奩暗兮塵湮刀尺寒兮枕穎鬼狐窺總兮吊
苦魂銘旌滅燭兮閃單潔宣文君兮教讀書泰
娛氏兮訓謹領三百無邪兮乃並傳泛柘詩篇
今牢自慙傷哉母兮見心悲稱未亡兮一室靜
母隨父死兮數載間朝露零兮在俄頃獨有令
子發榮華千古幽光今日同炳

范勛卿詩集卷一

十一

訟卦解

后土而有口虞芮之訟不待剖中瘤而有口屋
角之訟顏何厚

琵琶女

何限意中事琵琶只四絃無心彈別調獨唱想
夫憐

三言古

江行望金陵

泊舟夜峭帆曉白洲蘆紅岸蓼跳紫鱗搶黃鳥

浪花高峯尖小江映帶山繚繞六代爭四夷表
大明興羣胡掃鳳來遊龍氣矯漢西京周豐鎬
風蕩蕩民皞皞蠡秦寇烏足道才臣多庸臣少
謀人國寧草草共宜猷匡末造於萬年 皇圖
保

贈葉臺山老師

天佑命微生申養生主萬物賓業不朽文還醇
躬吐握代絲綸休容大搏腕神舉世士皆門人
談屑玉鬚搖銀簪紳侍子孫振敵黃閣列錦茵
范勛卿詩集 卷一 十三

樂以智壽于仁婉姸使韓衆親凌倒景揮流塵
廿四考三五臻

壽陳弗如

揚之野麗角亢復五山岌無疆表東海橫天梁
庶萬有靈百昌鍾大家世吉祥俾爾熾樂未央
抱文德養芝房獵文圃漁書倉行徐徐謙尊光
翩其瑞鳥衣郎珍璫璧材豫章君靜深攝桃康
百骸暢雙瞳方消遙乎無爲場峯山實玉顙漿
都盧劇揚羽商祝大齊快爾慶

四言古

瓶梅對飲詞

向探春矣梅圃芳菲今我病卧春未忘歸梅未
相識如故人違園丁折贈綠瘦紅肥瓶香罇酒
携手依依豪吟神王驅病魔飛

歲乙巳節屈中元乃延諸衲禮懺以資先
慈冥福信口各拈一偈奉酬敢云能暢宗
風聊以小代清供云耳

頑石蘊玉老蚌含珠是漸是頓誰智誰愚如來

范勛卿詩集 卷一

十四

說法如如不動總大導師夢中說夢

右導愚

諸佛聖賢在阿誰邊徇有佛性性無弗圓舍我
求方有至有歇花下摘影水中捉月

右景賢

以手指月指則非月以月見性性亦無闕惟月
之行胡弗畫明質之上人當悟無生

右月亭

心本無生因境而有幻華世界何處看守真空

不滅是家主翁狂瀾走柁墮落頑空

右守虛

靈山行滿自在縱橫作自在想刀山火坑有者
力量不妨放下男大任婚女長任嫁

右休庵

翳亦不障塵亦不緣圓光普滿歸于自然有等
情愚可爲鼻笑坐于井中反而索炤

右天鏡

水性混轉萬感萬應凜爲層水水乃入定躍出

范助卿詩集

卷一

十五

水谷火宅中投和尚智慧呵呵休休

右水谷

一靈虛白漏透大千妙明長寂復藏于玄念頭

一轉黑白分屬白者天宮黑者地獄

右蘊白

大道冥冥允兮若谷纔落色界地獄鬼畜學道
之病鑽穴索空如如凝寂性在其中

右凝谷

一切智水從妙明流發源何處請問潤洲海底

飛沙火中洗脚枯潤自知冷然大噱

右潤洲

海陵道中不寐作。

昔我言邁蒹葭蒼蒼今我遙征木落空霜跡滯
魂寤晝短夜長羣動既息一精往還合眼千里
夷其江山黍離在目丘隴則荒我心匪石云何
弗傷展轉不寐日出高岡

買山清涼山游憇志喜。

伊予夙好養姿林麓如彼倦羽靡思出谷雖乏

范助卿詩集

卷一

十六

山資微尚彌蕙惠微霽丘瞻言相屬峯勢却畧
松風清穆森閣冠嶺直造雲族日月粵華曠朗
心目鍾奇爭售江練如東戶庭懃窈悠然靜肅
我友勝侶共秉清淑載商崇構載騁遐矚亦旣
樂止謂予願足野夫托體洵石與木于焉用聯
媚茲幽獨優游舒嘯爰伸偃蹇

答贈孟山人因以招之

楚水楚山奇產俶詭沐日浴月八石嶢嶢至精
奔放乃生高士稜稜孤骨九疑並峙漪漪文瀾

七澤萬里尸居玄感微言盈耳我歌秋杜嗟肯
至止朝斯夕斯往來神理遂古緬邈其人則邇
大道榛蕪瞻言惟子

瑞麥篇

明明維后穆穆在公崇禎兆先萬福攸同河清
鳳至協應昭融德蒸和氣恩慝祥風餘波所暨
海邦曰通歲在單闕時和年豐道載歡譁人陳
嘉頌叶謹頌伊何來楚芄芄來楚伊何岐穗成
叢在昔仲康嘉禾被寵叶亦有君游美政勒崇
范勸卿詩集卷一 十七
異代同符陳侯載興叶徵兆匪虛登瑞紫穹薦
廟以彘式賜黃封以昭神貺以永垂鴻臚茲景
運日今在東

其二

陳侯政舉嘉麥呈瑞岐穗同穎曷維其二農夫
則喜而三而四含哺而歌伊何之賜匪惟天休
陳侯陳侯

家難後垂諭

緊維海邦厥初含淳曰歲庚午運乃否屯傾城

鼎沸衰稚蒙塵遭家不造適丁茲辰何辜于天
孰敢尤人矢志忠信豺虎卒馴覆巢完卵閔予
倖民亂離省愆畏忝所親今我不戒吉凶同門
伊何貞吉淑慎爾身伊何能淑有脊有倫用柔
居後受益以謙叶遠爾奸慝求其德隣耦居無
競古誼是敦叶敷淡攻苦節嗇惟珍載頌載讀
載獲載酌用挽頽風用戢不逞叶神之聽之福
佑永臻

僑居行

范勸卿詩集卷一 十八
生時不辰巢傾出走我躬不閱逝梁發筍百口
此僑如喪家狗借栖一枝斯顏之厚豈曰無衣
惟此敝垢今我不戒幾于露肘授子之餐惟此
飯糗今我不戒曷以餬口幽情遐適乾坤在手
身自爲家家何不有向山讀書樂哉老叟
從句容過丹陽訪友途中有述

出自白門蒼雲靡靡羣峰售奇迎面而起濯濯
朝雨淨洗塵滓烟束林腰泉鳴澗底幽窅異境
上古伊邇曠無四隣緇流樵子松棚小憩悠然

樂只樵子塞默負擔薪水緇流清肅靜悟茶理
一軟通靈昏妄良已睠懷我友玄契斯旨願言
既邁我心則喜

奉贈蔣同庵母夫人八袞八章

於惟時泰古士崇班卷舒遽霽行藏孔顏仁惠
康屯明哲貞艱臣子同道忠孝相關
我友同庵趨君子林宏才與學家書國琛詠仁
蹈德禔躬洗心君親無負古聖在今
於惟廣陵都會承平鏌利銅山蒼生樂生何意

范勸詩集

卷一

九

季代運更城傾豆分瓜剖奇慘震驚

億萬身家事變物化獨通帝閣羣神勸駕預渡
龍江騎虎得下匪征匪邁展覲儼舍

我友同庵純順嚴慈孝烝有虞經述仲尼懷寸
草心感白雲思循陟陟庇傍萱無遺

母也聖善虞嬪周母克嫺德門夫夫婦婦義方
之訓靡出其右令子名賢孝廉無偶

立誠履信修道源流掌有雙珠爲詒孫謀母也
燕喜天祚碩休板輿稱壽大齊可周

聳秀貞松遐方延眺彌劭介福母賢子肖同儕
親友宣臻照曜跂余仰之斯章匪謬

戒殺偈贈吳師利居士

三界未脫人物惟均環飛蠕動叅會一靈如來
大悲萬物歸仁不履生草况胎卵生有等懵愚
迷其妙明徒有我相不準物情刻他肥已強食
不平物何應死我何應生肉他之肉身他之身
分償輪給劫劫無停迴向猛省殺業驚心請君
自判閻老吞聲我友師利普勸學人勅斷血性

范勸詩集

卷一

三

塞輪迴門各宜諦聽善哉投誠

輓行可吳少司馬十章

濬源維姬吳祀攸崇載綿瓜瓞古巢之東以畊
以漁陰德維隆天錫純嘏篤生我公

皇皇我公闕基丕造式是南邦厥髮甫燥譬彼
神駒乘颺騰蹕膺仕攸躋中外於曜

一十二任推歷星霜四十餘載物濟民康禔躬
矢慎履世安祥磐石 四朝載普其光

諤諤司馬赫赫名臣黼黻 天子于焉攸賓衽

席元元元元攸親臨嶺弗蹟陟峻彌循埋昭韜
光聿保厥身

黨人肆氛宵人具茨載罹閹熾通國詭隨於赫
天朝述陽晉之匪公瞭斯詎履如夷

國步多艱數值陽九龍馭遐升率土瘡首板兮

蕩今亦孔之醜匪公瞭斯詎履毋咎

里患伊何有鬼有域公避其咥載寓南國琴酒

清暇山川蔥鬱以洽賓朋以永朝夕

維公受祉麟趾螽斯我荷公眷弱息畀之女誠

范勛卿詩集

卷一

三

提撕恪恭罔嬉我有嘉倩才德孔滋

我有嘉倩漁古弋今迄于庭闈孝養惟勤胡丁

喪亂公遽凶矜曰歸曰歸誰庇其陰

泰山頽止文星隕止古巢之東典型摧止四朝

碩果騎箕逝兮俾余姻戚涕既隕兮

輓亡五女哀辭十二章

嗟我老夫病痼久矣令女凶終魂飛心死

噫歎五女極妍閨秀承順溫良施教成就

移天從父哲婦名姝合好賢雄純孝舅姑

父今母兮徂長道路支骨別離惻傷寐寤

悵懷鄉哉反故居來噫歎舊里瑤樹先摧

比日遊魚浪波中圻麗質靈芝霜萎殊惜

昭清休令夫也同心不虧四德宜共百齡

千里于歸思親至止一死靈跡噫歎絕此

淒涼天地風冷總惟旅旅慨遊魂羣幼扶歸

鸞鏡先沈曾夢吹曰返魂無計香名不朽

亡未三十痛盡撫棺薤歌一去汎瀾曷乾

泉臺惻怨怯怯嬌癡閔弔刀割哭讀左詩

范勛卿詩集

卷一

三

范助卿詩集卷之二

五言古詩

白狼山范鳳翼異羽著

遊招隱山晚歸

奇探不覺遠言旋日之夕岡阜互周遮
暝色倏先入展轉趨昏澗彌令百憂集
葉響防野心樹禿疑戾立行行道如枳
心馳足不及豈獨登陟疲平地同拾級
大道自履順晝夜通於一夷險夫何心
莫作楊朱泣

范助卿詩集卷之二

時感

四瀆莽東注二曜頻西傾浮名棘刺猴
人心東郭窺田寶歸嶮巖屈賈終沉淪
世事一如此志士徒酸辛昨見戴勝飛
今聞布穀鳴安得金光草食之化元形
脩然凌倒景期羨遙相親

冬日送祝生遊辰沅及永順

玄冬閉天地之子將何之冰堅桃葉渡
霰集三山墜北風嘶堵馬凍柳叫寒鴟
五溪杳何處八千路從茲行者亦以勞
居者情難爲酌酒送君

去勉旃敦令儀

對獨似大司成揚方壺大中丞馬瑤草
世事幻秋雲悠悠定何益閉戶成古處
前賢坐我席其言默可聽其道遠可逆
揚馬相往還常住有真宅俯視頽俗人
蜉蝣趣方迫

舟次阻風

鷁首傍隈隩昏曉累晨夕彌望一氣攢
忽訝天地窄崩雲紛盪劇驚颺倏如割
鳥鵲無完巢林薄莽相圻迅湍劇澎湃
疑有蛟龍厄何津不傾

范助卿詩集卷之二

二

舟何舟能挂席窮陰結旅愁岸旁長泛
宅蘭橈上苔蘚舡窗生蜥蜴絺衣脆淒
其孤身何踟躕奇舛嗟行路榮吝感疇
昔時事一以收欣厭亦何僻麟鳳目爲
妖鼠狐連九陌瓦缶陳廟廷黃鐘徒見
擲惡氛煽海宇陰風動宮掖何時見太
清一朝際無射魍魎盡潛形日月爲重
關風波四望平濟川任所適

贈顧與治

名士號下帷身心安異境真氣悉來宅
熱塵一

以屏閒門何肅肅介性故耿耿家風清白傳帝
里浮華冷澁淡尊神明殖理守貞靜寂機無斷
滅汲古輸修綆玉篇方散帙三絕亦兼領脞言
甫傾蓋穆然若交傲塵尾披玄屑龍淵戢鉛穎
豹霧隱深山大業許文炳

答仲和觀若

白下則三山白狼則五山靈氣互來往浮雲間
其間書來更慰勞愁人心亦閒曰秋以爲期無
嗟良晤艱

范勛卿詩集卷二

述懷

庭前有嘉樹花萼何葳蕤芳華方悅目狂風披
其枝樹巔來好鳥毛色亦何奇迴翔南戢翼矰
繳倏加之美譽招人妒浮榮難久持願言效明
哲歸歟守山茨

送別徐山人

與子結同心遑遑欲何之鴻鵠志冥冥安能依
一枝黃葉下西陸離顏澹秋姿修路被嚴霜班
馬嘶且悲仰視白日黯各各徒歎咨逆旅不我

有勉旃敦令儀

秋日同慈明穆其潛夫諸子集西寺限寺
字二首

悠悠適所懷幽尋寂寞地了了靈府空不設菩
提字雙遣法塵淨何況區中累得大解脫時動
靜亦無二僧律雖復嚴頗許陶公醉寶月懸慧
光鐘梵濕空翠爾時悟幻身身在前朝寺

其二

秋空淨氛霧秋雲正閒恣我心殊悠然聞鐘入
范勛卿詩集卷二

古寺靜香延晝長林光浮冷翠忍草暗以滋天
花自然媚開士暢玄風我侶根復利冷然一笑
中已了西來意談鋒交慧牙寂機生藻思時依
米汁龕駐此顏顏瘁勝境割袈裟夙有終焉志
緬懷南嶽宗寥寥誰復嗣相輪懸片月光明彌
大地于焉發微省色空了不異

李簣谷大廷尉兄惠家山新茗賦謝

二豎欺羸劣僂蹙何時平乳燕語窗幕學人呻
吟聲愁致藥無權獨靜惟燈檠有美貽佳茗披

衣起自烹春芽帶秋氣松濤虛館清酒然霽府
內酌量天地英乃悟賦酒非昏放悲愁生病魔
亦以祛衰爾方敷榮

呂城道中

睡起推蓬牕問是呂城路霜彫錦林半色意淺
深布江南萬卉春挂在深秋樹一片文士腸苦
華破玄素冥契真朴前風花落何處

打魚歌爲靜補作

魚性水爲天靜潛動亦飛與鳥實通靈任公知
范勛卿詩集卷二

五

其微我來坐草閣觀魚良以樂密柳抱作城高
堰環爲郭水中起三洲迂途如縱壑悠然無所
爭嗟此魚力弱庖丁將娛賓罟師遂大索童子
喜欲狂簇擁來雙鶴鶴亦側頸窺與人同一虐
魚初竄深潭漸逼怙無托脫網魂亦離轉向網
中躍朝遊於清冷倏已糜鼎鑊奈何撓物性而
以供大嚼受之以節可主人能受約

竹醉日移竹

臯月氣融鬯綠玉抽新籜密葉蒸良醞臨風自

斟酌顏然醉仙壇移之就山郭涼雨曳迴谿蒼
烟灑長薄蔥蒨秀層厓峴沓響幽壑高節鬱挺
勁素心棲澹泊纖粉轉妍冶初篴乃文弱嫩色
媚瑤卮碎風搖玉鐸青鳳時一吟衆鳥欣有托
結契高陽侶嘯詠良以樂坐愛霜雪姿敦此歲
寒約試將裁短筇遍山行採藥何當化龍時相
將遊碧落

謁露舫祠

茫茫大塊間嶽嶽一女子崇祠肅清高遺像儼
范勛卿詩集卷二

六

如此女生罹不辰烽烟四郊起偷生非所甘委
身道傍死香血灑平蕪玉骨湛秋水孤標白日
寒勁節狂瀾砥高風憬來禪身譽流青史我來
欽貞淑感歎曷能已世間無丈夫顏綱何足齒
夏日輿中

清涼山下路蒼然結冷烟籃筇入幽翳僮僕俱
靜娟草木散靈芬衣幘亦湛鮮是時際炎景白
日不在天乃知山林尊祝融替其權行行坐超
忽塵累詎待捐

暮春病中有述 時江上旬冠擊。

臥病久無豫春風轉蕭蕭花候不相待鶯聲何處嬌風雨連宵緊鶯困花飛盡人自負鶯花春去殊難忍春水漲秦淮沿流盡舫排青童調錦瑟公子挾吳娃樽燈綴千月烽火炤雙闕買歡不解愁醉向青樓歌誰念杞憂人危時一病身寸心橫萬事詎獨爲傷春

追憶景逸蓼洲塵客綿真諸君子

嗟此流俗下黃虞不可作厲志崇令儀弱植慚

范勛卿詩集

卷二

七

虛薄眷然念亾友言笑宛如昨奸慝據台司仁賢糜鼎鑊莊生病爲犧禍衡死於鶚大運已馳詎忍尋真樂仰希達人軌俯謝浮名縛無用同散樗息影還冲漠

遊西園

伊昔范野人養幽甘澹泊惟茲數畝園陳設稱貧約藿食隨意飽薜衣量形着服餌斷靈苓製冠收剝籜飯罷輟名泉佳薜親自淪有時命巾車有時行帶索雙遣心跡累冲今遊大漠

予避亂客久歸苦無家三言胡京孺先生見其敗垣頽屋擁書憩息其間同一感歎有作

我本覆巢鳥投林無可依穹窿結我宇雲霞寧我幃幻世盡蘧盧拮据母乃非所以謝營構無爲識者譏我友胡夫子家瘠道乃肥頽屋三兩間靜寄掩其扉著苦撐破屋風雨無時晞猥俗侈甲第高賢生計微四壁不能立譬則寒無衣顧我更荒落露處不成歸頃來問奇字相對徒

范勛卿詩集

卷二

八

獻秋造物任舛錯濁酒須頻揮

薄遊篇

陳氏于彭紫微園側觀荷作也呈完樸王函弱水諸君子

薄遊遵名園移酌臨華池香霧紛流靡雲萼何葳蕤迎風態容與承露光陸離密葉戲浮鷺纖柯升靈龜津頭峰影亂匣裏劍芒披秋衣贈楚客晚唱思吳姬鶯鶯恣采摘甘芬沁心脾沈疴爲之滌玄液忽以滋韶景輕拋擲鮮妍寧久持轉盼薦秋節西風吹殺之謠言共延賞買芳應及時我歌淶水曲君賡白苧詞切藕充玉鑑捧

葉勝理厄百年亦歛忽停酒將須誰

雄阜之北水涸不可以舟行人窮感會大

雪撲紅窗可喜遂同諸子紀事時甲戌孟

冬

冬五苦丁役衝寒殊未休長河若流池不凍亦

膠舟日行祇數弓僵臥搜牢愁長年計無措爲

言聊夷猶儼寒少豫悅卷幔抒吟聆北風何械

械同雲何油油瑶林交宿莽玉界塲平疇荒寒

厲神魄徒侶同一幽梅英酒棋局玉乳浮茗甌

范勛卿詩集卷二

九

清絕殊不勝命酒發長謳

讀顧去非詩遂效其體述懷

日維庚午歲百六尼天行我生丁不辰氛慝胡

縱橫此離喪其家履險心自平日用何所有空

釜折足鐻夕寢何所藉瓦枕及桃笙任運樂貧

歎安事慕浮榮桃李數開謝竹栢保其貞窮通

理固齊匪要達者名

賣兒行 淮上書所見也

秧苗滿丘塍旱魃苦爲厲鋤禾復種豆蝗蝻四

野蔽嗟此下農夫曷以爲生計夫婦已仳傭一

身還虞贅骨肉不相附命爲口所制負得一村

兒乍可入九歲爺身如鮒魚殘沐何從繼兒身

如縣庖貼體以待斃自分且死別何如早生離

相倚終偕亾割一或兩濟兒癡初不省背上猶

吟嚙得直纔數緒人賤不如斲刻肉以醫瘡何

異將兒噉新主席兒頂癡兒牽命袂賣者向西

號買者向東曳去去累如脫稍遠屢迴睇腸斷

不可忍至此奈何勢死別只一瞋生別痛如劇

范勛卿詩集卷二

十

猶計賣兒錢半以償官稅傷哉此窮民何繇訴

暑雨

昨日苦炎熱火雲壓蕪城今歸向京口昨雨如

盆傾何緣雨乍歇如昨蕪城熱端居作雨想涼

風忽搔屑不次山雨來炎塵淨綠苔酒坐一以

適理詠方悠哉

江潯

暝色尼輕舸弭擢江之潯天吳泣暗泉山鬼嘯

寒雨躡步沿回谿江雲澹客與分席坐漁磯萬
象恣吾取緬懷任公釣閒索罟師語

書堪輿熊仲璫遊海上冊子

是山皆可遊是山皆可埋古來陵寢地而今安
在哉山川不能語此謎胡能猜至人通坤靈醇
樸佳城閒不見熊仲璫隻手探三才斯人殆難
遇紫氣方東來

李太素姊夫來會金陵有述

自我不見君子今三年矣忽爾渡江來蕭瑟秋

范勛卿詩集

卷二

十一

風裏瞥然遶君顏將無夢中是哽咽難致詞目
瞪口爲哆盤桓屢晨夕情話更端起示我見懷
詩百篇殊不止自遭離亂日玉與石同毀我尤
櫻兒鋒身危若卵累賊方求我急孤踪故宜詭
偵之不可得人皆謂已死蜚語出羣奸何堪入
君耳我來江以南散懷山與水積悴雖漸平離
緒紛難理相依四十年無異唇與齒誰無骨肉
親寧似我與爾一旦割天涯誰能復遣此所以
牽君懷况又悲我姊薈薈萬縷愁怨歌曷能已

令人讀未竟不覺悲兼喜苦趣進詩格喜君得
其旨呼酒酬君詩忘却吾土美

贈錢五長來白門

五長儒上才伉爽故可喜觀古窮修途味道咀
玄旨奇思既淵放高躅亦嶽峙總轡駟上駟懷
鉛燦文綺有時激中腸撫劒勃然起鵬路猶未
長天終篤吾子

雨中登燕子磯此凡三度

吾生山水癖沉痾不可醫他山分猶淺此際頻

范勛卿詩集

卷二

十二

相期是時薦秋末客心何淒其自顧容髮改山
色長如斯羣峭互酬對昏曉爭靈奇一峯忽飛
動凸入江之湄冥濛沒估帆天水相與馳巖楡
搖空蒼霜葉紛離披入境各無恙不醉將須誰
金山次美觀若壁間韻

山氣凜霜候山容何肅穆鰲簪插中流列嶂還
相屬絕巘望扶桑奇采散初旭宿海傾東南一
噴變陵谷高卑互吐吞浪起山亦伏怒濤勢方
驕怪石故相觸久歷風波中世態亦云熟放情

天地外得全同散木長嘯振靈襟匪直娛吾目
錢密緯家山奇勝予雪後同水公往登有
作。

百靈集真宅衆幽無遁情雪嶽引高步冷懷易
相傾迂徐轉螺逕孤曼隣太清羣峭刺眉目面
面來相迎虧蔽鬱終古同售意斯平寒林待空
碧未碍沍雲聲茗飲滌凡慮微言關至精幸托
羊求侶共結元卿盟

阻風

范助卿詩集卷二

法

遭亂久化儺僑居江以南五年復吾土百感憂
如悵無家可卒歲遠遊志所耽載鼓金陵權流
寓窮猶甘狂飈吹怒浪凍雨挂遙嵐推蓬騁遐
矚咫尺隔龍潭婦子望予至郵籤計畧探是時
薦冬杪旅懷良不堪篝燈不成寐起坐披琅函
我友精名理占風恣玄談猶賴尊不虛與子展
情酣

同王孫罕小舟放生遂訪夢叟清泌軒見
案頭攤尊生諸牒而壁掛鸞書一幅居然

仙境不遠對酒抽毫予得曙字

清晝澹無營散髮獨箕踞幽抱發深憬心口默
相語偈又答箸中曷以舒閒豫睠懷牆東叟晤
言浣煩慮乃乘放生舟戾止尊生處藤陰風瑟瑟
竹窗雲絮絮紫書方散帙青鸞亦在御冥心
綜玄理忽開千古曙丹若媚孤尊勝賞良以飫
一笑展雙眉爲遣牢愁去

挽杜麓阮先生

夫子敦令儀柔謙殆不勝含弘眇減否清夷愴
范助卿詩集卷二

法

無競樂方仍盡善宴娛多良朋奄逝乃單伴寂
絕將焉憑一靈賓虛無南面樂匪矜漆燈欺短
景地下有升恒

其二

引撥出郊垌哀步間丁丁延頸見羣鳥求友嚶
其聲而我匪舊餞一訣傷平生陰雲擁轉袂寒
飈吹旆旌墳宵劇長寢瓦鷄何時鳴去去隔泉
路怛絕難爲情

其三

顏陽下崦嵫朝來復東起嚴霜剝榮木春入還
綺靡之人遠長賁一往何遮止至人寧但化形
殼固可委莊生棺天地崔子遺鄉里適去載營
魂反真慰吾子

其四

鼎鼎羣生內獨覺少斯人白日擲天外玄虛竟
不晨逝者一如此存者多倖民地下憂可埋地
上迹已陳心交倏云故故念日彌新惴惴如可
贖人願百其身

范勛卿詩集

卷二

十五

其五

老子炯明訓柔弱生之徒斯人雋上才溫文養
其素叶天胡不憖遺蹙迫歸靈墟大運有時傾
彭錢今焉如人生多中摧及衰亦以餘如醉忘
其身亦復求醒歟叶賢子大孝備至性如孩初
况復千古壽親良已周叶吾徒近婦人靈兮
方軒渠

贈陳公車

及爾同里閑亦僅耳其名以此欽公車超然遭

物情匪伊秉孤尚而能駢其嬰養傭樂幽豁水
木湛靈英殷淡咀道腴汲古陶至精讀君西漢
草泠泠爲商聲雲霞無陳色冰雪厲清貞凌高
準上世季俗奚足程立言根靜篤可以尊其生
維余媿頑闇奏雅無一成晚乃得良朋欣結千
秋盟

蘆悲詩

胡馬望北風海鳥懷南歸物猶愛所近蘆中能
不悲豈無骨穴親我獨苦生離非兵亦非燹焚

范勛卿詩集

卷二

十六

掠靡有遺播越將十載東望徒漣洏蠻貊感忠
信古訓欺我爲同袍夙同患棄我將焉之自省
有慚德安居安所宜家滅身未死何入不自怡

周江左以近作見示賦贈

江左振香名不襲夸浮態琬琰以爲心蕙蘭紉
作佩摯力希雋聲淵襟發靈槩先民亦有言斯
人足玄對

范勛卿詩集卷之二

范助卿詩集卷之三

白狼山范鳳翼異羽著

五言古詩

贈姜開先

梓樛何磔磔託根窮巖砥大塊飽粹華萬靈互
栖止翺鳳遊其巔祥靈戲其趾巨幹自天挺凡
材安可擬間氣開開先賦才抑何駭叶胸懷日
月盈弓隄風雲起性超既令上詰造奏冥理經
綸會乃全妙技各可喜媿我阻淵放味君咀玄
范助卿詩集卷之三

古

送薛千仞先生還甬東

南禺有威鳳覽輝炫異采未能儀帝廷翱翔遊
四海羽族紛相從鵬飛詎能逮瓊枝不可得鳳
今時或餒試將返丹穴銜圖睽有待

其二

天馬精權奇千里志超歷知已終惠養橫行亮
無敵汗血服鹽車伯樂苦難覩世路矧不平垂
首厭羈勒故山齒細草何必非所適猶恐千黃

金索駿向阜壘

其三

龍威竊禹書大文洩天地微脉寢以衰斯人蘊
厥祕獨立貴不朽榮名尊素位矯俗任其難大
雅堅樹幟以茲甘兀傲耻投繯生刺鼻壽儼神
明憲老允國瑞

其四

炎鷲扇南陸出門良苦辛息陬可養幽采山可
療貧如何甘埃鬱千里事長征懷歸豈顧留別
范助卿詩集卷之三

二

恨方填膺况我侍夫子大道奉儀型去去日以
遠夢幻胡能親祝輟停瞬時結念回其輪牽袂
空躊躇喟焉傷管魂叶送子不相離願為影與
形

久雨乍晴予病初起客自少卿同予有志
三茅之遊

風雨亦自厭無射還太清曉峰一以寤天地開
靈英旭采熠起色足偕目力輕猶疑太朗曠恐
傷幽宵情懸知與秘區終然陰霽并奇賞入玄

幻期雨如期晴維予矜勝具山靈遙相迎亦已
選徒侶採藥華陽行

客居京口秋日偶羈廣陵作

山者秋之骨無山秋不清置身秋山中高士得
其情水者月之魄無水月不妍澄懷水月邊曠
士遊于天自我族京口名勝落吾手豈意廣陵
秋曾不如京口平山無片石邗水多滓垢無處
可置秋秋向江南走予性慙高曠畏落秋之後
試將鼓柁還尋秋三山間

范勛卿詩集卷三

三

贈竹 鳴鳩軒後

伊誰能種竹偏于六月中見者皆竊笑將無攄
苗同豈知此君性虛中無炎涼歲寒不能奪暑
氛夫何傷深根孕元化縹箭仰雲射苞脫青琅
玕蟲籜高相亞異哉厥惟竹非草亦非木草木
淹歲月迅發竹所獨况復出初移末乃豐于本
菰植竟懸殊此理非所付區吳聲作珮豳水枝
垂釣畱月爲傳神引風自舒笑我酒葉可醖我
冠籜可裁窈蔚萋蒨中虛聲曳秋來掃雲兼掃

愁此君無失職與我共性情永好侍我側

採筍詩東介公

浮艷俗人眼濃肥俗人腸眼俗可滌除腸俗醫
無方昔我故鄉時竹塢寬數畝伐樹拓橋行不
礙人所取今我旅食貧嘉蔬更足珍竹萌乍沾
脂靈液何津津師住碧鮮邊就劇尤鮮妍我亦
需筐筍未語先垂涎頃復嬰痼久三旬不食酒
杖頭餘筍貲師分禪悅否

舟次讀史謬爲彈射聊抒鄙意

范勛卿詩集卷三

四

平原一庸夫結客學孟嘗數千客安在四十萬
已亾惜哉美人頭而爲覽者償毛生良獨賢自
贊處于囊一手按吳鉤十步切楚王爲楚非爲
趙囊底智乃彰從定許衆人各各徒徬徨勝乎
見何晚夫士安可量碌碌李侯子巾幗靡寸長
楚魏救不至暴秦疇能當翻仗夫人兵幾致邯
鄲殃虞卿矢其謀揣情亦以詳孰是秦制媾能
轉弱爲強魏齊曾足較去去困于梁窮愁著春
秋千歲名未央

其三

田文謬自喜門下三千人大半市井兒歸君以
貧身區區爭一飯殺身亦何益生或重九鼎匹
夫詎足惜士爲知己死俗子徒感恩曾得幾斛
粟自刎于宮門以身盟不反彼昏良足哀相魏
破齊者非反而何哉彈缺作家計客亦胡不廉
虛券焉足焚牛酒徒自歎雌雄兩箇字挾秦而
詐齊將交比趨市古道棄如泥結客誠復佳鼠
輩何足齒得之未必昌失之善爲毀聊復事羈
范勛卿詩集卷三 五

其三

我愛信陵君英風動千秋知人抱絕識折節靡
弗周執轡虛左車侯生坐上頭久立市屠中公
子意誠不從騎皆竊罵顏色恭且柔將相滿高
堂侯生禮獨優酒酣起爲壽一言以相酬欲就
長者名小人何所求朱亥隱屠間賢者宜見收

鄧鄲忽告急羸乃展其籌如姬不惜死感君報
若仇贈君十萬師竊符可自繇鼓力發慷慨公
子勿復憂椎可奪晉鄙兵可全并州功成轉盼
間羸志亦以酬自刎送公子老身將焉留一客
矢寒謬竊爲公子羞于趙多得色于魏詎忠猷
退讓却五城自責還自修朝同毛公驩暮從薛
公遊所傾兩人賢平原不足侔魏史亟相迎王
也或見尤衆客共爲諛公子行且休博徒賣漿
叟趨駕無夷猶宗廟將見夷何以示諸侯爰反
范勛卿詩集卷三 六

大梁駕掛印陳魏身將五國兵報魏如報鳩
蒙驚望風走逐北拒雍州兵法重竹帛大業炤
金甌毀言一朝售兵柄忽已收飲醇樂長夜美
人奉衾禍聊復銷壯心死豈爲風流田文多俗
客趙勝無良謀黃歇血棘門疇則公子儔漢皇
勤俎豆英雄風所投

月下探梅贈周生

黍谷蘇微陽冰霜氣閉之荒林命縮根僵梅花
迸枝高人標冷韻靜女呈芳姿密蕾暗生香杳

枵古而奇孤格清向君月寫空階時

夢歸

羈途已四載酒醒思無涯排悶聊復醉隱几夢
還家精感無山川一吸千里賒時危方且贊安
得守蒿蔴奇情散湖海勾想寄烟霞津源如可
問退險曾足嗟

朱孝廉摩詰招同張孝廉玉橫夜飲賦謝

秋霽天宇濶曠朗開奇懷故人敦風好招我醉
高齋德煖氣如春月亦下雲階古歡延夜月料
范助卿詩集卷三

七

酒有名娃從伶齊奏肉一一商聲諧客子久荒
落此會何其佳清斟止復興玉釵暢百骸感君
意勤拳銜心殊未涯

立冬前二日遊清涼山

秋盡清涼山春偷楓樹林化工工繪事布色有
淺深朱殷若丹砂黃嫩疑鎔金乍似狡姿舞
席翻紅襟復如相思靨微瘁嬌不禁葉葉勝于
花誤認來歸禽纖柯欺老幹無俟霜風臨斜陽
烘冷艷流霞媚清斟乃知太素鄉自蘊文人心

菁華日森憐終古詎銷沉

奴子盜酒作詩申禁

伊予養幽姿伯倫有同嗜量不勝蕉葉興至如
渴驥秣田無百畝不了麴孽事釀成付奚奴斟
酌乃重寄庸謂大貪饕巧竊有餘智客至陶永
夕因之爲奸利開尊飲未半緬顏已告匱賓主
期合歡若輩已酣睡屢呼不能前頻唐執壺侍
公然哆口笑頰頰如獻媚酒條故自嚴此盜法
宜置干禁投甕中令奴皆骨醉

范助卿詩集

卷三

八

月望雨中携酒訪慈明先生作

秋從前夜分魄是今宵望黦窈埋秋光襟抱填
倉兄我欲扣重閤罡風不可向安得搏腕術而
俾幽鬱暢取月周生懷挂之南樓上醉拍嫦娥
肩霓裳度高唱寂寂念儔侶衝泥一相訪斗酒
雖復薄情親庶能諒疑義破玄古小夫嗤庸妄
黃唐未足師微言期獨翔夜靜酒方酣叫絕何
慨慷狂干真宰怒風雷忽排宕

同蒼雪扈莊齋會淨業庵

神那出迎客威儀亦何整入門悟勝因心無生
因境詩魂領枯起托體山與靜所與我周旋從
前怪我影息迹來空林漠然發深省落葉辭寒
巖凍雲補虧嶺好鳥一聲幽同人萬慮屏回向
歸圓成閭浮悲缺筭

舟行書事

晝夜行十舍客子心猶急船底如雷吼跳波濺
床濕長白接遙天元氣相噬吸逆舫千禿柳疑
受衆僧排雖復快乘風犯險時悒悒魏彼沙際
范勛卿詩集卷三
鳥得意銜魚立

輓錢密緯與潘木公相繼下世

密緯振風雅著書動盈帙豪握錢塘穹韻鏗湘
浦瑟賦性朴含腴淵綜華載實簡束何乃勤久
要永無失騁轡追潘郎生死趣惟一二子曷云
亾愴予日銜恤

夏日避暑清涼山房同史弱翁賦

山隕祛煩暑靜愛青松林幽蒨藏冥理鮮風吹
我襟清音出靈籟若撫無絃琴涼燠匪因境靜

躁根其心歲寒有貞性炎景何能侵玄契屬我
侶有酒聊復斟君歌白苧詞我廣梁甫吟散懷
天地外人世空浮沉

遠歸見園中早梅喜賦

入門已冬季寒避園梅早花亦知予歸聚笑粲
然好主人翻似客乘雪山陰道相對如高人幽
香各自保

七月一日程德懋招同林茂之李芳生過

其家嗣融公禪栖處是名西方庵同賦國

范勛卿詩集

卷三

字

舊京盛繁華東南簇如織烟霞避惜濃盡走西
以北竊與菁林中興大竟回惑失道誰指迷逢
僧問始得翠微結靈宇山帶若橫闕鳥見人不
飛老衲乃潛匿故知靜者心畏侍塵容側融公
下廬雲證悟頗奇特出世不違親于焉徵道力
法眷憺無情草木同生植阿爺招子來同人皆
寒默竹林坐瀟灑機鋒倏相逼載餐禪悅味俗
腸淨如拭是時七月交先領清秋色躡峯恣遐

覽澄江練一幅雖當晴霽時不聞風雨息况復
半晴霽幽幻安可測以茲殊勝區充矣成道域
閑予荒浪久回頭亦云亟願遠城市矰長住衆
香國

丙子中秋前二日携酒錢過汪遺民托園
邀同薛千仞黃海鶴程德懋周安期林茂
之經行一李芳生小集同賦

玉宇何澄鮮金風倍蕭瑟結想眷同心杖頭寧
足惜園主代置庖而我反爲客忘形撰飲徒理
范助卿詩集卷三十一
韻鳩詞伯承露沃靈襟愛月竟佳夕傾樽體至
玄懷鉛繪虛碧轉盼及觀濤延賞有餘懌

過句曲崇明寺作

勝地標靈區聞自齊梁始少日因名場負笈來
栖止寂機發藻思空觀生妙理謬以下駟才側
名天下士竊位歷三朝屢蹶亦屢起不敢累明
主辭榮如脫屣贏得一間身縱適佳山水烟雨
烏藤外蒼翠青鞋底行行指三茅亦復重經此
旅舍沒舊基主僧竟已矣世界等浮漚勾生安

足恃

讀錢集之遺稿有述爲密緯家嗣早世故
足悲也

靈英故不腐一日延千秋出水荷自媚凌雲氣
未收人間綠淨濟天上白玉樓彭殤理固齊絕
俗騁天遊文章世其家兒死願亦酬

秋日渡京口江中望宋又生焦山海門庵
讀書處述懷

江頭秋漸高風色亦何陡峭帆側掌行割浪如

范助卿詩集卷三十一

刀口驚濤方怒飛羣嶸皆逆走放身天地外浮
刃則何有所以曠士懷無心任芻狗我非安蹇
劣世道付我友我友濟川才鵬路培風厚望望
海門庵奇光射牛斗

王鞠劬侍御同陳友荀胡止水過飲小齋
時雨甚聽歌鞠劬以詩見示次韻答贈

金飈掃殘暑驅雨故乃驟灑灑竹浮涼蔭蔭石
如漱同人皆靜者奇情不可究挾秘于真宰靈
怪語謦雷震霆欲排宕平之以清奏昏黑興逾

濃適然入酣候

征途

歲晚疲征途，籃輿載歸夢。野風吹又醒，明月勞相送。荒村燈火微，遠寺鐘聲動。投宿僧寮中，所欣酒盈甕。

贈經行一

晚季俗猥鄙，小夫踰如蝟。舉世小丈夫，有肉若無氣。之子貧乃俠，襟期失豪貴。四海作雞壇，千金拚酒費。醉瀋日淋漓，詞腴饒雋味。甫及知非，范勛卿詩集卷三

年長歡曷云旣

寒夜登露臺看月

冬夜凜荒寒，萬象一以歇。靈光破杳冥，誰出懷中月。登臺一問之，奇情倏超忽。鍾峯劃空蒼，遠松鑑如髮。肅然警遊思，真宰儼對越。

愛女

太公有明訓，女多費無存。陳蕃亦有言，盜遠五女門。我女適已六，屢空安可論。室子尚餘一，令德良以溫。適人容我適，家犬奚以奔。

登攝山絕頂得入韻

登峯氣矜奮，躡磴盤崖策。杖振高躅，手足通勞逸。石蘚被文茵，松風奏瑤瑟。三休相戒途，烟霞置郵驛。行行遂忘疲，意緩步逾疾。一蹶造危巔，俯視亂雲日。羣峭各心降，萬靈效奔軼。茲遊凌大荒，夙願庶已畢。

山中次阮勛卿圓海韻

向夕凌高臺，嶽崎仍躡步。亭亭石上松，灑潤若團露。灑氣森空蒼，冥心忽開悟。玄覽憶前蹤，物范勛卿詩集卷三

象變已屢以，茲騁遐矚。雲外擲芒屨，回首下山

椒林昏倏先暮

又次陳太史雪灘韻

岬嶂躋巘首，超忽凌霞外。剗剗奏靈響，煜煜曳山帶。測理靡凡慮，觀幻匪一態。極眺窮鵬路，乃覩天宇大。峻峯薄叢霄，豈伊受雲蓋。身世入虛無，真宰儼來會。

山茨解嘲有引

余里亦有北山，因以山茨名。社今流寓

白下八載於茲每優游鍾山之麓尋彥

倫舊隱林壑無恙基界猶存慨當時辭

猿鶴而赴鷓鴣乃不保一朝隱操致遺

千載之譏爲之三嘆不佞自顧早歲解

組雖謝不才而

明主未棄 三命堅辭誓守山茨共於彥倫出

處有異因作山茨解嘲詩付山靈一笑

束髮春山樊乘素樂蕭曠壯歲擲浮榮冥棲敦

夙尚赴隴壘 綸音終不易情向猿鶴堅我盟

范助卿詩集

卷三

五

松桂保無恙二疏雖曰賢遲暮歸林養豈希沮

溺貞亦匪鴟夷放觀爰理有徵味道衷爲亮周

子當世豪持操亦何妄寧甘列壑譏趨華走俗

狀矢志苟不移興言百骸暢

范助卿詩集卷之三終

范助卿詩集卷之三

白狼山范鳳翼異羽著

五言古詩

玉璽性延兩僧爭界牆大闢予爲喻解而示以詩

性地無中邊縱橫不可量真心有常住超然自玄暢山河琉璃椀瑩然靡外障國土彌戾車成毀逐流浪衆生其間聚沫隨風颺癡業據微塵妄生彼此相只尺不相假貪嗔太無狀熾然

范助卿詩集

卷三

六

惡又聚自塞光明藏聆我平等言應須洞昭贖否者疑謗生與爾三十杖

邏卒行

廣陵之東南遼瀾通泰境延袤四百里深汲苦短綆海賊旣出沒鹽徒乃悍獷因民往來途時爲之梗兵使熊公來設法嚴且整挑兵明斥埃一舍一舫艦聲勢互震聾連絡背與頸奸宄寢共謀上下幸無警豈料邇年來邏卒翻不逞禦盜以爲盜莫敢嬰鋒穎賊賊猶畏人兵賊誰

加省此輩承平時尚爾擾鄉井驅以却妖氛叛
亂何能靖不見姚令言官軍變俄頃綱紀日陵
替難爲縣官請四海半民賊苛政亦何猛邏卒
固有辭豈不愛首領

陳于彭翠微園予所習遊今諸子復飲其
中而予未與及見湯襲明紀遊五十韻心
其艷之遂倚和以當一往

春陰泥遊踪元已愜新霽傲兀坐衡宇緬企稽
亭榭有美饒勝况命侶方外契康樂組鴻藻夢
范勛卿詩集 卷三

破曉靈慧希夷含道腴匪云工一稅徐卿拓落
儔錢郎亦快婿襲明文章伯湯家緊難弟意超
趣無違誼敦交自締薄言恣浮豫載伎何曼麗
芙蓉開暈靨秋水溜回睇丰神肖宓妃胡然而
天帝長河凌晶森朔風吹鼓枻遙岑碧雲合平
楚蒼烟曳酒船作巨觴沿流泛無際稍涉林中
賞條與垢氛離負郭多名園十處九還閉俗子
嬰塵晉伊誰問幽桂欣茲敞翠微徜徉且休憩
琅竿羅前筆珍錯紛相繼歡譁黜形殼玄談空

流例司寇暨司馬逼近此開第賢胤廣孝思肯
構光先制披莽營舫齋疏穢累文砌周遭十畝
間取境極迢遶篠林玉鐸鳴烏唱疑珠綴案上
課農書深明從變齊檐柯盡杈牙庭蔓半連蒂
春老花解愁法露若隕涕沼淨逗泉脉軒成面
峰勢大石儼巖磊羣嶸互拱銳華裊駁薛鋪錦
握纖蘿製嵌窟挺孤松層厓被芳蕙俯澗浣溜
容髯星點澄潯凭虛一曠望迅羽俄扶背高霞
故可捫頽景還堪繫清樾覆如蓋垂柳低似篲
范勛卿詩集 卷三

燕語吐 馥蟲行仰枝細蠕動各有適愚人溺
生計得失莽無常榮吝幻光通不有杯中物云
何豁幽滯美人將進酒亭亭揚素袂倦態轉妍
冶半歌螺子髻停歌理柔思屬意屢傍晚座客
多情癡狂興劇揚厲歸棹發清吟散懷良洩洩
攬穎入新篇夫君洵罕儷維予苦羈縻佳會乃
相戾幽抱托短毫爲惜韶年逝捐擗煩城中何
異蠅與蝸仰希永和人恨不當吾世

王宛委索贈粵西伍明英

明英偶儻士黃石兼青囊乃以百粵身而遊於
越鄉孤情一洒落萬里輕雲裝秀山陰道探
奇禹穴藏景略佐世才眼底無留良識君塵埃
中雞壇願終償今日南枝鳥他年鵬路長

贈保翁

憑生驚浮幻半逐秋蓬槁至人塞其兌夫惟齋
所實事業付兒曹舍飴孫在抱逍遙百歲期芝
桂足防老立德日以劭散懷日以好五山山之
幽何必遊三島誰則保天年保翁能自保

范助卿詩集

卷三

七

贈錢博羅

我愛博羅子身學爲包蒙行不愧衾影心可質
蒼穹赴義每若渴積累多陰功公叔慨澆俗萬
石敦醇風相對一披豁吐咳皆名通當其領略
處慧眼能觀空常聞仁者壽一語了叅同以我
觀博羅慈恕宅其中頃來復志學學講德亦崇
千聖沿薪傳萬古無初終努力事不朽人代空
飛蓬百年亦始半期美遙相逢

恒月篇壽宋母

圓靈耀玄夜與天作眼目纖阿躍嵒中鏡精藏
沕穆騫樹無彫落顧兔在其腹上弦融玉宇光
盈滌幽隩厥德通地維降神及華族文申入懷
中誕生著賢淑萬古凝柔祗闔秀膺遐福皓魄
灼秋閨桂子方騰馥

廣陵舟中一夕忽夢王夢叟因就枕上集
句

入門各自媚出戶獨徬徨天霜木葉下愁多知
夜長仙人王子喬寤寐見容光脉脉不得語宛

范助卿詩集

卷三

二

在水中中央

將遊虎林道經虎丘之作

已負惠山約又見吳門山聘望目亦疲况乃身
躋攀眷言好風日愛此楓林閒吳江易隕落安
待於越還行矣虎丘月好在虎林間

夜遊虎丘

茲山本平淺因夜乃玄邃漠然刊衆象冲今只
一氣緬憶昔年遊三五月委地絲竹肉齊奏浩
蕩移吾志頃來值晦暝歌喉與之闕暗付耳目

外一切領山意同人共幽賞奴子挈壺至爲言
且秉燭投奇勿造次摩挲辨舊碣爰觀魯公字
劍池龍氣腥鶴澗雲光漬裂崖愁五丁石力何
巖傾伯業已灰沈處士風流墜捉筆小題詩聊
以紀時事

避亂京口答袁九際寄懷和其韻

來往三山間烟棹同僧渡回首白狼墟何異惡
叉聚撒手熱惱場脫然披雲霧雖復噓蚊雷終
遠亡羊路世匪棄君平物外贈之趣我友存羈
范勛卿詩集卷三
人高誼亦何具借問行者苦形骸減如塑猶自
標遐情裁雲探冷句

影園爲鄭超宗作

疑出懷中月盡攝山河影息跡空明中塵機條
以靜千秋皆影事如君已全領

祝張啓明七十

承運經紀律神靈符祥瑞麟次引遐景虬潛陰
節媚隱顯有定分高尚殊無媿美哉張啓明耕
禮而種義江湖澹宕人榮名尊素位索居良獨

古民心歸平易樸性坦冲襟表實全去僞菽水
仰事篤棠棣孔懷至姻睦如醇醴惠澤感餘賜
寬中無罅裸遺風多典施屢世皆蓄德授教一
經肄孫雪并江葩少有凌雲志中歲課子孫科
名先已試忘貴已可適遣欲身無累南榮越寡
營中條果遺嗣虛化抱幽蘊默記竊玄視應卜
歷年多請觀靜者意朱實佐仙糧王溼有同嗜
貞木拂嚴霜嘉菊宜霜醉純孝供大齊松喬當
不啻野夫奏長誥祝壽聊覃思

范勛卿詩集

卷三

三

贈袁士程

志士凜晨夕德崇與年進惟君自寵珍疊疊寡
旁狗餘藻散章光狼五相輝映應物任坦易幽
獨翼勤慎壯心騁長轡吏才表三晉名遂賦歸
來厥施猶未竟蘭玉森庭階佇可觀鵬奮陳詞
豈外獎倚玉有同慶予惟共樗散遐筭各相信
勺酒爲君筭永言襲餘蔭

賀姜荆璆暨成夫人雙壽

占有太岳裔賜履傳東至開國盛諸侯具後多

三事越茲千餘年勲華豈軒輊散處在名封海
上分球璣爰及 神廟中我公標赤幟弱齡具
岐嶷嘉譽廣騰鶩南宮領上第門閭走龍駟初
服典版籍丹愷行出使果桃及菜茹冰壺盡遺
棄特命主封藏贏餘無所視司農著鴻績股肱
從此寄三衢西泠間琴尊移薜荔是時璫燄煩
方正皆顛領節義廣流聞匪類胡詆諆直道既
難容驅車攬歸轡世路已清夷猶堅海嶽志淑
儷明良懷欣賞延古意當其服官時荆簪雜鷩
范勛卿詩集卷三

帔抗烈往名媛清白交相詒近年在林薄携手
攀山翠春日行田疇農歌若游吹江山發容華
紅顏歲月具夫人治酒漿白社客常醉太傅四
十餘尚未垂綠緌寇盜正縱橫隆中感訂壘久
厭承明廬手詔行相遺况有諸何荀長幼咸令
嗣王覽留寶刀百世珮餘瑞島嶼在吾鄉芝苓
公所嗜蒼珩與碧珈松喬媿文被

冒嵩少夫婦六十壽

上皇人百代天地作經緯永劫紀民生生理敦

元氣保德膺天錫樹善爲福根人仙性相於少
室馭崑崙騁車通鶴關雲姿鍾雉里品骨本非
凡三伐洗毛髓農黃至化道佛祖大乘禪悟入
合因依沕穆億萬年遺俗翼正靈丹經密幽討
抱懷茹終古真精後夫老文心高傍日韻筆掃
千秋優游澹愉悅不極逸園遊撫寧遍遐荒忠
孝表朝野今終傾有淑永言載純嘏乾體延濬
哲坤元永懿賢鳳雛克厥緒餐膳採蘭鮮家慶
適咸亨弗祿爾康矣衡畧任鱗次金石壽同比
范勛卿詩集卷三

羽蓋珠旂擁八瓊璇璣時麟脯鳳腦薦雲娘鳥
使隨雙進長春酒百歲豈遐期鹿門靡足數金
木正齊眉

祝李羽中六十

浮生如朝菌天地亦一馬愚人攫其寧誰是全
真者羽中有超性俗塵等飄瓦潛德振風裁詎
落元禮下毫彩夢生花太白同瀟洒懸弧仲春
時芳景臨風寫南山五芙蓉桃李兼盈把願決
東海波爲君添壽年

答贈石夫孝廉宗任孫

靈根幹本殊醴源泉自馥之子挺奇姿偉亮振
吾族弱冠播時譽持躬亦何淑摘藻粲天葩雲
路擲高躅弗以衣帶阻芳訊煩敦睦燁燁展華
章瓊枝宛在目願言珍令儀待爲霖雨卜軫念
切時艱先業與子續

愁霖詞已丑仲夏末有感而作也

雄雉滿芳郊麥秀何殷盛雨若有節時禾黍方
餘慶凌亂落天河愁霖令心恟莊云十日雨殆
范助卿詩集

卷三

五

五

矣子桑病洪濤豈荷鋤田農立陷穽嗟民其魚
乎漁夫乃萬姓五穀安在哉漂麥聽司命天高
遠帝庭曷以申面諍老叟空長慨憂時題短詠
輓錢澹如

澹如敦令儀臧否惟含衷溫文若孩初盡善德
兼崇不獨仁乃壽更以悟觀空彭篴今何在反
真同崆峒誰忍遽奄逝陽顏不復東轉袂遮嚴
霜旆旌同飛蓬生者皆中摧死者多樂方叶天
上神已昇地下憂已瘳百其身何益玄論隨長

風

贈邵石生

蘭陰雋上士客遊鳳凰臺江波翻白鷺飛至白
狼來超凡身雲舉玄想洪蒙開危逕如軍壘孤
峭造九垓新什舊李杜高華詎鬼才豪興干霄
漢山靈謝爾哉

季冬寄懷林茂之張文峙周江左

迅風阻勁翮嚴冬號枯桑相思共周浹難獨守
空房參商况衰老千里遙相望君據鳳凰臺我
范助卿詩集

卷三

五

五

愁狼牧羊履霜向明月顏色照屋梁久承金檢
篇揚馬曹劉行餘光賜衰朽風雅謝王張寐懷
迷夢路長情奏短章

爲赤城壽

戴君鍾達才期運追譙國繩裁與尺量金相而
玉質探綜堪續述稷下赤城出次仲建武中說
經奪重席平仲東漢末賢良策第一君家有世
風橋梓修道術天錫保德膺福根樹善率遺俗
翼正靈人仙同紀律千秋任鱗次百年爲一日

仲夏苦暴雨有作

仲夏求雨若有節感玄液曜靈無薄蝕
土脈如何久雨滂天河落如瀑平地厄蛟龍
萬家溺床龜陰精黷陽明日車沉地軸墻茨塊泥
滓棄田空海屋奇舛行路難米草真珠桂藍縷
衣靈符滿架書徽翳子桑十日病野家兩年苗
蒼生其魚矣國桷安在哉下民遠帝庭天高難
面靜痛哭如雨長愁惟短詠

范勛卿詩集卷之四

白狼山范鳳翼異羽著

七言古詩

中秋詞集西園有二美人行酒

中秋光徹冰輪過橫亘忽碾長空破天門開處
天風吹天女雙雙席前墮霓裳羽衣齊踏歌金
漿滿酌奈他何道是姮娥從月下月中那得兩
姮娥

贈盛君行

范勛卿詩集卷四

一

七十一

盛君意氣好男子肝膽英英炤秋水弟畜賁育
兄朱家人間片諾輕生歿七尺微軀朱許人一
腔熱血須知已茫茫宇宙白日孤信陵公子今
誰是卜居不遠要離墓俠遊常傍專諸里眼前
不逞如蝟毛金板憑誰問六發兜鍪十萬盡巾
幘馬塵未起身先赴醫巫閭畔高枯骼粵檄羅
施鬼畫號英雄老大抱塵痛髀肉雖生復誰控
撇下腰間漏影刀弱毫三寸供拈弄雲裝時度
滄江烟日寫青山換酒錢酒酣拓筆開屏障恍

惚經營窮意匠義炎未降萬象冥太始元精忽
奔放縮將靈岳出指掌飛來素壁濤聲壯有時
掃練割陰陽千林明滅虛堂上松風蕭槭鶴夢
長子晉凌陽兀相向對此如遊邃古前生逢季
俗徒惆悵千古江山長不朽君應與之共長久
胸中礪硯付溪藤齷齪蝸蠅君不有雖然試看
流氛惡未必雄才終落商山渭水不同趨末
路行藏各有托貌予宜置丘壑中圖形望爾凌
烟閣

范勛卿詩集卷四

二

七十一

弄潮歌

有引

壬子八月予偕嘯父夢覺從真州還廣
陵停舟揚子渡是時江潮澎湃大異乎
時乃有童兒數十輩操舟善泗各騁伎
倆奇狀百出觀者如堵誰謂愛河欲海
遂足溺人而乃有風波失守頽然陸沉
者亦足悲也

秋高浪打江門開洪潮逆走排空來百道重關
關不住山崩峽坼何喧騰洶洶滾入楊家嘴倒

翻地軸魚龍臥臨崖觸背心詫驚何人復蹈呂
梁水隋家能舸隨東流羣兒此日弄潮頭小舸
犯浪百不思一身自在同輕鷗挽攢分流如雪
捲并刀直把吳江剪層波跳立高過雲舟底平
翻俄撥轉須臾日慘天昏荒何來鬼物方披猖
矯矯不隨波上下踰踰踏步如康莊偃仰出沒
恣飛舞斜舒兩臂如張弩噓噓能將天地通縱
橫那受沉淪苦君不見世路艱難塘灩澦皆等
閒誰能汨汨名利間弄潮今日欲夕世事變遷
范勛卿詩集卷四

總潮歌罷潮平萬籟空把酒一呼江月白

補天詞有引

崇禎乙亥春寇氛甚惡天復經月淫霖

望失麥秋人心洶洶野夫感懷作歌冀

司牧聞之省躬祈晴以救民命

天公雨泣天河覆日月久閉雲無竇石燕力疲
商羊瘦老魑白晝語簷雷麥苗爛如菅漚農
愁面比松皮皺老夫冒雨向空祝呼起女媧補
天漏

長歌行送潘仲和虞邵奉使閩中催取大
工缺料事畢還朝

宸居經始閭闔開司空拜命鳩雄才帝曰疇若
予工者咨爾誰堪起部哉繼離促詔成三殿立
教不拔弘基奠基圖直欲鞏萬年物料先儲剛
百鍊于闕貢道不通舶建寧徒飽深山獍十年
額賦竟久通八閩諸侯宜悉索君時捧節出未
央溯吳八月亂錢塘遊輶之中了公事九仙王
女同相羊新詩裁取幔亭雲擎觴一酌武夷君
范勛卿詩集卷四

歸來乞假暫休暇良此簡書先報聞花底板輿
將母度尊前賦筆教人妬日居月諸不少停王
程又指長安路天子詔見明光宮咨爾真堪
若予工指日慶成臨玉闕惟予豈沒勞臣功君
拜稽首前致詞伏祈垂鑒微臣私聖主茅茨規
百代王者藩籬守四夷只今黑金已輻輳不獨
天朝佐堂構半輪武庫助五兵東西佇見虜功
奏惟帝曰俞天顏喜大抵君才時所倚男兒落
地重橫行不爾生胡挂蓬矢錦寧昨仗天威赫

潰圖天將陣頭立漢幟三千奪壘馳奴酋數萬
掩笳泣露布頻宣布霧山羽書猶告榆關急論
兵草檄需君才天驕乍可長纓繫腰下時時劍
吹吼繞身燿燿虹霓走國耻未雪膽可嘗戴天
誓不同小醜書生中策抵雄師行見么麼落吾
手燕臺臺下秋色深騷裹一入高黃金獨憐擊
筑悲歌地明月空懸千古心愛君交君交最厚
徑寸丹衷炤杯酒欲別不別首重搔欲言不言
君知否曼倩佯狂君不能懷英妙用君應有野
范勛卿詩集卷四

五

夫不與時宜合廿載行藏坐蕭颯嗒然不知東
海冤慎勿爲我排閭闔

擬四愁詩

避亂京江作也

我所思今在祖德運遭不造嬰氛慙坏土不掃
伊誰責去鄉離家心不懌霜露既降慘君蒿泉
臺悵怨同若敖魂孤道遠招不得閔予飲痛割
如刀

其二

我所思今在戚黨千里迢迢音信真骨肉分崩

不勝慘笑笑獨力支槍攘空復相依夢寐中風
吹夢醒心忡忡何時常見如明月清光圓滿浮
雲空

其三

我所思今在歡友五年不接一杯酒單民羈勒
不我有始知故舊誼良厚有美昨遣我雙鯉書
未竟讀拍案起安得因風生羽翰各天奔赴日
千里

其四

范勛卿詩集

卷四

六

我所思今在故山無端氛霧設重關盈盈一水
杳難攀烟烟温温冷夢間天開境與人相倚山
靈思予蓋有以願爲江上往來潮朝朝夕夕五
山趾

酒間與范穆其山人談詩兼用爲贈

枚馬淹遠李何歿隆萬年來數王李善學漢唐
無漢唐邇日詞人不及此風蜩雨蜩亦爭鳴刻
鵠塗鴉渾不似欲排七子作衙官故與晚唐爲
從史中郎亦僅了中郎而我爲我爾爲爾穆其

曳履遊海上見予便出詩相餉擲地能爲金石
聲光怪射人非一狀摹古何曾甘效贖鑄今時
自標心匠山茨諸子建旗鼓家握靈蛇人繡虎
穆其闌入共探驪弱毫陡健如張弩詩成對酒
更披衷俠氣英英露眉宇穆其落拓真吾徒滿
飲聽我歌烏烏阮公痛哭終窮途古來坎壈多
丈夫杖頭但得餘青蚨何處青山無酒沽君今
刺促胡爲乎我亦鍛羽歸江湖眼底富貴如泥
塗千秋大業憑誰扶穆其穆其有意無穆其且
范勛卿詩集卷四

七

去休沉吟青天萬里懸雙心黃山白嶽我終到
他日尋君蒼耳林

題周江左鼎足齋

鼎足之義謂書畫性命也

丈夫立身三不朽動以千古爲性命下至篆籀
丹青祇緒餘居然欲分千古之餘潤周郎性命
百年爾如何敢與書畫並周郎自有千古在乃
所嗜好卽其性命之所載如饑思食渴思飲倦
思寢蓬戶松窗白晝閒金題玉牒天孫錦卷帙
紛披擁一身喻以鼎足胡乃甚人盡嗤君癡復

癡癡耶癡耶我獨因茲益高君之流品

別業引

初夏同江左諸子過清涼山別業時予
因病不過此者八月餘矣

去秋來遊秋氣澄烟霜剝樹如癯僧今來新夏
松髯長冷映鬚鬢皆蒼蒼蒙茸薈蔚累山骨如
久別人驟不識乍疑誤入別家山主人何往門
不關園丁叉手笑相訊底事家山不相認終然
回惑陟其顛冷匝萬象還依然鶯囀一聲一浮
范勛卿詩集卷四

八

白醉來柔草成佳眠

無屋嘆答湯慈明先生

有引

退園主人辭祿歸田廿有餘載以明農
爲樂不敢稍惰以食報於鹵莽歲在己
巳

聖王御宇時和年豐乃與耕鑿之民載歌
帝力逮於新穀乍升官租既辦瞻族矜
貧祭祀婚嫁諸急需外稍有贏羨盡付
園丁營治池館以供吟眺物力並興紀

綱且告匱矣偶簡湯慈明先生無屋嘆
一篇淋漓感愴於予心有戚戚焉作而
嘆曰才如慈明何非豫章梗枻不及施
之明堂之用則亦已矣乃至不能管數
椽以蔽風雨何哉謂非吾黨之過不可
愛哉其池館之費稍爲料理以擴其居
遂成短歌以紀其事云爾

西風颯沓天雨霜寒門四壁誰禁當鳴蟹又已
入床下夜長酒醒何悲涼一身容膝無不可婦

范勛卿詩集卷四

九

子孫曾須屋裏不能穴處併巢居室人向隅交
謫我歔歔仰屋衡茅下圖書惱被風霜打嗟乎
安得亘天亘地成大厦盡蓋天下貧士無居者
退園主人不問家人產萬事雲烟倏過眼時復
誅弗卜築忙所賴菟裘娛歲晚乃有湯先生嘆
無屋詩到酸辛不可讀野夫幸有豐年穀且喜
官租蠲辦足試將餘力爲爾管數椽便教庭中
隙地都栽竹我來嘯詠醉君家醉眠了不異我
屋

秋日李玄素徵侯招同汪遺民諸子飲瑤
華堂觀演家樂卽席贈歌童雲在和玄素
作每句次韻另一格也

青童妙麗奪紅裙如串珠喉吐異芬當筵不敢
頻揮扇舞態生愁化作雲阿鬢綠髮學么鳳星
眸憨憨帶春夢遲聲緩舞真情種不是情癡亦
心動蜂隨蝶戀楚姬邊蘭吹花語香魂牽蕙手
小垂桃暈睚目波清漾生秋妍有時犀露妃子
咲有時蛾蹙龍陽泣妃子龍陽交一身待人憐

范勛卿詩集卷四

十

處亭亭立傅粉勻朱羞女流鬢膏眉翠黦然收
千般嫵媚迴歌席未少淩波雙玉鈎主人醉客
開秋宴坐客醉狂迷婉婉不放幃門魚鑰鬆漏
沉下盡銀虬箭有情不怕銷魂死檀板牙簫喚
復起醉不肯歸胡爲哉妒他珊瑚枕上雙鬢回
子午花歌一名夜落金錢

卓午見花開子夜花已落花開何鮮妍花落何
消索開落曾經幾許時不待風來吹殺之夕夙
朝榮輪日及冷露無聲暗相泣人生有酒計時

賒須念吾生亦有涯君不見子午花

其二

倩桃穠李驕上春九十韶光偏帶人朱明炎焰
燭南陸葵榴萼萼無三伏九秋蓉桂戰霜風霜
葉如花二月紅梅花破臘寒香老對雪常矜歲
寒操何來當砌子午花午閑子落獨堪嗟開落
須臾更嘆息但落金錢名亦得若使此錢堪當
酒家錢令我嬾人夜夜醉陶然

醉蝶行

范叟卿詩集卷四

十一

偶與史弱翁諸子納涼庭際不覺其尊
之燥也忽有蝶坐杯中吸餘酒可一刻
頃乃膏騰飛去大奇大奇遂捉筆成詩
以紀興

酒中遠攝幽花色蒼蝶聞香倏飛入也知酒氣
韻如花端坐杯中吸餘汁蝶醉沉如夢不醒將
無莊叟弄精靈力輟亭亭復飛去不迷去路來
時經人生浮寄如秋葉誰分常醒苦塵劫與君
有酒須盡歡不然辜負杯中蝶

贈胡京孺先生

五狼突起斗牛度長江曳空天神路精靈奔放
不可收是生作者胡京孺家徒四壁擁百城清
狂之館構雲住雖無深竹可避人下帷閒若重
巘護一石分來八十才鑪錘直把千秋鑄洪荒
初剖日月開五嶽并峙江河注文章欲奪真宰
權不使王侯爭隻句精若研桑殫計于無垠和
如滌蕩滛謳奏韶鰲橋如怒倪直扶石千鈞深
若玄豹不食獨隱南山霧科頭白眼望時才何

范叟卿詩集卷四

十二

物妄庸堪一顧贏得窮愁日著書屏交長謝今
人妒醉吟筆底吐江花閒看庭前森謝樹曾食
羊鬚第一珠祇今鵲髮顏嘗駐簡點乾坤不了
身一笑時人他自誤

燕歌行

季夏日李玄素徹侯邀同瞿湛庵盧原
甫集牡丹花下卽席分韻分體玄素先
成長歌令人心折予因逐句步韻奉酬
噫嗟乎興慶池東人已休不及鼠姑妖艷至今

留請看春瑣矣門欄不收殿春猶自爲花愁花
不知愁嬌若此人不醉花愁何已乍疑神女下
飄飄嫋嫋態連娟臨洛水花光可追不可求染衣
酣酒弄纖柔醉妃紅間朝天紫群芳羞避不敢
輕回頭羨君清平高調含佳旨半爲送春成變
徵鴛笙羯鼓聲聞然餞別經年從此始惜花拈
韻興堪酬羞他乘驛如輕鷗用留字李公餘邀
進花事
客共吟嘯色絲宛自文心抽七步詩成肯讓誰
元與賦手差堪比國色殊憐世所無名花巧借

范助卿詩集

卷四

十三

名花是不須識衛公之侍又眼光如油不須與
越滅吳之尤物同上扁舟瑤華庭際與花醉泥
人歡處如鸞儔媿我與花俱老矣味幾花飛倏
千里破愁暢叙意何如百年花似今年美

輿上。

長干陌上遊塵厚何事牽人逐塵走顛顛輿如
浪裏舟舁人肩是長年手及門投刺只空還在
輿形神亦稍閒不覺朦朧成短夢跨嶠遊遍三
神山

鄭潛庵公祖特召入朝奉贈

五百昌辰王者起有君無臣衆所耻安危終繫
郭汾陽朝廷可少李伯紀鄭公名世應運出忠
槩凜凜寒白日豈徒外吏稱其官但見乃心在
王室維揚治兵雄鎮立小試大殺鬼神泣鳳廬
氛慙屢震隣獨擅蕪城不敢入我公汪濊結人
和伏甲居然百萬多南北咽喉關國命崇庸一
代誰能過祇今建夷躡三輔帝顧兩班文共
武誰堪決勝誰折衝誰堪鷹揚誰召虎社稷有
范助卿詩集

卷四

十四

靈方怨恫我公特入明王夢深宮制出賜鋒車
大厦功高急良棟我公一去維揚城東南天地
憑誰撐仰見銘勲麟閣日潑天霖雨遍蒼生
賦得庭中有奇樹。

呈九華體華兩兄時壬申夏六月予寓
居其家即文襄先生西第也

庭中奇樹連雲族四布涼陰覆我屋形骸野逸
卸衣冠炎塵不敢侵幽獨石床冰簟近前楹一
卷南華嘗臥讀小婦幕中箋濁醪醉餘簷雷如

飛瀑少焉日出更澄鮮羣鳥歸來樹間宿我乃
人間覆巢鳥相依賢似主人少處處遽廬不復
擬掀髯一笑乾坤小

醉花引

同友人過京口李侍御園有一種芙蓉
日三變自淺而深名曰三醉芙蓉正欲
配三眠楊柳故有此詩

偶爾三人秋色中迥然默對若無耦竟日有酒
亦不辭時復閒談談以手前觀羣卉弄秋妍獨
范勛卿詩集卷四

愛芙蓉三醉柳三眠除却醉眠吾何有還問芙
蓉與人柳

周孟巖先生及張太君七十雙壽葢予友
仲馭兄兩尊人也是用作歌以應其猶子
介生之請

地肺九原通七堦丹砂泓占神仙居仙人胎骨
本靈幻華陽現身無時無珠旂羽蓋叢霄舉毛
女雲娘霞上語八琅璈響洞章歌乃知周氏集
仙侶周翁德業天下聞出語天下入山雲周母

相夫仍諫子孟光兼以宣文君生丈夫子第一
流順親能以致身酬是父是母是佳兒弟南
康詎倖求祇今雙進長春酒人間善事無不有
鹿門夫婦何足稱木公金母齊眉壽手擗麟脯
薦鳳腦青飴紅藟未爲寶不必飛行日月東坐
看鳥使來瑤島

花淚引

同吳生酌花下留宿不住嘲之

月三更花四焰客尚醒花聲笑花欲留君君欲
歸花露盈盈如淚揮忍負花期出門去君再來
范勛卿詩集卷四

時花已飛

醉歌

婢衆謠詠青娥斥瑤壁不如梧臺石豪傑投時
不及格信信蹠犬羣吹羌小夫之見亦何益

梁鼠行

山中嘯猛虎駭獸皆狂馳梁上挂虎皮鼠寢而
嚙之何哉梁上鼠畏猶不畏虎帝郊磨鳳跡全
無白日滿地行妖狐沙蟲股軫猿鶴清孤神龍
蟄伏不如蝦蛆貞女席未蔽兒晉于女嬰英雄

失據如檻虎宵輩得路橫相侮眼前世態紛如
許嗚呼眼前世態紛如許君不見梁上鼠

操桐引

舟中聽李癡和彈琴時憂諸君初

衆人之琴琴在指有時指歇琴聲死癡和之琴
琴在心未彈聲已盈吾耳扁舟同載廣陵行廣
陵散絕今重廣有時翻出秋江曲不覺恍惚移
吾情舟中清清聞流水流水不在舟之底莫言
千載無知音眼前鍾伯我與爾君不見天啓年
來世路崎嶇時情乖迂乾坤古往時徽緩法盡弛
范助卿詩集卷四 七

祗今殺機紛紜起安得借君絃上音調和一世
臻玄理

秦淮雨泛行

往時晴泛坐雲表今朝雨泛獨幽杳歌聲齊咽
緒更深波跳雲響流清音黯黯直疑千嶂立傾
瀉忽訝飛瀑急久之翻似入暝山熱喧寂寂清
心顏齊梁舊習雨洗盡荒茫元氣渾無朕樓頭
巧笑指遊船似謂奇情亦可憐也知雨卽秦淮
水愛水應知雨可喜他舟又載美人來將無乍

自巫陽回

時見妓阿眉鼓櫂而過

春日酌花下

一春日日同花醉醉卽拋琴伴花睡花氣朝來
沾酒臥花底常教挂酒瓢花殘怕似紅顏凋春
愁無酒若爲澆西隣有酒花如綺東隣不醉花
先死誰分春花逐流水

睡午

芙蓉作幃藏媚香蝴蝶赴香空復忙午睡無端
忽管入不知誰蝶誰爲莊入生幻化幾塵劫但
范助卿詩集卷四 八

題楊柳常如蝶

卧月

水晶結宇冰蠶帳瑩徹不許纖塵障斜抱青奴
沁骨清入來明月何其暢嫦娥夜夜不參商秋
衣曉起飄天香

范助卿詩集卷之四終

范助卿詩集卷之五

白狼山范鳳翼異羽著

七言古詩

遊俞少卿容自家園率賦

誰園擬輞水奇幻乃不測造化總無權穿裁憑
巧力是石必使秀是水皆欲波周遭曾不盈百
畝精靈攝取三山多園丁旋啓烟扉入擘面巖
巒倏而及初疑翠樺只一攢稍進迷離不知出
洞中剔竇下窺泉空裏支雲導成術決潏潏瀑
范助卿詩集 卷五

涵空蒼石水相生若疑碧千盤起伏千灣環蹻
磴皆如亂水間捫摸藤蘿上亭榭回看衆壑皆
藏山樹樹辭泥生石上下無寸根上逾王萬簇
涼陰化作雲迸教人世風塵障有時載月吳榜
開丹樓翠閣靈仙來誰料與區在城市興酣浮
拍傾千杯君不見俞少卿抱奇癖眉山謝絕他
迨進東方遊戲金門客鳳德從來肯見希龍性
潛時幻無迹生平道廣愜同人耦居未見標孤
格本自亨屯濟物才世人但識文章伯我儀圖

之知君深超性怪他天地窄胸中丘壑藏經綸

心門洞靈另開闢祗今滿地皆干戈洗兵專恃

挽天河 明主急才可奈何君豈能戀碩人邁

蓮瑞詞

宗兄質公大司馬庭前盆荷花有並頭

之異爲誕麟兆諸君頌詠余因嗣響

造物不嫌盆盎窄爲獻嘉祥故奇劇一體混沌
靈氣分取土之精和水液豈徒太乙弄仙姿分
明湘浦逞神魄紅英嬌若頰相輔翠的濃于眉
范助卿詩集 卷五

自拆離立津頭峰影搖並吐匣中劒芒迫擢莖

何必連理枝抽穗宛如兩岐麥兆產麟兒鬪筆

花喜看蛾眉合薌澤更擬承恩召蕊珠雙賜金

蓮出宮掖

七夕連雨萬寅陽兵憲及乃弟振海姪震

甲招同楊九華茅叔延潘君寵竟夕暢飲

歌以紀勝

昨日之雨雨洗車今日之雨灑淚餘牛女相望
意纏綿盈盈河漢空躊躇燈燃九微香百合鵲

橋此際雙星過天放佳期天有情人間亦合逢
相賀主人招我陶佳夕入座盡是高陽客興酣
杯竿皆怒飛茶候酒糾俱合拍殺核芳旨飽欲
死一生未見飽如此主客因之得合歡天上人
間恰相似歸看兒女燈前影乞巧喧喧夜未靜
醉矣還醉望眼空河邊歷歷天榆冷

送錢海嶽懸壺海陵海嶽開少弟也

紫書玉宇驅魔檄六微九折扶衰曆麥麴芎藭
已策勲鳳肺龍胎安用覓鬼亦可治况人乎祇
范勛卿詩集 卷五 三

今誰是徐秋夫錢郎有兄才足霸心門洞靈生
造化錢郎猶恨儒效遲造化在手醫堪借君不
見海陵王纂最神手女魃方蘇獺驚走

玄雲歌

謝李東山計部惠墨

生不能如班孟氏口噴墨汁皆成字又不能如
石昌言生平惜墨不肯試見墨輒奪癖乃深却
于公擇有同嗜公擇還能不自私鄭重豹囊頻
見施啓函芬馥龍麝飛采紙爛熳烟華漬仲將
一點漆不如廷珪半丸金不翅離騷手錄助清

賞梵筴親書求智慧殘潘啜去心骨凉靈液潤
開圖史媚興來時復小題詩晴窓片片玄雲墜
爲潘無隱娶姬志喜

爲人作媒牙頰香爲人選色目力長見人食酒
醒亦美見人買花如是喜艷逸傾城竟如此爲
君撮合吾老矣

其二

嫩玉生香翠羽帳女來二八月幾望簾展珉毫
水藻光紈扇不動冰肌凉禁持凝眸非無以知
范勛卿詩集 卷五 四

是傾城悅名士玉簫明月在君家誰云世上無
瓊花

曳香歌

酬夏繼明挈趙姬携酒見過

雅流故得酒中趣對酒每哦范生句不知何處
風吹來更引名姝曳香步酒候酣時入歌候遂
有妙音掩紅袖起如新月露微痕聯若遊絲裊
春晝媚若蝶迷香逕深歇如花影雲來覆階除
更聞絲竹響迸泉裂石風雨驟美人喉中具絲
竹豈止清歌奏吳肉紅牙一板一飛觥觥籌如

矢飲如轟醉狂呼月月委地仙子仙仙踏雲去

雨醉歌

祝生無家家五岳我亦無家家五湖屈指論交
二十載今朝同載吳航孤孤航窄似巖際屋短
榻顛側相抵足浦夜虛涼夢路賒莊生蝶中湮
中鹿雨打蓬窓驚夢回不知身落天之涯奇懷
已托神仙外區中刺促胡爲哉起來捉筆理長
語且買濁醪醉秋雨

遊鄒彥吉慧山園追贈

范勛卿詩集

卷五

五

時清客得沉冥客一片靈英管水石平泉當日
恐浪名庶幾肖者王維筆談天碣石氣嶙峋翻
身物外攄經綸梁谿山泉盡長格風流絕代千
秋人斯文淪喪俗流下刻鵠塗鴉傷大雅惟公
肆力振衰薊獨騁長轡追楊馬奇暢兼將韻事
拈畫禪書聖總堪憐客至花間時奏肉分明欲
界稱神仙英雄不爲浮榮死濟物歸來合如此
勞勞天地幾人閒前有尚長今有爾

輿夫嘆

祝融煽虐相煎急譬彼獲湯驅人入火雲撲面

炎風吹九咽乾暵烟噓吸長干道遠與人苦喘
息多時才數武但思餘餒赴筵噉足生羽翰疾
于箭每見趨炎逐臭夫紅塵白日無時無老夫
正卧北窓下消受清風百不暇笑他冰炭聚胸
中將無奔迫與人同嗚呼將無奔迫與人同

遊京口李侍御濠濮園

老子嬰疴採藥來名園絕勝足低回奚兒筆硯
隨行飯饔于鉅釘催擎杯天地靈英盡林水主
范勛卿詩集

卷五

六

人何人當樂死濠上觀魚不是周柱下猶龍元
姓李

焦石山庵中見老僧博作一頌子

老僧帶鬚髮垂領高顙隆鼻醉眼赤左手持念
珠右手呼五白八銖衣典六銖錢攤場大叫彈
經席曳千流萬劫總梟盧大地山河消一擲

贈鶴篇

主人夙有三山約雙巢館儲雙白鶴玉羽霞冠
炯赤眸引吭一聲天地秋理翰小立花陰午有

時巧學燕姬舞架上簡書能識字窓際窺棋解
人意主人高時塵凡中前身自許浮丘公飼鶴
多年忘懊喪宛似雙童日依傍我來正及秋氣
鮮主人携我醉秋妍廣庭堅坐月光冷憐鶴兼
之憐鶴影一回鳴舞一揮杯興酣月欲墮檐來
須臾月向松間轉兩片白雲卧蒼蘚奇哉鶴甘
烟火味且復近人霑酒氣我欲醉鶴鶴不語他
日深山或相許主人與我志八荒陵陽子晉終
同行會須養爾作仙馭千六百年騎爾去

范勛卿詩集

卷五

七

昨日行

昨日藍輿出城郭新墳纍纍攢城阿賢愚共棄
一堆土歸來感嘆成悲歌歌竟四顧益愁絕悲
風叫嘯摧庭柯嘈嘈動里舍死者如流波笑聲
何其少哭聲何其多盤有珍今尊有酒齊有統
兮越有羅子有鐘鼓足宜樂弗鼓弗考奈爾何

七夕詞

同楊元儒大將軍袁雲野藩幕周千載
茂才集小齋是夜雨甚

秋潦暑日之七晒腹熨禪衣是夕佳期
動隔年織女有情戀靈匹生愁鵲散心幾煩佇
立以泣銀河翻無多天上傷離淚人間雨下如
傾盆女郎乞巧向仙闌瓜果紛陳端拜謁空披
綵縷在高樓欲貫玄針苦無月同心贈明星酒
我曹豪飲莫離手一天別恨付雙星半生謬巧
吾何有嗷嗷乎半生謬巧吾何有

答贈大行李大生次來韻乃祖後岡先生

與予交最久而屠綈曾署其園曰五柳

范勛卿詩集

卷五

八

故有五楊柳之句

高卧似中玄石酒世情雲雨吾何有結隣獨愛
李東山一日不見一回回首平泉花石暫徜徉左
有青娥右紅友天才駿發不可當擬涸文江菱
藕畝擗管時催茗熟無承槽但問釀成否狂歌
跌宕倒接籬白眼四顧青天陡昨咏皇華太華
迤十丈蓮花如船藕携歸玉女峰頭霞管注門
前五楊柳文采淋漓泣鬼神劍芒騰上衝珠斗
子舍白雲詩裏裁人前明月懷中剖伊予何幸

辱同心世講登龍亦以久祇今潛見各殊時君
胡爲乎問樗朽

元日遊半山園同周徐二子醉梅林下短
歌

青陽左个集千官陪京一體肅朝元草野微臣
隔樹陞半山深處探梅閨梅花格韻如高士卧
雪孤標僵更起犯寒寒極骨逾香寧與凡花爭
泰否白者如凝雪不與雪消故奇絕紅者如蒸
霞不信霞天仍見雪冷艷靈葩逐上春疎枝挂
光助卿詩集卷五 九

月碾香塵乍似丹唇相聚笑還憐素手弄珠人
却月凌風空草萊半山此日甚悠哉暖玉杯傳
人醉後恍然夢裏美人來

寶鏡歌贈慈明先生時慈明喪偶
千年寶鏡半收蓄一片青水沁心目怪底人稱
薛荔花形影周旋最神速盤組爲繫玉爲瑩且
緗明月藏君屋吐霧興雲龍護精金膏珠液容
成祿不堪重炤廟賓鸞祇應長顧雲臺鹿
顧麗人爲予畫蘭扇却贈

幽谷蘭滋誰見求何來便面呈風流繪之乃自
美人手吹氣疑出美人口蘭與美人性韻同美
人在予懷袖中蘭亦欲言向予笑不是眉生那
得肖

答贈粵西大將軍王宛委見懷之作宛委
書來有懷將母思吏隱白門故云

我所相思在西粵萬里馳書歲三發桂林荔水
隔蠻烟離尤空付天邊月各天相炤肝膽眞子
孝臣忠交一身臣義安逃天地外何得妒我江
范助卿詩集卷五 十

潮人頃復貽我琅玕字啓函盡說心頭事銅柱
功名若等閒三山二水思仙吏雖復名成燕石
勲老臣何忍負吾君正提闔外熊羆旅莫問山
中猿鶴羣

廣陵之役夢叟見夢已有五言集句一章
夢叟復以七言見索信口拈經語以應之
兼葭蒼蒼露爲霜所謂伊人水一方豈其食魚
河之魴清人河上乎翱翔衡門之下泌洋洋夜
如何其夜未央誰謂河廣一葦航君子至止聲

將將今夕何夕見此良惠而好我携同行

孟冬朔二日氣暖如春余與楊伯觀若有

事南郊因從友人借具共遊狼山作歌紀事

我昔尋幽值炎夏山坳寂絕轉冷然我今嚴冬乘興至如何翻似艷陽天登頓全令汗霑袂亟呼張蓋障斜日乃知大化別有權世拘炎冷夫何必我友高懷通尚長借來般福與壺觴山色江光偏泥客任他頽景下荒荒山中殘句輿中

范勛卿詩集

卷五

十二

補詩成香艷風中舞德暖春隨元氣攢鄒律吹將谷不寒理齊炎冷君靜觀

還青亭歌

方直指爲其尊人索題

還青亭松竹遠還青日涉園中長不局盛唐山勢正繚繞桐陂水流通池沼壽木千章百畝圍蘿逕藤齋青未了青未了春光歸樹杪萬紫千紅檻外雲能歌能舞枝頭鳥主人嘯咏日陶然一身宛似遊蓬島招隱詩謾裁閒居賦自草鑑湖開勝槩琴酒足棲遲何處無風月偏疑此地

私東谷先生樂如此千秋萬歲良可期倏忽向幽挺永言謝昭世子雲舊宅亭欲摧元亮徑傍草如薺令于乘驄滯帝州大父園亭感舊遊春水乍添傷逝淚暮烟空館望雲愁何時了却蒼生願銘鼎功成到十洲

訪沈汀州不遇留詩一首時值其有新安之行

九秋落木毘陵驛孤舟苦雨崇川客千里相思不見君空復披帷長太息坐來孤橐吼魚腸東

范勛卿詩集

卷五

十三

南天地何淒涼欲識羈人愁絕處青熒燈火夢休陽

長春行贈袁士馨

有引

天生龍種人慶象賢趙璧同溫待價屬連城之寶楚蘭並秀揚芬則王國之香予以振豸史之前猷不但拓罔卿之遺業頃者值內外之多助際俯仰之皆寬杜隱咸宜天人叶鬯三杯濁酒偏能灑濯靈襟一局枯棋儘可消磨熱界詎羨

蓬瀛外事已自神仙中人維此六月初
四之辰實爲百年才半之日方臻蔗境
宜祝華封

盤饗壺貯中山酒滿酌高歌爲君壽人生天付
行樂身百年行樂如長春已經半百風驅雲方
來半百春平分羨君賦筆能倚馬骨相仍非伏
櫪者諸子蹀躞不凡材千里長風出蹄下神駒
自合登天廐乘馳數馬家風舊羨君磊落懷抱
開人間樂事都攢轡酒一斗詩百篇一梓之上
范助卿詩集卷五十三

堪延年還爾春光餘半百酒石榴花浮琥珀何

須世外覓金砂一笑兒曹垂竹帛

贈呂心安

心安向爲佛弟子今業醫從武
林徙居海上呂四場爲純
陽四至之處

呂生共予方外契袖裏刀圭手和劑救世時時
禮藥師二豎聞之輒相避豈惟精讀軒岐書兼
能提寇如無且姓字生憎虎林識孤蹤又卜狼
山居升海珠塵秘藥譜化工缺處君能補回仙
或恐是前身海上重來今第五弧辰祝頌滿人

口君能壽人願君壽上池橋井屬君家憑君釀
作春酒

范助卿詩集卷之五終

范助卿詩集

卷五

十四

范助卿詩集卷之六

白狼山范鳳翼異羽著

七言古詩

戲贈劉靜之博士

劉郎誇散性韻偏三絕人人擬鄭虔總然座上
寒無壇持紮執懷情猶擅聞說西北有酒泉願
言移向伯倫前承槽作頌陶陶然醉來雙眼橫
青天

米友石以六合令被召還京途次損惠石

范助卿詩集

卷六

一

子一盆走筆言謝

米顥弄石真成癖袖裏峯巒若天割紺洞玄巖
搜蓄奇居然管領烟霞客一盆遙贈野人行片
片秋雲生几席奚兒酌水無纖塵把酒相看陶
永夕交道令人那可論殷勤望爾盆中石

放歌行

王夢叟招同陳抱樸盧子明湯慈明襲

明泛舟過王氏園亭分賦

男兒既不能如張文成功成竟從赤松子又不

能如袁夏甫甘載潛身上室裏終日刺促胡爲
乎忽忽流光但如駛有美居然王子猷風雅于
今先屈指相將小艇出長河少長咸集多名士
吾揚人物有陳琳文采風流誰可比祇今才子
有盧綸大曆後詩非所齒湯家二明不可當人
擬瑯琊王二美翼也那禁發興狂此日五湖歸
范蠡一時勝事屬吾曹何減濠梁與曲水鼓枻
中流歌正長回看塵世都浮蠹且向垂楊一繫
船堤邊蘋蓼騎挑李誰家別墅瑣松筠款扉直
范助卿詩集

卷六

二

入坐花底黯深林翳日寒嶙峋削壁連雲峙
蔽軒葉竹間高梧夾岸青蒲兼白芷把酒偏能
得好懷聽鳥尤堪鍼俗耳林塘着處好垂竿蕉
葉滿庭俱作紙酣來弄筆石闌邊醉瀟如雲句
如綺夕陽奄忽已西沉明月殷勤又東起孤槎
直欲犯斗牛片霞點綴青天紫與君再訂後來
期無爲醒醒徒城市吁嗟人生行樂爾而我卒
當以樂死古人實獲我心矣

孫意白銓部祖母節壽詩

咄咄孫母胡不天百年之歡變俄頃黃口在抱
嗚其鳴白髮在堂惟祝哽俯仰綱常誓獨肩巾
幘男兒半自警寶奩色暗只塵封鸞鏡顏消無
意整鬼狐窺室吊苦魂縷貼竊燭閃單影冷水
潺湲淚較多匪岳巉巖節與併相中貞性結
坤維穀貽孫子都忠鯁 聖朝旌異發幽光千
古丹青日同炳

江生能起小孫之病予心感之乃作短歌
志謝

范助卿詩集卷六

三

小兒緘其口寄命醫人手醫人手中造化開方
挈小兒生踏走吾孫危脆病非輕老夫病中還
一驚幸藉安期半七散吾孫立地能回生老夫
因之病亦起使我家人皆色喜乃知良藥果通
神芎藭麥麴都含春維予作歌代兒口兒心諒
不忘醫人

過靜勝菴聽若昧上人講楞嚴分得七言

古體

人生熱惱易誰明等正覺惟我如來大導師提

獎衆生離五濁真乘妙諦信所拈密因了義先
楞嚴一解六亡自了了天如註脚徒增添高僧
若昧通冥蹟靈襟人擬道安釋偶爾浮杯海上
來攝受大千開講席松門香雨坐來深莊嚴如
入祇陀林清淨身持菩薩戒廣長舌吐老婆心
片言无碍皆無上八部人天盡回向轉法輪開
法界迷降魔劍斷波旬障貝葉菴羅靜六時談
禪未已復談詩碧雲重擬惠休句白社還同惠
遠期我來頓覺空塵累從此薰修應有地更期
范助卿詩集卷六

四

枯坐鐵蒲團悟入無言真不二

飲萬兵憲齋頭聽琵琶時二春多風雨爲
花事厄

何計留春春過半過眼韶光劇凌亂梅花櫻花
已闌珊杏花慘淡紅顏換何似佳人絕代姿一
朝委棄堪悲嘆又似陽臺意向濃無端好夢風
吹斷主人好客何繾綣春杯到手須平旦更遣
琵琶殺風雨半爲花神訴幽怨陌頭靜綠抽楊
線放晴天氣遊絲習行樂猶憐春未深看取桃

花開口粲

贈孫實勳先生

世人鹿鹿逐塵鞅閉戶先生獨高尚作賦能爲金石聲枕流堅卧滄江上窮愁不入貞士心樂志藏修歲月深但願先生綿鶴筭嘗留風格在儒林

秋霖曲 爲州守新城王公作也

苦復苦兮肥蠅四翼而扇腥嗟農夫兮釋耒耜而揮涕勞聖主兮減膳樂以屏寧何來羽流服范勛卿詩集卷六 五

氣而却粒仰觀秘緯効魁而通靈忽不覺黑蜾爲之踴躍彈指頃秋霖滂沛如建瓴重曰苦復苦兮枯旱樂莫樂兮滂沱滂池浸兮漫漫偃禾起兮莪莪我時兮旣和我庾兮旣多用作歌兮帝力臻平疇兮婆娑

寄贈陳弗如

夫君本是瑤林枝烟霞骨相同希夷積功已註東華籍世間甲子胡拘爲羈人未預瑤池坐作歌一任天風墮更採三山幾片霞添君丹鼎美

蓉火我已江湖澹宕人抽身物外快尋真共期拔宅超塵壺雙跨蒼螭朝玉宸

延令北口岸看江

口岸橫當大江口桑田半逐滄波走天吳肆虐恣鯨吞塵市翻爲魚鱉藪芒芒天地總堪愁陵谷元來水上漚何如泛宅五湖去一任浮遊到十洲

董州守長白擢大理寺副詩以送之

醇儒爲政成三異駘蕩春風剪兩地伯起四知范勛卿詩集卷六 六

矢卻金甲崖一錢堪決吏政無茹吐與競綵許州尸祝又通州通州亂後最難理公操何術無全牛明主急才鹽書下棘寺崇班徵五馬莫訝于公門第高我公真善平反者野夫無端被羅罟心迹賴公分涇渭從此東海無冤民朝中今有董廷尉

雨夜何仲文携尊見訪同友人賦得七虞時客居廣陵

繁華盛處慰窮途可堪吾道歸榛蕪眼前何遜

清且孤特來訪我高陽徒入門古色生頭顱玄
旨直探驪龍珠圓碁竄得雙名姝默然命酒開
郁厨座中有客怪且迂嗜然長嘯孫登俱張譏
捉塵韻自殊王郎拔劍歌烏烏風塵十載予踟
躕齊門之瑟逢好竿掉頭還我舊菰蘆世間得
失同梟盧春事參差泥歲徂疎燈雨宜傾壺
壺中倘竭仍當沽不爾梅花無色柳條枯

贈倪復貞國手

倪君性韻何間美時一吐詞繡文綺造化在手
范勛卿詩集卷六 七

無沉疴靈心漏洩岐黃髓長桑秘密乘陽方沛
相神膏上池水千人乞命如呼天車轍所至道
爲枳伯休定價君所羞焚券高風誰可比君據
三山秋色深五山我望雲中峙他日相思那可
忘江水闊之日千里

寄贈張四明六十

世道江河俗流下眼底紛紛淩薄者夫君敦篤
重倫嘗獨見居身崇朴雅學優則仕衆所望當
官處處賢聲揚歸來棋酒逍遙甚風格猶存先

輩行課兒一一先仁讓不獨功名在人上明農
務本家益豐羨君能以守兼創與人投分不曾
輕更於險難見交情鬚眉殊有丈夫氣陳義羞
爲城下盟海邑昨年逢百六天地洶洶倏翻覆
焚掠公行若夷虜塞予百口良窮感昔時忼慷
誼其高身爲捍敵何憂勞多少親知等行路如
君豈得非賢豪偉民夙昔重然諾未必辜恩終
落魄此意銜之那敢忘此時猶愧華陰雀君昨
六十懸弧時旅中未上長春卮祗令聊補封人
范勛卿詩集卷六 八

祝大齊望爾逢相期

山中贈周江左之作 有引

予與江左相期爲攝山遊已兩年所矣
顧碌碌塵鞅每至臨發背盟頃予有一
往之興江左又以他故不果行及入山
遇賓心處輒恨不與江左共之信宿之
後予與士程千載元白諸子覓句沉吟
精神恍惚時見有策衛而至者忽立予
前則江左也初疑當是夢境久之乃深

喜其不期而來出予望外不得不詩以

存山遊一段佳話

異人嗜遊多異致不約而來夢耶醉相視一笑
未交言回身便指前峰翠香入金風叢桂秋茲
山絕勝小山幽直慙招隱多通客君獨胡爲從
我遊

棲霞寺住覺公禪堂臨別索書走筆爲贈

西南天地開靈異自是金陵稱福地鍾阜餘氣
結與區區山爰開棲霞寺維寺初開從齊梁僧
范助卿詩集卷六九

紹捨宅法嗣昌千數百年蕃眷屬亦多瓢舫來

諸方此時教衰法難施尊宿總持猶不易覺公
夙慧再現身獨以韶年成法器大衆咸推作化
人提衡大道芟荆榛老婆心吐廣長舌菩薩戒
持清淨身以茲八部皆歸向降魔杵斷波旬障
此謂人天大道師度人自度功無量戒綺仍將
新句裁惠休齊已何人哉我來遊山得山主從
此隨雲常往來

遊攝山歸次日復同諸子汎月秦淮作

夜來夢落攝山趾起來又泛秦淮近前夕之月
月在山今宵之月月在水月因山水發幽光看
月只合山水間十千博得飲徒醉不然辜負三
秋間

孩未招二館中看菊

種菊今年半衰君家獨見好柯葉參差配色
錦離披高下安花雲壓疊遲暮尋常百感催對
此不覺歡顏開却歸千古陶徵士剩得乾坤一
酒杯

范助卿詩集卷六

行路難有引

爲姚文學賦也時同姜刺史走淮泗山
中大雨有狼一羣衝道而過姚生怒吼
逐之故有此作

行路難九折羊腸如等閒行路難難在合沓萬
山山欲暮山昏雨欲連天墮四顧寂絕斷輪蹄
無數狼羣衝道過四座從容且莫驚聽我慷慨
歌姚生姚生腹笥藏二酉文場赤幟終歸手笑
他孱弱不丈夫自遺中惘胡爲乎猿臂燕頤兼

虎頭電光閃閃瞪雙眸一腔熱血待知己一軀
俠骨擔人愁有時奮袂施才武天地震動倏無
主雄心乍可屠鯨龍空拳直欲搏彪虎中山之
狼小如鼠談笑逐之何足數眼前世事堪痛惜
虎冠而翼何狼藉姚生聞之髮指冠怒吼其聲
如霹靂嗟乎區區小醜安足讐努力須分天子
憂左手草檄文右手探吳鉤天朝解辯殲夷酋
天子下殿親賜褒彤弓楛矢鐵券酬斗大金印
綢通侯

范助卿詩集

卷六

十二

一拂吟

清涼山謁鄭一拂先生祠

熙寧新法何騷然四海民生無聊藉介夫圖繪
達翠華紕政一朝都報罷先生風志既獲伸功
成遂返山中駕清風一拂清涼山山借香名亦
增價介甫罷相歸金陵半山爲園恣休暇終悔
變法階之亂始恨惠卿罪無赦祇今半山迭更
主無復王家舊臺榭遙對清涼一拂祠宰執故
出監門下

題一歲三雛卷爲茅止生

有鳥有鳥名鳳凰七德九苞五文章左乘許飛
璣右馭萼綠華濯羽弱水咀雲珠渴飲赤泉披
翠霞朝棲瑤木暮宿丹宮至精翁吸靈氣攸鍾
胎生三雛相翔翔光華日月何輝煌銜圖行爲
帝者祥鳳兮鳳兮樂未央

范助卿詩集卷之六終

卷六

十二

范勛卿詩集卷之六

白狼山范鳳翼異羽著

七言古詩

寄楊盟初計部尊人七十

三天門外紫氣多羣仙盤舞來大羅楊家老翁
何嬰錄秦松漢相相婆娑弧矢只今當七十共
誇單豹嬰兒色九還大藥和瑋漿三熟蟠桃進
瑞席令子才名諫帝京一身行作榆林城晝遊
舞絲桐鵬日滿座黃花醉玉笙

范勛卿詩集

卷六

十三

送楊盟初計部督餉榆林

黃河繚繞魚河外最是榆林稱要害却憐徙鎮
余中丞作法于今成永賴饒政壞時官糴苦自
是馮清罪可數邇來獨倚度支郎可奈金錢空
少府楊侯才具自干城籌邊智略風雲生米珠
薪桂一朝改縱橫十萬看橫行米脂肥饒耕可
食尋常客兵儘裁抑紅柳河邊羽檄停黃草原
頭烽火息送君剛及暮秋時秋色離顏總不支
唱罷驪歌爲君囑好勒燕然竇憲碑

中秋後一日雨

昨宵明月今宵雨望舒未肯長爲王平分秋色
過三五愁心轉益清輝苦人生半百日垂午微
軀一半屬黃土世事紛紛如敗縷金甌無缺吾
何補久謝鵝行蝶栩栩主恩放浪江之潯蒼山
碧水皆行墅殘霞剩月任吾取君眼如箕傲千
古對余偏覺心相許蟹胥正肥新秫醕與君
壺交相吐君不見昨宵明月今宵雨

送陳昭華州守公擢南樞郎

范勛卿詩集

卷六

十四

武林陳侯奕世賢才鋒蓬勃出龍淵割雞仍作
三刀夢翩翩五馬臨江嶼白狼山靈色斯吐于
今喜作山靈主詞承蒸成萬壑雲思波併作千
邨雨江城三載借干旄玉鏡冰壺相映高狐鼠
望風膽立破魍魎入照形靡逃全牛批導志已
滿哀鴻撫字心彌勞昨者飛蝗遍畿省江淮草
木無留遶上苑空煩聖主吞大田虛望明神
秉而通萬寶獨依然蝨賊無敢入其境更有丘
陲麥秀奇三岐兩岐遍千頃自是賢侯德所招

詎曰父老蒙天幸嗟嗟賢侯未可量恩威宛轉
何多方柝楊華楚悉功德笑談欬吐皆文章法
臣斷案史臣筆蹴決片言成畫一迅如流水屹
如山一字千金移不得治行誰人可雁行自來
循吏罕兼長趙尹第工爲摘發龔黃抵解勸農
桑文翁詩禮能化俗牋牘猶托劉南昌我侯一
人跨數子左宜右有惟其似名因卓異紀御屏
寵自彤庭賜褒璽南都根本借樞曹三事六卿
從此始

范勛卿詩集

卷六

五

江上懷故友沈白生作。

風江崩浪如山擣東望扶桑日初杲江筏乘潮
疾於草潮落潮平送人老故交直上南徐道金
山焦山徒自好重來大半跡如掃以茲感歎傷
懷抱澄波况炤顏枯槁微生如泡誰可保劫來
恨不求仙早陸沈世界何顛倒片閒那向風塵
討五嶽胸中空草藁何當捐累除煩惱凌霞捫
日遊三島

澍應禱爲張守賦

澍應禱涸澤生春草到來還是早焚薪埋齒計
將窮率巫舞雩兼省躬玉版真文天火煉口漱
甘霖酬我公我公民所福不然那得道士何觀
六

宋又生尊堂壽言時又生秋試時也

朱夏未垂膠葛清露流五色皆玄瓊雲娘毛女
霞上語宋母招仙訪大瀛百子爲少一子多仲
野不負熊丸和眼見青雲在平地宮衣試舞方
儀儀

范勛卿詩集

卷六

六

瑞鳥篇祝李石鯨母夫人節壽。

有鳳有凰同宿丹宮凰兮失鳳垂翔忡忡胎生
二雛有五文章翺翔勃勃絢采輝煌凰兮凰兮
終樂未央俯眡黃鵠招青鳥笑彼遊臬斥鷃鷄
鷄周周之屬亦何小握躡腥穢方未了

壽莊立圃六十

七月旬餘秋氣新驂峭騎氣來羣真主人敞宴
稱周甲冰荷瓊液紛前陳季俗流下人心頗胸
次不平橫硯硯主人坦遂無礪刻肝腸如雪還

如火咄咄人非金石堅更加雕琢殊堪憐主人
栩栩復遶遶無用之用全天年祇今開笑容顏
好每笑世人焉用老從此何難躋大齊無煩別
覓長生道

泰州李守德政歌

屢朝謨烈承平久吏治既察民生厚專城剖竹
咸晏然有險何曾挺而走比來邊塞烽火張流
禍漸及中原殃城社靡寧雞犬竄民心從此思
循良吾泰賴侯享安上一代人豪產齊魯萬室

范勛卿詩

卷六

七

之郭一身 人文學齊人武文武萬邦爲憲
才鬢作頽川 朝來乃知此地支空棟還是他
時調鼎梅侯 慈仁易誅殛將自春臺臻化國
向來臆魅遁醜形不假霜威消反側憶侯下車
首勸農露冕桑麻禾黍中免居市井還思教將
以孝友維頽風爰表幽光與潛德遂俾人人有
矜式復念蒼生貽以安兵練于農弭寇賊允矣
爲憲大夫哉卽看褒寵自天來

壽顧與治母夫人七十

招搖戍指霜氣清淮潮應明河可商雲之中

懸寶婺西華妙烝飛玄瓊珠旂羽蓋霰舉隊

隊雲娘踏雲語八琅璈響仙風吹却臨顧母張

筵許顧母積功亦何厚相夫課子成師友談經

不數宣文君大抵是今之孟母祇今初度卜難

老婉矜烏使來瑤島擗麟脯薦鳳腦青饌紅藕

未爲寶母兮世味雖復輕且從兒願嘗君羹

長歌壽王母戴孺人乃仙佩時爲尊堂也

彫彩通飛天鳳凰七德六象五文章瑤木棲時

范勛卿詩集

卷六

六

七

丹宮宿孕出鷄雛王者祥天生奇杰光日月盼

蠻狼峰如鳳岡王生鍾英邵林彥殖學工詞匪

徒銜髫年韜養抱鳴球頃之不遠金華殿不獨

乃翁既名儒更因文母同繼善止孝止慈克勤

敬友夫師兒訓女併豈徒靜好振徽音兼以詩

書有儒行令子身修親顯揚何殊魯頌壽無疆

翟冠錦被猶眇細名永千秋安可量扶桑之蘭

崑崙桃西池之圖北斗杓無如心壽供真樂老

彭魏葛空寥寥

惜花引

圖丁報到桃花盛十日天陰五日病待到天晴
病起時東風妒殺桃花命人生歡會能幾多花
殘年老奈春何獨有春風梁上燕銜花片片落
檐窠

憐月引

登軍山月雨即晴時釋修雨連登
山之奇故有此作問之

約登山桂月妙今始來山靈笑負期人共雨無
情吾儕傲雨與天爭夜雨偏憐向曉晴多情天
洗月光清

范勛卿詩集

卷六

九

包家山造歌贈釋修

殿廷三策應文昌龍鸞千古炳天章英聲四海
烏敢當天仙心手姓名香專學無門獨車華磊
磊落落如方岳奇文始受座師知人間似奏鈞
天樂更驚高第仕無膺隱君子爲風月主能將
蘿薜易簪纓辭辟金鸞營石圃于焉遁世恣徜徉已而已而歌楚狂于焉離亂深林麓徐徐于
于媚幽獨技通天地不通人奇品娛情轉善貧
偏不餘糧餘酒秣羲皇上人元亮匹偏忘造宅

造山忙敕家潛隱如向長愚公能致夸娥子包

山移造如彈指繫維七十二峰派包山巘壑稱

奇怪包君親手作家山家山如列包山界玄靈

岡石筆如山巧妙構山幽鍵關小園兼托包山

在禽慶疑同遊嶽間

七夕荆璆設席小齋同雲野岱淵公車麟

今諸詞人歡飲余分賦雲字作歌是日雨

脫却朱明暑氣分蘭秋日七景氤氲曝禪晒腹

當睇口彩綴金針乞巧雲天放佳期配靈匹度

范勛卿詩集

卷六

七

河相見歲才一天上人間宜合歡伯淮友愛情

尤密羊羣奔雨雨洗車牛女傍徨淚酒餘佳辰

有雨無雲月恐負人天樂只且老夫叨酒陶良

夕瓜果紛陳盈殺核銀河翻處望雙星醉狂夢

卧支機石

壁山花短歌

去年人苦山傾倒移山今共人偕老老夫乘興
四時花莫似勞人空草草毫無塵事只幽探句
聯韓孟奕李愁每日招遊無俗客山頭花底足

清酣

芙蓉盛開楊酒生昆仲招同劉楚水凌穉
衡孫惜人醉賞

名園雅有風流王招客歡遊意栩栩芙蓉城滿
木末寒鮮艷駢闐較難數醉紅裙比醉名花許
多紅拂在楊家與花共有姻緣在常要花前醉
九霞

戴赤城惠晚菊有感

翠芳春媚便收蓄寒艷時過防退速喜抱空齋
范勛卿詩集 卷六 三

諸色雲有情晚贈多開菊嚴冬造物少遮留霜
冷花殘逐水流逞興餐英兼進酒和吟元亮共
千秋

壽李羽中作

羣花搖豔可憐春光滿乾坤鋪錦茵芳潤餘酣
偏乘興生花夢筆可憐人仲春輕暖多晴晝年
年歲歲花枝茂海酒山肴供謫仙長春宜祝人
長壽

良夕詞 有引

余生平少睡每日以半夜爲半日今已

七十四歲總計已成百年想久之還過

東坡所謂一百四十矣司馬溫公造圓

木枕每轉而覺即起讀書名爲警枕天

寶言南方有魚多脂紡績暗而宴樂常

明名爲儵燈尔老矣雖不能朝夕多讀

書常喜招良友棋酒深夜小宴亦樂事

也因作良夕詞托同社賦之勿孤百年

之約而有負良夕云爾

范勛卿詩集 卷六

三

志士酸辛蒲柳質將凌倒景殊無術苦愁警枕
厭清宵狂興饒燈延夜日消息浮生真可憐老
夫棋酒不遑眠日加半日歡遊夜七十餘年當
百年

東墅包山有白芙蓉秋牡丹招戴赤城徐

石生王繡虎小酌因城門早關未久留客

有感作詩

玉芙蓉滿白雲白秋牡丹滿紅霞紅園林尚未
蒙霜下秋花偏弄小春風天有風光眷遊子風

有花光招客喜有酒不醉遽先歸山靈當責主人矣

飲梅下書懷

春引風情花放開紅顏少小額妝梅可憐皓髮
柔榆蔭空比梅邊霜雪皚嬌鳥銜花落樽裏花
閒歲歲無停止詩歌笑傲足千秋花當美人吾
老矣

七夕歌

去年七夕雨躊躇靈匹幾煩淚酒餘今年雲月

范勛卿詩集

卷六

三

七

陶良夕天亦有情人戀劇羣姬乞巧上高樓玄
針綵縷共綢繆老夫就館招良友同心膾併明
星酒最憐人世合歡多何慮秋宵無合偶偏驚
牛女滿天愁隔歲渡河經別久

河完歌

清時可濯滄浪水良宵可詠南樓月水月偏令
佳興多興多鼓舞花爭發四時花底欲追歡時
醉同心酒浴蘭盟結竹松臨水月隱丹此地遍
循環

河完書懷

閒行偏愛河邊水閒坐偏愛水中月曲沼鷗鳬
喜結盟密林松竹憐清樾金谷珠姬那足追祇
今荒園足棲遲輞川裴迪和詩好祇今良友和
傾倒請看超俗古沈冥烟霞無恙風流老

同羽中奕二首

遊河濱兮樂且湛同逸侶兮日手談清虛事業
忘機處一指禪兮可靜參

貼危世局任支撐秦漢分爭祇一杯丘壑閒身

范勛卿詩集

卷六

雷

七

聊博戲松陰落子娛仙吏似同石室二童棋引
長甲子須臾事

歸山歌遲夫山禪師過里

江北江南衣帶水杯渡輕波疾如矢對江南有
白雲飛雲亦隨風過渚磯覺路師宜獅座上故
里人驚虎跡稀狼山下春草肥花蓋虹幡歸不
歸

棋社避暑篇

靜寄能超俗幽居雅閉關江流遙在許星隕小

移山撼蔭風涼暑乞閒雲深熟客任追攀文字
送窮宜共讀烟霞賒盡不須還左相吸川難省
費謝安賭墅莫容怪同人坐隱談仙訣應許長
生天壤間

陳文如太君七十

北堂奉帶佳公子芳年學製尚書履鼎貴八座
休遣家相夫課子絕奇豪瑟琴靜好徵音振利
貞闔德尊柔順傳燈素業晚來勤劉薦賢聲日
播聞佳兒純孝供真樂填門喜氣何交錯秋仲
范勛卿詩集卷六

卷六

七

跳丸會壽星年庚降誕足遐齡月中金桂臨江
島可食輕身後天老西指招搖莖紫清露流五
色皆玄瓊醴泉芝草衍蕃祉匪徒蘭玉奉甘旨
寶婺星輝遶喬雲仙侶紛陳仙樂殷珠旂羽蓋
空中舉紅蕤青飀出毛女阿母時將三熟桃應
知陳母大齊高兒抱鳴球邦之彥逢時不遠金
華殿愛郎著作有香名還從兒願嘗君羹

金母圖歌爲文如尊堂作

蓋壤神超脫塵鞅蓬瀛海表通霞賞增壽南山

接北山人生七十今爭長殷母昌容仙派賒萊
衣拜慶舞筵華水桃碧藕兼紅藕金母今朝到
爾家

苦雨未適河坨有懷羽中

秋風清兮秋月明秋雲陰兮秋雨霪居單獨兮
日固倚憶間行兮苦飄零河坨尋常易往返而
今只尺若遐遠開懷棋酒每同人安得離羣自
餽蹇

龍孫引于到今于舉孫走筆贈之

范勛卿詩集卷六

五

一經教子美家尊秀士良緣結淑媛年少
延肯構有泉源浚有芝根興門天上麒麟瑞千
里駒能引龍驤著膝著車吾輩孫長文文若歡
相侍充閭佳氣看啼時湯餅尊前慶賀詩老我
輪君今獨壯弄孫却許共含飴

放舟遊倉河

城下決倉河河通滄海波漱石枕流憑逸興吸
川眠井聽仙歌愁却山河散亂後浮槎奈犯斗
牛何

春恙思河坨梅花

夏遊河坨多好風秋遊河坨多明月隆冬櫛櫛
苦淒涼花酒三春才醖釀斗柄新隨春色迴羣
花先讓早梅開病餘空似羅浮醉孤却芳香美
婦來

花笑病

花有笑藥無傷鳥性飛來喜憐梅媚且香好月
好風懷自遣能歌能飲病何妨

病瘦詞

范勛卿詩集

卷六

五

子美苦詩太瘦生子厚辭書皆病癖老夫病淺
是原貧辭書詩媿無饒益瘦詩遺笑浪仙君病
歌歸老重休文烟霞痼疾余能賦傾共肥梅擅
衆芬

午日招同豹南岱淵羽中子通公車觀競
渡戲作短歌

龍舟回薄波心戰陰伏雲蒸龍乃見續縷靈符
總辟兵錦標画鼓連歌扇拭汗蘭湯浴物華遺
風菰黍弔懷沙榴花杏實蒲菹酒世路雖艱生

有涯

惜別歌行 有引

曩余寓公白下與介立道友十年詩詠
諧合乃久苦世亂離過有懷莫展頃者
不遠千里妙躅枉顧嘉願始伸余殊未
敢以小乘煩正法眼然公以禪理而兼
儒業能爲余拙集刑章記解斧鑿感荷
雅厚千秋不朽顧屈居河坨小齋兩月
餘遂欲別歸雖僧衆木鷄等諸道人併

范勛卿詩集

卷六

五

閩州紳士皆至誠求公說法彌勒院尚
許仲秋余因作此歌行蓋歧予望之駕
臨速速云爾

介公妙諦是道安冥贖再來身予每讀君碧雲
佳句掃規塵悵別浮杯來結社哀成校集豁迷
津說詩匡鼎日更新雲爲衣今荷葦屋留君開
講衆生福閨余幽獨愁偃蹇師暫言歸宜旋返
恨五山靈通鳳臺順流二水豈儻個師言瓦礫
皆無上花蓋先秋獅座開向余交君老猶壯今

君顧我憐無恙近世風塵交態疎君能草草言
別乎莫謂交情休怪浮屠無

贈張漢冲先生

張老全捐萬戶侯窮栖屹崕卽丹丘靜據孤身
絕塵世避亂忠貞別天地雲房爲將跳終南千
古奇男相伍參五山江垣十洲水獨養玄牝應
不死劉安帝謫守天厨辟穀肥肌滓濁無金甌
火棗供酣暢若士神交語雲上吾儕乃拍洪厓
肩木人石心求見憐於惟哉遇張老悟清玄嗟
薄俗負高賢誰知自家山上有天仙實與燕真人
後先

送別邵石生還白門

仙客疑從閩風至搔首青天錦綺織才比狼峰
峰勢高詩如塔影落江濤初恐山靈闕五緯飄
飄美爾相如氣招邀醉瀋共淋漓千秋一日苦
傷離抱我雲心歸建業送君波淚崇川渌吁嗟
乎三山望水別開天五山重許訂何年

范勛卿詩集卷之七

白狼山范鳳翼異羽著

五言律詩

立春日雨

春鳩街雨至芳澤溢東臯盡洗水霜氣應知天地勞漫空猶似散向初已如膏孤館餘寒色能辭范叔袍

一尊答高景遠先生遺問兼賜佳酒

一尊殊自勝長缺已羞彈鴻記因人熱睢寧至

范勛卿集卷七

此寒造幽遵古處佃野得偏安永矢保微尚曾詣行路難

山茨社次韻。

海鳥於人近山雲去屋低雨晴朝放犢村靜午聞雞契道羣真集尋途七聖迷夜來簡金籙光惟似燃藜

其二

我何安寒劣古者不求聞歸擬陶元亮遊同宗少文彈碁窺鶴子洗硯惜鶩羣欲識山中適君

來叩白雲

香雨庵

列剎經行遍此庵今始經覺花明小砌香雨濕空庭局上了生死吟邊漏性霑底須愁彼嘶咫尺可揚舲

友人招飲南山有二美人行酒

曲磴迂還險危岑疊未安天青霞色薄沙白水聲乾病樹風吹醒楊波日浴寬雙鬟能賞勝笑語落雲端

范勛卿集卷七

贈顧太學

寒榮宜晚歲噉蔗似長康歎日惟畊硯無心又釣璜得天寶日月閱世慨黃唐幽逸葆真氣陶然樂詎央

秋夜同慈明及僧無公談詩因分賦平字

時予方私謚盧子明朱滄海兩先生

乘興來詞客攻愁仗酒兵夜沉天地合秋半暑寒平戒綺僧耽句銷聲人易名更成文字飲千古共要盟

廣陵東隱庵赴若昧齋會

送難應慚許談經却似支護關兩虎善卧鉢一
龍痴齋供傳真果瓶花茂覺枝得師牙後慧重
和碧雲詩

從西方庵達虎踞關行舊林中十餘里人
蹤幾絕雞犬皆靜惟僧磬數聲從柳烟中
出令人悠然有遠思作詩示融公

腴林陰自厚幽岸曲能通樵擔秋原外僧棲冷
碧中高烟咽孤磬古木領浮風只此堪逃世何
范助卿詩集卷七

煩學苦空

水閣

涼颺動水閣捲幔坐能幽竹嶼連朝雨荷池三
伏秋茶聲入高枕花氣上層樓鎮日無人到凭
闌只伴鷗

同宋又生潘君寵焦山晚步宿海門庵

山夜似窮秋搜奇此夜遊潮平帆色定風輭櫂
聲柔空月寫孤傲玄烟結暝愁僧寮蒼髮冷無
力化莊周

金山次袁中郎韻

海市千層紫雲嵐一點青鰲擎山足穩龍吐浪
頭腥靈鷲移中土孤根洗八溟乾坤自寥廓那
不羨鴻冥

金山對月同王伯舉給諫賦

崖月窺殘酌天風吹短衣山從墟界立潮曳海
雲歸竹嶼傳清梵松房占翠微已拚逃世鞅江
上理魚磯

移酌江天閣

范助卿詩集卷七

露洗銀河淨江天一色奇行來無穩石攀處怯
枯枝雲散山腰瘦波搖殿角危勝情蘇病骨夜
酌更須移

金山風雨異常

滄桑何歎忽無計問天公疊浪龍吹雨排山虎
嘯風雷霆走日夜天地入鴻濛色界真無定能
教百慮空

遊焦山三詔洞

高人儼何所古洞此探奇綺石和雲堵崩厓借

樹指松濤驚夢鶴苔壁繡文螭遊詔高風遠千
秋亦我師

同何鳴素何元石諸子遊八公洞在潤州
城南十八里

八公壺隱處宛爾小山同香灑崖松雨泉疏澗
竹風烏酣春色裏留定水聲中可但忘身世居
然萬法空

宿焦山海西庵曉望

曉望出松扉支藤立釣磯江流何事急峯勢只
危助卿詩

卷七

五

思飛日未孤帆杳曾前一鴈微音光紛屢幻舊
句已全非

焦山題萬上人書

挂錫山之麓環林萬竹疎禪床容怖鴿梵唄警
桑魚搖藥供香積推雲架小廬書經留業習焚
鈔意何如

北固山作

咫尺逗雲關何妨數往還杖頭懸綠酒枕上見
青山鳥語堪填句僧棋轉破閒寂憐楓樹晚視

川色欄編

渡金山

鼓枻發清歌秋江載酒過雲分山路髻烟細水
如羅亂石疑星隕虛窻受月多地孤塵不到人
世自風波

同客自先生江左社兄郊遊

近野宣風善修烟曳步長支筇憐艸嫩却扇受
花香森綠伸枯性殷紅發古光預期重載酒暄
景炙鶯簧

范助卿詩集

卷七

六

秋日送張鉅卿之燕兼赴代州謁其婦翁
閻叅知

離亭楓葉下別酒夕陽斜秋色生囊草寒霜淬
劍花月明燕市筑邊氣鴈門笳到日憐冰玉天
涯宛是家

與了因上人手談

支公本無住雲水共心期戒綺猶耽偈忘機未
到菩提空驚葉墮聲冷挾泉悲佛日山中永偏
爲靜者私

病起偶命侍兒拈韻得廳字

病餘仍謝客孤館坐來幽犬睡花陰午蟲吟木
葉秋尊開浮藥物茶熟避腥醜一榻清風滿閒
身可自繇

贈湯慈明先生

夏百娛新賞春餘補墜歡軟香逢麥熟爽脆耐
梅酸神候看巖電幽姿比谷蘭孤貞能自保一
任轉雙丸

其二

范助卿詩集 卷七

入門千古色知是高人居半榻雲光滿一簾花
氣疎逍遙天自放酬唱日無虛苔逕履相錯乞
文兼乞書

其三

書淫忘寢食蘭煢續隤陽活計文堪賣長貧酒
不償一蔬輕鼎貴隻字短旂常我亦遺榮者相
携老醉鄉

其四

爲有千秋在屏居但息陰覺先開世眼則物體

天心塵不上蒿邇春偏眷竹於一從獨外役瀟
灑到如今

其五

怪來嫌剝啄但恐驚雲霞扶杖看山氣呼兒點
砌花泉疏茶性出窓載竹陰斜杯底丹榴綻金
光漾鵲砂

其六

象賢能養志樂聖笑勞生滄海無璜釣青山有
筆咍齋心疏滯疾奇賞奪凡情況復饒功行南

范助卿詩集 卷七

八

官應度名

夏日李後岡先生五柳園讌集

三逕何幽勝居然陶令家涼風鳴豆葉疎雨落
桐花虛院疑秋早深杯信日斜最憐塵事隔心
賞足烟霞

夏日同楊元孺周千載諸君遊天界寺

眺賞入炎景始知山逕幽幸携塵外侶得選法
林遊新笋防蒼鼠千松舞赤虬借僧波若眼指
引恣冥搜

時聞僧家擊磬以

其二

我心無所住空界森以悠白日避松路毫光搖
石樓樹頭黃一葉客思冷于秋梵響翻多事驚
雲散不收見品林中

同元孺千載蜚聲諸子秦淮晚泛

古渡夕陽收誰能辜興遊舟銜天上下水載月
沉浮歇起客停櫂粧成人倚樓繁華豈銷歇餘
氣六朝留

其二

范勛卿詩集卷七

九

樓上月來舟軸簾香出樓倚闌頻送目移櫂屢
回頭公豈能無渡人應字莫愁忽疑鶯弄曉徐
聽是歌喉

山亭對雨。

把酒對烟巒蕭蕭暮雨寒客衣苦欲上僧爨葉
初乾高閣蒸雲氣危檐瀉急湍無人問岑寂跌
坐且蒲團

輓潘公

斯人遽云歿吾道竟堪傷靈氣還河嶽清英寄

雪霜絃空嵇散調星冷少微光醇酒三山下潘
江流正長

贈邵都閫

虎節常關險龍淵出匣銛恩多威故肅兵少將
嘗廉插羽風聲遠揚鈴江氣恬客來時命酒杯
卧五峰尖

清涼山居憶周江左時江左有淮浦之遊
用扇頭方孩未御史韻

窮達皆如鷺栖栖無定魂不諧遊道賤安見住

范勛卿詩集卷七

十

山尊崦合通雲氣泉流漱竹根靜延塵外賞幽
鳥代微言

春日大司馬質公宗兄載酒俞容自勲卿

園中招同黃石園海震甫暢敘而質公詩

先成步韻二首

異境春偏靜閒心日與遲酒糾司馬法花韻美
人安山曲雲同幻潭深月不移清音絲竹外始
悟太冲詩

其二

花間微奏肉誰聞谷鶯遲乍識春風面全生古
柳姿月巖疑雪積烟權使山移洞窾有龍蟠珠
光幻入詩

暮春同談大京兆中約萬兵憲寅陽及何
鳴素何孺龍劉太華招錢密締潘木公飲
東阜

向山開墅近見鳥坐花深泉脈滲霧液松風吹
古音拈碁敲樂句移席載峰陰歸路携餘興冥
心時靜尋

范勛卿詩集

卷七

十一

湖上晚同黃貞父作

花宮連後院草閣俯前川宿雨涼猶在孤雲澹
可憐林疎偏受月湖濶欲吞天坐覺蠶塵靜臨
風意灑然

霧谷和王覺斯先生作

霧谷徵靈貺高烟發午鐘色身飛幻界笑語落
前峰是石如蹲虎無松不作龍鍾陵森起尺肅
穆此山容

夏夜早起有會呈馮慕岡曹貞予兩先生

侵曉月明微游蟲噴噴飛因他羣籟動喚我性
靈歸葉響秋先入花光露未晞不知何冶鑄腐
草亦輝輝

八月十四日同友人酌月限韵二首

分秋輪欲正次第展宵明金粟飄香韵玄霜動
柝聲陰暉高轉徹永晷冷逾清何處銀箏罷鈞
簾弄化生

其二

月讓中秋最先爭今夕明風含雲葉動光逼露
范勛卿詩集卷七

卷七

十一

颯秋色將瑤草金香比玉蘭幽一軟冷然悟何
煩問趙州

。久雨初霽新興不淺薄暮仍雨撥悶以詩
連陰與病會稍霽令心開展齒欲飛動山情先
往來酒相待鶯勸趺險約僧陪不謂辜游興林
昏雨又催

同諸詞人過介立看竹山房

看竹沿雲入雲西開竹房音光備泉聲枕簟襲
青蒼不雨林飛潤非烟逕嫋香真僧領幽意塵

與法俱忘

其二

冷光泛初竹入夏已呈秋新粉磬邊落嫩涼衣
上浮午風欹錫影露葉漾溪流嘯詠淹終日人
今媿子猷

後日同洪桂渚汪霽寰集劉靜之衙齋

上已美風日如何忍索居詩賡維水後人憶永
和初瑞色來玄圃芳飈拂綺疏廣文官自吟肯
使綠尊虛

范勛卿詩集

卷七

古

山房尋宿同中郎賦

孤剝昏鍾定僧寮借榻遲烟生空翠煖月到缺
崖巒祗樹深千臘曇花靜六時偏宜許玄度長
日課吟詩

王夢叟見過辱以詩依韵

微雨侵朝過當籬盡着花夕陰藏委巷寒晦侮
貧家樹坐啼窮鳥齋眠除冷蛇濁醪對知己此
樂亦無涯

悠然樓立夏前一日分韻

爲園帶長薄開閣引諸峰宿雨林容淨晴波增
影重餘春花轉媚遲日鳥兼慵把酒寬吟眺遐
心付短筇

爲史弱翁下榻二首次原韵

索居黯無緒檐鳥故嚶鳴予亦懷真契因之眷
友生雲驚空谷響鶴叫應門迎福刺初投及欣
然倒屣情

其二

乍解周徐榻衡門已色飛詎煩歌杖杜適以慰

范勛卿詩集

卷七

五

緇衣遠迹烟霞護幽期聲氣徹人關至精處大
道合同歸

雨中招黃海鶴先生及林茂之吳次尾張

隆甫程德懋楊曰補江孟辰史弱翁飲鳴

鳩亭同賦九青

重陰漲荒逕幽素媚孤亭聊復煮玄月招邀聚
德星浮尊添竹翠綠樹上苔青農扈欣霑足吾
堪醉醪醞

其二

幽人方用晦天地亦沉冥亂石疑翻浪虛亭宛
泛艸螢光經樹冷蛙吹過風腥羣彥淹文酒洪
鐘待寸莛

范勛卿詩集

卷七

十六

范助卿詩集卷之八

白狼山范鳳翼異羽著

五言律詩

白蒲晚泊

維棹依蕭寺，黃昏鐘磬沉。
月華欺短燭，霜氣凜重衾。
尚有人喧渡，何如鳥定林。
尋思生趣薄，伏枕且高吟。

夏日清涼山居與諸子奕松林中作

如何逃熱界，林下靜彈棋。
陰借青松厚，明將白
范助卿詩集卷八

日欺千峰環冷翠，西陸送清颺。
坐覺幽襟暢，杯行亦不辭。

廣陵雨夜王夢覺有思歸之作率和

羈心悽夜雨，歸思入秋聲。
一讀登樓賦，幾傷遊子情。
殘燈鄉語切，半榻野雲平。
夢破無聊甚，唯應付麴生。

狼山道中

南山有佳氣，載酒尋小春。
柳似抱疴者，楓如霑醉人。
野雲伴獨往，江鳥來相親。
潭底焰雙髻，追

遊耒老身

簡薛廣文又損

帶來樛散性，合是廣文官。
獨往乾坤窄，孤情日月寒。
健門脩止觀，支路煉還丹。
一往風塵過，何憂行路難。

秋夜集王氏水亭

小院秋容澹，長河晚色涼。
碁聲花外落，酒氣月中香。
作客生塵事，離家覓睡方。
良宵那可負，鼓枻弄滄浪。

范助卿詩集卷八

廣陵文昌閣送別何武莪年丈

高閣枕江濱，笙歌遠近聞。
風塵杯外過，吳楚席前分。
征雁啼殘雨，歸鴉背暮雲。
可堪搖落意，明發又思君。

初夏集山茨

乾坤殊太窄，何處可娛生。
俗薄交爲累，山幽病較輕。
白鷗隨翫狎，黃鳥學歌聲。
不識春餘幾，滿籬花弄晴。

其二

茲辰忽初夏春已隔年期
臘有殘花在能堪載
酒遲網魚分鶴食麥餅倩僧炊
臙樹層層碧居
然盡裏詩

昌平道中晚霽

螺髻峰峰立雨餘態更妍
鬱葱浮御氣天矯接
祁連樹杪堆蒼雪山腰浸紫烟
天風如可御雲際欲飛仙

潞河答鮑中素

微抱元孤往浮踪任世猜
虎應真在市蛇或不
范勛卿詩集卷八

離杯潞渚秋風澹船窗野色開
東籬花欲老歸思倍難裁

羅淡研御史同黃石璽卿飲梅花樹下作
時有雙猿白兔可玩

高軒枉窮巷草具只春醅
媿少雙紅袖聊依一樹梅
客將深興入花亦盡情開
白日羅浮夢香魂無去來

其二

看花皆靜侶物意亦悠哉
玉兔月中出蒼猿嶺

外來披襟生遠思引客共登臺
不媿移文地吾寧任世猜

懷阮集之山中時方省其兩尊人殯所戊

寅正月也

庭梅方破蕾延賞故徐徐花似需知
已人胡忍索居相思稽命駕折贈代
槭書負土君方劇琴尊媿闕如

其二

石戶春能入時禽喚友生
烟高翠峭伏綠淺各范勛卿詩集卷八

巖爭榮木疏人性流雲狀物情
知君會心處獨靜春同聲

春日同容自集之諸先生遊天界寺綠蘿
巷二首

息跡香塵外空門別置春
藥飄風自善霞幻色無陳月地形
商影昏衢妄破真何如方丈室
晏寂瑣佳辰

其二

清機微有觸午磬響空山
香逕游蜂煖禪扉立

虎閒林腴光欲溜鶯嫩語猶蠻到此無心想身
疑冷夢間

對月有懷周千載時正遊吾里。

我里今宵月君胡不我同借光江水上疏夢海
陵東驚鵲棲枝晚離顏仰星空何當慰蕭索莫
漫倚霜鴻

宋量公續蘭社三山閣畢至羣賢惟眉月

二美人阻雨未至予分得齊字

雨雁亂峰齊鴻濛入望迷冥心師大化滌墨和
范助卿詩集卷八

五

天倪林水席前擁烟花星裏低巫陽人不見只
隔暮雲西

予無丹青之能而有丹青之好故蘭社大

集皆招予往予乃縱觀其妙

圖牒開天地至精因所關審予闌入社啞爾夢
遊山萬象根無朕羣靈役不閒誰知千載下顧
陸在人間

秋日遊北山社集正公禪房限層僧藤燈
四字。

逕香人少踏屐輾葉多層馬豈傳真法時繫馬僧院
猿猶攪定僧杯光浮似竹錫影瘦如藤欲證圓
明性山河日月燈

其二

行行人幽閒花暝不知層落日殘鐘寺西風綻
衲僧孱提依忍草趺坐若盤藤滅燭應焚鈔光
明詎借燈

其三

南北山相向往來雲數層低頭時騁望松際見
范助卿詩集卷八

六

歸僧詩氣祛蔬筍宗風掃葛藤投誠依覺路長
侍一龕燈

其四

斷雲連樹斷層閣起岑層蓮社攜歡伯茶盃卧
聖僧鼠偷松子粒蟲立豆花藤晏坐空庭夕年
尼卽寶燈

其五

細雨秋空淨清英不作層青松方外侶黃葉病
中僧稍悟殺針芥何妨醉瘦藤真身超彼岸幻

界任風燈

其六

香閣凌縹緲人天共一層空山觀實相雲際禮
真僧破突燃乾葉白花紫紫藤斗南疑吐月城
裏塔懸燈

其七

昨來霜着樹秋影落階層種竹能醫俗看花有
恨僧青鞵霑積蘚白帟挂垂藤方丈虛光滿時
燃無燄燈

范助卿詩集

卷八

七

其八

躡磴歇還歇穿林層復層得詩矜向客失道恰
逢僧青鳳搖蕞篠蒼虬偃怪藤天花光焰室千
刳續燈燈

其九

狼峰青五朵層浪碧千層側鳥偷窺客停雲嬾
過僧點茶鮮摘豆護藥細編藤坐久歸途暝明
星可代燈

其十

詩社矜壇坫棋枰布壘層習心還逐衆鬚髮莫
驕僧鬬茗兼瓢杓書蕉代剡藤昏衢吾不畏斗
轉四天燈

其十一

江施練一疋城剪塔三層窺竹來遊妓隔墟歸
醉僧寒螢鳴上壁怖鴿誤穿藤返棹憐漁婦青
熒補網燈

其十二

梵放山腰轉鐘沉樓上層芻泥巢古佛蟬翼累
范助卿詩集

卷八

八

貧僧經案惟支石繩牀便就藤前村欹白板悄
悄夜春燈

冬夜抵海陵作

衝寒逐暝途輿背挂村酤野曠風尤峭河水月
亦孤偷安能僕少卽次故人無况復驚殘騰歸
心似轉轡

秋日雷電大作志感

頃歲望豐亨能堪異祲生風雷纏屋瓦雨雹迸
檐楹倏爾歸無朕居然見太清 聖明方在宥

應不累昇平

其二

士可憎多口人猶關至精持螯生事足浮蟻世
緣輕和俗才偏拙憂時意漸平誰能爭造物且
自飯新秬

秋夜潛夫諸子見過小齋因命家僮絃歌
作酒同賦五律時周千載至自楚。

孤館閉幽素何期約士來聽蟲吟上砌看鶴步
後苔露氣侵絃柱秋濤泛茗杯周郎惟顧曲不
范勛卿詩集 卷八 九

擬賦悲哉

其二

楚客兼秋至哀絲悲易生不將今夜酒安寫別
來情寺遠孤鐘冷天高一雁橫何能無逸韵抽
思譜秋聲

次吳師利居士韵呈雪公二首

共以無生獎居然得未嘗宗風一玄暢佛日此
重光勝侶元支許心期更范張伊蒲供小飲大
道合頽唐

其二

法衣隨法授心印以心摩一着微塵想其如永
劫何禪枝風裏靜慧業酒邊多談到清涼界蒼
烟起薜蘿

飲潘仲和尊拙軒同社分賦

杜山能尊拙侯芭許問奇簷牙窺俊鳥爐氣冒
遊絲春老花能媚庭閒日較遲酒邊一僧至饋
茗乞題詩

其二

范勛卿詩集 卷八 十

風色動花梢芹香落燕巢半酣真態出一笑俗
緣拋春事如殘局時情總變爰長將尊拙意與
爾足神交 安仁賦有心怡神交惟我與子之句

其三

咄嗟成雅集自爾薄豪奢盤出車中果庭開賦
裏花騁懷周海嶽吐論半烟霞竟日尊無燥門
前是酒家

其四

竹栢閒雲住圖書與屋連詩成熟茗後杯盡落

花前未是閒居日行當直宿年嚴城隔吾舍吾亦醉拚眠

答贈湯慈明先生

七十老詩翁風流少日同插身花鳥內撒手俗塵中異代歸宗匠明朝表國工如君真不朽元會未應窮

其二

膠序辭何早山林道轉尊用柔同苦縣無病勝文園貰酒時畱客含飴日弄孫底須逃世外壺范勛卿詩集卷八

隱學施存

其三先生善食酒奕亦擅國

鵬鵬淹遠適猿鶴共尋盟礪硯消三雅英雄據一枰楚丘年始壯單豹色如嬰初度清和候南山特底晴

其四

賀客填間里開尊敞薜蘿試看靜者意應卜歷年多道大心逾下才雄氣轉和生平積功行鵠馭定來過

出門

出門意不慊雨雪妒窮途小店寒燈悄長河凍月孤裁詩寬逆旅沽酒勞征夫誰分遠于役流光逼歲除

卜築亦適園沈湛原先生遠至同作此詩卜築卽非遙半生間可消清流時自至佳氣日來朝說虎松爲塵持螯酒一瓢午風穿小逕花竹也逍遙

清河晚泊

范勛卿詩集

卷八

十二

停棹憩清河秋風欺軟莎粉榆頻入夢萍梗任流波旅病寧關酒窮愁且放歌夜深眠不得蟲語欲如何

夜抵焦山

昔年曾攬勝清夢此還酬獅象當關立魚龍抱月遊晴飛京口雨浪打海門秋香閣和雲構居然十二樓

天界寺訪賀靜補諸友讀書處是名西庵躡步投蘭若沿香叩竹房密林屯霧雨一逕破

青蒼習靜來真氣攤書有異光草玄知己就看
爾獻長揚

湯慈明秋色軒卽事

楓丹斜日映微紫晚霞蒸角奕寧相下敲詩通
自矜涼風吹酒去明月向秋澄共道湯休句堪
當最上乘

金山

烟霞中竒癖直可抵蓬瀛一柱中天斷孤根何
地生晴波流塔影嵐氣濕鐘聲四望纖塵絕深
范勛卿詩集

卷八

三

疑上太清

泗州道中

勞勞苦于役僮僕轉相親斷岸愁嘶馬酸風吹
咽人天低平野濶烟冷一村貧何日瘡痍起陽
生有脚春

遊乾元觀時余六十初度

靈宇雖深占白雲仍固扃火芝長不謝斷碣復
完銘霞駕扶虛步仙禽解恐經凡胎吾已敘應
許足遐齡

毓華李甥省予京口因走筆寄懷太素姊

夫

人到無家處自然勞遠尋可堪經歲別空抱兩
情深江月引鄉夢秋聲撼客心吾甥來省舅念
汝倍難禁

遊長千里夜過酒家賦

怪來耽市隱天地一黃墟嫩柳尊前舞新鶯葉
底蘇落星拚紫綺懸杖有青蚨才出酒家去人
間總畏途

范勛卿詩集

卷八

古

春日集汪遺民托園

欲扣玄亭草因披沒逕蒿歡因賢主盡興引腐
儒豪麗日游絲靜銜花逋鳥高幽人偏劇勝何
處着塵囂

秋日招薛千仞諸詞人小集限韵

門無嵇鳳字牕有宋雞談塵玉憑誰捉驪珠許
共探園紅鮮可摘蛩語絮難堪薄醉思秋茗才
斟齒煩甘

東張文寺

只合從吾好能堪涉世情清言松作塵濁酒竹
爲罌勲業誰千古踈狂自兩生何時三逕就猿
鶴共尋盟

過小桃源

一入桃源逕條然與世遺得花先問酒就石且
圖棋芭屨破苔逕絺衣挂竹枝寥寥人境外何
異避秦時

無迹大禪師禪室

十笏紅塵外茶烟颺午風焚公彈舌罷開士印
范助卿詩集 卷八 五

心同金像香薰古苔龕雨氣通結跏禪榻畔捐
累卽真空

新嘉驛松風亭

晚憩羣塵靜空亭小徑分輕烟勻草色涼月破
松雲孤雁杳然去寒蛩不可聞相親只僮僕鄉
思一看雲

安德驛

驛路羊腸險河流馬煩通楓州秋色黯柳禿暮
烟空客思搖行旆鄉心逐去鴻郵亭眠未穩征

鐸已匆匆

錫山周太史祠堂代其門人作

慧山何崂岬周廟傍山清俎豆千年事文章萬
古情丘餘支遁木碑勒蔡邕名國士風前淚閭
江日夜聲

送董崇相之廣州廣文

道遠琴書重還憐禮樂東炎州官獨冷異域俗
應同雅欲儲朝彥先來振世蒙似君親教授豈
數漢文翁

范助卿詩集

卷八

中秋同諸詞人翫月共賦十四寒

一片良宵月千秋延古歡光圓渾欲墮清徹憺
忘寒桂影搖銀浦空雲貼翠巒天漿與花露併
入酒杯寬

遊攝山四首

遍采金陵秀丁茲獨後期山看離立處泉聽激
衝時會境心無措乘危足不知到來唯詫歎造
物也鈞奇

其二

衝寒行擁被支倦石爲牀衆密森沉氣千林浮
動光鳥靈知愛月草異故禁霜坐待雲歸後晨
鐘出上方

其三

蒼苔樓壁老紅葉醉霜深共樹禽分韵層巒雲
一陰澹虛濛靈液初古會幽心予欲無言者隨
機亦少吟

其四

閒寂亦如此空寥只月多松泉落莫辨雲石氣
范助卿詩集卷八

相和萬有黯欲售孤光淨難摩子焉警遊思真
宰定來過

山中晚酌

搜巖尋靜者若箇是吾徒壑意融喧寂雲心幻
有無鳥還能夕哢樹不肯秋枯頽葉驕寒艷翻
令酒暈孤

訪雪上人見案上楞嚴因共詮其旨

聞鐘過寺晚問法叩關遲僧韵山增格人閒秋
與宜六忘叅了義一點掃羣疑吾意憐支許無

妨小課詩

暮鴉

隋柳寒鴉散南飛三兩羣爭巢愁落日反哺逐
歸雲度嶺聯還斷拾風聚更分城頭霜月苦啞
啞不堪聞

同王衷白王憲葵上陵有感

華闕頻中天空墮日月懸松楸聞肅爽禮樂配
高玄陰道千山迥坤靈此地偏漢官明秩祀匪
事格重泉

范助卿詩集卷八

得友人望鍾山之作時有寇警

聞君拖杖出蓄意望鍾山皇祖靈方濯杞人
心不閑乾坤雖帶甲龍虎獨當關天旅泥南下
歌先擬凱還

范助卿詩集卷之八終

范勛卿詩集卷之九

白狼山范鳳翼異羽著

五言律詩

小坐

夏日 孟辰弱翁

閒亭初罷局白晝到昏黃風定螢光起檐虛竹
露涼清言消茗瀝小坐次荷香靜老相酬對彌
令塵慮忘

七夕前一日立秋與日補弱翁同賦時予
久客金陵

范勛卿詩集卷之九

素商初入律白氣已呈秋夢落波香辭枝獨
葉愁人嗟衰似鳳吾分拙如鳩有美同心賞連
宵醉酒樓

同江左諸子從半山園城頭望鍾陵紅樹
用十一尤先是予杜門數月矣

畏落霜林後看花意莫酬半山收萬象一眼盡
三秋錦覆靈宮煖霞蒸御氣浮憑高無匪景似
是赤城遊

送包稚脩上公車時予客白門稚脩來別

梅綻石頭城逢君偕計行蘭陵山市煖獨鹿雪
峰晴延獻惟三策臚傳才一聲明時須努力樞
密可齊名

冬夜俞容白方孩未房潭柘阮集之李玄
素文啟美周江左諸君來集集之以詩二
首見示用韻酬之

高朋淹靜賞披豁歲寒心石瘦禁霜老梅僵待
臘深枯蓬疏小逕冷月肅幽陰掃甌供麤糲千
秋盟可尋

范勛卿詩集卷之九

其二

山茨迴俗駕瑾戶凜冬時不是同心者其能一
至斯空庭聞夜狄古木宿寒鴟琴酒舒青眼玄
風屬阮癡

嫁女示賢坦吳汝爲

快婿乘龍日貧家賣犬時秋金初綻蕙夜玉兆
生芝載旭方陳雁良宵遂結褵定祥留不得割
女勝男兒

其二

作令自天意佳期安可違霜清蘭玉種梧老鳳
凰枝綏授三周禮矜施九十儀嬌癡憐附遠怕
簡太冲詩

送祝千秋入茅山脩道

仙都拊割贈送爾鶴同輕局覆松陰厚笙吹嶺
月明側身玄島近虛步白雲生我豈需婚嫁將
從五嶽征

幼白陳中丞席間同張揚伯李玄素經行
一限韵

范助卿詩集

卷九

三

飲徒眷良友尊素只狂呼勝也。能引鷺塵瀟
欲無停棋仍奏雅緩帶復投壺五子林中賞延
之詠不孤

揚伯訪予白門雪後話舊。

客久食無魚君能問索居。一宵燈下話三歲隴
頭書劍水挈舟日鍾峰積雪餘相看難老在肯
使綠尊虛

。越卓凡兵憲新館成招同千仞海鶴延之
龍友孟遷諸公雅集各賦五言近體四首

時卓凡與予皆寓白門。

羈縻依遠迹拓地恣閒身賓主意交暢英雄氣
稍伸琴書尊位置草樹恰懷新何日構層閣才
堪居化人

其二

故廬便接宇新還欲生苔締構有曲致經營詎
淺才談兵聞瓦振拓筆鬪花開香茗宜時給防
人問宇來

其三

范助卿詩集

卷九

四

及爾無家者窮栖敢晏安掃除天下易營建數
椽難簷敞留雲宿花新得鳥歡寤歌良以適允
矣碩人寬

其四

海宇無安枕雄才置一丘可憐閒野客老問
薨喪斗室容千古虛騰夢十洲知君會龍見毋
乃爲鳩謀

舟宿儀真道中

江鄉逢歉歲村午不聞雞烟斷行人餒天荒夢

路迷印沙鷗步軟剪水雁翎低漫漶漁莊次謳
聲悵浦西

吳氏閨作四首 有引

冬日過廣陵吳師利道兄爲予下榻文
園而蒼雪禪師先已駐錫于此因出所
和李本寧先生詩見示不揣依韵酬之
終媿不如碧雲秀句更脩遠耳時爲甲
子十月

居士儼玄度高僧現嬾融總于傢染澹共領道

范勛卿詩集 卷九 五

情濃以詩常說法惟酒不妨宗勝侶歡相得寒
雲抱古松

其二

觀空何者法在俗惹麼塵合下無生理非關有
漏因霜清花氣老雲破月痕新密證蒲團上寧
煩送難頻

其三

我心還問我卿法只宜卿文字翻多事菩提亦
強名茶鑪寒雨沸花巡曉雲生放下六時課憑

虛自在行

其四

石涵經雨色梅漏隔年香齋閣無塵入清緣却
自忘心澄三昧水詩洗六和湯豎義投針芥機
鋒媿莫防

春日從白門來廣陵陸山人于張二守席
間賦詩見示走筆次韵四首

陸乃無從先生長郎也

雪嶺梅初綻烟隄柳乍飛大都風景是一半舊
交非雨故欺行色寒猶戀客衣孤懷誰共語玉

范勛卿詩集 卷九 六

塵任君揮

其二

顏顏頻改炤短髮不勝替爲惜流光駛能無戀
賞深清歌常在耳紅友獨知心解榻叨賢主春
風滿客襟

是日惺初二守出屢年所寫炤見示

其三

久別愁無那重來意倍親且吟梅嶺雪肯負秣
陵春簪盍憐予偶珠探羨爾頻升沉都莫問世
事村波臣

其四

雲間流妙譽。邦上振家聲。好共淮南隱。空懸渭北情。
一尊淹晤對。千古快要盟。後夜相思處。蒲帆指石城。

同張徐二公有真州之役而李薦以他奪不及同載以詩示予次韵和之

挈舟載春去。村市酒堪賒。檣立通雲鳥。簾香夾岫花。
江山能展待。風日故清嘉。遇賞憐同調。將無去住嗟。

范助卿詩集

卷九

七

偶過經行一其內子就豆架摘鮮佐酒甚歡率賦爲贈

雞黍無前約。過從只偶然。咄嗟令我醉。想見細君賢。
楚盤行潔。摻摻摘架鮮。不須遺雜佩。此意竟堪憐。

畱別賢坦朱巨源及其長源岱源兄弟

主人情太劇。客子愴忘歸。謝樹風堪挹。平原興不違。
林亭供日涉。魚筍及時肥。何限臨岐意。江聲帶雨微。

次王夢叟山居

林水斷塵鞅。尊罍陶性真。僭稱風月主。欣結古初隣。
收豎時相。鰈魚何見親。明農吾敢惰。造物如閒人。

登北山限韵

野水嬉千曲。峰陰破幾層。溪聲清似梵。詩思澹于僧。
青鳳搖叢篠。蒼虬偃怪藤。到來生妙喜。了可証心燈。

過自然僧樓作

范助卿詩集

卷九

八

秋色在僧樓。烟花象外幽。遙嵐如中酒。清梵似聞謳。
梧翠將棋覆。雲光到地流。玄津如可柅。短髮欲辭頭。

予年友程漢南與予兩榜皆同葉謝兩師門乃甫釋褐卽乞假歸一月而溘然矣痛哉今垂三十年而令嗣見予山中追悼一首

葉師臺山謝師名颺字崇勲番禺人

兩以師門故偏憐道義真。臚傳金殿罷召下玉樓。
新靈渙還川嶽。時衰隱鳳磨黃山。坏土在遙

望一沾巾

代友人答錢密緯

之子吾宗望千秋吳越存人推才足霸道以素
爲尊文采元吞鳳幽芳祇佩蓀三山欣聚首奕
世載盟言

同靜補千秋江行卽事

鷗暖浴清渚鴻飛影碧潭曉帆霞上出秋色酒
同酣瓜步邀吹簫篙師看手談中流還擊楫世
責好誰擔

范勛卿詩集

卷九

九

從京口指金陵作

出岫雲何意悠悠信所之頽霞扶落日白鷺站
清澌風弱櫓聲嬾江渾帆影遲金焦回望處不
擬幻如斯

求我靜補昆仲攜予與千秋酌月雙巢館

勝友延宵賞庭心似水空磁罍分月色純扇歇
秋風冷韵蛩吟外閒情鶴步中二難多意氣詎
歎阮途窮

月下飼鶴和千秋詩

隔竹鶴相磨清姿似瘦僧掌中能接食乘上欲
飛昇閒覺詩情暢愁憑酒力勝坐深銷燭跋片
月下蒼藤

經行一招同李徹侯晚泛秦淮苦熱分韵

已追袁紹飲又共李膺舟暑覺星芒大愁看螢
火流晴空昏當曉水氣夜爲秋泛泛銀灣上天
漿或可求

牛首道中

何之不幽勝問是無名山客子詫奇絕居人如
范勛卿詩集

卷九

十

等閒掙琮水泐石匱臣松爲關一往有新興天
闕行躋攀

山行呈戴德克

霽色引新興林腴益道顏杖頭拚貰酒蹇背飽
看山但覺雲泉幻難容眺聽閒戴顓耽勝賞黃
鳥故綿蠻

舟中同嘯父夢覺限韵

船頭坐明月蓬底赴涼風揮塵金波動浮槎銀
漢通暗莎溥露白孤電迸雲紅客路生愁易清

尊莫放空

舟次宜陵聞四弟將從廣陵赴舉白下不及晤走筆寄懷

獨雁影飛濤相違首重搔薄遊吾亦適新賦爾應豪秋爽疏鵬翮天香散兔毫未知隋柳汴曾染舊綵袍

避暑玄妙觀同慈所諸子賦

珠宮殷紫氣絳節擁青牛酒國堪逃世玄門不着愁逍遙應駐日清淨忽先秋殘局憑誰看名

言各自酬

夏日兒輩讀書東墅時予養病辱穆其見

枉畱題次韵

何處堪消夏林亭敞四宜魚容少伯種鶴具野人姿藥氣時穿逕螢光晚炤帷此中殊足樂呼酒讀君詩

劍山後峭壁絕奇予遊踪所未到王將軍

邀同夢叟觀之口占一律

一幅天然畫千尋斧劈皺頑陰苔蝕古枯石野

花春病骨禁幽絕閒心到隱淪還思漢車騎銘石墨長新

同朱君揚諸子山中酌月

入眠山逾靜飛清樹杪聞江空爭片月崖缺補顏雲杯外三吳盡窗中九野分難禁此幽絕能不藉微醺

其二

石衣承坐軟松籟挾歌聞鳥路迷蒼靄僧寮占白雲風林高復下烟岫合仍分痛飲酬奇癖傾

江足半醺

新牖觀潮便過張氏桃源莊卽事

東海翻西注南江盡北奔觀濤應有賦紀興可無言百道能通楫千家足灌園濯纓情既愜取次入桃源

慈明巨卿夢覺王孫雨夜過談甚暢分得

炎字

雨牕來好友就甕坐相淹丹鳥亂鳴砌孤蛩巧入簾遐情窮海嶽玄理契皇炎又理明朝屐食

山不碍廉

千載以詩見示復次韵

豪吟還我輩雞肋付兒曹
秋入茶濤靜星迴劍氣高
自從返初服羞聽鬱輪袍
酒國堪逃世應嗟塵務勞

同德克山行作 德克擅丹青

林陰蔭山逕此去更悠哉
予已添詩料君應收畫材
穿雲聽澗雨延月醉蕭臺
記取逢初夏年一度來

范勛卿詩集 卷九

主

十八夜月下憶覺公

紫盆峰上月今又逐人來
秋色亦如此山僧安在哉
獨行應問影尋句或登臺
遲我看紅葉松門日幾回

秋夜楊曰補周千載來集

叩扉聞瘦筇勝友夜過從
風卷閒庭樹秋傳隣寺鐘
景中人共賞杯外意俱慵
露氣侵蓬跣清真見道容

郊行

中歲脫塵鞅初衣遂本懷
幼安惟皂帽謝眺有青鞵
觀稼雲千頃行歌水一涯
道心童豎近汲水與挑柴

王季重先生招飲

一笑老爲郎陵陽志莫償
驚人如謝眺酒態似嵇康
歌席斜窺月庭河半着霜
不勝杯勺者對爾亦顏唐

喜葉羽遐至

虛淹佳客至深媿主人情
傍檻支茶竈斟泉滌范勛卿詩集 卷九

十四

酒罌園紅秋乍吐庭綠雨還生
共有烟霞癖清時好結盟

立冬前一日李玄系徹侯招飲瑤華堂乘

月復登松雲閣望分韻

玄夜餞秋節初寒赴客衫
歌酣尊易燥韻險句多交
片月銜松閣清霜吐劒函
往來瞪醉眼冷翠蕩幽巖

秋日社集見西府海棠着花

詞人才入座物意總相關
藻思抑何橫花神那

得聞曾聞來蜀府詎謂點秋山忽有陽春色霏
霏林屋間

賦得月明千里故人來

故人初握手明月正當頭念爾輕千里令予失
百憂呼尊慰離索把袂問沉浮却笑山陰道空
回雪夜舟

十六夜同釋修潛天諸子卽席限韻是月
以十七日望

雨餘候澄霽芳夜正堪陶皓魄憐幾望圓暉訝
范勛卿詩集卷九

十五

更高幽花當窈窕雅士抵醇醪握裏珠如月探
來各自豪

都門三聖菴亭子

選勝招提日悠然與世違疎林環水淨歸鳥帶
雲飛兩岸鐘聲合孤亭人語稀坐看餘落照月
色又霏微

遊香雨菴晚歸獨酌口占一首時接友人

書有勸余出山語句中及之

尋常苦塵鞅忽忽若爲逃初地逢僧韻空林恣

客豪羊腸驚世路雞肋擲兒曹一笑頽然醉知
心有濁醪

暮遊黃泥諸山卽事

爲厭塵中鞅來尋物外蹤側身穿洞小揮手入
雲重絕壁衝江立幽花着處逢孤筇欣所往二
客不能從

焦山晚坐

峯高遲落日暮靄鎖禪扉野兇窺經閣江鷗習
釣磯不周潮信爽欵乃市僧歸坐久蒼厓冷蒲
范勛卿詩集卷九

十六

團借石衣

金山訪瞿太素不遇太素方事神仙之術

仙郎此寄跡禪寺閉玄關採藥他山去踏歌何
日還身疑碧落近心與白雲閒童子方調鶴夷
猶松月間

得家報

閱月苦驅車喜烹雙鯉魚敝裘禁雨雪愁緒劇
居諸空復思彈鋏將何慰倚閭白雲搔首處縹
緲隔吾廬

江山人爲其尊人索還金詩時王孫在座
與江並美風儀故有末句

名流此星聚不是朗陵居誼出披裘後詩成夢
筆餘褐衣誰薦襴塵榻且留徐更訝來連璧溫
風溢草廬

送弱水赴舉

玄珠君在把碧眼我經過才合英雄殼賢堪
聖主羅槐生建隆觀桂影秦淮波小展雕龍手
先聞鳴鹿歌

范勛卿詩集

卷九

十

贈胡唯一道兄亦最精命理

我與君同歲多君長者風人皆飲醇德身自托
鴻濛澡德水霜厲鈞玄造化通從今綿道脉元
會未應窮

夏日舟眠喜雨

比日憂農事思將賦早雲玄功忽以布夏扈已
趨耘濕重移絃性眠多印簟紋推蓬時一望物
意總欣欣

贈王元化

筵敞荷風淨庭飄桂子香人將花並韻酒引思
偏長驄馬推華胄龍宮得禁方懸壺遊海上好
擬費長房

送李大生有作

瑣闥聯卿月郵程促使星籌邊心獨苦攬勝意
俱停大鹵荒烟白幽州殺氣青李綱幸來入端
可重朝廷

遙和錢五長暨胡八丈避暑水月閣

閣柳高掀浪簾香細泄雲重城爭晚照四水瀟
范勛卿詩集

卷九

十八

塵氛割酒蓮花鉢裁詩貝葉文羣公恣休夏老
子興還殷

遊東園偶作

野水千迴曲秋林一片詩松枝談麈引槐子念
珠垂開墅貪隣寺栽花取傍池何來二三子幽
賞足心期

贈何孺龍國醫

孺龍名下士玉立美而文委制能醫國探囊已
策勲熱腸仍似雪雋氣可臨雲以此通靈手諸

侯已共聞

王明府汝羅招飲山庄

傍山開院落，濟沼決盧奴。縱引川能吸，狂吟月不孤。柳同陶令種，樓比庾公俱。况有登高賦，雄才子大夫。

夢遊茅山卽事

超忽神先往，幽貞性本同。異香發山雨，仙樂散天風。石態移玄象，松枝學老龍。重遊人破夢，冥契住崆峒。

范勛卿詩集

卷九

十九

客邸除夕

歲且別我去，難除是客愁。亂離身未穩，漫滅刺誰投。霜氣飲孤劍，寒威狎敝裘。搔殘商陸火，天地任沈浮。

歲朝和祝千秋醉雪之作

天涯歲又新，情切是羈人。頭髮峰尖雪，家園夢裏春。俚詞難和郢，剡水幸比隣。且醉屠蘇酒，相親客邸身。

同袁雲野周千載李羽中登軍山雨餘卽

事

登山因愛月，弭櫂過江灣。勝事期雲侶，幽探冒雨攀。窮奇心乃暢，懷冷意偏閒。棋酒才經夜，朝晴天不慳。

寒甚卽事兼留江左

病骨微蘇後，空齋靜寄時。月堦童搗藥，菊社客留詩。寒不畏棋子，風偏吹酒卮。周郎良德煖，同舍欲何之。

爲周千載寓居賦一律并呈千載爲我錄

范勛卿詩集

卷九

二十

詩

喜爾倦游還，云何未易攀。居樓聊遠俗，得樹卽爲山。靜揖凡雲外，潛修玄化間。若能師反魯，詩且爲吾刪。

乙酉仲冬同諸友遊文峰因齋集朗潤禪

房却賦二首

青甸拂晴霓，珠林望不迷。山河收百戰，祇樹給孤棲。溪曲漁歌冷，窓虛鴈影低。吾儕三笑別，夕炤入城西。

重城圍野戍一逕斷荒烟鴈塔聞天語虹橋度
老禪宗門無禁酒火宅忽生蓮開士殊玄暢前
身是大顛

思公車久別忽同羽中枉顧留酌甚喜更
約郊遊遂有此作二首

別久每懷慙經年再盍簪良朋堪聚幾韶景只
春三白雪元同調青尊宜盡酺黃鵬方可聽携
酒併雙柑

迎賓忙躡履遠世共拙簪南北峰將十山城塔
范勛卿詩集 卷九 三

有三衰時圖局勝下物對書酣却喜同心輩蘭
言又剖柑

夏初同羽中過雲野齋頭留酌庭中花事
猶盛喜賦一章

高館好風光花神勸舉觴芳鈿隨地拾碎錦滿
庭香樾蔭鶯簧過堦心蝶舞忙東皇餘意在點
染盡文章

寄懷裴白於并謝其惠扇

同心人利斷十載友生求妙詠仁風扇相思夜

雪舟莫愁鄉可住逃夢路空遊治亂休悲壯
居老醉侯

四月八日同諸子過文峰禪院禮佛

四月日之八西方大聖生往因經歷劫相好放
光明獅破羣魔道輪揚四諦聲幸叨禪悅會傳
託任彭亨

雨中五長邀同荆璆楚水快飲卽事

結社開文園招遊紹晉林雨香如暝酒竹韻似
調琴不速同心至逃禪醉裏深徐于良共適俗
范勛卿詩集 卷九 三

慮了無侵

禪庵避暑分韻

空門無世情真果共要盟畏日蒸雲熱乘風高
卧清花飄林鳥悅局勝國蝸驚會食吟狂醉詩
仙本夢庚

贈萬君甫道人 道人學玄寓天寧寺

穩騎玄鶴背來到白狼涯自挾神仙侶而過釋
子家覆丹分佛礎食母辟胡麻回望蓬萊水應
知又起沙

秋日同人遊文峰庵會食遂走筆一章

白雲遊入夢玄樾近堪徂高士禪談局貧僧衣
繫珠塔高歸宿鳥晷迅隙同駒有酒舒眉矣寧
忘香鉢厨

秋霖

何辜憂早日招假禱蕭晨石涌披衣女天施瘡
土民雲陰消熱界水決洗炎塵雨慰祈年望休
徵應響臻

岱淵羽中五長過別墅限韻

范勛卿詩集

卷九

十三

高朋過小墅曳杖踏晴巒秋節雲消熱天情月
不寒青峰星點點蒼樹露溥溥夜日聊先酌來
宵乃盡歡

仲秋邀酒生集正聞禪室棋酒爲歡

清秋光若拭朗景望來攀天外標三塔樓中納
五山禪通幽鳥夢局伴冷僧閒猶喜東林社淹
留許醉還

重陽日同諸子遊北山賦詩限用饒字

之子意何豪登高引興高蟹胥供宴樂鴻澤慰

劬勞更佩羣相插菊觴老更餐題詩開口笑字

補五經饒

朗潤禪僧與余同病月餘今來左顧口占
謝之

丹藥煉孤室烟花隔遠空風鳶飛鴈塔海鶴舞
龍宮夢蝶春多夢心病亦同今來各無恙疑
共入壺中

仲春病伏燕居辱荆璆枉顧

桃源愁絕境梅逕喜開軒影弄晴窓媚香薰寒
范勛卿詩集

卷九

十四

帳溫夢魂來鳥喚藥味與花吞亡恙慰良友欣
歡出寢門

酬夫山見寄

無生不佞子何獨隱珠林花界遊塵淨雲空法
味深鄉思迎妙躅仙藻媿知音來破羣迷者教
從覺路尋

喜時雨

物利逢年望神漿沐日施月離金虎宿雲布土
龍時酒秫娛甘澤花林媚濯枝羣生歌有賴天

眷感無私

同邵石生錢五長孫楷人集文峰塢院受
朗潤齋會兼小酌共賦五言律用青字
郊行拄杖停禪院叩闢扁法界形獅子僧衣似
鶴翎燈光欺月白塢頂破天青莫必攢眉去何
妨醉復醒

人日

瑞蕢開七葉萬物獨靈辰戴勝思王母長春抱
聖真日修人振古人德日同新韶景迎陽氣百
花勝卿詩集 卷九 三五

年天地身

上介公一首

正月十五日重觀舍利光雨花翻講席天女拜
焚香獅座攀無漏虎溪笑有方度人斯福地盼
蟹肇青陽

新春懷冒嵩少先生因其以集杜律陶見
惠余乃集律陶中二首致之

道喪向千載委懷在琴書時來苟冥會息駕歸
閒居營已良有極人垂運見疎俯仰終宇宙君

情定何如

義風都未隔歲月共相疎春興豈自免時還讀
我書了無一可悅誰當爲汝譽山中酒應熟緩
帶盡歡娛

范勛卿詩集卷之十

白狼山范鳳翼異羽著

七言律

• 狼山草景樓遠眺

萬頃烟巒湧畫樓。四周靈氣學丹丘。山驪驟雨來無次。江曳長空去不收。離立雲屏盤日月。陰森巖樹變春秋。生涯已許滄波老。綠酒黃庭一釣舟。

庚午歲同了因上人談禪法雲閣今又十年所而了因適他往有作

范勛卿詩集卷之十

法雲高閣此重登。演說須拈最上乘。有漏萬緣難捨筏。無明一破了傳燈。排峰空際如諸品。蹲石花間似定僧。松偃東枝師到否。問禪還憶十年餘。

• 江天閣晚作

斗絕孤峰勢欲摧。茫然萬頃自西來。尊前暝色長江雨。枕上濤聲衆壑雷。片月鏡懸羣嶺寂。三山鼎立五丁開。登臨恨少驚人句。獨倚青天命

酒盃

滄洲道中對月

風吹荇菜晚悠悠。月色寒砧共一舟。鱸膾已超張棹駕。雁聲况帶故園秋。雲空銀漢光于洗。露冷金波凍不流。烟樹微茫通大谷。遠思靜覺動滄洲。

稅得清涼山居一首

遲暮憐予學未真。且圖丘壑置閒身。籍占幽勝堪中戶。家販雲霞忝主人。木石含靈欣有待。庭階掃綠靜無塵。貢奇海嶽資晨夕。此日農臣愁底貧。

范勛卿詩集卷之十

二

鄭大司農玄岳唐大中丞存憶畢大銀臺東郊袁大鴻臚景源招同何岡卿天玉烏龍潭酌却賦

嵐光潭影豁吟眸。忘却鸞凰狎野鷗。莫訝林巒深豹霧。卽防雷雨動龍湫。酒將隔岸山爲案。詩與回溪水共流。勝賞難禁幽絕處。荷風滌暑欲呈秋。

焦山

浪跡休疑心不凡。焦山山長借新銜。尋詩石逕逢樵話。解榻雲寮度估帆。江霧酣時埋遠岫。寺鐘斷處落前巖。追遊處士今何在。洞口明霞空自緘。

其二

靈幻全呈散曠初。扶桑西影斷歸墟。林添爽吹開秋際。樓滿奇光返照餘。萬樹累山雲裏樹。太虛涵象氣涵虛。此中併欲空天地。漢主徒勞三范助。卿詩集卷十

詔書

從廣陵指泗上途中示姜觀若兄弟

風峭林空霜雨天。我行在野亦悽然。荒雞曝日茅簷上。乾鵲禁寒枯樹巔。冷飯店思尋白墮。甘泉山悵隔蒼烟。晚來卽次何蕭颯。羨爾殷勤共被眠。

其二

烟荒大鹵四郊貧。極目瘡痍一愴神。古木已投雙宿鳥。寒原猶見獨行人。興朝獨詔空懸壁。伏

莽戎心切震隣。草野微臣憂正劇。葵誠何計達楓宸。

其三

泗上本爲湯沐地。于今凋瘵實堪嗟。荒山落落炊烟斷。帶雨淒淒卽次賒。曉硯田多耕不爇。租庸戶減例仍加。采風使者停輶處。應繪流民達翠華。

其四

恭惟高廟崛起時。豪傑從龍半在茲。昔豈借范助卿詩集卷十

詔書

四

才開駿烈。今將何策鞏鴻基。貔貅萬隊連山砦。驚鶴千營練水師。子午中分天塹險。誰云足敢南窺。時遵永矢守之後詔言欲南侵故云

乙亥三月寇警甚迫。予久卧病。又苦久雨。

感懷

愁裏過春可當春。况兼伏枕動經旬。薄寒故勒鶯聲澁。積雨何煩鳩喚頻。戎索幾經收醜類。戰塵遙起落城闐。已拚抱影林深處。料理危時多病身。

• 木末亭同介立禪兄賦

野夫病起愛郊行。木末亭前今古橫。萬象微茫
疑宿雨。四時蕭瑟作秋聲。望中寶氣華髮墜。樹
隙江光正練明。靜對忘言深領略。忽聞州際響
鷓鴣。

贈南昌令何非鳴考績

廉吏香名課豫章。才鋒面面列干將。獨培元氣
求民瘼。自厲冰心立世防。暇挾奇文開暗習。預
儲大業勒旂常。清華館閣新功令。奏績行看近
帝傍。

范助卿詩集

卷十

五

陳氏醒園分賦

負郭只有醒園好。欵扉相過惟羊求。集衆芳中
身似鳥。遊四虛外屋如舟。石几敲殘終古局。松
風掃盡平生愁。坐見青帘出林杪。不妨壺燥沽
村觴。

予久客白門。未決歸計。孟生下榻我所。一
日別去。轉爲我里之遊。不勝慨嘆。作詩送
之。

故鄉在夢路茫茫。君別偏遊我故鄉。去住何緣
俱易位。主賓失笑一飛觴。愁心寄月歸千里。孤
影爲羣滯各方。榆社諸賢應借問。幸煩欵語慰
離傷。

朝長陵二首

九陵佳色鬱青蔥。輦轡樓臺礙碧空。御氣直通
龍虎窟。荒丘高闕帝王宮。楸林黯黯長疑雨。松
逕蕭森不假風。先帝遺踪何處是。千山寂歷月
朦朧。

范助卿詩集

卷十

六

其二

岌嶭岡陵泝八埏。萬峰羅立子孫然。白麟赤鳳
薦清廟。瑤草金芝擁古芊。仙祚綿綿忘甲子。佳
城鬱鬱飛雲烟。皇靈却似開疆日。長使胡塵淨
遠天。

寄答葉相國老師暨張給諫鮑祠部馬侍
御熊兵垣諸君子

誤落風塵又十年。早還初服主恩偏。歸心已
入三更雨。回首還瞻萬里天。漢署幾人憂社稷。

明時容我傲林泉藝蔬願學家元琰小草休疑
卧未堅

蘇潛甫侍御按漕北上遮予于德平之北
郊藉草河干話別以詩見投賦答

烏府霜飛白晝寒行庖觴月却河干漕艘萬里
長歸漢驄馬何人不避桓匡濟汝寧憑白簡生
涯我已付黃冠臨岐共灑憂時淚可但風塵去
住難

• 東昌城樓遠眺

范助卿詩集

卷八

七

濟陰秋色滿林柯殘角離鴻愁裏過風壯海濤
連漢湧嶽高寒雪入樓多右軍宅傍桃花澗莊
叟臺隣匏子河轉眼千年悲往事竭來天地一
漁簑

將抵子舍口占

風塵孤劍久漂零此日兼程赴鯉庭野店乍聞
鄉語切盤食忽入海鮮脰江拖月色無邊白城
剪峰頭幾點青長往不須驕拙宦千秋出處總
流萍

• 秋日投勅南還舟次作

脫去塵纓野性便孤裝無恙舊青瑣身同癡鶴
輕高漢目送驚鴻破暝烟短榻涼宵當着月片
帆秋水坐于天到家正及鱸魚美徑把漁竿上
釣船

舟中咏盆蘭

握蘭何必侍臨軒野航磁斗花轉繁吹氣宛出
美姬口比吳穆若同心言有後國香入佳夢何
處秋珮依幽篁清時余自保微尚當門棄置誰
范助卿詩集

卷八

八

復論

• 十六夜偕王元玉諸子集李汝質別駕飛
雲閣席上口占

峻嶒高閣摩雲孤頻檻四望陰晴殊峯巒分得
米家石水陸出自郇公厨忽飛檐角青玉鏡亂
綴塔頂牟尼珠深夜傾杯興不淺紅牙輕按歌
吳猷

• 移舟

移舟就樹趁涼颿酒琰詩奩處處隨海客生涯

聊課釣山人方略只談碁水邊秋色僧先領林
外炎蒸鳥不知落日孤霞看不厭溪雲又作數
峰奇

旅病 丁未作

出山本意濟艱危誰料途窮轉自嗤闌茸何能
支大厦英雄多病負明時心知一片蓮花鐵幽
夢千年桂樹枝稍俟秋涼當命駕日歸重理舊
茅茨

邊警

范助卿詩集

卷十

九

聞說遼陽氛正狂宣雲一帶更鳴張健兒不飽
司儲粟債帥偏稱朝貴腸遂使憂天空有淚誰
云醫國竟無方何當奪取通侯印手縛名王獻
未央

歲晚

雨暗篝燈風入帷天涯歲晚不勝悲半生裝橐
孤琴在一片肝腸短劍知哭世淚深何日盡憂
時病劇竟難醫挂冠神武自微尚肯負淮南青
桂枝

同蘇潛甫方光祿諸公遊西山憇中峰禪
寺有作

隔嶺尋幽拄杖孤奇峰絕勝似方壺寶幢亂點
雲中寺玉鏡平開林上湖僧衲帶霞裁薜荔香
厨掃葉煮醍醐芒鞋踏破情逾愜車迹寧須哭
阮途

爲友人贈高美姬每首用古十二名姝入
句余創製也繼和者不下百輩矣

雪兒譜出宵娘聲粉陣茗華占女英明月正懸

范助卿詩集

卷十

十

春宴處朝雲不散夜來情莫愁倩女傳書誤却
要如姬進酒盈穠李萋葩花下醉玉簫吹出杜
韋名

其二

紫玉青琴各擅聲媚娘獨比薛瑤英歌疑燕燕
鶯鶯語目送憐憐惜惜情鈎弋鳳頭矜小小羅
敷翠袖稱盈盈麗華南國無雙艷桃葉桃根浪
得名

送王伯舉給諫還滇南

彩雲無恙繞雲津。萬里飄零一逐臣。戀闕夢迴清禁曉。登樓思動浣江春。焚將疏草空餘淚。除却奚囊剩是貧。到日勿言高卧穩。時危未許遂閒身。

。毘盧閣避暑

高閣橫空雨氣孤。借將雙樹蔭踟蹰。醉中塵事真閒在。身後浮名只當無。忽有慈雲生火宅。況餘甘露出香厨。新詩乍就涼蟾吐。恍覩牟尼五色珠。

范勛卿詩集

卷十

十一

靜勝菴避暑步王夢叟韻

清風拂座披襟當。慈雲灑灑生新涼。一局能教白晝短。雙屐疑入青山長。却對衲子嬾拈法。休令儒生來治忘。回看塵世逐臭者。茫茫苦海飄輕航。

同盧子明吳善夫避暑李氏衆芳園分韻
誰家茂苑帶江村。濕翠林容過雨痕。古蘚盈階承小坐。新荷近檻媚孤尊。千霄叢竹深藏閣。拂地垂楊自掃門。逃暑更憐堪避俗。等閑不數辟

疆園

香山寺與省上人談

芒鞋輕捷薜衣單。曉望千峰爽氣攬。風送潮音流法界。雲連祇樹護空壇。逃禪却喜逢開士。染累還防現宰官。爲問從何能悟入。晴空微翳有無看。

予抱病不過山次社五閱月矣至是始偕諸子續遊有作

春來日日藥爐前。乍喜山齋得醉眠。松葉肥于范勛卿詩集

卷十

十二

初雨後菊苗香在未花先。文章不敢求千古。佳勝何能負百年。轉眼秋光應好在。憑君擷攬入新篇。

時感

牢騷無那寄孤吟。三尺魚腸一寸心。王好吹竽空鼓瑟。人懷白璧遜黃金。邊愁上黨終很狼。國士中原半陸沉。總使叩關徒萬里。長沙青淚欲沾襟。

吳陵道中愁不二上人茶菴作上人本江

右朝補陀初至

此方淨土智水涵有僧旋結施茶菴住時祝髮
自江右頂者皈心來海南迎客袈裟出竹院聽
爾課誦依苔龕何時割却塵世累相將一衲從
瞿曇

廣陵客舍

陳隋舊恨不堪論濁酒疎燈且共親夢裏詩魂
清欲絕尊前意氣久逾真入簾柳色撩孤客
照檻梅花當美人彩筆縱橫還我輩那能辜負廣
陵春

陵春

焦山望海亭遠眺

嵌窟危亭吞海色石門崩浪走秋聲遠帆影沒
金陵樹孤塔光搖鐵甕城六代繁華同電露一
江密岫異陰晴擎觴獨立蒼茫外擬挾飛仙馭
鶴行

中秋泛月

微雲初逐銀河流涼露忽洗瑤臺秋臨泛恍開
兩玉鏡微歌自勸雙金甌何來詞人闌入座誰

家女兒閒倚樓此夜清光賞不足關山苦霧方
含愁

泛漲

長河一夜綠波生縹緲仙槎逼太清乍見魚龍
趨大壑忽驚雷雨暗孤城飛流撲面如山立遠
勢浮空到海平東去蓬瀛殊咫尺冷然直欲御
風行

金陵午日

碧筍綠蒲尾首負金陵五日期續命縷應
范助卿詩集卷十

古

辟兵符豈濟時危榴花空復明吾眼萱
草翻令助客悲多少忠魂招不得乾坤何處吊
湘纍

庭中紫薇花盛開有作

羣花一一闌芳辰爭似薇花占十旬風颺紅綃
逾有態雨沾紫玉似含顰新從高館依詞客舊
向中書伴舍人日日把杯看不厭擬頒九錫字
長春

夏日十笏齋客至

到處蘆盧聊寄身。玄心直與太初隣。只因地僻都無暑。但有花開卽是春。過客任題門上字。留賓却掃甌中塵。興來忽起濠梁想。魚鳥相親不棄貧。

其二

晝掩荆扉燕語頻。蒼山碧水若爲隣。逃禪尚苦無明漏。戒綺期空有法塵。門少逢迎堪穩臥。庭多花石未全貧。故人忽漫題詩去。四壁長憐白雪新。

范助卿詩集

卷十

十五

穀雨日胡京孺張誠甫諸子見枉同用風字

才士過從暫剪蓬。縱談名理破鴻濛。江鱗野蕞開春酒。穀雨茶烟颺午風。俊鳥窺書驚蠹走。飛花綴字印苔紅。挑燈痛飲狂無那。擲管人人競國工。

陳壽昌先輩見枉山次社辱惠七言近體

次韻賦酬

遶林爽吹似秋天。炤檻榴花帶雨然。先輩獨留

風格在新詩。還並夜光懸。德星乍聚。應占奏豪氣。初消付醉眠。孔彌忘年從昔事。可能日日奉周旋。

九日有感

登高緣底賞心違。細雨斜風獨掩扉。清晝懷人鴻鴈過。一秋抱病蟹螯肥。那能離畔無黃菊。敢望門前有白衣。邊塞比聞飛羽急。長安極目淚空揮。

范助卿詩集

卷十

十六

一時競開却賦

東籬忽吐紫琉璃。名友佳姬趣引長。大塊有心供客醉。東皇奪令恣花狂。火雲片片籠寒艷。春色依依媚晚粧。稍俟嶺梅含密蕾。膽瓶滿貯四時芳。

署中靜寄軒成有作時子監督南新濟陽諸倉了心禪友在座

廉吏從來多苦辛。誰知忙裏得閒身。軒開靜寄貧逾適。地隔蓬迎嬾更真。數計耳邊僧說偈。粧

精眼底法爲塵却思世廟豐亨印烽息兵銷
稟粟陳

疊石齋頭口占

嵌空山子匠心安小景居然嶽氣攢都似米顛
懷袖出還如摩詰畫圖看尋常素壁流蒼霽忽
漫清尊倒翠巒我欲從君呼好友人情反覆任
波瀾

七夕再過北來禪寺酌大樹下時予有悼
亡之感

范勛卿詩集

卷十

十七

曾從結夏傍菴羅十載因緣轉眼過重謁象王
來寶地却看牛女度銀河詞成黃絹爭天巧醉
按紅牙對月歌雲雨故應空蓋有人間此夕奈
愁何

贈湯慈明先生

主張風雅表曹劉今獨慈明我輩流蘭佩蕙茹
熏內美桂炊玉飯送窮愁雕龍特秀雲凌氣夢
鳥時飛彩入喉直以布衣雄一世橫將筆陣掃
千秋

壽宋汝雍先生八十

五山歸卧領烟霞肯復鷹揚舊子牙彭澤高風
餘柳色廣平新賦有梅花千秋黃綺應相似二
子郊和好並誇怪底客顏看尚少向來仙令餌
丹砂

范助卿詩集卷之十一

白狼山范鳳翼異羽著

七言律詩

夏日林居偶成

朝携枕簟到林坳。病渴時披甘露經。雨過翠簷三徑草。風吹鱗砌半池萍。呼童翫鶴閒捫蠶。欵客逢僧不避腥。旋把枯葦空熱界。任他蠻觸與焦螟。

東董玄宰先生

范助卿詩集

卷十一

一

大人龍卧白龍潭。遇賞仍將韻事耽。墨妙不教僖父識。畫禪惟許靜姬參。爲探北苑千秋業。猶記南徐一夕談。見說容臺新詔下。欣看世責賴君擔。

徐石鍾繕部奉劉大司空奏允專董鳳陽

陵工却贈

天遣狂飈掃劫灰。中興兆自鳳陵開。帝咨疇若予工者。僉曰其難起部哉。公幹升堂收哲匠。寶堅柱石儼雄材。明王睿鑒勞臣績。異數應看賜

第來 寶堅徐宣字也

渡江登焦山作

小春沙暖鴈來歸。遊子帆開逐鴈飛。白日無情愁落後。青山有約肯相違。雲生遙岫梳螺髻。風颭微波曳縠衣。酹酒焦先辭詔處。前峰一半已斜暉。

• 登軍山追和胡京孺之作

一山冷浸江泠泠。晝霧晴嵐相杳冥。鯨海低天浴日月。龍門圻峽奔雷霆。丹霞長貯真人竈。異

范助卿詩集

卷十一

二

草不上神農經。次寥入宇初縱目。別峰方展美蓉屏。山有燕真人煉丹臺。

秋日過黃貞父寓林

幽窅名園鳥嶼深。蕭臺大半枕湖陰。剡峰雲許分僧住。曲砌花常誤鳥尋。木落千山猿吊戶。風腥一道虎過林。知君手握蒼生雨。堅卧誰窺謝傅心。

幽居示弟鳳彩讀書處

小醉凭欄日乍曛。林端浮動亂峰紋。茶從越客

依方焙菊向隣僧記種分龍氣欲吹前礪雨鶴
聲驚散一溪雲幽居底事還堪悵不見羲皇以
上文

無題

翠幌蘭薰散紫簾綠楊偏如楚姬腰倦來星眼
波仍溜。煨燠冰肌春欲消爲雨爲雲時半幻微
嗔微喜性全嬌歡娛欲暢纏綿意萬歲千秋作
一宵

秋日訪趙凡夫山居

范助卿詩集

卷一

三

秋氣悲哉山氣佳烟霞護衛聽差排鹿依羅徑
隨樵去鶴立松門與客偕。龍石頓開千古色裁
雲聊寫百年懷。吾生亦欲保微尚擬向中峰挂
草鞋

汰如道兄訪予吳門舟中却贈

尋春載酒買花船愛爾能來結靜緣橫杖一肩
挑海月偏衣兩袖曳山烟敲殘楸局燈前影坐
冷蒲團覺後禪待我武林遊覽遍重來話似虎
溪邊

憶京口友人詩有引

予避亂京江閏庚午辛未壬申三年復
卜居白下回憶談大京兆中約萬兵憲
寅陽張使君斗垣姜使君華中王博士
純菴楊太學九華錢太學審緯靳茂才
于王潘茂才木公錢茂才開少諸君子
聲氣相求情好篤摯臨岐纏綿不能已
已舟次屢形夢寐得詩二首奉寄

范助卿詩集

卷一

四

三載依棲遣歲華又携雞犬去天涯貧裝輕曳
身無累水宿虛涼夢易賒塵鞅久羈思拔宅烟
波無恙學浮家帆開背指東流下愁見離羣鴈
影斜

其二

從來神物應終合可奈分飛正此時總使三山
堪各據何能兩地不相思索居每到魂銷處清
夜番思夢見之無計暫教離緒緩憑高遠望一
舒眉

范穆共山人以詩留別次韻送之

握手留詩便出門。仰天大笑意軒軒。鷗停野岫
寒砧急。鴈掠江帆曉霧昏。影不離身聊當我夢
常晤語莫銷魂。何時得踐黃山約。屈指千秋可
細論。

夏日郊居卽事效長慶體

秋光先到野人家。手把農書坐古槎。芋子葉高
于藕葉。草綿花小似葵花。酒酣岸上漁開網。寐
醒門前僧餉茶。斥鷃搶榆聊寄適。有涯安敢徇
無涯。

范勛卿詩集

卷一

五

東張揚伯

埋輪卽國靖邪氛。象郡仍儲麟閣勲。已向炎方
倡白雪。更携名士附青雲。雄師頓改千屯色。樵
俗兼開萬古文。圯上秘書豐獄劍。重教人擬伏
波軍。

送王夢叟從張揚伯之官粵西

爲愛奇探百粵遙。炎天同上使臣輶。僮夷賣劍
宵咿隴。洞女裁藤旦織紉。猿猱啼愁蠻雨暗。棋
榔入市瘴烟銷。名花語鳥堪遙集。好奇南珠慰

寂寥

題袁九滌憲副移園

移園絕勝移春檻。衆鳥迷離去復還。環水爲城
結鷗社。頽雲到地成羣山。也知巢許用無用。誰
識綺里閒未閒。而我倖民坐愁劇。望君天上非
人間。

登戴處士招隱山山故有玉蕊花及梁昭
明讀書石几今花亡而几尚存

招隱名山所快聞。超然覽勝氣氤氲。足翻陸海
范勛卿詩集

卷一

六

千重浪。身作空山一片雲。石几書聲如剝響。巖
亭玉蕊有餘芬。蕭蕭處士菴前樹。故故呈秋到
十分。

遊乾元觀

地肺中開小有天。飈輪飛度想遊仙。真人禮斗
餐鮮炁。童子鋤雲種木田。採藥鹿常供異草。聽
經鶴不避香烟。到來道骨堪遐舉。一笑蓬丘柱
杖前。

登朝真樓向銜珠山看月是茅山勝處

詭輝虛晃嶺銜璣靈璧神圭定有無巖背忽升
羣象肅天心欲墮萬方孤霜袍火玉明仙仗貝
闕金堂接斗樞媿未餌丹驂白鵠豈期凡骨到
清都

讀曹能始先生詩集

太初靈響未云亡之子于今迥擅場奇采千秋
實日月健毫三寸挾風霜經時敲句夫何鈍十
載研京乃見長灑濯神明披藻笈夜來星斗失
寒芒

范助卿詩集

卷一

七

祝何相國芝岳老年翁華誕

大齊壽國福攸同四海門牆共祝嵩屢謝特恩
元聖相急流道骨本仙風生平人對如司馬南
極星雙比慎翁帝眷還邀仍問道如千百二
住崆峒真西山先生本姓慎有題言云西方又
何先生始切甚况辭朝五六次實清正之品故
心仰之獨真云

卜居白門將十年所宗兄大司馬質翁親
家少司馬吳行翁親家太僕何天翁併大
冢宰鄭玄翁少司農畢東翁翰林王覺翁

少司成周巢翁掌科毛禹翁光祿俞容翁
道長方孩翁大中丞李世翁掌科吳榔翁
少京兆張二翁掌科孫魯翁道長金天翁
少京兆徐虞翁銓部侯廣翁光祿阮圓翁
大中丞方仁翁淡翁羅道長及方密之周
景虞兩孝廉皆賜顧鳴鳩亭石浪軒垂教
殷殷聲氣甚浹殊不似半生獨居海上者
久負知己因感作詩四章

范助卿詩集

卷一

八

家山曾署退園名此地誰憐避地情負却泛湖
同少伯庶幾開逕學元卿衡門未許來停轍萬
卷真堪抵百城木石一區成小隱居然勅斷市
朝聲

其二

野夫卒歲恣優游稅屋先尋隙地幽逕遶崩騰
翻石浪石浪軒名林蕭風雨喚春鳩鳴鳩亭名衆山響答
琴依壁靈氣細縕普滿樓小醉行吟遲見月印
階竹栢晚悠悠

其三

占藉墻東曲逕迴。桂藁人訝小山開。卽防石勢欲飛去。微覺花聲帶笑來。謝墅詩歌那敢問。草堂猿鶴莫相催。隱囊獨嘯蘿軒下。偃蹇真同卧雪梅。

其四

老子立俗無相容。寓公此日堪養慵。司關野鶴立一對。轉逕閒雲封幾重。自課時花次相續。客來園實粗能供。叢臺小座鍾靈入。何待遐遊到遠峯。

范勛卿詩集

卷一

九

庚午二月海上亂民焚掠殺人闔城塗炭。或又教猱反噬衣冠遭毒。予因叩閭使大。慙不免授首。乃當國猶獨罪予。違今。

皇帝解網之恩。諸君子如玄嶽牧齋。孩未禹門。益吾懋明。永言湛持。榔梅石泓。大生現聞。黃石起田。澤壘石帆。鹿友鞠劬。聖任湛虛。中湛九疑。公讓祖洲。旭海若谷。及岳石帆。諸公輩莫不爲予主持公道。予因呈上四章紀變。併以示烏程當國及諸公之自遭。

家難者

一甘蹇劣謝明光。短路收身二十霜。已分長林便鹿性。何期平地走羊腸。杯蛇是影元非病。隣豕仍還謝未亡。世上豈無秦鏡在。謗書盈篋亦何妨。

其二

無端鉗網急相煎。世道于今別有權。人獨抱慚余影外。事多成案是非先。東山却借汾陽力。北海難忘魯國憐。况是明王離炤遠。誰能一手障青天。

范勛卿詩集

卷一

十

其三

末世堪嗟路不平。鼠牙鵠角太無情。參乎孰使難爲母。美矣人言定有兄。誓欲報韓從博浪。耻同存越效行成。醉餘頻按腰間鐵。肯使潢池口弄兵。

其四

白日操戈變已奇。誰從社稷計安危。事讐暗取傍人笑。責賊明將聖主欺。世法不宜辭位早。

吾生翻似蓋棺遲。倖民猶有鬚眉在。三尺寧容
庇所私。

秋日訪璞如依雲。二僧于通濟寺。二僧皆
能詩。

孤尋秋寺特悠哉。筇跡生愁破古苔。滿院涼陰
槌磬散。過城嵐翠撲樓來。林荒老衲霜前綻。爨
冷香厨晝未開。晏寂自能多妙喜。稱詩况有惠
休才。

●秋日過焦山海門庵。是宋又生及弟彩兒
范助卿詩集

卷十一
十一
祐讀書處

螺逕迂迴鶴跡深。瘦筇扶手任孤尋。門銜滄海
初升日。峰落空庭未夕陰。薜葉秋高裁野服。石
床雲煖疊重衾。時聞夜讀兼清梵。靜者因之長
道心。

●秋日同慈明幼桓潛夫五長過穉修醉庵
同用棠字

蒹葭深處糴沙棠。共向中山問酒狂。夾岼芙蓉
原在水。衿秋楓意不辭霜。蔣花點石穿裁巧。雨

柳風亭位置長。小墅何緣相咫尺。結隣從此醉
爲鄉。

其二

烟中細術逗微茫。所謂伊人水一方。在藻纖鱗
驚墮葉。尋香戲蝶怪秋棠。荏林簡點修花史。楚
部排當供釀王。小醉携杆圍綺石。疎松偃蓋半
斜陽。

同魏賓吾司馬遊北固山

名公賞勝扣巖扉。物意爭春弄晚暉。山枕吳江
范助卿詩集

卷十一
十一

十三

皆北顧。天連楚水盡東歸。歌聲歇處看梅落。帆
影開時入寺飛。匡濟總憑司馬法。吾生儘可付
漁機。

秋日同祝子登甘露山。因過平素禪師。聞
話

好是秋山帶醉登。山情只合問烏藤。烟輕能壓
峰齊伏。浪白疑鋪月一層。五濁知起來劫否。三
生恍悟舊遊曾。但教蓮社寬杯酒。立地皈依替
個僧。

登焦山觀音閣無可上人來話片時

崖懸磴斷足音稀。屢欲登樓樓欲飛。境脫凡雲真氣肅。坐深秋影幻機微。背巖濕翠流經案。叢竹幽芬上客衣。乍遇名僧談半偈。吾生恍悟色身非。

• 秋日遊于潤甫雲林二首

萬樹橫天水撲船。蒨林蕭爽冷秋衣。塔形忽向欄前湧。樓勢翻從木杪飛。跳沫修鱗開浩蕩。逋雲高翼背幽暉。晚汀沿月窮諸勝。棹破溪烟醉不歸。

范勛卿詩集

卷十一

十三

其二

境別非逃秦。日月人超還。見晉衣冠氣。蒸大澤秋光濶。天壓蕭臺晴。炤寒衆。賴爭傳虛谷。響喬林巧。當晚峯看。更教歌管雲中沸。羨爾爲歡日百端。

• 虞憲副園中卽事

英雄肯爲功名死。中歲歡場興未央。歌舞不妨娛太傅。豪奢誰敢薄汾陽。黨天幽嶽秋無暎。覆

地明河畫有光。瓊宇幻成如蜃結。九微燈下奏霓裳。

• 辛未長淮大浸所見饑民皆食浮萍可憫堯水橫行此再經。長淮大浸接滄溟。埋沉井竈風烟慘。排蕩湖波天地腥。漁父遮身惟破網。田家寄命以浮萍。眼穿未下蠲租檄。痛哭荒原可忍聽。

辛未元旦京口客舍試筆

卿雲冉冉護初暎。欽若春王萬國尊。瑞輯諸侯

范勛卿詩集

卷十一

十四

齊獻頌樽傳白獸。正求言各方占稔生涯足。四海論交聲氣存。昨夜醉中俄改序。竟無寒夢到家門。

京口除夕答錢密緯

此際那堪不舉觴。告徂玄冥隔年望。亂離詎敢懷吾土。棲泊渾忘在異鄉。蓮漏聲中辭故節。梅花枝上領春陽。壯心未逐窮途折。龍劍床頭夜有光。

立春前二日同黃賓王璽卿程淡如山人

登觀山閣

傑閣憑虛亦快哉。擎杯遙倩萬峰陪。况憐暇日探奇客。不忝登高作賦才。春信先從幽鳥得。梅花偏向冷僧開。請看暮嶺雲歸後。何似南宮潑墨來。

過中峰訪汰如師留贈

中峰信宿此淹留。支許風流尚可求。悟後真身千界幻。靜深靈賴萬松幽。法門汝已標龍象。塵世吾方厭馬牛。便欲隨緣結蓮社。分雲同住最

范勛卿詩集

卷十一

五

高頭

淮上

愁殺蒲帆一水長。長淮頽日正荒荒。斷崖瀑下千蛟鬪。倒峽濤喧萬馬狂。就網買魚廉更美。沿湖采藻潔仍芳。獨憐昏墊民艱食。百里無烟重可傷。

過象山訪靜公。靜公從山下。漩渦中。手自甃石築基結菴其上。接待往來。免風帆覆溺之苦。功德無量。賦詩贈之。

靜公法可調狂象。卓錫來開象鼻巖。石走濤飛機轉寂。移山填海願非凡。龕中老宿安多衆。肘後楞伽繫一函。師自無言叅不二。洞門長勅白雲緘。

九日同賀靜補臧日。櫟祝千秋。登雨花臺。

把菊提壺上古臺。牛山淒泣轉堪哀。秋臨官樹黃雲合。霞炤鍾陵紫氣開。博望千年歸電露。凌敲何處問蒿萊。登高兼看登高者。如蟻行人木杪迴。

范勛卿詩集

卷十一

六

遊武林理安寺十八灘。韜光庵九里松。共

六首

一峰分脉萬峰奔。荷蓑蒼茫日月昏。龍卧靈湫浮幻石。虎窺雲竇避空門。楓飄蝴蝶莊生夢。花放山鵲帝子魂。到此生憎名利客。往來帆影大江渾。

峰豈秦皇鞭刺時。向人天矯復離奇。平分靈鷲身全下。忽斷天雞足半垂。玉筍倒懸鍾乳溜。松髯斜拂石衣披。若將片碣論空相。知是西來幾

葉師

開士身將白日私。上方雲杳下關遲。麻衣草座
渾無事。指月拈花只自知。林嘯清風談虎際。鉢
藏法雨呪龍時。對泉烹菊看山色。疑是東林叩
遠師。

九溪羅立百千盤。一道泉聲十八灘。挿漢芙蓉
爭落照。蔽空翡翠颯高寒。江湖表裏如環璧。日
月東西似跳丸。心眼憑將雄覽盡。又拖筇竹扣
黃冠。

范叻卿詩集

卷十一

十七

籃輿盤磴上韜光。翠栢丹楓蔭曲廊。仙梵和雲
傳籟遠。僧厨剗竹引泉香。峰頭烟繞雙鬟亂。林
上江拖匹練長。到此頓令凡想盡。真人天際揖
旌陽。

迢迢山逕入高春。靜氣蒼涼結萬松。八月寒濤
同喻吸。千峰晴藹亦冥濛。雲烟有路通羣鹿。雷
雨無聲閤老龍。擬結巢樓依鶴住。時時天末一
飛筇。

東李玄白中丞有感

盈盈一水鬱相望。回憶平生黯自傷。蹇劣漸教
人意短。羈離故勒暑宵長。孤雲角覩憂時切。九
曲腸枯哭世忙。誰謂中興無籍在。請看光弼鎮
淮揚。

廣陵午日

午日何當泥客途。不爭佳景故園殊。休將楚些
憐風蕙。且聽吳歎泛渚蒲。桃印乍看增戶飾。荷
香早已上蜂髭。座中豔說沙姬美。且解纏頭付
酒壺。

范叻卿詩集

卷十一

十八

秋日盧子明湯慈明諸公見過十笏齋同
限炎字

就荒三徑似陶潛。暑到松窓未覺炎。清淨一僧
聊剃髮。疎慵萬帙亂無籤。於。上。目。扁。龍。興。小。
有疏盤不碍簾。入座人人操白雪。彩毫。月。夜。
江淹。

范勛卿詩集卷之十二

白狼山范鳳翼異羽著

七言律詩

移家江行

纜牽虹影挂江門。波疊春蕪接岸痕。落日荒荒隨鴈下。重巒滾滾逆舩奔。移家始覺貧無累。去國誰知道轉尊。座有高朋樽有酒。雄談相對虱堪捫。

送王令新任休寧

范勛卿詩集卷之十二

一

仙郎捧檄出明光。三策曾聞動漢皇。詩與潘花爭藻麗。政從遷史見循良。區中封縣同歸赤。天下名山獨讓黃。謾說飛鳬如葉令。卽看鳴鳳在朝陽。

。別都門徐若谷馬六初併寄曹貞宇孫拱陽諸君子

慷慨離亭酒一卮。薊門搖落不須悲。才微自分虛銓骨。義在君應附黨碑。十載崎嶇諳鳥道。五湖烟月贈鳴夷。片心報國憑公等。分手秋風信

所之。

放舟鄭家口。揮杯月下聽。諷法華時。予有內子之痛。

楓葉凋秋冷。繡江秋風吹。月入船窓。歸人撫枕嗟身獨。疎樹邊河。訝影雙除。却進賢狂自在。兼之樂聖病俱降。悟來那問塵耶法。居士前生本姓龐。

山海關

徐市三山事杳然。勦圖誰說始皇年。重關扼要范勛卿詩集卷之十二

二

平吞海絕壁排牙直到天。白雉雄心搏異域。黃龍遠戍障祁連。終繻此日何當棄。解辦行看正左賢。

秋日訪錢茂才于雞鳴山寺

鐘梵無聲古寺荒。不關秋入本清涼。烟生蘿戶吟風細。泉落松崖過雨香。晚晴已聞歸倦。羽峰迴猶自戀斜陽。高人閉影幽光裏。剩有靈心照上方。

泛漲過悠然閣雨來

往年我土悠然閣。江上晴峰青自來。雨驟今將
山色捲。霧昏翻借電光開。鴉背帶雲歸遠戍。蟬
聲沾濕咽高樾。可憐禾黍栽魚腹。處處停農理
釣臺。

客病思歸里中呈別白門諸君子

抱病何堪兩負春。同心好友累憂頻。山茨肯受
橫峰請。藥課寧辭倒篋貧。曲筵花偏多姊妹。關
衙蜂尚有君臣。日歸棄讓間無媿。獨恨長于別
德鄰。

范勛卿詩集

卷十二

三

焦山用壁間韻

月色慘白青山孤。秋高風急愁天吳。彈碁竹裏
響泉聲。拄杖霞外搖星樞。別浦暖沙鳥去宿。倚
巖欹樹雲來扶。境幽儘可埋姓字。三詔不起真
吾徒。

送韓月峰別駕督餉軍前

詞場誰不避顏行。投筆于今事戰場。士飽陽山
看射虎。銘成磨礪欲封狼。醫巫閭外胡沙白。卑
耳溪邊塞草黃。試解度刀一相送。書勲拭目奏

明光

五日山次社同社中諸子賦時若昧禪師
住山說法

滿泛青蒲歌紫芝。蕭蕭竹樹隱茅茨。開牕好放
看山眼。入社休攢禁酒眉。韻事百年花共醉。閒
心一片鶴能知。近來稍解無生理。續命何須五
色絲。

廣陵秋日同于中甫丁慎所登文昌閣賦
此

范勛卿詩集

卷十二

四

餘閣嶙峋俯八區。繁華滿眼舊江都。拓開勝槩
全窺楚。收拾精靈不入吳。孤塔擎雲流畫棟。千
帆飛影落平蕪。秋光只在隋堤柳。斜日疎烟乍
有無。

京口客舍除夕有感

客歲圍爐商陸晉。而今旅況冷于冰。三山滯雨
天如夢。幾樹寒花氣欲蒸。虛世何堪驚爆竹。他
鄉却笑水盆燈。輕裘肥馬矜年少。老我無心學
五陵。

萬寅陽兵憲招同朱非二中丞錢幼桓茂

才飲陽彭山是日闔城士女出而賽神故

云爾

京江風土冶遊新隨例傾城出賽神
匝地酣歌來酒氣如雲纖步舉香塵
林浮蓓冷春衫薄鳥悅幽光晚嘒頻
徙席層臺堪縱目看山兼看看山人

朱非二中丞寓居萬兵憲東墅子携酒訪

之時春行盡矣

范勛卿詩集

卷十二

五

瞥驚花事到茶藤勝地能堪載酒遲
壓疊紅蕤周虎落紛挐奇樹偃虬枝
山姿屢幻詩成後鳥語初酣夢破時
同是寓公拚酩酊不教牽動故園思

登潤州九華山止宿

落手先登臺九品攢身如踏浪千層
山從過峽通雲氣月挂長明不夜燈
旋摘巖花來供佛便携湖妓去尋僧
風光彷彿池陽似未稔青蓮到未曾

同談中約大京兆携妓江上泛舟

畫舫隨波似浴鳧載來良醞共名姝
風流已屬張京兆湖泛猶慙越大夫
歌起天雲低檻幕醉餘身世入虛無
狂呼明月闔扶外疑弄江臯游女珠

春日楊元孺汪遺民諸子至小齋夜集共
用今字二首

閒園俗駕無相侵乍許幽士來閒尋
居同木石見前古遊通晝夜延長今
藻思生愁蠟焰短花痕却卧瑤卮深
吾儕只合醉鄉老不然何計開煩襟

范勛卿詩集

卷十二

六

其二

煖雲院宇春如醉碧筍庭階石作林
此際一尊開舊雨高人何異在遙岑
梅矜夜色不知曉松結古烟淹至今
靜者自然諳酒趣更聞茶沸寒潮音

客京口元日立春是爲今

上登極之歲試筆呈寅陽鳴素諸兄

自昔南徐風物嘉。到來不覺換三華。天王有道春開辦。地主多情客當家。遊子雖云能采秀。故園何忍負梅花。憐予兒女縈懷抱。羨爾尊前樂事餘。

孤鶴

一自離羣黯淡生。轉因愁絕見孤清。雙翰試舞臨風瘦。瘦影驚回背月明。霄路無緣追舊侶。烟臯有夢吊同聲。伴閒我亦堪承乏。共爾他年續嶺行。

范叟卿詩集

卷十二

七

舟次與友人談邊事

廟畧寧關藿食謀。江湖可奈入邊愁。封符未見犁庭策。解辯何當雪國讐。遼海血煎胡月冷。渾源怨結塞雲秋。乾坤多事那高枕。擊楫中流豈浪遊。

走筆答葛羅浮見懷亂離詩二首次韻

狼五沉浮崩浪間。故丘遙勅白雲關。已拚皂帽逃東海。聊辦青鞋破萬山。有路只通鄉國夢。無家偏覺此身閒。君如問我何生計。風月常賒不

用還

其二

縱適乾坤一酒卮。放歌湖海快幽期。亂離以後少朋舊。愁苦之時多好詩。吾土詎須懷信美。遠存能幾見心知。君家丹井如堪借。遠鶴歸來悵所思。

九日何子極同卿招同沈淵淵蔡將軍賀上舍諸子登周處臺却賦

繁華木褪六朝時。佳賞能辜九日期。落葉秋隨

范叟卿詩集

卷十二

八

雙蟻展平臺。月漫輾金卮。插更兄弟皆同調。作賦賓朋半舊知。糾令如霜歌似沸。醉來寧問夜何其。子極諸郎皆在座

陳方伯招同何天玉岡卿王遂東工部飲

三重閣賦此

屢憩登樓俯八埏。蔣山紫翠飲杯前。森羅萬象爭殘照。離立千峰落遠天。靈瀨氣開風雨上。依稀微槎泛斗牛。邊醉狂直欲捫閭闔。不分降心作地仙。

秋日楊元孺招飲家園

主人開墅醉秋光。水木清華進晚涼。風檻虹垂
橋影漾。柳塘魚怯釣絲長。笑看童子收蓮實。勸
取園丁冠鶴糧。雪藕水桃淹竟日。餘酣吾欲漱
滄浪。

和感遇江左雪後禮長干塔詩

金輪積素界空蒼。遍滿山河舍利光。纓絡幢都
連夜曉。旃檀林以逆風香。鈴音巧答仙禽語。恐
地能容怖鴿翔。不分六塵煩惱甚。試將慈拔叩

醫玉

范助卿詩集卷十二

九

予以庚午流寓京口三山之間。辱年友萬
寅陽兵憲招飲甘露多景樓。移酌摩雲亭。
以二律見示。次韻謝之。

獨有羈人不耐秋。因君野步強登樓。山銜晴旭
幻無定。潮曳霞天爛不收。露重鐘傳空谷冷。風
微帆學嬾雲浮。到來祇覺奇懷暢。未許霜華上
客頭。

其二

情高能使日停車。改席危亭晚色嘉。殿角奇峰
爭自售。江心明月總堪賒。烟空雲冷飄孤磬。蘆
白楓丹繫古槎。把酒持螯成勝賞。恍凌倒景吸
流霞。

王鞠劬侍御招同朱明京中丞劉忠孚參

知袁天游年侄集。好好園水亭留題一首。

池館森疎野趣多。波紋如織任烟梭。綠情紅意
花爭媚。沐雨梳風鳥解歌。櫓鼓清商翻碧水。觴
飛糾令憶青娥。時危未展回天手。不醉其如緯
范助卿詩集卷十二

十

恤何

夏日集水月閣分得漁字

羣公文采並應徐。慧業仍翻貝葉書。淪茗聊分
蓮鉢水。開尊旋剪柰園蔬。窓含平楚浮烟外。樓
倚重城返照餘。清楚數聲醒客醉。鳴榔還聽夜
船漁。

鄭儀部抗章忤時擬者重譴留中久之乃

下作詩送之

介夫底事難緘口。忠佞于今總不分。拚取彈章

惡白由肯教請劍詫朱雲久淹明主元憐汝獨
譴何人忍負君不是高崗有鳴鳳寒蟬抱葉寂
無聞

春日僧續明偶來閒話南山之勝卽邀千
載諸子同遊因拈杏林猶見一枝梅之句
遂用梅字

春草纖柔藉古臺山僧指點踏青來隔雲梵響
微微度挿漢芙蓉面面開萬縷軟金拖嫩柳千
林煖雪落殘梅更看杏萼專鮮采坐引流霞泛
范勛卿詩集卷十二
鶴杯

贈中丞馬岫旭王孺初

赫濯聲靈振大荒長江千里列余皇寶刀氣吐
星辰上牙纛光搖日月旁蜃市屯雲連水寨鯢
居恬浪避金湯帝紆南顧勞臣績賜履行看出
建章

治圃

元琰家風豈輟輟旋移花竹故須稠扶輿總是
莊生馬衡泌寧非少伯舟卽此立教超濁界不

然何計覓蓬丘近來杖履渾閒在短榻孤琴任
卧遊

王宛委大將軍十年前分閫白狼今復總
戎于此邀續軍山舊遊興情不淺却贈
興劇冥搜且放舟十年容易此重遊雲扶塔勢
迎檣走潮接峰陰挿漢流酒吻何當吞紫海吟
眸大抵着滄洲不難輕緩籌夷虜劍氣橫生萬
里秋

花燭詞

范勛卿詩集卷十二
錦堂奠鴈及朝暎寶炬迎鸞炤夕昏迤邐三周
親執御纈紛百兩爛盈門香苞對菊秋金綻香
閣偎春夜玉溫天上若同人世樂鵲橋日日度
天孫

。夏日過飲君印靜芳軒卽事

娟娟靜綠樹交加障却炎塵客不譁雨洗月光
清似水香聞蓮葉勝于花移尊石几涼消酒裊
壁爐烟晚闌茶歌管何緣籬外度鬱輪風調本
君家

寄懷徐州司倉史永嚴

索居無緒度蕭晨。時憶維揚一俊人。墨妙千秋書是聖。詩成五步句如神。中原孔道司儲重。四集流遺矯詔頻。喜向雲龍山上望。大明天子氣常振。

庭中香櫟三樹結實纍纍醉歌其下

勾圓黃玉壓枝頭。珍貢曾聞說劍州。霜氣已凝叢蔕嫩。午風不動暗香浮。雅稱赤水三珠樹。俗殺江陵千戶侯。百顆堪當百回醉。詎輸彭澤小范公。

離秋

答廣陵孫氏父子有引

予避亂遠遊偶一過里尋返白門之棹。道出郡城以歲晚未及訪故卽顧不盈。小侯函書及詩經年未遑作答而孫氏。喬梓來會舟中却贈併呈小侯志予懷云。

幻跡頻年夢路悠。何緣重認泛湖舟。蹇予無分探梅嶺。遲爾還來問酒樓。江介濤聲欹枕入。天

台霞氣彩毫收。郡中才子方林立。先爲通名顧小侯。

泛漲夏日

經旬淫雨仍風潮。野陰水暗天搖搖。魚鼈騰身不自保。鷗鷺滿意窺人驕。郊原進艇葬無岸。室廬塌地浮爲橋。落日乘流縱所適。未秋衆木先刁刁。

相輪閣同王夢叟賦

三逕逶迤客乍過。諸天縹緲出藤蘿。鐘來枕上

范公卿詩集

卷十二

十四

清殘夢。鳥向枝頭客放歌。當戶塔形垂几秀。過城山色入樓多。不煩醒酒平泉石。醉倚池楊漱碧波。

登崇明寺毘盧閣僧澹緣索題

毘盧傑閣頽崔嵬。境接人天亦暢哉。萬象微茫疎雨至。八窓洞豁好風來。垂檐星斗供珠珞。過檻烟霞當劫灰。恨不剷除塵累盡。袈裟片地當蓮臺。

贈王閣生侍御誕辰遂送還朝

許國孤忠百鍊堅。賜環持斧再朝天。驚心請劍
瀕危日。贏得懸弧稱慶年。氣肅瞻帷無暑入。風
清驛路得秋先。明王耳目因君寄。肯使幽巖有
刺賢。

詠茉莉花

風前花綻已斜陽。慘手撚來挹露香。甘向盆蓮
爲侍勝。羞從籬櫺作同行。素光莫辨搔頭玉。冷
暈還同額上粧。笑却楚宮簇裙蝶。依依低在美
人旁。

范助卿詩集卷十二

十五

夏日送盧原甫還嶺表中道有新安之遊
苦暑相期避醉鄉。忽聞遊子倏歸裝。大鄣行謁
三天子。南嶺還騎五色羊。滿路烟花文藻氣。一
江風月置郵長。秣陵詞社愁荒落。遲爾重來共
采芳。

贈周午陽道丈

註秩清虛烟殿深。直將隻手探天心。成都且賣
嚴遵。青甕何期隗炤金。九炁飛章羣魅伏。五
雷懸印百靈欽。降真壇下閒風月。時召仙班共

嘯吟

冬日有懷辰四明張惺初袁四野季野諸
君作

秣陵雖復借棲安。其奈傷離憶舊歡。夢裏劫基
爭屢醒。書來烹鯉爲加餐。家山不分浮雲障。河
漢其如飛度難。此外若煩詢近况。梅花孤韻自
禁寒。

金山晚酌

六代繁華冷劫灰。金鷲長峙現如來。毫光掩映
范助卿詩集卷十二

卷十二

十六

鯨宮出淨土。浮鷲峰開一色水。天平逆月四
時風。浪總奔雷坐深不覺高情長。幽絕難勝借
酒杯。

登金山絕頂

靈鷲孤鶩曲磴遮。凭高橫眼盡恒沙。潮頭雪擁
鐘聲冷。山脚雲連帆影斜。古塔千霄通帝座。秋
江滿地只漁家。振衣煞有真人想。落日深杯貯
紫霞。

范助卿詩集卷之十二

終

范助卿詩集卷之十三

白狼山范鳳翼異羽著

七言律詩

秋日張惺初招陪陳郡侯遊平山堂詩以

紀之

楚天秋淡費躋攀盡遣浮雲莫上關圖偃蒼龍
通廣漢堂收萬象冠平山娃宮灰燼僧棲冷螢
苑烟消鳥路閒此日使君來命酒猶疑學士在
人間

范助卿詩集卷十三

●鄧家窩寒宿時有邦上之行有懷方孩未

先生

風江潮曳楚天長有客孤踪滯一方髡柳偕僧
迎擢轉官梅破夢滿船香酒醒似卧漁村雪衾
冷疑沾鴈背霜綺閣誰家候夜玉日歸惆悵倚
斜陽

秋盡登金山萬兵憲寅陽張太學修予暨
何孺龍萬震甲楊荆卿携尊及鳳姬來會
斗絕憑虛攬大荒潮來列影帶扶桑九秋蒨荔

呼山鬼萬里紛磔拜谷王無底窟中支王柱不
波海外立金湯莫將天塹憂秦寇王氣遙看是
帝鄉

其二

浮玉靈區石不頑頓蘇病骨此躋攀鼇簪倒插
雲梳髻驚嶺孤窻水護關閑士忘機無酒禁高
人遙集合名山勝遊已盡東南美況有徵歌出
小蠻

贈姜抱宏中翰

范助卿詩集卷十三

二

知君珥筆鳳池初當戶芳蘭所必除義激悲歌
燕市筑風生約矢魯連書左徒沉痛心相吊北
海遺文手自疏見說時危需國士後車那得廿
年虛

夏日葉瞻山詹月庵二侍御過訪賦謝

次第花驄訪遯荒蓬門苔暎慰蒼涼爲題南國
羣生因只戴西臺雨憲霜石戶猶然封薜荔野
是未敢狎鸞鳳式廬風遠來車跡衡泌何心被
寵光

江上寇平有述呈大司馬賈公宗兄

蝨茲泰寇阻江濱江上西風吹戰塵已見摧鋒
多介士猶聞借筋及與人霜飛劍氣遊魂冷日
閃刀藏帶血新高廟遺靈司馬法陪京無恙
慰嚴宸

爲友人贈妓

美人麗質比天桃逸韻翩翩亦我曹指染柔黃
因淪茗椀沾淡墨爲含毫枕邊搜句雲俱亂花
底撈筆月欲高昔把傾城悅名士貧操井臼不
范助卿詩集卷十三 三

辭勞

詠蠟梅

黃鍾應律散幽陰細樣花光雪裏深一夜玄工
雕玉骨九英作意露檀心綴枝似潑蜂房蜜飾
鬢疑分鳥嗽金寒極獨矜風格異高人先上嶺
頭尋

秋杪招甫中朱平仲豫章宗侯吳苑文啓
美金陵顧與治延令尉江左福唐魏道安
泛舟秦淮有竹生阿大三豔行酒時啓美

與眉生談曲靡靡可聽故有末句云

羣賢遙集泛輕橈古渡斜陽欲上潮六代風華
延客賞九秋霜葉向人驕名流才故多情種豔
婦權偏重酒條相對不須求撮合巧繡樂府常
琴挑

夏日齋居有懷房海客先生因其門人胡
麟今將詣東省奉訪却寄

我所思兮道阻長海天雲樹正蒼蒼野夫此際
全無暑御史當年刺有霜公望一身兼汲鄭高
范助卿詩集卷十三 四

文千古轅班揚總憐半面神超忽寧藉題誠遠

寄將

東錢牧齋先生

至人神候鍊逾真先遣邪魔化作塵天意巧畱
刀鋸口主恩終護鼎彝身龍從火出丹才就劍
爲埋光氣必伸僅以生還酬一世猶將謹論答
嚴宸

定水庵用壁間韻

竹月娟娟勾人牆碧琅玕外寶珠光往還規竇

風帆度來去禪關雲氣香疑坐蓮臺懸佛鏡好
探斗柄挹天漿爾時有客塵鑊息熱界全消心
地涼

夏日同社讌集元孺齋頭賦得四支時總
兵吾通州

共依大樹赴涼颶河朔風流此一時綏帶高吟
掠白雪短衣親手拭蒼蜻熱腸好飲奴兒血冷
眼終看越子皮促柱莫彈渾不似遼陽戰角正
堪悲

其二

營前小隊列熊羆座上何人着鷄鵲六月清霜
飛寶劍五峰落日閃牙旗摩挲鐘鼎期千古指
畫棋枰辨四夷麟閣會應書姓字虎臣威望舊
平黎

七月五日集元孺衙齋再疊前韻

舟人之子盡熊羆神武因而掛鷄鵲遇賞驩場
驅害馬談邊塵尾立降旗希文乍可支西夏處
近斯堪掃建夷廟畧也須防內潰解嚴何日慰

蒼黎

其二

蕭晨滌暑散微颶髮短驚心一愴時肯向風塵
爭塞馬期從霧岳駕雲螭脊靡不發明王夢異
伐終酬戰帥皮用晉劉弘薦蘇戰帥皮事魔管
調絲聊取醉楚伶容易動秋思

七夕元孺復見招詩先成率 and 一首

消搖文酒醉秋光知是妖氛靜白狼時喜天孫
過漢渚更憐地主遇汾陽謀生吾分同鳩拙肥

范勛卿詩集

卷十三

六

遜誰勞歌鳳狂正爾佳期酬酩酊莫教人世有
參商

天虞王分閭邀子江頭酌月共賦天虞山
陰人也

把酒臨風歌慨慷空江月色正蒼蒼宛然訪戴
溪邊雪莫是降胡塞上霜一片靈心相映發百
年天地此流光因君薄海無傳箭贏得清時共
舉觴

同何天主諸人登狼山倚和一首

狼五高盤海一灣東南王氣此重開潮來不斷
扶桑影雲去時歸建業山風雨多情淹客醉烟
霞藉在有人間行吟豈是耽豪賞喚起靈心出
大關

雲陽口占將晤靜補兼訪雙巢館雙鶴

百里濃陰首夏天山雲行似挾飛仙千村翠藹
封林屋一雨紅泉漲石田樵逕蜿蜒龍氣矯麥
秋豐稔鶴糧全明朝至止雙巢館鷗復何疑野
老前

范助卿詩集

卷十三

七

訪賀靜補于雲陽道中雨甚乏酒有作

幽絕難禁日又晡佳遊肯使杖頭無烟霞祗潤
詩腸澁風雨還欺客况孤黃鳥滿林調艷曲青
帘何處問村酤季真素識狂奴性且喜兵厨不
待沽

答贈沈尚璽世兄時奉一朝命有事南都

相慕真憐相見遲對君何異對吾師荒林枉駕
迷蒼耳大業承家讓白晷署近明光推起草時
如漆室正憂葵蹇予野性耽空寂不作人間棄

婦詞 廣賈有言似數于沉淪故云爾

暑中邀瞿湛菴畢馮之汪遺民盧原甫周
江左經行一同集鳴鳩亭值雨甚時尚禱
雨原甫又言別南歸故句及之

雨館炎歊掃沈寥子遺愁向雨中消無煩北海
尊空慮已借成都酒味饒苦熱乾坤俱沐浴好
風梧竹也逍遙更憐觸暑遠行客灑道偏宜塵
外鏢

送閔廣山太公暫還滇南

范助卿詩集

卷十三

八

方期同醉秣陵秋忽漫揚舲故國遊篤孝縮將
丘壠近壯懷輕却路途修千山雲物克行橐萬
里輿輪借置郵太史祗今迎養切談公回駁莫
淹留

贈南陽王大將軍 有引

將軍俠性文心建牙海上屹若長城式
遏亂畧予以家難流寓金陵久之合輶
父老衣冠數千輩苦挽予轍將軍亦喜
甚招予備極情文因賦七言近體二章

一以揚將軍之雄畧一以志予之私感
云爾

建牙海上靖華夷佐世從知景畧奇頻拭龍淵
席俠骨稍揮羽翮辦雄師風清鈴閣閒消酒警
息銅鑪靜課詩英王中興思大將如君端可
寄安危

其二

半面生平惜未曾殊私不次媿難勝總緣豪傑
關聲氣遂使家門換廢典自矢何因酬國士翻
范叻卿詩集卷十三 九

憐永嘆有良朋覆巢病鳥投林日呵護憑君幸

脫矰

贈冒伯廖

滄江寂莫一窮鱗且喜山茨得伯廖末俗才名
能誨妬半生傲骨雅宜貧賦成今古都同社德
合乾坤共比隣片語投來俱我輩分明眼底可
憐人

遊西山寺和何許卿

五陵遊俠興悠哉指顧雄吞萬壑回古寺疎鐘

騰碧落幽巖積翠冷霞杯六飛此地曾宸賞七
步何人並爾才清夢不隨歸馬去山靈應許訂
重來

潘仲和不赴予登山之約詩來代簡依韻
賦此趣之

涼雨飛秋萬景澄每于清晝憶高朋睡方藥果
憐同病綠酒青山忍獨登瞥爾月明人或至輪
他雪夜興還乘可能旋覓烏藤杖霞外危樓醉
共凭

范叻卿詩集

卷十三

十

野望有懷湯襲明

畫艦開簾野望清烟花滿目曷勝情魚磯半沒
雙鷗立酒旆孤懸衆木平遠戍烟迷偏礙日深
林雨歇不知晴晚來月白渾如雪却擬扁舟訪
戴行

雨霽後張山人同盧子明見訪漫賦

何來勝友到貧家竹裏支鐺自煮茶可喜談諧
同曼倩實無奇字答侯芭坐承碧委侵苔草酒
帘紅稠着雨花薄醉微詩成勝賞藤稍已挂一

鈎斜

寤言堂集 有小引

予自庚午避亂遠遊至今甲戌始歸則
山茨詩社荒落久矣且自予不佞外同
人無一存者良可惋愴而吾里典型如
胡京孺先生巍然靈光諸名雋如湯岱
淵馬穉遊輩彬彬代興斯文未墜爰邀
從遊吳門周千載楚黃孟元白及江吳
諸君社集寤言堂分賦七言近體予得

范勛卿詩集

卷十三

十一

來字

身經離亂復追陪美益東南詞社開石故疊雲
成綺散花能先臘逗春家老懷猶逐飛堦戲雅
奏休翻阿鞞迴人握靈龜渾不夜銀釵一任箭
聲催

興教寺社集 有小引

是日同嶺南程無我楚黃孟元白姑蘇
周千載潤州江孟辰新安吳冠卿及里
中胡京孺徵君張揚伯憲副姜觀若刺

史湯岱淵袁士修陳于到顧石生李羽

中胡深公顧鎮之顧圭峰胡麟兮保君

遠錢五長諸文學齋會古道禪室晚歸

復索酒鎮之所分韻同賦予得灰字

羣公摘藻輾鄒枚素業仍從覺地開雲曲微聞

仙梵轉簾虛時過定香來倩僧問韻分牙慧因

境興悲到劫灰更引歡端拚卜夜虎頭甕底索

新醅

冬夜張兵憲揚伯招同姜刺史荆璆及諸

范勛卿詩集

卷十三

十二

子天寧寺醉月適顧圭峰携家樂至雅歌

投壺甚暢卽事詩成

永夜移尊佛礎前火珠林外梵鐘傳投壺歌席

如征虜敲月山門有浪仙法雨常飛無色界空

香不斷散花天何來合樂催杯急米汁龕中拚

醉眠

和史弱翁咏春風作次韻

王孫去路綠縈迴歷盡嚴寒近煖來每弄影搖

花自舞又飄香遠蝶爭猜緋桃片落還餘恨縷

燕斜飛祇助哀拂拂楊烟低檻幕吹將鶯語勸
擎杯

贈黃山黃光祿

與君林下兩人閒爲厭塵勞日閉關心遠自能
迴俗駕書成應可貯名山怡雲樵谷松蘿側汲
古琅函寶鼎間世態苑枯都不問看來單豹好
容顏

韓象雲相公以書至因作詩壽之

孤忠誅逆獨元功貫日歸山托遠空玄女仙源

范勛卿詩集

卷十三

十三

通汭水琴歌靈響奏薰風安危終繫裴中立旋
轉能忘溫國公況是金滕方啓聖肯容赤舄久
居東

贈陳蓮舟

永嘉人精醫善奕客吾州五山
每歸孤嶼

希夷骨相本烟霞靈素真傳自永嘉半七一枰
俱擅國五山孤嶼互爲家杏林雜蔣金光草藥
圃時飛醉墨花多病沈郎方賴汝探囊聊借馬
牙沙

雨中展墓哭先安人

松楸黯黯草瑤瑤寂寞慈顏淚眼前難把君羹
酬九地空懷熊膽恨終天愁雲似是煮蒿氣苦
雨何非長夜泉一痛低回歸去晚槐烟榆火自
年年

西湖舟中與荆璆民部手談

乘輅使者濟川才載酒樓船暇日開山色忽更
停子看湖雲不動放歌起淡烟含岫天初暝鮮
絳蒸霞月欲來客裏招尋拚卜夜明朝孤嶼又
探梅

范勛卿詩集

卷十三

十四

夏日邀薛千仞黃黃石臧幼星陳退公顧
不盈小集次不盈韻

史占星聚識陳荀席上對鏡古月新聊借歡場
寬哭世更憐詞社得同人廣庭露坐雲爲蓋頽
日霞扶火作輪但覺風生歌扇底不知林外有
炎塵

積雨新霽同雲岳千載諸子遊半山園時
秋八月也先是元日晦于此探梅有感而
作

半山弄色豁窮陰命侶提觥深養心猶記探梅
剛歲首忽驚落木已秋深松風響似烟湍沸林
日清于夕月臨鳥自定棲人自散勢歸雲氣滿
墜襟

其二

好是尋山風日嘉雨餘水木故清華爐烹泉乳
茶初熟亭納林香桂早花墟里杳然無犬吠炊
烟生處有人家坐深嗒爾忘歸去不覺嚴城定
晚雅

范叟卿詩集

卷十三

五

九日楊元孺總戎招同王夢叟狼山江邊

遊賞

戎軒何事問幽盟野服招携風日清玄鳥去時
鴻鴈至浪花圓處月華生菊觴偏引投壺興
賜猶懸戀闕情東顧祇今勞上將樓船橫海即
長城

其二

叔子緩帶爽且豪王郎拄笏豈馬曹劒匣于中
有龍氣酒杯之外如鴻毛籃水玉山槍陳迹丹

楓黃菊驕吟毫笑虜雄風颯爾至金戈鏃騎喧
寒濤

送邵潛夫遊五嶽

仰天大笑謝林丘五嶽真形挂杖頭寧侯向平
婚嫁畢登甘宗炳畫圖遊草木食克行橐明
月清風代置郵歸日著潛狼五下玉函金簡定
先收

中秋飲陳于樞西園限中字是夜無月

任他佳夕雨淋漓情豁方將開霽同况只一重

范叟卿詩集

卷十三

六

雲以上居然無恙月于中拈詩不覺成商調揮
筆何當掃太空投轄已教銀箭盡可堪蟲語咽
秋風

答贈李海嶽孝廉孝廉博雅好神仙諸姬
皆能簡書供事

百城坐擁不窺園射策行看連帝垣玄覽鄴侯
三萬軸微叅柱史五千言燈前下物清尊滿花
底攤書覩女繡離却凡情無大道何須出世訪
真源

讀揚伯夢叟仲和遊軍山訪法空禪師之作恨予未與斯遊聊爾追和一首仍次其韻

約畧雲蹤誤幾年
望中靈剎別開天
羣公占斷驚人句
尊宿談深無字禪
誰分耽奇淹後賞
聊憑補夢續前緣
茶灣藥鼎依然在
終擬追陪洞府眠

贈王夢叟

數椽背郭枕漁村
幾几黃庭靜討論
占藉酒鄉

范叟詩集

卷十二

七

人自遠埋名丘壑道
逾尊座機寂寂雲封戶
清泌洋洋日在門
竹下一樽淹坐嘯子猷
今復有

碧雲寺夜宿得詩字

莖草來從勝國時
雲深鐘磬出關遲
松偏蘸碧全侵酒
楓故流丹半映詩
飛瀑只疑寒雪噴
疎林先受早霜欺
暝烟浸日聊停屐
取次香山又探奇

下金山過郭璞墓

江心石竇大如星
聞說先生此蛻靈
雲護仙函寒骨暖
風衝壽鼎瑞烟停
青囊一去空玄窟
萬頃猶來誦葬經
却憶當年撩虎尾
至今砥柱障清冷

九日新霽擬同朱非二中丞俞仲茅少卿周山人江左登雨花臺未果乃于齋頭演劇率成一首

天惜重陽風雨收
正堪扶策上林丘
無端病懶稽還賞
有底心情耐臥遊
詩伴飲徒辜勝日
紫

范叟詩集

卷十三

六

更黃菊爲誰秋
閉門度曲偕同調
能不持螯恣拍浮

客白門送汪遺民遊我里中有感而作

君遊我里我羈身
此日寧容不愴神
自是五山能致客
獨憐三載未歸人
心隨空際濤聲急
目送檣邊鴈色新
後夜相思何所托
家園路熟夢還頻

李敬侯玄素同文學啓美迭奏家樂招予同觀分韻得豪字時玄素于席上成詩

主人雪調互能操歌舞教成各自豪曲寫情姿
方奏肉韻先樂句已飛毫紛陳魚味無彈缺繞
坐虹光有佩刀箭盡銀虬仍戀賞旌門月落曙
星高

白下荅錢五長見懷

自笑孤踪未脫凡貧遊惟剩舊春衫消掃四海
浮爲宅管領三山小署衙良友交情魚鴈字故
園夢路往來帆延津神物行應合莫訝虹光漏
劍函

范仲卿詩集

卷十三

九

十八夜觀燈是爲放燈日竟邀黃海鶴汪

遺民汪長東黃孝翼周江左經行一揚曰

補祝千秋諸詞人推集同賦春字

怕聽漁陽幸令節放燈將竟眷同人光添夜日
荒鷄曉寒勒庭梅火樹春繁景不拚如過客餘
枻殊媿可娛賓東南名儒皆簪盞風雅重開壇
拈新

孫太初與子年同六十而以歲前除日生
微詩却寄

如君同歲得春先除日生新喜氣鮮誰採靈山
朱實獻共將遙祝栢尊傳墨兵在握渾無事花
甲難拘別有權祇見一經教子外時舒長嘯狎
羣仙

集雲起堂聽僧然諸子歌是日余奕勝三
客

雲起堂中醉玉缸坐看雲氣起滄江砌花細細
香生席藁條娟娟翠疊窓一事過人碁屢勝百
憂無賴酒能降君方按曲余爲和又聽枝頭鳥
范仲卿詩集

卷十三

三

吟雙

秋日寄懷張揚伯次來韻予時留滯南都
獨有羈人不奈秋生憎落葉向東流楚天鴈色
時驚眼吳苑霜華欲上頭拙計吾羞晚後樂壯
猷君合借前籌故園占稔勞相慰行作歸來課
秋謀

僧房夜坐次吳去塵筵上韻

老遍松花結古烟繩床縛樹樹垂筵霎時心了
結香後靜夜機迎風頃邊雲剪秋衣披峭嶸月

傳靈嚮落寒泉坐深虛室俄生白似是前峰雪
滿巔

范勛卿詩集卷之十四

白狼山范鳳翼異羽著

七言律詩

丙子除夜口占時予避亂白門復聞寇警
商陸聞爐黯自憎流光新故倏相乘寒驅聊復
隨時劇雪髯能無與歲增劫世聲華同爆竹異
鄉兒女一盆燈五辛柏葉還遙祝惟願兵銷農
事興

崇禎丁丑元日作是外計年以元日日食

范勛卿詩集卷十四

感懷

元正旭采媚幽居野服朝元儼玉除計吏應行
王渾奏是年大計渾有奏疏危時誰上鮑宣書元日日食宣上書
運籌軍國羣公事帶甲乾坤十載餘老我謬領
籃尾醉喜逃世貴混樵漁

楊日補移居詩

重卜幽居掃熱塵圖書鷄犬色俱新山茨接宇
堪招隱泌水忘饑可收貧棠棣豈應歌遠而兼
段能不遡伊人閉門影靜神超忽伴月賓烟恣

承真

其二

一區林水共蕭閒坐閣含毫日對山卜築也存
牛動意置身如在畫圖間爨薪改舊榆烟暖庭
樹迎新谷鳥還不是問奇人載酒衡門常勅白
雲關日補册青不二詩後遺稿
送許我西職方之任楚黃兼呈幕客周千

載

右驂司馬指黃州童稚爭迎郭細侯亦嶷風光

范勛卿詩集卷十四

無恙在雪堂遺跡至今留羽揮立見秦氛淨星

駕能教楚澤流知是公餘仍好士幕中書記有

周璆

花朝日庭梅盛開邀薛更生陳旻昭同續

明介立兩高僧齋會共下同用齋字

梅花樹底茹清齋能使花朝風日佳不斷生香

供靜侶無情幽艷當名娃雨時可得客塵想如

是真堪暢理懷一飲趙州堪悟入月團甌影玉

橫釵

趙二瞻公祖直招招飲其家園有作

公餘撰酌集幽芬長笑延之詠五君沿擢明河
疑覆地登臺欹樹巧梯雲樓成忽擁龍蟠入石
供全從仙掌分更結團瓢修慧業嫣花窳鳥總
靈文

茅止生爲其內子楊宛叔索四十初度詩
却贈宛叔詩翰擅場閨閣中最上一流人也

謾言名士悅傾城慧眼分明識俊英四海詩權
范助卿詩集卷十四 三

空粉陣千秋閨彥占香名掃眉畫閣青山遠滌
研天池浩露清好是一心人作伴時拈秀句似
卿卿

冬日喜鄭超宗徵君至兼惠佳詩予邀同
諸君子夜談仍步韻奉贈

清人能結淡交歡德暖居然可敵寒鳥窳猶知
憐月曉難談未敢報更闌陵陽璞豈終遭別漏
影鋒于在匣看君已得興行致遠伐檀寧復置
河干

贈葛震甫用來韻

歸田載石媚幽居翻爲窮愁得著書才老詞場
推頗牧情深夢路領樵漁時餐鮮烝三山外不
墜風流六代餘自是孝先曾衍派藥池丹液近
何如

贈許文學爲壽文學著書忤權用故云

今古奸諛多遁情汝南甄藻獨分明掀髯說史
如流水閉影垂言關至精已奮墨兵誅國賊何
妨鐫秩到諸生千秋藉爾肩名教願假飛瓊進
范助卿詩集卷十四 四

幾航

張隆甫索聽雪齋詩率成一律

孤齋清聽滿林端土室慵將積素看靈響細敲
窓紙入幽鮮微潤竹聲乾紛來較雨還添寂清
極梳風未覺寒此際詩魂相喚醒故應高調和
嘗難

黃孝翼應徵北上因同諸名彥各贈以詩

時正月初度

時清何必貴知希漢代賢良公望歸恭拜鶴書

逢烏使勉將野服換朝衣風雲玄感明王夢潛
見微開輔世機珥筆定教留禁幄豈徒勾漏微
恩徽

咏短菊次阮勳卿韻

同是山籬雨露培幽纖不分委秋茲低枝未礙
盤輿度弱質偏禁霜候催香似楚姬裙上蝶葉
沾謝客最過苔金英遙望開如落還怪呈羅近
地來

白下辱張揚伯憲副遠顧別去却贈

范勳卿詩集

卷十四

五

寓公三載竊傷離此會猶疑在夢時痛定適來
開宴笑情深莫逆寡言辭先春雪盡歸詩調破
臘梅因動酒卮不是尋常分手處君回可柰我
孤羈

醉後登悠然臺看餘雪

酒坐都忘夜漏催更携餘興一登臺烟高散處
惟枯柳雪下飛時似落梅空月無遮浮白入蔣
山不夜送青來擎觴煞有憑陵意醉眼狂呼萬
家開

阮勳卿席上同用賢字
在坐正七人啓美乃衡山先生曾孫湛持相國弟也

清朝才子難兄上待詔家風爾祖傳此夕尊前
燕市客他時夢裏晉林賢松偏弄色餘霜後梅
已呈姿破蕾先莫向歡場索別緒兵厨炙酒且
陶然

蘭社詩有小引

予友鄭超宗孝廉端亮雋上代興三絕

風華千古偶過白門時維冬季長者之

范勳卿詩集

卷十四

六

轍鱗次其門猶得稍以餘閒物色蒼生
諸名媛之爲丹青妙手爰招至四遠畫
師結爲蘭社良韻事也予愧未嫻此道
猶得彷彿畫中之詩以歌韻其盛當附
山川卉木之靈日月與俱遠耳

韻士思將花史修故倡清事媚青樓序寒假手
補元化情熱憐才到女流幽緒無言心獨寫香
魂不約氣相求舉芳紉佩良吾志可但稽亭想
勝遊

元日試筆 宗廟丁丑

除日湮沉氣未除
齊心偏愜發春初
梅先通暖來窮巷
柳漸舒青煥版廬
禽躍全開天地閉
土膏乍起草萊枯
野夫濫占風光好
種樹山農切課書

呈劉誠意復陽

江上威名振大荒
已教秦寇避顏行
葵心衛足愁還劇
杞國憂天慮正長
銀箭無聲淹客醉
庭花含笑領春陽
竹林倘荷容疎湯
或可追陪廁范助卿詩集卷十四七

酒狂

金盤石封公七十
天樞御史尊人也

盛世文儒韞席珍
珥貂七葉澤方新
好懷宜爾稱難老
繞膝何人得盡臣
戲彩筵開雙鳬繡
勺詞冠以五花綸
壘樽滿貯瓊飴酒
中有梅葩媚古椿

碧峰禪堂前看芍藥
是晨送亡友王給諫
殯出南郊適祝千秋
又有雲陽之別

歌殘蒿里重含嗟
回首還尋釋帝家
老衲方依

無患木故人休問
可離花飽炊不托
供籬筍開話三生
費茗芽到此頓消
煩惱盡悟水穀漏
等空華

舊贈黃黃石壘卿

一疏東朝氣色新
歸來園綺結爲隣
孤標任犯時人眼
九死偏成國士身
白水旌心還帶俠
黃山占籍不愁貧
繼離已見前星耀
定有恩光炤隱淪

雨館卽事

范助卿詩集

卷十四

八

雨館茶鐺松火溫
清虛事業共誰論
勝人唯有枯碁在
結客還餘短劍存
磁斗竹蘭爭起箭
石床剝蘚又添痕
晝眠了當愧安國
生計真消酒一尊

子韻

錢生席上贈湘雲
美人是生所歡也
次陸狹斜路已十年
分此夕重來試舞
裙看學修蛾雙
僂月髻盤墮馬
一窩雲奮詩不
作盧郎歎琴調
誰教卓氏聞他
日思言北里志
風情猶在憶

郎君

南和伯方心寰先生招飲家園却賦

名園窈窕枕青溪映帶雙橋落澗寬度水鐘雲
浮玉案倚闌花影臥金隄層軒巧構人如畫曲
砌春藏鳥欲迷文酒每乘鈴閣暇厭厭永夕曙
星低

飲戴叔正西園

奈可經旬苦俗塵惟來勝地得閒身抗雲古木
如高士倚檻名花學美人樾蔭溪聲晴作雨風
范助卿詩集卷十四 九

亭月榭晚藏春我來信宿酬心賞絕勝回舟剡

水濱

其

風物那須遜輞川興酣集網旋烹鮮狀流萬折
遙連海恠水千尋直蔽天隔浦練紋拖晚炤遶
溪碧玉弄秋烟凭闌煞有江南色只在蕭蕭檐
樹邊

秋日登金山有懷

重來清夢破江天不道于今又五年但喜青山

無恙在可憐容髮已蒼然故人零落同秋葉幽
鳥嚶鳴下夕烟此際那堪倍惆悵溝聲况復攪
孤眠

楚黃孟生丹陽江生從予遊最久一旦別
去相約春初來會猶不免悵然興懷孟生
工詩予爲下榻旅館經年江生手談與醫
皆國手故詩中及之

方外追隨訂遠則斷金交厚重傷離空齋祇見
應塵榻殘夢每驚爭劫棋雖復有詩能自遣其
范助卿詩集卷十四 十

如無藥療相思倘然不負秦淮約好是春江花
月時

予適抱疴而友人交集作感懷詩

屏跡荒林嘆索居嚶鳴滿耳意何如重來下榻
與憐汝一病支床倍愴予苦雨連朝依枕畔冷
風中夜射窓虛英雄老矣元無補禽向能堪志
未舒

病起

質同蒲柳可憐生病骨雖蘇嬾送迎炤水孱顏

偕鶴瘦下階乏力倚藤行琅玕忽訝添多筍
曉才聽第一聲思對高朋開口笑不煩靈嶽采
芝英

元夜鄭玄岳太司農招同尹星鹿方伯飲

署中賦謝 謂溫公

盤筵羞說鍊珍堂清譙疑傳雉下鴈戍鼓謾催
城上月庭梅細裊座中香元臣滅禮摠情款野
客何心藉寵光好友共延良夕賞烏啼又已怯
朝霜

范勛卿詩集 卷十四

十一

寓京口辱靳于王贈詩奉答 于王文禧公孫也

寓公已飽佳山水爲爾高深且倍加健筆縱橫
雕日月靈心經緯織雲霞詎須黃閣開華胄自
以玄文立大家珍重琅函投贈意蕪詞何以答
奇葩

上人宗白詩甚工而不禁酒予甚愛之

投來滿握盡牟尼不負鉗鎚大導師波若眼飛
先鶴至楞伽肘繫起蘆吹定生枯趣空塵劫機
引靈源灌覺枝米汁能中欣得度令人入社免

攢蒼

予流寓京江辱談中約王純庵萬寅陽錢

密緯潘水公靳于王錢開少諸公聲氣之

未各以詩見投喜賦二章奉答

瞥見適然杖屨隨神交別自有先資過江似詣
源淵許躡履猶慚暴勝之京口三山看好在湖
頭孤棹不須移卜隣已學東臯子可許喬林借
一枝

其二

范勛卿詩集 卷十四

十二

南山莽莽抱郭迴金焦迸立玻璃開天亦未肯
闕靈氣地又安得生凡才齊梁小兒爲靡耳僧
父於今何有哉而我到此洗塵面清機忽入蓬
心來

靜補齋頭坐月時八月初九日也

景物澄鮮凡慮清庭階森秀古今橫快談忽擁
風雲氣靜寄遙通海嶽情泉引秋痕生茗椀雨
添竹翠冷棋枰時危合作沉冥客休使人知關
至

題賀求我空如閣

傑閣憑虛樹杪攢嶧陽枝引碧琅玕窓開平楚
烟如海檐宿涼雲夏亦寒禪院梵音飄廣樂鶴
溪秋水撲雕闌宜風宜月兼宜雪我欲頻來帶
醉看

廣陵客舍何帶河解元携酒見訪

無端薄俗謔相猜笑口經時未易開所喜故人
携酒過而同雅上抱琴來深杯坐落橋頭月橫
笛吹殘嶺上梅懷古且拚今日醉迷山樓閣已
范勛卿詩集 卷十四 三

成灰

贈王紫垣奉常簿

黃雀風殘青鳥西筵開耆歲薦交梨少年場上
仍行樂小歇關頭已破迷鄴架尋書多漆笈謝
庭寸土亦花畦太常自有安豐婦日不清齋醉
不泥

贈李太公漢翔先生

大生尊翁也

壯心豈屑贊皇封萬石家風世所宗八百年曾
交白鹿五千言已證猶龍鳳毛羣彥驕文筆水

鏡名公昭景鐘七秩初筵開蕺境梅粧舒笑倚
高松 太公七十納寵

黃文學爲其母求壽言以七夕後二日

乍聞仙奏響雲璈又見叢霄寶發高輓設天孫
機上錦盤行玉厨宴時桃無夫可竟輪漕業有
子能酬勸薦勞停史力從揚閩德更憐井臼爲
貧操

寄張揚伯良憲

八月詩添瀛海東重頌未許遽稱翁掾觚才駕
范勛卿詩集 卷十四 古

班揚上陳臬風清楚粵中卽擬升華高獨座還
看論道重三公也知壽國須更老爲祝長今歌
降嵩

鳴素何一丈誕辰

繼仲乃兄也

早年妙譽譟詞場晚歲閒情付醉鄉花底徵歌
嫌畫短橋中戲局引年長世無半點尊前事家
有千金肘後方難弟佳兒娛蔗境夫君何日不
風光

簡孫嘯父

有玄草囊集香酒

乾坤落落一閒身自足生涯不畏貧祇以豪吟
教客如每于長嘯發天真醉醒杯底涵靈藥玄
草囊中隱大椿無那風塵多白眼誰憐七十老
詞人

答贈陸季薦無從先生系嗣也

讀君詩不墜家風姓字何煩懷刺通素業千秋
爭日月孤情半世藐王公問來顧曲聊娛志老
去摘文欲送窮乍見欣然成莫逆豈嫌自贊似
南宮

范助卿詩集

卷十四

五

答贈冒玄同先生

三刀夢破謝分符岐路抽身儘自娛秋憲忤墻
追祖德天曹簡鏡訓庭趨摛詞不減春花燦中
酒無煩靈壽扶世講夙欽高品目矚然出處見
鴻儒

江契此見夢客居

風流不墜在江郎雲樹周遭思杳茫祇以各天
開夢境因而玄夜到君傍鄭周分璞終酬價騷
雅同聲欲擅場老我索居懷夙昔讀來詩更重

離傷

五月十三日同江左感遇輩遊燕磯有感
豈伊樂事萬民同杼軸共如盡二東辜負山靈
幽賞外空消物力水嬉中繁華終染齊梁氣士
女翻同江漢風對酒不堪過緯恤賽神聊復願
年豐

汪遺民乍逢朱氏席間莫逆辱枉顧以二
詩見貽子因報謁托園遂次原韻答之

慙負相思命駕遙更堪驛使總寥寥神交忽訝
范助卿詩集 卷十四 六

龍津合刃跡何妨蝶夢飄遺民有却慙于絕調

汝真空下里無才予敢累典朝魯朱家促鷄壇
約千古風期快此宵

其二

逕花相引叙閒棕尚悔緣慳晚乍逢推月入懷
呈霽色巡簷索笑失塵容林腴雲襯清陰厚苔
靜風搖亂影重却喜宗生無老病心期霞外共
支筇

同張揚伯姜黃姑丁兆甫諸君遊朝陽洞

月下口占用揚伯韻

芙蓉千片現蓮邦，嵌窟精廬訝少雙。
一霎雲霾收絕壑，四天星斗下微江。
峰看離合光逾幻，松歷寒暄色不厖。
可是尋源迷去住，山坳寂寂吠仙虵。

其二

酒狂直欲吸長江，孤月能來杯底雙。
逕拓懸崖欺客棹，潮迴濺沫灑僧窓。
蒼生望爾同安石，居士憐予學老龐。
剩有家吟誰得似，千巖競秀勢

難降

• 喜京孺自西粵歸走晤一首次來韻

萬里人從大庾歸，嶺雲猶染去時衣。
瞥然驚喜忘言處，翻似離魂入夢微。
厭俗何當長作客，到家終亦嬾開扉。
爲予特地留深坐，物外交元無是非。

張揚伯之任粵西途中以詩見寄聞詣夷
蠢動次韻答之

莫妒家山占白狼，時情勘破且徜徉。
夢中蝴蝶

亦何須壺裏光陰如許長，西顧愁他猶跋扈。
南圖快爾正飛揚，晝遊何日重相訪。
元琰蔬畦一逕荒。

感

朱長源兄弟邀同王夢叟遊張光祿園志
窈窕名園到處幽，微茫烟景坐來收。
深林已似山雲合，曲沼遙分江水流。
陰翳莓苔芒屨冷，荒涼臺榭酒杯愁。
可憐風月全無主，閒殺吾儕此浪遊。
時不見園主故云

范仲卿詩集

卷十四

六

董長白父母以廷尉正內召子沐恩最深
爰從白下追送海陵不忍舍去情見乎詞
升華廷尉曉鳴珂，去去恩波海上多。
無計卽申環草報，有懷惟頌召棠歌。
趨朝肯負明王眷，戀母將如孤孺何。
遙望行旌霄漢迥，還期雨露到林柯。

暮抵慶雲寺辱長源兄弟款留時延上人
亦至自崇川

浮踪聊寄慶雲深，香雨飛來淨客心。
地主高情

能款接山僧無意此追尋
堦前祇樹過沙劫竹
裏伽陵解梵音清曉鐘聲開覺路何如聽法到
東林

爭明寺天如上人新營禪室予以養病假
寓詩以代簡

何年孤刹隱孤村舍利長懸夜不昏
歲月獨私傳佛地風塵寧到定
僧門香室雨氣流空翠苔砌雲陰濕舊痕
見說買山情既慳可容方丈制心猿

范助卿詩集

卷十四

十九

奉送大司空靳習魯年翁請得歸養

尚書歸養世應稀爲採神芝入大駟
主眷豈容違禁闥臣心無那戀慈闈
板輿八座花間度金鼎嘗羹膝下依
元宰他年酬物望與朝孝治有光輝

范助卿詩集卷之十四 終

范助卿詩集卷之十五

白狼山范鳳翼異羽著

七言律詩

登顧廓庵吏垣半雲閣

秋色全收指劃間，美君襟韻日閒閒。
吞天印出波心月，排闥飛來屋裡山。
遇賞呼尊傳玉案，有時鼓柁過銀灣。
眼前怪底堪圖繪，攜李曾携烟雨還。

郭庵原任嘉禾

●秋日招李大生陳天敘諸子登狼山次韻

范助卿詩集卷十五

半壁乾坤大浸中，樓臺結屋习高空。
輕舸割浪玄洲近，孤塔梯雲帝座通。
魑魅駭秋防出沒，鼉龍抱日走西東。
招邀快爾豪吟客，醉瀋淋漓盡化工。

其二

支筇陡立沸雲中，孤嘯能生萬壑風。
晝霧昏黃天地合，秋槎依約斗牛通。
爛柯石上棋初罷，鼓瑟峰前曲未終。
眼底如君才獨橫，將無千古謫仙同。

答張揚伯來訊

伐木歌殘急難聞，誰能經變獨貞艱。
亂離每重良朋數，搖落偏傷遊子顏。
一水虛涼疏夢路，五山莽互隔雲關。
感君不淺綈袍意，榆社時猶望我還。

。李徹侯留飲納涼得十一尤

廣庭堅坐晚悠悠，一片深情當遠遊。
滿引壺尊傾北海，輕敲檀板按梁州。
荷翻露氣渾無暑，松捲濤聲欲作秋。
斗柄橫斜人未散，不知銀漏幾

范助卿詩集

卷十五

二

添籌

盧原甫汪遺民招同李玄素太傅及朱景洲瞿湛菴托園雅集分賦七虞

瑱花如醉月來扶，卜夜人將花月俱。
歡伯當歌情太劇，狂奴於世性全迂。
石蹲籬落雲根冷，筵裊茶烟鶴跡孤。
枵腹難降拚酩酊，不知尊底燥耶無。

鷄鳴山雨眺和壁間韻同摩詰太素王孫
鷄鳴禪刹倚雲堆，醉眼摩挲四望回。
御氣龍從

鵲觀秋聲搖落鳳凰臺
霖深萬疊連天噴龍
吼晴湖挾雨來武帝
死城灰滅盡祇今山
爲誌公聞

江關晚泊感遇諸社兄共賦八庚

兩岸湖添錦纜輕一川風軟殺紋生
倒垂羣峭江涵臥派別澄波月各爭
極浦兼葭團冷露橫塘楊柳宿流鶯
座中有客情偏勝爲譜湘靈鼓瑟聲

飲楊都督元孺園亭一首

范助卿詩集

卷十五

三

名園幽勝擬平泉緩帶輕裘塵務捐
花氣衝寒薰小晝鶴聲連影迸涼烟
危橋虛控明河上森閣微窺萬象先
聖主祇今方撫髀終期拚墨勒燕然

獻花巖次隣初韻

羣峰矗矗黨青天巖際猶聞花氣然
松偃蒼虬如飲澗竹搖寒玉忽生烟
牛頭杯外窺羣牧虎跡堦前護老禪
更向孤棂亭上醉此身疑犯斗牛邊

謝閃太公

有引

予與閃廣山先生同舍銓曹未幾迹若
相避一別幾三十年於茲萬里滇南夢
路修阻况思聚首杳難爲期乃先生以
土司跳梁避兵白下予亦以海上奸民
不逞卜居此中向之相避者今何暱就
乃爾可不謂奇違哉一日先生治酒醉
予梅花之下意酣情侈其長公太史在
朝次公解元在座行酒不減朗陵家故
事走筆成詩併紀時事

范助卿詩集

卷十五

四

卅年前已衰蘭芬萬里間離緒紛難足
祇防淹杖履鳳臺何幸共榆枌
怨杼猿鶴偏憐我氣吐風雲獨羨君
膝下二難金馬客無煩回首望滇雲

其二

勾迹天涯雪上鴻何期萬里一尊同
揮毫氣象干霄上帶甲乾坤醉眼中
逕竹光浮初着雨砌梅香灑不開風
慈明行酒酬星聚豈負三山作

寓公

余久客南都蒙光祿卿俞容自先生交誼
最篤見贈古詩極佳病中奉酬二律

不知緣底凭神親翻悟平生交未真豐獄雙埋
通寶氣謁門櫺飾衛傾身君應怪我生今世我
獨因君見古人深幸登龍偏最晚何殊仰沫慰
窮鱗

其二

詎徒卿卽冷卿如養素臺高核古初孝似輕官

范助卿詩集

卷十五

五

良自重才堪實用爲誰虛玄夷玉宇文成治員
嶠永蠶錦作書江左馳聲真絕品同心其柰獨
慙予

方孩未先生予生平知己同寓南都頃還

吾狼五山去戀別依依病中勉成二律并

酬枉贈佳篇

清流竟體是芳蘭報國丹衷更鐵肝叱馭叩峽
經險易上書梁獄省刑難口吹天下掃塵垢身
隔朝家關治安我苦奸邪吞氣短獨蒙卿異世

情歡

其二

西楚孤忠我最親長干同寓復比隣大人龍臥
從雲氣行子羊亡岐路身帝顧靈承刀鋸奪
國危終託股肱頻誰堪抱病分山別知己難忘
君獨真

李侯招同諸詞人燈燕是夜雨

良夕張筵集上才堂懸夜日閃金蟾驪龍自吐

玄珠焰雨榭誰藏千月來已分金吾能不睡聊

范助卿詩集

卷十五

六

憑火樹句中開更憐歌起行雲遇轟飲連宵未
擬回

夏日靳于王錢密緯安無咎社集青玉軒

限緘杉喃饒峴五韻詩各奇險加以穩致

予讀而艷之因密緯索和擬案率成七律

八章無異效噴祇堪捧腹

逕迴俗駕鎮常緘倒引苔痕翠接杉沐雨烟鬟
偏裊裊拂雲石燕欲喃喃雄心共有耽奇癖鷄
肋誰甘染指僂見說探驪多秀句青峰江上闌

曉曉

其二

漢陰何事動機緘不受秦封夢底杉通客孤踪
元落落道人胡語只喃喃俠腸翻覺貧逾熱酒
吻其如老更饒醉倚危樓時縱目鮮霞巧襯碧
螺巉

其三

是日無咎誕辰

炎曦乍倩薄雲緘宿雨涼歸簷際杉水漲鶴窺
魚撥刺夢驚蝶散燕呢喃如瓜輩自安期授三
范助卿詩集卷十五 七

熟桃防舅倩饒一片遐情寄幽矚夏雲奇過晚
峰巉

其四

二仲過門一啓緘桃笙瓦枕蔭林杉性恬不作
書空咄韻險兼收梵字喃喃刹安心無過懶芝
英量腹未爲饒臥遊吾亦師宗炳屋裏青山刺
眼巉

其五

逕無塵履紫苔緘石瘦如藤胃古杉鳩卜雨來

啼恰恰燕忒忒近話喃喃琴心司馬腸應渴頰
酒參軍句亦饒何日丹成超濁界踏平海嶠萬
峰巉

其六

花開寂寂共僧緘石逕涼陰翠積杉蕉鹿夢醒
塵事幻芻尼聲學梵音喃喃每依繡佛長齋醉肯
效屠門大嚼饒清供總然無長物盆蘭微點石
巉巉

其七

范助卿詩集卷十五 八
霽月蒼蒼雲破緘空階帶鳥臥株杉菴吟轉助
孤懷苦石傲差堪對語喃喃蓬跣入林聊縱適茶
瓜淹坐不辭饒嫩涼池館新泉溜十丈蓮華似
碧巉

其八

巖關未見一九緘且結吾廬入萬杉伏莽戎心
方睥睨處堂時議竟呢喃俠堪血飲魚腸渴豪
豈涎垂麀肋饒用曹景宗事自分平生辜壯志已拚
高臥片峰巉

李玄素徵侯招飲枕江亭索贈是日大賞

海棠 前案一名名友

枕江亭子結烟鬟名友相邀恣遠攀四塞河山
浮御氣六朝金粉隔雲開邇光初跨銀灣外盤
磴如臨翠水間一片靈心收萬象忘言閒對鳥
綿蠻

過袁大游新居却贈 時于方避亂江左

俠骨文心衆所推更於肯構見君才室如宛委
多藏笈逕爲羊求一掃苔到地雲光飛不去還

范助卿詩集 卷十五 九

簾花氣拂還來黍離故國愁予甚對此能令懷
抱開

過廣陵錢生携美人湘雲醉予與惺初季
薦士起卽席一首

隋隄黃鳥呀晴曛喚客徵歌響遏雲風月總憐
同調在合離應惜一尊分詞場歡伯能淹坐粉
陣徐娘獨邁羣燭跋全銷人未醉賣餠聲向盡
橋聞

述懷呈蔣澤堽大中丞

空齋瑟瑟冷青瑣不見於今又幾年每憶元卿
開徑處將憑少伯汎湖船離傷可料還如昨別
恨從茲且倍前滿握明珠仍賴汝渾同昕夕奉
周旋

遊清涼山呈漪園先生

清涼初地煞清涼屐輓平階落葉黃樵谷遙傳
空谷響僧衣長曳野雲香江翻石壁涵斜照風
捲松濤瀉冷光一拂祠前睜醉眼五臺靈氣鬱
相望

范助卿詩集 卷十五 十

• 遊牛首次李本寧先生壁間韻時聞客在
座同賦呈顧隣初年友

風日離離雨氣靈陰晴衆壑一時兼祖堂秀色
遙堪把佛窟靈光久更淹爽吹入松疑奏玉顏
雲到地似垂簾芙蓉千片當軒挿何似閩天接
笋尖

• 十笏齋與揚伯野臣季野諸君小飲酒間
以惜春二字爲令遂用爲題

繩床經案足幽棲草具留賓日已西自是惜春

應卜夜何妨酒令作詩題驚心好景同駒隙轉
眼繁花入鷺泥更擬明朝尋樂地雙柑斗酒聽
黃鸝

冒玄同先生七十

從知貞木耐嚴霜解組歸來七十強玉漉清尊
咀道味崧山朱實佐仙糧握銓陳臬家聲起鴻
筆龍文世業光爲祝長今將進酒孤南檐際正
垂芒

東天如上人作

范助卿詩集

卷十五

七

何年孤刹隱孤村舍利常懸夜不昏星歲獨私
傳佛地塵勞不到定僧門行吟白恰霑空翠信
宿涼蟾減暈痕見說買山情既愜可容方丈制
心儂

。歲六十詩

弱冠登朝意若何拂衣旋問考槃邁世間羶路
霑濡淺林下風光判取多山北山南雲共臥花
開花落鳥同歌迨時貧賤從吾好三詔曾辭未
許過

江頭看落照

逼歲江干苦滯滯荒荒落日照清斟漸看歸櫂
收前浦剩有微光帶遠岑散綺餘霞浮樹杪鎔
金倒景沸波心可憐栖泊渾無緒稍喜漁歌助
客吟

。妙高臺觀塔燈作

孤筇扶醉上層臺貝塔燃燈焰暖杯珠斗四天
同錯落金波千里共潏回毫光直攝無明破慧
炬長懸大覺開夜靜更聞僧呪食旃檀片片出

范助卿詩集

卷十五

七

林來

荅寄蒼雪禪師次韻

離魂雖復爲詩勾夢到中峰可暫留高衲孤踪
雲在眼故人千里月當頭馬嘶鶴唳有餘韻草
座麻衣合我謀江北江南水如帶試將重訪石
門幽

秋日同千載士英登清涼山戲作士英丹
青好手也

拖根杖子一登臺紅葉多情點碧苔裏河山

靈氣合嗟哉城闕夕陽開烟霞句裏飛將去丘壑胸中潑出來最是清涼愜幽抱放歌未擬賦悲哉

中秋日同慈明幼桓并徐生善影戲者飲陳于樞所限秋字是夜無月

閒遲月思悠悠安得身飛天柱頭微雨尚期中夜舞片雲翻礙十分秋試看戲劇燈前影有底升沈世上愁况復經年才此夕爲歡拚取轉先投

范助卿詩集

卷十五

十三

庖芷上人以陳省公書至齋會有酒人在坐

一到空林萬慮澄試將轉語叩南能若知在垢無非淨爲道何人不是僧醉向香厨希上頓悟來綺句總真乘誰期勝侶西堂會未劫今傳第六燈

同庖芷上人及諸詞人齋會時有霧淞之異人以爲甘露云

一聲齋磬下樓圍樹底先分甘露餐僧韻總無

蔬筍氣客豪宜結寂寥歡山空寺許芻尼宿松老雲扶鶴子安此會所憐寬酒禁不然能不使省損

盛堯民工丹青吳人貧而俠來顧予白門却贈

狹骨稜稜褰敝袍出門大笑興何豪偶然寓意工圖畫終自藏名混鼓刀倚醉輒歌千里驥乘風忽罵伍胥濤此行未少逢迎者不怕寒霜染二毛

范助卿詩集

卷十五

十四

久病擬還里中郭居適千載携牧齋先生書并移居詩至寄懷

背郭居然雲水鄉蕭晨滌暑自蒼涼殊方客至商風雅隣寺僧來供茗香岸柳欲眠征楫緩烟波迷望釣絲長吾廬只合能藏拙懷汝隆中舊草堂

過姜荆璆漁山館呈其太公星河先生

不是東山堅臥時晝遊偶爾遂烏私况憐幽勝開三徑豈戀風塵借一麾幔卷杯中花影碎日

移杯上塔形歌賞心仍聚天倫樂幾曲梁州酒
百卮

其二

入門桂竹冷香浮雙闌重軒取次遊方沼澄鮮
深貯月小山寒峭恰宜秋梵鐘闌座疑獅吼作
云寺故曲檻迷花任鳥愁且喜結隣便載酒新
街分領醉鄉侯

九日招同諸名士登雨花臺因望大江以
北有作

范助卿詩集 卷十五

五

軸簾孤舫載林光舍權登臺滿履霜詞伯飲徒
吳地秀黃花白鴈楚天長爐烹鮮水秋茶嫩爨
熟新秔晚飯香却笑牛山空灑泣黍僚何似萬
年狂

秋泛卽事

烟水搖搖深復深放歌天地愜孤尋蓮無敗婦
過時意菊有清流傲世心貝塔懸燈珠炤夜丹
楓襯月錦成林興酣索酒渾常住未覺嚴城曉
漏沉

秦郵陳大霍世兄假寓其大隱園因登醉
京樓有作

脫却喧卑亦暢哉清華水木影瑤臺城頭湖色
搖晴漢簾上林陰臥古苔霜老孤花逾自傲逕
迂幽鳥曲相猜擎觴呼月供吟嘯疑是南樓乘
興來

端午前一日李微侯招同陳幼白中丞何
天玉問卿及周江左方密之集河亭同韻
時崇禎之乙亥歲也

范助卿詩集 卷十五

六

中原不斷鼓鼙聲酣讌依然沸帝城樓上歌塵
交妓舫尊前殺鬪出侯鯖飛車還闕秦時水吹
管疑調吳苑鶯今日因君當樂死却憑續命縶
先成

午日同江左弱翁諸詞丈及兒國祐國禧
國祿孫大宗廣宗輩泛舟秦淮觀競渡仍
用城字

一片齊梁競渡聲鳧舟多載麗人行浮尊鯨吸
如淮酒秉燭羣遊不夜城何處臨風歌楚些有

誰媚月炙秦箏老夫也逐兒童戲感慨寧惟吊
屈生

丙子六月浹旬不雨酷暑偶邀程德懋林
茂之李芳生史弱翁小飲以清言消之率
賦一章博和

祝融肆虐已連旬且放形骸學歲民但見夕陰
先委巷翻疑炎暑避幽人荷莖承露低金狄松
塵揮談屑玉塵幸枉諸賢開晚酌涼蟾窺座儼
蕭晨

范勛卿詩集

卷十五

七

王季重書樓同李組修封公俞容自少卿
房潭柘泉憲趙惕菴徹侯葉白於中翰及
美人顧者李香集與季重同用方字

危樓巧構青溪旁幽抱擘結何多方林壑偏宜
靜女靜烟霞亦賞狂奴狂才橫譁談過晏倩興
豪酒態如嵇康王賓盡美信佳會妒人月姊來
窺床

秋月初抵攝山

乍入秋山病骨蘇天教名勝付狂奴幽巖習色

看難定絕壑微斯聽欲無掘藥人將麋共適栖
烟僧與鶴同孤吾生不負終焉志擬結松寮奉
老瞿

恒覺導予與士程千載元白遊天開巖
高僧指點躡天門峭蒨千林日欲昏且共褰裳
防石角休因支杖碍雲根藥靈不斷仙苗種石
秀難尋鬼斧痕到此頓教凡骨換無煩海外問
真源

同諸子登明月臺

范勛卿詩集

卷十五

六

風醒塵夢豁吟眸月浸層臺瀕氣流入暝千巖
爭售色未霜萬樹各呈秋靜觀始悟昏朝合孤
炤逾添林壑幽泉籟松濤渾不辨猶疑笙鶴度
峯頭

從棲霞寺望攝山巔一首

玄霄忽斷赤城標杖底天風掃沕寥遠勢盤江
山木潤中台接席百靈朝巖邊浪疊浮僧舍品
外泉香漬藥苗恨不辭家此常住一袈裟地結
團瓢

攝山贈秦漢卿山人

三十年來久息機，奇情故與俗緣違。
芙蓉候火調丹鼎，藤葛先霜綴薜衣。
谷口節飛沿月崖，腰肢輕踏雲歸。
有時寫就青山買，沽酒鮮烹帶露薇。

聞雁

秋半蕪城遍綠莎，未霜俄聽塞鴻過。
總然楚地寒威少，自是胡天殺氣多。
陣腳排空衝曉霧，喉聲連影寫晴波。
從來此物關兵氣，遼左烽烟近若何。

范勛卿詩集

卷十五

十九

若何

送友人之燕

衛玠風儀荀令香，醇醪實喜醉周郎。
奇探宛委珪如月，才並芙蓉鏐有霜。
市駿卽看酬國士，封狼應許繫名王。
獨憐判袂秋風裏，楚水燕山夢正長。

四月八日集袁季野芝室時庭中梓花盛開

芝室幽深取逕斜，亂流環屋樹成衙。
開枰落子

傳松籟改席停杯看梓花，滌几雲生知得句。
隔籬烟梟識烹茶，坐來心境冷然寂。
妙喜還過剎利家。

夏日朱山人見枉十笏齋留飲

室擬維摩隔市囂，酒徒詞客不須招。
榆枋憐我聊全適，壠塊因君欲盡消。
坐倚高花爭染翰，醉聽幽鳥勝聞簫。
歡情直欲傾千古，河朔濠梁并此宵。

請雨應禱

范勛卿詩集

卷十五

二十

憂旱頻歌雲漢章，望霖空復意徬徨。
山河頓失清涼界，天地真成熱惱場。
智水偏能銷業火，惠風忽已遍羣方。
不緣法侶迎休貺，甘澍誰斟農扈忙。

北山

乘秋欲望澄江色，飛上山樓最上層。
自是浮踪閒似鶴，雖然剌髮總如僧。
空林梵放傳幽澗，靜院袈裟挂老藤。
坐向棕團叅不二，湛然寂照了傳燈。

酒間贈程遊戎時王山陰在座爲程同年友

暫邀小隊出江濱
杯外秋光冷白蘋
千古狼峰增勝槩
一時龍劍合延津
談兵不覺來風雨
說法還堪泣鬼神
侍兩將軍能戡亂
野夫江上穩垂綸

題黃茂才祖壽屏

前身端合是初平
狼阜神羊叱石成
家本素封耽市隱
孫如雙璧振香名
紫宸計日丹書下
碧

范勛卿詩集

卷十五

三

海迴風霞架橫疑有羣
真臨綺讌藕絲裾曳步
虛聲

十山樓詩二首

南五山北五山故名

勝地開先可自由
無端平地湧飛樓
身閒不費床頭屐
跡嬾如牽岸上舟
向背山姿無遠近
寒暄樹色有沈浮
酒徒衲子常來往
相伴餘生只卧遊

喧卑無那礙清歡
南北周遭樓縱觀
野濶低垂平楚色
窓虛雙映五峰寒
何如禽向思遊嶽
時

有羊求過倚闌
謁展烏藤齊擲却
目堪代足上重巒

謝美人贈鏡

含笑傳停過
画廊名花解語玉
能香迴颺沸渚
輕盈態曉月朝霞
淺淡粧相顧翹翹
流善盼長歌裊裊
慙柔腸感卿贈我
盤龍鏡才謝秦嘉
媿莫當

壽海門成異逸六十汝元尊人也

翁也名儒子雋才
小春花向綺筵開
回仙鶴每

范勛卿詩集

卷十五

三

扶霞駕海屋籌兼勉
壽杯案擁丹經靈岳
出盤行朱實崧山來
積功端不拘花甲况
復風塵久脫胎

宿戴舍之山庄

有引

時野老有家樂舍之
借以俯觴亦韻事可
紀故及之

冉冉晴光淨遠沙
盈盈一水泛孤槎
風前梨谷霏春雪
烟外桃溪襯晚霞
倚酒徵歌分野老
看花燒燭過隣家
爲歡卜夜情何極
醉卧丘塍夢

亦嘉

廣陵詠懷

又安人未識干戈處處青樓夜夜歌花發洞中
春日永簫吹月下晚風和淮王去後升雞犬楊
帝歸家葬綺羅二十四橋今寂寞柳堤荆棘奈
愁何

秋日吳師利邀泛邗水

師利長齋

桂檝蘭橈錦纜催玉簫金管紆歌陪邗溝水漲
兼葭冷吳嶺霜清鴻雁哀楓葉光如狂客醉芙
范助卿詩集 卷十五 三

蓉色比媚姿來座中誰更饒深致蘇晉長齋對
酒杯

飲甘露望海樓時聞倭警

耆閣淨域大江隈甘露時時洒九垓杯外金焦
當戶立吟邊烟雨撲樓來孤蹲狼石猶含怒絕
壁幽花也自開海上忽聞傳箭急秋風鐵甕鼓
輦哀

• 京口寄懷麟兮

不道人間總幻華從來憂國本無家亂離以後

憐交態慰籍之中空怨嗟影自隨君子有託夢
當脂諸路非賒何時一踐三山約悵望秋風鴻
雁斜

春日途遇友人北上口占贈之

彩鷁乘春向紫宸相逢客路意逡巡臨岐楊柳
猶憐汝他日桃花是故人雲暗狼峰徒極目月
明燕市好誰親壯齡努力功名會念爾才堪董
賈倫

• 七十自警

范助卿詩集

卷十五

三

出入乾坤道路長卦參損益悟真常鳩謀自分
營巢拙鳳德殊慙接輿狂閱世幾回驚噩夢馮
生大抵屬迷藏百年樽散甘無用笑看人間石
火光

壽袁雲野七十

弱冠翩翩播令望名場餘力擅詞場家聲雖借
霜臺振宦蹟還同汾水長尊前管領風人韻肘
後沈酣姪女方伊子何幸從君老蔗境無妨付
醉鄉

喜凌三依送菊作 有引

辛巳秋旱極甘谷少花恐虛五美不意

三依乃星羅羣蕊且贈我以介眉壽予

弗敢當遂邀諸子共賞佳惠系之以詩

玉水金田到冷齋任他三徑老根荻浮華耻向

東風借搖落翻憐晚節佳端友飛博邀客醉

伯名菊少夫摘食與仙偕 閨小太曹太虛陸女

月偏如菊能欺桂欲引窓花香滿懷

中秋招稚修荆璆二兄及諸子泛舟玩月

范勛卿詩集 卷十五 十五

何必觀濤到廣陵崇川蕭爽素波澄酣歌雅和

霓裳曲鼓櫂將超天柱登快矣清虛遊永夜居

然白日繫長繩年年宴飲千秋節勝賞裁詩追

月恒

雨途逃亂農家作

乍渡江如皇恐灘回身帶雨步蹣跚蹇驢不耐

河湔滑昏路惟憑電影看卽次無聊聽鴟語鼓

林遙望若峰攢農將魚婢供村酌一醉乾坤了

白端

寒夜守城 有引

翊明唐太守蒞任之初而海寇鴟張公

率紳士軍民守城擊賊事卽就平閩郡

蒼生無不戴德卽余老憊之夫不覺氣

壯亦以寒夜登陴乃感太守惠以餽酒

會飲譙樓二守哀甫又觀予手談比之

安石因思有後周唐公永曾爲北地太

守擊賊遁逃至今稱唐公壘史皆載之

今我翊明與之同姓守土擊賊若合符

范勛卿詩集 卷十五 十六

節真千古奇事余不覺喜而賦此

料得窮猿懼白狼萬無小醜敢跳梁關弓青海

吞天月撫劍重城不夜霜賭墅圍棋閒制勝參

韞侍酒快留良壯哉擊賊唐公壘且使文川練

武鄉

同陳弗如胡唯一黃幼度凌少咸陳于到

錢西青齋頭賞雪

天公玉戲最堪憐六出于茲表瑞年南望銀峰

青不見四周寶界白無邊夕陽屋角朝霜厚晴

照檐牙凍雨鮮諸子欲更梁苑賦
來鶴筆苑如仙

齋日詩

一味禪參本自如準提齋戒肅持蔬引身豈美
鱸魚者掛喙還貪蚌脯歟甜苦淡鹹修靜日斷
齋塊粥讀書時若逢韻士兼豪士座上惡容尊
酒疎

春初遊北山

東臯芳草綠初肥新興郊遊戀翠微亂世名山
范勛卿詩集 卷十五 二十七

無恙在乘春勝地肯相違僧隨奕罷闌詩韻鳥
弄花香點客衣歌散紫芝聊薄醉水光月色載
船歸

上巳前一日招會東墅值雨遂回播芳館

劇飲

媚景先期拉伴尋共懷上已被除心天傾三月
桃花水人會千秋蘭渚陰舉白興隨風自舞蹈
青愁避雨全侵情深堅坐皆知已郢和應知盡
好音

同諸子集明潤齋頭曉東庄小酌分韻
戈字

豪遊三舍魯麾戈一擲流光且踏歌塢頂禽言
要晚宿溪頭鷺夢避虞羅香厨炊飽窮途適石
凍春傾風韻多更與詩僧同結社休如季緒肆
抵訶

孟夏苦雨經月同諸子泛河遊北山

天河半落剌風波井竈沈埋愁若何杭晚每憂
霖望少麥秋奈失夏收多農租無計支兵饑野
范勛卿詩集 卷十五 二十八

哭寧堪逼戍歌河北海傾山寺靜觀棋任客爛
樵柯

暮春袁雲野并令子伯鳩招同穉修荆璆
于到繩其看牡丹

是誰豪興引高陽橋梓家風布景光君子竹邊
傾玉友大夫松下侍花王偏于遲暮耽遐賞賸
有餘春占晚芳糾令頻頻尊滿白咏歸歡伯翺
詩狂

戊子元日

歲朝方喜履新初共奈蒼生草昧餘荒野在田
龍見少高岡衰世鳳來虛難經亂比低棋局善
養才看種樹書幸有兒孫多進酒栢銘椒頌且
欣如

壽陳母八十 又升尊堂

天生奇杰見龍光雛產狼峰似鳳岡子也循陔
賢獨孝母兮頌魯壽無疆夢生李白隣南斗貴
寵馮勤仗北堂色比黎璵仙八十豈徒閭德重
褒揚

范勛卿詩集 卷十五

二十九

遊北山同賦樓宇

逍遙結伴共春遊禪寂空林似素秋城外塙連
城內塙南山樓對北山樓天花飛雨庭陰秀鳥
性依僧野寺幽莫怪趙州茶不醉還歸暢飲盡
糟丘

山莊賞蘭杏

歲歲容顏換舊人年年物景却常新桑榆情事
嗟泡影遲暮優游卧錦茵紅杏凝脂初著雨玉
蘭傳粉滿迎春老夫偕客多狂興濁酒花前漉

葛巾

小墅看桃花

振風拖雨惜春嗟風片猶憐滿樹霞氣發秦源
生錦浪芳流漢綬吐奇葩多情朋輩偏乘老
眼乾坤更惜花却憶祝桃崔氏女與兒顏面作
妍華

西郊買花用出門俱是看花人爲句

夏首花還墜未春出門俱是看花人閒遊衣袖
香塵染玄賞烟霞風味親鶯語吹詩停奕句松
范勛卿詩集 卷十五

三十

聲勸醉卧花茵余雖衰老有餘興拚買羣芳不
怕貧

楊贊皇久客吳陵詩以招之

得朋歡聚百年身行子離尤獨愴神無奈幻塵
同逆旅可憐芳草尚迷津飛鴻有約催歸日舊
燕重栖望主人淮水東流宜返櫂還鄉作伴免
傷春

同袁雲野周千載李羽中并朗潤登軍山
經雨卽事

賈勇奇峰傲雨天雨鮮雲暖更堪憐朝陽夕照
多餘興選石移松却洒然壯歲窮通遺世隱危
時離亂脫身先江山千古皆無恙結社狂遊卽
地仙

僧復一求六十初度贈言

老叟兼忘吏隱名名山僧占却宜爭熱塵環沒
玻璃冷法戒遙令幻海驚甘露普天滋淨種慧
根插地足長生師能靜適依輪駕毋壽還看道
骨清

范勛卿詩集

卷十五

三

賀湯岱淵七十有引

岱淵文行無媿乃翁詩字妙有家法余
亦以岱淵爲心交如一念不忘慈明耳
今岱淵七十矣因走筆爲祝不覺情見
乎詞

慈明于我是心知文行千秋奉羽儀誰意翁將
今作古獨賢子以父爲師交情每托基兼酒家
法重新字與詩七十稀時偏矯矯青田核釀滿
卮匱

贈錢五長五十

圭璋有美品顯顯才比干將是筆鋒山上賦詩
天一柱江邊鼓瑟曲終峰霧深虎豹將時變雨
致蛟龍或晚逢詎美浮生初半百千秋大業仰
奇蹤

文峰齋會

伴與游同淨戒依紅樓白日照傳衣香臺古木
多雲抱貝堦天花任鳥飛頓教不須詩戒綺逃
禪無礙醉忘機升沈時局渾超脫坐隱空林戰
范勛卿詩集

卷十五

三

勝肥

同荆璆十七人從馬鞍白狼遊至軍山絃
歌歡飲六日

豪遊據勝屢經過爭渡江心險若何四水周遭
根地幻孤峰斗絕逼天多花千春末飛紅雪酒
比湖生卷白波因奉山靈爲雅會特煩年少管
絃歌

春末同荆荆二公暨袁頤輩坐小艇赴北
山正聞齋會晚酌顧園

春殘鼓棹尚尋花誰忍桃花落水涯客比劉伶
將頌酒僧憐陸羽只經茶園林近處還堪適風
月多情盡可賒醺醪傾懷瀟洒甚不殊天上醉
流霞

春日遊軍山放舟勝賞桃花猶盛

高人引興戀高山通氣崑崙尚可攀排日低天
成砥柱落星化石滿沙灣周遊玄象窮奇賞醉
飲紅桃開好顏既與僧禪談不二更同仙博日
偏閒

范勛卿詩集

卷十五

三

生辰自警時七十三矣

耕耒雖勞祇研田更賒風月慰窮年神超世亂
雲同幻身結山靈石與堅無事于懷求內足用
才寡識恐難全古稀今乃加三益邀樂餘生敢
負天

已丑元日酌養幽軒梅下試筆

養氣元正進五辛孟陽弄色歲增新老狂發興
稱三達家媿承流第一人紅意綠情春富日遺
安隱逸義全身中原休把風塵料索笑梅邊快

飲醇

元日過河上丈人垞

戴天底事眷浮生七十年來加五庚宇宙山河
無恙舊歲時朋輩共歡迎柳梅有意呈春色桃
李何言合世情椒頌柏銘河垞醉誓隨松石老
同盟

人日集河垞賦梅

李徑桃蹊景未催百花頭上占春魁性超偷臘
含香弄韻勝先天笑蕊開霜操澤癯羹謝鼎美

范勛卿詩集

卷十五

三

人童子酌同疊羣公健筆臨高會樂府歌宜和

落梅

楚水穉衡酒生赤文楷人小集東墅喜雨
東門池水足漚麻更賽農神饒種畬客至賦才
傾鄴下史占星聚媿荀家山藏幽穴涼消暑荷
發香風葉勝花偶逸開懷引新興酒隨時雨共
生涯

中秋看月泛河

時子有目恙

仲商白氣弔天涯望夜靈娥布景佳海上蚌珠

浮碧落空中懸桂下雲階露囊先洗明吾眼水
片分餐夢客懷逸興登峰兼泛水賞心月與酒
俳諧

黃母倪夫人節孝詩

豈惟冰蘂樹坤儀功行完來帝所推南嶽夫
人魏舒女東方曼倩崑丘兒夜生海日幽照壑
寒剗石雲高勒碑錫類繩繩可百世丈夫何必
皆鬚眉

招羽中麟兮西青菊裳惜人集播芳館是
范勛卿詩集 卷十五 三十五

時雨至限來朝詩成

招來良友速迎門歡聚文軒小景存乳鼎沈香
飛鳥篆膽瓶鮮水枝花痕消愁且仗連天雨引
興宜傾五石樽良夕同人分雅韻詩成約定出
朝暾

九日舟遊北山登高夕雨泛飲城河卽事
二首

老子悲秋詎解顏百年天地任疎頑菊萸應節
供三雅南北登臺各五山身久掛冠狂叟是髮

窮吹帽野僧閒務農休甲真堪喜文酒賓朋况
可攀

老顛每日笑牛山食餌囊萸猶等閒邊角塞雲
哀雁過天清霜白鬢華斑重陽高會拚陰雨鼓
掉傾尊任閉關萬木孤城引秋興無心雲鳥倦
方還

同文如諸子齋會

空林覺路白雲邊蓮社同招有勝緣增勢崢嶸
幽象外天花迴合梵聲前忘言坐隱叅禪悟暢
范勛卿詩集 卷十五 三十五

飲齋頭別法傳却笑貧僧心不染娛賓多負酒
家錢

文峰雅會

東臯佳勝路非賒花木僧房引興加塵熱虛窓
碁獨冷鳴幽孤檣鳥無譁蕭蕭齋活火催茶竈芳
陌流涎遇麴車吾輩交歡惟醪飲談空不礙醉
禪家

答周江左

先帝誰忘德廣覃傷民哭主共如惓義熙莫負

陶元亮詩史何殊鄭所南依舊山河安有恙美
新臣子豈無慙野夫浩氣空悲壯治亂興懷捫
亂談

• 卽事

不改山河舊景光老夫冬夜意徜徉枕邊冷淡
檐牙月窓隙開通屋瓦霜酒煖談基禁漏永硯
寒作字托朝陽憐花日短情難負偷臘黃梅任
引觴

• 贈陳芝玄

范助卿詩集

卷十五

三七

憐君意氣似春和盛德其如媿爾何學易於龍
味潛獨誦詩相鳥友生多千秋文筆老逾豔一
片雲心靜不波坐見庭堦茁蘭玉尊前鶴馭却
來過

贈劉楚水七十

浮踪俗外寄高情早謝分符隱結盟方野一枰
超世局醉鄉五齊足長生花開芍藥清和日詩
托流鶯鼓吹聲滿引瑤觴爲君祝木公金母共
桃笙

• 同岱淵羽中至石港奉大士會併拜信國
公祠

圓通際會好因緣信國靈祠稟告虔祚宋二王
忠貫日攘夷千古氣吞天無慙南拜完吾事有
費中懷報主年君子于斯曾至止高風蹈海淨
無邊

山茨社友惟余獨存更有感于亂後意欲
與諸子再續前盟賦此求和

免請撒峰共舉觴憐予舊社獨存亡網羅亂世
范助卿詩集

卷十五

三八

侵湖海猿鶴幽遊避虎狼基校每爲安石隱詩
成偏與晉林償啼鶯乳燕還相和徙倚林塘盡
酒狂

治園和錢五長賦

廢圃躬耕闢草萊倚雲和雨待花栽秦侯瓜種
樽堪賞越女蓮溪歌放迴貧但營羅錢藉莢老
偏開徑屐經苔僧禪仙奕延長日逸友兼同詩
酒陪

小園新造和劉漢臣

避世人如鳥擇林行將竹擬晉林深宅疑道士
居湖刻花付園丁灌漢陰招隱小山分雅賦澄
清一洗脫凡心老夫勝賞餘生趣閒坐危簾抱
膝吟

過新坨觀梅寄顧與治張文峙

所謂伊人水一方蘭言遙至共梅香神傳玉骨
甘同夢風送冰魂慰永傷孤望美人微月迺聊
憑驛使一枝將吾儕雖別懷真契底事迷途曳
步長

范勛卿詩集

卷十五

三十九

孟夏小齋屈童魯人及諸子雨集時予河

上丈人坨方造小山遂言及之

未季微躬想出塵小山移就鬪嶙峋黃鶯白鳥
交同侶浴鶴飛鳬盟泛津避亂遠愁豺虎害耽
幽近喜鹿麕馴雨軒良友來遙集李郭登仙共
此身

贈葛孚玉表侄五十

老夫曾祖母曾孫表侄周親獨遠存逸興悠然
多種秋隱心聊復曲依村歌吟歡樂同蠶市風

月優游滿華門今歲學詩兼學易引年甘谷菊
盈尊

贈邵潛夫七十

時寓雒邑已十有五載余
望其歸故及之

孤情傲俗奈君何廷尉家風正不頗振古陳詩
今寡和長貧積學富三多尋常莫忘登樓賦七
十稀來介壽歌遊倦故園還信美言歸爲爾有
行窩

壽王母

天行尊室也

慈闈香名閬外聞事夫訓子立殊勲薰心素業

范勛卿詩集

卷十五

四十

傳燈法擔力窮交剉薦勤玉室丹臺空外訣紅
莊青靛席前芬通家獻頌陳忺悅鳥使銜書下
五雲

中秋同麟兮繩其遠公及四侄小集時遭

雨有作遣懷

中秋遲月思悠悠苦雨無情傷却秋何計開懷
同賞勝且憑載酒共澆愁迷雲羈鴈聲幽咽弔
晚寒蛩語不休安得破陰陶永夜滿斟天柱最
高頭

贈黃夷簡年孫

玄蓋神親形苦分典門今仗有長文謫仙枉顧
來蒼耳荒逕覺然喜谷聞已見頃陂遵叔度還
堪奇賦效揚雲快哉佳句多嫺雅蘭蕙風吹領
德薰

已丑除夕

松柏偏憐寒後彫人情世態却蕭條思將元朔
先迎葵心切宵除且頌椒祖父家規那纂緒兒
孫世德臣宜昭老懷萬事隨流水莫戒詩基并
范勛卿詩集卷十五

酒瓢

庚寅元日試筆二首

攝提寅運表嘉辰騁望乾坤有脚春燭詔主
恩雖負舊催租民苦豈加新七閩百粵羈戎索
江左淮南掃戰塵此日蒼生應再造五辛盤飲
慰艱辛

四始年華萬物齊非關避亂武陵溪探春郊草
闌裙幄行樂銅鞮息鼓驛馬老莫愁迷路矣夙
衰無負聽歌今屠蘇飲轉先年少得歲平分任

取携

上元夕和荆翁觀燈之作

可奈前宵兩氣催多情天放霽晴哉堂懸夜日
薰寒月燈結鰲山對玉轡春女行遊花市過金
吾池禁袂關開匪徒火樹昭繁景疑上虹橋聞
苑來

雨中折餘梅

霽遊方喜得朋期陰倦休蒙二豎欺潤色江山
春有意吞光日月物無私霜清雪脈梅穠矣風
范勛卿詩集卷十五

振霖淫花已而越鳥南枝餘蕊在折來歡對辟
寒厄

重修山茨社歌

有引

社在崇川城北山卽擬金陵所稱北山
草堂又名山茨者予少年謬叨選俊濫
辱銓曹耿介違時辭祿歸隱因結宇正
公方丈之側社額山茨蓋亦有年中間
屢奉朝命三起京卿終未出山一步且
經海上奇亂流寓白門八載每優游鍾

山之麓痾療喜還故鄉舊社亦猶無異
白門憶昔周彥倫初標幽操後黷塵容
空弔山靈遺誦千古余殊無媿此意乃
作重修山茨社歌以告同人

風尚鍾山茨社間山茨江左舊鍾山北山笑彼
空迴駕城北憑予靜掩關在昔草堂猿鶴怨而
今結社薜蘿閒堅辭屢詔耽嘉遁無媿移文定
可刪

雨窓卽事

范勛卿詩集

卷十五

早三

非延壽兮閉寢閣殆管寧耳穿坐牀無奈來朋
違宿雨獨憐嬌鳥啁斜陽孤齋圖書同宗炳五
岳逍遙媿尚長詩旨却如充藥味病身勲業報
農皇

伏枕吟

梅放參橫春氣香可堪謝病撫胡牀風偷窓隙
孤情冷月惹花光引興長殊慙高士卧山雪猶
如佳人上額粧河蛇難忘何遜思擬同遊伴醉
徬徨

寒食日中春遊河坨賞花

家園箕帚荆荏在寒食鞦韆花柳飄渚引天河
環水埭路疑仙窟隱雲翹山頭遠有修眉筆樓
上今無弄玉簫歸帶林香香滿袖杯雙進酒醉
春宵

王元化治余病痊可拙作一月中三十餘
篇兼賦謝

桐藻春華引興多病邀國手恙無它玄都靈藥
孤遺緒綠籍揚名獨療痾惟古華陀字元化而
范勛卿詩集 卷十五 四十四

今元化卽華陀老夫拌死耽佳句半七生來三
十歌

壽宮驚隣刺史

羶路抽身龍性潛一麾詎肯戀彤幃少翁儒術
遵長孺叨允家聲繼子瞻元氣爲舟雲海學仙
糧采實崧山厭無煩壽國須更老風月千秋任
引恬

和嵩少公吟綠牡丹二首

嵩少家逸園原
有此種

幻化非常景物奢國香別樣使人誇倚倚淇澳

光分竹灼灼芙蓉葉作花看讀子山眉上柳望
疑羅郁萼中華奇葩此日多佳句加入元興賦
轉嘉

前史誰傳丹種芳染花奇絕只韓湘捻紅通白
追天寶魏紫姚黃爭洛陽春殘催進真珠飲國
豔驚來結綠光如許佳章供造物逸園根且發
嘉祥

嵩少公謝余拙序次韻復之

一代風騷造物怪讚君復古少陵間雖非季輔
范助卿詩集 卷十五 四十五

炤金鏡何異韓門仰泰山夢鳥入飛江左秀鑑
龜絕唱建安班向同南北銓方正詩獨無邪此
奉攀

酌嵩少公元夜觀燈寄懷之作

花市閑人盡漏長陌頭游女暗塵芳鰲山陸海
傾囂興夜日寒空暖月光競步成詩如史育揚
袍試鼓似漁陽君家繼起劉天祿藜杖爲燈樂
詎央 史育以五步成詩明皇于上元試過

答趙豹南

結社山茨舊草堂客來上座有龍光磊砢人乃
英多見美玉斯焉善韞藏識鑑披雲懷入月詞
鋒漏影筆飛霜忽驚風雨傾尊薄難屈高陽引
興長

春日招趙正叔伯仲

德煖閒游有脚春淡交偏勝俗情親屈振嘉客
如珠玉優獎愚夫只主臣無恙乾坤河嶽舊重
光日月柳花新素琴今幸傾朋酒流水高山逢
異人

范助卿詩集 卷十五 四十六

贈趙豹南于玄妙觀

平望湖來狼嶺峩勝游春載雉臯歌路無幻夢
薪夫鹿寓有書經道士鶯綠籍還童更鬢髮青
山繪句滿烟蘿美才經國須時待詩派寧徒比
謝邁

庚寅清和日招同凌賓陽陳公車袁雲野

湯岱淵李羽中姜荆璆胡麟兮趙豹南凌

君受錢五長并介立禪丈結社靜寄軒分

賦

晉林羣彥每尋幽梁苑佳賓同唱酬梅雨清華
猶媚景麥天首夏似初秋百年勲業詩開社萬
古山河酒借籌八斗八叉千日醉習遊郢和興
悠悠

暑日詠桐陰和荆璆

據梧瀟灑酒佐銜杯庭院無端暑不來曉起袂沾
林葉露午眠枕伏樹根苔銀床金井猶塵境鳳
羽鸞音足嘯臺坐向幽光淹冷局清風明月晚
悠哉

范勛卿詩集

卷十五

四七

久別介公幸來左顧賦此留之

波若眼飛驚忽至雨花人到慰相思十年孤負
參商慘千古尤經喪亂悲支遁依依宜荷講貫
休得得喜來詩神交長任休言去去恐迷途夢
泣岐

遠訪公車擾其家園賦謝索和

金蘭良友擅詞場一日不見苦參商遙集寤言
超猥俗澄懷觀道樂濠梁表章騷雅東南美爛
占烟霞海嶽光山簡招邀池習氏子長吟詠擇

遊方

同邵石生孫楷人僧復公朗潤祖裔遍歷
軍山有作

勝遊結伴共魚鳶知是山靈偏見憐峰對江南
青不斷波橫海外白無邊色空欲界垂天女歷
險扶巔行地仙此日同人超物表龍吟虎嘯興
踰蹊

集彌勒院聽法次邵石生韻

花雨臺師來若何婆心吐舌廣長多薩埵化衆

范勛卿詩集

卷十五

四八

方安坐藏教降魔盡倒戈歸命石徒頭點點悟
禪羅漢笑呵呵詩才捷作皆無上覺海雲飛靜
不波

辛卯元日齋居試筆

黃叟何其夜嚮晨初陽迎氣拜良辰晴暉大有
占逢卯太歲重光幸屬辛雪髯霜髯天不老酒
唇花眼日方新心齋尚隔風塵外黃帝元正學
養真

新歲呈宋衆甫國手并志謝

辛歲重光健老身鏡餘青鬢異同人孤齋清靜
游神王寅位元正景福新送臘雪情偏降瑞倫
寒梅意欲呈春回生國手人亡恙行酒屠蘇和
玉津

答贈周穎侯

壇坫雌黃每咄嗟雄才陽羨屬周家到門君意
惟題鳳對客吾慙祇吹蛙竟體飛香蘭作佩濡
毫揆藻夢生花神交切莫忙言別雅會還來和
雪耶

范勛卿詩集 卷十五

四十九

送茅總戎之東粵

儒將清朝擅武文恩覃淮海布慈雲真身羅漢
三生現換骨封侯前世因太尉柳營平七國孔
明毛扇綜三軍有征無戰全仁勇百越仍儲麟
閣勳

蒼雪師書來求拙作送懶雲亂後還滇

兵燹摧殘滿縣花亂離奇慘不堪嗟飽參幻界
一僧相遠隔鄉關萬里家海月超裝青雀舫山
烟輕駕白牛車從空出假君應識莫學秦侯自

種瓜

荆璆園中梨花海棠盛極遂賦佳作六章
余苦老病惟以一律和之

春睡風和據勝宜絳綃溫玉滿疎籬妖嬈膚浴
華清處丰采人稱釘座時唐崔遠文才清麗園人目爲釘座梨
北昌州張大谷潘方作賦杜無詩補君六首花
情暢摩詰詩中畫在茲

贈陳于到初度二首次來韻

於我浮雲身世輕道心無幸任天行嘯風咏月
范勛卿詩集 卷十五

五

青山色和寡彌高白雪聲爰靜爰清神自王母
揺母勞爾長生杖藜牧笛同三隱唐末辭侯且
力耕伯成子高也

浴德陳言千古身桑柔何必歎生辰絕塵趨步
宜希聖玄牝修真不死神泉石烟霞安有恙華
林魚鳥便來親尤憑烏奕追風雅勝賞名園皆
是春

河上丈人垞避暑兼喜時雨有作招飲

茂林扇物送高春潛世幽懷况老儂翠柳黃鶯

和吟咏青松白雀恰遊從水宮仙子偷香艷河
朔袁公避暑棕更喜甘霖饒種秫無煩九扈勸
明農

范勛卿詩集卷之十六

五言排律

白狼山范鳳翼異羽著

贈邵芝南太史捧詔之齊魯

蒼震臨儲位蕃釐覃九域制從丙殿出詔到甲
山開命使推能者從宜急異才曳裾遊曲觀擁
簞入平臺桂樹八公賦皇華三月裁攀帷攬勝
處齊魯送青來

秋日同湯慈明冒伯麟遊北山分得九青
范勛卿詩集卷十六

一韻二首

入林尋勝友爽吹豁巖扇散帙憑鬆几窺窓展
翠屏古苔欺短屐瘦石傲空庭樹疊疑山色雲
流學水形茶僧祠陸羽酒伴賽劉伶野服初裁
薛仙糧旋馴苓秋高天欲老夢短世誰醒縱飲
聊全適浮生睫上螟

其二

結社依蘭若哦詩上草亭日沉蒸海色霞起象
峰形梵唄傳清韻鐘聲破紫冥僧厨收墜葉客

秋坐流螢繩縛齋頭榻藤編屋後屏夢酣蝴蝶
醉書飽蠹魚靈蠶繭牋茶譜烏絲勒酒經烟中
穿烏白雲外擲螺青斜月窺吟筆疎花媚膽瓶
幼安終避世阮藉不求醒劇辯波爭湧高歌雲
忽停相期捐世累味道此巖扃

呈大司馬質公宗兄三十六韻

乾始凝圖日坤靈定鼎晨河山維紫極豐鎬護
丹宸爰有蓬瀛客來稱社稷臣卜年乘間氣繪
夢宵賢人機務摠輶輅畧明時表鳳麟憂危懷孔
范勛卿詩集卷十六

亟補浴願初伸廟略資長策儲胥借博詢北門
移鎖鑰南國布陽春秉鉞天中舊援兵闕下頻
行營揚皂纛推轂擁綸中黠虜駭霆震奇兵捷
鬼神方傳鏤薊績又報靖濠塵力使江淮奠誠
教豺虎馴陳形首應尾壤勢齒依唇中外威聲
聳陵京福佑臻猷猷巖赫赫樞省水潏潏天
地才休否雲雷道濟屯忠惟扶日月智欲整星
辰雋碩超凡種英雄托要津一生掀揭手千古
鼎鑊身臺閣掙孤節朝家需統均黑頭行作相

赤膽望同黃鍊骨芒雖厲蘭言氣自醇宦情水
共潔文思藻俱新大雅淵雲合鮮葩鮑謝隣心
門光映徹神表屹嶙峋易熟仙源路難窮壽域
根生逢一丙子歲守百庚申飽啖安期棗榮攀
壯叟椿衆瞻師寵錫世以泰交論文正先猷壯
忠宣偉伐振芝莖恨共結衣末領先紉扶杜敦
同姓榮華較更親鸞書加倦鳥龍沫及窮鱗拜
手歌天保恭將戩敷陳

江左以五言長律見示次韻

范助卿詩集

卷十六

三

閉戶卽巖谷居然石隱堅才非

明主急名是飲徒傳一自歸湖日于今開運年
鷗盟占海藉鵬化及秋天散木繩難中憑人心
易專門無時貴轍坐有晉林賢貧但營蘿屋廉
猶惜蘇錢拈花居士課操管布衣權屬泣風前
露蟲吟草際烟醉探龍領下美爾得珠先

夏日齋居有懷葉雁湖范中闇二民部

息心空熱界散髮臥南榮謝謁繩閣者蠲煩藉
墨兵峇然常情體偶爾似逃名竹掃炎塵蒂荷

承玉露莖逕香開藥竈人靜對楸枰柳引風能
下松懸月較清玄津潛漱濯白雪昭靈明時復
憂其雨將何慰耦耕早雲雖嬾賦遺子正關情
聊可安時運希心漉酒生

。史永嚴銓部馬三芝廷尉招飲梅花嶺遠

眺賦十二韻

二妙吾良友招携載酒來柳堤吹細浪荷沼淨
纖埃遊伴調歌管隣僧餉茗杯徵詩酬水部把
酒勘江梅廷尉無可令天曹有鑑裁素心傾管
范助卿詩集 卷十六 四

鮑新賦擬鄒枚雨過蟬聲沸烟消鳥路開乾坤
寬着眼今古迥生哀瑞色空輿浦愁雲暗琴臺
露妻螢苑草春冷鳳樓苔眼底俱陳蹟吟邊有
切灰回舟邗水上沿月思悠哉

夜過朝爽閣聯句

深夜過朝爽踈簾月色佳何緣來上客况復挾
名娃錢王孫對竹舒清嘯逢花暢好懷輕風揮塵
玉高燭照鸞釵湯慈明潦倒吾曹合迂狂世路垂
微言多感激名理維詠諧王夢禮佛何嫌佞叅

禪癩茹齋語深縣涕淚情至黜形骸范穆其幻跡

看蒼狗浮榮等附蠲共憐人似鄴官惜醉如淮

范異翫世駢延飲迷人獸可儕隱期同皂帽游

欲借青鞋明湯憲久坐雲生榻將歸露滿階令嚴

鴈愈急律細語多徘徊范異但得生長醉何妨成

便埋那能仍跼踖騎馬洛陽街范穆其

三聖庵同劉靜之賦

勝地標靈宇香臺拂澗覓社疑從惠遠人似過

曹溪雉堞平臨北虹橋却枕西慈雲涼火宅慧

范勛卿詩集卷十六 五

日閃金堤梵唄連鐘曉伽和傍水低淥池澆法

鉢畦界印迦梨經閣獅常吼禪牀鴿欲棲法流

甘苦行香積淡賦齋不到毘耶地安知塵事迷

三明誰認取六入可端倪殼漏空華似恒河心

量齊歸根尋寂樂緣覺總菩提會柅玄津去微

名那得稽

賦得梧桐雨似袁小修

孤井玄陰重蕭蕭冷敞齋冥濛昏白晝滴瀝下

蒼崖虛牖疑彈奕閑閨或墮釵蛩吟偏答響鳥

嘆復相諧瑟栗瑤絃緊淒清玉漏偕襄陽應好
句廣唱不能佳

立夏前一日錢王孫携酒同慈明仲和潛

夫諸君訪予亦適園摘葉分韻

送春剛此日載酒得詞才蓬徑呼童掃柴關手

白開庭荒行碧筍松偃上蒼苔山色排檐入泉

聲遶舍迴殘英飛不盡刺馥斷還來秀麥雲千

頃華林水一隈醇醪沃甘露茗英試驚雷凝綠

烟拖柳勾黃雨熟梅摘離分韻葉移石作琴臺

范勛卿詩集卷十六 六

塵尾玄風暢碁邊落日催意闌花有恨機息鳥

無猜結想超塵埽興悲到劫灰物情猴削棘夢

境驪居槐世或終謀野吾將老鑿坏讀騷嗟屈

宋揆藻媿鄒枚地主無供給徒知戀客杯

喬光祿招集如如齋卽事

久別情何黯矐然此見招家隣司馬近光祿原家龍門

人學阿龍超架上餘細帙樓頭度紫簫汾陰收

漢鼎高士與雲瓢高士謂郭第蓮座唐時像蘭尊柴

氏窑釀傳良醞法味本大官調雀舌童諳煮龍

涎手自燒砌花紅亞石庭竹碧侵霄古月碁邊
冷炎塵塵外消出門天漸白邗水欲生潮

王將軍天虞招飲狼山新署仍移酌選勝

劍脊之陰卽事

虎牙分閫地狼阜壯規模憂國如征虜籌邊似
伏波威伸撫士下興到樂賓多觴政從軍政饒
歌間雅歌捲簾納蒼翠憑几面嵯峨亦復移行
帳因之勸巨羅月翻旌旆出谷響從伶過壓地
雲千片環巘錦一窩積陰滋古藓斷壁引纖蘿
范勛卿詩集卷十六 七

亞石狂花淺歸巢鷺鳥和牙檣標海月文練印
沙坡訪蹟空秦劍留歡借魯戈樓船方晏寂鈴
閣任婆娑醉酒兼窮勝含情柰別何

朱摩詰初舉南闈訪予流寓京口者再詩
以酬之

感子成名日存予離亂時不煩頻勞苦但道且
探奇景幻心無措神馳日不知峰寒爭晚炤楓
老弄春姿俯視烟如海平臨山似陴頽陰苔故
滑古澗險而危支杖雲根動摩肩石角歌趾空

翻藉手衣薄欲侵肌境會全消酒情生自在詩
背巘驚勝絕戀賞曰歸遲

借榻舫軒爲殷冠軍賦

花逕深藏室蘭烟小護開舫軒浮綠水繪壁響
青山坐覺凡心盡時邀靈氣還虎臣元矯矯龍
臥且閒閒黃石逢橋下烏號學月彎據鞍殊笑
馬投筆不輪班金印肘堪繫玉書手自刪涼風
生大樹勝賞幸同攀

贈王夢覺

范勛卿詩集

卷十六

八

弱冠課文譽幽居懷隱淪世皆甘逐妄君獨好
棲真泌水沉冥客清風入幕賓超然能拔俗隱
矣不違親行立一時表目空千古塵右丞原的
瓜大令亦前身胎養希仙伯暇依作佛民尋常
拈妙義只尺樞玄津德欲將言掩詩堪使志伸
已諳爰象理遂了是非因最喜遊歸倦樽前起
色新

遊虎丘寺

丘倚千雲結幢懸萬疊空沙紋承屐輒磴道撥

烟通怪壁玄功外幽扉鬼斧中動機歸艮止羣
象入包蒙難舍茲遊地停橈卧梵宮

喜時雨極盛兼望雨晴之作

夏扈愁芒種玄冥若雨時耀和便庶戶儲剩快
農師旱魃權俱削商羊舞特奇塗泥沒馬腹衍
沃長鳧比日十甘爲澍旬餘渥苦畸感天勿潢
潦瑞液待秋宜

夏至後招憚修荆璆泛水到北山社喜時

雨極盛作詩志感

范勛卿詩集

卷十六

九

鼓櫂泛微波招遊興若何長林憐秀色宜畝望
嘉禾禪院幽棲處玄冥布澤多牧羊先道畔金
虎俾滂沱不待鞭陰石誰能障曉河江湖僧吸
研津里女披蓑農鴈仰天笑詩翁于野歌休徵
時雨足羣醉舞婆娑

六言排律

遊招隱洞訪懋修禪師

支筇撥將烟路信步誤入雲堆獸窟今來佛窟
書臺本自香臺山高不惹塵空境僻自隔囂塵
玉蓋泉宜枕藉袈裟地費穿栽下春樵斧未歇
上界經磬方催紅葉漫天花雨碧峯拔地蓮開
垂栢清影可憇蹲鴟膩粉堪煨焚香粗具松果
淪茗旋蕤秋荻愛此維摩十笏可容徵士三杯

延令西鄉同夢叟賦

十年不過延令間俗殊異他方處處宜桑宜竹
家家乃積乃倉子鰲鱗魚克市朱櫻綠笋盈筐

范卿詩集

卷之十六

九

城子潮通楊子西鄉景似吳鄉風氣漸隆騷雅
人情容得疎狂只餘一事堪恨名園底事荒涼

七言排律

送張揚伯備兵粵西時從遊者爲吾友王

夢叟

吾鄉先輩陳公粵西巡撫錢公粵東
巡方奏馬錢公事也

帝念蒼梧百戰場才臣特簡靖炎荒元龍尚鉞
曾開府奏馬維桑舊省方歸順江頭雲似幕籌
邊樓上月爲霜茜裙溪女輸寶布登弁蠻僮醉
辣漿間空雄文雞吐錦時抽龍藏象調良橫槎

兵洗天河外標柱功成海微傍語鳥名花供對
酒奇峰絕壑采盈囊坐中柱頰人多韻莫謾題
詩憶故鄉

秋日社集僧房仍移酌田家分韻得微字

空門浩劫駐流暉遇賞同人願不違
挺磬法堂生午寂浮杯僧擔卸雲飛
雁鴻影澹書空遠絳緯聲淒得氣微
葭莢半藏漁父艇豆花全護野人扉
好將庭際垂楊線爲製霜前青芰衣
細切橙齏魚味美新芻菊釀蠟脂肥
四時覽勝三秋范助卿詩集卷十六十

最千里論交一士稀試問吾曹開社後東南風
雅定誰歸

秋日同社中諸子及麗麗人過北山僧舍

訪冒伯麟歸舟泛月分韻

高士幽棲幾葉峰捉觚捉麈慳相逢不教竹裡
逃張廌絕勝雲間來士龍浩往頓令塵境失悟
來轉覺道心慵名姬况解人中意詞伯兼通相
外宗艷曲罷將清梵續濁醪醺以茗旣從花迷
曲檻僧寮晚雲起層巒鳥路重遠浦風迴啼老

雁平蕪月冷吊寒蛩坐臨空水心如鏡談到當
機舌有鋒杯底金波掇桂影吟邊玉露滴芙蓉
夜深客醉青天澗何處孤烟發暝鍾

寄陳眉公

雲間處士舊名家軼代文章世所誇肯使太初
高枕苑試看徵仲入金華昔賢大抵羅胸腹後
儒何曾惜齒牙千古已留真命脉百年猶屬小
生涯坡公書法老逾勁羽父詩詞清更嘉不擬
珠璣充藥裹無煩聖石煉河車編摩藻爰惟拙
范助卿詩集卷十六十一

秘粧點名山故乞花任是姓名聞黼展從知心
性本烟霞

冬日同慈明夢覺諸子宿狼山遂訂買山之約席間同賦山字

自是蓬瀛咫尺間十年輕別此重攀雷霆長吼
鼉鼉窟日月平吞虎豹關千盤怪石酬奇癖一
曲澄江清道顏濤觸奔崖俱作怒石通靈氣總
無頑汝曹各競千秋業吾意惟管幾片山出世
孤情依老衲隔林清籟動仙環雞聲呌破東方

白蠟炬殘夜色殷，僂僂一龕宜客懶。拋經半榻與僧閒，渾忘夢裡周爲蝶。那問塵中觸與蠻。

舟次立秋

俄驚一葉下長河，客路兼秋意若何。乍喜清颺將暑去，更憐新雨贈涼多。陰森岸樹如褰幕，碎曳波紋似織羅。風檻半扃螢巧入，夜砧初動雁偏過。魚鱗片片黏青漢，蟾影娟娟濯素波。局罷壺乾宵漏斷，一聲何處起漁歌。

送李臨淮徵侯北上

范勛卿詩集

卷十六

十二

英妙年疑及請纓，卽持銅虎鎮陪京。元勳在昔開皇祖，新眷于今荷聖明。家有龍韜惟報主，時危燕領只談兵。寶刀氣吐星辰動，牙纛光將日月爭。羽扇指麾銷劇寇，余皇森列壯長城。水犀練就鯢居靜，封豕潛逃虎帳清。方見鶯聲催染翰，又聞鶴詔促還旌。風雲驛路傳千乘，烟月樓船奏六英。帝曰江關勞爾甚，公言波爲聖人平。承恩肘後仍懸印，舞綵堂中有賜羹。奉母旣能安鼎養，對君况可竭葵誠。萬金散盡懷逾壯，五

字吟成衆所驚。才穎咄嗟嘗作賦，威行草木亦知名。獨憐同調輕分袂，一曲驪歌黯淡生。

何上舍啓明大開詩畫社，邀予主盟分一先。韻社所爲紫烟閣。

森閣橫空凝紫烟，誰其撰酌客駢闐。野臣共采鍾陵秀，地主尤推水部賢。文虎酒龍喧座上，詞壇畫苑立尊前。圓開河洛仍呈象，墨破鴻濛再造天。低按梁州招月上，紛披蘭佩受風鮮。可知盛事宣和後，雅道千秋別有權。

范勛卿詩集

卷十六

十三

辛卯歲新予喜冬恙痊愈試筆作歌時尚齋居未出戶外遊也

肥遯顛狂老逸民，髭無白髮却殊倫。餘生獨占南山景，佳氣先朝北極辰。五嶽筆搖思擅代，萬錢日費欲娛賓。功名富貴空流水，味道逃禪願絕塵。避世違時身衛義，辭朝早歲義全身。夢疑干野隍中鹿，造化爲隣海上椿。守有氣焉虛有谷，輪斯尻矣馬斯神。遺安似學龐超俗，玄牝還師。李參真莫再廿三貪壽，百已慙七十七爲人。

范勛卿詩集卷之十七

白狼山范鳳翼異羽著

五言絕句

讀易

大易心上書。河洛流真脉。多事笑庖犧。筆空下
一畫。

夢遊山

秋風吹夢長。夢入山之隩。宿月微明。蒼崖穿
白道。

范勛卿詩集卷十七

題衲衣

法流求授法。六祖大呵叱。誰來遙相傳。此衣爲

第七

秋夜

暑嬾久拋書。秋宵宜硯北。坐深銀蠟殘。推窓睂
月色。

題畫

名山閭異人。縛屋嵌窟底。倒樹拓橋行。支筇看
流水。

其一

爲厭城市喧。移家住山側。更有浮家人。推蓬看
山色。

爲顧太學題畫馬

天馬來西極。汗赤沫流赭。玉勒繫垂楊。終非伏
櫪者。

其二

誰貌九花虬。霜蹄驚掣電。願言終惠養。爲君驅
百戰。

范勛卿詩集卷十六

山中坐月

補展拭蒼苔。携藤撥青靄。了未知明月來
酬對。

。盱眙山中

山家住林坳。林昏嘗晏起。石隙日初明。午雞動
墟里。

其二

歷落下山椒。得此林塘水。水鳥戲銜魚。悠然步
沙嘴。

取送句曲山中

足已踏松巔。未及山之半。急雨掛前岵。飛流界雲巔。

其二

登頓我馬瘠。逕險迂回取。菊繁禁曉霜。松嫩香寒雨。

其三

曉行占晴霽。一雨晝冥冥。不知山近遠。隔嶺問樵青。

范叅卿詩集卷十七

三

其四

行行投古寺。烟際晚鐘沉。樹影疑僧立。鳥鳴學梵音。

秋日過賀氏雙巢館題十首

種柳儼高塘。蟲蟲連雲闕。塵空盡屏除。只不關風月。

其二

網下驚鱗飛。魚乃具鳥性。在淵亦在天。吾以觀魚竟。

其二

花葉香兼勝。佳人吹氣中。碧筒將進酒。先引絳唇通。

其四

如對同心言。宛吹美人氣。誰知王者香。乃以幽微貴。

其五

奇情超塵滓。露臺承月露。挈得曼姬來。或恐嫦娥妬。

范叅卿詩集卷十七

四

其六

桂桷杏爲梁。連窠條而壘。哺共翻飛鵲。亦何多喜。

其七

架陳三萬軸。胸藏大小西。硯北披千行。下物拊五斗。

其八

水閣一浮槎。如坐銀河上。星月羅簷楹。心靈亦分放。

其九

綽約顚秋風隄水互幽映不_{去聲}客花美人臨
玉鏡芙蓉

其十

忘却還青田就食上人手飛鳴適其天同心兩
逸友鶴

寒冬從泗上至淮陰步道甚艱雜吟四首

雞犬寂無聲一片悽惶路京口是并州何必家

邨住子避亂久居京口

范勛卿詩集卷十七

五

其二

日出東南上其溫如挾纈贈_才一征裘令我愁
顏壯

其三

肅客意勤渠云是戶侯婦漂母真丈夫遺風亦
何久

其四

劉薦煨飢低茆檐活火溫嫗手何慕義多恐失
王孫

歸舟感悼六首

小人自有母見背不相待兒子出門迎阿母復
久在

其二

前年北上舟掉頭又南走所有同來人今在舟
中否

其三

孤月照孤舟孤客淚如霰雙魚掠舟來下簾不
忍見

范勛卿詩集卷十七

冬三

其四

扁舟曾密約共脫風塵苦到_不罷官歸捧心人
已古

其五

漁翁洗手坐呼婦烹魚飯罷喃喃語相看我
不如

其六

念子九烈腸黃河曲如此去年孤櫬過岸樹至
今死

李太傅招遊山園賞海棠懸燈樹間達旦

同諸名士分體

客醉愛花醒亞枝
綴樺燭露下濕紅膚
宛出華清浴

其二

遇賞盡花情
晝短苦未足
君看挑燈時
霞彩扶朝旭

其三

無詩怨少陵
帶露啼痕在
古猶責逋
乍可吾

范勛詩集

卷十七

六

曹代

包釋修誕辰謬陳四解

何知釋修奇
文苑破鴻濛
舉世皆驚殺
出君談笑中

一解

其二

何知釋修奇
鈞玄稱鼻祖
日月盪心門
靈明印千古

二解

其二

何知釋修奇
奇腸世希有
神明與天通
病魔卒

驚走

其四

何知釋修奇
托身一酒盞
奇窮有至樂
阿堵不挂眼

四解

題錢五長新居四首

奇思網八紘
玄索提其紐
到得忘筌時
千古落君手

漁素閣

其二

樓勢鬱嶙峋
欲使熱塵隔
入小有天周
遭墮范勛詩集

卷十七

七

冷碧

蔚藍洞

其三

鮮雲邀入賦
片片自生香
莫是巫陽曉
天風引佩長

雲香榭

其四

以君粲花論
宜對解語花
度檻來香韻
美人吹氣耶

花語移

遊武林雜咏七首

蓮花峰

挿空何簌簌一片青連色日下雲氣生宛遊衆香國

玉泉魚

靈泉才尺五神魚欲盈丈五雲水底鮮龍王忽撫掌

法雨泉

法王雨法時沙界都霑被若拈無上宗一滴曹溪水

細雨泉

范助卿詩集卷十七

八

石甃才一勺千古此清泚造化互顛倒細雨出泉底

石崖

何年鳩鬼工蓮空覆成屋窈與無人蹤白雲自來宿

虎跑泉

跑泉泉仰流虎子有佛性汲月鑒鬚眉知我塵容病

一片石

造物弄奇巧是石皆欲飛斷雲很籍不得歸

月下同若浮千載卽席拈十灰

草具留賓處晴空夜色閒望舒解人意緩把月輪推

其二

如此可憐月何妨醉欲頽君看檀板歌砧杵又相催

偶成

范助卿詩集卷十七

九

少年小有才但恨識不老口談千秋個事非草草

曉起

深夜如玄古曉月倏鑒幃顯晦理自陳君看朝蟲飛

點茶

藉病通人事送客不踰厓攤書長睡魔斟泉煮玄月

客窓雜詠十首

覓藥

世人欲繕生洩勃皆良藥
羲皇治心方無極了
無着

插花

愛花却懶種種花
就案頭三日一折換
經春只坐遊

簡經

未窺無上意
大藏總難拋
欲除文字障
悔不早焚鈔

范助卿詩集

卷十七

十

臨帖

不臨古人空臨古人字
且問蒼頡書臨摹復何始

曝日

齋居寒沁骨
簷日幸無雲
空自憐田父何緣得獻君

看雲

靜念一不起
心與浮雲閒
入夏多奇峰
看雲聊富山

扶筇

野夫饒勝具
所需數兩屐
聊復一支筇
要寫看山格

拔劍

三尺蓮花鐵匣中
時作吼欲飲
月支頭摩掌嘗在手

獨酌

驩伯何勤渠
時來伴幽獨
下物不須他
架上抽書讀

范助卿詩集

卷十七

十一

微吟

不知緣底事
終日好沉吟
卽有知音者
尋聲非我心

看竹山房贈介立禪師

凍雲掛雲寮
禪床冷如鐵
坐深枯寂中
惟有道情熱

延令雜韻八首

到來無不愜
剛及鱖魚時
何物鱸魚膾
能煩張掾思
食鱖

其三

鯨魚可忘憂河鮑直一死下物小有致何如子
烹子 食鯨

其三

盤中碧筍尖絃上玉人指風致足堪憐侏儒飽
欲死 食筍

其四

含桃何鮮新食竟不忍食似嚼焚素唇甘芬沁
胸臆 食櫻桃

范助卿詩集 卷十七

十三

其五

延令故不俗家家小渭陽主人應莫問嘯咏任
吾狂 看竹

其六

摩空恣挈攬不雨晝濛濛月瀉蒼龍影雲垂大
鳥風 看松

其七

八公今不作叢桂此依然地主能招隱吾將愛
一壘 看桂

其八

古幹撐杈牙月來疎影動何當醉花時重索羅
浮夢 有梅

陸雲生求題合畫亂石扇面

非開筆墨靈胸中滌礪硯只此托神交堪語亦
堪拜

風正

客愁何處失風正飽帆輕案上宜陵酒才斟抵
郢城

范助卿詩集 卷十七

十三

贈法華上人

法華持法華蓮花生舌上以此證無生終現壽
者相

退園山房八景

鍾山王氣

鍾山定鼎處天矯氣如龍時有祥烟散分奇過
別峰

江浦風帆

浦淑乍開帆飽風如渴馬誤疑吹斷雲亂度巖

倚下

雲裏帝城

城頭列羣峭參天如萬笏山雲不敢飛四周護
井闌

天闕晴嵐

天闕何遙遙雲山混真假瞪眼旭光浮電射琉璃瓦

靈應曉鐘

玄宮入冥靈鐘梵傳花巷鶴夢忽驚飛知是羣
范助卿詩集卷十七

十四

真降

龍潭月色

老龍卧潭底龍髯盡可捋月影如玄珠欲向龍
領奪

冶城浮圖

梁業已灰冷冶城空幻雲望中餘貝塔埽漢界
平分

秦淮畫舫

滿城載歌笑風流歷千代桃葉復桃根誰云不

可再

遊山歸船頭小酌

遊山携餘興呼酒坐船頭懸燈代明月醉殺金
陵秋

和杜工部眼邊無俗物多病也身輕十首

日月雙弄九天地一酒殘孤士冷雄心達人開
智眼

其二

幽憂賊性韻冥冥還自然抗心凡邁上托體渾
范助卿詩集卷十七

十五

沌邊

其三

四大齊放下一靈何清孤打破頑空障無無無
無無

其四

悔吝稟非吉羈提憺無辱但與我周旋入俗卽
逃俗

其五

半世迷却我沿門行作乞回頭一失笑個中無

欠物

其六

內足不借外道然帶索歌可憐熱惱凜笑少哭聲多

其七

朝聞夕可死倒顛吾立命悟得生無生應知病不病

其八

羲炎遠尼父是予宗主者有弄臣數人莊周杜

范助卿詩集

卷十七

康也

其九

真常一失守世界飄微塵華囊盛穢血而詎不壞身

其十

緬懷韓衆侶升濟獲長生愛河一以斷弱水鐵航輕

白壽卿母夫人四解

玄黃氣虛絢參兩待其人誰爲造化府乃在婦

人身一補

其二

婦人秉柔德堪爲英傑母片靈結成胎明珠倏而培

其三

夜光才徑寸厥維天下珍握裏終酬價佳兒詎長貧

其四

賢母得佳兒母氏自不朽文章壽千秋綸綍未

范助卿詩集

卷十七

云久 四解

春病

暮春春服成予病方無緒雨洗併風吹問春餘幾許

楓

雨餘頰葉肥醉眼貪凝望一葉一花開春在楓林上

萬松卷

松頂卧苔厚還疑雲結成雲老飛不去風來雲

有聲

中峰澗

高泉落澗深泠泠滿清聽欲洗耳根塵橫杖坐危磴

庭樹下看雲際月覺樹皆移走恍爾有會作頌子示恒覺僧

庭中有奇樹無端風撼之欲識樹本靜無風君自知

其二

范叟卿詩集

卷十七

次

仰看庭際月忽訝樹能移樹性了無動君看雲

盡時

白雲菴

是明徵君拾宅處

拾宅人已往往來只白雲僧住白雲裏或恐是

徵君

其二

范叟卿茶供客

對泉宜活溜摘薜貴初莢燃葉手自烹秋氣沁牙頰

紫峰閣

言上紫峰閣開窓揖紫峰倏疑凌海嶠控鶴紫烟中

坐桂樹下

參禪指桂花吾無隱乎爾若將色相求金粟如來是

西林庵

庭中有雙桂爲一山之最

遠公昔開社徵士攢眉走今我到西林先須菊桂酒

懊惱歌四首

范叟卿詩集

卷十七

十九

暮宿李郎家朝受王郎約日落近黃昏妾心空作惡

新歡不解事期宿舊歡家兩船兀相向教妾抱

琵琶

明知新人憐苦遭舊人妒誰爲撮合山代儂伸情悽

隔江芙蓉花無舟不可采妾自不忍負郎自不能耐

渡江秋思

開枰高戰壘引酒灌愁城擊枹餘豪興長風萬里生

雲陽道中將訪賀氏兄弟遇雨

連夜丹陽雨何似山陰雪林鳥嚶其鳴和予求友切

綠天庵

山色有相宗溪聲無舌禪悟來一失笑疑過虎谿邊

秋旱雨飲二首

范勛詩集卷十七

二十

貧愁無酒錢夢見農夫許莫怨欠租多雨來足禾黍

田荒妨秫穡不醉愁幽獨偏幸雨滂沱醉侯叨美祿

窓梅二首

梅賣有情春疴沈抱孤枕香花隔紙窓嬌鳥來驚寢

茗飲嫌藥氣酒禁負花心靜聽梅邊鳥詩腸受耳鍼

悠哉二首

衰柳無美姿殘梅莫點額梅柳百年稀吾生比松柏

追盟依晉竹索笑採江梅紅顏羞白髮未白與悠哉
余七十六矣髮全未白故云

范勛詩集卷十七

王

六言絕句

廣陵舟中雜詩四首

作客孤舟縱適出門萬事都捐一局一壺一榻
談詩談鬼談玄

作伴邀來白墮扁舟况載黃花晏起大能自在
薄遊小當辭家

怪底年來浪遊覷他天地如鷗蘭舟酒置千斛
蕪城醉度三秋

夢時得失有底幻雲起滅無端黑白未分一着
范助卿詩集 卷十七 三

不在金面碁盤

梅雨二首

春霽共結行遊春陰獨安隱約雨贈梅花以酒
梅解人愁是藥

春恙懶賦詩章春花自呈藻繡雨洗芳梅脂粉
花與愁人并瘦

和朱繩其歲暮書懷五首

賢者理身爲寶君子居易俟命儀潛樂道恬榮
原憲貧也非病 公儀潛魯人

深林屢起不出晦迹何異莊遵友乎良士莫逆
師也先生伯醇 莊遵蜀人必不仕者

避世孤身懷冷仰天醉歌耳熱竊笑亦復竊愁
無奈風塵騷屑 楊柳酒後耳熱相缶而歌

生性一任無私違時老不曉事結交獨仰賢良
嫉惡安心招忌 此自訟

摩天怒起長翻行且騰雲萬里前程驤首上駟
披拂秋風曷已 此自繩其

范助卿詩集

三

范叻卿詩集卷之十八

白狼山范鳳翼異羽著

七言絕句

不寐

四壁堆愁撥不開
中宵酒醒思難裁
已教厭月掩窓戶
又苦蟲吟上枕來

遊陽彭山

肩摩士女出城西
絕巘班荆日易低
扶得醉人歸路冥
閒花蔓草踏成泥

范叻卿詩集卷十八

春悟

林間石上靜琴懸
鳥啄青梅打着絃
指外冷然微有悟
移情何待訪成連

秋日渡京江

瓜渚輕舸破浪風
金焦逆走亂帆中
秋高不怕波濤險
來看江南楓葉紅

夜宿牛首山

暮踏寒山乾葉聲
鳥驚院主出關迎
此來煞有因緣在
晏寂偏令妙喜生

其二

迂迴失道領山情
遙聽昏鐘定後聲
聊借趙州茶一軟
三生石上話無生

贈圓明上人

一點長明炤寂寥
婆心轉熱話冰宵
葛藤斬斷霜根死
怕爾機鋒似快刀

挽王伯舉給諫

人世偷生生理亡
如君雖死骨猶香
奸諛已落朱雲手
疏草焚爲白日光

范叻卿詩集卷十八

其二

方期奮翼佐中興
奄忽騎箕已上升
貧骨何能歸旅櫬
佳兒終擬貢園陵

其三

知君豈待蓋棺時
廉吏終疑不可爲
生死一身歸不得
而今方受世人知

其四

孤臣賁志實堪憐
望斷滇雲萬里天
料得忠魂猶戀主
祇應常侍孝陵前

甘泉道中

途逢稔歲容身輕四野熙熙小太平田父隔牆
呼亞旅豆花棚下飯新秔

過夢店

清霜乍夜傳孤劍一路丹楓飄冷豔索句沉吟
如醉人不覺輕輿過夢店

其二

幾間茅店主人忙來往人蹤傀儡場誰信百年
多是幻大家開眼夢黃梁

范助卿詩集卷十八

三

甘露寺晚眺

閒水閒雲物外踪不煩甘露洗塵容金焦對面
輪靈幻倒底疑涵千萬峰

其二

繁華六代褪風流勝有三山別置秋落日江楓
搖旅思因風吹夢過揚州

雒臯道中

冷烟疎雨入冥濛綠繞平原小逕通流水一灣
荈舍晚綠楊深處槿花紅

贈李處士八十一歲納妾

二八嬌娥九九郎蕭蕭白髮伴紅粧扶鳩笑入
鴛鴦帳一樹梨花壓海棠

錢密緯寵姬伍修慧業却贈

滄麗拋他載罪車護經簾下警衆魚齊房晏寂
渾無事清事猶然未破除

其二

茗華空復太區區靈炤家風婚嫁餘妍慧自能
通大乘凡情實性本如如

范助卿詩集卷十八

四

書李海嶽憶周姬詩附述

併引

余鰥半世每作悼內詩輒不勝情一日
海嶽李子從雒臯來携篋杖頭過余
曰某竊有所請幸借君之筆筆某之詩
詩某之亡妾庶幾志不朽耳篇名薄命
詩名十哀將勒諸石以候亡者復生再
爲吾妾卽以示之余不覺失笑以謂海
嶽方學道求長生乃種情妖艷癡一至
此異哉然余見李祖修云彭幼朔老人

有一妾自云侍老人者屢世矣老人壽
數百歲妾以短筭之生之死死之生長
奉巾櫛各有誓願左驗歷歷不爽海嶽
之道術與老人同其與周姬生死盟約
亦同今周姬或已托生誰氏矣海嶽年
方壯未知何日復續前盟海嶽將以余
所書卷爲信自賣其不作負心人正恐
周姬舊魄逾加感動不知生死于海嶽
手者更幾番也因戲二絕付之

范助卿詩集

卷十八

五

讀君詩欲挽人腸不道吾生慣悼亡活活周姬
生紙上世間安用返魂香

其二

誰道鸞分願莫償奇花死後異時芳三生再現
膠還續肯把盧郎待李郎

支月補月 有小引

中秋前邀月靜補齋頭每至夜深座客
祝生有倦容予曰陰晴難料吾且預支
中秋可耳至十五果大雨越日復晴月

倍澄鮮遂爲懽適一笑謂祝生此可
以補前夜之不足卽以支月補月命題
卽席二絕

其二

平分秋色惟三九斷送佳辰一天雨月姊多情
不負人清光特許今宵補

江行卽事

范助卿詩集

卷十八

六

船頭呼酒亂無次消受夾江山色青一羣白鳥
界山色掠帆迎客來前汀

江上贈吳山人

囊篋蕭蕭物外踪十年能得幾相逢乍逢無物
堪持贈江上青青狼五峰

爲徐鳳池題畫壽羅浮王夷甫

山帶拖晴罨樹梢茆亭四敞坐林坳請看松挺
千年幹應有仙禽來上巢

八寶年家子桑生走京江謁予求其尊人

明禎年友輓詩

遙望湖陰哭友生北風吹斷不成聲素車竟隔
新蒿里千里交情覩巨卿

其二

蝨視鼠廁脫塵緣君自超然人自憐湖決可堪
行路斷幾人會哭墓臺前

其三

莽互風榛翳墓門泉堂日月已長昏更憐懷土
雙埋玉不足情親也斷魂

范昉卿詩集

卷十八

七

其四

長夜冥冥不可呼白楊隧道莫生芻傷心一世
金蘭意斃射湖乾淚不枯

摩詰招同王笑公晚酌出薛文清公五友

詩各屬和

幽谷誰憐王者香當門鋤却亦尋常且將磁斗
供清玩穆若無言味許長

右蘭

疎枝凍蕾瘦杈枒一種寒香不象花未論他時

調鼎用且留孤格在山家

右梅

溽暑偏生水雪姿盈盈灑灑復離離總然入垢
還無垢相對西來幾葉師

右蓮

中虛外直節孤擎砭俗臨風冷笑生自是此君
堪結伴况餘密葉向人傾

右竹

擢秀東籬配色新後天根性久逾真春葉輕薄
范昉卿詩集

卷十八

八

都銷歇遲暮吾終惜美人

右菊

張總戎防汛狼山作訊

高牙亂捲海雲飛萬里遙宣定遠威緩帶還疑
遊峴首圍棋早已策淮淝

其二

倚天劍氣掃機槍決海鯨鯢靜不驚自是將軍
能坐鎮豈徒波爲聖人平

題畫壽王紫垣

靈泉萬古不停聲
盡盡千峰上玉京
坐石二仙談妙訣
王喬却對范長生

從祀獻陵時有官監說仁宗事

淡雲疎雨冷華鐘
肅肅靈宮儼帝容
五月臨朝千載墓
中官掩淚說仁宗

秋夜湖泛

甃社湖波黏遠空
拍簾陣陣藕花風
彈碁不覺下清露
落子聲邊墜粉紅

擬古

范助卿詩集

卷十八

九

凌波立月劇無聊
太液幽魂已暗銷
翠袖不知何事舞
絃粧猶自向人驕

真州寫懷時納妾未遇

底事尋花花事閒
撩人雙鴈落沙灘
閒情空逐春雲熱
殘夢翻同峽雨寒

廣陵秋日得侍兒口號

秋雨蕭蕭冷葛衣
秋風颭颭柳條稀
蕃釐觀裏春如昨
昨拾得瓊花一瓣歸

贈鶴

有引

予山茨蓄雙鶴馴擾可愛
携遊廣陵寄

友人家半載霜天月夕
每雇予思道士

羽衣時形夢寐頃復載之
同歸相對不

啻故人也欣然有作

好是山茨秋半時
歸來貧病有心知
携將舊日雙馴鶴
不羨楊州十萬貲

王孫携麗人飲張園

鳳上釵頭螭簇聚
入林鄉澤奪花芬
茶烟酒氣

瀟歌席併作坐山夢裏雲

范助卿詩集

卷十八

十

夏日齋居

旋開北牖破炎天
蓬跣支離學嬾禪
茶罷拋書攤竹簟
盆蘭香處頂風眠

哭內

子與袁中郎同宿考功司讀子哭王
安人作甚為感悼焉

耐可寒宵強放歌
人間短夢霎時過
好懷半世曾何得
回首傷心事已多

其二

夜西風老杜蘅
客中傷逝若為情
高天霜鴈驚殘夢
孤館寒蛩傍哭聲

其三

夜深兒女哭聲長
剩月殘燈總斷腸
夢後忽驚余半冷
枕邊猶覺鬢絲香

其四

忽淒秋風冷
總帷淒涼天地淚
空揮箎箎兒女
扶孤櫬怯怯遊魂歸不歸

龍廉孺戶部轉餉關中歸途暫住廣陵便
還西粵二首

轉餉還州萬里餘
歸途擁傳似相如
怪來紫氣

范卿詩集卷十八

十一

邗關滿昨日新停使者車

其二

楚粵猶然天地間
此行何事慘離顏
夢君應到潯江上
遮莫千山與萬山

贈何郎花燭詩

鴛笙嫋嫋起香車
寶炬迎歡也自花
試看彩雲今夜合
玉簫明月在君家

其二

共誇新壻得羅敷
合卺雙雙把玉壺
仙子今年

初跨鳳玉人明歲又將雛

思內

露洗銀河絕點塵
舉頭鄉思忽沾襟
燕山同是秦淮月
不見秦淮月下人

夢內

迢遞鄉關隔楚天
空齋無奈夢魂牽
阿嬌不識長安路
何事清宵到客邊

狼山晚眺

隔歲看山難撒手
憑高瞻眼盡扶桑
空江浩淼

范卿詩集卷十八

十二

浮元氣萬樹蕭森淡夕陽

其二

開拓靈心萬景收
尊前紫氣接丹丘
峰迴片月半虧蔽
江冷浮雲凍不流

秋暮抵家

風風雨雨誤歸期
秋色將闌助客悲
離菊獨憐遊子意
數枝故故着花遲

其二

黑貂敝矣馬蹄穿
萬事無如歸可憐
庭樹又添

四五尺于今不見已三年

農家

環林如壘抱深池
登稼倉箱千萬斯
旋殺雞豚新釀秫
一家羅拜賽農師

山行

石梁東去雨餘天
步道衝泥苦不前
市遠那能謀一醉
酒瓶魚蟹繫輿邊

送詩僧宗白往京口

瓢笠蕭然雲水通
無家我亦冷僧同
京江山滿范叟詩集
卷十八

金銀氣贈爾全收布囊中

萬寅陽招飲東墅觀梅時美人在座

寒玉森森炤草堂
主人携客醉春光
花枝入酒連花吸
知是花香是酒香

其二

白顫紅禁尚怯寒
踈枝斜倚碧琅玕
脂濃粉膩應嫌俗
淺淡偏宜額上安

終

范助卿詩集卷之十九

白狼山范鳳翼與羽著

七言絕句

山中書所見

山姿好在背斜暉
倒射奇光冷翠微
觀出明霞何所似
芙蓉丹火潑爐飛

龍潭道中

冷風刮面泥江灣
薄醉奇寒了不關
一笑筇輿翻倒昇
掀簾飽看過來山

范助卿詩集卷十九

其二

龍潭山氣曉蒼蒼
一道虛涼詩思長
何處欲教塵影盡
石梁微月馬蹄霜

攝山

怪來耳畔只天風
靜入空山山亦空
不識棲霞真面目
老僧笑指飽霜楓

薄暮遊焦山

江干晴色弄秋姿
乘興同人買棹遲
遊得焦山一半半
半留紅樹醉霜時

同王士英李太素觀紅葉于鍾山之側沽

酒賦詩

湖光明滅破荷秋
紅葉飛飛打白鷗
睜眼前山雲莽互
丁丁樵斧出松楸

山間見路旁小桃才三寸許上開一花時

已九月尚甚作詩紀之

遠上清涼山逕斜
斬新丹葉學蒸霞
花神妬殺秋林美
三寸小桃開一花

山行

范助卿詩集卷十九

秋瀑千巖落澗深
夾堤蓊鬱莽蕭森
奔流激射吞危石
遙聽微疑笙筑音

舟中

烟花裊裊水溶溶
春在江南十月中
局罷香清茶又熟
一簾疎雨看丹楓

田居

夜來霖雨足西莊
薄醉携僮看插秧
岸樹成行霜濕重
低枝歷亂果花香

亦適園分韻

非關名遂乞江湖才到中林塵事無除却買花沽酒外爲他雙鶴辦魚租

漁歌

漁翁垂釣晚晴湖浮沒烟波共野鳬炤影船頭還自笑雨蓑日笠醉模糊

爲人題畫時予在病中

不分芳辰與病期感君携畫索題詩春風好繪人難繪看取花枝轉側時

別友

范勛卿詩集

卷十九

三

好是還山一葉輕綈袍無奈故人情非關七首辭燕日驪唱纔驚變徵聲

齋居

病中得趣轉無涯暑懶頽然夢亦嘉夢跨蒼鵝靈嶽上手披古雪弄瑤華

病中示宋又生諸子

孤檠靜悄黯無光窗隙寒星射竹牀病眼不交人少寐今宵的的漏聲長

其二

歸命醫王百慮休尚餘一事到心頭愛烹鮮雨膏新茗藥氣生愁犯茗甌

其三

偃臥惟期天放晴送春風雨太無情金衣公子無消息祇聽鳴鳩不斷聲

其四

閉關影靜怯形單欲對同人起坐難如殺諸君風雨夜連床能結寂寥歡

庭中橙花開落志感

范勛卿詩集

卷十九

四

春去驚心物候催芳菲不肯暫遲迴斜風淡日橙花落蝶飲餘香撲地來

其二

育風無賴落花時烏却銜花復上枝見此空教損心性何人忍賦落花詩

長陵

犁庭罷後只遺弓千古誰同拓地功尚有遺靈恢漠北胡塵不敢近行宮

上陵志感

鬱鬱皇陵儼帝居千官趨謁竟何如自從萬乘
明禋歇輦路青青艸不除上久不朝陵

黃河晚泊懷家大人

白雲日日幾回瞻涼雨孤舟底事淹津鼓晚來
聽不得挑燈起坐按郵籤

聞大人置新宅有作

秋色全欺遊子顏清時贏得一身閒秫田未辦
辭微祿猶勝裴家罷郡還用裴始安事

泗亭晚泊

范勛卿詩集卷十九

一棹烟波冷泗亭孤懷抱月宿鷗汀碁聲初罷
鴉啼急夢到家門却又醒

再過下邳

蕭條落木送行舟下相城邊別置秋極目烟波
空浩淼不曾流盡古今愁

道經鹽山境偶占是徐市駐童男女處

徐市求仙跨大瀛至今傳說卅兮城千人一去
無消息賸有寒濤泣夜聲

下邳

剡城四望秋驚眼灘水東來日盪胸霸氣已銷
豪氣在千年淮海卧元龍

七夕

朱絃幾載泣離鸞銀浦雙星奈獨看一自牛衣
歸短夢嬾將犢鼻挂長竿

采蓮曲六首

誰家二八采蓮女手拈蓮瓣私相語記得人將
比六郎六郎可得嬌如許

其二

范勛卿詩集

卷十九

六

水雲香處低聲唱羅襦不辨翠荷樣玉手垂垂
藕不如輕盈欲步蓮花上

其三

女子有懷無處吐一聲長歎倦搖舫密意生愁
女伴知側身推把蓮房數

其四

含意亭亭立秋水不愛蓮花愛蓮蕊蓮花欲墮
愁殺人蓮蕊偏如年少子

其五

承蓮湖上湖光曙小舟權破雲深處荷風忽揭
錦襜開翻身一道穿花去

其六

采得蓮來恣郎取翠臂一感淚如雨郎只貪蓮
帶露甘可知蓮子心中苦

送吾里王吏目陞任北通州衛幕

一官蓮幕自風流帝里繁華控上遊見說通才
無不可南通州又北通州

其二

范助卿詩集

卷十九

七

休聽驪歌重所思且傾別酒莫教遲燕山楚水
天涯隔雖遠三千夢不知

其三

送君旌旆去悠悠佐郡賢勞自未酬他日相思
臨眺處燕雲何似白狼秋

其四

賸矣銷魂不可支况逢寒鴈北來時臨岐楊柳
不堪折翻折梅花寄所知

宿甘露寺見壁間有和潘無隱尋梅詩者

次韻三首

雪壓金隄玉作泥交藤轉徑躡烟谿誰家橫笛
吹明月剪剪香風過寺扉

其二

妬花苦雨釀巢泥半褪梅粧冷碧谿何處勒寒
開較晚一池清淺對禪扉

其三

陸海光中度紫泥亭亭仙子候前谿歸來枕上
延寒夢縮入羅浮靜掩扉

范助卿詩集

卷十九

八

賦得秋日西府棠贈錢五長二首

氣自悲哉興自狂閒風閒月一秋忙不期點筆
題詩際蓉桂藂中見海棠

其二

錢郎標令不凡材鼓瑟詩成亦快哉造物總堪
驅使在春葩秋艷併時開

友人索丁處士詩走筆付之

海上仙人煉靈藥海霞秋漲連城郭誰知千載
丁令威只是遼陽一隻鶴

茗雲道中

浮玉山前溪水清，十千沽酒到烏程。
半醒半醉不歸去，誰信鴟夷變姓名。

晚過慈雲寺

慈雲寺外暮雲低，壁影安禪隻履西。
寂寂古堂僧課晚，一聲魚梵是金篋。

鳴鳩亭留客

花欲留君君欲行，又聞風雨妬花聲。
生愁明日花飛盡，對酒誰忘此夜情。

范助卿詩集

卷十九

九

虎林十八灘晚歸二首

林坳雲護冷僧栖，午磬微微過嶺西。
落日半街山紫翠，晚烟全襯樹高低。

其二

籠樹寒烟如曉霧，黨天列嶂似重城。
虎踪過處通樵擔，柵葉聽來作雨聲。

輿睡

蹇途三百風霜苦，蕭蕭莽莽指淮浦。
一道寒威七首生，短亭殘夢輿中補。

園居示若昧禪師

風定芳塘白日靜，空明晶晶千林影。
波底枝頭鳥一聲，驚鱗潑刺秋烟冷。

北來寺二首

廣陵城外草如烟，蕭寺樓臺小竺乾。
欲識菩提無上意，風來樹杪月當天。

其二

朦朧秋月印禪燈，小品翻殘更大乘。
形影周旋還自認，前身應許是高僧。

范助卿詩集

卷十九

十

爲王宛孩題畫冊紫丁香

無端紫玉忽含顰，簌簌珠垂晚淚勻。
一段愁腸消不得，紫烟帶雨倍傷神。

時感三十首

有引

歲在辛酉冠陷遼陽，天子警聞爲之

吁食。朝臣相戒，豈曰無征。調既苦，騷然

荏苒，更防蠢動。

臣翼

望邊烽而震悚，緯

恤方殷，顧梓里之孤危，杞憂倍切。惟賤

臣辱在草莽，嘆無路以封符而羈旅，偶

次淮陽輒有懷而命簡共得絕句三十章匪敢稱詩聊以抒臆

一東

政府籌邊帷幄中兵垣一體策遼東杜劉不死
橫河外催戰應誇馬上功

方政府趙兵垣皆催戰八萬全敗者

二冬

曾記文皇親詰戎濯靈四暨抵黃龍祇今誰出
萊公手共挾天戈折敵鋒

三江

范助卿詩集

卷十九

十一

東南劇盜亟收降料理長河與大江罷虎分屯
連萬隊龍蛇結陣列千艘

四支

一抹湖田儂自疑官家均派欠參差括租水底
遼先失強取天津餉水師

五微

納降經畧失兵機遂使天驕煽虐威浪說王公
新授鉞胡塵不敢渡河飛

六魚

金人十萬竟何如少保兵才五百餘戰不在兵
難在將劉弘所以薦皮初

七虞

楊周輕戰大模糊一折張皇笑腐儒入保但能
如李牧十年愁不破東胡

謂楊錫周永春

八齊

遼城雖陷驕東去正好清屯練水犀背有魚皮
前虎兎敢窺左足向河西

九佳

范助卿詩集

卷十九

十二

安望車攻共舉柴不期祈父調謀乖要錢祇幸
分侯爵名將空教報國埋

十灰

廟灣東去接登萊呂順風帆兩日迴通海並須
人控制金陵隼度不凡才

謂焦績後時江上有功

十一真

不畊不織比窮民苻帶芹絲寄一身日日風波
無宿飽仗儂難救縣官貧

時加餉人丁

十二文

撫順初亡劇塞氛三年轉餉日紛紛何時官吏
懷民隱火耗將無沒半分

十三元

兵家悶闢動乾坤不出生門出死門今箭無端
催浪戰血燐千里盪遊魂

十四鹽

海上徵兵水陸兼幾多龜勇混魚鹽行間自古
多名將指日鯨鯢盡可殲

十五刪

宸怒徵兵趨出關奸謀匹馬不教還虛誇橋鼻
親磨墨荆石誰銘布霧山

一先

開隙從來亦有年諸公早計定危邊武臣惜死
今何在贏得文官只要錢

二蕭

求芳亦辱熊公薦有底奇冤必報達試讀金明
池上詔賊臣寧久恃天驕

三般

遼海濺濺戰血交鼓聲已死不聞鏡幽燕老將
銷磨盡投筆何人力破巢

四豪

川兵求敵捷如猱戰死幽魂實可褒羞殺守臣
文共武望風畏虜與先逃

五歌

應募投竿弄鉞戈強教環甲換茅簷混同江只
如潮濶飛騎何愁百萬多

六麻

誓師險兆折高牙徵幸何知人國家簡點奇門
應失利撫臣元不曉些些

七陽

貔貅萬隊扼危疆制勝還須在廟堂處女有時
如脫兔謀臣何事類亡羊

八庚

敵來壓境且嬰城鎮定如山待援兵駐隊撞竿
須早措廣寧寧讓殺金坪

九青

四路兵殘殺氣青可憐
廟筭誤蒼生不聞韓范
平元吳誰使輕窺老上庭

十蒸

士馬何曾得飽騰
空教慮敵盡金縢
不憑人事憑天幸
但望遼河漸解冰

十一尤

朝貴邊功叙獨優
幾人汗馬得封侯
更堪勒買將軍印
斷送功臣事冠髀

謂賀世賢

十二侵

范勛詩集

卷十九

五

建兵衆不過三萬
僭號公然襲大金
聲罪先應擒叛將
未須料理卽南侵

十三覃

蠡爾邊酋敢肆貪
我師退却實難堪
六龍若使臨山海
立見軍麾掃幕南

十四寒

屢年稅畝救三韓
不道秦郡正額難
河水陷田遑陷敵
可知河敵患般般

十五咸

淮陰故自奇
男子漂母知人亦不凡
司馬紙今須破格
莫教豪傑掛虛銜

范叻卿詩集卷之二十

白狼山范鳳翼異羽著

七言絕句

從句曲達雲陽

重巒滾滾半沉浮
小雨無聲濕翠流
柳浪松濤
籃笋入風生腋下似乘舟

其二

羣峭低迷雨欲來
林昏時借電光開
蒼涼山徑
如行夢漸入華胥未擬回

范叻卿詩集卷二十

丹陽道上步聞香草

何來芳草字離鄉
散步行來滿店香
我亦離鄉
長作客姓名未許落雲陽

賀靜補醉青樓

玉人弄月臨芳榭
含態凝情媚遠夜
正遇卿卿
倚醉來紫駟門外銀鞍卸

其三

狹斜道上秋氣鮮
三五二八婦人天
綺閣月來
窺繡帳何人醉擁如花眠

其三

合歡被覆錦鴛鴦
排宕情濤樂未央
繡幌俱將
溫玉暖夜來屋瓦不沾霜

其四

屋角參橫明河爛
黃姑織女愁將旦
萬歲千秋
作一宵猶云未及歡情半

淮泗道中口占三首

雨暗荒山風色陡
嘶寒鴛馬衝泥走
同行背指
鴈南翔不是愁人堪白首

范叻卿詩集卷二十

其二

亂後餘生空復存
更堪奔命恨常吞
輿中粗作
還鄉夢夢裏無家祇斷魂

其三

身裹紅氍笠裹頭
生憎寒透木棉裘
更堪馬足
雪三尺望斷人烟渡古溝

曾波臣爲予寫照

落筆何緣獨肖神
風儀相對鏡中身
生平我亦
難知我見此翻疑我未真

秋潦吟

一秋無緒日愁霖傷稼其如卒歲心况復誅求
行到骨俾俾有殍實難任

其二

冷雨澆苗風又狂稻花狼藉不禁當已甘束腹
填溝壑其柰公私逋莫償

退園卽事

遲日偷閒一舉卮流光堪惜更堪悲鼠姑開遍
春餘幾爲倩封姨且莫吹

范勛和詩集

卷二十

三

其二

螺髻江干蘸碧濃近來老眼漸朦朧何當砍却
前谿樹送出欄頭幾片峰

夏日村居

夏日田居意若何炎威折入雨聲多桃笙瓦枕
蒲葵扇臥聽村童牛背歌

買花

風蘭水竹古梅根磁斗櫻籃老瓦盆移向吳航
成小圃呵詩命酒醉花魂

其三

賣花人住虎丘東開遍茶梅十月中竟日採芳
穿逕遠寒林何處不春風

予避亂殊方倏五閱歲戚友士民多見思
者以千衆遠迎予因扶病過里雖風景不
殊自顧轉若他方客也有述四首

頻年旅食苦相羈蝦菜忘歸天一涯忽湯海鮮
紛入饌翻憐水土未全宜

其二

范勛和詩集

卷二十

四

翻憐水土未全宜流浪殊方久可知此日歸來
仍似客能堪三匝尚無枝

其三

能堪三匝尚無枝孤夢還驚巢覆時滿目黍離
那忍見五噫歌罷不勝悲

其四

五噫歌罷不勝悲去任關心滿涕洟傾國迎歸
歸亦蹙蹙將他日倍相思

輓純夫李姊夫哀詞四章 有引

純夫孝友醇謹於

惟好道嗜

酒合于自然晚年

詠一日來白

門視子客耶久之

歸道經白蒲戚友

家一醉而逝子聞之

痛苦亦大奇之人

皆以爲功行圓成蛻形于酒名曰酒仙

良不誣也

不將機事違天真君自生今作古人留得一靈

超萬劫任教白骨瘞黃塵

其二

范叟詩集

卷二十

五

離亂多年技淚吟白門逖隔遠相尋豈知別去

剛旬日不見歸詩見計音

其三

艸角交君五十霜交期此日竟茫茫哭君君醉

還應笑樂死寧輸南面王

其四

生平朴拙意頽然誰識風流一醉仙今日酬君

還藉酒應知滴滴到重泉

吾里崇川午日竹枝詞

龍舟矯矯水淙淙亂攪崩雲直盪管火礮無端

水底發正如雷電起乖龍

其二

滿載妖姿恣冶遊水邊時墮玉搔頭尚有青蚨

三十片隔簾伸脫獬龍舟

其三

曲瓊鈎起翠簪低望去模糊香霧迷故教角抵

船頭戲面紅粧盡向西

其四

范叟詩集

卷二十

六

娉婷明艷射河湑廣袖纖襦作樣新放生池畔

魚爭避不避龍舟避美人

其五

中流簫鼓何喧闐更有艷曲令人憐可怪歌兒

大狙猶輕移船近女郎船

其六

朝陽龍戲城西壕夕陽龍戲城東壕萬人危坐

城堦看片時添出女牆高

其七

乍出蘭閨竟體幽目波流盼煖於秋學將湖伎
喬粧束賣段風流與客舟

其八

葵榴百合一齊開磁斗銅匱配色裁更有瓶荷
香透幙惹將蜂蝶上船來

其九

水月閣下水灣環文昌閣下水潏潏兩頭看龍
穿洞出中間好是一重關

其十

范勛卿詩集卷二十 七
水門齊入必搶先喧定傳杯夜可憐細奏管絃
低奏肉藥王廟下石橋邊

其十一

酒到蘭珊繁樂喧千燈星綴水中天麗譙鼓已
連三下促吳姬來別船

其十二

妾與郎遊各一舸久之千櫂互相衝郎但聞香
卽偷覷誰知是妾非他儂

其十三

龍舟五色氣蜿蜒遊舫如雲縵綵鮮爛煬璚筵
供一醉貧兒艱食足三年

其十四

汚邪潮白高原赤升米和沙直百錢且典簾中
衣置酒不妨忍飢度荒年

其十五

太守風流慙勝遊衙門學博坐兩頭自從蒞任
無豐歲才見今年麥有秋

其十六

范勛卿詩集卷二十 八
我侯出飲興悠哉艾葉榴花蒲菹杯滿眼繁華
罕曾見怪來父老不申菑

其十七

前年蝗不入中牟漁陽麥穗今兩頭我儂衆母
大足恃醉殺端陽也不愁

其十八

傾城遊女鬪芳菲玉作肌膚珠作圍隣舟少年
特無賴不吊湘纍吊宓妃

其十九

五月五日天下同土風信美讓吾通士女競遊
非競渡龍舟齊赴東門東

其二十

風流萬楚典偏狂爲遣紅裙進幾觴隔檻誰家
任姊妹轉因觀妓抹潘郎

宿海門庵

焦山

不柰詩魂日夜清中山酒蕙睡難成喧歷又逼
紅衾枕知是松聲是雨聲

王夢史送李太素梅花

范劭卿詩集

卷二十

九

一道春來九陌香多情入只爲花忙王生更是
多情者撮合梅妻嫁李郎

重陽前二日對菊

衰遲身又近重陽寂歷孤齋團冷香捏白小姬
應笑我輸他離菊傲嚴霜

與客把火看菊

看菊偏憐夜色嘉燒燈燈與菊爭花生愁晝短
連宵賞計把秋光一倍賒

九日月夜設興

堦前菊高欲盈丈月寫數枝窓紙上一幅生成
水墨圖隔窓兒女摹新樣

采桂詞

今朝風日劇清嘉自課諸姬採桂花小玉先偷
頭上帶回頭彷彿鬢釵斜

其二

女郎採桂盛如雲撼動花香四遠聞別有閒房
風不入微微吹氣似蘭芬

其三

范劭卿詩集 卷二十 十
有許嫦娥下月來相將遶樹共徘徊花繁祇覺
香風熱盡遍芙蓉向靨開

其四

摻摻好手似夷桑帶露穿叢摘早秋欲折高枝
緣砌上不防人見玉雙鉤

行藥

苦暑齋心對藥王空除行藥飲荷香長干陌上
紅塵客雨汗噓雲有底忙

展王安人墓

陸草青青又一年魂飛心死淚雙懸兒童不骨
離鸞恨爭上墳頭放紙鳶

西湖久雨

到來屢夕臥雲關白日西沉久未還不柰憑陵
登眺意半床寒雨夢孤山

江上贈淨上人

小結茆庵枕釣磯江聲日夜發清機有時艇子
沿秋渚收得蘆花補衲衣

輓曹穎峰先生

范勛卿詩集卷二十

十一

撫棺傷盡交期盡無復人間子建才形脫任歸
泉壤下修文先已上瓊臺

其二

郎官星隕黯無光仍復騎箕近帝傍人世不知
天上樂歌殘薤露哭相將

其三

先子門牆誰最賢先生孝行得宗傳更看賢胤
承家日併作先生不死年

坐月

樹拂明河團冷露窓窺片月隱纖蘿坐深轉覺
詩魂醒却笑莊生蝶作魔

李四郎席上觀劇二首

夢破邯鄲俄自失變生碁局亦何常傷心今古
多塗面大地乾坤傀儡場

其二

花滿枝頭酒滿觴坐中况復有龍陽與君莫惜
如泥醉三萬六千都戲場

北通州

范勛卿詩集卷二十

十二

蟬聲不斷故園同回首鄉關縹緲中古塔凌雲
登眺處烟霞疑接白狼峰

看水

看水忽墮雲下天看峰忽倒水外影秋光宵映
心泠然相對無言發深省

感事口號四首

胡京儒先生因于歲荒賑

荒儉三年只忍饑間闕元氣日澆漓二東賜賑
曾聞詔淮海民艱知不知

其二

田日荒蕪賦日加催科無暇問桑麻饑民強半
驅爲盜寄語豪家非汝家

其三

艱食偏于節士妨三旬九食亦尋常生憎仙術
不情理獨秘人間辟穀方

其四

發倉牒下只虛文數石如何萬姓分更有奸胥
思染指民誦堪畏不堪聞

爲邵潛夫追輓亡配

范勛卿詩集

卷二十

十三

士行何如婦德全牛衣對泣更堪憐恠來鴛侶
分飛後嬾覓鸞膠二十年

其二

三年操作棄糟糠愁絕安仁賦悼亡可道芳名
堪不死人間無用返魂香

遣興二首

陽和駘蕩本無私花柳偏爭明媚時誰分春陰
陰未了疾風苦雨到荼蘼

其二

午夢驚回淡日斜藥窓聊試芥尖茶窺帷又見
營巢鸞衛却香泥半落花

初向攝山道中

蔣山雲接攝山霞身入雲霞寂不詳惟有靈泉
落幽澗似吹松火試秋茶

其二

黃雲千頃稻梁肥誰道山家生事微飽餒雞豚
新釀秫老農鼓腹倚柴扉

其三

范勛卿詩集

卷二十

十四

帝子藏龍荆棘叢千年石馬欲嘶風樵青不啻
前朝恨一片歌聲亂木中

其四

萬峰積雨倒成澤泐石琤琮百道通洗出松根
穿澗底千蛟疑鬬沸雲中

品外泉

泉脉遙通古澗西跳珠濺乳幻端倪山靈骨傲
泉心澹不向人間辱品題

白鹿泉菴

此菴緣底獨荒寒禪榻曾經大衆安白鹿不來
僧又去桂花無主法泉乾

其二

庭荒桂苑傍荆籬一徑緣香步入時銀鹿似欺
僧不在穿叢初折最高枝

其三

古桂開時不見人可憐僧去半爲薪尚堪漉酒
香生甕折取繁花滿葛巾

優曇菴贈老僧

范勛卿詩集卷二十一

十五

問是秦僧八十強南來佛地作金湯自言親手
曾降虜五體而今奉法王

贈萬松菴老僧僧以賣花爲業

小菴貧薄稱僧家野意踈踈亦自嘉老衲終年
無個事桂租蘭稅送生涯

虎穴巖

誰結繩床虎穴邊道人只曉抱雲眠豈知虎子
翻心善受勅堦前護老禪

再過緣菴

有引

此予舊遊居停處也所有同遊舊侶朱

孝廉摩詰及予兩人他若李太素錢王

孫諸子遂作古人久矣不勝感愴有作

十七八年塵土尚重臨舊跡扣山靈却憐當日
同遊者縱有鬼遊喚不醒

中秋

山空塵冷月光幽靜侶同登最上頭却笑秦淮
紛杳甚幾人解此度中秋

其二

范勛卿詩集卷二十一

十六

秋色平臨萬境開何緣獨賞攝山隈山中見說
多靈藥或恐姮娥墮地來

德雲菴

形勝酷似木末亭前

此中解道舊禪林當日比丘寄瓶鉢而我到門
恍舊遊臺雨花邊亭木末

觀音菴

看石壁秋棠蔚然霞爛有作

非開初地入繁華何處秋山無桂花獨怪奇葩
披素壁化城幻出赤城霞

贈無際上人

簡點青山舊竹扉，蒲團深處海雲歸。
靜觀彈指西來意，叫破蒼烟獨鶴飛。

錢王孫山茨社友久客不歸寄責絕句

移文千載彥倫非，吾輩山茨戀翠微。
芳草青青吟興切，春風遺恨爾忘歸。

線佐予以鮮鯉見惠謝之

客厨久矣歎無魚，何事飛鱗到酒壚。
長得生生鮮鯉膾，不教人更憶蓴鱸。

卽事

范勛卿詩集

卷二十

十七

漁家晚唱別成腔，蓬底挑燈開酒缸。
梅陣狂呼聲個個，魂消孤客淚雙雙。

摩雲亭懷劉靜之

曾此劉郎共舉卮，江空月冷扣心時。
高人千古隨流水，似共山靈作故知。

喜袁文竹來晤京江

土室潛身局不開，孤情于世冷如灰。
飄然訪我三山外，恐是天風吹汝來。

寄袁四野

遠別鄉閭歷歲華，問余何計足生涯。
三山饒有金銀氣，老子于中辦作家。

醉里

醉里遺風殊可悲，吳王荒宴想當時。
可憐兩岫丹楓色，猶似西施帶醉時。

贈葉羽文

明時典客漢仙郎，袍袖朝回惹御香。
少日歌喉風韻甚，祇今臚唱聖人傍。

爲李小有題羣彥合畫山水幅

范勛卿詩集

卷二十

十八

衆擎拳石欲移山，弱毫輕置吳綾上。
元氣仍參混沌前，五丁束手不敢向。

包山小墅

狠五分靈九洞天，包山分秀獨超然。
道書靜讀敲平仲，塵累全消有半仙。

桂花二首

閨河林尚未躋攀，此處淹留是小山。
天上仙娥有餘興，月中吹子下人間。

滿園仙桂散秋香，遠自招搖帶月光。
羣彥簪頭

萬金粟傾杯煖玉共凌霜

芙蓉

遲暮難忘景下春三眠柳岸醉芙蓉秋花偏有多情面望若羣姬盡冶容

棗子

仙棗園非石虎奇枝猶纂纂實離離摘將鮮美供清讌不惜餘資慰鳥饑

紫薇

九錫名花占斷春夏秋薇獨十經句似同紫玉范勛卿詩集卷二十

飲良夜月冷烟籠華露新

秋海棠

蜀花妖嬈半開姿妃子偏憐睡去時本是華濃春媚景秋容更愛點胭脂

紫茉莉

鬢華滿遲末麗香白與黃紅廣建方海外更招鮮紫色搔頭欲與共含芳

題鷄冠紫雁來紅

畏霜紅紫愛春風何意秋光却不同小景鮮光

多勝地鷄冠紫并雁來紅

剪秋紗

山丹先敗木霜愁瑞草朱英不可求仙女天衣飛落下絳囊繞砌剪紗秋

堯花

處處堯林著雨餘花源依舊武陵初何須方朔偷三過酒漬和神百病除

杏花

繁英茂影倚雲光海杏常依文杏傍難比鴟夷范勛卿詩集卷二十

湖汊宅猶慙裴晉午橋莊

玉蘭

謝庭玉樹最堪憐春比辛夷迎獨先醺醺尊前添笑傲黃鶯花上和歌絃

山茶

東風吹處海紅攢差小猶如鶴頂丹非獨寶珠看鄭重山靈招客作茶歡

海棠

海外花鮮來蜀西東風嫋嫋醉春隄憐妃曾浴

膚同艷怨杜無詩雨作題

冒雨遊山

半落天河愁奈何烟波潏沕阻逶迤老夫濟勝
有餘興蒨笠青兼衣綠蓑

元夜

放燈行樂盡銅鞮燈月交光興不迷却笑招賓
忘永夜老夫猶讀照青藜

四月廿二子生辰也閏四月續生辰感幸
羽中送酒資作此志感

范勛卿詩集 卷二十

三

流年逢閏景遲回觴祝良朋引興催感激何緣
開口笑奇哉寒士杖錢來

題黃仙裳樵青卷三首

長林豐草莽蕭森笠箬簑衣任斧尋光有樵青
同帝賜亂離無恙入山深

幽谷無鋤王者香刈薪聊足買臣糧投鎌鎮目
違塵俗牧唱漁歌引興長

樵斧丁丁塵事無四郊多壘避秦徂家貧只仗
樵薪賣一石全沽酒一壺

輓胡京孺先生

慟哭靈牀類子荆冷風腸斷不成聲詩文不朽
垂天地知爾千秋萬載生

暑甚與李羽中對奕靜寄軒

方罍之中坐隱幽何殊王質爛柯遊浮生別有
人間世河壻清風暑作秋

輓宗侄孫石夫二首

吾家石夫獨崢嶸金鑑于將試已成不泯宗祊
方借重可堪天柱一時傾

范勛卿詩集 卷二十

三

孝廉天本生英傑文正家門傷繼絕哭死吾偏
愧巨卿北風吹斷徒幽咽

蒼雪師壽言

吸江孤映月圓明老我禪宗風骨清成肉佛身
延壽相知師却已證無生

暑極和凌君受繩其梧竹清風六月寒七

韻

綠陰且月有清娛臥覺徐千塵事無讀罷閒吟
時倚樹忝余名鳳凰棲梧

幽獨齋居神沕穆抱病其奈經三伏惟有林陰
可息心無言默倚新修竹

載形大塊本勞生坐隱招朋避暑盟世任觸蠻
爭角甚交如水淡似河清

湯餅聊供伏臘中墻東避世有君公道風秀世
忘羈俗何異行能御冷風

立秋畏火庚猶伏季夏餘威避南陸寸惜詩書
滿樹陰相如可想經加六

安得炎歊待寒厥取陰託體依庭樾獨憐夏景
范勛卿詩集 卷二十 二十三

有奇雲誰似畏風如喘月

野酌殊慙河朔歡孤松獨撫靜盤桓摧殘午日
宜宵讀露比冰山暑亦寒

題新軒前白鷺

詩中稱竹桂主人翁者因
先祖曾有竹桂軒不孝所

以造圖先養竹
桂正此意耳

紛絲小鷺綠波中偃息馴來有素風公子風標
仍雪客伴遊竹桂主人翁

題鶴影二首

雪衣丹頂瞪玄晴舞騰雲飛先露鳴步斗雙雙

如道士聲同碧落曉霜清

胎化超然塵垢中翩翩羽客御仙風月堦波沼
陰寒影寂立猶疑薄遠空

鶴瘦

雙鶴何緣瘦不支葢珠道士動相思風前仰見
橫秋鵲顧影自惜凌霄姿

夜雨吟

雖愛兼秋月最明休嫌連夜雨無情床頭詩思
清如水夢喜秋池春草生

范勛卿詩集

卷二十

二十四

憶楊贊皇久客未歸

情親莫逆且比隣爾我同心共一身切望王孫
歸未至獨遊芳草獨傷春

題李小有畫幀

畫家分景接崑崙道古探微功尚存深谷閒雲
媚幽獨身遊圖上口難言

醉仙歌

有引

于到招同諸友棊飲予先醉歸眠乃夢
見久留豪飲者却有八人遂于枕上作

歌以謝賢主以美狂客云

賢主人家費酒錢慙予無量獨歸眠夢驚八子
留轟飲美殺前身是八仙

手談歌

碁比雌雄酒酢酬宣城太守暫優游山人坐隱
全幽勝笑彼興亡多斷流

病奕詞有引

予病稍愈夢中每與社友手談遂至劫
碁呼起乃于枕上卽事爲病奕詞二首

范勛卿詩集

卷二十

五

以求諸公和之將比于郭璞巫咸賦柳

公純太醫箴矣殆以佳作爲良方老夫

特諸社友常有起色云爾

社結羣公罕別離病來二豎苦相羈黑甜夢裏

渾無恙驚醒床頭爭劫時

古稀加六久賒時無恙還天分所宜尚欠子錢

碁酒債稽遲偏致壽無期

夏日酌雨

西邊雨下東邊月黑雲襯雨照如雪對此披襟

傾一尊賒得新涼足怡悅

雨窓有感四首

民生疾苦不勝嗟蠲詔租庸例轉加田畝且憐
秋雨足焚焚艱食有生涯

難經荒儉望豐亨喜雨憂時意稍平賜賑二東
休望下家貧且喜飯新秬

秋霖滂沛建瓴時望却倉箱千萬斯雨卽秋田
新釀酒好同農扈賽農師

先逢黑雨片池過敢望黃雲千頃多老叟憂民

范勛卿詩集

卷二十

思稔歲療飢自詠紫芝歌

家慰詞

老老優游小恙瘳轉愁兒輩切懷愁讀予新句
知神王華白陔南任自由

惜梅敗二首

有興生涯玩物華無情風雨殺嬌花梅同老叟
桑榆景鳥語如人聲怨嗟

小恙非同梅敗時谷神不死是吾師將遊靜寄
還丹處靜寄軒旁有支鼎煉還丹之句桃李無言又有期

落梅歌

淫雨淒涼春似秋，梅心自有淚空流。
黃昏滿地殘花落，清曉東風爲掃愁。

折柳詞

十日淫陰一日晴，化工人併物枯榮。
梅花落落春遺恨，柳葉青青風有情。

小恙家居未及觀梅有感

愁寂私居陋室眠，好梅河圯夢空牽。
極憐老眼貪時景，索笑何堪隔一年。

范勛卿詩集 卷二十

夢同湯岱淵李羽中下棋

碁社諸賢共樂湛，嗟余謝病獨難堪。
夢驚落子鋪床席，枕畔良朋戲手談。

病卧夢遊二首

病鳥投林孤艷陽，老人餘歲惜流光。
空齋辜負三春半，將取梅香厭藥香。

龍虎仙方調永鉛，睡深疑是醉春烟。
更憐夢遶繁華景，河圯郊園在枕邊。

倚窓卽事有嬌女，弄小鳥于窓格間。

未引花心入繡腸，曼姬針倦唾絨香。
香絨偏惹

窓禽啁玩弄嬌嬰，與惠芳

太冲嬌女同惠芳戲

長夜吟

才夢梅花枕亦香，偏教詩思遶中央。
床邊聽雨清魂醒，長夜無端引恨長。

夏日

一枕清風獨醉餘，轉憐病後舊交疎。
只嫌些子妨吾懶，見說梅過欲晒書。

輓于振方劉念臺兩先生

范勛卿詩集 卷二十

振古孤忠日可攀，地天易位

江江不甘二姓

甘飢死龔勝，遺風與疊山。

胡惟一，道丈僻居遠，村子同諸友携酒訪

之口占二首

胡騎先驚塵滿城，予逃荒野幸偷生。
漢陰仰汝今樊圃，項項令人媿楚儔。

隱君子獨戀窮鄉，孤節重爭元亮光。
夏月虛閒人送酒，清風颯至擬羲皇。

同介立少咸羽中西青共遊雲臺山時賴

介公并白嶠能令僧衆遂遵戒律無負道
場予深爲此山志幸口占二首

碧簪青蓮雲氣香塵消熱界劫灰涼定生枯起
雙開士牙慧同分舍利光

琳宮罄利掩雲扉清晝遊從錫杖飛即使迷津
開覺路北丘六法敢相違

五長索予小齋詩画尺幅靜觀予喜其痊
可久矣作絕句候之

不朽人天日月長千秋詩画盡
范勛卿詩集卷二十

渾無恙聞苑閒遊細帙閒

偶苦秋雨隔城未過彌勒院聽介法師說
經有作

浮生遮莫話無生支講維摩許結盟法雨遙傳
師妙訣六通圓滿梵天聲

軍山晚宿

茲山海上苦軍聲萬里長江洗甲兵却宿禪房
如洞府華胥夢破曉鐘鳴

詠芙蓉

李辭春何彼穠清秋桂菊傲塵容小春坐卧
芙蓉圓綺帳拒霜醉老翁

新歲求介禪丈說法偶于唐律中拆成絕
句一章

併將歌舞報恩暉沈佺期歎息人間萬事非杜甫
強欲從君無那老王維頓令心地欲皈依李願

新歲寄懷老友一絕句用唐律中拆成之
者

空知率舞聽薰絃岑參東望蘇頌
范勛卿詩集卷二十

白髮俱生觀未再獨孤中原

新歲齋居未出戶遊春書懷二絕句

養幽軒轉占風光穿坐藜床背夕陽春惹虛窓
梅氣入孤眠笑語枕邊香

少陽動物息微躬大化居然虛室中梅性雖能
偷臘日蘭滋尚且避春風

喜衆甫以國手和余絕句余又作一首鳴
謝

病偏勞儒者功詩囊兼滿藥囊中藥比愈風

作散詩如師曠詠南風列子曰有儒生能治忘病七日而除積年

久雨

淫雨無休雲色愁春之秋矣奈春遊郊園梅放
猶難待阮哭途窮空自由

梅花落

風雨春寒梅落英香鋪滿地雪花晴冷齋靜酌
如胎息獨進黃庭碎八瓊

題嵩少翁三山柱笏圖

范勛卿詩集

卷二

虎踞龍蟠遊鳳躍三山元氣

翁處天曹

謫地仙乘鸞掀手超羣鶴

題嵩少翁攀雲圖像

雄才歛吸地天空南嶽凌霄縱紺瞳採訪登仙
如景倩小兒名器此仙童

三月苦風雨海棠掃盡惟見白蝴蝶花滿
徑絕句志感

艷陽孤負空春苦雨苦風花播棄夜半海棠
飛上天蝶花幽怨多委地

文昭禪僧還吳門托寄絕句復蒼雪道開

二法師

長江越境月連天夢破孤雲澹可憐法界問禪
空色絕得師詩畫蜜中邊

謝君受見惠蓮根種池

蓮出淤泥冰雪姿清流分景惠無私水湄入垢
全無垢相對西來不語師

時雨快心招友暢飲各賦絕句

大河傾落湧濤龍樂死年豐

又酒良朋

范勛卿詩集

卷二

有狂興深詩陳海與潘江

軒遊卽暑

羲皇元亮北涼窓幽眺無煩絃上腔媚柳鶯嬌
黃映翠清池崔影隻成雙

金陵遊眺紀事九言一章

高秋霜老天清衆木凋無遮月色萬里莽蕭蕭
舞榭曲瓊盡將簾幙捲香闥溫玉頻赴女郎招
通晨夕孫楚樓頭醉客過子夜莫愁湖上聽簫
自是吾生卒當行樂死總然流寓何必不逍遙
白下買山成志喜九言一章

買得清涼林屋一窩雲能教相關物意盡欣欣
據幽遐勅烟霞以輔賞集名雋開尊酒而論文
興來妙妓同僧侶伴侶奇

送殷勤

范勛卿詩集卷二

此子丘壑間身偏自稱

不相聞

助卿詩集卷之二十一

白狼山范鳳翼異羽著

詩餘

海字木蘭花

客邦江歸思

闌刪酒潘最憐白晝人支枕清絕詩魂又苦紅
塵客打門 病魔無賴偏欺遊子天涯外遊興
還濃任挂輕帆細雨中

其二

范助卿詩集卷二十一

晴雲如絮雲時飛入銀

廿四橋

頭夜色鮮 客窓無暑屋深可埤清曉雨月冷
邦溝夢破狼峰絕頂秋

望江南

代美人訴病

不是病我生罹百憂秦越人能醫怪症庖犧藥
不啻離愁愁根方起頭

代美人傷春

芳十絲教妾罵春風眉袖攢愁銷黛色淚痕和

介青銅王孫夢裏空

代美人燈下

燈閃影疑是玉人來驚喜同嘆微自笑翻身虛
抱冷人懷此際亦悲哉

代美人月下

無情月何事炤人愁閨冷香煤銷寶鼎粧成銀
蒜控金鈎望眼淚難收

西江月

答友

范助卿詩集卷二十一

刺促如何生活便宜只

子有人

檐落得乃翁蕭散 蠟屐雙屐提烏藤入尺
扶孱青山碧水沒闌關不怕白雲遮斷

其二

世諦了無罣礙心情儘自逍遙也知天付好風
標不是擔愁材料 偶爾頽然竹下前溪僧手
相招酒瓢強要竹來挑嗔竹連根大叫

百字令

壽友人

生生趣儘逍遙不在虛華榮利俯仰乾坤但
無欠分外纖毫莫取本地風光何豐何嗇次厭
從何起素位而行樂亦在其中矣 那管蠻觸
林支鷄棲鷄適瀟灑塵寰裏清聖濁賢同一醉
時詠新詩而已樸可維風直堪繩物經濟聊如
此間行藏一帶髮禪和耳

山花子

冬日舟次

枕獨衾單睡起遲日高

寒全火

范助卿詩集卷二

酒支持 薑菜潑油烹

炙蹲鴟

蓬窓呵筆小題詩

菩薩蠻

旅思

江堰河畔烟帆杳往來淚落知多少和雪結成
水中間有淚痕 淚痕消不去結入愁人句煞
有笛聲來淒清聞落梅

春曉

山滾滾如掀浪江南春色來江上花信寄愁

油雲撥不開 砌恨高于岫波紋學眉皺何
處掛相思梅枝并柳枝

阮郎歸

舟雪望金山

北風剪剪雪漫漫江山另樣看冷光搖漾水晶
盤鰲簪削玉寒 帆色顫權聲乾禁持借景觀
瑤華屑入彩毫端偏教酒量寬

憶王孫

咏海

范助卿詩集卷三

霏微幽雪弄晴春清峭

影橫斜

對愴神入黃昏宛見羅浮雪重人

夜景

水際危樓絕點埃藁霄無礙接瑤臺清水一片
玉壺開亦奇哉弄珠人自漢臯來

工城梅花引

雪景舟中作

家園小別被花惱畏遠道却遠道短篷堆雪兩
八蹤杳紙窓銀礫攪孤眠野風酸一陣陣助

情 清情清情天難曉
梢添村簫倒醉矣
醉矣醉還醒重縈懷抱不識天公能有幾多醉
一夜無端憔悴去矧伊人比天愁應不少
眼兒媚

友人靜芳軒酒間

秋金初綻晚花黃
坐中多酒狂
枯砑消晝繁絃
催月糾令如霜
醉挽青童周小史
柔曼奪紅粧
耳邊聲膩心頭情熱恨未亡

千秋歲

范勛卿詩 卷一

壽友八

梅花四炤樂府翻新調
貌如里人重少天付一
閒身不作干忙料
嘆浮生黃梁大夢誰先覺
且穩滄江釣肯慕賢良
詔花鳥足怡情山海時
供傲無個事百年對酒長歡笑

荷葉杯

代美人秋思

只有昏鐘時候倏悠怕
上晚粧樓空塔桐雨滴
頭愁到秋秋怕愁

代美人夜怨

斗帳寶爐燼了夜悄
君行却此時銀虬滴盡淚
還垂儂獨思歡豈知

長相思

旅懷

風無情雪無情短篷僵臥煞難禁
窓料峭聲怕河水又河水
七日才行百里程三山夢裏

青

相見歡

范勛卿詩 卷一

爲孫太素調歌者

鬢雲眉月眼波秋欺女流
有人人綰結在心頭
鍾情後將身就背花羞別有靈犀一竅把
魂勾

踏沙行

燕來巢

有引

後魏元公道康隱居林慮山
里徵不出齊中常有雙燕爲巢
一日軟語稱公盛德公驚異問曰爾禽何語燕云來日前

溪相報至是二燕化爲青衣童子謂曰
卿有隱志幽陰見嘉增壽四十故奉報
耳此亦奇事因作燕來巢詞一闋以志
老懷或不媿道康先生者也

林慮道康隱居山院青衣報語齋巢燕陰背潛
龍別欲先高岡無鳳逢猶晏澳忍邪途貞良傲
岸美新浴輩宜消散溪上雙雙告主人無道之
邦謝懷卷

氏州第一

范勛卿

爲李居士壽

棲真雲壑抱朴風塵無由出
合炁還丹似乞玄元奇訣甲子初度時况逢天
貺佳節金漿爲髓麟脯作饌笙歌四列
五山佳氣朝來徹滿華堂仙霞亂綴壺裏乾坤庭前
蘭玉覺總堪寶悅已知壽比錢鏐須臾事那誇
耄耄會看兒子換宮衣綵衣旋纈

一萼紅

遊俞勛卿爰爰園作

詠權武陵中景陽遺派二水潛通怪嶸千盤奇
光萬狀映波底晴空奪天巧移山無迹任逍遙
弄月與嘲風疑來閨苑王喬韓衆驀地相逢
屋裏烟霞噓吸笑廣成多事遠歷崆峒縹緲
樓幻靈龍洞樹不願秦封他年掀揭在手今且
任丘壑溪胸中玩品薈醉醺醺天女下仙峰

序

脩謝宣遠會康樂詩條繁林彌
蔚波清源逾濬謂曩賢有後歌
起而代振風雅繩勿墮厥問也余
弁異羽同系出吳閭有隸屬之
誼肯以銘美前並文相勗勉當
讀文正忠宣遺作其所作詩下
不下歐蘇楊呂功業彪炳詩名為
其所掩而文章光燄自是不朽千古
想當時頑讒孔壬輩日伺正人君

子之側稍不合時宜矢口踵駢牙戟
生於詠歌達而足而吾家文正父子
負嚴氣正性矯世塵表即至被以
誣謗目以物黨擯之遠外無復芳綫
黃扉屢紫塞時興會所至吟嘯自
如毫不作憂讒畏諂咄咄無所感
能其所為詩亦足見其人已忘言
志善繼人志者必有崇正闢邪之力
而後抒燦爛切今之辭不然繼夢
擬六朝規倣三唐錦繡鋪而金石響

而志毋抗。似身爲用。文必至。志苦神
失。氣調靡薄。而不學。洵非其人。詩
豈足傳哉。異羽弱冠。登朝以世。通爲
己任。振衆冰。聽獎善。嫉惡孤。終年性
多迂。少合。以是位不過卿貳。蹶二西
陽。漂浪萍梗。以乎澤畔。行吟海山。
與不知咸。惜如此才。堅志復領端。君
而振翼。乘西翼。羽生乎無所。位係
扼腕也者。豈改滿。問時文。順看鍾
山。乘氣相遇。和感懷。聊寄詩。臣


自娛體氣高妙。衆美具備。其於沈
舒。奉濃淡悲愉之節。一依古人律度。
酌奇而不失其真。玩弄而不傷其質。
至于雷聲電掣。奮發激塵。有縱虎
奔踏。素華之衆。未誠得志江漢。抑
不迴揚霓。鳴鸞不作。超超少步之矣。
志歸夙。稟前良。克紹先志。伊鬱之而
不怨。愴慨而不激。如溫厚。蘇平。不失
風人遺意。自抑管人。還謫流寓。泊
年華。難萬憂。往之忠。不忘其托之吟。

咏勝唱以見志余與異羽族譜同愚
 聽忤時同遭家喪亂流離困頓終同
 近傷寓白門得送還言暖為樂所
 恨夙病纏綿性懶作詩以視異羽倣
 楊鐵崖日課三首隣珣成帙方之也矣
 東野云無子鈔文字老吟多飄令
 習時吐向林枕席不堪聽余筆去
 新多自暇從此長侍几杖于白狼山下
 倡予和之歌詠太平與人謂范氏詩
 涉世猶未弥身源流通清兩人之詩

兄弟也余且厚幸矣

安橋宗弟景父書于白門之餐冰

齋中



范觴卿文集序

余庚戌通籍出吾師耀州
王文肅公之門公長身偉
幹聲如洪鍾每侍函丈必
為余誦說海內賢士大夫

盱衡扼腕咨嗟慨慕若風
問影如恐不及崇冰茫異
羽先生其所屈指甲乙者
也余是以心儀先生遂與
定交已而國論沸騰黨議

遽起先生桂性愈烈蘭心
不改浮湛放逐老於郎潛
不得以振纓奮袖少展其
精華晞暉之氣而余則繼
耀州之後目為黨魁飲章

錄牒踰冬逮繫受鈞堂之
禍視先生為尤烈然而余
與先生八甘陵之部刊元
祐之碑除名削迹終老而
不相貸貫者則皆以耀州

為主名河上之歌所謂同
病相憐者余兩人似之松
栢之悅芝蕙之歎視他人
尤為篤摯有由然也今今
年七十老矣先生作為歌

三

詩遣使者涉江來賀因緘
其所著文集示余以予朝
食輟箸而讀之日中而卒
業則又廢書抵几歎歎流
涕而不能止也蓋國家之

黨禍醞釀日久至庚戌而
太作當其時一二僉人以
閒曹冷局衡操宮府之柄
媒孽正人剪除異己競為
君子者多清濁之流爭有

四

黃之戰迭勝迭負堅壘不
相下久之而極人當國皇
綱解紐衣冠塗炭廉耻凌
夷於是元氣傷殘兵燹交
作土崩瓦解而天下遂至

於不可救藥迄于今歎滄
桑悲禾黍者靡不彷徨怨
慕蹈高天而踏厚土豈知
一二僉人膏唇拭舌依叢
而止棘者其流毒遺禍遂

五

足以移九鼎而隳七廟乎
又豈知流離淹恤如先生
輩流抑淩于荒江野渡之
間者子為周遺斬為夏肆
徒足以興故國之悲而動

異代之惜乎旋觀先生之
文原本經術貫穿古今鑿
鑿乎如五穀之療飢藥石
之治病至於指摘利病分
別賢佞勞人之苦心與大

六

人之偉略崢嶸磊落側出
于筆墨之間以先生之才
略與其文章當國家多事
之日上不能為陸敬輿次
不能為李伯紀而下不得

為陸務觀陳同甫徒使衰
老如余讀之而屏營太息
嗟瞻烏之爰止恨豺虎之
不食譬如寒蛩吟鐸秋蚓
鳴竅誰復有過而問之者

七

其尤可為三歎也矣余邇
年來焚棄筆墨於時人著
述掩口不欲置喙獨手先
生之集展對不能置念先
生與余積薪碩果大江南

北如晨星之相望非余誰
當叙先生者而五十年以
來恩牛怨李之殘局清流
白馬之遺恨讀先生之文
可以攷見一斑世有仲淹

八

君實續七制而脩長編者
將于斯文有取焉余固不
敢自愛其狂言以為乘章
之先非徒序其文而已也
虞山友弟蒙叟錢謙益

謹序



九

范運卿集序

時文傳孔孟而今日之文說醉火
之奴謂歐孫之女也詩以道性情
而七日之詩必長底之血朽煙化
之魂也文化為論浸假而為騷
為賦為微子之廟堂詩化為
詞浸假而為曲為謠為隱謎
之駭鼠推原至公不過不許人
解以為新每靜夜思之祖龍可
追祀也而蒼頡子罪林居未求

山水拾橡栗苦狎少年勒并
幾掃落葉影不能逃而予友
范異羽良訊至悉發其詩集
以振老蒙喜不啻踐佳夢而拜
靈鵲也先生旭劃海內秀吞
江表曾於李我存所見至公牘
錦鏡筠苗玉龍瑚簋味之若
啖大谷之梨迄今尚瀝後搔銓
管為天下慎名器清執兀兀嘆
而不與人官然憐才求品甚亟

邗江有實伯方慧津其人者數
之先生函予可嚮往之而予正為
遷客亦欲自盡其鼎鼐老始能
先生於白下則其避難走江東
時也穀子困黃叔度予雖未年
其面愛先生冲襟雅抱當在伯
仲師友之間凡人言生於其
心先生之心皎如白月故其為詩
昭素春容風流灑脫不盡刻務
背悶之跡不入巧纖湊繪之門

予之所緣景之所會皆以澄然
望物之性寫其態然自以之趣
詩謂噫柔柔通冷則小和而
飄則大和也試畢誦其諸體
農者羅上瓊臺清者播身

上序四

灞雪朴者如三子父老襖袖
課農桑如瞿塘灑中長
年記水之高下不失尺寸而
文中之味者昔者則鄭玄之
勛了教郭璞管輅之各有妙

義匪夷所里也時命大謬或慨
係之時多大忤親諷及之嗟呼
處今之世生而樵者領福之首
其次寧託之才庶幾免難
以先生衝口霆擊落款雲泥

三序五

阮犯人所目攝而更以兀之取棄
人之憾其不賞奸助虐有得日
幾哉所恃中原吾黨終難抹
殺一吟一嘯付之嶺上白雲盡
有度晴落久多夕陽黃草名

骨塵銷視嗶嗶時兒浪自矜
重災梨動輒俄已覆甑者同一
淫歌千載而下范蠡鄉之人
集常新也

常顧唐辰華月山陰通家

主序

友弟王皇任頌於千義第

聲之書譽樓上



范蠡鄉全集序

古人之詩与文皆其入之情之
品之氣節以為之而後可以歷
久而不敝故武侯之出師令伯
之陳情後世讀之輒為隕涕其

蜀序

情足以相感也淵明之采菊和
靖之詠梅後人見菊与梅必兩
先生者其品足以相入也蘇長
公睥睨一世陳同甫開拓万古
其詩与文皆震動卓犖不可逼

視者其氣足以相取也是以天道變於上而其意不往地道變於下而其色不渝百果艸木變於中而其華實不哀者皆以其人也自曲學小家不務為人而

情序

務為其詩與其文於是不怨而為騷不憤而為史不怡情宕性而為詩歌不憂國愛民而為章疏是二之也非徒二之又不及焉故亦竟取其詩而已夫荒施

之臭不如猗蘭莸草之榮不如栝柏孔翠之羽非不珍也而壽不及鵠牛馬之走非不利也而捷不及麋何者猗蘭幽而栝柏貞鵠純白麋純易皆正類也夫

情序

正也者情之所自生品之所自立氣之所自壯則詩与文大小之辨也數年以來貞夫凋喪吾鄉耆惠獨范異羽先生巋然如魯殿靈光獨存規矩先生固當

補序

時所為正人也數十年通籍金
閨為清流領袖以性不諧世繇
天官卽陟月卿曾不得究鐘鼎
之業至今讀其蹤跡凜然春秋
討亂討賊之義而焚魚豢綬歸

補序

天爵為一代龍門也東臯距崇
川盈一衣帶耳余自喪亂以
後閉戶如退院僧曾臆間獨往
來先生不置而五山飛翰亦時
時從天而下且先生於余為執
友幸不啻蒯之而引之為忘年
交潘尊而充余小子懦懦乎終
未敢謬承也今齊桓次公女愛
之命駕示余以全業而屬之序
夫余言烏足重先生哉先生之

情至故其言真其品高故其言
厚其氣直而不撓故其言清劉
邁金石而一本於忠孝仁義舉
兩漢三唐百家二氏無不效齊
奏而為之役雖近鈞璫之年為

清序

鬢鮮霜華眼澄蘊水婆娑醉舞
不遣孫扶至其灑墨揮毫即沈
麟之數十篋未之多讓嗟乎福
慧之不可得賴久矣故大富貴
亦壽考古今遂修為盛事先生

則以奇文享清福以輕富貴而
得壽考如緣箸之在天半如三
門砥柱屹立於天開地圻之中
求之今而罕見其傳即求之古
而卓然兼擅者後人哉朕則其

清序

人能後天地而不老其詩文亦
將如經天日月光彩常新而先
生又何不可以待天下之清也
嵩少山人冒起宗撰并書



范助卿文集目錄

卷之一

疏

改教疏

請假疏

改南疏

乞准調理疏

摘發權奸疏

駁逆黨誣正疏

自陳小疏

附酌放軍糧疏

記

重修四賢祠記

大悲庵放生池記

范助卿集

目錄

通州西門創建世燈庵碑記

序

賀右司馬親家行可吳公暨親母寶淑人

七十雙壽序

岳翁王文泗公七十壽序

爲宋汝雍先生八十徵詩序

壽凌公二永暨元配顧孺人六十序

壽丁母八十序

令子爲潤濱文學

三弟華羽七十壽序

贈沙小庵暨陳孺人六表序

賢庶母黃宜人六十壽序

卷之二

序

左抄序

重刻說莊序

楚辭解註序

樂府古題要解序

女誠題辭

經絡圖說序

外科正宗序

超逍遙草自序

公移雜紀序

范助卿集

目錄

談京兆中約先生詩集序

湯慈明詩序

王宛委大將軍狼五山賦引

黃黃山詩序

西漢草序

蘭言引

送王大將軍宛委陞任大金吾序

楊贊皇燈詞塵詠題辭

奉法要小引

胡與良父子蠟丸說辭

拙存堂逸稿序

題王大將軍狼五山志序

王伯茂先生詩集序

邵潛夫別集序

王氏家抄序

傳

朱介毅公滄海先生傳

邵孟振先生傳

賢州守唐珣明傳

卷之三

啓

范勛卿集

目錄

三

賀葉臺山老師啓

賀朱平涵相國啓

謝李少保霖寰啓

復吳少司馬納承啓

謝錢牧齋宗伯小啓

募建水月庵啓

水月庵正殿上梁文

書

寄田東明老師

寄錢若虞若衡兩丈

與洪桂渚鮑中素書

與董思白太史

答黃賓王

復黃玄蓋科長

答周少司成

與馮鄴仙給諫

與本如中丞

與徐若谷侍御

復黃鹽撫

上劉總河兼漕撫

附郡守朱冲宇書

與袁鹽道書

附袁鹽道回書

與湯慈明先生

與湯岱淵

又

與李大生書

復葛長卿

與里中親知書

復錢五長

復韓象云相國

與房海客公祖啓

與鄭冢宰

范勛卿集

目錄

四

與鄭大司寇

與鄭見曦兵尊

與姚給諫永言

復文啓美

與成六吉

答顧珠崖

復毛禹門

與鄭道尊書

又

回彭州守書

復鎮江程九屏太守

復諸公祖書

與喬聖任御史

答談中約京兆

與方孩未

答蔣澤壘

復方孩未書

復毛禹門	與錢五長
與宗侄孫石夫	復鄭潛庵
與俞容自	與林刑廳書
復冒嵩少謝其作序	
寄錢牧齋	與季因是
復薛更生	與長源書
與邵石生	復蒼雪師
復道開師	復楊日補
卷之四	復錢牧翁
沈歸愚集 目錄	五
書	
與熊大司馬壇石	與鄭超宗
與姚公	
爲吳孝廉上黃道尊書	
復錢牧齋	復章拙生
與陳旻昭	與方孩未
與俞容自	與錢牧齋
復成六吉	復冒嵩少
復吳行可司馬	與荆道尊

復宗侄孫石夫孝廉書	
與張繩海	復史大司馬書
與宋又生凌君受二兄	
與凌君受	寄陳旻昭
復陳公車	復張都督
侯朱明老	回劉刑廳書
與周道尊	復冒嵩少書
又	又
又	與李大生
范勛卿集 目錄	六
與楊贊皇	
爲陳子通致書舊太守方公	
與邵潛夫	與錢五長
答凌賓陽	答凌君受
與玉屏吉甫顧兩丈	
復姜荆璆	復陳于到
與邵潛夫	復荆璆
侯張漢冲	復方坦庵
答顧與治	與林茂之

復張紫浚

答周江左

議

復常平倉議

編保甲議

江氏爭產公議

錢五長分書題辭

王氏嗣書首簡

分家要說

卷之五

題跋

高忠憲公村居詩跋

題劉都督畫冊

范勛卿集

目錄

七

顏魯公自書告身跋

爲安無咎

安無咎所藏蔡君謨草書卷跋

陳公車手書法華經跋

題賀千秋儀尊卷後

題構大悲蘭若

題潘建侯印章冊子

題葉羽遐篆書

題陳于到試卷

爲金茂生題汪中翰園詩

行狀

太僕寺少卿何公行狀

故驃騎將軍大都督楊公元孺暨配胥夫人繼配王夫人行狀

墓誌

明新安太學生師利吳君墓誌銘

處士從道邵公暨配李孺人繼配李孺人

合葬墓誌銘

像贊

范勛卿集

目錄

八

蔣笠澤像贊

汰法師像贊

錢沃明像贊

張鉅卿像贊

王蓋明像贊

題盧寄園小像

復一禪師像贊

送玉池上人入關

祭文

祭高忠憲先生

祭冒玄同先生

祭朱弱水孝廉

祭袁季野

祭累封宜人鄭室梁氏文

祭李州守文

卷之六

問

畊陽客問 有引

募疏

募修天寧寺增緣疏

招隱洞改建正殿募疏

茅山我玄羽士募供米小引

劔山新造萬壽寺小疏

修水月閣疏

范勛卿集 目錄

九

水谷上人啓建華嚴道場疏

定水庵定閣疏 高座寺募飯僧田疏

募建道光庵疏

亂案

乞剿亂民以安海隅疏

附巡城請旨疏 亂案揭帖

附署部涂少司寇國鼎會同都察院王副

都志道議覆通州亂民一案看語

附閩郡鄉紳與撫按公書

名公襟著

附諸賢紀異 范璽卿敘事

范司勳先生小傳 有引

太蒙先生補傳 附唐知州申上臺文

范勛卿集 目錄

十

范勛卿文集卷之一

疏

白狼山范鳳翼異羽著

改教疏

戶部觀政進士臣范鳳翼

奏爲乞恩改教以便筮仕事臣原籍南直揚州府通州人年二十四歲由戊戌科進士今授直隸永平府灤州知州臣自念少年愚陋尚愧才能未練分宜恬退以圖學仕乃其本懷適聞有

范勛卿集

卷一

一

疏

金寶坻銀灤州之言臣竊以爲耻今特具疏奉辭州職以求改教自幸儒官可以由此砥礪仰報聖德伏乞皇上鑒臣微衷下部查覆遵行無任屏營候命之至奉聖旨吏部知道

請假疏

國子監助教臣范某

奏爲妻亡子幼乞恩賜假准送還鄉事臣由二十六年進士初選知州疏乞改任順天府教授

今已三年不幸慘妻病亡苦見乳斷臣迴腸驚夢愁切捧心傷逝遊魂哭憐孤子是以寒蛩霜鴈天地淒其剩月殘燈總惟慘冷孤館同僚無不爲之感悼况小人有母慈孺關情曲體臣親彌憂臣子且才抱一女三十無後安得不思伏查禮部舊例凡有喪妻在京者皆許給假送還幼子此正聖仁天眷俯憐臣下之微私也伏懇皇恩下部查覆准臣還鄉如期赴闕臣無任激切屏營候命之至奉

范勛卿集

卷一

二

疏

聖旨吏部知道

改南疏

原任吏部員外郎起工部營繕司主事未任臣范某謹奏爲親病身病交并一時乞恩改南以便迎養事臣原籍直隸揚州府通州人年四十八歲初以二十四歲由萬曆二十六年進士先授直隸永平府灤州知州人有言銀灤州卽自上疏遂改授順天府儒學教授二十九年陞國子監助教三十年給假送幼子還鄉三十

一年補原職三十三年丁母憂回籍守制三十
六年服闋赴部復補原職大抵冷官已十年矣
本年陞戶部雲南司主事三十七年改吏部驗
封司主事三十八年歷考功文選司主事陞稽
勳司員外回籍養病丁巳考察拾遺至我皇
上登極之元年以撫臣奏薦言官交章蒙恩
起降長蘆都轉鹽運使司運判尋陞今職伏念
臣至愚陋少年時簡傲少容遇事衝口而出智
不足以周身性不足以諧俗故以二甲進士辭

龍動集

卷一

三

疏

州選教恬退自甘以幾幸無罪當時議者皆以
此途爲捷徑臣獨以觸忤權奸十載青羶方陞
主事臣于世不數數也臣監督倉曹力清風弊
因酌放軍糧一疏全六十萬浥爛之糧而調劑
有法軍士無譁爲戶部尚書趙世卿兵部尚書
李化龍所知又因江右窮軍求撥臣倉爲吏部
署部事侍郎楊時喬所知三臣皆賢者故臣得
調吏部臣之在銓司也不獨題叅假印假官吏
書繆摺等之神奸無虛日而所深念者世道之

泰否全係人才之邪正故一片赤心願倦倦于
君子小人之界不敢緘口模稜而况上有臣堂
官孫丕揚之公正下有選郎朱世守之清通而
臣得佐下風竊自厚幸輒思稍稍稱職以報
主恩遂以不當事權之人而冒慨慷任事之迹
彼時海內正人君子或不以臣爲非而宵小之
耽耽者乘機中之而人言至矣臣堂官丕揚覆
臣告病疏內稱臣版曹久著賢聲銓署方稱拔
萃又稱科臣言事多屬風聞鳳翼生平自有足

龍動集

卷一

四

疏

論云云遂蒙神宗皇帝鑒臣無他俯允回
籍養病病痊起用臣歸如縱壑之鱗定林之鳥
自謂可以永謝爵羅長辭網罟於已無患與人
無爭也乃自庚戌至丁巳臣去任已經八年辛
亥考察已經免議而丁巳管察諸臣不察微臣
立身之本未誤聽羣小巧中之讒言黨禁未已
仍從格外拾遺候該部酌議而卒不免焉臣從
此自分永棄願爲太平布衣以老牖下足矣乃
朝貴之修隙者尚下石子落井之人臣皆一切

寧耐義命自安數年以來驚波方定臣與臣父
原任慶雲縣知縣封文選司主事臣應龍惟日
祝聖壽萬萬年他非所覬也不意我皇上
復用臣于十三年擯落之餘如既偃之禾忽霑
霖澍臣卽捐糜頂踵難報涓埃矧東西用兵國
耻未雪臣之忠憤豈後他人請纓棄繻雅有夙
志與屍褻革是其本懷乃幸依日月之末光
處曹郎之閑局有何不便私圖猶思迴避豈情
理也哉顧區區萬不得已之苦衷有不能不控

范勛卿集

卷一

五疏

陳君父之前者臣素稟恒贏不耐勞役筮仕
順天府學國子監及監督南新濟陽倉皆在京
城極北偏每逢朝賀習儀及前門交際多爲
寒氣所侵致成足痺年深遂爲痼疾雖步履無
異而舉發不常臣之不能馳驅世路天固已限
之矣以故奉命之初卽擬請告而臣父素懷
愛君憂國之心責臣不能忠事我皇上義
形于色朝夕趣臣感激天恩而又激于庭
訓不覺身命皆爲長物翻然易其退休之志而

思一出以報殊遇矣顧臣念之才有可以展布
而獨遺明主以艱危臣子之所不敢自寧也
力不足以匡襄而叅預時賢以尸位亦臣子之
所不敢自欺也臣心長才短病久力微度勢審
時遲迴却顧其曷以處此而不負我皇上惟
蓋之恩乎無已則南曹閑地有可藏拙以免曠
官之差兼可迎養八十老親以不失報劉之日
臣之私願如此而况改南又有例在卽近日臣
同邑臣張元芳亦以北刑部主事改南戶部可

范勛卿集

卷一

六疏

據也倘蒙皇上憐臣情非假托下部查覆
容臣改南臣無任激切屏營俟命之至謹具
本差義男范滿賁捧奏以聞伏候勅旨奉
聖旨

乞准調理疏

尚寶司司丞未任臣范某謹奏爲親病沉綿
身病危憊懇乞天恩俯容在籍調理事臣由
萬曆二十六年進士初授濠州知州上疏改教
蒙授順天府儒學教授二十九年陞國子監助

教三十六年陞戶部雲南司主事三十七年改
吏部驗封考功司主事歷陞稽勳司員外蒙
神宗皇帝恩准回籍養病辛亥考察幸免黜幽
至丁巳而臣之去任家居已八年矣祇以積愆
集詬復罹拾遺臣之不能其官大略可見是以
屏交息遊絕意世路而臣父應龍原任直隸河
間府慶雲縣知縣封文選司主事時已年老臣
得日承菽水之歡父子自媿未報 國恩惟日
與田更野叟祝 聖壽無疆歌詠太平之化終
范勛卿集 卷一 七 疏
身焉而已不意我 皇上誤採撫臣之奏薦與
言官之見推遂聽銓部復行錄用允改今職伏
念臣十三年跽伏田間自甘蹇否一旦洊被
新綸實出望外捐糜頂踵難報涓埃况艱虞多
故之秋正大馬竭蹶之日臣敢自便私圖不亟
赴任顧臣有萬不得已之苦情不能不叩 闕
陳乞者臣父年已八十矣兩年來感冒痰疾飲
食減少言語蹇澁臣日侍湯藥同卧起觸目痛
心寢食俱廢瘥患頓生肌膚枯削湯熨鍼石一

切無功入夏歊蒸勢更狼狽盖臣因父病父亦
憂臣父病未瘳臣病轉劇臣與父相倚爲命而
憂與病相逼而來此人生之所最不堪而將來
不知作何狀也臣雖欲勉赴 闕庭少畢愚願
其如力不從心何哉困憊之中尤念 簡書可
畏無地自容輒敢披瀝苦衷仰丐 天鑒伏望
皇上察臣情非假托 勅下該部准臣在籍
調理以幾幸再生以扶持親病倘或不卽填溝
壑則自今以往之年皆臣感激 天恩永矢啣
范勛卿集 卷一 八 疏
結之日也臣無任悚息待 命之至爲此具本
專差義男范春齋捧謹具 奏以聞伏候 勅
旨奉
聖旨
摘發權奸疏代
臣某
奏爲摘發兩大權奸事自首揆及朱某李某相
繼作相以擅權爲無權天下之人如在重烟昏
霧之中不可得知不可得說盖十五年賴宗社

之靈 皇上養士之報四海賢哲無不眼開以醒 皇上聖明宜洞囑其罪無疑也乃奉 旨褒朱某等而謫正論者且有不許黨救之論夫人臣能有黨者必其富貴足以餌人威力足以脇人門闥鷹犬足以招搖人此惟朱某等爲能然耳且在廷之臣何故不愛富貴怕利害而忤某等乎卽今雲南建州之變明是輔臣庇私起釁大小諸臣奏牘盈朝何人不論陳用賓不叅高淮然只曰 皇上姑息用賓不敢說輔臣庇護只曰 皇上信用高淮激變遼東不敢說輔臣挑禍蓋說 皇上者無害說輔臣者必危則輔臣之權可知也昨言者上疏後其寓居左右無非輔臣爪牙布截其朋友親戚皆不敢往來輔臣鷹犬恐喝偵挾靡所不爲甚至降級之旨三日前輔臣私人已言之矣何 王言未脫于口而輔臣私人已傳之乎則輔臣之權又可知也臣曾見某之辨疏常自言第一庸人而實則第一權奸皆有實錄只此庸之一字某等弭

范勛卿集

卷一

九

天蔽地之巧皆從此出雖李林甫盧杞輩皆當望之却走夫庸之與權若列黑白不可潤也自古宰相經千萬庸者決不能進而強爲權權者決不能退而託于庸辟如獐賊饒虎已上殺人發火之場只有睜目豎眉操戈執棒爲可畏之狀何能復爲仁柔謹慎忍辱受苦之形大抵林甫盧杞之伎倆亦不過睜目豎眉者矣若朱某等既盜天下之權滴水不漏方且從容談笑自以爲庸庸以用權而權重庸以混權而權藏使我 皇上不見其權而見其庸使天下見其庸而不見其權真古來大權奸矣言官言之 皇上不信臣言之亦必不信輔臣不肯饒言官又肯饒臣然臣明蹈斧鉞而不顧者眼見朱某等之奸義不與共戴天也某等能禍臣逐臣而不能滅臣之言從此布之天下傳之萬世天下知某等者必多不至爲某所欺萬世知某等者必多不至爲某所誤今世繼某等而相者不敢守其衣鉢以害今之天下後世卽同某等之不肖

范勛卿集

卷一

十

疏

者不敢祖其機術以害後世之天下則臣與諸言者實有功于萬世不憚屈死于今日矣臣聞論某等精神十分已得其五六但十二罪雖括其槩不敢竟其說者蓋某等每事推皇上故難直說也但就一二事某之欺心欺上爲衆人所共知者言之往者首揆之去朱某之所不欲也乃上疏放首揆去沈某之去實某之謀用首揆帶去沈某而已得專國柄也乃上疏勸上留沈某卽此欺心欺上可謂之庸人否李某推相是某主張見公論交劾遂上疏請于會推中除去李某却密令科道私人共疏保舉皇上只知某與科道相反而豈知其同謀也及簡用之旨卽于科疏批出而李某亦不俟于部咨便因科疏謝恩且直言不敢負前輩提携前輩是何人每荷皇上之恩乃曰不負前輩是何語今朱某疏科道保舉疏朱某疏皆現在可查卽此欺心欺上可謂之庸人否其耻私狼藉如福建巡撫徐學聚餽銀五千兩仍許留用學聚在

任一年解銀一萬兩至朱某家陳用賓戴燿等俱用此法撫臣利于久任輔臣利于多金每年可數萬職方用人願指氣使或親受賄賂或代人囑托推陞前後並有重謝如鄧鳳餽銀六千兩陞延綏總兵萬有孚餽銀五千兩陞登萊總兵之類每年可數十餘萬各省稅局進錢糧每省每季各有常例俱以數千計每年亦可數餘萬一應科道衙門緊要公事某俱囑托如極富鹽商胡澤先餽銀萬兩投靠門下及私鹽事發復餽銀十餘萬某爲營脫重辟其他纖細難以枚舉如此招權納賄可謂之庸人否至于李某之醜言汙齒臣請得直駁之某自做舉人時卽出入董份申時行門下藉權勢以出與申奴宋九董奴凌祥交若膠漆通籍後方塗飾清介勤苦之狀以蓋前汙穿破衣騎瘦馬侵晨執箒親自掃地黑夜惜油不肯點燈如此千做萬作在翰林十三年卽爲祭酒十五年卽爲侍郎今之翰林有十三年祭酒十五年侍郎者否卽某疏

中亦云前面執政無不愛臣豈有清公任事之人個個宰相愛之者乎其在南京全無忌憚奪工部印掌欲將舊內門殿盡數起蓋守備示以累朝不許修飾之旨方罷然南京城垣官署無不造作串通主事譚繼統乾沒錢糧無筭隨修隨壞獨國子監未修得至今在後繼統陞府特疏代乞藩臬如此可謂之清公任事否其在禮部凡事于理可行者故意執拘及政府權貴書至則不勝骨軟筋麻趨趨狐媚見正直司官聶范勛卿集卷一十三疏

雲翰田大年王編鄭友周等疾詞戾色全無人理見劉憲寵張嗣誠等則不勝眉開眼笑貓鼠同眠往時各王府請封打點衙門費千金公疏到卽立案不行文書卽刻批出不落書吏之手似爲本部革弊爲各藩省實其從此各藩差人必先賂某然後上疏如代府一事請帖盈街暮夜令家人招至宅內受銀萬兩故吏書一錢不得而某一網收盡矣憲寵嗣誠曲意逢迎故憲寵以冊庫員外陞儀郎轉京堂嗣誠以膳事

越次陞儀郎而同憲寵之例若王編則以嗣誠故困之不轉若吳用先段猷顯則以嗣誠故迫之轉外數翻曲折無不應手及林學曾到選某又囑之使陞嗣誠九年考滿仍陞京堂矣此可謂之清公任事否有人某以職方被劾者夤緣京卿某不顧公論不依資俸卽推延緩巡撫昨從其家來又輦財寶百餘車送某互相綰結營求崇文門員役可問也其人到京尚未見朝某卽囑林學曾躡次陪推太僕寺卿此可謂之清公任事否安疆臣請卹祠郎已立案某竟與題卹貽書索其交通內外賂賂數萬及堯臣跋扈喬璧星疏至卽抗章力言不可用兵致小醜橫行無忌近讀御史錢桓二疏良可痛悼此可謂之清公任事否陳用賓失印失地罪在不赦伊子斗昭餽某金珠數箱卽票旨住俸殺賊州縣等官被殺用賓匿不以聞沐昌祚疏至某尚票是否隱匿何昌祚不敢私其子某敢私用賓也此可謂之清公任事否密遣李維葵私通建夷

既不奏聞及言者指摘又欺 皇上曰差往遠東若劄差往遠東維葵何故徑至建州則維葵宜斬也若部劄差往建州又何敢說謊曰遠東則李某宜斬也且云與司官會議原非密遣從來祖宗法度各部差官卽賚糧長勘合紙張式樣等細事猶必題請况往外夷乎各官至大垣黃土倉之近亦必辭朝况入外夷乎若只憑腹心司官私議不必請 旨則司官亦可斬也從此以後各部事皆可私議而行不必題奏各部差官皆可以辭堂而去不必辭朝不知某欲置皇上于何地 皇上至聰至明卽此一端凡百膽大無君豈不了然某又云稍一振刷節制持文墨議論者隨其後則任事何若捱事之便制虜孰若媚虜之安夫建酋不貢二年未聞出一語已實捱事又說誰人捱事向者車價東虜不知也某以之啖東虜卽使貢不愆期將來貢者私自需索又復在外某政是媚寇又說誰人媚寇且維葵與東虜私講名曰車價安知所講

何事某曰逆形未著曰已赴鎮謝恩願來補貢補貢之說不見鎮撫之疏不知某何自知之人言某與鎮撫商量尅借軍需買求補貢暫拚目前不知必保東虜百年無事方可釋某開募之罪否則某死後斷棺僇屍亦不足以謝 宗廟矣然則某何止不公不清不任事耶總之某之立心極天下之貪而貌爲清極天下之至軟而貌爲硬極天下之私而貌爲公一片崖柴嘴臉假騙正士端人一副溜滾精神奉承權璫執政方首輔將去時某密托劉憲寵求爲薦已爲相首輔使家人李四送薦揭稿示某某留之卧內親自把盞陪飯綢繆異常遇一巨奄遣人送帖口稱千歲公公兩殿中書已奉 旨不許出差爲一中貴請托遂不候中書科手本徑爲張鳳音題差如此等事不一而足卽某自疏迂濶拘方蠢直狷狹等字安得久假也 本朝二百年來閣臣未有輿論不協吏部可列名第二欸者未有賴科道保舉點用者未有被頑鈍無耻之

劾假作聾子公然到任者先是有人比之王安石憤然不悅欲比薛瑄其後求爲安石之不可得昨辨言者疏又云所援以責臣者乃范仲淹歐陽修之名入借其詞而反其意又欲比范仲淹歐陽修頃疏又云臣死之後不欲使廩有餘粟篋有餘帛比諸葛亮真不知人間有羞耻事矣大抵某雖狼狽然觀其所處只欲停當後接已之人暫時不去必有去日猶不失首輔之傳至某決無抽身之理只一味放賴逞毒而已蓋范勛卿集卷一 疏

嘗總二人而細論之假柔者托之于庸人而庸狡之名實可以亂之假剛者托之于清介而清濁之名實可以亂之皆所謂第一奸人也然假柔之所托者藏身有餘故雖被人指摘杜請半年尚能矯情安坐假剛之所托者藏身無地纔一說破閉門十日便欲躁死此又第一奸中優劣之辨也從此奸輔之名不磨而臣言亦不磨矣臣言不磨死亦何恨激切待罪之至臣實甘之奉

聖旨

駁逆黨誣正疏

野史氏曰曾御史應瑞當逆璫亂政賊臣盈朝之時抗疏指摘邪黨扶陽抑陰持論甚正意所抨彈必忠賢呈秀與諸官子義孫言人所不敢言矣及詳閱其疏中所斥爲陰邪者乃首論鳳翼併姜公習孔孫公紹統毛公士龍張公愼言涂公一榛王公允成王公之宋併湯植齋馮少墟高景逸孫淇澳四先生一網打盡而且云范勛卿集卷一 疏

若輩清夜捫心想當愧死無地亟思自裁不知諸君子何罪而遭奇慘乃爾况以諸君子爲陰宜抑必以魏崔輩爲陽宜扶人之無良一至于此不知御史于逆璫敗後亦嘗清夜自捫其心否乃竟以行賄漏網而至今辱在仕路顏甲十重覲不爲耻嗟嗟悲夫曾爲要典總裁徐紹吉本房門生

自陳小疏

原任尚寶司少卿臣范某

奏爲敬因銓部諮訪之及細陳微臣迂拙之狀

以質 聖明以質輿論事臣竊惟人臣之事君也竭忠所以盡職廉退所以立身故在朝則慷慨據猷在野則歌咏太平如其身既隱矣而又嘒嘒自鳴跡涉干進臣竊耻之雖然臣子遭逢不世出之 聖主徒以自耳石隱遂含冤負屈不一剖白跡又涉於懟此又臣之所甚懼也然臣之所自剖者不過自鳴其迂拙併悉嫉臣者之爲何等人品而臣之心跡白矣臣叨中萬曆戊戌科二甲進士卽上疏辭州改教此途人多

范勛卿集

卷一

疏

疏

以爲捷徑而臣獨一璫十年始改戶部主事此臣迂拙之始事矣任曹倉二年纖毫無染吏部楊端潔時喬知臣拔之銓曹此臣魂夢所不及也吏部職掌例皆正郎爲政臣備員主事員外緘嘿盡諾稱盡職矣而臣不敢也佐主外計則臣鄉之墨吏爲臣所知者如杜廉等必處以考功法佐文選則林下諸賢爲臣所知者如顧憲成等推京卿高攀龍等推吏部佐考選則力爭周起元等俾居言路雖未必盡得 俞旨然啓

事及於烟霞言路收乎骨鯁駸駸陽長陰消而以此開罪匪入其所以謀逐臣者無虛日此臣迂拙之大者也臣雖羣矢攢集而冢臣孫丕揚曲爲保全護臣於衆人欲殺之時故臣得從容給假還里不然臣焚焚几上肉耳豈足供刀俎哉臣蠖伏林臯自庚戌至丁巳業已八年不在六年考察例矣而逆黨徐紹吉不難破 祖宗之令甲處以拾遺則諸奸所以眈眈臣者何所不至乎 泰昌之初君子道長濟濟師師特從

范勛卿集

卷一

疏

疏

田間改臣尚寶丞尋又陞少卿尋又推大理寺丞是時衆正盈廷無不望臣出山者當此之時臣如割裾而行可以立致卿貳獨以親老之故不敢出里門一步此又臣迂拙之大者也乙丑以來崔魏亂政總憲高攀龍曾糾崔呈秀按淮揚之貪狀疏中云出淮揚士民之口呈秀遂恨臣刺骨而台臣曾應瑞係徐紹吉本房門生魏璫之義孫也遂獻媚叅臣削奪矣夫臣當八月之凶既避弋而勇退卽七月之復亦褰裳而不

前林居十有八年似可相忘而猶不免若使臣
入春明一步不久從高忠憲於地下哉至於通
州亂民刼搶於臣尤纖毫無涉而知府徐伯徵
亦逆璫時曾加銜太僕卿者也受亂民重賄置
諸紳受訟者不問而獨以坐臣臺臣史堇遂朋
比入告豈不冤哉向使臣稍稍得罪鄉里當臣
寓京口寓白門時諸士民不應連臂渡江哭泣
奔迎矣夫始而論臣者為曾應瑞繼而論臣者
為徐伯徵史堇皆逆璫義孫也不則亦祖述逆

范勛卿集

卷一

三

疏

璫而衍其支脈者也則臣之心事固已白於天
壤矣臣之心事既白則稿首黃馘固有深幸而
又何求哉夫臣科分既深林居又久頃因吏部
起廢單中諮訪及臣若不明為剖白舉朝即知
其梗槩而未必悉其委曲故不嫌煩瀆吐露於
至尊之前以明迂拙之操至沒齒不敢替耳
伏乞 皇上勅下臣疏於部併質諸臺省公論
如一字涉虛治臣以虛妄之罪臣不勝激切待
命之至奉

聖旨

附酌放軍糧疏

戶部尚書趙世

奏

以全軍勸事臣卿體

有餘不足刻刻關心

所積蓄不過兩年半

倉主事范某揭帖言

爛之米至有六十萬

須軍遂喧囂不已恐

驚聞此事心更憂之

一面求兵部出示嚴

出示云爾營軍皆世

皇上天恩酌議每月

少乾多又許向通州

倉作將

細和乾糧之中不過

者皆一放盡矣有臣

如此真識力足以盡忠

大有造於倉庫者也臣不敢不奏聞之 皇上
而更有望于 皇上者乞 勅下二部將各
倉牆垣 蓋瓦墜雨者卽當鳩工修理乃可無
以前之患也臣念切重務恭聽遵 旨不勝惶
悚之至

范助卿全集卷之二

白狼山范鳳翼異羽著

記

重修四賢祠記

予嘗縱觀古今而知人固有以百年爲性命者功名富貴與幻身一時俱盡是也有以萬古爲性命者仁賢忠節不與幻身一時俱盡是也卽如吾通不至今祀我先文正公及胡翼之岳鵬舉文宋瑞四先生乎我先文正築捍海堤使通

范助卿集

卷一

二

泰瀕海數百里之民得免於魚而沮洳瀉鹵之地永食其利故祀之祀其爲民禦大灾捍大患者也翼之強學力行標準聖人業從祀孔廟然曾繇右文殿修撰出守吾通雖未久亦其過化地况可以從祀豈不可以特祠故祀之祀其從來守吾通者諸賢之冠也鵬舉則通泰鎮撫使楚州之役殺金高太保俘其酋長七十餘人還守通泰戰南瀾橋太敗金師江淮恃以無恐微鵬舉彼時安得有通故祀之祀其保障一方

范助卿集

卷一

二

有再造功德也宋瑞當元兵亂江南而繇真州入通繇通渡江從二王於流播艱辛險阻百折不回於吾通爲寓公者其賢無出先生右故祀之祀其勤王死忠生氣凜凜吾通蕞爾小邦亦曾辱君子之至於斯也先是嘉靖戊子已丑開判州事先給諫史公立模首倡於天寧寺之僧室祀我先文正與鵬舉榜之曰海邦遺愛甚盛舉也先輩陳司寇又於隆慶庚午率諸父老買寺東隙地爲堂三楹以妥二公之靈不至如曩昔與大士雜處以亂我邊豆且有文以紀其事文甚嫻祠名曰崇賢逮州大夫馬公有慶來復拓地合祀胡文二公更名曰四賢祠而祀典方益光且增聽事三楹爲朝賀燕息之所而瞻禮乃益衆則萬曆辛卯壬辰間事及今幾四十年於茲日就傾圯予不忍見况我先文正之遺像宛然顧漸爲風雨之所剝蝕予寧坐視之乎爰自捐貲請於州大夫董公公亦以贖贖佐之下吉命官鳩力庀材彰聞累基易蠹設色高廣堅

綴頓改舊觀更構小樓兩楹左偏以居僧之司香火者諸務具舉乃貌四先生如生都人士無不聚觀而勃興仰止之思感發忠義之性者予蓋因是而益信人不可以不知性命之學而性命之學不可以不亟講也人但知四先生儼然聚於一堂遂成百代殊絕人物至今不死而不知四先生皆有得於性命之學者也先文正之言曰吾儒之識去先王之經則茫乎無從矣但惟精惟一死生以之翼之爲先文正所薦以白

范勛卿集

卷一

三 記

衣入對皆根極理要及教授中外置經術治道兩齋研究性學以達其用彥秀多出其門鵬舉以忠義二字自涅而文官不愛錢武官不惜死之語遂爲萬古人臣炯鑒宋瑞罵賊死而衣帶中一贊云孔曰成仁孟子曰取義惟其義盡所以仁至讀聖賢書所學何事而今而後庶幾無媿則真無媿也然則四先生者非有得於性命之學而能若是乎哉嗟乎自天不祥宋而廟社陵寢皆淪亡於盜賊兵燹湮沉於冷風飄塵無從

憑弔而世之追思四先生者翬崇祠修俎亘凡有血氣莫不尊親比之朝家遣祠歷代帝王僅修故事者大不侔也何令人景仰至此哉若四先生者真以萬古爲性命而開吾通道學之途者也予故紀修祠緣起而併爲向學人勸云

大悲庵放生池記

大悲庵者豫章明禪師挂錫處也師杵降羅刹栢渡江淮來自海上樂其地遠囂塵波澄淨土于西郭敵臺外小結一袈裟朝鐘暮鼓以資焚

范勛卿集

卷一

四 記

修而已每念恒河之衆蠢癡業障糾纏宛結不可解縛稽首佛前願得現前受諸無量苦惱一切放之沆瀣之域游之忉利之天如是發願斯亦洪矣庵之左爲菜圃圃之側爲環池一方舊爲顧給諫地給諫騎箕後其太君馬暨諸令孥所惠捨以輔庵之勝先是太君修樊姑之業敬禮三寶師嘗受其供養至是通裴相捨宅之意捐在我不腆之壤茹菜以供行脚池水以活溼生其功德無量而余于放生之說重有感焉夫

生生之謂道。道隆于茂育，則其生機彌豐。故君
物者以政及之，道窮于瘁殘，則其生趣濇滅。故
父物者以心抹之，人相忘于道，魚相忘于水，大
地皆水也，大衆皆魚也。故觀魚之生，得衆生之
生。觀衆生之生，昔蒙莊得魚，我相忘之樂而不
啻神游之也。坡公負螺蛤湯火之痛，而又不啻
身試之也。作如是觀者，則天之下地之上，凡蠛
飛蠕動，蚊行蟻息，一切恒河之衆，洋洋發發，此
心卽是一池功德水矣。雖然，吾儒而王者亦有
范助卿集 卷一 五

三面之解有數畧之禁，其同體之憂患亦卹卹
然矣。啻大悲氏愛物之洪願也。第佛以兼愛爲
量，儒者以其所愛及其所不愛爲等，故以佛說
佛而佛之理愈深，不知以儒說佛而佛之旨尤
暢。師法演雙車道，通三教正不妨與師微言之
廣言之，又合言之于吾心，亦不覺得忘筌之解
矣。微師請亦樂爲之記。

通州西門創建世燈庵碑記

吾州之三垂皆有大刹或茶庵而西關當往來

之衝，顧獨無。每當炎夏，行道者暴烈日中，無從
得一滴稍救渴吻。時或風雨，叅方者以夜至，前
阻郭門，旁皇四顧，無所息跼。善信居士咸切悲
愍，擬建一庵以施茶溥濟。顧貲既無所出，而主
之者更難其人。因循未果，會居士馮傑徐倫王
大綬輩若而人朝謁名山，念所經行不下萬里，
所在叢林僧至若歸而吾州胡獨闕焉。於是益
理前念，焚香禪禱於韋馱期了此一段因果。而
僧智宗適自軍山來，智宗者太原人也。祝髮五
范助卿集 卷一 六

臺托鉢吾州卓錫，軍山之麓，戢身團蕉。六時禪
誦者業八年矣。會所栖爲積雨摧塌，暫止天寧
塢院。亦素蓄是念，宣言於衆，衆咸唯唯。和南曰
嘻，有是哉。殆是神啓，一何不謀而合。若此，於是
宗公乃立禪西關之衢，爲四十晝夜而檀施雲
集，或助或勸，約計三百餘金，買地一區於河之
干前，爲坊以施茶而濟道渴。後爲經堂爲禪室
爲庖廡之屬，以資焚修而栖行脚。咸謂宗公戒
律精嚴，四衆欽仰，宜主此庵。宗公笑曰：吾以了

吾一念已耳而王之是爲已地也老僧脚底頗
濶恐骷髏未必便埋此耳衆益高之頃寓書京
邸俾不佞記而勒石以示永永余惟此殊勝功
德而希有善事也安敢以不文辭或曰梁武以
人王之尊竭其財力造浮屠經像不可勝窮而
初祖達磨斥指爲有漏小果區區一庵所利益
幾何而迫欲爲之損閭左金錢耶余曰不然今
天下蘭若何翅億萬計卽兩京列刹相望鈴鐸
相聞而今皇太后又時時創建而增飭之且

范勛卿集

卷一

七

記

初祖之意所以醒梁武而使求之心耳如泥其
言必遍閭浮提無一梵刹如來何以標象教而
演慈仁衆生何以生信心而切皈依若夫刹之
大小顧其願力何如而功德則一耳不佞俸入
頗薄何足寄助聊爲記之以比於讚歎功德云
是役也興于庚戌之春竣于甲寅之秋其輸金
姓名悉列碑陰

范助卿文集卷之一

序

白狼山范鳳翼異羽著

賀右司馬親家行可吳公暨親母寶淑人
七十雙壽序

天欲祐人國必有皤皤黃髮純德不二之臣三
壽作朋以培元氣而奠天子之邦其家之用昌
亦必有令妻壽母耦德齊年而後室家之壺永
錫祚胤此其說莫辨於易易說卦曰乾爲天爲

范助卿集

卷一

序

君坤爲地爲母乾利飛龍君象也坤利牝馬臣
象也文言曰地道也妻道也臣道也無成而代
有終也臣道無成代君有終妻道無成代夫有
終地承天臣承君妻承夫其道一也傳曰道之
精以治身其緒餘以爲天下國家夫爲國而祈
天永命爲身而長生久視爲家而保世滋大克
昌厥後壽孰大焉然其道在澹與寧勤與嗇而
總歸之于無欲而虛無營而平而已虛故無畔
援無歆羨苑枯不捐其和平故無町畦無崖異

構閭不煎其府是道也蓋臣得之以贊化樞淑
媛得之以襄閭政壽身壽家壽國壽民皆是物
也則右司馬濡須吳公寶淑人其人已公辛丑
起家其官自邑宰郎署藩臬長貳奉常司農司
馬凡十二政無所不周歷其地自二京山海河
洛關隴五湖三江兩浙幾千萬里無所不馳驅
其宦蹟自字民察吏屯田職方錢穀禮樂兵刑
節鉞督餉詰戎無所不瞻舉至問公治狀則羔
絲其心鳳鸞其政運斤游刃其材霖澍露膏其

范助卿集

卷一

二

序

澤瓜置梁胡床挂壁餞以一杯水歸裝惟圖籍
何清也禁庭熟視問及溫室樹不應亂以他辭
車前之馬數而後對何慎也夙夜在公星以出
星以入朝考其職畫講其政夕序其業何勤也
而體備四氣用具三德可畏不可疏可親不可
狎其於士大夫恂恂爾無蘄絕嚴冷之容然務
在接引成就集思廣益不得以私干也其於民
悶悶然不爲沽恩干譽然信孚豚魚德化豺虎
無煩擾獄市也其於事孳孳爾不憚剔蠹釐奸

然稽典章詢輿論順人之欲與之更始不以已
意忝也其於胥史僕隸穆爾不大聲以色不
長夏以革然引繩批根威於鈇鉞無敢佚于軌
也以故所在居富去思尸祝之社稷之不翅畏
壘之於庚桑南國之於召奭矣然公勞於撫民
而拙於逢貴周於恪職而嗇於取名故選不與
臺諫卽不及銓曹敝歷中外自藩而臬自左伯
而容臺開府皆隨牒序進循級而登非超等殊
尤之拜會公以憂去復用薦起擢部憲督留儲

范勛卿集

卷一

三

序

特簡貳本兵 上若曰維爾念民蠲逋時征遠
近貢篚實均實盈是用陟爾左圻爰叶台極
簡稽詰禁王旅維式駸駸柄用有日矣乃公循
墻偃僂若弗克勝三揖而進一辭而退六疏乞
休惇懇篤摯庶幾乎保身見幾獲免於矰繳弛
於負擔之爲快也者夫非淡位寡欲虛平無營
之明驗與夫 上之禮公無改於初也公之年
未及懸車也終日行不離輜重人亡得而瑕瑜
也且以其未老之身超然遠引鼎鉉在前棄若

敝屣 上亦憐其私不忍奪其志 錫之溫旨

許奏薦起用非公之恬素修謹葵 帝心而乎
物譽曷以臻此蓋迹公出處占在易之漸爻矣
初之于干義無咎也公令仁和之日也二之于
磐不素飽也公卽二署之日也三之于陸順相
保也公觀察旬宣之日也四之于木或得其桷
順以翼也公典禮司會折衝禦侮之日也五之
于陵得所願也公乞骸遂初之日也至于今則
于達之羽可用爲儀吉不可亂其居德善俗之

范勛卿集

卷一

四

序

日乎天與公以才而用之不盡天不限公以位
而遜之不居于世故無嬰于物情無競人亡所
誨妒天亡所取忌壽不亦宜乎或曰公之急流
勇退竇淑人實成之微淑人黽勉御窮裴葛偕
隱卽無北門室謫獨不爲子孫地乎東山捉鼻
政自不免公雖不爲爵祿廉詎能忘情于伉儷
凡公仕而秉葦銚鑰隱而樂縞綦事居送往收
族卹隣淑人有相之道焉其持三寶屏六賊亦
猶之公也今偕老聞健振振公姓日以吉祥善

事歡樂之豈惟人事亦天道云淑人壽以冬之
暢月公壽以臈之幾望冬之爲言中也中者藏
也臈之爲言接也新故交接也天地之中氣不
藏不固貞下起元送故接新終復爲始火傳也
不知其盡也孰窮其筭乎秣陵爲豐鎬舊都余
與公同稱寓公幸以嫺姻之末從公後塵公方
以鳳臺爲鹿門以鷺洲爲鑑湖以牛首燕磯爲
香山河洛余卽年未及格乎敢竊比狄兼暮司
馬君實之例廁九老耆英之社今日躋公堂稱
范勛卿集 卷一 五 序

兕觥介眉壽無疆亦猶幽風之舊也寧獨兄弟
婚姻之母相遠哉

岳翁王文泗公七十壽序

崇禎壬申之歲二月廿有四日爲予岳翁文泗
翁七十覽揆之辰花明麗月鳥哢芳園桃夭天
而始華蘭猗猗而擢秀凡茲宗閭周親無不陳
牢醴羔帛而歌南山天保之章以侈其事以予
不肖某之忝爲子婿且三十年于茲感念荆人
故情彌切能無一言以付勺者予觀三晉土風

控帶四塞椎俗少文時有大商巨賈雄于貲而
號素封者不知詩書爲何物予外王父之商于
維揚也唾手巨萬豈不稱豪長者而日僕僕什
一卽一經之于滿籬夫寧肯以彼易此惟岳
翁芝草無根生有異質自羈游卽庠經藉攻制
藝食餘學宮尋以選舉賓于上國共擬巍科拾
芥彼家人生產豈顧問哉自讀書外日具甘髓
以奉兩尊人歡事王母如父事諸庶母如母眠
兄及諸女弟無異同胞叔岳上舍公早世極力

范勛卿集

卷一

六

序

撫其藐孤而所以撫叔岳叔陽兄弟于幼穉在
其王父棄養之後者情聯義篤善處存沒終始
之間而潛消閱牆在原之變喟可不謂難哉予
岳母曹孺人梱範儼然大家足令昭天子召入
師模后妃而嗣荒遲暮性疑憤悃岳翁則相敬
如賓肅若朝典終無迂拂又能使拮据年長之
姬終其身侍主母之前不敢稍有倦怠之色喟
又可謂難哉君子曰孝友刑于是可以施有
政而御家邦矣予承乏銓曹時偶以採薪謝事

岳翁適入爲選人主爵得其試牘奇之遂除貳
德州守至則三事當官大有惠政尤以水蘂獲
上心陳撫軍畢直指皆特薦于朝署州篆循聲
益起其鄉紳若謝冢宰王司馬程中丞皆亟稱
之以卽真爲一方福曜尋以異等陞轉運司判
蓋殊擢也亡何而忌者至遂得左遷則飄然解
綬角巾歸第著梁竦之七序足以慙竊位之人
傷逢萌之三網可以明遠害之哲而橐中奉入
所餘故無幾何惟是小築別墅蒔花酌月洒濯

范勛卿集

卷一

七

序

神明而室無多勝門鮮雜賓時復左羽流右緇
禿共談西方聖人及喬松之道適然會心以故
居若畏壘養似木鷄天愈全而神逾王夫以和
引和久視之術也以恬養恬更老之義也後天
地而凋三光直可坐致何區區大齊之足云或
以蘭夢未徵若見畸于造物予則日後起得天
乃更取羸于造物頃七十不異五十許人若舉
子而冠而婚而成名岳翁其未老也予以恢弘
詩書之緒榮施于無窮可操券俟矣時登堂勺

斗者自王氏戚族外與予同子婿行則陳子至
自蒲版袁子至自豫章皆茂才時雋試以予言
質之僉曰子之言核而當質而不浮是足以爲
岳翁壽矣計岳母之設悅卽來歲正月是日不
肖某又當操管以賡之

爲宋汝雍先生八十徵詩序

若論古者事親厥惟備禮綜之紛鵬繁瑣靡物
弗周微而無聲無形是念必合顧不聞誕辰爲
壽亦不待系紀而觴試繇宋唐以遡漢秦詩文

范勛卿集

卷一

八

序

不少槩見豈有闕文也而今獨盡志耶桃三熟
而藥九還後人世之所莫必敦百行而杓千古
夸哲聖之所難兼祗爲佞而已曾足述乎哉雖
然世態之降真純已滿古也殫至性以承歡故
實不載僞今也聚衆順以爲悅故文生於情要
惟人子之安誰云忠信之薄矧壽親者必擇其
人之能言庸取于誕爲壽言者必擇其人之得
當諒不爲諛夫惟誠服于心自爾不啻其口惟
我汝雍先生才華越絕性韻清真徐徐于于微

寧緩而勿急兢兢業業玉比潤而無疵息至人心具壽者相以彼八十老詞人望既素隆于北斗凡我二三同志者頌可無效于南山偕述短言代謁高唱

壽凌公二永暨元配顧孺人六十序

蓋吾通名族必以凌顧二姓爲稱首云頃歲丙子仲夏凌公二永偕顧孺人六十壽二永乃凌大中丞芹溪先生苗裔孺人又顧海涯先生女孫固君受茂才之兩尊人也家慶駢臻里閭俊

范勛卿集

卷一

九

序

爲盛事君受門下士如家季鳳彩兒國祐方擬所以壽翁媼而同著錄弟子籍則陳生有慶顧生瑄凌生泰運陳生光庚馬生世蔭輩且馳書千里諏不腆之辭于金陵寓公不佞不佞竊惟先子與君受先王父圖南先生同硯席君受又辱臨西席幾及念年于茲通家親串稔知翁媼質行懿范者竟無逾不佞其能以文辭按二永其人殆良賈之深藏若虛而兼君子之盛德若愚者也少奉圖南先生之訓業儒而坐數奇輒

范勛卿集

卷一

十

序

棄去天爵自貴素仕不升然其人故長者行恭而言敦不樂爲論訛置兢以求勝于俗卽稍事貿遷時羸縮而息之非其好也又輒棄去說者謂公有隱操焉亦惟是孝弟力田與孺人理其家政費用力饒昕夕養志以承圖南先生及母夫人之歡孺人則手治旨醴髓滌以娛其老無倦公既守祖宗慶澤載新堂構父子衍衍名能爲忠厚善繼有古萬石風孺人則孝慈惠和澹衣儉于葛覃祀事修其蘋蘩醯醬鹽豉罔食新者每盥櫛後手不釋絲枲爲諸獲先瑜珥統綺弗以御至與公白首相莊罔失德耀遺軌爰迓天休舉丈夫子四諸孫亦復林林猗歟盛哉而未也君受公之冢嗣雋才洞靈器量弘曠自其髮未燥圖南先生業深奇之以謂大吾宗者緊惟此子顧雖審戚無俟捶成豈素族不教而興乎假令公紬于治生靡能寬圖南先生于內顧亦安能課若孫以庸玉于成惟公既自憾揣摩不克就遂厚橐父書以授君受曰蚌沉枯岸而

產照軫之珠璞隱崑崙而種潤山之玉見其勉
旃以匡我不逮而無忝爾祖可哉時孺人又深
得君受婦之賢爲叅知陳竹坪先生女孫共爲
內助君受乃稽首拜翁媼之命從王父受經數
淡攻苦薦蓂六藝漁獵九流富有日新蔚爲碩
彥計日祿逮翁媼而上之如券徵責猗歟盛哉
不佞又何辭爲翁媼祝聞之神仙家言如劉綱
與樊夫人呪樹繫虎夫婦以仙術相鬪戲無異
方平以頃刻致餘杭酒而麻姑亦撒米擲地成
范助卿集 卷一 十一 序

珠以驚凡俗皆誕妄事不足以辱勺者卽龐公
隱峴山之南夫耕妻耘所造就安而去危亦于
翁媼無難事惟請語君受亟稱兩尊人決策拔
幟秋闈遂奏南宮之捷仰副 今皇帝側席求
賢不次柄用以受于過庭者樹駿以佐中興使
天下推本翁媼聲施無窮而綸綍相望前賁後
延翁媼當亦豫悅且康大齊可至而歌白雲誦
黃竹稱天保之卒章賦假樂之令德者當以不
腆之辭爲前茅矣猗歟盛哉

壽丁母八十序 令子爲渭濱文學

逞孺人七十時予嘗從里中學士先生後修不
腆之詞以授酌者以謂曩者丁太公子成曹任
無害當道恃爲左右手終歲不遑一家食孺人
代夫孝養其姑甘毳之供晨夕罔弗虔人謂孺
人匪婦則子太公故機穎嗜學數奇弗售于有
司以翰墨自娛稍稍行其申韓之術中懷惓鬱
弗自慊而伯子仁甫仲子兆甫各負雋才太公
幾其成不遑課子孺人慈令肅于嚴師庸王于
范助卿集 卷一 十二 序

成如券徵責太公夙志不自遂而求遂于其子
又不能自遂于其子而孺人爲遂之人謂孺人
匪母則父太公三十年于外伯仲又下帷攻苦
一切家務勅弗以聞孺人繩裁尺量井然咸理
而又穆然無所事人謂孺人匪婦人則丈夫
子蓋子曩所爲疏孺人之賢而徵孺人之壽者
爾爾殊不足以盡孺人子與伯仲居比隣髫髻
時同授業先世父爲通家讀書之暇時侍孺人
且童心憨甚與伯仲爲鳩車竹馬之游向孺人

索梨栗酒食無次孺人未嘗不時給善視之卽
綰髮後三十年于茲猶得從伯仲修觀謁禮以
故習孺人者莫予若猥云養姑課子克理其家
已耳是奚足哉予乃今而竊窺孺人之情性不
徒以其行事而孺人溫粹貞夷惟輦笑無假而
整暇和恬罔弗協于中外姑素性嚴急孺人服
事惟謹無稍燕惰卒得其驩心乃至六戚五屬
下及庸奴厮賤靡不情聯恩逮各厭乃心又躬
親鉅鉞治解之業以爲諸婦先俾壺政靡少紕

范勛卿集

卷一

十三

序

繆蓋其德柔嘉故咸宜而無間其德靜正故勤
約而不逾夫地道柔祇坤維靜專厥唯婦則齒
敝舌存異流艮止厥惟壽徵况伯子綽有父風
諸當道徵獎其才無虛日仲子卓犖諸生間拾
青紫當如芥諸孫鵲起仲父瞻視非常曄曄有
文譽尤是可兒孺人享祿養而引遐齡曷其有
極孺人今八十矣善七筓不異七十時卽由此
百歲亦不異今八十時也予又將操觚而遲之

三弟華羽七十壽序

古者老年人其家之子若孫及閭眷惟周物備
禮不敢違老人之心不敢拂老人之用南陔之
孝養曷增爾虔白華之潔已莫之點辱華黍則
畜積無致于缺由庚則陰陽必由其道崇丘則
萬物必遂其性由儀則萬物無失其理此皆孝
子所以事親初不聞誕辰爲壽而晚季獨欲盡
志于浮文桃三熟而藥九還敦百行而杓千古
祇爲佞而已乎哉然古也殫至性以承歡今也
聚衆順以爲悅頃吾三弟華羽古稀余切心喜

范勛卿集

卷一

十四

序

而走筆作序以志祝焉實則三弟久已先避于
遠鄉其孝孫亦仰體其迢俗之意不欲諷不腆
之辭余又何辭之有而非也余老憊不能肆力
于筆札乃遂于十七日燈下特作三弟壽章此
何以故三弟雖一布衣而才識非凡褻躬質行
絕不諛訛囂競同求勝于俗里惟是孝弟力田
初非守祖宗慶澤又耻爲羸縮賔遷而靜居
理其家政并課子若孫庸玉于成以繩祖武雖
一子坐數奇以諸生去世而兩孫奉訓攻書殆

如陳羣兒可起吾門者矣。大端三弟有勤修存
隱操焉。是吾之所深喜。真能以一布衣處士有
似峴山龐公。就安而去危者。尚遠過于青紫尋
常輩耳。夫去凡以宥正靈安神以膺嘉運。計七
十以後。將壽同金石。吾兄弟永言純嘏。共勺升
以頌南山壽。猗歟盛哉。

贈沙小庵暨陳孺人六表序

吾郡東距七十里爲石港場。場故多宋元世俗
而沙先世汝器爲元少司徒逮我高皇帝蕩

范勛卿集

卷一

十五

序

掃胡塵釐飭綱紀沙致忠公時爲禮丞與有贊
襄功以故沙於吾通爲姓最著余甫垂髫則習
聞家君嘖嘖嘆沙小庵爲篤行君子有先世風
今夏五月小石臣君仰庵陳君輩函書馳幣走
燕邸請曰小庵公與其配陳孺人偕壽六表敢
微惠一言爲贈余念家君與翁爲通家何能以
不文辭翁少業儒未竟而隱于商夫商賈之行
類逐奇贏角什一斤斤乎操其勝于人耳目外
而不免以人損損天翁雖游于商乎顧名商而

實則儒蓋翁植性方毅宅衷真淳敦倫服義履
繩蹈矩不染世俗紛華之習而陳孺人出名家
佐以勤日督臧獲理綌綌女紅內外政並犁然
就理用是家業日隆隆起語曰人富而仁義附
焉翁故好行其德不伐其善凡有一切靡不就
翁爲祭酒不平者爲之排解指誨靡不唯唯受
命昨者余奉上命往遠左便道歸覲時與翁譚
及時務則洞悉時務旁及裨官野史則洞悉裨
官野史余退而告家君曰沙翁者寧獨篤行君

范勛卿集

卷一

十六

序

子哉蓋彬彬乎質有其文者也且韶顏皓髮步
履軒矯與陳孺人並能強飯此非所謂壽徵哉
吾郡前有五狼後有鍾秀而石港場周廻襟帶
地勢綿亘邇來黃髮台背之輩往往游于市而
人不識沙翁非其人歟佇看諸子姓以商振其
家聲而以儒術光大其先世司徒禮丞之業百
順駢臻壽域遐暢則踰髦髦以抵於期頤何疑
哉何疑哉行且葭莩之戚冠蓋之倫爲翁與孺
人稱觴上百歲偕壽余敢靳華封之祝也耶是

爲序

賢庶母黃宜人六十壽序

夫惟閨門闢王化故自姜嫄以至太姒代有懿德猗歟盛哉王化旣衰而思媚嗣徽之風藐矣曹大家之女誠張華之女史箴猶垂訓不無上行而下效者先嚴每爲不孝頌先慈尹安人有士德孝事皇祖考妣勿逆勿怠至力輔繁務扶顛振貧居然家相矣後先慈去世不孝鳳翼方曲體先嚴有意于芝根醴源幸行媒已先容于

范勛卿集

卷一

十七

序

黃宜人其才德實足以佐家政未易得也時先嚴謁選獨寓京師不孝同先室王安人赴闕遂求載宜人至京以慰先嚴孤寂之際宜人則黃御史之遺族威儀矜莊不事飭容而清淑飭性克嫺利女貞而內爰觴重焉其奉事先嚴能致水陸旨甘滌髓以代先室王安人爲不孝置酒以奉懽膝下且其裋躬秉德貞靜儉勤力作女紅緝緝洗無息及先嚴作縣仁和清約解組而歸猶好行其德于鄉及族宜人亦常脫簪珥市

范勛卿集

卷一

十八

序

酒脯以進吾各房及奇貧諸姊妹且市香襦錦繡以佐各嫁娶之資及諸小兒誰不感德然最可憐五弟鳳彩十三歲卽背先嚴宜人先是終日夕教讀以致精舉子業且養志率訓敦倫樹義庸玉于成且不徒務文而性成純孝與予異胞同心立卜其成身成親因重其親能教子而數奇不夭傷哉夭折不遑將母可憐宜人無刻刻不簌簌涕下也其教媳未能執婦道近亦不復以閨房之秀望之顧家婦何也予正念冲庵先生之女孫爲鳳彩象賢之匹婦望宜人只得

耳予惟以家人家常道語比于悼史實實以揚
希宜人之間德能遵先慈之家法能慰先嚴之
陰思則吾望其永錫爾類降爾遐福惟日不足
矣先嚴有靈知不孝有文爲宜人致祝豈不亦
大媿快哉

范助卿文集卷之二

白狼山范鳳翼異羽著

序

左抄序

後六經而能爲創者左也莊也騷也司馬氏也若夫左則當聖人之時而能爲創者也文非聖人所尚而亦聖人所不廢春秋爲經左史爲傳仲尼筆削舊史左氏亦筆削舊史說者謂仲尼作春秋游夏不能贊一辭愚謂左氏作傳卽游

范助卿集

卷二

一

叙

夏亦未得贊一辭也春秋爲仲尼孤行之書左傳亦丘明孤行之書也予嘗謂質勝則野文勝則史又謂先進則野用則從先夫質莫質於春秋文莫文於左史仲尼每重質而願從野乃槩以文歸史焉推其意若憾史氏之文凋天地之樸未始不贊史氏之文開宇宙之華也六經而後經緯天地之文左氏庶幾載焉聖人安能廢之莊周曰春秋經世先王之志周讀春秋則必讀左氏屈原稱引堯禹湯文以及齊桓管仲而

不及孔子則亦不知有左氏司馬遷曰左氏失明厥有國語蓋左傳厄於秦火最後出彼公穀氏且先立學宮矣王弼州謂司馬氏止見國語未及見左傳此言或信然而三君子者無論及見左氏不及見左氏皆能爲創者也若夫後之君子無論能爲創不能爲創未有不讀左氏者也左氏爲千古必讀之書而千古讀左氏之法則人或異矣杜氏有釋例孔氏有正義蘇氏有集解其餘注疏訓詁自漢迄明指不勝屈近代

范助卿集

卷二

二

叙

汪伯玉氏有節文劉介夫氏有列傳李本寧氏有讀法孫文融氏有左茭相與擘畫丹鉛各存所見皆以左氏之文也而伯玉氏之自評其節文也謂猶旅幣之有特達也戎行之有選鋒也予友王從龍氏貫徹經傳爰取節文廣訂之就商于余疑義共析生面重開雖染指乎而全鼎之味具在况實厭飫其豐腴也哉左氏之文諸家膾炙而近日京山郝楚望氏刪之而爲新語謂其堂堂不足而鼎鼎有餘其縱橫不如國策

揚推不如莊周洗洋不如史遷敘事紆曲裝綴
細瑣而時或散漫不收修飾邊幅而踟躕傷氣
牽帥附會而浮夸傷理繇郝氏之言觀之是亦
昔人左氏膏肓柳氏非國語之意夫江河之腐
齒不可勝數然祭者汲焉大故厭左氏之脂髓
而拾其小疵猶酌江河而疑其穢濁也豈可乎
哉余故重梓是抄而與學者共之夫讀全書者
疑其無端倪徒見光芒陸離不可嚮邇乍典乍
諧或詭或經不得窺其崖岸孰若取是編詳而

范勛卿集

卷二

三

叙

重刻說莊序

莊子明道救時之書也其言祖尚虛無推明道
德之意故敘天下方術獨首老子於百家之上
不及孔子不及孔子者尊孔子也其曰哀公曰
德友曰魯國之儒一人曰以天爲宗以德爲本
以道爲門兆於變化謂之聖人尊之也間借以

救時而詆之則楚僕操筆之說也與孟子同時
而篇中不及孟子孟子亦不及莊子非交相鑿
也孟子闢墨莊子亦非墨蓋其時處士橫議人
各自爲方以相薦擢道術將爲天下裂故昌言
排之其救世婆心一也焦弱侯先生曰老子之
有莊子猶孔子之有孟子知言哉古今註莊子
者無慮數十家言人人殊大都以向郭爲宗子
玄而外則呂吉甫註李元卓論褚伯秀管見羅
勉道循本獨著其著內篇者王元澤趙以夫也

范勛卿集

卷二

四

叙

著外篇雜篇者劉棻也或禘內篇或祧雜篇外
篇以下無譏焉則弱侯所云斷斷乎非蒙莊不
能作也然內篇之旨精奧神奇首尾聯絡如貫
珠而解者支離穿鑿鮮有定其指歸通其條貫
者若夫源流窮源繇根達枝則無如李湘洲先
生說莊之有倫有脊獨得玄珠三昧也夫逍遙
游者心有天游也借鯤鵬神人以廓開眼界蕩
豁心胸廣已而造大也大則無待無待則化無
用爲有用所謂乘雲氣御飛龍而游乎四海之

外安往而不逍遙哉故受之以齊物齊物者心之大齊也喪我忘耦是非路絕知既無知辯又誰辯齊生死齊夢覺周蝶兩化又何物論之紛如其有真君真宰存焉所繇一也故受之以養生至主者心之真主也養生之經離物觀我游虛立獨故得全於天火傳而不知其盡可以寓諸無竟矣故受之以人間世人間世者心之寓也至人游世無事爲事不用爲用不聽以心而聽以氣氣者虛而待物者也集虛心齋是以坐

范勛卿集

卷二

五

叙

忘是謂至德故受之以德充符德充則道化善生善死不死游於物之所不得遁而存是人而天也故受之以大宗師大宗師則無爲矣無爲而無不爲歸復原本道法自然此之謂不測此之謂無朕故以應帝王終焉總之逍遙游終寢卧以卧得游齊物論終蝶化以化得齊養生主終於未嘗有生以無生得養人間世終無用以無得世德充符終於不益生以不益得充大宗師終坐忘以忘得師應帝王終混沌以混

沌得帝七篇之始鯁鵬化終混沌死以死得化皆虛無之義也虛化神神化氣氣化道道化無爲老氏之所貴盡此矣無可復言矣蓋道以言明亦以言晦言以說明亦以說晦莊生不得已而有言以折百氏之紛綸故其言連編而不傷先生不得已而有說以剖諸家之同異故其說大通而無礙則謂先生之說莊爲衆說邪也可說莊而外有李宗謙南華膚解鄭孔肩測莊譚埽庵莊騷二學皆自出手眼扼要爭奇發前人

范勛卿集

卷二

六

叙

所未發者而譚子又曰莊子不必注意盡于七篇其外篇雜篇皆內篇註脚按之無不合者又一奇也惜乎與膚解測莊說莊俱晚出不獲見收弱侯莊翼缺焉故於序說莊併及之

楚辭解註序

靈均謫仙人也現忠臣身而說法彼其徘徊於庸君亂臣之側而獨寄志塵垢之表植法界之名花以爲僕妾擷日月之光華以代服食取江漢之雲嵐以濯纓裳結神人之襟裾以代寤寐

彼懷襄之主皆凡胎也而不能自治其國與奸
佞之魔伍永其墜陷屈之文心道骨寧堪浮沉
其間若其始之降人間也必與其主有靈山香
火之緣故捨富貴而撻貞蓋體造化而撰文章
勸引諷誘著爲離騷歌辨之詞以寓思君愛國
之意至沉墜魚腹而不悔嗟乎君臣者萬古之
君臣也古至人出世每每不空行亦各標一極
則以立人間榜樣耳若其不忘好修不忘宗國
怨慕哀號自甘淪放而極爲幽奇怪幻之言曲

范勛卿集

卷二

七

叙

寫輪囷高渺之致使後世之人讀之略不得其
津畔而槩之曰忠也忠也而屈氏之微意遠矣
莫可測矣遐想當年一篇之中三致意焉自舜
文湯禹姜舜管伍皆世法中聖賢也而藉之以
立教其所寄思者則宓妃佚女二姚以至天地
之外宇宙之間莫非其劍珮步履之所從遐哉
邈乎若夫雲中君大司命湘夫人皆神仙中人
也而詹尹湘潭漁父之屬又皆其導師乎遠遊
之篇曰道可愛兮不可傳其小無內兮其大無

垠無涯滑而魂兮彼將自然壹氣孔神今于中
夜存虛以待之兮無爲之先嗟乎古人有是言
必有是事余是以知靈均氏之爲真仙人而其
所言皆性命之秘訣接受有自來也然則何以
從彭咸之所居乎夫彭咸水仙率河伯滕文魚
以迎之况至人入水不濡何至令後之人乎汨
羅之鬼乎余是以知古之爲仙人者未有不文
章而忠孝者也讀真誥見周文王伯夷許繇仲
尼俱環治天上列位星辰况屈子之彰彰而願

范勛卿集

卷二

八

叙

學者乎古之讀騷者謂國風好色小雅怨誹屈
氏兼之不淫不亂爲辭賦宗衣被千古而余獨
以王氏之篇反覆讀之而恍然於文章忠孝之
人皆神仙也則以其削訓詁註疏而獨存本來
面目令人各從一見入是讀離騷之法也是讀
書之法也

樂府古題要解序

詩迄於周騷迄於楚樂府肇於西漢所從來矣
蓋漢承秦後去古未遠內有唐山夫人爾雅之

辭外有張蒼善律曆吹律調樂高帝起豐沛樂楚聲房中詞樂皆楚聲樂其所自生也孝惠二年使樂令夏寬備其簫管更名安世復令歌兒習三侯之章吹祭原廟文景因之禮官肄業漢家一代音聲實自蒼始迨于孝武議郊祀禮始立樂官采詩命司馬長卿輩造爲歌辭用之甘泉園丘協律李延年典之樂府之名所由起也其後鐃歌鼓吹橫吹相和平調清調瑟調通謂之樂府然韶響難追鄭聲易啓詩聲俱鄭總萃

兢唐史官方直寡諧其誤天后實錄書張說魏元忠事不爲陰祈曲筆時以方董狐則其解樂府古題當有證據不虛矣然房中之曲郊廟之章與夫琴操古歌謠槩未之及豈其時競新聲恐卧古樂而於左克明郭茂倩之所編纂者世不相及耶余攷文淵閣書目有樂府解題七冊廣題一冊不知作者何人而雲間徐伯臣獻忠有樂府原其排綴纂釋與吳解大同小異亦詳亦核余友薛千仞復云舊有沈隱侯樂府解

女誠題辭

王化始於閨門成周之興姜嫄姜女太姒代有懿德諸侯之妃大夫士之妻下逮里婦則而象之周首二南凡二十有五章出閨門至於既醉太平王道已備其亂曰釐爾女士言女之有士德者子孫率之可安國家也王化衰賢者

思之其詩曰彼君子兮綱直如髮言其性情密綴操行正直如髮之本末無隆殺也女德闢乎國運聖人得不重其教乎至於晨牝索家長舌階厲彼思媚嗣微之風藐矣其不克嫻於叔季世之女子矣張華作女史箴其言莊嚴其旨諷諫與家人之繇互相發明家人之辭曰利女貞而內爰皆綺重女則以家之興衰起於帷第何可不慎箴曰人咸知飾其容而莫知飾其性性之不飾或愆禮正則父母之教宜先而齊家之

范勛卿集

卷二

十一

叙

本有在也余往侍先慈尹安人今奉庶母黃宜人竊見提躬持訓必貞必慎閭閻懿行中外昭著暨先室王安人冢媳袁氏凜然以端莊鎮靜爲家法一步一趨無不與斯誠相符上行而下必效誠哉誠可傳也余居鄉雖無治人之責而不敢不述教人之道較鐫曹大家女誡以貽我父老子弟使訓其內俾窈窕淑女皆能宜其家室比屋可封太和在成周宇宙間是亦士大夫助風化之願也惟廣傳勿靳其可

經絡圖說序

余素稟危脆嘗肆力於折肱家言越自乙巳奉先慈之諱摧毀幾不復生托命藥畏雖身歷憂虞之途而神全伸絀之外彼二豎亦無能難余者蓋此道固黃帝以來一體萬物之至仁而不假權位之真經濟也况先慈之歿痛悔未視含斂而余大人春秋高又何忍割裾從宦是以庚戌歸田十四年雖朝命召起者三靡一朝忍離膝下時時揣摩此道以幾大人遐齡乃今年正

范勛卿集

卷二

十二

叙

月之夕而大人疾作矣其氣薄厥其筋脉輭縮而最怵人者目不睜而口不語遂至浹旬余暨家人不知所措惟有長潛承膝已耳因檢內經人有重身九月瘖者帝問何以治之曰無治也十月而復又史稱趙簡子五日不知人而秦越人以爲血脉治何怪果不出三日有間矣余始悟老人心胞絡繫于腎少陰脉貫腎繫舌本腎弱不能言無足深異惟是用乎補法理其經絡一月而蘇漸能七竅能言悉哉乎醫之不可不

曙於經絡也。天有八紀，地有五理，人身有經絡。則陰陽之道路，瘕結之制會，繆刺之大鄉導也。人有奇病，必先有奇邪，側於經絡之間，良工取之拙者，疑殆此之不可不謹廩也。夫天下一大身也，由官府及荒要，又及邊徼，襍合合離，畛分星布，必有物焉，微入於竅，卻以消其形變而筭之。靈長一大經絡也，腥羴扇虐，跋扈蜂起，守臣鼠竄，猋駢若盧醫之却走而不知病在支節，湯熨可及也。若羣奸設弄，浮議浸淫，清流黨錮賢

范勛卿集

卷二

三

叙

士無名，則病在血脉矣。然鍼石可及也，政本之地爲中正，決斷之官若見佞而眸如水，聞忠而耳似聾，或壹意庇邪，而以陰螫暗滋其兇惡，或百計醜正，而以媚嫉漸削其真元，則病在肺腸矣。然酒醪之蕩滌，烏附之剗劑，積結亦未始不可通也。權歸婦寺，則病在骨髓，漸成天昏，淨府塞鬼門開矣。此不從支節，不從血脉，直從肺腸日久，納邪之所，馴致治之不可不早治也。余旣秘傳經絡圖說，排續載四正譌，究微鏤板，以分

天下之爲醫者，而并以告天下之醫國者，蓋以願吾親者，而願吾君亦草野賤臣，無從洒其熱血而托之乎，僅僅云爾。

外科正宗序

醫和有言：上醫醫國，其次及人，予家文正先生亦云：士人不爲良相，則爲良醫，此寧詎惠施之多暨云爾。蓋經綸作用，實庶幾焉。辨物性之溫涼，審藥力之佐使，湯熨鐵石，悉中竅曲，參苓洩瀉，並篤甄收，則公旦周官之制也。節宣物候，保

范勛卿集

卷二

十四

叙

合大和察六氣，而論順逆，參四運以識吉凶，將使凝泣母堅，蘊隆不亢，則子陽牛喘之問也。妙六微之技，透陰陽隱測之機，排羣囂而定劑，嚴衆人以奏効，不大聲色，而膏盲晏然，則霍子孟擁立之勲。呂易直韓稚圭倉皇定策之識也。起痺還榮，立骨加齒，以毒石收梁肉之功，以攻劫成滋補之用，能令已瞑而復蘇，不胎而載育，則狄懷英轉武爲唐夾日虞淵之手也。迨夫羔雁充庭，家溫屋潤，乃爲負局之却錢，爲宋青之焚

奏爲許希之立廟爲董仙之濟貧澤暨恩翔義聲鵲起則又子家希文父子舟盤廩庇姻振族之仁也今之醫者無問其術之精拙率視費幣爲緩急幸焉而果然其豪則封之以爲子孫狹邪博進之資且珍襲其一二僥中之方術若金匱玉版惟恐示人若此者始既以人爲賞卒至以醫爲市世方托病于醫醫轉爲病于世久矣夫世與醫之交相喪也而吾里若虛陳君顧有異焉醫非君世也君少遇異人授以刀圭之

范助卿集

卷二

十五

叙

術既後乃遂肆力于醫醫輒精卽奇瘍怪症一覩輒哲投以半匕無不立瘳而愈雖有厚毒攻中陷胸洞脇萬無生理者亦必計日以瘥心手之間若有神與存焉矣又慷慨重然諾仁愛不矜不張言灾禍以傷人之心不虛高氣岸以難人之請不多言誇耀以鈎人之賄不厚求拜謝以殖己之私然久之而家顧益饒乃以間行斥數千金造南門外之石橋又構祠以祀醫王及先代之良于醫者已復分火粥饑蠲瘡瘵怡好

行其德于鄉歷數十年不倦已復念龍宮之秘久混于凡方而青囊之書竟不傳于世則又哀刻其生平已効之醫案題曰外科正宗因謁子問序予惟君之用心于此道良苦矣今所論輯具在海內折肱家當必有訝爲鴻寶私之帳中者予不知醫不能爲君作岐伯旁通問難相與共闡揚之獨多君之經綸作用似與古相臣醫國之道頗有合者僥而有概于中遂不辭而序之如此

范助卿集

卷二

十六

叙

超逍遙草自敘

往三閭大夫太史公以及杜拾遺蘇端明諸子皆以侘傺無聊之苦衷摠其幽默沈痛之極想故情之所迫文從生焉以此結撰靡不雕日月而被天壤詎得已而已哉予自庚午遭海上之亂民中當事之逆黨遂至魑魅侍側鉗網在前雖衾影之無慙覺天地亦太窄流寓異地崩奔阮途邑邑無聊誰因誰極予上疏蒙皇上之旨端在授首大慙兼責當事當事只得求溫相

國員嶠轉寬亂民以自解亦奇甚予苦時事似有物喉嚨間格格欲吐卽不必作意托之詩歌而不惟其文惟其情雖欲不爲詩歌亦不可得友人且每每以詩來綢繆慰諭益引其端又不得不答而徐玩予所近作比之輓俗所尚顧乃自羞又况古人研京十年鍊都一紀予何能於佛鬱窮蹙中猝有創獲千古名通之語可以玄對往哲故必謂予詩遂足有關風雅譬則欲增山以纖塵廣海以微露知無當也况播述浮游

范勛卿集

卷二

七

叙

忽忽無緒囊草半爲家人疥壁覆瓿予亦未暇簡點頃始小暇見存之故筐者尚餘若干篇又搜得焚餘殘句于友人扇頭卷軸中若干篇豈敢付棗穴木姑留之以紀時事以志予之貞艱可哉往余三膺朝命兩守山茨卽禍患之中歌詠不輟酣寢晏如自顧區區卒不爲榮辱所制問理九辨中語去鄉離家今來遠客超逍遙今今焉薄予所閱歷亦若斯焉因題曰超逍遙草

公移雜紀序

余年友繕部陳公以所著公移雜紀自金陵而寄余山中曰此不佞錫令大庾時所區畫而條上者也拮据者五季嘔心瀝血以有此紀纍纍餘數十萬言今梓其半非敢博名高而異殊擢藏之家塾以示子孫俾知我苦心耳吾子不佞知已幸爲我叙之余閱一再過旣欽其才謂復愛其文詞乃爲叙曰庾當兩粵往來之衝多方游食之輩酬應良苦撫綏甚艱俗敝而澆民

范勛卿集

卷二

七

叙

貧而役齊以刑罰愈益焚如公曰吾以理論之以德化之庶其可乎於是勸行冠禮期重成人之始也請復射圃謂爲男子之事也議祭與喪則遵今制而又務合古禮酌鹽與餉則足國課而又必順民情稽察舟車以塞弊竇而商旅安修建橋閣以暢文風而士子奮編審務協衆心而飛詭那移之弊絕輕重不假吏手而舞文玩法之術窮收養貧民而無告者含哺嬉矣申飭訟師而無情者捫舌退矣釐正祀典以安神靈

嚴重鄉賓以光俎豆禁使僞金母敢相欺而罟
利禁絕左道何由羣聚而囿奸至如梅嶺閩粵
喉咽關之自張曲江修之自張東海久之傾圯
行者病焉公首損俸祿以倡廣諭商民以助已
壞梅嶺一旦復新功並二張澤流千禩其於聽
讞尤號神明大事斧斷小者理解爰書示諭悉
爲文章若慈母之於赤子調護保愛惟恐其或
傷也若明師之於童蒙反覆開譬惟恐其不曉
也精神志慮罔不在民豈惟矜一介而不蒙於

范勛卿集

卷二

十九

叙

官抑且捐五斗以濟民之急求之晚近實鮮其
倫卽論古昔亦未見公比也范鳳翼曰密縣中
牟政績非不茂也而文采或乏河陽彭澤詞賦
非不工也而治狀無聞俱非所以擬公也所可
擬者其惟學道愛人聖門之武城宰與端軌範
俗公家之大丘長乎雖然未易言也殆有由本
蓋公蓄德淵深抱材宏鉅身作楷模言爲律令
素所期許必欲挽回世風以康濟黎庶小試一
邑輒爾煌煌自此而旬宣自此而開府其所創

樹與所敷陳當又何如哉幸不惜寄示當爲公
次第序之

談京兆中約先生詩集序

中約先生卷其經緯之用坐嘯於海嶽石淙之
間延攬江山之靈氣以發爲詩歌人每望其究
爲霖之用而先生之道在田或躍略不以介其
慮風雨時時龍一吟而已矣夫先生之歟歷中
外也垂四十年至今盛德大業銘於人間絕無
恢奇詭異之習以釣時譽其視時之恢奇詭異

范勛卿集

卷二

二十

叙

不旋踵而變化萬狀者若四時寒暑之序也以
故海內於先生望其人如景星慶雲欽其器如
黃鍾大呂恩其澤如甘雨和風而祝以福履眉
壽如其父兄師保而先生若不知也而久處林
間修香山洛社之遺風偕其同人相與講風雅
之盟爲愉快故其爲詩也沈雄高妙盡態極致
與年俱進昔予不佞寓京口先生不鄙遺而日
以其篇章教之及不佞遷金陵乃蛩然之音時
時不乏唱和先生之於詩可謂沈酣濡首略無

遺憾者矣一日先生走一介索予序以糠粃其
前予因徧觀而卒業焉乃作而嘆曰遐哉盛乎
何其富有日新乃爾也夫詩者天地自然之音
也然盛衰之機實相倚伏論者謂國初纖穠綺
縟猶有元人結習變者務爲和平典暢而其流
失之猥鄙弘正之際變者務爲鉅麗雄深而其
流失之粗厲嘉隆之代變者務爲莊嚴典則而
其流失之剽襲自萬曆以至今日務爲瑰奇玄
穎人競創獲而其流失之纖靡嗟乎大雅之業
范勛卿集 卷二 王 叙

今不可不謂凌替矣而先生能力挽之有包舉
全代之美而無相尚未流之弊真今日之魯靈
光也今先生詩俱在試與天下質之才弘而紆
徐以出之不奔放爲雄也思深而和雋以永之
不瘁澁爲奇也氣澹而閒爽以諧之不亢厲爲
激也學博而暇整以儷之不險絕爲工也辭修
而和雅以布之不豔冶爲侈也要之景傳於情
聲和於調才合於法識透於悟以澹然無求之
心發悠然自得之韻以清恬朴茂之趣合溫厚

和平之旨所謂性情之風標神明之律呂者哉
而誰與偶之夫先生有道仁人長者而周知世
務民隱宛然有太和元氣時時欲流露人間此
太和元音所以聲中金石而聽者相與平其心
惟 明天子須先生而奏賡歌之業彼金焦北
固雖雲霧窟乎知不足久留妙響耳不然大江
以南才人韻士品花課鳥鏤冰斲雪爭奇於字
櫛句比之間亦何益人間毫髮事惟先生以此
詩鳴國家和平之盛余知海內行且清夷固與
范勛卿集 卷二 王 叙

杜少陵感慨戎馬之愁咏有異焉者矣

湯慈明詩序

州太守江津周公治通之二年一切就理譽髦
之士盡出其門乃搜訪巖穴優禮耆逸得見慈
明先生詩有當於心輒捐月奉序而付之良梓
文甚嫻所以推許甚至不佞復何能贊一詞雖
然辱在同社親奉盤盂有年似亦能知先生誼
不能不爲先生序序曰詩至今日蓋難言矣後
口唐人者第求肖于格調之間而機神少合效

顰七子者徒拾其中原吾黨等句而才致相遠
又有一者欲跳而立於唐人七子之外曰吾以
道吾性情也而以不文之語出之夫道性情者
莫三百篇若何嘗不極其工奧而可以不文借
耶若夫能爲唐而不爲唐也役不爲七子而能
爲七子也衷其惟先生乎先生於書無所不讀
于詩歌古文詞無所不工第文多捉刀時作先
生不欲賔人以名而攘其實故集中盡削其牘
惟詩則先生之性情在焉喜則以之舒嘯怒則

范勛卿集

卷二

三

叙

以之平忿悲則以之當泣怨則以之明志居則
以之消雨窓月幕之綺懷遊則以之寫山川雲
物之幻致投答贈寄則以之通殷勤契濶銜知
感遇之深心其氣韻逼大唐元嘉而上而不蹈
其字句之纖其音調登開元大曆之間而尤得
其旨趣之永蓋惟其出之以性靈而文之以淵
博研之以精凝又幹之以風力而需之以功候
故能運今裁而符古法極人巧而合天工王元
美所謂法不累氣才不累法有境必窮有證必

切者先生有焉卽時而唐人時而七子或時而
先生富有日新而變化莫測受之以冲氣而一
歸于自然無晦僻鉤棘之苦無牽合雕鏤之跡
楊用修所謂胸中有萬卷書筆下無一點塵者
先生有焉洵足以藻覓一時鞭筆六合非啻建
牙海上已也諸家未遑悉品聊摘一二藉甚者
以相商定則有縱轡中原橐鞬王李而老來才
盡漫自標舉者則有叅帷幕府名冠於越而芟
痴昌歎有其嗜之無當衆口者則有奇鋒峻岸

范勛卿集

卷二

三

叙

雄霸江東承筐乞言朱輪如水而或謂宜去巧
去多者孰與夫發光匿跡吟嘯自娛老且益工
冷然神會不求人知而人自賞識者哉在昔三
百篇之世田畯女紅莫不有詩第以陶寫性情
匪望聲施金石顧能上厯史采下煩聖刪得與
義畫堯咨同垂不朽卽李唐初盛之時如王無
功孟襄陽品地孤高詩亦脩遠迄爲一代名家
洎貞元以還方鎮侈強士多蟻附人品旣墮詩
格遂卑何者名利之習勝而性情之用微也其

在于今游人詞客躡屩通都懷刺朱郎托行卷
以代贊借援書而市重但期作炫時之奇貨不
解羅大雅之刑章故材以取辦俄頃爲捷句以
生澁入俗爲新學以假有故實爲博大惡知性
情爲何物哉先生少爲諸生雅負才僞屠緯真
謂與陳思進顧益卿兩先生鼎立狼五山下乃
兩先生貴至大司馬而先生不離一諸生已復
棄去徜徉詩酒間其或有托而逃也歟迨晚年
杜門尊足意興蕭然吟嘯自若朝餐有時乎不
范勛卿集 卷二 叙

給不問也守公亟欲見之不得一覩其詩輒定
其品有詩贈之曰山茨醉評詩社長乾坤傲睨
滑稽雄公真知人能得士哉不佞何能知先生
顧亦嘗有詩贈之曰直以布衣雄一世橫將筆
陣掃千秋庶幾實錄云爾

王宛委大將軍狼五山賦引

旨哉魏文帝之言曰年壽有時而盡榮樂止於
其身二者必至之常期末若文章之無窮而吾
謂以文章與年壽榮樂較盛衰猶淺也天地間

至無窮者莫若山海而山海有崩竭文章無崩
竭也嘗試讀平子太冲諸人所著賦中所載諸
名勝以今按之大半灰飛烟滅無復存焉者而
諸名勝乃藉賦以流傳至今噫文章之無窮也
如此我崇川狼五雄峙橫截大江實徐淮以南
三吳以北一大奧區山水靈秀母亦五嶽之分
身非一丘一壑與虎林金焦諸處比也乃彼則
大譟寓內而此或圖牒碑志出之較晚抑或僻
在一隅不當方軌八達之路未經鉅公高士品

范勛卿集

卷二

三

叙

題遂如大人龍卧潛養不使庸衆得輕窺其底
蘊乎人固思境而境亦思人夫亦各有待也宛
委王大將軍早年發宛委之藏探金簡玉書之
秘蔚爲詞宗兼饒武庫往治水犀之師於茲土
業與五山定物外之交比一再遷窠入粵微則
時時夢與山靈往還殆不勝并州之感越十餘
年而復鎮茲土與五山歡若故人相逢於積久
離邇之後而形將就之而口將語之此圖賦之
所繇作也予披圖而讀其賦如異錦千尺經緯

不亂如衆音繁會金石相宣又如萬馬奔騰聲
控自若節制之師奇正並用而蒐實配景英猗
隱秀歌亂詞畢約歸情旨可謂斐然秩然無復
遺憾至其心宜爲聲文生於情又相如所謂致
乃得之於內不可得而傳者也予嘗自署曰五
山長大將軍應且妒予獨私此山顧予身在此
中尚不識此中真面目又無一語足當山靈而
大將軍值中國有聖人海波不揚鈴閣多暇一
吮毫伸紙直將五山靈奇收拾殆盡且不煩研
范助卿集 卷二 二十七 叙

黃黃山詩序

嘗見古人詩賦每于隻語之下各供志意所趨
了不自覺千古以往卽以定其品目崇卑尼父
所謂詩三百思無邪一言以蔽之此實千古評
題之定案矣吾友黃黃石尚璽孤忠大業一代
奇男子尤心折其難兄黃山予因兩相投契爲
方外交初時予以櫻家難寓公黃石齋中與黃
山正相朝夕故悉知其生平孝友嫻睦直亮潔
狷其天性也以名賢而塵下位忤凶豎而返初
衣抱樸含虛隱璞沈采遵伯陽之幽旨契蓮瑗
范助卿集 卷二 二十八 叙

京以十年鍊都以一紀也予不獨心折大將軍
且復心如大將軍矣大將軍旣質有其文武而
具有仙姿道風秀世予觀古昔神仙多出於將
帥况屬栢人令總真真人之苗裔耶異日者策
功萬里封狼居胥圖形麒麟閣然後祛煉尋真
御風騎氣駕浮丘之鶴拍洪崖之肩卽海外廣
乘長離諸靈山無不周歷無不供其吟嘯而吞
吐元氣橐籥乎無窮又奚狼五山之足云也

探予知膺肺間事而諷予以隱操也夫

西漢草序

吾友薛千仞嘗言詩有流派今之派莫正于廣陵政如廣陵曲江發源萬里有本如是今觀詩于公車而知千仞不我欺也夫詩有六義其要眇在古人範圍中每聞黃口小兒學操不律卽不畏人非鬼譴侈口毀三唐以上不足師法以爲法之卽腐而求新于俚俗陋劣幽怪寒儉之語以謂祖自彼作蓋天下不師古者久矣試詰

范勛卿集

卷二

二十九

叙

之以三百篇古樂府五七言古詩諸體茫然不省爲何物王仲淹有曰言聲者不及雅是天下無樂也言文者不及理是天下無文也往歲白下有同文社黜五七言近體純任古聲而人遂莫之應可慨亦可笑也公享于古今書無所不讀稱海陵腹笥力制義亦復力六義而深得其要眇所爲詩三百篇體十之三古樂府體十之五五七言古詩體十之八而于近體僅十之一二不屑作貞觀永徽以下人其志高故其聲古

吾鄉 國朝先哲自朱升之父子宗子相而後

若近日之陸無從湯慈明諸君子如飄風冷風大和小和作者代不乏而至如公車誠不易多見者也西漢草是其一種徜徉栖遲之作出之以性情規之以法度興趣爲之發端而理致得之深造可謂祖述二南憲章漢魏而陶鑄三唐觀其別有擬古之作曰古剩雖公車自謙而卽此知其無之而不師法于古非今人所能幾及夫以廣陵而得公車若雪消春水流遠派清魯

范勛卿集

卷二

三十

叙

無君子斯焉取斯勉哉公車使後之視公車亦猶公車之視前輩可也

蘭言引

每讀楚詞見其惡讒邪比于惡草攄清修而紉蘭蕙大端超絕世物之塵垢滋樹法界之名花蓋忠貞高卓而文采清奇太史公大其志以爲爭光日月中壘向尊其騷編集爲經乃知靈均真千古道風之秀世而詞賦之宗工也予近見朱子年于離騷深至多作蘭言言言玄旨抽其

芬芳振其金石心機騁妙川如山暉若寢食于
九畹百晦之中獨越然于晚季諠囂之習而書
而詩而畫兼筆之晉品而兼筆之楚詞本以畫
通于詩中之聲氣詩通于畫中之形神又書法
皆通于詩畫中之情文人嘗謂郭熙與可輩之
畫皆自草法中來是畫與書通矣又嘗謂退之
送高閑上人序李陽冰上李大夫書又書與畫
通矣余又想摩詰東坡輩又皆以詩書通畫矣
今觀子年能詩能畫能書俱一一超凡詩有得

范勛卿集

卷二

三

叙

于王孟畫有得于熙荃書有得于右軍總之深
至讀離騷而大有所得者其蘭言能廣同臭吾
輩心交是宜與結社而各有以得之也

送王大將軍宛委陞任大金吾序

宛委王大將軍少負奇穎而中理醞粹深飫道
腴蓋聞鄉先輩陽明先生而興起者也弱冠爲
博士弟子員三試不售于有司遂奮袂而起曰
大丈夫馬上取通侯印安事儒冠兀兀蓬茅哉
纔出緒餘稍用之武闡已成進士筮仕吾通之

五狼山治水師海上故多劇盜出沒于颶
風怒浪之中稱東南一大要害地大將軍樓船
下瀨劇盜望風奔突不敢窺左足于五狼山之
境大將軍威名遠聳膽智沈雄至于與士卒同
甘苦則身不服統綺口不厭甘膳蕭然寒素思
誠熊少司空先生亦備兵維揚雅重大將軍間
嘗舉似不肖以謂此忠勇廉知仁信皆具異日
我國家大得力人也尋資望屢遷兩粵甫十年
而重來開府吾通則樞府深知大將軍治水師

范勛卿集

卷二

三

叙

時能已見于前事吾通實急大將軍故有此推
轂云旣至則慨然曰吾向臨茲土餉猶時給士
多宿飽營壘軍容亦何雄整而今顧爾爾無論
封豕長蛇時虞蠢動日本之帆可五日突至卽
荏苒淵藪之間戎心伏莽豈不岌岌乎危哉况
盜寇不逞神京戒嚴萬一下詔徵兵五狼山責
之勦賊何能以恆羸饑殍之夫殲厥勁敵而快
志乎誰居師中而敢不定計于鮮于是汰老弱
裁冗役革例金修戰艦嚴訓練習火攻三令五

申旌旗改色用莫不一以當百而大將軍故攻
詩歌古文詞暇則同三四同志雅歌投壺有祭
征虜羊叔子之遺風焉而又深諳天文識緯太
乙奇士神術無不奇中古稱文武爲憲大將軍
有之未幾報破遵永徵大將軍提全師入衛忠
義凜然震動天地卒多立戰守奇功全師振旅
而大金吾之命下矣 聖天子垂憫勞臣覲假
留京清華之署未幾當授鉞專閫拜之壇下然
亦大將軍清修介特不善赴功名之左驗也豈
范勛卿集 卷二 叙

季俗巧營曲鑽諸債帥可同日語哉大將軍寧
淡盡瘁似諸葛武侯嚴明不測似楊越公而博
雅用奇似我明之戚少保郭定襄而粹然一出
于正則所得于聖學不淺不肖交大將軍垂十
年如一日未嘗見其有一毫惰容未嘗見其有
一毫漫語未嘗見其有一毫染指處其安能不
私心企羨之至願爲大將軍下拜也耶大將軍
以入衛行而海上奸民之亂作不肖受禍最慘
有嗜利于亂民而刀俎不肖者幸遇大將軍得

勝言旋百計定亂有全城之功而凜然高誼千
古無兩于不肖殆無遺力不肖卽捐糜何足報
大將軍哉江上寓公聊采一片從祖帳蕪城之
役舟次捉筆併陳不腆之詞以侈行色要未足
以掄揚大將軍盛美之萬一猶庶幾知大將軍
者

范助卿全集卷之二

白狼山范鳳翼異羽著

序

楊贊皇燈詞塵詠題辭

劉晝之言曰。愚者之養魚鳥也。見天之寒。則內魚於溫湯之中。而栖鳥於火林之上。水木所以養魚鳥也。養之失理。必至焦爛。斯言雖小。可以喻大矣。故士之養志業者。未能貞性汰情。而輕試於炙手可熱之地。亦猶溫湯之內。魚火林之

范助卿集

卷二

叙

栖鳥豈可哉。始吾聞英資雋骨博極羣書如贊皇楊子。年未不惑。乃遽據悼師老德之坐。切咄咄怪之。已而暗揣贊皇膺肺間事。其托境綦虛。其詣理綦實。其取世資最薄。而所擔荷最不小。以謂天生我才。諒必有以天下行多事。設猝以艱鉅加我。我寧得嘗試而希僥得乎哉。故須冰雪厲其精神。而精神乃益勁挺。澹泊養其性韻。而性韻乃益高潔。磨礪銛其才鋒。而才鋒乃益穎露。譬則寒谷之胎陽。厚霜之啓燠。天地則爾。

范助卿集

卷二

二

人道奚疑。然則貧其士者。富其功明其志者。精其用。固令人未易測也。予嘗爲贊皇思之。吾里之以學博成進士。信華廬者。不有袁氏竹溪鶴野兩先生。爲前茅乎。我國朝不有海中丞。風節凜凜。卽從廣文表聲。卽翁青陽之狀頭。縱官至少保。而公望遠遜者乎。任贊皇熟計步趨。異日不負其志業。是予所幾幾以待者也。一日贊皇函書以制義及詩草示予。乞序付棗。予見西湖草與副榜卷。已有陳伯玉爲之序。越上秋聲。

奉法要小引

只這宗事。弄不得老和尚舌頭。但初學人。信根搖盪。則菩提之樹難栽。殺業糾纏。則地獄之門。

難出惟此惜愚良堪悲悶爰禪燕中拈出北齊
顏居士歸心篇合近日蓮池上人戒殺文命工
繡梓題曰奉法要取其簡要初學易于奉行或
從此悟出世以家常不盡晤人天之暇洗覺習
以甘露無終暗自已之身茲法要遂爲第一方
便比于抉目之金錐屬津之栢舫矣凡我同志
其忍忽諸

胡與良父子蠟丸說詞

吾聞天開于子水爲儒道所宗而人生于腎水
范助卿集卷二

卷二

三

叙

爲醫術所主實則造化以陽爲生根人生以火
爲命根後天離火雖與水對而先生乾火不與
水對蓋子爲陽初而腎爲火藏也故金鉛者以
少陽陽動陰中以壬水輔陰而實以初陽生命
得此修製虔誠真可長生神農所云上藥養命
中藥養性下藥養病金鉛不止養性養病而實
養命之上藥也胡與良父子所製諸丸無不妙
絕余却嘗服其金鉛延至老年無不神効者凡
我相知君子宜共有以試之

拙存堂逸稿序

夫人心之日月是文章而元神之鼓吹是詩賦
文章亦有光之鼓吹而詩賦亦有聲之日月也
故詩賦與文章固二而一者也顧觀人以志而
論志以詩非惟山川草木不死之性情天地聖
賢不朽之精靈皆在乎在而論志觀人則德人
之言純鄙夫之言穢高人之氣勁僂子之氣漓
端人之華質邪輩之華浮偉人之詞博凡流之
詞淺誠中形外人焉度哉余嘗讀古人之詩文
范助卿集卷二

卷二

四

叙

若或肅然起敬若或厭薄而置之如揚雄之美
新蔡邕之歎卓荀或之錫邁諸若此類凡秉性
剛正者多臨文恨之矣至若王維之舉世無相
識終身思舊恩何如孟浩然之不才明主棄多
病故人疎也李白之富貴吾同取建功及春榮
何如杜甫之乃知正人意不苟飛長纓也卽佗
期之問爲唐詩鼻祖千古所宗而北門學士樓
下錦袍頻首媚竈詩何以尊詩品與人品大關
風化吾夫子所謂有德者必有言有言者不必

有德而困以思無邪一言爲刪詩主張豈非以
正人正志望之學詩者耶余苦于詩道未深且
七十五顛毛種種神昏而目若蔀墨墨無寸心
知乃辱吾友嵩少公以佳集教余而遂責余爲
之序余何足以當之然受以卒業三讀三拜不
能已已則何也公有德有言是海內不易再見
是余所肅然起敬者也其先世有有恒庭和女
九三先生博學名家仕有仁政有勁節居鄉孝
友爲吾郡大賢今公又有遺風且余先人與九

范勛卿集

卷二

五

叙

翁至莫逆交公與余何異同胞兄弟尤仰其祖
孫父子間真如蘇氏老泉坡老小坡皆以文章
名擅天下矣况公生平天性純孝政術廉能至
至終終進德修業如節信公所論道成于學而
藏于書公載道經質記事史拈胸中已爲與府
而鉤深鉅賾窮宙達幽析房剖殼盡宣芳旨櫟
栝殫聞凌越阻絕其詩全精三百篇兼周秦漢
語而離騷之變雅建安之變風盛唐之華實獨
大肆力而代爲發抒乃稿調拙存真如少陵之

存吾道正所以尊拙耳嚴儀卿論詩有辨才尤
必多讀書有別趣尤必多窮理公之詩學本于
有經有史有道有禪有性情之真境有道義之
純修余誠服其無書不讀無理不窮書中有書
理理中有理趣彼別材別趣之說尚非以正人
正志所望于學詩者公之爲人也忠孝清貞立
身壯猷奇策經世當其侍養宦署陟岵陟屺之
餘備員使署歌風四國兼游詠兩都之時處處
若龍威丈人布大文于天地至備兵殊方投艱

范勛卿集

卷二

六

叙

持危力養兵民功靖島寇乘障微塞及遐萬里
能覆天狼之威弧履虎尾不啞而亨每每知變
轉福能于水火急難之中雅歌絕唱蘭風郢雪
諸宮中商乃若經瞿唐灩澦東岱南嶽之奇境
莫不排碣隄鵬雁扶靈神怪詩之靚深高邈幽眇
雄奇令余驚喜起敬不能已已誠服其格高如
淵明之見南山調高如康樂之生春草氣高如
少陵之登樓秋興詩至此哉唐以後莫盛于明
乃近來操觚者轉欲橐鑰元和長慶而兼宋元

萎薊之習使崆峒仲默元美于麟諸公當之未有不極加詆嫫者如諸公見吾嵩少公之文若詩自然無不心折定匹僊于君采子相爲海內大名家無疑余雖無足以辱序惟是雉皐與五狼特近有風可采且以世交知己特揚摧之以詩人並重而天下後世又定將以詩重人矣

題王將軍狼五山志序

於越王心抑建牙狼五山之麓視師之暇采山之形勝與夫所宜之物產古今所興慶之蹟名

范助卿集

卷二

七

人韻士所紀述咏贊之詩若文彙而刻之題曰狼五山志以視予而問序焉予曰五山之勝有色有情峰巒洞壑參差殿角亭榭浮圖朱碧相映前朝後代斷碑遺址點錯於古藤巉石之間如是種種山之色也登覽者振衣躡屐一憑弔之入臚中者半矣若夫烟嵐之變換也物籍之怒吟也曜靈晦魄之吞吐也海天江練之澄暎也雲山霧岫之遙拱也漁舸客艇之蕩漾也禽鳥之鈎輈也鱗甲之出沒也柳塘花塢之綺錯

也人烟睥睨之杳靄也風林雪徑之幽爽也晴天宕目之游人士女旖旎而繽紛也千姿萬媚不可窮詰山之情也非老歲月於山中者不能以盡領也予里居日久時與二三詞客問奇山靈每值景物會心亦欲借薄蹠以志其勝然游不過信宿而返其時又強半爲醴醖棋枰所掠以故茲山之勝雖吾家襟帶間物乎顧其奇詭幻奧猶未盡領厥趣而心抑乃捷得之蓋心抑故名家子風流儒儁有祭雅歌杜左癖風分符

范助卿集

卷二

八

江上其衙齋距山麓數武而近舳艫組練盡在山前鉦鼓之餘隨著輕衫短屐登眺徘徊歸而弄筆窓間陶然有適則取所得而書之非久浸以成帙也昔漢大將軍憲北征虜駐師燕然掃石刻銘寥寥數語遂爲堯鑒吐色今心抑沈勇多智不減漢大將軍顧以時平而未之盡試乃毀其搗穴犁庭之氣馴而用之尋山問水之興以吟嘯代韜鈴以揮灑當騎射以探幽紀勝方之秦凱銘勲五山之有志也其是之故乎他日

提大將軍鵲印專制閩外北掃匈奴南繫倭白之頸解鞍休甲飲至於賀蘭若水之墟於是時彼中之山川風物倘亦有嗣於五山而志者乎心抑勉爲之

王伯茂先生詩集序

伯茂吾鄉雅士也家居海上雲物幻其毫端官授粵西山川豁其胸次旣耻折腰五斗倏爾起松江鱸膾之思遂歸怡志千秋嗒然多瀟橋驢背之咏陶逕盤桓松菊佳句每得於探驪謝庭

范勛卿集

卷二

九

叙

森列芝蘭雅言兼爲之訓鯉集生平數十年之作合各體八百篇有奇其間或遇山水幽深會心而裁登臨之什或值親朋燕集把酒而成倡和之篇或閒居而玩史抽書矢口抒尚友之語或觸事而指天畫地熱心吐憂世之辭或徘徊憑弔於帝王賢聖之墟或慷慨徜徉於雪月風花之夕或托鱗鴻以寄遠或親魚鳥而行吟洋洋乎追大國之風冷冷然有騷人之致於樂府選體則摹擬漢魏古意而韻以今聲其五七言

律絕則彷彿高岑天資而錯以人力不徒閒於音律直自抒其性情故今和氣允叶於三靈純嘏誕膺乎百福衛武公年躋耄耄抑抑賓筵文路國望重鄉邦雍雍耆社劉安之丹九轉韋賢之業一經河東九苞之羽千仞同翔冀北五花之羣一鞭先著行見蔗境漸臻佳趣 楓宸珎沐殊恩周室鳳梧矢音賡遂歌之奭漢庭車馬臨雍誇稽古之榮詩句老以彌工篇章久而益富茲特其集之甲也云爾

范勛卿集

卷二

十

叙

邵潛夫別集序

潛夫生有隱癖治舉子業一不售輒扼拏孤憤跳而之詩所著有眉如草蓋自譬其生平坎壈不逢於世如人面上眉毛無有用處是可想其落落寡諧之思云李太史不寧鄒學憲彥吉見而序之甚賞其聲律之亢健體裁之峻整與夫人品之爽直惇信亦旣娓娓乎其言之矣然猶未足盡潛夫今日也潛夫今日坎壈如故而詩體乃日益工學識乃日益博隱操乃日益堅河

上數椽蕭然風雨潛夫日棲隱其中恣陳古墳
史典略及諸稗官方技之書擁而獵之以當南
面而居恒每見世人輒蹙頰相向動輒曰古之
人古之人若曰假今世有古人則雖爲執鞭所
忻慕也以故日牢騷侘傺世無一人知己久
之乃刻其所撰述諸書以見志曰友誼曰循吏
曰引年曰志幻合而署之曰潛夫別集刻成請
不佞爲之序不佞曰夫世道之古今而今也風
氣日夷人心遞變交誼不損蔑而衡績吏治不
范勛卿集 卷二 十二

爲鳳而蛇虎當此之時孔方有權毛穎無靈士
生於其間索處立枯出門多礙盼交游之然諾
慙如行路望有司之登薦難於上天而目不覩
而見憎語言雖典而無味此潛夫之所以錄友
誼而傳循吏也蓋慨然有執鞭之思乎則吾旣
得聞命矣乃其次之以引年志幻者何居潛夫
曰予少孤苦善病且荆布早喪胤嗣中絕邇者
方諸王珉之歡卒抱買臣之慟誠恐一旦溘然
朝露則先廷評而下及處士公且將爲若敖氏

之餒也故潛嘗欲徧歷名山爰探真蹟幾乎
得喬松其人而遇之而遠莫能致故爲之志引
年將以此當丹砂大藥耳旣而復自歎曰古今
幻化之術夥矣出有入無神變莫測報深讐於
白日黠瓦礫爲黃金亦所時有而我未能一焉
安所得彼幻師者破我窮愁邪跂予望之庶幾
旦莫遇之矣潛夫之言如此予因慰之曰夫人
在夢中悲歡苦樂種種異趣迨其遽然而覺而
種種者安在哉大都人生之貴賤夭壽皆幻也
范勛卿集 卷二 十二

世態人情之變又幻之幻也彼管鮑之與張陳
也龔黃之與郅寤也彭篴之與殤子也直以天
上白衣蒼狗之態視之可爾何物而以授其寧
哉且身將隱矣則鹿豕可友也山川可君也茹
芝采薇可仙也千秋百歲後當必有傳隱士而
知潛夫者而又何戚戚爲潛夫慨然曰善哉吾
子之言夫吾乃今惟安吾隱而固吾窮耳遂刻
而弁之別集之首

王氏家抄序

昔淳于意之遇元里公乘陽慶也。謂意盡去而方書非是。後人因知執方之非。然不執古方。往往執今人妄傳之方。此非之非者也。亦曰以人不以方。方以人存。斯善矣。于友王君印之兄怡岡子。以小兒醫世。其尊公杏岡先生之業。活我桑梓之人。不可勝數。每遇奇瘍怪症。無貴高以鉤賄。無誇嚴以怵人。無求名以殖己。焚券却錢。義聲滿人口。又以其餘多所施賑。好行其德於鄉。蓋其人仁人長者也。晚年更手自排綴成家。

范勛卿集

卷二

十三

叙

抄一書以公海內折肱家。而問序於予。予三復歛衽如發龍宮之秘。鴻寶之藏。欣然濡墨吮毫而爲之序。序曰。怡岡子仁人長者也。其書仁人之言也。其流播自傳。則奚以予言爲。雖然。予於此道久有槩於中。姑妄言之。其可天至仁而人顧有不仁。人何至不仁。而一種庸醫與射利之醫。顧不仁。兩人不仁。而兩人中之小兒醫。又至不仁。時坐客笑謂予曰。安見醫而有不仁者。子言亦大苛。予曰。否。否。今夫草木昆蟲。凡屬蠕動。

生息之類。藉非人有以賊之。大都不中折而小兒之離禍獨慘。奚也。傷哉。此小兒纔出。豐都死戶能幾何時。且猶然未識人味。而徒自呱呱。不能道一字苦。乃不仁者遽殺之。大可恨也。我見小兒之症。固莫險於痘矣。世有一種成人面孔特奇。累累如苦瓜狀。有鵝繡文。皆嘗中痘太劇。而幸不死於醫者也。亦有百藥罔功。棄之地上。久之。家人哀已盡。淚眼已拭。而霍然起者矣。是知小兒之不藥而生。一藥而死者比比也。故曰。

范勛卿集

卷二

十四

叙

良醫惟求人自死。俗醫惟恐人自生。則仁不仁之別也。客又曰。醫卽仁。安能必予人以生。予言亦大畸。予曰。否。否。醫之爲道。神術也。仁術也。嘗物性而定。君臣察六氣而覲順逆。其術創而微。趙簡子五日不知人。識其與秦繆公同病。皆之帝所甚樂。且受帝詔。告卜與衰。凡七日而寤。其術詭而幽。審衝任驕俞諸脉。如奇經所振。生死之關。其術要而玄。至如小兒。先看先天父氣。母氣。坎中一畫。奇爻爲玄。陽爲真。父離中一畫。耦。

爰爲牝陰爲真母培此者可以不胎而再育其術精而助凡皆神之所爲非季世所能窺也其惟仁術乎天地以之立心聖人以之育物君相以之造命良醫以之回生皆是物也醫非仁愛不可托惟仁則聰明理達皆生於此一付精神卽灌注小兒之精神一腔生意卽醞釀小兒之生意若非經不仁者販壞之極靡不立骨加齒片刻已煩屯之疾仁之至也仁可依而神難據故子之所慎疾而罕言神夫秦越人知秦人愛

范助卿集

卷二

十五

叔

小兒輒爲小兒醫術至神矣而身不免於刺殺神安在哉母亦遇不仁之人卽太醫李醞妒之遂使禍中其身焉耳怡岡子吾不知其術之神何似乃所全活吾桑梓人不勝數則皆其仁爲之今其方書則其仁之註脚存焉矣海內折肱家讀怡岡子之書先求怡岡子之仁不求怡岡子之仁不許讀怡岡子之書是爲序

傳

朱介毅公滄海先生傳

蓋予讀蔡邕所撰郭有道陳太丘兩先生碑文未嘗不恨兩先生同時諸正人標持名教者最夥何獨落蔡邕之手且邕自謂爲他人作銘未嘗不有慙容唯爲有道碑頌無媿乃邕所自處獨無媿於心乎邕固幸而附兩先生以垂後而先生亮不以邕文重也惟我滄海先生高踰晚季之中雅有掃除天下之志而天爵有餘人爵不足其生平要不以彼易此矩矱矜嚴繩裁亢直寸善必獎片惡必誅蓋其天性然也至閉門

范助卿集

卷二

十六

著述不屑雕蟲關係朝常裨補世教者殆十之七以彼其人使生有道太丘之代當爲李元禮先生一輩人而予亦景行前修庶幾孟博之流期不負龍門一席矣朱之先代隱於畊數傳而至松谿公載始以歲薦爲唐縣教諭子曰庸齋公玉汝博極羣籍謂可必第乃亦僅以歲薦授儒學訓導以死則先生之父也先生生有異質敏甚讀書一過目不忘爲文下筆數千言立就而以才高故不能俯而就時趨一再試不利輒

棄去益讀先秦兩漢三唐家言以至八索九丘
三倉四部一藏九流之書無弗該覽而於國家
典故尤熟卽仕籍賢書野史家乘亦皆有所考
訂而加丹鉛編纂警校不以寒暑寢食廢手自
繕寫肘不離案久之浸如轍跡矣昔有朱遵度
者號朱萬卷移以號先生始當先生操獨行而
持毀譽人有爲非義者輒怒目而罵之其人至
不能堪然有去而改悔者里中人士至相語曰
見朱先生患其責教人不見又思之其敬憚先

范勛卿集

卷二

十七

紀

生若此先生貌嚴冷人無敢以狎進而顧急人
之急甚於己宗黨戚友有以乏告者必委曲量
力以周之必不以貧爲解乃其孝友則出天性
兒時母姚孺人歸省人有餉先生以果餌者不
忍獨食懷以遺其母有孫氏子者強鬻其隣田
於庸齋公至脇以刃公屏避不敢出先生甫垂
髻輒出而絮數奈何窘辱我家大人爲唾其面
其人逕謝去庸齋公病上天公賤願減已筭以
益父壽公歿哀毀骨立走海內文人鉅公之言

以不朽公鏤曰榮先錄歲時伏臘悲涕竟日名
其堂曰風木志恨也卽寢疾時遇公忌日猶伏
枕烏烏而泣蓋孺慕者終其身云諸父羣從有
據庸齋公墓田者有潛鬻其田輸粟爲國子者
皆置不校嘗作家譜有云子孫之賢不肖不專
在科目有味乎言之矣卽細行必矜一介取予
必慎嘗得遺金於道訪其人語與數合悉畀之
其人欲以少爲謝拒弗受州大夫王公餉以江
中汙邪百畝堅辭之或問其故曰不腆先人之

范勛卿集

卷二

十六

紀

產盡餽於江邇者復吐以不欲與諸人爭置不
問而胡受此百畝爲一少年置酒娼樓給先生
往至則託以如廁而逃某氏女爲卓女之行先
生峻卻之曰吾不能效長卿慢世也性不喜游
足不能出五百里外倩善畫者圖山水於壁間
曰聊學宗生卧游耳先生所挾負者甚大而不
得一試之用聊託之酒時時命酒獨酌直以一
編作下物招之飲則亦赴酒酣握麈掀髯下上
今古咸鑒鑒中窾時或罵俗哭世慷慨激烈髮

亦上指座客唯唯無敢抗辯所爲詩若文明白
正大類其爲人而亦時露其牢慳憤激之意嘗
爲感事詩百韻宏肆與博自少陵香山而外不
多見也司理林公來攝守修鄉飲禮而難其人
諸文學父老欲借先生爲重先生以死誓遂不
敢強徇介之守窮且益堅卽無晨炊必不肯從
富人子假貸空腹而讀古人書此可於今人中
求乎鄉先達司寇陳公暨其子司馬公司馬顧
公皆一時名臣灼然負人倫鑒而皆後先推轂

范勛卿集

卷二

十九

叙

先生以爲不可及知人哉先生嘗夢與文信公
同赴東市久之不驗雖然使先生立交戟下爭
是非必當死諫設臨大難而當信國公之日則
必死敵而今死牖下非其志矣死之前數日戒
其二子曰通俗喜作佛事邇來尤甚冀以懺親
罪耳吾素行不媿神明可幸無罪卽有之亦豈
僧所能懺吾死若曹慎無效世俗爲此不者吾
且不瞑此非有真見大力惡能然乎先是州大
夫林公嘗聘先生修州志出先生手者獨稱精

核迄今餘三十年間當重修僉謂非朱先生不
可而先生不作矣惜哉

贊曰

於休先生扶輿鍾淑直道正辭篇時厭俗玄黃
落穆正氣所撐斯人不作天柱恐傾一夫持世
名教獨負三百年來國是在口堅坐讀書棗案
欲穿邪正丕泰感慨問天丘索國典手自劈析
凡四千年一一親歷折五鹿角斬佞臣頭貴賤
異路千古同流稱魯朱家猶少年語晚乃進道

范勛卿集

卷二

二十

叙

將聖賢侶作山中相不乏先資以布衣雄世誰
能窺流俗茅靡乃振高躅不磷不淄式金式玉
今事問濫古事問徹通人克兼公死誰替常自
教兒義方匪口父不朽人子復不朽昔兩司馬
折節惟公叶予生雖晚交或滂膚毅然莫撓介
乎靡玷維予小子私謚匪僭公胡以死梁木摧
止生理全歸公可以死生平少淚哭公如霰吾
道足悲詎私所眷

邵孟振先生傳

吾通有邵孟振先生者名鏞其父旻當 成祖之朝弱冠擢高第授大理寺評蚤負強項聲不阿權璫坐是落職建昌幕或億公不無小極公怡然曰吾何爲不豫哉立朝可明農亦可上不獲致吾君則下可以淑吾子朝家無二政也於是拂衣歸授孟振先生書先生慧而才敏讀輒能了大義總角出試童子科輒補諸生名課起每遇臺使者試必居高等於例當廩餼於縣官又於例必遇缺而後補值廩生有坐廢疾者先

范勛卿集

卷二

三

生故遲之曰吾不忍相趣也久之始得公廩家人沾沾喜先生笑曰汝曹願我老作明經耶更自下帷發憤於書無所不讀十餘賓興竟不第乃愕然曰世以明經局我哉不然何左右削而零陽之封未報也天乎人乎吾不得而知之矣旣又憮然曰天也以吾翁之才而芥拾青紫不免旋起旋蹶遂終其身吾卽由今之日繩武而起蚤不逮吾翁矣矧此地景之業過覬未定之天乎其又何裨囑其子琦曰負郭二頃可桑可

耕孝弟力田汝職圖之自是一意徜徉山水間所朋者詞人酒客而已有時策蹇看山以策東西指曰此壁立無際者差強人意時或縱一輩之所如則臨流而嘆曰塵俗非此不汰而先生之襟期曠達可得之意表矣然先生賦性侃直有張乖崖之致見義必爲直前無忌士流皆推先生爲祭酒有纖趨於利者曰毋令先生聞一切矜詡張大之事則願令先生無見其表正鄉閭亦何減陳太丘王彥方哉先生一再娶曰陳

范勛卿集

卷二

三

曰李並有賢德友于兄弟曰鉞曰銳曰鐸皆金玉其譽于惟琦一人以父命不求仕至孫綱由歲薦爲海康丞

范鳳翼曰語云茂良不必父祖其然豈其然乎邵之廷尉不欲矯法而棄其官如屣廷尉之子不欲衡命而又難肋其名有是父有是子固矣然廷尉直臣雖未鞠其用業已聲在朝廷孟振名儒也曷爲後世無述焉余竊怪之至五世孫潛始得聞其幽微潛則君子疾沒世而名不稱

也有以夫

賢州守唐翊明傳

吾通州自宋恭宗德祐二年文天祥自鎮江入
真州由通州浮海如溫州以求昞昞二王故元
軍遂南侵至通通尚未降盡至屠城民有逃避
幸存者止二姓七人耳日月晦冥天地易位此
千古奇慘曾未經五百年而又屬改革之運通
州順歸順治孔倂不逆乃獨有亂民蘇如轍明
萬里二賊是庚午年焚搶劫殺禍及闔州余獨
范勛卿集卷二

三

慘極特上疏正法救一方之倒懸者今又殺新
州守新三守借名霸占百姓家私者順治二年
乙酉六師救亂除暴如未知蘇明舊是庚午亂
民而萬一屠及黎庶不又似宋末之奇慘哉正
恐非大人君子材堪八面之鋒命重百里之寄
未有不苦于彈座而窘于游刃者何幸福星在
牛斗之分天覆下國得我唐公來大兵下城之
夕公杖馬箠有止殺之令百萬生靈獲免屠戮
此何異宋曹使相下江南之師也識者業覘其

令公之撫涇夏陰雨流膏西平之略隴陝春風
煽燠者矣然大將額固利兵並進未免貪亂者
衆都撫趙公獨聽唐公之言樂罷殺而悅于仁
義且消亂民之不軌而救一方之倒懸迨渤海
之亂繩已解單父之化瑟庚調其坐堂皇晉父
老閔疾苦勸民農桑止民獄訟吾民初在水火
之中小有衽席之次方謂仁心爲質使君之賢
明優優敷政競綵雙捐剛柔互用令鴉索不驚
雉哺亡恙吾儕小人亦得以耕鑿之餘食升恒

范勛卿集卷二

二十四

之慶固所願也妖道爲祟嘯聚窮鄉雖螳臂無
當于車轍亦全體之疥瘍藩弁遺孽弄影陽侯
辛螫江滸亦不過釜底之游魂耳而公之拮据
未已也計安民莫若除患除患莫若嚴備公識
敏而慮周智沈而明斷倣周官寓農之制祖管
子內政之遺簡閱民丁抽選精銳藏之編伍不
憚三五申之蚤夜不皇于以當橫山一隊洵爲
海土長城昔虞詡爲朝歌令設三科募士後知
武威守其燉煌酒泉之豪傑結隊成伍三輔屹

然雄鎮公之方略不是過矣張與司涼州牧西路戴若神明而以酒酬地曰卽令馬如羊金如粟終不易此心公之介操不是過矣李崇刺兗州太山多劫盜設五里一鼓互相策應其亭障樓櫓青淄稱是公之規制不是過矣公實心實政愛民如子其接士夫以禮嘉惠譽髦風厲庠序馭下以法公堂如水二三書佐不過抱牘侍左右凜凜若立寒冰庭鶴風清階草日煥可謂樂只君子民之父母矣予嘗謂持平之宰易撥

范勛卿集

卷二

三十五

亂之宰難持平而爲循良之宰易撥亂而爲神明之宰難公之方略之介操之規制方漢諸君子不翅伯仲慕爾海陬何仗二天再生億姓且不三閱月而化侔中都輿頌衆母夫以尼父之聖國僑之賢始而謗繼而謳猶且得民之難公何俄頃之奏響應若斯豈非賢守勝兵三萬崔公銑言豈欺我哉且公真有道君子凡一聲欬一色笑毫不假人于不佞無一面交乃思辱聆昧瞻瞻有加念不佞塚墮空山惠書再至引進

入城令百姓身家無損兵不半侵又憐老夫抱病寢閣慰問伏床披露心肝立見裏底又何溫然如玉也予不佞以山澤之癯詠歌太平竊謂公活人多矣以一人而活百萬生靈則吾州南山巍巍東海潮濤與公之仁政清修共山海長垂不朽特作此傳垂後世以正典刑豈徒令許衡姚樞秉忠天澤諸君子獨章著于元史千秋也哉

范勛卿集

卷二

三十六

范勛卿文集卷之三

白狼山范鳳翼異羽著

啓

賀葉臺山老師啓

伏以 堯天光四表丹宸載咏股肱閩海起雙
龍黃閣重逢稷契生靈共慶宗社增榮恭惟
吾師門下體備剛柔胸羅象緯有姬公之才枕
而絕去驕矜具夫子之文章而兼聞性道瞰謨
講幄忠忱久結宸衷曳履星辰枚卜竟從衆望
范勛卿集 卷三 一 啓

益宣麻之日已驚京兆之減行駟卽解辭之夷
亦慶天朝之相司馬庶位因而易聽八紘漸以
廻淳昔真文忠一代醇儒仕非其主而李文定
千秋勁節生不逢辰獨楊文敏之踞起明時遭
文皇帝之推誠碩輔謹同魚水君臣曠古稱
奇業繼夔龍鄉里于今侈美此蓋全閩之盛事
然皆上詰之優爲某幸辱門牆猶蒙培植爲寰
宇蒼生幸豈勝眉揚爲政本謀益深手
舞所祈交成一德壽協三朋精格皇穹致 聖

主共勲華競烈化羣下國登斯民與渾噩同風

賀朱平涵相國啓

伏以皇樞列鼎 帝簡允重乎台衡綠野徵輪
公望尤賢於夢卜特荷九閭之鳳綵入叅三壽
之鴻摹夷夏企瞻清寧立俟恭惟 老師相台
座下學揆千聖道顯 三朝麗藻揆庭班馬之
文章瞠乎避舍計籌緯國夔龍之經濟恍爾爭
衡市駿而相其機向嘗收京省之英於鄉會聞
之內銜鱣而墜於座蚤已兆公孤之瑞於南北
范勛卿集 卷三 二 啓

雍之中大行可見於時正唯是禮樂以俟君子
至德未和於俗乃暫爾卷舒以從哲人領松菊
猶存之趣者十年想藜藿不採之勢如一日謝
傳之東山不出曷慰延頸之蒼生姬公之西渚
未遵孰與仔肩於孺子此 皇上所以側席而
厯於思賜環而速之起也際風雲之玄感自應
攀真王之龍鱗輔日月之清光行且杜奸人之
魅跡洪鈞乍轉八荒之壽域全開大化既調九
野之仁天倍濶 朝廷相司馬詎啻居頗牧於

禁中社稷得非熊定將羞管晏於地下明明百里業行屹若泰山之四維斷斷一个臣殆賢於長城之萬里矣

謝李少保霖寰啓

伏以才總武文周侈元戎駿伐權都將相唐高
尚父鴻勛一代巍然千秋炳若信泰交之不偶
欣豐日之方升恭惟 老先生閣下體備玄黃
心函粹白天生晟爲社稷適際風雲 帝倚浚
爲長城何論魚水蓋旣犁夜郎而奏績始知漢
范勛卿集 卷三 三

大非誇亦嘗導積石以成河更見禹功克續情
深讀禮明公豈復求多慮切憂危 聖主寧忘
念舊故纔聞卽吉而遽爾投艱維京營夙簡貌
貅實稱禁旅乃戎御誰爲熊虎須仗師中齊作
軍而惟仲其能晉謀帥而非衰不可肆覲煩于
秉鉞計行藉于持鈞韞韞張皇瞻洛家邦永奠
鹽梅燮理佐周鼎鼎重新其蹊鑿避俗幸預識
荆愚慙忤時轉同御李非有先譚之便敢望矜
憐正當公論之初繆承推挽汪潤施于不報陽

春煦以廻枯祥成負印之龜請從今日感似銜
環之雀矢以他年所祈履集純熙業臻盛大身
攝三十六曹之庶務益茂精神位歷二十四攷
之中書彌膺眷寵

復吳少司馬納采啓

伏以健順肇自乾坤合昏開千禩之始肸腓感
於艮兌附遠通二姓之歡敬戒未託於矜輦採
擇誤聽乎媒妁吉占用雁喜兆乘龍恭惟老親
翁渤海華宗巖廊鴻柱才當八面守畏四知實
范勛卿集 卷三 四

歷煩劇四十年豈以速化與望中書廿四考允
矣具瞻肆儲胥再造留都而司馬特簡膺宸眷
華夷仰采桑梓增榮竊念某樗野朽株蓬衡庸
族斷金投契人已稱異姓同胞倚玉聯姻天復
相伊緡合體第寧馨自教真成翰苑之英而弱
息端愚殊愧閨門之彥乃葑菲不遺于長者致
蘋蘩遂托於末交繫惟月老主盟俾訂朱陳舊
好實本天公作合得追王謝遺風將見麟定發
祥長衍弘禧於不替始知穀貽裕後益光世業

于無疆捧誦華栴祇承嘉命莫稱百朋之報聊
搃一縷之私謹啓

謝錢牧齋宗伯小啓

不肖弟樗材無似馬齒加長久負 仁聖之高
深併慙知交之剪拂乃台兄知己眷注彌殷既
玄黃承其鶴籙益氷谷悚乎鳩筇佩切寵慈感
茲高大遜翰已同十朋之拜佳作况增千秋之
榮倘借須臾總沐無疆於君友幸留日月敢言
有報於親知銜謝不勝汗顏靡既

范勛卿集

卷三

五

啓

募建水月庵啓

夫性宗之該事度蓋云凡實歸空般若之具檀
施其義是一非二故曲木難求直影當豫栽因
而尺莛莫發洪聲貴滋樹德恭惟水月庵之鼎
建也大士實效靈於異兆有開必先衆生將種
果於初根無倡不和居南關異位厥惟勝境是
宜聿興介東海 中經其爲福地則何弗屆既
合遐方以兼攝應普化度於無邊况釋刹琳宮
皆闢空墓地而荆金繩寶楯豈一椽一瓦可幾

獨力誠艱僱工方亟凡我祈嗣祝釐之所必賴
或者揚舲駐節之所必經合捐終擲之浮財共
續長明之一燭纔發心而龐氏沈貲之覺岍立
地全登稍出手而長者布金之良田一時遍種
猛然一割業障已見全消脫若重逃性命不知
安在敬陳短啓載告諸檀

水月庵正殿上梁文

伏以如來體尊而多畏阻菩薩地近而易皈依
惟我大士本以正法明如來退居觀世音權位

范勛卿集

卷三

六

啓

既同勢至童真從金光師子而證果於刳前復
於曼殊室利輔釋迦世尊而拔苦於震旦有無
兼暢故世音總是法音機相全融故音聽轉爲
形聽以一身具八萬四千爍迦羅首母陀羅臂
清淨寶目而無所不應以一靈伏一切無筭刀
兵水火羅刹鳩摩百蠻萬怪而無所不降力拯
羣生特章顯化興大悲之感而逆難旋脫呼白
衣之號而嗣續長綿雖能所俱忘勝力有無方
之化而普天作供未法先有漏之因惟茲東海

中經南關異位回環四水洗五濁之蒙塵繚繞
重城象三洲之護法居士既多異兆善信爰共
捐資精藍不藉環林止與象教勝地自成綴飾
具足毘盧蓮臺卽起於泥慾界可徑還爲淨土
梵宇忽標塵刹道場寧獨選於洛伽卽則慧燈
映象王之舍利溶溶水月懸龍女之寶珠貝闕
瓊宮仰莊嚴于初地晨鐘暮鼓遍盥蟹於神州
一掃昏衢共離苦海重樓將出雲而高峙大殿
先燭日以抗梁聊效蕪詞用宣勝事

范勛卿集

卷三

七

啓

拋梁東竹林灑灑來祥風平地潮音齊振響六
時寶月總當空

拋梁南衆生祈嗣日來叅瓶裏曇花看結子塔
頭忍草間宜男

拋梁西鷺嶺平將雉堞齊簇簇慈雲涼火宅津
津甘露潤菩提

拋梁北共藉慈雲開壽域消搖不數大羅天城
市俄成極樂園

拋梁上八部人天荷神貺俊士攄奇發巍科宰

官樹駿躋卿相

拋梁下何異祇林舊精舍法嗣應同振海潮真
乘永闢閭修化

伏願上梁之後凡城變作化城俗境奄爲真境
慈悲更加懽喜而檀波盡溉福田靈感默助修
持而法流共躋品位祝禧廣徧開福利於無根
警情覺述濟津梁而舍筏三災盡卻百福駢臻
佛日重光皇輿永固

書

范勛卿集

卷三

八

啓

寄田東明老師

不肖伏念猥菲謬廁師門積魯大辱提誨入山
以來每感恩私泪盈盈下惟吾師碩德弘猷羽
儀聖世祇因剛腸勁節犯時人眼睛幾同三黜
雖馮唐甘久淹乎奸黨之得罪朝廷甚矣然
而陽九之數已極天若祚宋必有大豪傑出而
整頓一番若究禍源恐閣部大臣縱奸養亂之
罪不勝誅也顧安得起張相國之骨而肉之耶
某近有足疾雖家嚴頗健王亦已七十外老人

夫子一幼弱無母揣已度時決無出山之事稍營廢圃蒔花竹結茆庵日嘯咏其中爲終焉之計若吾師不出爲國家柱石爲衆正領袖某誓不敢渙顏趨時擲其夙尚吾師謂何久擬馳候台福會白太行差便特遣小价代叩階墀不腆之將比于芹獻惟吾師鑒存

寄錢若虞若衡兩丈

仲夏四日寓燕弟范某九頓若虞若衡兩丈足下弟綿才也侗頑寡末一經不治辱兩丈骨肉

范勛卿集

卷三

九

啓

相抵垂顧異常憶高齋聚首昕夕啣沫時聆咳唾大擴鄙濛是兩丈實大有造於弟也雅誼鏤之五中更思尊先大人世講之渥每攢念者久之兩丈高才藻思沈鬱千古卽登壇糾盟承明金馬何異奔兕之觸魯縞乃猶不免一時垂翅固知天之陶成大器機權故自奇耳弟也自分樛材方期擗朽奉教大方乃忽叨非次之倖猶蚍蜉撼大樹然未嘗不瞿然驚赧然愧汗淫淫下矣倘大德泛愛提挈頑鹵不吝尺素之教弟

何任踈踴頃弟形骸爲繼牛馬應人百冗交攻肌骨欲痛恨不得拂衣南還詣兩丈把臂交驩良苦良苦計弟弛擔歸必俟兼秋方得挹兩丈芝顏也八行短語不盡長懷諸惟鮑鑒

與洪桂渚鮑中素書

自邪焰日張正人日遠既有沈魚斷鴈之苦復虞魏璋路楮之奸遂久不通心於台丈時事總堪仰屋不知從何處說起大都閣部大臣縱奸養亂以至於今狼狽已甚夫自山陰晉江繼四

范勛卿集

卷三

十

啓

明執政若而人亦若而年所摧正人如劉麗陳宋江汪諸君子皆與彼爲難者也而王滇南則三相惡之而卒不敢動自福清在事小人始首排滇南以觀新相膽力之何如而明乎其不足畏也後橫行無忌一味誣正人而以行其私中間猶稍忌憚孫家宰孫去而投之所向無不如意卽孫之去亦徒以執政畏羣小入骨正人無所憑依終不能伸已之志不去何爲假饒京察後稍扼言路兇鋒留得孫老在天下事固自可

聞而奈何其不出此也王少宰之去孫總憲之
去湯質老之去徐孫郭三吏部及諸年例之去
其責都不可委之誰在朝在野大臣小臣凡
係正人幾於盡掃夫當獨相之時素負正人之
望非若舊相之與劉龐諸人作敵頭也乃其坐
視敗壞不異庸醫之坐視人死抑何忍也誠矣
而不動耶拊膺胡以殞霜浩歎胡以決石也爲
之而不能耶伏雞胡以搏毚乳羔胡以敵虎也
悠悠忽忽袖手旁觀終不與言路爲仇對社稷

范勛卿集

卷三

十二

啓

之憂竟不勝身家之念卒至羽翼盡翦而詬詈
交加驅逐日亟進退俱醜斯潰離之相及無足
怪者但可憐耳傳聞李季白疏 皇上暨東朝
極爲留心言路中小人無不膽落獨以閹部大
臣了無擔荷故邪黨危而復安而季白一片赤
心曾不得稍稍收功於人國扼掣何言至如詔
書起廢反申明永不敎用之舊旨餘皆以縣令
起家成何政體甚則公然以于黃作羔雁以媚
羣奸何以堪也天若祚宋其視崇仁之出乎崇

仁欲行其志又全要新宰同心此非下一番細
巧功夫不可而調護吳入其間者何人董崇相
徃在南中與新宰甚相得未審何時出山新吏
垣陰狡剛愎主晉江而輔宣城最爲時輩所擁
將來還大有動作必使科場之案盡翻而因以
沮崇仁之出是其本謀或得拱陽貞宇內外牽
制之亦自能顧惜其人要做大官者也故終不
敢盡背正人拱陽一以當百諸奸所不能容而
亦所不得不畏願今且無言而隱然存虎豹在

范勛卿集

卷三

十三

啓

山之勢若撒手去則前功謂何而 朝廷之上
竟無一人足恃矣高明以爲何如弟近營廢圃
縛茅廬爲終焉計實非敢厭薄外補緣家嚴七
十外老人不忍違膝下且山中又正自有樂地
也雖然居恒感慨亦不能無恨焉小人安富尊
榮謀無不遂而君子有不得爲太平布衣之憂
一恨也子胥殺而宰嚭沈懷王囚而靳尚黜自
古讒人自讒天道不盡夢夢今也胡獨不然二
恨也好黨朋惡雖終莫逃史冊之督逋而忠亮

先摧禍延宗社千百年後曾足償負三恨也庚
市子毀玉止闕今當事者坐視玉日毀而闕日
起曾漫無處分四恨也羅公玘爲李東陽門生
當劉瑾張永之際羅不難瀝膽上書李亦得書
泪下今則爲羅者不少而爲李者絕無五恨也
山中人而不免此五恨嬰於懷不啻跼天踏地
將何生活耶想翁丈全之也賤性有山水癖久
矣懷黃山白嶽之遊况又可以奉訪有道豈非
至願哉乃數年來濕蒸於脛不時創發苦不可
支濟勝遂無其具不知再承道範定在何時言
之悵結茲因賓王丈便附候台履統祈垂鑒臨
風不任延邇

范勛卿集

卷三

七

啓

與董思白太史

不肖從髫年卽知服膺玄宰先生清標遠韻拈
弄毫楮無不蓋代每令人脉然神往焉不肖待
罪銓曹日與袁中郎沈白生口明公不置以謂
人有如此才而使不獲優游清華之地公論何
居要以起識如明公所以自待者甚遠而所以

自娛者甚適世上浮榮等之幻泡正自了不聞
耳比不肖歸田後望雲間厓一衣帶水滿擬買
舟破浪來登明公之門飫聆玄唾大快平生而
二豎時侵不敢窺戶外久羈訪戴良媿古人頃
聞文旆暫駐廣陵正堪趨晤又以病肺伏枕莫
稱本懷敬遣奴子代候行次今吳中人士假明
公墨蹟行世者何慮數十家哉雖復高手終同
魚目茲懇不靳此腕而推明月夜光之寶畀我
貧兒乎則寵逾百朋幸深望外矣造次不虔不
及覲縷仰惟財察

范勛卿集

卷三

七

啓

答黃賓王

敝邑僻在海上距蕪城將五百里而遙旣違方
軌之路誰傳驛使之梅雖知愛如老兄不及時
時候問望風延結有忍忍至今耳時事總不堪
忍筆而小人立意只欲摧折正人使朝野俱困
凡識力過人標持清議者必先受之然則老兄
何可免也英雄遭劫數愈見正色况小人不吠
奸而齧貍又其故態則然曾足多較李繼白真

丈夫子與老兄作對股此亦不辱彼則尤榮傳聞皇上暨東朝皆留心繼白一疏而無奈閣部大臣骨軟筋麻了無擔荷他何尤焉復公方外人時露俠氣亦自可談惜不肯久留也佳貺遠頒良感厚雅扶病答書不盡縷縷統希心照復黃玄蓋科長

敝州獨僻居江漢以故海內知交盡歸離邊若乃殊愛如年兄同郡時願通心豈敢謂山中之人不宜作都門貴客書也顧蒲柳脆質抱疴經范助卿集卷三

十五

理藥爐遂不欲撓寧筆札之役承手教草覆未盡鄙懷年兄當有以亮我

答周少司成

盈盈一衣帶水曾未一修候於記曹雖世棄君平君平亦棄世然非能一日忘起居也久不閱邸報顧竊聞年丈拜成均之命久之弟往者浮沈六年餘見都人士斌斌蔚起乃知此地儲才之淵藪而祖宗朝名宰鉅公未有不從此出而亦未有不借此地提獎寒儒以爲異日宗社樹

人計者年丈清規照世鴻業潤時不乘之以答明主之知而優游家食何以塞人望乎弟旣迂時病且憊甚得保其天年卽已大幸無復言天下事矣箋教從五雲下慰我實多山中無能事客故徹甫之來忽忽慢去惟知已亮之

與馮鄴仙給諫

不肖半朽陳人紫雲兄乃愛忘其醜致誤台臺知人之明主臣無地朝局日異以其時考之正當剝復之介君子詣闕是爲李綱顧所貴有調

范助卿集

卷三

十六

元之上藥母徒以刳劑邀奇驗也待間隨機應出狄懷英之妙用使何文二老去後喙喙爭鳴今又不知作何光景新吏垣非吳鯉化比能收爲張柬之何患不反周爲唐也野人臆說願高明一駁教焉

與吳本如中丞

明公暢宗風而嗣南嶽綜儒術而拯中原威鳳峙立於西川神龍化周乎六合奚啻鄉邦之鼎望實惟朝野之具瞻不佞謏劣疎慵不堪世用

所幸本來面目未盡脫離猛發叅禪學道之心
猶虞墮落而僻居鮮儔聞見寡眇台臺肯不卻
牙後慧一提獎之斯真濟津之寶筏矣倘荷弘
慈敢忘大德適舍親白太行之便輒附片楮恭
候臨穎主臣

與徐若谷侍御

弟近善病遂于人事都捐然於二三同志者卽
夢寐不能舍去况仁兄又最辱翰教者乎兩年
以來聞問曠濶此何以堪台駕入蜀之後亦豈
范勛卿集 卷三

十七

啓

料時事至此正人掃除欲盡而嵯使又當羶地
宜其不免崇仁之出處關係甚重若不儻然徑
出小人將有窺其中怯不若出而相幾密運引
用正人使陽氣漸復羣陰或可漸消不然世道
不知所終耳正企仰間會舍親白太行有蜀役
輒附片楮聊布候私百一未宣統祈心鑑

復黃鹽撫

我公以東南福星握兵符海上士民歌誦匪伊
朝夕矣今拜新禧督理嵯政特布微悃并有所

上聞者某仰體軍需之費去歲因成總戎用兵
急切二次應以七白金今又應三百金共計助
兵餉一千兩稍抒臣子急公之念至完納沙田
價二百八十六金餘又首倡二百金爲本州修
城等項用草野寒舍不惜養餽之貲如此仰惟
睿鑒更有懇者敝州僻處濱海屢罹蝗旱卽殷
實十餘家亦不過數萬田畝而止若欲如商販
鹽貨出何處固我公所洞察亦敝州守所宜曲
原民情者也格外施恩萬姓二天之戴統異電
范勛卿集 卷三

十八

啓

垂曷勝淵仄

上劉總河兼漕撫

不肖以抱疴三月多疎節于崇臺正媿燕賀之
未將乃辱鴻施之先及五中無數銘篆一函聊
布悃誠併爲里地民生萬分艱苦乃責某上陳
乞于我公者敝州向爲關白急務每年加額錢
糧一千八百兩兼經費至二千原奉 皇上之
旨東征事止卽佇汰民糧不知何故長行將過
十載總筭則東征事止之後又將取三萬餘民

何以堪熊道尊却謂以前當事皆言徐州加兵有用似非得已嗟嗟錢糧原爲東征今遂私爲徐州未曾奉旨民若怨甚而一上疏 皇上之前亦大不便也抑惟仁臺共熊公商定而止之此無量之功德也

附郡守朱冲宇書

自京中與年翁時時把臂論心慰甚一別遂十二年何堪悵結近徵任貴郡正思晤言爲快不知台駕何時至止弟當與年翁遊崑崙岡讀鮑

范勛卿集

卷三

十九

啓

明遠賦爲十日飲何如弟見熊道尊極仰年翁爲貴州以征關白加餉事至今猶橫征糧銀一千八百力言于劉漕撫老大人深以爲公論擬請汰免此不獨一州兼及一郡亦不獨一郡兼及四郡共免四萬餘銀年翁一言能使蒼生甦困皆荷無量功德真所謂仁人之言其利溥哉弟特爲受恩窮民代爲鳴謝何日暇遊五狼山當面拜以罄行言也不一

與袁鹽道書

恭惟台臺識精國務念切 皇衷思體邊需督理饘政歡騰簪組喜溢遐陬矣獨近日行文下州弟宜體仰公事焉可妄語私干然有爲地方非嘗大害不得不直陳于年翁者敝州僻處濱海煮鹽爲業窮軍經賣升斗無多擔入各戶百姓安生此自 太祖高皇帝定法以至于今今行令商販鹽貨無端欲使百姓上九千七白金不知本州人丁糧尚且多不至此地方非嘗驚亂何以當之弟與公爲同年道義之交敢以公

范勛卿集

卷三

二十

啓

議關切萬乞台見垂察必將乍所行文一筆勾之可也不然譬則狼山江邊責百姓出貲買水祇堪發笑况可上聞于救民免患之 明主哉草野狂妄或荷鑒存幸萬

附袁鹽道回書

弟苦邊餉無窮饘政不足恐負 皇上命下取販民鹽萬非得已今承教竊竊謂欲令民買商鹽卽同令江邊買水斯爲定論前本吏與商所共議原非弟之確見也今

卽行州已之惟年兄垂鑒亮焉幸萬

與湯彥明先生

詩先求其穩致乃能練熟還生不然則餽餽樣與斧鑿痕皆所不免況生物不化反於喉嚨間作梗有何暢適尊作之視穆其何啻宵壤昨因其在座故云點鐵成金尤感心愛容面謝耳

與湯岱淵

舍下遭焚劫萬卷俱付秦灰每憶尊公先生詩恨不見全集案頭不勝苑悶幸印得一二部寄

范勛卿集

卷三

三

啓

我蓋閩中曹能始方選明詩將寄之耳台丈近作漸富可不墜家風惟自玉爲禱

又

客遊五載里居三月初至與二三知契聚首恨不以日爲年寫其積澗何意人事蜩紛家務鱗集間有暇刻能接杯酒者幾何能吐胸臆者幾何所悵結不去懷者尤獨于吾丈爲切弟於季春臥病四十餘日方始霍然今尚羸弱卽作此函亦甚勉強面赤心跳頭岑岑也承諭尊公瑩

前無路終不成事體弟既有言在前必不負諾責也

與李大生書

徂冬荒述告急竟忘清崇嚴閔之地以呼吸存亡之際不得不仰心知或不至過督也頃亂民一案遂失真情形當事回奏將於弟處分自揣半世沈淪值此劫數幸以布衣老湖海上正所甘心顧戎首明鐸尚思反噬拖人以爲脫罪之計方將令其子明萬邦闖入都下謀以妒婦之

范勛卿集

卷三

三

啓

口投慈母之杼嗟嗟僕身家名節已斷送奸人之手且恐亂民亂兵總一氣兇習逆大非盛世所宜有此一時遏不逞之邪謀卽是吹寒灰以煖律皆吾丈之所賜也冒昧屢瀆不勝皇悚

復葛長卿

古今只文章道義千里應求兄生同里聯交合蘭金者哉卽居恒聚首不必數數而神交面交不可同年而語羅浮足下於不佞殆近是乎去春亂民之變關係社稷安危非止一家一時之

事彼時兇黨一面焚劫公行目無三尺而一面
構人講和弟卽毅然拒之曰此家可破此頭可
斷而紀綱風化不可自我而壞孔空寥寥閭浮
缺陷何處定吾家鄉光禿禿母腹中來幾曾帶
來紗帽小歇關頭業已叅破廿有餘年豈以禍
亂猝臨頓易吾守雖犯巨惡之鋒觸當事之怒
棄產拌官亦必以綿力爭之使紀綱風化救得
一半乃始心安而理得耳京口淳厚之俗儘可
卜居且山水甲東南將來以爲娛老之地間一
范助卿集 卷三 三

掃墓過里此志已決辱足下殷雅惓惓感刻有
心環草何日對客裁謝臨風悵然

與里中親知書

不佞命剝才疎動多踈盪自甘蹇劣者念年于
茲以謂投林之鳥武穩一枝之棲何期烈焰起
于崑岡同舟竟爲敵國室被焚貲被劫千古奇
慘至今日而已極矣其他宦家孝廉家實無一
得免卽各家僕從如包忠周禮袁奎與夫姜宅
之被攢毆死禁下者六人卽云不無生事乃不

死于 朝廷之法而死于匹夫之手耶夫縉紳
有此大禍地方有此異變豈可不挺身任事聲
罪致討正倡亂之名塞借題之口使上臺之爲
朝廷爲地方者有所憑以立法使一方之綱紀
弛而復振體統壞而復存使官戶富戶以及鄉
村人戶得安枕而卧此不待再計者也不佞生
平嫉惡認真正恐奸人亦知此意必于諸公姑
舍置而力擒我一人我一人畏其兇鋒靡然退
轉彼將弄三尺于股掌視一郡爲魚肉打成一

范助卿集

卷三

三

片殺人放火劫財行賄之世界護戎首若驕子
驅宦族如仇讐一切產業或公行占踞或無厭
杜找顯禍見于局中而隱憂中于局外揭竿挺
鋤呼關號澤必且漸成于此此不佞日夜腐心
不爲今日之身家計而竊爲他日之通州慮爲
天下之通州慮也若止計身家儘可以劫數自
寬解而安之義命亦何苦獨任此事半年之中
筆禿五十管心耗斗許血艱辛備歷而形已半
槁費用垂橐而債至萬金又何苦日在刀山劍

林鑊湯寒水。左右芒刺中。過活拚與諸亡命兒。狡之人爭旦夕之命。而義不反顧。乎上必以至誠感動。至尊下必以公憤激發。臺諫使奸民之越秦格而不行。遞解究擬。旨下所司。其在今日。如不佞之極愚極癡。極不量力者。似亦未可少也。無論不佞非得罪戚里。侵牟單戶之人。卽素以骯髒直慝。不和于俗。而志在剪除兇慝。半以雪私仇。而扶體面。半以維法紀。而挽風化。海內衣冠之族。定有同心。里中被害之人。反多

范勛卿集

卷三

三五

啓

倒見。豈我皇上煌煌之明旨。不足重按臺鑿鑿之公案。不足信而亂民之虛僞浮罔。長足畏乎。不佞何以獨不畏也。曰無可畏也。今水落石出。是非大明。眼見得槩州鄉紳孝廉無大過當之事。求其打傷人命一頭。奸占子女一節。侵奪田土一畝。窩盜窩鹽。窩訪害人等不法事一欸。皆無實跡可尋。無情之謊詞。盡消。鬼見作奸之巨犯。已擬上刑。天道本自昭昭。人心空自夢夢。獨悒鬱其誰語哉。凡我里中父老達尊。宜以此

段情形。與里中之人。說個透。隨處止。可雷同甘結。暫應府守州守之命。此後慎無輕舉。以破今日定亂之局。以貽他日無窮之憂。况上臺明若觀火。儘知甘結有所受之。聊免拖累。不足據矣。何苦只圖打乖目下。使爲地方計者。一片苦心。俱付之東流也。然則明旨非欺。按臺之疏非欺。總之焚劫止于一家。疑于報仇。焚劫至于四及。實爲倡亂。報仇之說宜避也。倡亂之名不可不正。正倡亂之各。併報仇之說。亦無庸避。而自

范勛卿集

卷三

三六

啓

破矣。高明者以爲何如。不佞遠離家園。與親知有如隔世。特此裁書。鳴其欸欸。仰祈重鑒。無任瞻馳。

復錢五長

不佞避亂京江。遂與吾丈若隔世。然命駕馳書。吾丈之所以不忘不佞者。誼至厚。且於里黨伸不白之奇冤。於實錄存一綫之公道。足下之於故人情。已太參。而力固止此矣。視彼下井中之石。吠衆犬之聲者。其人之淳濃厚薄。何啻霄壤。

哉不佞迂慵謏劣未足比於九九立俗誠迂流議而一片肝膽可以照映海內之人何至蒙奸民所魚肉而併不蒙吾黨之矜原此殆宿業糾纏惟痛自懺悔或可少解其縛耳於人乎何尤破產辱身與諸兇爭旦夕之命爲一郡計長久非爲一已雪奇慘也凡不佞所爲中下之策終不若隱忍以就功名者之善自謀也不佞生平不愛官爵中外所稔知若謂其牟利閭左以自封殖比於齷齪鄙夫之所爲喟何區區一范生反爲里中奸黨所中傷耶江南故不乏識范生者三山二水之間儘堪放浪雅流名士之交不慳緣分向爲家鷄今且作離鄉草矣客中不廢吟詠然惡况安得佳詩造物者已將夙構諸俚語付之一炬爲我藏醜意良厚也足下復以收存爲言願舍旃而求不佞於焚稿以後庶幾於足下或有當也此中有潘水公才甚橫密緯開少皆華宗不凡足下何日來此中共相傾倒也遠辱手教妮妮具仞渥愛更損海錯之惠舉家

食指動遂忘其非里居時也行人勞渡江而南不佞又有邦關之役致羈報命諸容端申布謝不盡欲言

復韓象云相國

恭惟尊師令德壽豈今歲正當古稀凡側門墻皆願奉康爵以祝大齊而山川間之正擬遣一介祇候適舍親陳生嘉蘊自北而南得蹠讀鼎誨重以瓊儀音旨綦溫寵渥綦至自媿猥菲賤士何德而叨被乃爾感深淵海匪可訟言不肖

流徙自門時時與鄭玄老諸君子竊嘆服台臺在朝則剝復大關世道賴反正之功在野則師傅元臣清修類寒素之士盛德至善已幾幾優入聖域矣頃主上痛鳳陵之見告求龍卧之遺賢世運亦否極而泰之時矣衆正漸可得輿竊謂今日姬公之東山卽謝公之東山當宁必有隆眷思所以押衆正之班者蒲輪且計日下蒲坂也尊師卽位極人臣天庥獨暢養冲毓粹臨厭都捐而海內終不可緩者固爲國脉民

生計非何私所好也茲羽便申謝再祝千秋進
賤三肅仰乞垂鑒臨楮無任主臣

與房海客公祖啓

竊惟中天之界三千非人不立名世之期五百
應運斯興要必擅偉哲之非常方能繫朝野之
公望明公威伸霜署白簡爭日月之光恩覆雲
屢朱帷滿淮海之澤凡我舊時之蒼赤尤欽新
茂之寵靈况微聲氣之微彌切皈依之志顧不
佞侈民也倖民也有巨創在身有磨竭在命無

范勛卿集

卷三

三

啓

顯迹當君子之心無薌譽在小人之口一軀骯
髒卒世淪胥自分無復以姓名辱在人間矣故
雖素所服膺如明公當躬繡按臨之初已孤瞻
戀并魚書廢缺之久良負生平茲因貴門人胡
兄麟兮之便率申祗候未罄披宣謬陳寄懷俚
言一箠聊佐鼓掌再惟皇路漸夷旂常在望祈
早出以慰蒼生諸君子所共祈禱也臨楮瞻戀
不盡

與鄭冢宰

不肖最無似顧生平信心只有 君親在念自
媿有負國恩或亦責不在我至先人令德可比
古人至今 勅命未補爲人子者罪可勝言向
辱海內諸君子賜之詩文板經回祿今始重鐫
竊念我公山斗人倫文章宗匠倘微惠片言爲
之冠卽寵如錫命存歿不朽前已面懇弘慈幸
蒙俞允業已銘刻五中然亦祇求隨意揮灑數
行以便登梓卽可金石不磨日月俱遠不欲過
勞台神也

范勛卿集

卷三

三

啓

與鄭大司寇

不肖落淪奔幾無人理顧立身本末獨蒙大
君子深知虞仲翔足以不恨此外一切毀譽升
沈抑末矣恭聞 皇上一見年兄 天顏有喜
此可爲世道大慶所謂李綱入來方成 朝廷
者也圖屏適多疑獄大疏幸已稱旨而事有萬
分難處非章奏所能爭執諒惟矢公矢慎積誠
而宣乃能見允不見吳興化以面對終獲 主
知乎 明主霽威天下受福當今之世如羣生

風濤洶湧之中不問誰何惟恃善操舟者急救
危險以愚見李侯文武兼資真世爵中未易才
也向累爲年兄言之尤望以國事爲念廉藺勸
令同心卽寇警可漸平耳伏惟弘慈振之至于
諸事有大關係者固不敢謬及之也

與鄭見曦兵尊

不肖抱病杜門未能躬問孺戀繡澁何言頃聞
流賊之在南陽只因江北水大故未敢東下耳
冬初宜致防焉而內使又紛紛四出從此廣陵

范助卿集

卷三

三十一

啓

非無事之國令人憂之我公正氣丹衷者當天
啓之際豈得留至今日以造福我江淮此似天
實有意使君子身任其難而外逼氣慝內苦貂
璫又難之難者未免有心殊爲我公關切昔者
楊文襄之善用張永皆以用成體立身不拔而
使宗祏無危君子何以處此而無使奸蠹借叢
乃能莫安維揚也劉岐老適以書托寄幸微裁
覆爲禱

與姚給諫永言

長干梵剎中片時得親顏論殊慰渴悵又不能
不惜別草草也尊公精神愈王欣藉何如南方
寇警獨耽耽吾郡吾郡近日人心又稍異向時
爲憂方大讀邸抄大疏疾聲而呼恩暨梓里我
輩孰不仰藉台庇顧應安皆有撫軍朱公只可
保障 鳳泗二陵是吾郡撫軍與無撫軍同耳
神廟末年李旭山李修吾兩撫軍皆先後設于
督漕之外駐劄泰州後雖裁去今日多事之極
奈何不循例議復而置吾郡爲壑也鄭公見曦
大得人心亦有權變能善處璫安得朝議增設
撫軍于吾郡而鄉紳士民合疏以鄭公爲請庶
可得之 皇上而十部皆褫福矣偶因便羽效
此草野荒昧之談凡皆老年丈與喬聖老諸賢
所熟籌之餘而不肖不妨再爲饒舌者也伏惟
裁察

范助卿集

卷三

三十二

啓

復文啓美

前惠鴻藻二律真屬代興舉似千仞茂之極其
心折不佞何以得此于吾兄哉屢日夕沉酣其

問心花頓開真生平大快事汎舟日曾有小言
媿不成語殊堪捧腹幸削教何如

與成六吉

惟門下山龍斧粉之文琬琰璵璠之品不佞所
心折而神往者海上之亂奸黨當事亦與之俱
亂矣台兄知我逢人宣說其無他至今日而遠
邇輿論無不爲不佞扼腕稱冤邇厥所繇若門
下所謂魯國男子一人是也此意銜之三年未
敢以一字鳴感適見續明禪師來海上便附一

范勛卿集

卷三

三十三

啓

函布候起居正值阮途踈節爲罪知台兄亮之
續明將開淨業于碧峰古剎法流畢集香積塵
生聚沙爲難持鉢遠乞苟可借資于衆擎台慈
定不恡口角檀波耳造次潦略臨楮悵然

答顧珠崖

入春修已浹旬梅英欲飛杏枝專萼韶景茂對
宛晤台顏屢蒙遣使厚賜媿未品候新祉不勝
惄如之懷歲底流寇從楚黃蹂躪廬郡城以善
守護全和州爲 帝業發軔之區州刺史黎公

鄉紳馬訥老與百姓殫力拒守賊已計窮而二
十八日定更時分怪風驟作雨雪奇寒兼以沿
城蘆葦火起烟瘴迷空城中忽又火起守城兵
民亂下顧家遂至城破訥老闔門殉義可痛可
仰此番大抵天亡和也賊乘勝攻江浦與留都
僅隔一衣帶關係 陵京不小幸大司馬與操
院悉心禦剿賊乃舍江浦而馳六合六合距儀
真六十里吾郡岌岌乎危哉幸六合有河一道
撤去浮橋馬不得渡又舍去而攻滁州危在頃

范勛卿集

卷三

三十四

啓

刻適淮撫所遣兵與盧總理親率兵至滁始解
圍我師創殺千餘賊賊仍敢攻壽州又攻鳳陽
而舍之西北去仍聞歸汴梁大隊又聞一股趨
宿遷下邳以指徐州未知的否總之其志全在
吾郡其打探最遠最確鄭兵道威聲四播故賊
失其銳不然豈六合一河遂能阻其飛渡者哉
彭守公城守具備本以清勤皆能仰體台意弟
已將其善政刊冊特以呈覽乞一序弁其首以
勸有位如何如何朝局大異還闕似未宜緩併

爲勸駕

復毛禹門

孩老久駐此中准擬台騶至止寫我積渴日展
讀扇頭珠玉以代晤言而介弟載同翰教賁然
臨之此何異親炙道顏而聆玄唾顧忽忽慢去
悵如之何朝局已大亂不可維挽豈天之不欲
平治天下耶抑奸黨罪業未深故長其惡而厚
之毒也文何兩公皆皇上之所特簡曾不足
供權奸之一怒諸言路亦岌岌乎危哉我輩久
范勛卿集 卷三 三五

啓

居林下之人且放開達觀眼睛讀書彈碁置世
事于不問免得撓亂心性若劉寶應練江向年
一面開邸抄一面嘔血而死徒快忌者之心而
無補于世道也造次覆奏幸無一字露人目晤
蔣澤老萬萬致聲臨楮悵結

與鄭道尊書

恭惟我公有體有用能爲世道主張聲實騰茂
非倖致也頃年敝地外有垂涎之劇寇內有蓄
意之神奸卽金城湯池未足爲險何幸遇我公

以真精神做出真經濟使伏莽之兇惡敗謀伏
誅焚陵之虐焰畏威喙突廣陵一郡獨赫然
稱雄我公何道而秦功震號蒼黃之中如此益
信無學問之英雄無作用之腐士皆不足爲傾
否救亂所倚重也不肖性實迂慵動多踈盪避
地介居無意人世久矣然憂天哭世未冷熱腸
見吾土賴庇莫安十部褫福驚喜逾望遠近皆
有同心朝野若出一口久欲泥首階祀爲地方
鳴謝况溫諭下施惠教綢疊豈敢自外于大君
范勛卿集 卷三 三十六

啓

子祇因屏跡斗室默侍醫王兩月才有起色初
意小愈卽買舟而北聞台駕公出未遂本懷今
歲行盡矣私心如負芒刺聊托毫素虔賀新社
仰祈垂鑒

又

竊聞尊夫人克順坤維兼備士行而更虔修淨
業蓋再來人也豈但化于幻身之泡滅况我公
又深造禪理應斷愛河獨念地方多事政務勞
神猝失一內助良友誰復主中饋而相慰勞凡

在編氓宜何如奔弔且唁而不肖乃缺然至今始特致蕪詞修奠幸命司祝叱名尊夫人几筵其未有吐之者也

復鎮江程九屏太守

諸君子居恒評及時賢若明公品目甚高大司馬每與不佞慰藉之甚頃晤間又及簽運妙用嘆服明公大有功于漕輓運官皆無掛欠忘向來之苦回憶各衛初有異同之言及其成功晏如也雖鄭人之于子產何以加焉京江首衝之

范助卿集

卷三

三七

啓

地得借名賢與敝地鄭潛老夾江砥柱乃心共事念切同舟此古名臣體國之蓋忱非可近代而求也歲欲更新野人未申椒醕以酬高厚乃豐貺寵頒銜感曷旣聊附一縷以祝千秋惟崇炤幸萬

回彭州守書

不佞孺戀之私以日爲歲若非秋來肺病作楚則子侄入泮亦衰門善事何至不能一歸里中登造先隴况聞老夫人仙逝下情愴悼如喪慈

親恨不匍匐几筵兼申唁慰罪也何道每與程我老趙二老晤對輒嘆今之吏治多不古若惟公之自律如此清嚴爲地方如此真切求之古人中亦指不多屈况季俗乎承密教恐當事未盡爲知已不佞不敢負尊旨也

與方孩未

弟素稟孱弱寄命藥餌者四十餘年今冉冉老矣飲噉交濟不異年少而蓄泄自主大約我若看戲之人而忘其爲上場之人固亦有所授受

范助卿集

卷三

三六

啓

然半屬藥餌之功近見台兄中氣未免稍虧雖曰脾弱而其源非脾病也脾之所以惡濕者外來之浮水而土之所賴周固者本來之真水也弟以爲台體必用脾腎兼補之藥而所服之藥又須在有意無意之間不貴責近效而屢易方又貴順時宜而酌涼煥何時覓一靜處相商攝生大道非尋常醫人所能識也

復諸公祖書

某所欽慕祖臺者分無所逃而道有所宗豈不

欲時時省觀少慰孺戀之私顧每每足欲前而負媿次且幾番中止豈得已而然哉計自庚午遭亂民之變鉗網橫加衣冠削色無復人理數年後士民出公論鳴冤千人走白下擁不肖歸里某何以當之里居僅四月仍避匿白下私謂天下青山皆可埋骨耳獨以違背慈顏有日夕不自寧者頃聞知已寵言似察于衆惡之外又不覺捫心刺骨感而繼之以泣也

與喬聖任御史

范勛卿集

卷三

三九

啓

恭惟扶輿正氣砥柱鼎臣當元兇暴悍僭俗澆訛日月無光天地氣閉台臺獨能紮發奸慝振起貞良七八年來正脉如綫專吾江北諸君子力維挽焉而提要清綱則台兄力也不肖某半朽陳人刀俎餘息業已忘情人世顧惟昔賢隱不違親之意每思于草野而圖吾君見奸黨誤國恨切戴天見君子得與喜同御李况以梓里大賢居玉鉉大斗之間懔懔伊望之業可勝滿意者哉記得庚午以前舍親顧珠兄鑒識嚴

重獨心折台兄洵幹國之才無兩比日南中諸名流若方孩未許石老吳柳老金天老徐虞老大司馬質老皆仰止如在天上何令人景行一至此也久絕長安書記茲因便羽稍布燕私語未宣心伏惟崇照

答談中約京兆

離邊經年只尺河漢逢人輒詢起居住勝每擬買小刀破浪再續舊遊緣頃年秦寇東下震號陵京雖草野羈人責不在我而江上戰塵起處

范勛卿集

卷三

四十

啓

心目俱驚其未及閒遊又可知也明公詞壇主盟卓然大雅曾面請付棗以示後學使繼趨俗子刮目金鐙亦無量功德茲將懸之國門而猥以糠粃之前屬之不肖行且附之不朽何厚幸耶卽樵甚不文當勉圖報塞端人呈稿求竄削也主臣

與方孩未

弟受暑熱甚因而納涼山中納涼太過遂至不能食者數日方漸就平一身真如石火電光天

下事更有何者不是身外而足以動至人之心乎獨性獨來無得無失而神滿天地之間氣貫日月之上禍福生死舉不足以用之此自是至人真學問真快活處而惜乎吾輩尚未之至也貴恙近既全可更期忘世爲妙此禱

答蔣澤魯

自奸人借題摧挫我公令不佞憂悄並切食息以之直至駕出都門如脫虎口鄙私始得小慰比聞久還闕里每擬躬候相勞逡巡至今罪悚

范助卿集

卷三

四十二

啓

如何可言李小有來白門欣奉手教娓娓談心曠若復面真楚然空谷之音矣歲杪寇破和州屠戮極慘馬訥齋一門從義止存一弟一子可傷可敬和州爲帝業發軔之區何遂至此賊乘勝攻江浦南樞與應撫之兵協力禦勦賊舍去祖陵宴然臣子始少安耳今海內以全力辦賊而六七省及近日江北失陷城池甚多皇上皆從寬政亦非必寬之自上也當日何獨苛求於鄖撫哉固知亦非苛求之自上也茲借毛

使郵筒裁答端候以異日臨筆無任依依

復方孩未書

自台駕還珂里遂覺南國空虛令人了無意況兼以時事日非正氣索莫弟嘗謂國家脉運適當陽九恐君子未便得與不幸而言之中也然石齋真奇男子能使皇上不忍盡棄據羣奸之本懷猶似未爲嚴譴且幸言路正論尚有存者以彼羣奸之躍冶不祥俟微陽之剝極徐復遵養時晦勿爲亢龍貽悔是在諸君子之善處

范助卿集

卷三

四十三

啓

厄運不失貞艱之道耳江北枯旱敝里更甚加以蝗蝻蔽野草根木葉俱空弟擬九月言旋吾土計此時黍離變爲赤地足欲前而不忍見也承諭貴地亦苦荒歉大家食貧還來白下飽享林壑作生涯可矣

復毛禹門

當聖天子求治之時正大君子持世之日况台望在玉鉉大斗之間而乃煩以七省飛輓之勞然必不久虛虞門之大闢耳弟兩月閉關未

圖躬謁而快積憤頃承大揭下頒知崑邑變屬
非嘗幸宏猷戡定并鄉紳亦得稍安大端包兌
棍徒與糧房猾吏比奸崑邑更甚官吏兌棍定
宜立正典刑崑邑以後知儆風化與漕政皆平
仗吾兄威德四布法申七省豈小裨已哉謹此
復問起居憑穎惟有神溯

與錢五長

歲星三易不勝美人之思寢食可廢聲氣難忘
昔人所爲歌杖杜也正切企注而琅函錦字翩

范勛卿集

卷三

四十三

啓

翩至自雲中喜甚顧叙述近况侘傺無聊爾爾
令人殆不勝情聞不久理金陵之權使我神魄
先迎恨不立地相把臂也汪遺民詞壇高倡少
所許可然獨心折足下讀見懷佳什玉質金相
真杰作矣不揣和雪布鼓爲慚舍侄回甚造次
遂潦略報書百不宜一諸惟足下亮之

與宗侄孫石夫

鹿麋野性脫矰弋而遊放曠聊遂逸懷江南山
水甲於宇內向承招隱碌碌未果吾鄉狼五僅

供登眺豈若霧巖震澤擴充眼界奇觀明春和
暖當汎吳門一棹還覽諸勝親挹紫芝以慰吾
宗白眉之想褚子來蒙東問寄感謝非言可罄
往有拙言四首書贈長白大兄以民變時混失
原稿外更乞書區聯聞已寫就幸一一爲我查
來逾於百朋也呵凍草勒曷任馳注

復鄭潛庵

司馬遣役因有他羈廿二日始至捧讀手翰慰
諭勤拳自揣某以草野疵賤無足比于九九何

范勛卿集

卷三

四十四

啓

修而仰荷曠觀慈軫施恩不報之地令人世世
載德如何可言我公勞績非嘗位不佩德而所
處日難司馬亦同此念爲我公地實則爲地方
地此自公道宜然夫皖撫屢請而始得若因其
難得而輟請安所得安撫哉超宗亦與聞其槩
矣細簡佳刻功德無量某素切皈依當圖面受
鉗鋌併稍償願力一二

與俞容自

遠左右不覺遂將兩年山河阻修隔若殊世相

思命駕時復興懷而賤恙侵尋奮飛無翼自分此生窮三山二水坐爰爰園與我公上下今古豈可如願惟優游在夢中耳今歲國事更奇廬郡鐵城及各州縣皆破敵郡廣陵人心風俗更爲可憂敵州江海盜賊遂至數千乃世庸之前所有令南北撫臺合兵協勦始得安枕至今不意今又危岌弟思全家還任南都爲是不知公意以爲何如若弟風燭之軀神志荒惑藥物苟延無望雲霄之路此真心實心與知己相對

范勛卿集

卷三

聖

啓

與林刑廳書

獻正引嫌未一傾倒乃文旆已有廣陵之行不勝悵悵茲懇敵社友錢君良臣張君元芳此兩人者琬琰爲心蕙蘭爲珮才品既超而博學苦志都人士不能過之明公所深注矣頃方試于朱公朱公故具正法眼者計無不賞識顧語有

之千金之象不惴虎而惴鼠驛裏驂驄不堪與狸狍試于金竈之此不孝所以寧爲兩人懷杞憂耳敢微寵靈叱名朱公處爲道不孝所以薦兩人者所言公則兩人由是叨齒牙之惠矣鼎呂之托惟明公留意焉臨風禱切

復冒嵩少謝其作序

弟景仰台丈大手筆實爲吾郡文宗一人每喜讀佳集無異侯芭之事子雲乃昌黎先生論文謂芭獨師楊尚勝于桓譚者然並未敢以其文

范勛卿集

卷三

聖

啓

自見于子雲故至今未見芭文于世是芭能深知楊是矣其自己文並未求見于世尤是之是矣弟何妄以拙作求序于大方家大手筆也哉惟茂先曾謂太冲曰君文未重于世宜以經高名之士蓋令其求序皇甫先生亦所以引後世之詞人每多求序者也至魏收以文集遺徐陵令傳于江左陵獨爲收藏拙以其集盡沈於江此尤深于知交使能改過受益者也弟識惜才屏正媿襪線布鼓何足以示巫見大巫况且生

平骨鯁愚拙每致謗書盈篋背憎翩翩何敢當
月旦于子將望水鏡于樂廣只求通家至交爲
我剷除塗竄止存其百一不惜齒牙將成孔圖
或可令少逃世人之嗔噉耳豈意夫子國祿方
進龍門望敎卽賜鴻文吐若懸河敏如注射弘
麗典則英銳雄奇劇屈賈而短曹劉雖皇甫公
序尚不及嘉篇矣且訓詞溫厚以情生文以嬉
爲美亦卽昌黎先生所謂小慚小好大慚大好
者也雖然以私好感知已之恩惟有沒世不忘

范荆湘集

卷三

四七

啓

矣病伏月餘且適有大功小功喪事勞苦以致
申謝久遲惟仰乞鑒亮三春之內望賢橋梓一
遊五山弟薄具斗酒共食濛谷之蛤蜊焉想道
駕自聳入雲端老夫只似壤蟲之仰視黃鵠耳
其肯見許如若士之與盧放乎禱切禱切

寄錢牧齋

久未申候台臺或憐弟風燭之軀心血衰憊神
志荒惑未能作書只知已相對爲之奈何印如
上人同魏于飛至止地遂知台府無辜乃蒙

火災奇慘今弟關心卽迎庚午破家之苦然至
今千古大亂之後家猶幸康平可以無恙幸
台翁自有以自遣以享德福于千秋也

與季因是

僕與足下四十年莫逆交竊拜明惠感懷載之
稔矣其間時事屢更久疎鱗羽遙瞻延令之雲
未嘗不想見光霽一慰愁悶也然計得同寓公
于吳陵時切切論心而文章貴洛陽之紙卿快
談令郎垂髫時卽能妙舉子業僕已心折足下

范荆湘集

卷三

四八

啓

之玄文神識本海內無雙計易有言曰鳴鶴在
陰其子和之同聲同氣今丹穴鳳雛聯翩振翮
雲路其文亦有種而庭訓軌範亦自非常異才
雋品呈符名世僕久托道交但年當衰暮伏枕
山阿竟未馳候展賀疎節之戾知莫追矣茲啓
有地理孫見玄者擇鑑甚精僕素交也其鄉錢
御泠先生用之選擇遂掄大魁由是各馳吳越
御泠又送至寒家門及張顧等家其道大行今
有貴地邀之者僕乞親翁虛分游揚倘得牛眠

勝地亦不負其游也感如之外敵社友李羽中云荷親翁渥雅二十餘年自鼎革以來足未踰閩故未趨候故人倦念之私向僕言之屢屢渠不日樞謁階墀料親翁道重義隆必不作今昔觀矣并預布聞曩所惠畫幀奇絕真似石田妙手時出與羽中共相欣賞今乘便付來乞法書以標其額何異枝山豈不合之雙美當永世什襲之矣統此附候均異炤原臨穎無任瞻溯

復薛更生

范勛卿集

卷三

四

啓

南都領教真如抉目金鑑濟津寶筏今遂久違覺路已十餘年可勝悵結吾輩皆老憊之時遭奇慘之運何以爲生只猛發學道禪心求無媿于三生而已道駕渡江與永老談世出世事弟獨沈疴越漂顛眴三載人命將遊岱宗如公幹之所憂矣化緣實生平所願惟苦十年來一州家人窮苦兵糧加至數萬天禍蒼生無麥無草民苦饑寒且強盜幸衆殺人成何世界何以布施去夏缺山翁有書遣僧見責募化全不能

應惟自具數金付僧茲亦如是應命心甚不安仰惟垂鑒

與長源書

未候年丈久矣聞崇信西來大乘法近又刻意宗門單究最上一路此大智慧人精進勇猛五濁劫中不可多得尋得云中珠子好向我道乎宗年侄諱俞和者來自金陵流離萬狀過貴邑圖晤年丈幸爲區畫而周全之世講之誼亦最勝事也不佞屬鑒亮

范勛卿集

卷三

五

啓

與邵石生

僕三春病憊心血足力皆虛故夏秋半載總未遊山亦不作詩文一字近幸遇俊才致我性情欣暢殆如見孔璋草檄卽愈頭風誦子美手提觴餽血句瘡亦能愈昨晚燭下作北山一律求政初二日亦卽招遊狼五山矣

復蒼雪師

文公至承惠法音熟悉道况喜慰不可言竊自變亂以來繁華銷歇有有者必歸於盡而師以

道門耆宿清振一時昔人有始空門者

之言非欺我也鄙人今歲七十七矣叨天意

厚假我餘年然幸頗知過活除齋日學無生外

則與老友觸詠山水頽然嗒然不復知有人間

事矣因憶早歲登朝見時局大壞加以剛腸

疾惡不容奸邪小人遂奉身而退樂是閒居

中間雖屢起京卿然未出里門一步則天下事

非自今日始知也困來札及之具見方外知

已之愛故復爾爾崇川吳門祇限一江而吾與

范助卿集卷三

師皆老矣後期難必言之懽懽幸得與君

詩佳甚老夫意思疎落今此一詩聊應

爲我藏之文公道行清高乃相繼成佛者惜涼

薄未足以酬之殊愧也八拙集將舍前

之須其成當先以請教餘不盡

復道開師

相別條已六載真覺歲月如流矣頃來聞公

導東南利生弘法使吾里汰法師重燈賴公

不泯喜慰可知矣文公來承手書扇惠及

失垣 恨意不淺夏初開講處牧老與

謂支許與臣 今日恨我老耄不能

去風也可勝想切文公老耄不能長

布復禪燈亮

復楊白齋

與兄相別甚久自向承手書後遂音

問寥絕而白露蒼葭不勝伊人之想亂後聞

兄閉戶著書不愛州府人語是太初務

于今僕

范助卿集卷三

期學無定外

不問至於海內之交

去諸懷此蓋至老而不衰者也適文照師

敬此附失

悉

四

范

熊大司

公以命世之才建不世之業南

金公本沼上之變龍借閭中之小虎

止國運將升其者傳聞左帥亦如流

勢宜防然以思之在冠豸惟馬

無意渡江左兵不過要助餉而未同流賊

卿集卷四

况有明公妙策不難擁衛金陵恩全淮海而且

有一路勤王之師可用成功者其生平以直

非敢說虛語也悔嘆衰陋之夫久缺申綏

代布微忱仰乞垂鑒

與鄭超宗

公鑒 齊望影

此

無手與世

璞如

與姚公

有涯溪

面望覽至於貴族

知不佞者未便

為我叱咤各是禱

與姚公

久違教無日在臆間口中頃一晤言

日異竟體皆經濟也朝家方多事得明公立朝

不但詞林增重而世運全藉維挽不佞草野舊

卿集卷四

臣亦從此得安枕過軸何快如之仙艤暫駐江

干急欲走候而適有小恙未得出門倘台駕尚

留一二日弟當携壺榼一相送也

為吳孝廉上黃道尊書

本欲躬叩為十部伸謝二天而乃于中

台教感愧何言適有敝通家吳

偶相遇于邸舍甚慕悅

宗而

布衣

天下士

使張孝廉下座矣但揣武開正即牙門之制
或禁嚴密即冷在武學
私王中吳生公車期且
其發流離之狀誠難屬心玉振
或不忍其繚垣而坐敵也其素狷介于後進不
無范泰之懷江外狼山可令吳生一賦海天秋
月乎當爲台臺擊節而知爲佳客矣樊引之私
伏惟台鑒

復錢牧齋

范勛卿集 卷四

夏秋每奉手教如對面言遂欲渡江爲快恐公
刻刻不離細君非狼五山霧所敢望一至止噓
噓起廢事海內諸君子誰不以牧齋爲第一流
人即新臺省多乏識力然老成如玄翁念翁皆
望中興何能一念忘公者九華存如上人至才
數日即遣復台旨蛤醬非寒舍所能製特雲得
陳者二彈以供細君讀

復章拙生

惟足下鴻裁妙筆精奧雋雅其雅牛耳于吳門

江北鄙夫恐未足充糞除之役乃州五馬尚煖
猪肝不佞實未免有懷豈容饑餓于吾土地當
即直言以造之耳昨冗次未覆茲更潦略上
幸惟垂亮

與陳旻昭

公甫仁愛廉勇粵西土司歸心已久得道兄學
問經綸實足主張文武昔王公瓊同王公守仁
當額盜大起合謀行事賊遂悉平譚公綸同戚
公繼光入策備邊去六失全弊而久之葡稱雄

范勛卿集 卷四

鎮東西寇相戒不敢犯邊然則兩公掃蕩氛
可計日而埃弟雖草野之臣無一刻敢忘國
事敢忘主恩卻感激道兄新登甲第而即奮
志請纓與公甫奇貧奇俠良可敬也弟偶見邸
報有聖諭云捐貲共濟應有同心鄉紳不倡
誰爲和者其在籍文武不論崇卑罪廢凡有捐
助即與奏聞弟犬馬已長進仕之始十載青袍
一載吏部業已與奸黨不合甘心孤冷雖三起
京卿未出山林者野拙之性而不忘朝廷者

則忠孝之心頃 天子如此憂勞而賢臣如此
忠憤隱居者敢安飲一杯水乎弟特損膳老之
物千金以壯兩公行色願兩公擒闖滅獻一如
君命封拜之日弟在山中歌咏太平感戴明德
不淺淺也

與方孩未

皇上知公雄才借重粵西開府快甚快甚知已
知我以退讓爲主數十年無一字入長安是以
未能如命上疏亦未敢上書王道長虛知已之
范勛卿集 卷四

五

書

思惟聽之而已弟雖老病實望天下真忠義真
豪杰能任國事于危時如陳旻老以新進之甲
第而奮志請纓并成公甫總戎以數十年之廉
勇而思聯絡壯士掃盡寇氛弟又未嘗一刻不
感激兩公爲寓內所僅見兩公方有事于徵調
土司而卽得公之開府殆天作之合與旻老主
客同心必多方爲之權宜設餉凡有所謀無不
共濟旻老之藉鼎力豈淺淺哉至公甫久任粵
西聲名嘖嘖人口卽在敝地時掃除海寇募義

勇措糧糗皆嘔盡心血弟見其奇窮曾捐七百
金爲勦餉則其人可知卽今日奉命往粵西而
弟又捐千金以壯兩公行色矣土司銃具盛甲
俱甲于天下公主持其事兩公得以速提兵出
境大壯軍容剪除巨寇則皆公之造福于朝
廷也弟臨楮語不宣心

與俞容自

弟秋末已買舟將卜居金陵與仁兄會晤爲愉
快乃舟至敝郡而瘧疾作矣遽歸月餘方有起
范勛卿集 卷四

六

書

色却畏寒難以出門至國家大勢久爲人心弄
壞風化難回目下流寇旣已不逞於南天更將
要趺于江北將懦兵單胸縮觀望思前向後江
北不如江南弟實蚤夜怵怵思與同志學仙垂
老然盈盈帶水伊人一方尚恨無翰羽飛侍函
丈悵如之何茲者閏冬之後歲將盡矣臨楮曷
任神馳

與錢牧齋

久不通候起居幾至匝歲有懷如結何能悉吐

惟仰鼎望日隆、東山捉鼻、只在旦夕、承 帝眷
矣、弟老敗萬狀、世路灰心、惟偃息山林、以布衣
老死、亦自無媿、安心孤冷耳、左帥爲闖賊所逼
迫、却又招納饑賊二十萬、沿江以劫爲餉、南中
諸貴人、魂飛魄散、今幸聞已回到中州、與孫總
督對敵、左亦蹙歛喙息、而西南解嚴、聞將有疏
敘城守功、果爾、殊足羞也、每思向來冤屈我公、
頃者滿朝君子、尚有所畏、必遲至今、想只玄老
定力任事也、

范勛卿集

卷四

七

書

復成六吉

吾丈已奉 俞旨、非久借重立朝、以助中興之
業、喜何可言、不佞野拙性生、眇躬老病、惟有掩
扉待死而已、蒼生之望、與梓里之福、非仰吾丈
而誰台駕、寄居吳門、方苦不足、而乃以入蜀之
微貲見惠、豈吾輩緩急時有、而必欲拘拘于完
趙乎、若非目下分家不佞、亦不敢受明德也、謹
拜登、併領雅贖、容嗣布鄙懷、未多及

復冒嵩少

不肖某初、每以世運陽九、勢將崩圻、然尚期善
老而獨爲子若孫憂、不意 先帝罹千古未有
之慘、吾輩惜痛、何以爲生、新主龍飛、求舊名
碩、弟病朽、閉山于世、無用老親、翁德望崇隆、雄
才中歲、正當爲世道主、張令郎又時彥第一人、
真通家所大快也、容卽修燕喜、茲草復、王臣
復吳行可司馬

先帝憂勤明聖、忽遭創殘、四海蒼生、忠憤酸切、
不獨吾輩、世受國恩者、幾無以爲生也、若 新

范勛卿集

卷四

八

書

主自有祈天永命之道、撥亂救民、中樞督師、二
老能如子房之在軍中、孔明之稱王佐、而左徐
二公或不異淮陰之流亞矣、高劉似非秦賊同
謀、旣受 帝恩、必當爲史公所感動、得猛士、慎
固淮揚、又况膺積禱、栗正惟此時、伐弔中興、只
在數年間也、國初陳氏入寇、衆無定謀、惟誠
意先生決計、傾府庫、開至誠、固人心、卽可伏兵
制敵、而王業遂成、然則今日度支之贏、自今天
意、乃二十年之奇邁矣、知我公巨畫、足以佐主

而應昌期真元老之實用不與虛動之浮才同年而語真切真切弟性生愚拙原非用世之人絕交已四十年惟齋居憂國恐江北不若江東惟是入攝山終老且得奉我公之心教以保長生耳辱公遠念遠使謹此鳴謝小女母子皆平康并以聞上

與荆道尊

恭惟台臺文武爲憲將相兼資身繫朝野之安危權制南北之隘塞某識荆雖未以目而先切

范勛卿集

卷四

九

書

以心遙望明公如峩峩華嵩瓣香頂禮恨不騫颿而過衣帶水奈何老朽餘生際茲末造憂國何以自安頃者江北遂爲邊腹卽五狼山不勝驚號惟福山遙達金焦恃有奇杰名公掃清外警倚歟庶哉茲者聊剗雙鯉布懷兼申薄雅臨風却未免感賦蒹葭耳仰乞垂鑒微誠臨筆不一

復宗侄孫石夫孝廉書

訖得癸酉之秋幸晤台顏良無媿先宗第一流

人之後時未知其文而先知其人近知其人而并知其文其人忠孝而其文兼抱經綸比之長白老兄更可敬也不佞久居白下奇病而歸崇川日落桑榆掩扉待死盡荒人事卽同宗得雋如我賢丈尚遲缺賀典慙慙奈何昔文老現老蓼老諸君子并長老之仙逝皆未慟哭靈座前亦未遣弔至今抱歉大抵七十老病之夫心血不足遂至於此近聞先帝忽遭創殘四海蒼生不勝忠憤况吾輩世受國恩者乎雖在草野

范勛卿集

卷四

十

書

中皆惋愧未及代死也高皇帝有靈使天子只尺登位自能撥亂抹民俠骨忠肝吳門獨盛不佞正欲卜居一則以老身非久八世宜求片地于珂里得傍先人祠墓數里之間一則犬子若孫宜求教益于賢丈之左右此本懷也先乞賢丈爲我圖之質老同宗同道生平知己何異同胞又正合忠宣公之道派其清忠貞靜真無媿先帝先賢而無家無後吾輩何忍不爲之計南都諸公及其如嫂并紀綱皆以字來

述質老生時家語必欲借寒家拙季承嗣不佞則萬無此意人言何大妄也吳橋稍有嫡支卽田夫野老皆可受蒸嘗之托吾輩數百年後而妄欲自任一家豈士大夫而可做此等事卽質老亦必深知不佞初無應彼一字也賢丈幸勿有此意以爲疑心者之所切笑至禱家譜成帙未刻若見示卽當助成文正忠宣文集不佞欲任刻成質老亦曾有此意容再與賢丈商之

與張繩海

范勛卿集

卷四

十二

書

邇來切思躬候以途次梗塞郵筒爲艱惟有夢路往來耳先帝千古聖明而猝遭千古慘禍卽草莽微臣不勝痛絕况膺眷如我台兄者哉若非曠貴請告之久恐彼時亦未免抵觸李寇皇天有意特預留奇杰元臣爲近日中興之用想登朝在卽日矣且台兄種情梓里渥德無遺先是姜把總荷恩而歸弟又寵蒙翰貺之辱今尚未報謝也包穉修李羽中皆荷台鼎九死一生無不感二天之大德至于朱明老危厄非常

尤賴台翁力救不知可得保餘生否

復史大司馬書

不肖某謹頓首頓首竊惟草野愚賤日落桑榆掩扉待死未能望見清光至今刻刻索息何能忘我二年屬奉台命知我公忠肝浩氣行將風厲勤王先論多方預憂孤王况將三百年世受國恩者誰甘逆賊要趺然仰仗南北兵柄統辟元戎周衛警蹙乃得無愁變告耳只可慮瘡積將空糲粟何出所望四海臣民急公仗義若一方能有幾何一方爲奸黨所中者又能有幾何又必望神明運用之也某生平愚拙敎授十年部郎不過二載移病林麓每起京秩未敢一步出山而嵒窳媮生甘心孤冷令犬子輩奉先君遺產墾畝四十年卽本懷憂國豈當此玷危之日反辱我聖主之恩乎所苦七十八老朽以客歲分家子女等數十餘人而自存養善賙貧及吉凶所必需者止有二千金因見聖諭云捐貲共濟應有同心鄉紳不倡譴爲和

范勛卿集

卷四

十二

書

者某遂卽以一千奉助總督路公又以一千七百助舊交陳旻昭及成副戎之忠義而上沙價倡修城等用又竭館貲亦惟責之犬子若孫矣茲讀猷告下頒令酸切忠憤先奉五百金今又仰叩諸親家又得二千金將上仰乞仁臺財察臨楮不任皇恐

與宋又生凌君受二兄

客冬奉違芝範流景載馳亡何而春動檉根又及頌椒之候矣客居者未覺羈孤之無聊而感

范勛卿集

卷四

十三

書

時者彌切故園之在望竊念豚子國祐無望采芹荷蒙嚴師提誨罔虛晷刻乃玉于成自匪有胸無心何敢登枝捐本春初必登堂百叩以展謝私耳

與凌君受

時危國破家家衣食孔艱食望冬租應急衣則市無章服可沽昨吾兄至以夏襟禦寒風苦矣夫依依也人所依芘寒也舍下猶有納一端卽奉吾兄應用勿令人知也

寄陳旻昭

足下聞道已深成佛在邇原不與天下爭功爭能惟是一片慈悲不忍國遭奇變急欲得忠正諸公同心報主有待中興而不意滿朝皆爭官爭利而且不知有爲先帝爭功爭能之心想足下此時惟向皇天后土痛哭崩裂何以慰一片慈悲之本性耶雖然乘時出處似亦無可無不可足下若在臺中誰許出口剩語轉不若暫任郡城仁思加于億姓而漸施霖雨于四海

范勛卿集

卷四

十四

書

蒼生此草野賤臣不宜如此狂妄想知己不過資之也若弟雖苦時事非嘗安心孤冷全無出山一念而憂國有懷今亦聽之無可奈何耳稍探禪旨不爲境風之所搖動自能得失平等試叅客散庭閒月明人靜是何境界願以此意求印證于足下也

復陳公車

運當陽九治亂靡常不佞生平每思君子善處亢運勿爲亢龍貽悔故屢起用京卿全不出山

一步此亦吾兄所知何意言別遂將兩年莫忘片念况聞吳江奇慘刻刻望歸亦曾遣力一問安郎君前矣昨羽中兄特過小齋以駕回報喜不佞卽同釋老快飲十大爵正欲恭候起居而吾兄亦俯亮鄙懷切切先賜手言佳刻兼惠珍品令我慰甚感甚所懇便時至止共述時事苦思先此鳴謝未及縷縷

復張都督

先帝罹千古未有之慘吾輩惜痛何以爲生然

范助卿集

卷四

十五

書

久在林泉已七十餘年或庶幾苟且老亡而獨爲子若孫憂不意今世陽九尤艱身家將盡苦楚非常而一良善犬子國禱原無奇邪之病乃以憂時憂父以致心血天亡今我老憊之夫何刻能忘舐犢之私情哭子之天性也仰吾台恩深以愚父子爲念感德何忘來月天氣未寒還當上山鳴謝兼領教耳

候朱明老

嗟嗟吾兩人幸而難老更不幸而老于今日面

別已六七年且難通問亦將一二年然年兄所處弟已知其大半弟之身家心病生不如死從三十三歲自北京歸里已與先君立言國家不過五十年必陷于敵想是時我必先亡只子孫之所遭不可言矣今又先十年成此光景嗟嗟吾輩何忍言哉弟數年前已造墳買棺求離亂時爲地下南面王樂勝于爲人今猶苟生可耻然吾兩人多在山林尚可無媿先朝聞年兄與洪公相知可以復高賊之恨亦大可慰也弟所

范助卿集

卷四

十六

書

處之地所遭之人萬分難處惟有破產以保子孫之人丁以全祖宗之隈穰卽沙田不惜一寸家貲不惜一文此吾輩遠識知幾當高出于凡俗之人之上弟之所以四十年雖屢起京卿不肯出山一步已先知有今日耳年兄以爲何如記得十五六年前蒙六令郎有書云只宜忘世爲高正合吾意所以決不出山若又因起用出山今已久不在人世矣弟有懷年兄難忘一念悵結何言幸惟垂鑒

回劉刑廳書

不肖重荷知己尚未盡地主之情擬買棹候謁不意數日之後遂有逆賊蘇宗轍明萬里借荆頭爲名慘殺李州尊一事槩州本皆從順良民無不人人驚死蓋宗轍故府庫吏用官帑數千金以致十屬賄賂往時各上臺訪過數次皆以奸猾得免萬里乃庚午作亂同蘇宗轍爲巨魁焚劫鄉紳孝廉士民以及舖戶僧尼數百家而不肖尤更當其禍卽上疏使萬里遣戍伊父明

范勛卿集

卷四

十七

書

鐸問斬萬里因遇大赦釋放歸來時欲謀爲快志以故肆刃之際致閩州無不東奔西逃而不肖破膽較他人倍甚從可知也田撫且爲所用到州恣害二逆狐假虎威沿街逼詐寒舍一空卽千金猶未如意必欲殺某于此時朝夕寒心手足無措而病勢岌岌矣因是移居遠鄉稍避二逆鋒鏑未幾譚趙兩公祖共督王師按臨下邑雖欲壺漿遙迓而待斃之軀動作爲艱也又大軍返旆甚速併不及投叩轅門切恐兩公

祖未識某之真情或且以爲假托不知清朝

師行仁義普天佇屬王臣矧預荷仁臺非嘗大德使洪恩汪渥開活通邑蒼生草木銜知欣聲載道真盛世法外之施也某豈有胸無心而不戴二天之慶茲已蒙唐公恩意實所以仰體仁臺某併閩州士民感刻之極方造小函寄候而奉有南中寄來手翰如面慈母感刻五中先此臨風九頓

與周道尊

范勛卿集

卷四

十六

書

明公秀擢剡山鉞臨邦水夙儲之碩抱宏才蓋天子托以殿邦而揚民恃以爲命者也前車從責經敝地某緣賤恙不獲恭謁以領教言疎簡之愆想高明或能原宥第鄙衷深覺耿耿耳茲云歲暮矣雖黑帝行栗烈之威有明公布陽和之澤不但遍郡皆春卽其宿病亦借噓煦以起矣覆幬之下竊幸就日瞻雲謹采薄物山中崑使以將節敬臨遣再拜仰冀昭存

復冒嵩少書

竊惟先君蒙尊先公大人世德同心意奢情侈
吾兩人實爲同胞世講不比泛交敬仰足下恢
展功業王張風雅龍淵斷割鴻筆宣昭且本于
忠貞純孝儒術真宗妙悟六經網羅百代允矣
羽翼楊馬光輝丹冊豈獨吾鄉之雋品實千載
之文雄也僕生性懵愚猶知半生欽美匪但白
門跂伏下塵舉造有道鶴鳴子和聲應氣求正
舒襟抱無奈沉疴未底歸隱海濱後因犬馬齒
長荷辱寵章什襲藏心媿無申報又遂因世局

范勛卿集

卷四

九

書

奇慘悲憫天人以致病肺辛楚比于雁斷魚沈
亮知已尚垂鑒耳近聞穉修有言乃知清和初
度正思俚言奉祝椿壽却因有事月餘尚未稍
布微忱何堪罪狀頃者拜蒙賤教下自五雲并
讀諸集筆從夢授音吐蘭馨頌其詩讀其書殊
畏其獨霸壇坫嘉貺益腆感何可忘至垂教督
乃以衰殘鄙薄無所知識之夫令作三都賦序
此何異尼父制春秋雖游夏之徒不能措一辭
也嗟乎眉公能始已入鬼錄惟覺斯尚在與足

下爲相知之惠子何不令其論列轉欲吾草野
之夫銘景鐘而書竹帛曷勝悽悽雖然識昏才
孱非所克堪要惟知已知心可以直言無隱尤
私幸定求點竄使得附千秋不朽之餘光只賤
恙未免遲遲容有以報台命耳臨風曷任依依

又

弟春來孔疚將兩月餘仰蒙賦謝寄懷光焰萬
丈拙句次韻聞弱無光遠不及矣台詠綠牡丹
多至十四七律水月鏡花之趣海內何人可當

范勛卿集

卷四

二十

書

元美原以題此爲艱若令得見佳作富家老境
敢不服膺賤恙中快讀奇篇興寄新喜雅似孔
璋之愈我疾聊詠二章輕淺不工居然刻鵠耳
伏惟郢政向惠全集再求少許望切餘不盡言

又

弟某古稀加五岳窳偷生文字何能爲役仰惟
吾丈鸞龍虎文有熊豹姿卓哉上國武庫若以
太冲之賦三都而令鄙薄之夫爲之講述安得
不遠慙士安蓋拜讀佳集雖非借聽于聾而忝

叨辱序何異問道于盲耶賤恙以秋季畏風伏枕昏塞再蒙台論未及報書大約倦飢將半月才有起色妄親筆研殊不成篇即日呈上惟見笑于大方之家耳僕欲奉祝千秋頃正邀敝里諸公作詩必共成一幅稍俟製完仍申賀樂只壽無期也臨風尤有汗懼

又

恭惟親翁親母共享眉壽凡我輩骨肉至交定宜登華堂百拜以申九霞觴惟是僕畏寒老憊

范勛卿集

卷四

三

書

鞠如枯鰕踟躕苦不能進祇與諸朋輩敬仰木金仙種共歌天保之南山并具不腆微誠以求垂鑒猶善頌禱然僕所心服者我公純孝朴忠詠仁蹈德不獨明歟鴻藻氤氲元氣且生平身體神祇如經質史拈如金剛眼靈應文修行錄觀之知久饒功行南宮度名自然視履考祥膺千秋多福矣老嫂順慈和惠德耀遺軌舉丈夫子辟疆高騁逸驥良樂只宜共我公定白首相莊不止百歲鄙夫雖具俚言并前序皆聊供輶

然而哈耳至周甲名賢安可通書猶用晚字令僕何敢當之萬求心亮

與李大生

嗟我兩人何辜于天適丁否屯非常奇慘胡以爲生僕七十有五身存家破老憊傷神千古罪臣四海亡友尤關心切痛者是我丈無端攻苦虎冠擇食不分玉石久集于荼使我刻刻頓足思悲公也近幸明明在上使立柱下者舐兕慝而安良淑計足下已膺靈祇保級了無外事良

范勛卿集

卷四

三

書

慰鄙懷賤體抱病已久以致未候起居悵結萬念頃稍無恙草具申問台安惟望垂鑒

與楊贊皇

吾輩骨肉親家何至離邊數載乃每晤言不違夢寐且吾丈清標遠韻大非塵埃中人狼五山靈皆望至此况不佞與包姜諸丈無刻能忘吾丈何遂以吳陵作家計而久不圖歸豈以世道未易坦俗情未易諧而特以浮遊爲快耶媿我老愚有林下長住法以寂無罣礙體驗之宜置

身于諧不諧之外而任運于坦不坦之時雖生計半空安貧自適家食優游但求蕭閒以無拂其自性或耽韻語或拈枯砮或同逸友或命歡伯聊以寓意以送日子何不可哉近知佳畫入神思求未得尚待駕回切想人欲長生萬古不朽惟文章是然人物山水花鳥皆與天地合則畫亦與天地合其精微生氣畫卽文章晉魏六朝唐宋元明凡畫譜所載盡多奇品如食霞茹芝于層城方壺中雖或形以久亡名却不與形

范勛卿集

卷四

三十三

書

亡真可謂長生萬古矣吾兄之畫今已無上當不遜沈唐文陳諸公且無徒應人手筆還當靜歸使畫品入禪將與顧陸張吳下至米蘇高倪並垂不朽爲妙近里中穉修去非俱學此道皆佳望吾丈同引進之可耳久未修候特作俚言布思仰惟垂鑒臨風豈任神馳

爲程子通致書舊太守方公

惟公向者造福崇川蒼生荷澤僕時猶息影白門雖猶戀厖夙夜之懷而省覲缺晨昏之禮譬

則出亡之子未見慈親轉蒙我公異常垂顧鴻章屢賜如對光華至今十襲詩畫深仰我公真如生平至交董玄宰先生猶在目前頃念公以威鳳峙立天中神龍化周海上切望台駕卽撫淮揚斯厚幸也僕七十有五日落桑榆久疎候問茲適有程生子通傾心載德必欲泥首階阼以祝起居僕造次付函惟具俚言一柄求教至子通孤客無家奇窮落魄實則才品不凡所望憐爲之計僕某亦代爲之感者草潦不虔仰惟

范勛卿集

卷四

三十四

書

財察

與邵潛夫

吾丈雖生世長貧而多文爲富况造物有靈加吾輩以元神而不加吾輩以外物凡世之多外物而損元神或多短其壽數然則吾丈之古稀勝人已多多矣亦何不陶陶乎樂哉俚言致祝惟老憊媿不成章再具酒資引意惟知已鑒之來春定還里中當與丈集梅花下爲十日飲耳

與錢五長

古人和韻詩多不及元唱如賈舍人早朝之類是也以和者或傷於炫奇求過或傷於欲速求成卽摩詰子美之和賈皆不免此病昨讀足下見和八首獨不然奇不刻露速能完美珠玉在前覺我形穢妙才如足下真令人中心誠服非敢貢諛也西郊小墅牡丹頗盛昨原約同賞因赴甘露齋會故東西易位耳今仍攀陞屐一過西墅爲竟日之歡幸謝他往卽刻臨之

答凌賓陽

范勛卿集

卷四

三五

書

時魚奇品程公本所云此乃君子食也台兄清修未自食而尚務施令我飽德無旣感何能言不一

答凌君受

不揣許爲足下作歌屢爲冗奪及手教討諾倉皇命篇謬呈清覽足下何所取而亟稱之母亦嗜痴之過耳鄙意蓋在引玉足下無忘報瓊定當有以答我惟足下實圖之

與玉屏吉甫顧兩丈

穉修爲海內奇士無雙每問其蒲中遊知有玉屏吉甫兩丈公車尤稱俱雅士也不佞媿老憊久未遊蒲又未知尊駕何日遊五山當招至論心爲快耳茲聞尊園修竹佳甚願足下見惠數墩將致舊主人來問龍孫此君定當對風天然而笑穉修及新舊主人又皆浮白極快也疎慵潦草語不多及具有詩幅詩扇各一幸笑存之臨風翹注

復姜荆璆

范勛卿集

卷四

三十六

書

每讀佳篇韻致翩跹神思溫雅豈祇膾炙吾鄉將來定當奪幟海內此不佞所任真心折者頃江上勝賞初作語語典趣不凡情與景合次作聲俊自然如禪妙悟實非老拙之所能及也昨承台諭過獎恐于勸懲微惡轉未當耳另當請教茲未盡言

復陳于到

昔人有以增塑爲業備極苦心而業不進終日焚香懺悔忽夜夢聞伽藍語汝非有夙慧具佛

一體者奈何欲貌如來畢世而不一似云云今忽蒙嫂氏以鬢髮手製大士奇妙非常賜以供奉謹百叩瞻禮無厭豈嫂氏爲大士分身亦自貌貌大士者也不然何制度若此當日日焚修以祝門下舉子是以報門下及嫂氏之慈貺耳

與邵潛夫

吾丈近亦古稀乃客居不回故里豈人情也哉僕爲嵩少公作詩集序遣力報書并布微忱以賀華誕想春時定然還里如再不回而忘却祖

范勛卿集

卷四

三七

書

先同若敖之惆怨足下亦安得無飲痛哉

復荆璆

昨辱示賦雪佳篇神情瀟灑似嚼滿口梅花寒香沁入脾肺令人三復良可心喜老朽次韻氣衰調俚比佳篇遠不及也

候張漢冲

明公塵緣久息道心日長旣遭奇慘亂世超凡粉碎乾坤想三生以來定還佛土卽十洲不遠必振仙風可憐敝地衆生苦楚衰俗切仰明公

獨隱山上似遇第一真人但見其集靈空洞或自有芝英瓊飴長生天外皆無以上供奈何不佞七十六老憊經年久未恭候罪矣茲慢具米酒各三十觔棗子四觔并詩扇一握引意想知已不以褻尊見責也雖然賤恙今春伏枕兩月頃有起色卽思拜領晤言特足力何能登頓臨風惟有悵然

復方坦庵

足下主張世道羽翼揚馬星華嶽秀天下景從

范勛卿集

卷四

三八

書

僕雖惜愚實則半生欽羨白門跂伏下塵應聲求氣子和鶴鳴正舒襟抱無奈沈疴未起歸隱海濱後因犬馬齒長荷辱寵章什襲藏心愧無申謝况子遠遠來奉有箋教從五雲而下言吐蘭熏筆從夢授拜如咨叩感蒙踰獎非老朽之所敢當乃復雁斷魚沈久缺奏瀆只因悲憫天人辛楚病肺遂空負知己交亮足下尚垂諒耳舍親家穉修異才雋品僕所深憐每怪其春試將三十年卽姚孟老所舊相知亦入闈遺失直

遇足下獨操真宰之權海內共仰文雄妙識僕
初聞報時快甚卽十舉白矣頃同穉修具函共
候台履兼賀佳公子接武詞林呈符名世引意
鄙薄附有軸載俚言仰惟大方督教臨風曷任
瞻依

答顧與治

足下清白世家主張風雅僕寓居金陵時容攀
造卧病歸里悵別德隣猶幸台駕至止殊愧褻
尊每因犬馬齒長辱惠佳章苦未申謝只爲滄
范勛卿集 卷四

三十九

書

桑亂局奇慘孤危奏言久缺乃去冬穉修歸奉
有箋教多荷仁風逸響高韻李杜更新讀之不
勝銘感頃特遣力恭候附有扇軸俚言請教曷
任主臣

與林茂之

僕病憊何堪奇慘鬱鬱偷生遂負知己每荷箋
教扇詩何異咨叩同心若思五狼山靈招游高
士肯同江左駕臨海上乎未知尊意能見許否
老夫切念老友忽動春思具有一律求和黃海

鶴曹能始薛千仞三先生近來起居何似望示
知之爲禱

復張紫淀

奉別知己裘葛九更犬馬齒長荷辱佳章尚未
申謝常媿五中惟恃知己能忘其懶慢耳承翰
教義重情高以寒族質公之後嗣關念謂質公
加意國祿犬兒南都并吳門族黨皆望僕宜憐
貞忠賢相道義弟兄分一子以繼其後云云嗟
乎質公雖常以此言相求僕全無此意安可以
范勛卿集 卷四

三十九

書

遠族冒認遺譏士大夫可耻惟知己定相矜察
勿謂僕薄待質公也

答周江左

三拜手教常對光華統領佳篇定是千秋不朽
至今老拙作序媿非皇甫謐偏負三都賦矣然
讀全集自有奇思玄旨能使人神解情流或可
造就首尾乃可爲知己知心直言之無隱曲也
承示瑕公行一見懷幸爲致意瑕公若到白蒲
行一若到如臯想五狼山靈必欲招遊高士僕

尤以晤言爲快耳況知已如足下可不共與駕
臨海上乎春日相思具有扇詩求和未盡欲言
臨風無任馳注

議

復倉編甲二議 有引

乙亥寇警幾於震號陵京流寓俱寓王臣私憂
謬同杞國蓋時平則各有身家各正性命若亂
日之身家性命衆欲與我共之者也唯固一我
不與衆共之局斯伏一衆必與我共之根此自

范勛卿集

卷四

三

書

然之勢也記得吾鄉先輩張海州馮盱眙兩先
生生明代豐鎬之區抱未雨綢繆之策卽當無
事猶於設倉編甲之法深致意焉況在今日尤
救時平補之劑何憚而不爲乎或曰慮及城內
則已晚矣愚不以爲然城內安帖乃可壹意守
陵守江此本計也因拈出兩先生美意而酌以
時宜佐以末議與時賢共商之又終恐涉無病
呻吟之弊付槩經歲未敢示人姑存以待採擇
至於儲胥之預決勝之奇自有任其責者野夫

豈敢越俎而問之

復常平倉議

伏觀 大明會典洪武初年令天下府州縣各
立預備四倉官爲糴穀收貯以備賑濟如南都
都察院五城同應天府兩縣皆有義倉就責本
地年老篤實人民管理蓋次災則賑糴其費小
極災則賑濟其費大曰賑濟則賑糴其在中矣
賑糴卽常平倉法也昔魏李悝有平糴法中饑
則發中熟之所歛大饑則發大熟之所歛漢耿

范勛卿集

卷四

三

書

壽昌請令邊郡築倉以穀賤時則增價而糴以
利農穀貴時則減價而糴以利民名曰常平倉
此不獨可以救凶荒而亦所以備緩急况都城
五方雜處窮戶最多奸宄不少當此流氛震隣
之時不必慮到窺渡調宜備城守之資據其連
陷江北州縣蹂躪長驅烽火相望若非兵部操
江備極苦心料理則江浦斗大一城與浦口二
十餘萬糧石何能保守設使賊得志而久于江
上則米船不得相通城中百萬生靈必以無食

而思不遲安可不預爲圖而蚤見德使有所倚賴而消其邪謀則常平倉法斷宜修復者也其法官以紙贖一半糴穀入倉或查有廢寺田產及無礙官銀隨宜糴買每官任滿陞遷時皆有所積穀又或民願納穀者一如祖宗已行之法請勅獎爲義民三百石以上勒石題名或如近日救荒之令二百石以上給與冠帶五十石以上給與旌匾但不許逼抑科擾平民各擇近倉殷富篤實居民二名掌管免其雜差准其

范助卿集

卷四

三十三

書

開耗每收穀一千石待後發糴之時每名准與平糴三十石二名共糴六十石以酬其勞糴完卽換掌管勿使重勞亦免各衙門查盤惟五城兩縣著各倉經管居民將舊管新收開除實在總數數目用竹紙小冊開報明白與五城兩縣底冊排號印鈐申送院府察院查考凡收糴俱縣城正印官或委賢能佐副監督不許濫委滋弊穀到用較勘平准斛斗收量明白暫貯別所積至百石以上方許稟官一收如有臨收留難

及未收虛出倉收既收侵盜私用冒借虧欠等弊查追治罪每歲除無饑小饑及江上無警米船通行時不糴外或值中饑大饑及有警乏米時五城兩縣另委富民有德行者數名同經管居民用官較平等收銀其放糴一節當與五城保甲之法並行大率賑糴與賑濟不同非必每甲尋貧民而審別之以多寡其穀數如一甲應糴五斗或一石或二石則甲甲相同惟以穀攤人不因人增穀糴銀每甲一封亦可庶乎易簡

范助卿集

卷四

三十四

書

不擾或甲甲十家輪糴每日每甲糴不過二人每人糴不過二斗先期將保甲派定次序分定月日某日糴某保某甲令保正副先公舉貧民至期令其持價糴買如富者混買連坐保甲仍行宋張詠賑蜀之法一家犯罪十家皆坐不得糴中荒糴倉穀之半大荒大亂糴倉穀之全俱照原價寧減之大約減荒亂市價三分之一方可壓下穀價不致騰踴或倉穀糴盡而民饑未已則慎選員役持所糴之穀本赴有米去處循

環糴糴源源而來亂時江上商賈不通運米防盜須加以兵船往來防護有功員役分別獎賞每秋成之日就近各殷實人戶向官領糴本盡數照時價糴穀入倉雖牙脚等費晒場等耗與造冊紙張工食等項俱准開銷昔蘇文忠公自謂在浙中二年親行荒政只用出糴常平米一事更不設行餘策前賢已試之法信不我欺故曰常平法斷當復也其五城兩縣有倉則當修復若欲省費則城各坊舖相近皆有戶部倉廩

范勛卿集

卷四

三十五

書

多空閑者或借以堆積或于本倉一角砌出片地另設一門使經管殷富篤實人戶二名專一管理仍領官封以司啓閉亦簡易可行者也此法一行在承平時京城十年可致大富在寇警時亡賴不患無食而妄念自消及今早與保甲並行真百世之利也

編保甲議

弭盜救荒莫良于編保甲是保甲也爲弭盜而設是以治之之道編之也民情莫不偷安故其

范勛卿集

卷四

三十六

書

成也難與賑糴而設是以養之之道編之也民情莫不好利故其成也易積穀編甲二者相須可以功垂永久法宜擇委賢能官一員專董其事如都中分爲五城五城各分幾百幾十舖以一保二保三保等爲號每保統十甲設保正副各一人每甲統十戶設甲長一人一保十甲一甲十戶或有餘剩零戶隨便附各甲之後皆不分土著流寓而一體編之挨門逐戶展冊洞然久之周知其閭閻凡戶口真僞奸細有無貧富上下壯丁多少民情醇惡皆得預知此身使臂使指亦待衰世之微權也平時每保之中各具火鈎火搭水桶同力以救災輪流巡夜以防賊如有一戶不救火防賊者卽九家連坐九家出首者免值今流寇告急之時愈加嚴謹如有一戶容留面生可疑之人及假托多貴客商投行等項情弊者卽九家連坐出首者免如有放火及搶人一物者卽九家連坐出首者免如有公家平糴保正副及甲長不公舉真貧民者卽

九家出首或曰都城寥濶五方雜處非同州縣編甲似難則兩京十三省何嘗不編里甲較若畫一乎里甲人戶多有散之四方里甲易至侵隱編甲之民萃處一處鱗次節比其呼喚易集其貧富易知其奸弊易察都城雖大五城以五大州縣視之何事不可倣若五城一體舉行而謂無成效者吾不信也昔熙寧中龍村賑濟張詠照保糶米徐寧孫逐鎮分散朱文公分都支給皆因此保甲之法又何有于一城外內乎此

范勛卿集

卷四

三七

書

法與常平倉法並行則民安物阜奸宄一無所容縱使暫有一警而城中宴然根本不搖防江者不分心于城中登埤者不分心于城下計無便于此者斷未可以迂濶視之也

江氏爭產公議

有子而立嗣一變局也承先之意少而撫孤之意多前人曲立一嗣本以慮吾後若入室操戈以累吾後則何爲貴立嗣又何爲擲其業以藉寇資盜而遺反噬之毒也只此可以評江氏之

事矣夫江一鴻其初非素封之家也竭一生之精力空手期有三萬之產良非容易一鴻何不全挈以授親生之子哉生子遲不得不議立嗣者權也江漢濯其初亦赤貧之士也世有無產而立嗣以義者亦有僅僅數十百金而樂爲之嗣者漢濯何以不煩指麾之力奄有一鴻家業之半至一萬五千金與親子漢溶等而且專攬其全產至多年也一鴻垂老矣漢溶尚在襁褓中岌岌乎危甚家之奴婢又耽耽利吾財奸弊叵測漢濯方爲青衿苟不以相托是一鴻有子而無子有家而無家曉人不如是也一鴻輟轉思維中懷甚苦雖有子亦不得不出于立嗣勢也立嗣有定序不可以意去取一鴻初何以不立漢濯而立懋才也漢濯爲長房次子固應爲人後然四房一樓先一鴻而死而絕漢濯名繼一樓故懋才以三房之次子遂得繼一鴻也懋才何以既立而歸宗也立後而一鴻生子漢滔故宗法得歸也懋才既歸漢滔又死一鴻何以不

范勛卿集

卷四

三八

書

立已嗣而立長房之次孫名日章者以繼漢涓也一鴻不忍死其親生漢涓之一脉故不復立子而立孫也日章又何以既立而歸宗也立後而一鴻之妾高氏生今子漢溶故亦如懋才例歸也懋才日章既各歸宗而漢濯何以不繼應繼之一樓而獨繼一鴻也一樓無貲故不繼一鴻貲厚故繼也漢濯何以繼一鴻于兩生子兩歸宗之後而安然得至今也一鴻老年遭家難漢溶藐孤人不我有漢濯又善得一鴻嫡妻徐

范勛卿集

卷四

三十九

書

氏之心而妾高分壓於徐供願指釋憾之不暇漢濯又以青衿支其門戶有撫孤之名情面難却而且巧結徐爲之子以壓高不似懋才日章之易招之來麾之去也懋才日章何以能甘心于漢濯之獨立而無言也曾有言矣漢濯於公家產內一處以五百金一處以千七百元而已於言也凡此皆江事之始末鑿鑿可按者也然則有子之嗣非曲立乎嗣子與親子宜平分其產乎或稍宜軒輕乎二十萬膳田不啻供無子

之嫡乎獨不可以供有子之庶母乎若干金以塞兩歸宗者之口應嗣子獨任之乎應親子分任之乎家奴嚴成乃一鴻一生所養以遺後人者應歸漢濯之家以助闔平應歸漢溶之家以報主乎樓房二所原以充交際公費久屬漢濯掌管將遂以爲常乎抑輪歸漢溶掌管乎據續立分書所載有債六百元漢濯已認獨還故高氏以花園一所屬之久享其利今債尚逋欠花園將得爲漢濯有乎抑當歸漢溶乎說者又

范勛卿集

卷四

四十

書

曰嗣子娶親矣納監矣而親子則未也且高氏有女將嫁分書止議二百金爲粧奩又不足也此則當俟高氏郁氏以和氣情處者也若夫久立之嗣而輕議動搖郁氏必不服宗黨必不忍况非所以保漢濯之產卽非所以保漢溶之產要於天理人情各求其當而止可也

錢五長分書題辭

憶余弱冠同鉛槧之交十二三人今所存三四人耳轉眼之間不勝異路之感而若虞若衡兩

兄孝友純良尤爲 家大人最得意門生余得
館其館同硯席者六年餘飲食教誨昕夕相周
旋又同胞不啻也若虞既先下世悲纏閭里及
今不少哀若衡少負材雋屢試有司定是冠軍
必不第二丁酉南闈予以鉛刀幸售一割若衡
已中某公房元卷以第三場丁艱索三場卷不
可得置之孫山外海內知名之士無不惋惜以
爲造物弄人如此卒以明經 廷對輿觀而歸
嗟嗟天既付以美才使不蒙匠石之採而又橫
范助卿集 卷四 聖

書

摧折之此際慄動天地哽咽何言先是若衡業
可數千金忽以積負中落及今所存遺兩郎君
者人不過千金大變局也所負至千金而若衡
尊聞欠債至數百金又變局中一變局也若衡
未死之先遂有托妻寄子知己之言予心識之
不能忘也頃兩郎君邀予與二三戚友剖明家
事予既感若衡知己之言而又憐兩郎君文弱
不勝欺凌虐用之苦因爲剖其產若干分認債
若干井井不亂而有慨于垂業之難承業之尤

難也業幾數千金在吾通亦頗饒裕矣豈知爲
債所累不數年而去其十之五至于數月之內
既罹回祿又遭旅亡兩郎君訖訖在疚幾不能
支余恐久之而愛莫能助姑爲滂筆于此

王氏嗣書首簡

夫宗法有大宗小宗之分而季俗必由近始立
嗣有應立愛立之異而交構何如並行王公潤
吾有子竹符文學而早世竹符亦有遺腹子生
三歲而夭殤比潤吾公以壽終牖下而長侄圖
范助卿集 卷四 聖

書

閻仲任憶如皆有數子實潤吾公同胞一脉所
出潤吾公有知夫豈不庶幾能世其業無啓釁
端以爲本支羞吾可以瞑目地下乃爲長房者
則以潤吾公在日業已立愛弘基爲竹符後聘
妻援例入太學矣不得有異議矣凡竹符生爲
文學生而其未亡人方茹苦以主宗廟蘋蘩是
宜潤吾公之不繼子而繼孫也是一說也爲次
房者則以竹符歿時潤吾未老憶如應繼以奄
有其全貲則立愛以爲竹符後誠不敢違潤吾

公旨然長房之弘基可愛而次房之弘儒安見其不足愛也。况宗法應歸憶如使憶如未歿則當此潤吾見昔之時弘基以愛立之孫儼然承重喪次固矣。不知置憶如于何地。宜潤吾公之遺命割產以畀次房也是又一說也。據此兩說並陳各有一種道理。要以同室操戈恐虧王門世德與其聽旁輩之品致螭蟬之鬪何如養和平之福塞爭鬪之門。凡我親知爲王氏計萬全不如兩爲便是。用蠲吉告廟平心析產弘基弘

范勛卿集

卷四

四十三

書

儒兩利俱存一家歡聚豈非大饒益事哉。若嗣母之供膳首先從厚卽爲兩嗣子孝道之始而潤吾公側室及側室一女與夫孫女之將嫁者皆不得從薄因而再推及宗黨戚屬之一二相關者皆可以體潤吾公生前之遺念而不朽于永永者也。天下事平則吉倚則險靜息則無咎凡我親知公議以後兩房宜敦睦倍常不得稍有別說以干盟言設有二心不獨潤吾公之靈式臨之凡我親知亦誰復能許之者立此嗣書

爲左券云

分家要說

夫糊業不易承家更難糊者萬物資始天道也承者厚重載物地道也天道運旋而常貞寒燠晝夜不停晷刻雨露雷電莫匪生機而總歸於乾惕此天道卽父道也地道靜專而資生瓦礫斥鹵皆含膏潤高下燥濕並達勾萌而總歸於寧謚此地道卽子道也然創業卽所以承家而承家必思以創業創以爲承不能創者難乎其

范勛卿集

卷四

四十四

書

爲子併難乎其爲父承以基創不能承者難乎其爲父併難乎其爲子父子祖孫之間榮悴合體痛癢一氣推之世世循環無端此孝子順孫之所以兀兀終身不敢一刻放逸以自爲計者也嗟嗟前人往矣夜臺寂寞何曾據所創一毫之業而有之乃全挈以貽後人而後人倘不能仰體其萬一或使氣鬪狠徒飽訟師貪吏之橐或蕩逸不簡一付之酒肉骨董樗蒲博塞烟花遊冶淫朋狎友因循荏苒蹉跎歲月之場恐夜

臺寂寞之人心。惘乎有餘悲。而斷乎不能瞑目者也。且語有之。富足生禮義。又言侯門仁義存。先儒見門下登仕籍者。必先問其家計。以謂士大夫無內顧。乃可以盡心于在公。是家業之有無關忠孝之大節。非細故也。我范氏承自宋文正忠宣公。不具讀。只自先王父先大父以來。詩書之澤。已歷四世。大率敦倫篤行。有萬石風。而務本勤約。家用日饒。我大父自諸生時。業能以食餼束修之餘。鬱起千金。及爲廉吏。以歸。尤能

范勛卿集

卷四

四十五

書

致能散然。自贍族。賙貧。一切禮節。檀波之外。治家實以務本。勤約爲本。曾不見以兒子成進士。沾祿朝家。而稍稍登枝。捐本忘其素風。蓋不獨澆薄奇袤之習未開。併發舒屑越之念未起也。有德故能有其家業。彰彰前規。具在。顧不知諸子侄輩。能不墜先人之緒否。吾滋媿吾滋懼焉。故於國彥兄弟之析產也。遂書以弁其簡端。不獨爲國彥兄弟謀。併爲范氏子孫世世謀。倘得予言而存之。奉爲家誠。庶幾無忝所生。而可以

爲子。可以爲人。可以自立于天地之間矣。

范勛卿集卷四

四十六

范勛卿文集卷之五

白狼山范鳳翼異羽著

題跋

高忠憲公村居詩跋

高景逸先生所擔者天下萬世所了者禍福生死其於學不止篤實光輝殆已大而幾于化矣故其立言含吐元氣披豁性靈卽偶一爲詩無不工妙有白沙之洒落而澤於理有陽明之雋永而刊其華惟紫陽晚年有此日中流自在行

范勛卿集

卷五

跋

之句庶幾似之然先生與予交二十年郵筒往來無虛月於詩竟絕口不談蓋知予不能詩而好言詩故與予言學而不言詩乃益見先生之望予深也頃過密緯山房出先生村居詩卷讀之恍然立對始悟得先生之學而後可以讀先生之詩讀先生之詩而亦可以得先生之學矣

題劉都督畫冊

萬古不朽人共長生惟文章是至于畫法自明元宋唐六朝魏晉而上之至今雖或以久而亡

然人物山水花鳥與天地合則書法亦與人物

山水花鳥之精且微生氣卽文章也鑒賞家分品有神妙能三者張彥遠歷代名畫記大約好奇而朱景真于二品之外又增逸品王復休更以逸爲神妙能之先蓋以畫至自然入禪乃稱無上宋大小米元高倪足當逸品近以名畫見示雖未必如顧陸張吳展鄭關范諸君子落手淋漓楮尺然畫譜以載盡多奇品見之如食霞茹芝于層城方壺之中今劉都督尤喜元章一

范勛卿集

卷五

二

跋

頓居然源巨生氣撲人眉睫間明諸公沈唐文陳輩皆妙品猶恐未能卽大及此余老拙于此道未有知當家有識者或將以爲定論耳

顏魯公自書告身跋

爲安無咎

古今翰墨出于雅流名雋之手令人可喜出于精忠大節之賢令人起敬予每見魯公真蹟穆然如見其人卽列三代鼎彝于前披秦漢圖書于側未若是之鄭重也魯公嶽嶽孤標一生爲元載楊炎盧杞諸奸所摧挫人謂君子之不能

勝小人而小人之善禍君子予不謂然諸奸一時兇焰徒供唾罵于千載曾不足當魯公片紙隻字能令千載之人蔑不服膺歛手然則君子何嘗不操常勝之權究而論之世之不善禍君子者莫小人若此亦不易之定論予常誦之況此卷以魯公書魯公又以魯公之書書魯公告身非有神鬼呵護曷傳至今殆公之靈爽實式馮焉雖水火盜賊有莫敢忽侵者斷斷非賈鼎可亂顧不知何緣落無咎之手因憶吾故友高

范勛卿集

卷五

三

跋

忠憲自少至老整齊嚴肅字必正書雖本程子收放心意抑又其神契魯公故書法亦彷彿其遺耳後世必當與魯公並重今之人不知也蓋忠憲爲無咎鄉老先生前輩長者故論魯公而并及之

安無咎所藏蔡君謨草書卷跋

趙宋書家世稱蘇黃米蔡山谷姑勿論已東坡南宮君謨政堪鼎足東坡變化實遜南宮南宮博極諸體有境必臻李唐以來似不二手然彼

俏處多每至傷巧傷佻晉人堂奧未許輒登君謨則標令出以嚴重如畫泥亦如切玉故圓潤老健有典有則卽於化境總隔一塵固不妨令山陰父子見也偶閱無咎此卷良不易得遂書其後以質之海內善賞鑒者

陳公車手書法華經跋

此經流通法師有五曰受持讀誦書寫供養非特解說者高座橫經獨當其名耳然受持以意書寫供養以身讀誦解說以口是五者雖別而

范勛卿集

卷五

四

跋

三業是同三業固全所主唯意夫意也者卽經中開示悟入衆生佛知見之知是也又所謂知者卽裴丞相曰血氣之屬必有知凡有知者必同體者是旣曰其體是同何有生佛之別獨不觀有知無知乎豈不曰知之一字衆妙之門知之一字衆禍之門於此政不必說破縱說亦說不著饒使天下老和尚舌頭拖地直如蚊子上鐵牛無渠下口處也且如書寫者握管以手此手握之則爲拳放之則爲掌無二手也可知悟

知則爲佛迷知則爲生無二知也苟離知求佛何異離手求拳卽知是佛又何異卽拳是手透過此個關頭方許轉法華不爲法華所轉卽六萬餘言一筆抹殺可也公車陳居士筆端具眼能書此經果能解得此義則字字舍利從十指頭上拂拂流出可當眉間白毫一光徧照東海矣予因隨喜之次漫贅數行卽請以質之一卷虛空無字真經則是經在處卽爲佛在日日當有吉祥香雲而覆其上居士以爲然否

范勛卿集

卷五

五

跋

題賀千秋犧尊卷後

吾家先文正以麥舟助石曼卿之喪誼高千古近日吾郡陸無從先生冢嗣季薦奇窮至九喪不能舉予惻然興念雖自櫻家難以後先以十金助之猶恐獨力不及仍望衆擎乃眉公先生以重貲購得犧尊偶感賀子千秋至性純孝卽畀以葬親無少顧惜予不覺惶汗久之以爲犧尊奇玩不免難割通人之蔽且不似麥舟之易得而蘇文忠體負癡重騎策甚艱卽有白鼻驢

不以贈人何待惟眉公之助千秋捐貲猶易割愛實難推此以拯貧交何愛不割所關交道豈小補云爾哉卽郭元振柳仲塗之助葬助貧皆不過此予行將舉似吾郡之好義者使陸氏計日可了當窻窻事則無從先生亦陰受眉公之賜含笑九泉不獨千秋存沒載德而已

題構大悲蘭若

向水谷上人欲薙蘭若之圃構精宇大悲壇期遂以其蘭若公諸十方聽有德者居之屬余弟

范勛卿集

卷五

六

跋

存雲携冊來白門勾余言余稔知水谷有德者爲吾里素所敬信茲緣當必樂成之也余往在吳越見大刹精舍香雲花雨半爲大悲壇期行律精嚴動人皈依凡有所者云輒從期中獲報安敢謂善因無果也且大士普願振蒙拯溺愚者罔覺遂去慈著悲以八萬四千清淨寶目攝一切目八萬四千母陀羅臂通一切手凡有手目皆濟自心祈者祈福耳菩薩能福慧兼感故得果者有十種利益之報安敢謂今水谷遂先

抱道去世責之弟子葦渡上人善哉葦渡能仰承師志善果非報也設此普願真自度度人爲善信所皈禮故知茲緣當必樂成

題潘建侯印章冊子

粵稽漢張顥見山鵲飛翔化圓石因椎破之得金印文曰忠孝侯異矣唐牛僧孺好蓄奇石以甲乙丙丁爲品題卒封奇章公何其異也予謂凡嗜古博綜之士固未有不鈎玄金石之文而印章尤切身之影事所籍以行遠垂不朽者結

范勛卿集

卷五

七

跋

繩往矣而人心之爰象千古不磨何有篆籀假饒得心應手意在棊刷之先至于神之所契人巧直逼化工真模古一賞心事也我明之文何諸子皆稱好手然文有典則而或不免拘于法內何有逸致而或不免軼于法外近日邵潛夫印史出又文何之益友矣最後得建侯潘子工妙渾圓又標一格爲予鐫數十皆一一可喜頃日見吳門周氏淮陰杜氏漢玉章可四百餘皆以赫蹏得之如對上世聞人而以建侯新鐫雜

其間殆難辨識予故特表出以告海內之精鑒賞者

題葉羽遐篆書

嗚乎六書在今日與詩同亡而書中之小篆又如詩中之樂府古詩人皆不省爲何物久矣今觀羽遐此篆有鸞舞蛇驚之態而氣象又從容閒雅不束於法而亦不離于法循斯以往何患不登斯邈之堂與之神遇哉病目一覽爲之豁然

范勛卿集

卷五

八

跋

題陳子到試卷

此卷初讀一過僅見皮膚三復神髓自露是天地間一種奇峰絕壁滔天倒海光景又似高坐道人說法語語醍醐若遇識貨人火齊木難非寶此文爲寶

爲金茂生題汪中翰園詩

浩劫中海嶽猶有崩竭區區陵谷互換只轉眼間事况壓疊成山導水成術其能久乎蘭亭金谷今皆滅沒于荒烟宿莽而所存于天地者惟

園亭序
陳白沙不云乎人固思境境亦思人山川與我固欲各無恙也可思也汪中翰江上東西二園予皆游憇大都人巧欲逼天工正虞其難久而幸久以茂生之詩詩存而園存園存而中翰其未死也茂生索予題其卷末走筆付之

行狀

太僕寺少卿何公行狀

神宗御極五十年海內熙恬士大夫從容修素

范勛卿集

卷五

九

跋

絲之節可危言危行而有所不必至末年東事興豪傑之士類慨慷功業然名浮慕之者不旋踵蹶若夫勁骨貞心百折不回始終爲國無間出處以余所睹記則惟太僕何公其人也公以江左鼎族世其祖父之業英年取甲第所志甚遠乃首犯兇璫之鋒以身衛百姓及其居幽讀易有獲而經濟之學大進屏居田間近二十年日以玉文成學業自勵一奉遺詔起官卽請纓吞虜而思者厄之明夷之難先後如一公顧

毅然不動其心海內識與否莫不寃而壯之仍望其大用而顧興哲人之嘆悲夫公之子烝等詣不佞匍匐請曰惟先生與某大人先之以年誼締之以婚姻辱之以里閭而更要之以道盟世講也非先生孰知某大人者敢以不朽累先生嗟乎微公子之言不佞將請之匪敢曰能知公也竊髣髴君子之步趨爾乃按烝等陳說崖略而叅以所睹聞爲之狀焉公名棟如字子極號天玉晚更稱在翁其先常之無錫人國初

范勛卿集

卷五

十

跋

以戎籍隸京衛是爲始祖富三公居留都累傳至六世道弘者生子岳始以儒顯有隱德常還遺金於道而却之贈有竊葬其墓壤者不忍仇其枯骨乃善厝之識者謂何氏肇興此矣岳生卿是爲封祠部北泉公爲公曾大父卿生汝健是爲少叅龍崖公爲公大父登嘉靖癸丑進士歷官中外稱名臣生六子皆世其家學伯爲矩所公湛之公之考也登萬曆己丑進士歷官藩臬風采勛業照耀至今其仲爲太吳公淳之與

公父同舉于鄉登萬曆丙戌進士歷官侍御其
廉靖執法海內式瞻惟矩所公娶周氏爲永定
知縣蒙泉公女累封安人是爲公妣公生而穎
異讀書日千言其氣邁上不可拘縛凡兒無敢
伍者大父龍崖公每言是兒之光大祖若父也
拭目可俟也公性至孝童子時婉愉大父母及
父母膝下卽以古人爲師有兄弟卽知友愛其
仲弟樛如季弟楹如不但德讓先之卽學業相
勗亦自少至今如一日公年十九繇無錫祖籍
范勛卿集 卷五

爲庠生文名蔚起其所以切劘者如江寧顧侍
郎隣初周太令勾餘句曲張孝廉賓王皆許公
參其神解大司馬衷公貞吉一閱公文賞爲國
寶而公顧居恒欽然曰丈夫當勒名鼎彝奚謏
謏行墨乎甲午舉於鄉戊戌成進士人有歆以
館選者公曰士方始進卽詭遇何底止乎今日
不親民事何以知國家大計士固各有志耳謁
選而得襄陽之理官一稟其家傳吏治之學而
以清慎勤先之請益於矩所公矩所公曰爲民

審疾苦不可不耐爲國驅奸蠹不可不勇公心
識之至官平反疑獄所部頌神明慰民情則若
祥霖甘露剔衙蠹則若快刀利斧苗衆倡亂於
板角關公薦廢將王一桂俘獲之中丞直指皆
謂公功第一而公始以知兵名矣較楚聞得名
士若干人無何稅瑞陳奉者大肆虐於楚而襄
爲甚士民爭竄避公撫庇之瑞以木商之無辜
者付讞而公竟釋之瑞又檄開青山之礦於棗
陽公稔其爲 顯陵發脉地也繪圖具疏以聞
范勛卿集 卷五

事得寢及瑞至襄迫府佐行庭謁禮公持不可
瑞以牒檄公其款如下屬吏者公亦如其款報
之謂理官係 天子命吏佐巡方使者以察奸
貪也中貴人在內廷備掃除出使供奔走耳安
得檄 天子命吏乎公知瑞惡之愈熾也收其
用事者斃諸杖不可勝則投之江兼穀城宜城
開礦無所出瑞肆其衆掠于官民一郡大鬭爭
執挺起公乃捕瑞爪牙廿五人以劫庫律擬斬
諸憲使皆逡巡勸易之公獨毅然曰吾不惜一

身以活百姓報 主上耳乃具揭白閣部閣部
密以達 上後五日璫疏至 上裂置之不問
繼瑞至省城全楚囂然京師訛傳陳奉被官民
擊死 上乃大怒遣緹騎盡逮楚在事諸臣而
公爲首公逮而璫亦撤是公以一身保襄楚萬
姓也旣而奉 旨下詔獄備受貫索之苦者凡
四年乃日從馮慕岡僉憲受書演易兼習兵法
爲經世之學而公身詘而神王謂憂患之得力
不細耳甲辰秋 神廟感星變特釋之公歸而

范勛卿集

卷五

十三

跋

謂此幾死之身幸爲父母有也其色養愈加敬
於布衣時而以其餘暇衍慕岡先生之旨與四
方士求閩閩濂洛之緒餘泛於象緯輿圖儀禮
樂器及兵農錢穀諸書無所不計究期於爲有
用之實學而已而四方士爭趨之乃與周海門
公協建陽明先生祠以爲景瞻講會之所與耿
天臺羅明德二書院鼎峙並崇而公與焦澹園
先生李如真先生逖爲主盟海內謂江東理學
之盛媲美姚江皆公爲之倡也而公又留心人

才預知夷虜不靖每動請纓之志其所儲夾袋
不少頗牧歲辛酉奉 光廟遺詔起爲南職方
主事夫公以二十年居閒海內望之不啻麟鳳
謂其頃刻登台鼎耳而公顧慷慨言兵事謂以
虜遣君父主辱臣死之時也履任甫三日會遼
瀋陷報至公卿皆錯愕無可計而公獨奮發請
行招兵於浙省得壯士六千人部餉不繼卽破
產足之抵通州部伍肅如士多敵愾之氣乃在
京樞要宣言曰何某欲取封侯之賞乎若獎之

范勛卿集

卷五

十四

跋

而若哂之客有識其意者謂公曰是且有厚望
於公也公曰使吾早知媚人寧偃蹇至今日吾
破產急公安得餘物以望人之腹乎客語塞而
津要多聞而嫌之矣壬戌奉 旨以太僕寺少
卿行邊贊畫統所募兵及京營選鋒一萬人赴
塞上時廣寧初陷榆關重寄公竭力肩之與大
將王國樑當寧遠之衝而以副將二人分守前
屯中所虜不敢渡河大司馬張公鶴鳴疏言公
之調度訓練真節制之師也中外仗之有推轂

其爲督師者朶顏挾賞公率所部兵守杏山紀律最嚴獲奸細劉得功等十二人訊知爲虜內應四月六夜虜突至駐鐵場堡烟火亘十餘里無應者始遁去說者謂非公則虜入關矣居無何虜氛稍戢而要人驅除異已者臺省相旨授而攻公至借冒餉爲名誣其可據迫朝廷以不得不勘之勢於是屢旨下撫按核之而言者猶不已遂有鎮撫司逮問之命矣公聞之夷然如平日關之兵民環泣稱冤公語衆曰惟

范勛卿集

卷五

十五

皇天后土鑒此心耳其緹騎橫索錢賴諸倡義者予之至感其受役之皮工與其老嫗泣罄工金數十金叩頭以奉緹騎則公之得人心可知也抵京下北司千戶許顯純希崔魏旨拷掠備至而公氣絕復蘇仰天而言曰死疆場臣之分也死犴狴臣之命也但聖明在上二祖列宗在天奈何使忠臣烈士因臣而解體乎聞者皆墮淚旣而奉旨下法司而知公之冤者始敢爲平語大司農汪公應蛟覆疏云從來支

放文冊無清於何王事者查額餉尚多費過三千金則本官所破產而助公者也山石道劉君永基司理陳君祖苞王君策別駕宋君廷諒皆合詞直之疏至法司據之無可擬乃以募船之費四百餘金坐之然募船係某府太守事與公有何典守而公亦不復辯藉此脫囹圄而長戍殆不與於御史大夫高景逸公之難耳蓋公爲高同盟而人必欲株連以盡之也公得戍滁州便省先人丘隴額一聯於座云九死一生臣節

范勛卿集

卷五

十六

風霜獨苦三朝再赦主恩歲月偏深識者謂公之風尚直可與靈均再見也戊辰今上御極凡被璫禍者俱與昭雪而公僅脫戎籍其往來白門梁溪講學養士猶故也至于國家大計民間疾苦則未嘗一日去懷而中朝議起舊臣未嘗不首屈指公而公若不聞也者但曰山林亦足報國予癸酉具疏言科貢館員屯鹽錢法兵將諸利弊乙亥又疏言留都兵事當於池河造城督以重臣而格於通政不得上旣而流寇

連踪鳳廬間皆如公言今大司馬范公景文少
司馬林公宰擬推轂公爲根本計方具疏命職
方徐君天麟達意凡縉紳介冑聞之無不加額
而公已嬰疾不可起矣公於生死之際達然了
解讀辭世四什而知公學道之力有直窺古聖
賢之微者矣公起家四十年居官不及一考兩
登仕籍兩犯璫鋒而在獄乃逾五期生平有裨
國家孤行一意舉世非之不惑雖死生不計况
功名與利害耶公可謂有古人之勁節矣讀于

范勛卿集

卷五

十七

跋

古書不屑屑辭章而一意爲農耕婢織期於補
濟時艱其留心道統表章宋儒不遺餘力而不
爲迂濶而無用于昭代典章天下險要無不指
掌而譚聚米爲山虜在目中雖于肅敏韓襄毅
之業不難爲也居恒持身嚴介而胸無城府與
人言是非條析無委曲斥人過而中實愛人以
德臨事獨見大體不顧情面人頗訝其亢節而
其光明磊落之衷周旋縝密之用則靡不心服
之者家世祿卽豐腴自都亦可辦而公所奉澹

泊若寒素而至其奉父母友兄弟御賓客則通
有加等生平塵垢鍾駟不妄取予而極重友誼
句曲文學張凌烟揚州材官顧思忠皆軫其彈
缺之悲而以艾姬妻之在榆關被誣時行李已
蕭然而宋別駕廷錫罷官不能歸公盡橐裝推
之生平尺書不爲人居間而年家子徐賡虞有
冤獄至身詣北部白而釋之於司寇此公一二
瑣節而亦可以占公之滿腔皆惻隱也至于尊
祖睦族創祠置田以安其族之尊者幼而孤者

范勛卿集

卷五

十八

跋

凡養給婚嫁殯葬之需皆取給焉卽易簣之時
猶曲軫其孤侄而以已椽永庇之則公之爲政
于家儼然康濟天下之志而近試之也嗟乎如
公品學才識殆未易觀求之古人庶幾見之刻
意經濟而亢直忤時羽翼聖真而知希自貴矯
志氣節而九死不悔飯不忘君而被放草野每
事欲濟救蒼生而不見諒于不知已者是以道
大不容毀譽政復居半而至今日莫不服其爲
大賢爲古豪傑則公直可友千古而師百世矣

誦其詩讀其書後之君子當有曠代而知公者
夫復何憾其所著文章有初續南音徂東草攝
園草出山疏牘楚遠記略恢遠議石城會語其
所輯有實用編經武編文成外編皇明四大法
近溪要語凡若干卷行于世公卒于崇禎丁丑
六月之三日距其生隆慶壬申七月之八日享
年六十有六元配李氏臨淮侯廕知縣瑞巖公
女繼配徐氏處士肖桐公女側室冷氏生五丈
夫子俱庠生長燾入太學娶少叅卜立齋公女

范勛卿集

卷五

十九

俱先卒次杰娶新野令李如真公孫庠生虛舟
公女次黃娶兵憲廖孟衡公孫太學生紀勲公
女次謙娶錦衣衛左都督項蘭齋公女女八長
適賀懋煜爲福安令雲峰公子次適史致鳳爲
錦衣都指揮雲津公子次適李若傑爲戶部郎
衷素公子次適范國祐爲不佞子次適尤德潤
爲太學時純公子次字翁贊化爲儒士如卓公
子次字陸泗爲太學汝萊公子次尚幼未字孫
八人以培娶安遠令黃冠隆公女以持娶顧孝

廉仲吉公女俱燾出以周聘太學生吳捥之公
女以坦聘太學生黃器之公女以都以玉以均
未聘俱炁出以遠聘史文學友石公女默出孫
女十一燾出者三一適賈文學君緝公子二適
僉憲少伯公孫馮文學齡生公子炁出三人黃
出二人謙出三人皆幼未字曾孫二錦鈺以持
出余與公同籍同官同盟而子爲公婿余又避
地江左卜公與隣生平與公善相摩情相洽誠
如公子言而公子所臚列遺事核而語工余

范勛卿集

卷五

二十

每聞吳隱之之泣于隔垣哀其志而狀公生平
以式瞻音容于久遠所不敢以不文辭敬銓次
如右恨不能揚公之美於萬一而深信其非溢
美之言也

故驃騎將軍大都督楊公元孺暨配胥夫
人繼配王夫人行狀

余奉教於楊驃騎公也自公官通州始也海內
宿將余獲交多矣求名實相副如詩所稱文武
吉甫其人則首推楊公云昔唐應德於沈都督

紫江汪伯玉於戚少保南塘各爲序次戰功刻畫警動天下壯之謂非兩先生文章不足盡兩將軍方略以余觀公行事何讓沈戚余知公深矣公忠孝俠烈追法大賢博學能文章足稱名士折節士大夫恂恂儒者其戰功著廣右碩庸緯績方古名將而其奇謀秘畫人無能測也然公馳驅中原近四十年循資平進位僅登兩府會東方兵興免置之儔侈口鷹揚而公顧以直道與時左未究其用海內惜之會余避地江南

范勛卿集

卷五

三

跋

公已謝將印歸林泉余與公朝夕每見公雄心壯氣隱隱眉睫間若一刻不忘遠左也者公之逝也余哭之慟深爲國家惜長城亦爲老成失此典刑也公家居謂余與公有一日好踵門稽首請纂記其嘉言善行嗟乎余知公而不狀公則余負公然狀公而如不能知公也恨無唐汪兩先生三寸管耳雖然誼則不可辭也至於兩夫人間範因公而併及之將請志於史氏爲偕藏計禮也謹按冢君所述槩其綱焉公諱某字

元孺別號秣陵先山西之蔚州人始祖陸以開國功授神策衛指揮使繼爲鎮守大同左都督其子遂以原官世襲大同次子友才以從征功授孝陵衛百戶世襲於南爲兩宗五傳至公大父鏗鏗生忠是爲公父皆貴如公官公幼而奇崛讀書有夙慧里中師避席讓之甫冠沈酣六籍負其才略謂可封侯域外大司馬胄子教之舉於鄉公性至孝調受知當世俛仰間耳安能卽以父母之身許國乎會母病不忍赴北

范勛卿集

卷五

三

跋

且感神燈而導醫焉醫至謂不可療也遂刳股愈之公至性如此歲戊子中會舉已丑當試期母促之行公遂捷武闈公歸而遭母喪哀毀骨立孺慕終身言之未嘗不淚淫淫下也公初筮仕會皇上優武舉異等者命樞部推第一人卽越次用公以風勵豐鎬士蓋異數也遂授公南大教場坐營治其軍公潔已奉法聲動卿貳間矣不期年羣推轂守備安慶識者謂不減楊都督銳再蒞也隨陞河南都司僉書以兩觀舉

天下治行第一晉掌山西都指揮使司遷爲北樓口叅將尋改太原時南樂魏見泉中丞督撫三省須公如左右手凡邊務洪纖皆倚著焉中丞有知人鑒謂公當大受明年改鴈門左叅將而公之威名赫赫遐邇召爲神機五軍九營叅將時輦下太平久紀律弛公一意整飭當事有委其任怨者公彌自厲不恤也久之推副總兵駐廣東雷廉公治雷廉十六年大小數百戰其功甚奇雷廉三面防海而以一隅制交趾諸錯

范勛卿集

卷五

三

跋

處者皆黎也公按圖履境而審其強弱虛實謂地廣備單條議凡八上當事請增兵扼塞以防莫氏未報而有莫將武永禎之役永禎擁衆數千欲避黎於我漸凜之地借糧養士公奏記撫按曰夫漸凜者四崗之首也無漸凜是無四崗無四崗是無我欽防也使榻前鼾睡而又借糧資之可乎况黎爲我外臣我何可保其仇借逋數乎今急檄黎兵迫之勿使滋毒我土當事者議羈縻而勿聽也永禎遂破我防城及欽州警

至方除夕公卽提兵馳之賊棄城遁去事聞奉旨大征使公戴罪勦賊夫請徙薪者公也急救火者公也而併罰之壯士負戟長嘆矣公悉心計籌賊遂得永禎要領永禎所倚梟將陳光輝阮真裴仲淹者皆萬人敵公知熟夷叱錦與永禎密而使說之許其能縛三人者獻則賞其死永禎進迫天討退逼黎氏計無措而三叛俘于制府矣制府戴公耀曰大兵未舉渠魁先縛此真奇功公遂領四部兵勦之節破萬寧嘉論等

范勛卿集

卷五

三

跋

十餘寨擒賊首僞侯一名僞伯九名斬級三百生擒招降及萬人犁地千餘里歸版籍兩院勘疏敘公功第一越歲黎反於瓊崖間非公治也公懼震隣上書制府曰賊數劬我官兵掠我城堡今不大申捷伐雖撫之不就撫不就而議攻勝局在彼當事者方主撫而謂公喜事勿聽也兵遂屢敗乃檄公應之公議三萬人往可滅當事者又以公畏事而勿聽也別委張副帥萬紀將而使公佐之公懼一柄兩操不足集事堅辭

不可遂與張分道入公規賊險而有備語張徐併力克之張銳甚笑公怯而直往公憤曰事敗矣張遂中賊劫而公僅以立柵不敗撫院疏聞又奉旨戴罪勦賊而調漢土官兵五萬人議大征焉公自提軍通餉道賊不敢窺我糧車使諸援兵俱集主客皆得飽而公之勝筭握矣公計黎奴禽獸耳勝而蜂屯敗而鼠竄其常也今大兵至勢必狡窟以逃誅而兵撤復聚可奈何於是收諸亡命有智計者厚賂之待以不死使

范勛卿集

卷五

王孟

跋

密賁令箭徧諭諸岐勿助賊而出黃旗數十書歸順字爲質他如銀牌鹽布犒賜無筭諸岐感許公又遣子與弟等質於其巢乃諸岐長更願捕賊以獻如是者五十餘村因大兵進而賊無一村助之者兼得諸岐堵絕之力賊計窘勢將授首有所謂石頭溝者界賊衝絕地也大將議萬人往而色疑阻公曰地險則利用寡於是率輕卒誘之別以鐵騎揉其背賊陣亂前後夾擊擒斬數百而覆其全隊于河賊氣奪矣公策賊

必遁令我師偽却伏毒弩三千于隘口射之又殺無筭乘勝攻抱繇崗之賊崗勢茂密大木柵焉曲折百重不可入公設計火之盡諸燎具憑高擲下縱焚其穴而布蒺藜爲阻賊連戰大困遂傾巢夷之生擒賊首那單等三百餘名斬獲俘纍五百六十餘名收降賊屬五百名奪回男婦萬人招戢夷部五十六村又以黎衆反側公爲善後改繇活二崗爲樂平鎮營設流官治之說者謂伏波勒銅柱于朱崖今楊將軍不啻過

范勛卿集

卷五

王六

跋

之班師論賞仍推公功第一公積功當封當事者靳不敘也公題詩驛壁曰有誰知盡瘁公論後來看識者扼腕歲戊午始奉俞旨晉提督狼山總兵官公居雷久威惠在軍民功績在疆場奇謀秘略在士大夫紀述距今如許年幾比雷土于桐鄉矣公至狼山公父與繼母尚無恙迎奉官署孝養彌至狼山江海巨鎮倭寇所伺昔劉六七覆舟處也在余通爲門庭重地自奴發難荏苒間蠢蠢肆動閭閻不敢高枕當事者

深憂之公來而部署嚴密諸要害俱置重兵時
駕樓船往來焉猝遇賊皆擒之江海稱無事久
之晉神樞六營副將前軍都督府都督僉事而
漕撫王中丞佐覽官民合詞具疏留公以新銜
蒞我土于是狼獲安瀾永久矣嗣值 熹廟登
極覃恩封贈公三代居無何公以征黎之役功
高觸忌者口聞而投劾歸著功徇集喻意歸遭
父喪哀毀誓墓不忍出會巡江呂侍御雲鵬見
公集而異之薦于 朝適閩撫南公居益以海

范勛卿集

卷五

七

跋

寇急請將樞部卽以公名上奉 命以原官管
福建北路叅將事公至卽與賊戰于崙山誅不
用命者士爭奪獲賊首蔡大老等五十名旣而
賊再至公以計勝之遣勇士駕樓船張旌幟爲
餌而公自別島突出盡殲之自是溫福皆靖而
巡撫朱公欽相與公同心請展汎期以盡賊諸
將俱不欲乃大將軍又墮賊計而矯爲撫公爭
于朱撫而僅持之隨調公南路副總兵移駐漳
海有夏門者公知賊所必蹂坐扼之戒諸將勿

輕出修戰具銳城以伺賊果自中路擄而歸徑
衝夏門連艘百餘以戰公審其首尾不掉也而
攻其背腹火器迅發賊救焚不給遂獲僞元帥
陳奇等三十名斬首百二十級溺死者無筭捷
聞人爭奇之而大將軍初持撫議滋與左遂賂
要人調公甘肅而朱撫亦忤黨被奪爲編氓公
去而閩事破壞至數年不可收拾公再起再躋
感于功高不賞也意倦遊歸隱江東得所謂江
淹宅故址者以居署曰泊園公卿間往來如蔡

范勛卿集

卷五

七

跋

大司空元岡林少司馬華平馬大都憲劬思皆
漳人而親見公戰功者仕于南每訪公園居皆
曰論公事業才將論公進退智將論公成敗福
將也公顧遂巡謝以封疆不靖爲耻而已公生
平大節事父母孝待昆弟友撫其仲弟文學季
弟分閭藹然棠棣輝也雖晚年析業居而情彌
篤教諸子先器識後文藝日引古忠孝節義勉
之篤於故舊贈遺不憚煩煩撫其妹之子若女
教養婚嫁與已子等生平敦友誼尊禮海內士

大夫稱久要盡先生長者其御下嚴而有恩知人善任軍法凜不可犯而有功立賞士多効死者如征黎之役其冢君以偏師易敵公卽寘之法諸吏固請始允以功贖臨陳多所俘活每以道家忌三世將刻意戒諸將妄殺所全不啻數十萬而公之子孫振振報不爽也且居功能讓雖有司與他部掩其勝爲已有而公直塵土視之更周人之急欽州守禦葉維新卒於事公竭橐殯之而賫送其家雷州宋萬戶名儒貧不能

范勛卿集

卷五

三十九

跋

世襲公捐募以助之襲性高明不惑曾焚白虎淫祀止漂山颶風以安裔土人多神之且廉介不取當其守合浦之珠未嘗以顆粒入篋也善經營形勢築城于防緣山鑿石因工降夷不煩有司而防迄今有金湯又爲雷城理形家言科第連起則公之智囊餘事也公于書無不讀居官四十年文移奏事隻字不以假人工詩有泊如齋稿七卷瘦馬吟三十首泊園稿若干卷李京山宗伯序之曰奇才也公平交以後交遣陪

臣觀兵公嚴壁壘示之陪臣能文獻詩以寤公公應聲和之隨製二律令步韻而陪臣踧踖遁至是南人不復反且畏公以五字爲長城也公索居每不勝嫠婦之泣流氛犯穎鳳公條六事以獻曲盡保固門庭之法又與李京兆覺斯郭侍御維經言守禦之具極其詳要公議事慷慨以根本故不憚深言而議者欲推公公笑曰此豈我更處囊中時耶丙子夏微有腹疾逾年而增至丁丑夏五月某日衣冠端坐命筆爲詩以

范勛卿集

卷五

三十九

跋

別子弟故人至未幅臂強不運猶力竟之忽閉目而逝噫公亦異矣公生于嘉靖丙寅三月六日卒崇禎丁丑五月八日享年七十有二元配贈夫人胥氏繼配贈夫人王氏 胥夫人先公卒三十餘年矣按冢君所述夫人文學鍾峰公女有仰山先生者知公才延讀書其家與語奇之曰吾恨不生女爲吾弟卜快婿何如弟則鍾峰公遂締盟焉夫人有婦德端秀和恭自舅姑逮閭內外皆賢之僅生一女以疾終年二十七

生嘉靖甲子二月六日卒萬曆庚寅八月廿三日以覃恩贈王夫人公繼配也亦先公卒文學與石公女夫人生有貴兆時公爲京營帥知夫人賢求婚于王未許也一日公陳兵郊外指麾壁壘森然不亂與石公見之曰楊君豹額目光射人其舉步千里矣許夫人歸之夫人事父母孝至公家則舅姑皆喜謂吾兒不乏賢婦家之肥也夫人撫胥夫人女踰已出隨公宦轍所至無論公父母之迎養與家居也一切奉事之

范助卿集

卷五

三

跋

具每先意而辦公自安慶遷太原自太原遷京營宦署如冰座上客幾無虛日多解推惟夫人一意應之無窘辭者夫人三舉子皆森森玉立又聘湯姬以副膠水逮下何其仁也胥夫人女適於譚其子初贅宦署夫人治奩具惟力是視公拜粵命公父母初不欲遠行夫人依依請代侍于家公父母計曰婦留則誰爲相夫子勤王家者因俱許入粵而夫人喜可知也遠道起居備悉定省卽公治兵于外多行役夫人奉鼎以

羞雖天涯乎而二人無懷土思公諸子俱夫人教之公一意整飭機務立功名塞上內不問家夫人力也家庭間稱夫人以緩濟急以寬濟嚴以縝密濟夷簡以勤約濟揮霍從公宦邸十五年而公靡不事事稱爲德友且慈而能嚴麟趾咏公姓問矣夫人以產病終于雷廉官舍年三十有二生萬曆甲戌九月廿九日卒丙午四月廿二日歸附葬君姑之側辛酉贈夫人久之以壤不吉遷陽山之原卽公所指封處也公丈夫

范助卿集

卷五

三

跋

子八人長令名會舉戎政聽用都司娶滕徵君野樵公女次于廷武庠生娶邢太史薤山公孫女繼宋都閫五雲公女于晉府庠生娶蔣定西侯春山公孫女繼周太學瞻明公女三子俱王夫人出次百良武舉娶王文學重吾公女次于雷娶撒文學純所公女次于廣先卒次于合娶溫文華公女次于逮未聘俱庶出女七一胥夫人出適譚叅將面松公子庠生一理二王夫人出一適蕭遊戎愛所公子指揮使鳴世一適朱

都閩圖陽公子知白餘庶出一聘焦副戎似之
公子一聘張叅戎五雲公子俱未嫁卒一聘金
繼槐公子有功一未聘孫男七長世美晉出聘
陶文學天育公女次世蔭廷出次家孫世大次
世垣次世楨俱名出次世培雷出次世棟合出
孫女八一延李太學惺如公子璽一適虞文學
俊佐公子一愷名出一適董布政里蒙子邦爵
亦廷出一聘蔣都閩諫廷公孫文學士祭公子
節勁晉出餘三良出一雷出俱幼未聘今公葬
范勛卿集 卷五 三十五 跋
卜吉矣惟兩夫人從焉因公而狀兩夫人者孝
子之志也請附志於文章宗工不可缺也余
以通家之誼知無不言據冢君情辭迫切敬縷
陳如左云爾

明新安太學生師利吳君墓誌銘

新安介黃山白嶽之阻隱隆蟬綿故其人磊落
多英而好行其德海陽商山里有師利吳君者
清穆而肅世席陶白之床僦居鶴城地屬四方
輻輳之區爲淵雲藪君延接名碩實繁笙簫車
馬之貺不佞謬叨僑盼之好每過君所輒開三
徑樂罄欵宵匪朝伊夕矣會余里居令子文學
擁莛蒯來徵言繼之以泣曰先君不祿辱在世
交敢以寘石責茲幽光余按狀讀之而黯然可

范勛卿集

卷五

三十五

跋

知己嗟乎罕生逝而國子悲惠施亡而蒙莊戚
余之于君安能已于辭耶君吳姓諱明本字師
利以幻住爲號吳泰伯之裔民之初生繇之所
以咏沮漆也歷唐宋代有聞人紹興朝有二惠
競爽登王龜齡榜者入明累葉風素至瀛以
文行徵書君王父也瀛生繼福初赴京畿有
朱邸之選賜弟子員不就習蔥嶺之學瓢笠
雲游已歸配葉孺人繼靳孺人甲申君生先是
君父夢一方袍德友入室及君取名與中峰大

禪類志夢瑞也君端慧有知識五六齡章句業
了了髮覆額所天背棄君方稚齒卽有雞骨之
戚依依靳孺人膝下性好內典蚤悟合修能茹
齋禮梵尋大小明以助樂邦之因立證上乘而
塵網縻縵非所好也伯臬幕公挽君升上庠而
于經學猶之鼠蔬耳宗頌都憲公雅耽禪悅折
行與君叅玉版談無生訣當時宗伯李公選部
王公臚卿趙公侍御汪公光祿姚公給諫金公
鄭公泉余不佞聲氣相援後先推轂稱通家者
范勛卿集 卷五 三

三十年餘所居別築淨室曰蓮宇在鶴城客舍
曰菴羅每客去唯燕坐調息以爲棲真皈性之
所嘗念人生浮寄天壤如同過客雪鴻風絮總
爲幻耳則幻住所繇號也君蚤失怙恒以不逮
養負痛左右孀慈彌篤卽往來吳越間亦歲必
歸省庚子母葉病君走望百禱竟不効至靳孺
人色養三十年迨捐桮棬泣不欲生日今而後
某無母可依矣後襄事唯謹福祔務遵古禮與
其尊人高封馬鬣其孝行如此臬幕公多豪佚

君敢那小有異同而田荆姜被怡怡敦在原之
雅君世業質庫新舊有二悉以推伯及伯產中
落庚分所有給之伯物所存二孤君備極恩鞠
忘其非已出也丙子歲稔民困饑棘君指困出
賑炊糜以食餓者所全活亡筭里有龍宮古刹
僧荒多圯君葺之所費二千緡未竣復輸百金
告永事至今龍象莊嚴精藍甲勝君之法力弘
矣君旣道廣賓從雲歸韻友高朋如雲間陳眉
公滇國唐大來廣陵陸無從王先民與君里潘
范勛卿集 卷五 三

景升吳去塵輩株葉共之心同琴瑟道叶墳麓
卽楊許碧落之游尹班永夕之樂不以易也君
世敦挂劍之誼載申盟驛之義睦族卹隣焚券
脫驂種種內行極其醇備至課子嚴不傷恩提
先世之難辛戒出門之比匪諸子彬彬有美學
叅時彥所稱君子之有穀非耶辛已稟命不融
四大旋解而神氣了然不亂彌留之夕語道胤
等曰適有僧招我西行則疇昔之夢是踐君得
正果殊不媿命名之義矣君生萬曆甲申十月

九日卒于崇禎辛巳三月一日得年五十有八
配孫氏繼陳氏俱有壺儀先君卒造室朱氏宗
氏子男四道元庠生娶瑤溪戴孝廉其功孫女
道胤國子生娶草市孫太學一經女繼娶程氏
黃氏陳氏道悅庠生娶汧川程太學子懋功女
道純聘洪方汪宗孝女女二一適歙庠生許承
家一適閬川畢之祺孫男九暉娶富溪程兆斗
女暄庠生娶後村孫太學時榮女繼歙張文學
大禮女道元出曄娶月潭朱熙陽女昂泉果道
范勛卿集卷五
三
駁
悅出智普曆道胤出俱幼未聘孫女二語云君
子能勞後世有繼又樹于有禮其艾必豐吳氏
其徵也夫以余所睹記君神觀清夷謝諸紛喜
持戒叅修一也與人交驅車肅客不憚寒暑欸
欸見憐二也自宗黨閭里未嘗訟誅一事樂道
人之善三也業豐植不溢滿客不作介色謙謙
有儀四也紛有四美重之以修能狀稱孝友出
于天性慈愛根乎至誠立言以義以善感人不
媿人以不能不做人以不知殆實錄也道胤等

將以甲申二月初吉奉君窆于京口回龍山之
陽嗟乎恭題有道之碑媿乏中郎之筆不揣而
爲之銘曰

其歎而集者法塵其疾而馳者輶輪四大之宅
總非真幻住人間幾秋春登龍客散水瓜湮西
州徑草感行人如堂如斧玄房新我銘高揭慶
駢臻

處士從道邵公暨配李孺人繼配李孺人
合葬墓誌銘

范勛卿集卷五
三
駁
吾友邵徵君潛來致其尊人徵秀公之命曰不
肖聯芳遭家不造不幸先慈見背辱在苦次將
合葬先嚴從道公之壠而麗牲之片石尚廓然
虛敢因子潛而徵惠執事不穀唯唯而徵君則
又曰潛不敢以大君子博名高唯大君子不朽
王父母焉而藉手以復吾父其可不穀又唯唯
於是徵君起再拜已手一編淚涔涔下則單生
思恭所爲狀也不穀一再讀之其敘致有嚴而
鼎鼎者有鏗鏗而參差者有斂而逸放而井井

署卽不穀庸加諸於是按其狀而爲誌先誌其家世曰邵氏實昉自成周時召公奭云勝國時有萬二公者自洛陽遷於通生福洪公福洪公生旻登永樂甲辰進士卽正統間以廷評忤權璫者也旻生鏞爲郡諸生鏞生琦琦生緯是爲徵君大王父而從道公之所自出也乃兩孺人一則西亭李公廷英女一則同里李公日華女皆甲族焉次誌其生卒曰從道公生於正德丙子十一月十一日卒於萬曆辛卯六月十九日

范勛卿集

卷五

五

跋

得年七十有六公蓋嘗預定其期云卽禪那家難之矣元配李孺人先公卒四十年繼配李孺人後公卒二十年爲萬曆壬子八月十六日距其生嘉靖壬辰四月二十三日得年八十有一今合葬於白狼山陽次乃誌其行實曰公諱倂字從道別號見南則以父南樓公蚤歿故而母陳太孺人復善病公晝夜拱持其傍候伺顏色卽加一飯脫然愈卽損一飯脫然愈如是者久之疾復漸劇則昏旦籲天請代至刲股作羹以

進旣不果療殆哀毀骨立幾不欲生矣時弟傑亦蚤夭遺孤蕃始晬公所以字之者百端曰所不此成立者昧雉彼視迨蕃成立而後喜可知也曰莫余咎也已妹適張識無何暨其夫俱逝一女尚在襁褓也公爲擇乳嫗護之唯謹及笄復爲治裝以室王讚里中人以此多公公益務爲任俠值歲歉出穀五百斛貸貧民後不克償有來居間者公笑曰彼其以余須子錢者耶乃併其母錢捐之遂悉焚其券嘗粥一騾五父之

范勛卿集

卷五

四

跋

衢誤昂其值五金歸而校之色動亟馳及躬致之曰客得無替哉客謝之不顧而去其豁達皆此類云乃少年子有欲上人者得公片語又無不相戒咋舌去也蓋自此閭黨間無不取平公者方今上十有三年公七十有司高公誼奉璽書賜爵一級公不色喜第時時進諸子若孫語之曰吾弗能效諸瑣瑣者色厲內荏以博脂韋聲奈何以垂白之年邑邑此桑榆也乃愈自發舒日市牛酒延諸老人酣飲竟夕不問家

人產故公歿而其產大挫賴李孺人爲黽勉持之弗墜云李孺人者公繼配也而前是李孺人歸公未幾而卒卒之夕屬公曰嚙繼夫子室者我則李公日華女乎問徵其淑行矣是可母此呱呱也於是李孺人竟歸公時姑陳業已嫠居而孺人事之甚謹未嘗假湔浣暨施朱粉而躬兼治產不憚輟寐人皆謂邵氏有賢婦矣至其取前室所出母之蔑以異已出也卽諸子姓有不能得之從道公者而得之孺人人復謂邵氏

范勛卿集

卷五

三

跋

有賢母焉迨老而從道公歿孺人稱未亡人益自效泚泚統爲家衆倡且恒出其簪珥供諸孫楮墨費而日舉從道公語絮泣曰潛乎其忍忘爾王父言乎蓋從道公素厚望其孫潛故孺人及此至今徵君所就業彬彬纖毫皆孺人力也是可無誌哉是可無誌哉於是誌之如左而因併誌其子若孫曰元配李孺人生一子葵娶黃氏繼配李孺人生二子聯芳卽徵秀君娶楊氏芸娶劉氏女一適孫贊孫邦仁娶沙氏邦義蚤

卒邦禮娶顧氏邦智蚤卒邦信未聘俱葬出潛爲聯芳出卽徵君潛夫今來請誌者也娶成氏有賢淑稱蚤天詳具淑媛流芳集中邦輔娶孫氏邦弼聘何氏邦良尚幼俱芸出曾孫長春長安長樂俱邦仁出長吉長慶長白長策俱邦禮出長庚爲潛出亦蚤天潛有雋才所謂詩古文辭著聲吳越間向嘗與余定文字交當必能振其家世者是宜銘銘曰

范勛卿集

卷五

三

跋

以大而門

像贊

蔣笠澤像贊

此吾友蔣民部笠澤先生之遺照也端偉者像溫恭者貌偶一對之恍若言笑旣已欽觀其容又且深服其造朝孔夕孟味彼道妙左程右朱動止自好樹義敦倫曾閔讓孝司教鐸則善開導署庠支則善規調用之則公琰非百里之才不用則元卿開三徑之高蹈之人也豈不慥慥

乎優入聖賢之閭與者哉未竟厥施朝野共悼
仲子孝廉少而克肖是則天之所以報之也耶

汰法師像贊

四大幻形何生何滅留這影子如水中月大衆
皈依空飽香鉢嘆汰法師幻真瘳豁

錢沃明像贊

此余亡友錢若衡氏之遺貌姿貌溫文孝友淳
備經史填胸尤長制義其視青雲可引手致每
小試必冠軍而顧不得志于秋試僅以明經上

范勛卿集

卷五

聖三

跋

禮聞甫銓而又隕于途次嗚呼欷歔與以才賢
不與以年位果何意乎吾將問之天帝噫嗟嗟
雖然有子而賢才華絕世庶足以竟公未竟之
志

張鉅卿像贊

無不是是鉅卿廣額隆鼻炯然其睛坦夷疎放
少所經營頗知好色亦務噉名茶爲醉筆爲耕
畫予之意詩予之情琴子之聲欲學蔡邕之多
藝豈必後身于張衡

王蓋明像贊

爾眉常攢懼學道之未成爾舌欲敝懼講道之
未明爾心常醒想體天命之流行王生王生

題盧寄園小像

斯何人哉端坐神行腹笥便便才魄英英架滿
雲笈身佩芳蘅羅浮仙子靜娟侍側大奚霧氣
遙接肝衡頰毛欲動紙上有聲按圖索晤笑而
相迎問是吾友虛舟子之快婿久矣玉潤之于
水清

范勛卿集

卷五

聖

跋

復一禪師像贊

惟一者性云復者奚譬形與像肖之則齊肖形
而已勞費收藏百年之後紙亦皮囊吾所識復
一之真面目不是皮囊不是紙上乃在無始以
前三生之外光晶晶圓陀陀如如不動之真常

送玉池上人入關

出世何縱橫入關毋乃妄會得無礙妙圓境界
作麼關相作麼入相請問玉池和尚那推爾出
那牽爾入能入得當能出得當一入關只恐擬

殺玉池和尚

祭文

祭高忠憲先生

先生歸窆之辰先是念有二日其友人尚寶司少卿范某謹采江離澗藻遙奠先生之靈而侑以詞曰嗟嗟悲哉悲哉何使予隕泪和墨而筆不能下者屢也先生之道成矣先生之名高矣先生之位崇矣先生之受國恩不薄矣先生之年將七十矣凡人世所不能駢集之福先生已

范勛卿集

卷五

聖

跋

全享之矣予何悲哉予之悲先生也謂天不勲遺而國空虛也先生之使予獨悲之甚也謂海內知己惟先生一人在足以不恨而今不可復覩也今漢署中之纍纍若若者豈不充位乎誰足當先生者國以一人興先生歿而齋志未得伸者十之九也可悲也今學士大夫以及縫掖擔簦之徒交于先生者幾遍海內矣乃余之忤俗違時似於先生有獨契也先生之謂周吏部曰范某舊銓典型宜如涇陽先生故事用之方

能脫胎換骨此語予所不敢當顧不知先生何

取於予而云爾也先生又嘗爲文以壽予先人

矣其文雖以壽先人而實以教予先生之言曰

聖人何以異於人哉聖人習而安之衆人不安

而不習也是先生之警我以衆人而誘我以聖

人之道也何篤摯也予家食廿餘年足不履戶

外顧與先生郵筒往來無虛月予每於時事之

大者獨謂諸君子之過激爲非是此語不可聞

于諸君子之耳而先生書來獨是予言曰諸君

范勛卿集

卷五

聖

跋

子過激使公論反出于小人而私情反出于君子如來教所謂君子之公論也可見天下事有一定而不可移之理云云先生非知我之深予何敢以此語進而先生亦豈能獨許予言之不謬也然則海內一人知己非先生而誰而今已矣誰當知予者而又安能已于悲也雖然人之悲先生以情而先生則深于道者有龍德焉得時興雲而雨天下非其時則蟄伏于泉壤而已矣當逆璫煽虐緹騎將及先生之門而先生先

一日而效屈原故事不落奸人兇手此豈不謂
清明在躬志氣如神而深於道者哉先生之生
而死死而葬亦猶龍之蟄伏泉壤焉耳何生何
死而又何以悲哉予方值海上亂民之變罹禍
奇慘恨不如蚤死璫而僅以削奪止也亦惟是
疲于奔命未及登先生之堂一伸哭奠而遙致
雞絮無以爲懷其終安能已于悲耶

祭冒玄同先生

於戲哀哉莫前弗彰莫後弗傳是父是子罕際
范助卿集 卷五

其全吁嗟九翁學術鄒魯鵲起雉臯淹今博古
曠才絕調遠性高風士林交譽後進咸宗皆謂
九翁宜廊廟獨立何意宏肩小試州邑會昌何
幸得借仁明經術飾治以兩蒼生名播西江復
寄山郭馬入鄴都賊起斬掠誓與張許並死睢
陽借兵募卒轉芻餼勦殺僞官撲滅奸黨賊
望蜀山不敢再上軍中經歲卧不解衣操刀擲
筆手拯重圍旣偃武功遂修文事賣劍買牛勸
農治地省刑薄歛教化絃歌行之期月政通人

和復聞縱囚自縊就戮異政若斯古人推服翁
之爲令豈人所能宜腐顯擢寄翁于城何夢三
刀竟得六詔俯仰未流人鮮公道翁辭巴峽觀
濤曲江車懸茅屋人坐蓬窓小築臨流逸園自
號萬頃風波百年嘯傲慧種生聖公門有卿父
作子述上開下承令子肖翁雄文偉業第以官
階跨竈足捷將由憲副開府建牙公孤師保次
第拜麻公胡謫焉倏捐舍館乘彼白雲仙驂歟
歟不屑身受 三錫寵光乃令憲副躡踵踉蹌
范助卿集 卷五

於戲哀哉先子與翁交稱莫逆翼與長公誼敦
金石通家若此梓里所無忽聞翁訃有淚蘇蘇
月夕花天見翁不得醴酒豚肩薦公不食於戲
哀哉

祭朱弱水孝廉

維年月日范某以香帛庶饌之儀致祭于弱水
孝廉朱公之靈曰嗟乎吾兄外朗中通才超三
乘學博九宗乃祖乃父襲芳四世代有明德曾
不克列東序之金鑄留以待式穀之昆是生哲

嗣吞吐霓虹蚤歲皇遼問路而聲稱籍甚乎覺
宮懷壁不售揣摩愈工越庚午之嶽雋張南國
之雄風方調襄城引駕可問道於崆峒公車需
次景命不融豈玉樓之召趣驂鶴乘而御鴻濛
嗚呼哀哉兄坦襟霽度真氣冲冲荷交不佞歷
久而恭爲余寒家作傳情愛靡窮屈臯比之西
座亡弟亡兄問字而色笑之雍容尊公先生清
介而博綜人倫冠冕蕤林瞽宗爲先大夫之密
契而兄于不佞先拜門生而實稱通家之弟兄
范勛卿集 卷五 四九

於今人琴已矣罕生逝而國子悲恫所幸兄有
俊語揆藻更雄固知太原之寶琳瑯多異而丹
穴之翮毛羽自豐者也乘颺駿發佇看馬鬣之
高封兄亦可含笑九京無煩賁志之痛矣靈輻
卜吉窀穸告終敬薦芹卮寫我微悰而兄能下
大荒鑒余芟芟之衷耶

祭袁李野

噫歎歎乎悲矣悲矣於維吾兄生膺茂祉天意
所篤曷云其死美服善藏不受人指輿情允協

曷云其死賦才雋上未見其止器調晚成曷云
其死居屋苟完作法無侈積有餘慶曷云其死
賢媛內助式歌葛藟眷茲婉孌曷云其死舉子
匪易喜乃克似厥恃惟父曷云其死噫歎歎乎
悲矣悲矣雖然食祿逾禮家聲易玷爲佳公子
死亦何忝康節任數黨禍無染有才令終死亦
何忝金谷豪奢殺身之慙惜福滅業死亦何忝
銅雀分香醜伏斯驗巴清自衛死亦何忝人生
有子萬事無欠矧托泰山死亦何忝雖然死者
范勛卿集 卷五 五

荒丘生者華屋死者含笑生者多哭伊子與兄
絲蘿喬樹榮幹摧只蘿將焉附予旣亂離兄竟
不祿臨風遙奠淚落如瀑噫歎歎乎

祭累封宜人鄭室梁氏文

嗚呼捐佩迪德斷織勸學功俾於夫施不及國
漆室嘆魯緯婺憂周公家是卹言則未訓易次
坤貞妻道臣道詩首二南嬪儀女操王假有家
豈曰闕觀貴勤富儉來賢審官采蘋采蘋澗濱
沼沚內外正位相助爲理免且公侯羔羊大夫

家齊國治麟趾騶虞 帝賚良弼天釐女士秀

毓璇閨微揚彤史結褵我公翼訓中幃旨甘佐
餽鳧鴈典規靜好瑟琴洵歷華貫 龍章三錫
象服有煥蠶飛雞鳴分漏分更佐公夙夜出入
戴星食不二味衣不重帛佐公素絲餐冰茹蘗
公持繡斧建節維揚臺綱壺範靡不肅將治兵
行河公嚴干楸宜人當室杜其門牡流寇震號
人情洶洶百城誰倚固圉詰戎公剪大憝以絕
內應乘障增陴武功乃競內安外攘國爾忘家
范勛卿集 卷五 至

宜人神蓋憂心如麻力疾勉寬公內顧中秋
間警脂牽馳赴封疆之事不遑啓居割情就道
畏此簡書維時宜人猶啖餅粥豈調彌留不及
再宿有億倂孺有萬貽黎怙公衆父亦恃母慈
四履奔奏禳榮祈福天不慙遺民之無祿有雉
朝飛有烏夜啼悲感行路能不慘悽國悼喪淑
家傷墮底罷肆輟春助哀盡意丹旌搖搖白楊
蕭蕭西昇已駕楚些難招願佑我公卽擁大纛
造我淮南俾安厦屋薄陬椒醕敢告輿情焄蒿

如在倘鑒微誠嗚呼尚饗

祭李州守文

嗚呼余于我公之罹慘變未嘗不慨然太息也
豪傑生逢百六欲幹濟時難援羣黎于水火乃
先捐身以殉豈不痛哉公以瑰偉之姿抱經世
之略蒞任甫數日耳條有黠宄揭竿而起白晝
行兇公攘臂前呼誓籌禦侮之策而已遽罹慘
變矣真令人魂迷魄喪五內俱崩焚焚士民匍
匐往救束手莫可誰何惟悲愴隕涕焉耳然人
范勛卿集 卷五 至

人思置二仇寇于藁街亦足驗公道未泯矣吾
通嘉隆以前風俗醇朴絃誦聲聞男女耕桑樂
業期無隕越欽奉官長如奉考妣鮮有踰法以
逞者迨庚午渠魁結盟縱橫糾聚如秋藤焚劫
矜紳家狼吼鷹擊奸黨日增先是不肖已上疏
首列明蘇三賊之神奸遂爲世仇必欲殺我惟
尚有天理幸生乃我公者之才之德亦一日之
龔黃先是有墨吏綰通篆析楊之醅繼以貪戾
浚剝百姓無完膚若嚴霜苦雨翹企陽春然會

馬兵憲之變席捲渡江遁去我公繼之爲崇川
長士民焚香郊迎謳歌孔道曰公之來州也其
將格豚馴雉以示信鞭巫覡經以示威其將日
照發歸之虞膠飲孩赤之口以示澤春溫與秋
肅實兩賴之乃公不死于病不死于敵而死于
黠宄之手殲我良吏百身莫贖彼蒼者天禍福
竟安憑焉蓋奸人非有真肝膽真意氣遠從國
家起念近從桑梓起念不過借狐餉名色漁弋
多資飽私橐耳乃躬行叛逆橫殺官長并將欲
殺閩州因先索數千金揚帆海上通人言及怒
髮衝冠者正爲此今幸新公下車愷悌君子
溫溫恭人愛士愛民赤心白意良法善政不勝
枚舉傷公死于非命誅鋤奸黨漸次就理亦足
慰公于泉下矣予不佞年老幽棲賴公覆庇目
覩斯變鬱陶填胸攀輻莫逮能不痛哉爰束生
芻爰焚瓣香洒酒爲文致祭公前公如不吐庶
降鑒于几筵嗚呼尚享

范勛卿文集卷之六

白狼山范鳳翼異羽著

問

咼陽客問 有引

予從髫年讀損益卦卽悟富貴貧賤生死之間綽綽乎有餘裕也且自審磨蝎守命宮一生與小人不足故旣成進士十年恬守一瓊而立之外從銓曹請告卽永安一丘屢起不出至奸逆煽禍削奪及予諸子弟爲予憂之而予囂囂自港助卿集卷六

若未幾 今上以不出世之聖主側席求賢時輩多所引薦諸子弟爲予望之而予之囂囂亦自若久而諸子弟有怪予不通朝貴人書不同衆人抗疏自白者猶畏予嚴冷不敢徑達乃密倩予客探予予初唯唯不屑答賓戲也顧不言又無以謝諸子弟乃爲客問以見志焉蓋幾從一歲行運說起所歷苦境可笑可駭幾不欲令子弟讀書取功名矣諸子弟尚敢有所望於予哉

范勛卿集卷六

崇禎元年六月中予方課農咼東臯之勝蓬跣支離盡捐人事客有好事而過予觀插秧者時連雨浹旬客亦不去惟是一局一壺一榻相與談詩談鬼談玄懷拍拍也客一日無然而問于予曰方今 聖主中興剪除兇慝登用正人子生平以正人自負忠義凜然幸而有 君如此何忍負之乃不自振奮而自令放爲且子未嘗受門戶一日之利而首先被門戶之害以至于今奈何人竟忘子徒來路鬼之押掄何不平之甚也予答之曰嘻是非客所知也予通籍三十一年屏居已二十年長林豐草久埋陳人蹤跡予居平不以一字通朝貴人且不獨朝貴人也卽同鄉同年及疇昔之同心相知者亦止以神相往來屢十年五年不通一字也此其人踈慵蹇拙于世長已君平棄世世棄君平無足怪者客何疑焉客曰子言誠是也然頃者諸君子上蒙 宸眷下合輿情乘時龍見者夫非如子向來獲戾時局者乎彼何昭昭子何沒沒也予曰

主臣子品望卑末何敢望諸君子然亦子之遺也已矣子昔雖備員吏部却未及作選君亦未及作考功正郎功用無能自表見於天下而嫌怨則已久入於人心子蓋仕路小人三十年之所讐也諸君子中見忌或有深于予者然不似予見忌之多且久也客不厭煩聒請細陳予所遭之窮與子所以義命自安之故而客試垂聽焉予從戊戌以二甲進士上疏辭州改教京庠二年國學前後八年皆散曹無所事事見特政

范勛卿集

卷六

三

多闕失每侈口而談與寶應劉靜之同志而予性淺躁猶遜靜之適值子房座師田東明及于衆父王澹生皆以忤時相見逐予爲不平予同門中有借田房師以媚時相者併排擠及予又同官中有一人議論相同而陰借贊以媚時相將加害予與靜之所苦兩窮博士不足供刀俎乃令吏侍周寅所條陳銓政故于六館多所安排其疏中一欵云六館之英凡係甲科有才望者以後照 祖宗朝一體行取科道然須積俸

養望目下姑停推陞云其意蓋先爲鉗制使久錮不得遷轉又預設怨望二字以阻其建明子與靜之遂各給假謝病歸里說者謂改教爲捷徑子自戊戌至戊申歷官十年纔轉一戶部主事仍錮之東北倉曹不使占前門一片地則諸奸實讐予也朱平涵抵通灣而沈明禎使人叅之浙人反以爲快予時致書平涵云公固海內偉哲不恒之人非浙人之從邪者也平老親知偶洩此語而明禎與諸浙人深仇予矣予在

范勛卿集

卷六

四

考功佐主者外計凡淮揚之墨吏若兵道楊積知府杜廉知縣牛維曜等予皆不徇情面非處以貪則處以不謹故元詩教庇賴徐大化庇廉皆仇予孫蘭石素知予亦以庇維曜怪予至今相傳子難爲公祖父母後之公祖父母皆存一成心以待予而里中細人與予曩者同門某結姻相昵乘予摧挫之餘地方官見忌之日所以下石謗害無已時恨不假手逆璫殺予矣先是段幻然等叅論詞林人皆疑出子與靜之景逸

中甫四人之意詞林尤恨予蓋當鄭太初以叅
山陰蒙譴詞林密令太初諷予叅論晉江其意
因予爲福清門生疏一出而晉江之黨必叅福
清使與俱敗而詞林中以漁人得利卽日大拜
矣此詞林儉謀太初亦在其套中也予蚤覺之
而不爲所賺所全實不小然自詞林敗而其黨
防予破其謀又仇予矣先是諸人叅逐王聚洲
子實左右聚洲使得安然就道徐大化爲聚洲
對頭因而仇予又大化與徐紹吉邵輔忠喬應

范勛卿集

卷六

五

六

甲合謀攻李淮撫應甲列敝州舊守張星劣狀
以坐淮撫且疏中明言通州鄉紳見任在京者
可問予乃聯江北鄉紳上公疏保淮撫以破邪
謀而大化紹吉等又深仇予矣且當山陰晉江
崑宣與其黨齟齬正人之後予時初入銓曹所
值選君功郎故自正人而膽力稍薄又富平冢
宰骨正而性小偏選君用人每每有不能得予
則時時借耀州以調富平諸不暇縷舉如涇陽
先生之起光少丁長孺田東明之起禮曹江南

司官之破格而推高景逸于中甫江北繼予者
之破格而推鮑中素諸廢棄忤時者之時時入
啓事雖未必多得 旨然于林泉頗亦有光又
如外計舉卓異之多正人後皆大有所建樹又
如庚戌考選奸人欲阻諸賢當路予在選司力
排邪說各得台省周綿真爲朱一桂所許予當
堂力爭不爲所害同僚皆詫異予又如叅題假
印假官繆楨等無虛日子凡在銓不過一年一
年之中瀝盡心血有萬萬難處者而所最苦者

范勛卿集

卷六

六

六

有六其時台省大半邪黨一也同僚十九皆趨
時調二也以富平正人爲堂翁而性小偏三也
以福清師爲首輔稱相知而不肯做一切破格
事四也自予入銓而從前仇予之人無不耽耽
于予予何能展布五也舊例吏部自員外而下
不敢向選君開一字口而予性不能依阿緘默
以負其官易至以慙直開罪六也予雖有此六
苦而所獨幸者以富平爲冢宰以朱玉槎爲選
君功郎然玉槎或不能得之富平而予能得之

耀州蓋耀州于予言無不深相信而富平于耀
州之言大都見諸行也予既幸以難處之地值
難處之時得稍稍效職一官已度外置之同僚
及言路邪人見予不當事權而有任事之實且
所行正忤時趨又相率仇予謀所以逐之矣會
辛亥內察期近富平與耀州言將調予爲考功
副郎秦人頗洩其言而同官胡東漸胡來朝王
三善尤忌于會三善疏叅淮撫及涇陽先生予
更不平適予年友御史馬六初出疏駁叅而諸

范勛卿集

卷六

七

六

奸疑予預聞遂激張孔教論予蓋玉槎以考功
入場胡東漸以員外署銓孔教以同鄉省中日
囑托東漸東漸所欲自遂其私者半爲孔教所
奪故深惡之欲以年例處孔教懲患玉槎予時
亦在選司一日玉槎手持緡紳問予年例宜何
從予因述東漸語而謂孔教無關大局且宜放
下東漸轉恨予阻其謀而陽修好于孔教曰范
太蒙必欲推爾年例幸我爲爾力救乃免孔教
初不以爲然適忤詩教以淮安司李行取入都

彼爲淮撫故銜予又爲予與昭陽同門不同調
怒予遂出予同郡貪紳張京元貪令牛維曜之
訐以示孔教而孔教之叅疏遂上矣玉槎爲予
投揭吏垣河南道任咎而代予辨甚力且先予
出城告歸富平復予請告疏云某板曹久著賢
聲銓署方稱拔萃又云科臣言事多屬風聞鳳
翼生平自有定論方與耀州言必欲留予而予
已飄然長往矣予庚戌歸田忤詩教方在省中
爲予之公疏救淮撫大計處其同鄉楊檟恨予

范勛卿集

卷六

八

六

每授意官江北者吹求不休而按君王九敘爲
孔教同門皆授意有司百計謀所以中予幸曹
真予孫拱陽兩君子力援於鄭兵道乃得解辛
亥內察胡東漸投揭害予時真予與湯質齋管
察事爲予不平卽處東漸而免予從此予杜門
里居至丁巳巳八年所不在六年考察之例徐
紹吉違例拾遺趙士諤竟以予向所處假印奸
胥繆榘之暗帖處予夫欲處而不難破 祖宗
六年考察之法又何見仇之深如此至泰昌天

啓之初衆正彙征予獨爲親老不求仕進獨景
逸與洪桂渚鄭玄岳蔣澤壘范質公諸君子力
持公論乃就田間改尚寶丞稍遷少卿又推大
理寺丞二三知己多望予出山而予以親老未
敢出也及魏崔楹權亂政殺害忠良次者削奪
予以二十年未入長安一步未預朝政一事之
人似未足以當嚴譴止因景逸叅崔呈秀按淮
揚貪狀疏中有云出淮揚士民之口後呈秀修
怨景逸甚毒而鄉人某遂獻媚呈秀而引景老

范勛卿集

卷六

九

六

所稱士民之口正予與寶應劉靜之遂令徐紹
吉本房門生曾應瑞上疏削奪予矣向非景老
作投淵故事則一落崔手崔必立招羅織予之
慘死無疑惟不得景老作招頭無從殺予耳嗟
嗟予真三十年仕路之讐人而里中細人之借
贊者也在朝不容在野亦不容若非天假之年
則冤抑靡伸此時久從地下與螻蟻爲友矣又
魏廓園周蓼洲顧伯欽諸君子在位之日方托
劉清之致意予令蚤出山若忍爲八十老親割

一日之愛而翻然入都予感慨既深憤鬱既久
則觸忤必多罹禍必烈此時亦久從諸君子地
下爲友矣夫以予見仇之多且久幸得苟延至
今日重覩聖天下新猷卓絕千古真是夢想
所不及從此與田父野叟歌詠太平不啻幸矣
尚敢妄意與諸君子同升以償生平不足乎予
雖無奇節異行可參預諸君子然三十年立定
腳根寧拋棄官爵不詭隨時趨惟此一片肝腸
可不媿海內諸君子予若以而立歸田不堪淪

范勛卿集

卷六

十

六

落之久則當福清座師一再入相之際諸相知
正人在列之時予豈無大用之兆而卒安意一
丘判取二十年林下風光處之晏如也豈至今
日而妄意新相知譬如二三十年老寡婦求嫁
少年子不亦可醜之甚耶予死不爲也客曰命
之矣昔虞仲翔謂天下有一人知己足以不恨
今海內知予者不乏第一流人且向來仇子者
皆奸之尤也國之賊也子誠正人又大行不加
窮居不損居然有道君子也而猥欲索子于升

沈顯晦之迹則陋矣遂瞿然揖謝而去
募疏

募修天寧寺塔緣疏

蓋自管居士捨宅而天寧寺所從來僧文藻開基而宰堵波所由建高僅五級而秀麗甲諸浮圖遠已千年而完好不經劫火豈惟神天擁護之力抑亦善信修葺之功數圯數修且修且圯大都遠可三四五紀近纔一二十年萬曆壬辰一嘗修飾顧其上三級則稍精堅而其下二層

范助卿集

卷六

十一

六

則殊鹵莽以財用不足而苟且取完風雨所摧崩圯日甚失今不理致力益難僧真慶者故嘗栖身塔院邇且遁跡軍山一意修持諸緣不染歸而憫其頽壞慨然有志營修仰屋而憂繞塔而嘆彼阿育王者果何如人哉乃首謁余請爲作疏余頃避暑其下亦嘗有慨於中遂捐薄俸而倡并裁短疏以告則惟管公宅尚應捨何論貴財僧藻建且不難何論修葺且在釋氏則藏舍利乃萬神守護之場在形家則曰文峰爲一

方科甲之助邇者且欲創一新塔奈何舊者任其傾危論緩急此宜最先論功德此爲殊勝伏願賢豪長者緇素勝流念幻跡之易淪纔一瞬而爲烏有惟佛力之宏遠縱萬劫而長若新或拾粟帛金錢或任丹堊甕望各隨願力成此勝緣則慧日高懸常觀相輪之影而法雲永護時聞鈴鐸之音夫童子聚沙之因終焉踐祚彌猴壘石而戲尚爾生天寶塔功成蓮臺路近若夫科甲抑又其餘

范助卿集

卷六

十二

六

招隱洞改建正殿募疏

予寓公南徐凡三年所南徐江山秀異甲東南顧人但知金焦北固之勝而不知招隱幽絕不減武林之韜光其東南偏嵌窟靈奇昭明太子讀書石几猶存上有蓮花洞觀音洞辟支洞每爲修道選佛之場勝國以來廢于兵燹我明創寺甚盛近亦傾圯三洞遂爲狐兔穴懋修禪師者久任匡廬偶遊此洞樂其間寂因卓錫焉師宗門龍象遠近嚮風捐助鳩工殿成不日惟是

物料未堅山風摧剝不得不改建以圖長永予
有此意銜之數年一日師訪予金陵乞疏以告
諸檀師意初無吝望銖積寸累皆爲無上勝因
予雖遭海上之亂飄泊無家人嗷嗷日食合
許獨不能不減糊口之資稍效一臂之力况諸
善姓破慳種福何俟予言謹疏

茅山我玄羽士募供米小引

三茅山之右偏近稱乾元觀者卽華陽隱居舊
址真列真之遂館而升躋之玄都也余以今歲
范勛卿集 卷六

首夏始一拄杖遊焉但見帝庭垂蔭法侶交栖
雖吐故納新不少食母藏神之術而修心煉性
尤需設誠外護之人乃邇來山爨無烟食輪不
轉使重繭而至者每每束腹而去豈初機學道
之輩皆不火食之神仙也哉於是我玄羽士發
心悲憫募米三百支衆一年而乞疏于余余惟
世人饒習深重或至日食萬錢誰無一飯可省
以資法供伏願都人野彥靜女靈姬不憚博施
津梁羣類當獲利益未可周知應共圓成敬陳

短疏

劔山新造萬壽寺小疏

吾通五山競秀而劔脊居祿馬之宮六秀之方
比之軍山隔一水口者尤爲關係先是以造新
城取石有傷劔口而陳顧兩司馬陳大叅袁太
僕諸先輩相繼淪歿其左券也余嘗謂此山以
劔名勢宜銛鋒峭角不宜其頂童然近幸僧圓
通一力肩其事稍爲樺樹而又藉諸大檀共剏
地藏殿業已落成而山形遶迥神宇孤立不足
范勛卿集 卷六

修水月閣疏

水月閣何以建也南關之右偏有火神廟又新城與舊城相形如火字每致火災故左偏以水月閣壓之不但祈嗣微福而且爲禳災救患一最上功德也然更有大焉者新城成於倉卒土石少堅予曾力言于董直指謂宜作呂字城則城脚不苦水關之蠶鬻而土不崩卽不然而石甃無疊灰朽無土方成百世之利若因循苟且將併舊城亦不足恃有不敢盡言者時直指深以爲然按部海上決意改圖卽捐贖贖于金

范勛卿集

卷六

五

六

亦所不惜而安土者駭非常之原守土者忘桑土之計直指德意付之東流矣予因念世亂憑神而仗大士圓通法力能解一切刀兵水火之危遂首捐重貲倡衆啓建水月閣不數月而成此實與城守相關難爲拘局者道項年流氛煽虐震號江北尤耽耽揚州一片地賴文武兼資之才殫經畫綱繆之計能使吾通有磐石之安且不難以保障一方者之足力至誠心上通大士大士亦懽喜暫假彼岸之土奠安萬姓與彼

岸之拔渡衆生功德無二子旣以十五年遠遊以三年歸里安得不修閣修路因同姜刺史各疏言以告諸檀施者

水谷上人啓建華嚴道場疏

閻浮中世出世凡本性不滅者皆華嚴會上同證菩提之淨侶也自習業深重本性迷罔似亡子久離其宗不識家當何在試有人從旁指引保認宗支庸詎非極樂事學道者能透性宗則薪薪續火燈燈繼照現正等覺自在如如此

范勛卿集

卷六

六

最大事因緣可惜惜愚之夫沿門托鉢不思回向本性亦終甘爲門外漢耳米上人聞修悟入兼欲自度度人爰啓道場功德不可譬喻凡我學人應共助成勝事毋忘却華嚴會上舊因緣也

定水庵定閣疏

天竺先生掩室摩竭寂滅爲場或北首雙樹蔚藍爲幕卽坐高廣床尤犯關戒三宿桑下猶恐戀生豈必飛棟覺雲下拔塵界穹標礙日上逼

諸天靡大衆之貲財作四大之供奉者哉然愚
惜之所皈依視境地之所發現故幽讚虛求莫
能扶頽而縫絕神道設教必先攝外以信心所
以長者布祇陀之金管精舍至于三百區穆王
築通天之臺居化人于千仞之上始悟性體之
觸發端賴象教之莊嚴此定水庵將建彌勒閣
楚公不得不發大願力爲諸檀倡而或曰此庵
大江當面龍潭居左千峰護衛何殊鷲嶺摩空
萬象離奇恍是金繩界道自足作供如來何假
范助卿集 卷六

土木崇構予則下一轉語低簷矮屋只恐踉蹌
丈六金身楚公不覺鼻笑而或又曰當今兵荒
虛耗物力甚艱何暇及拓闢提奢事予則又下
轉語在家人居高堂廣廈未幾非他人入室
則鞠爲茂草何如捨之周顒僧紹功德殊勝
况寇盜兵燹皆由貪業所致安得借此增其迷
惑不肯以智慧劍割慳悵網耶謹疏

高座寺募飯僧田疏

今夫檀波有漏固云無當勝因而福田不種豈

非有荒善業所以皈依誠三寶者每勤修飯僧一
段功行亦猶崇儒者自有公朝私塾餼廩之不
可少缺也予見邇日飯僧或百十許或至一藏
許發願良奢力每不繼愚謂供千億凡僧不若
供一真僧凡僧不過療饑真僧乃以助道夫真
僧塊居冥修俗緣謝絕天不雨粟人不資糧而
謂畫地栽頃刻之禾搏沙儲不匱之倉蓋亦難
矣此固真僧宜供尤須下一轉語夫計時給僧
僧亦不安計歲募人人亦易倦是猶分靜習之
范助卿集 卷六

功而人毀將成之果則兩無攸當矣何如借衆
擎之舉置永殖之田彼長享而若忘其德此一
擲而不尸其功斯爲圓滿福田不可思議功德
也以予所見金陵列刹巍巍真僧落落唯高座
寺介立禪師靈襟妙慧貞性恬修冰霜堅熱塵
之中孤清立五濁之界屢空飢倉一貧到骨斗
米尺布不以告人竊謂如此利根法器成道非
遙若不早與護持忍見真僧立槁幸黃石璽卿
以種智而皈依大覺以禪那而現身宰官獨能

于真僧著眼而賀靜補居士以豪傑自命亦讚嘆介立不已謀所以置田一方以助成其道力實始倡此子深服其言遂捐廿金併題小疏以勸一切善信之種福田者

募建道光庵疏

自頃年盜寇鴟張四方蜂起妨農加餉物力甚艱卽投誠三寶者亦何暇及拓闢提奢事而予則曰否否兵燹屠略一切皆從殺業貪業所致故凡末劫世中人當首先好生戒殺夫則惜福

范助卿集

卷六

六

散財庶可脫劫殺之類運而留一錢之脉于子孫而未也闇障衆生海不現法炬與黑獄何有差殊又須皈依調御丈夫爲衆生眼者乃可借其慈掉接引遠登彼岸真實不虛以予所見道光法師者本以蜀產而悟道于燕京得受愚月兩師衣鉢及歸至劍閣遇賀臬憲延講法華而天爲雨花人謂師有禪通喧傳四暨而又受閩中之請說法竟而玄宰眉公兩先生延至六度社挂錫數載最後來遊建業叅禮佛窟訪周顯

僧紹之遺跡焉遂爲永慶寺諸處之說法以大辨才轉音聲輪自覺覺他無邊利益于是王太史徐璽卿皆欲留之常住而大衆亦莫不歡喜發願助成臬憲冢君大來別駕則又代大衆乞予言爲之倡予一日舉似師師不覺鼻笑曰如來掩室摩竭寂滅爲場卽三宿桑下猶恐戀生豈能廢大衆之財作四大之奉且雲水孤踪坎止隨順和尚脚板從來潤未必向此中挂草屨也予則又曰否否試問師現無量音爲衆說法

范助卿集

卷六

六

將自利耶抑利他耶師曰法無自利又問師曰如來住世教化四十九年師來幾何時忍使大衆在不明不暗之界捨之而去耶師去而幽讚虛求能扶頽而縫絕耶師不難施法而不尸其功衆寧能長覺而不迷其性耶師不覺心生悲愍默無以應予乃退而謀所以爲支公買山期不負太史璽卿及臬憲父子之意因捉筆草疏以上諸檀那籍衆擎使師有長住因約堅規募僦容靜習又不似築通天之臺以居化人需

布地之金以煩長者計可彈指間成無俟予言之畢也若仍以物力之艱爲解豈不見南北兵火所經富室廣厦盡付荒烟野草而僧宇僧寮多免焚燎且慧性者於此故當有省從前慳吝不得不訔師曰善

亂案

乞剿亂民以安海隅疏

直隸揚州府通州在籍原任尚寶司等衙門少卿等官臣范鳳翼等謹奏爲亂民久蓄異謀乘流勦剿

卷六

機借題行劫脇官抗法放火殺人慘毒異常闔州塗炭伏乞聖明亟勅撫按速勦正法以安海隅以照覆盆事竊照通州襟江負海環列鹽場民性獷悍不馴久稱刁黠又夙負殷富虛名嘉靖年間因倭寇跳梁首當賊害設立重兵統以副將隱然東南一要地也近因流賊不逞狼山總兵王揚德奉調提兵盡數入援守備虛單無賴棍徒天罡明鐸明萬里明萬邦楊大京周士芳周士茂趙守枝史雲龍蘇如軾蘇如轍王

奎楊大本等乘機招集亡命曉夜造謀打莽欲盡掠富室勾合鹽徒下海作亂甘蹈不軌匪朝伊夕陡於今年二月初旬嘯聚城外歛血結盟四布謠言謂借口鄉官舉人害我報讐可以乘機剽掠而匿其劫財之罪於是謀原任副使臣張元芳之門而尤士驄四命立釐粉矣十五日入舉人臣姜山斗之家而席捲貲財住房書房煨燼矣又入舉人臣包壯行之家而搜簡不遺隻箸矣又入原任知府臣姜玉菓之家而前後

范勦剿集

卷六

注

文王序吾白大倫張芳沈應春馬雲從孫大瑞郭犂等典舖商人吳和甫等段舖商人保二函等布舖商人顧九華陳文學等醫生王政純何良修汪國等僧舍樸心庵三空等尼王法德等寡婦顧氏張氏等各拆其房掠其貲凡七十餘家更有未焚未劫者懸示納買免之銀而後已至十七日早將給假吏科給事中臣顧國寶及監生顧國璽國鼎國是書房莊園碾房祠堂船隻盡行燒劫立殺國鼎家人周禮矣舉人臣楊范勛卿集

卷六

三

六

允升之宅之莊生員楊承縉之西南二園俱不免矣隨擁抄故運使顧懋光諸男各宅鎗斧如林家衆星散矣於是沿門歛銀稍不如意焚劫隨之人人畏懼納賄計許賍數萬并前劫賍共十餘萬矣十八日州官據戴冠尤夢鶚李延祚等告詞拿周士芳周士茂倪仁等十五人欲行正法而鐸率衆鼓譟圍城吶喊逼脇盡釋甚至如李廣之勞柅見屍張秀之縛樹自殺白家眷屬十一人拜掃盡被殺死不可屢數時臣等逃

難他鄉而鐸等輒將各祖遺價買田房盡行踞占今兩月之內白日晝昏冤鬼夜哭存者宵蹄露宿逃者東竄西奔竊思鐸等被害果真前此何無一字上控院道既云報怨何故劫財槩州五鄉官四舉人豈盡不肖至若生監商民巫醫僧尼等家豈亦勢豪有讐可報况明鐸係產業行楊大京係棉花行各經紀周士芳蘇如軾係侵盜官銀訪革庫吏王奎史雲龍楊大本係打手趙守枝係密匠有何產可占何財可圖放火

范勛卿集

卷六

三

六

殺人之盜豈吞聲受茹之人詐財踞產之威稜豈鳴冤修隙之情狀以數十人之饕餮爭奪致百千家之流離蕩析伏覩國家律令如放火故燒民房強盜得財殺人罪服上刑况放火而燒至百餘家劫財而積至十餘萬殺人而戮至數十命如此兇構真有生之所未聞矣前者變起之初按臣曹暹出巡方至泰州據州申報已經具疏上聞奉聖旨鄉豪生事自有官法可治何至聚衆燬廬甘同倡亂顯係悍俗黠徒乘

候鼓煽漸仰可長著該撫按官確查渠犯用軍律正法以肅人心餘俱誠釋安輯不許株求其豪宦惡僕果有詐害實跡即嚴提叅奏不得徇縱地方有司平日撫輯何事以致釀禍激變著撫按官查明治行來說該部院知道欽此仰見皇上神明洞微燭隱臣等舉手加額繼之以泣謂亘古奇禍奇冤可以立勦立雪但其無端起焚劫慘毒情形州官畏伊迫脇申報僅十之一二臣若不昧死瀝血哀控九閭將謂臣等實

范勛卿集

卷六

六

六

有激變情緣釀茲慘禍此不得不罄陳顛末以冀皇上之鑒悉者也伏望皇上勅行撫按查亂民焚搶劫殺是實依律治罪正法救一方之倒懸消四海之不軌地方幸甚臣等幸甚至臣等果有詐害實跡願賜嚴譴若係借題報讐造意劫財殺人放火脇官抗法爲亂已極國憲昭然三尺難貸臣等無任激切惶恐待命之至爲此具本專差義男范芳齋捧謹具奏聞奉聖旨揚豪借口修郤聚衆焚劫前已有旨著按

律正法及查釀激情如何尚無處分這所奏併行該撫按速究該部院知道

附巡城請旨疏

巡視南城山西道御史史一本爲地方捉獲奉旨逃犯事臣於地方每申保甲之法嚴查豪惡之禁及外來橫暴潛任京邸皆得過而問焉本月初二日入署辨事據范祥顧能姜正急告前事狀稱南直隸通州人身王原任尚寶少卿范鳳翼吏科給事顧國寶原任衢州知府姜

范勛卿集

卷六

六

六

玉葉舉人包壯行等於今年二月內被奸民明三湯元楊思庵孫明宇等二十餘人爲首窺得本州狼山官兵入衛京城乘機倡亂糾集海寇數百人入城鳴鑼執杖放火劫財一城之內自鄉官舉監富民以至僧道尼妓劫燒一空焚燬住宅庄房數十處大家小戶盡俱逃避他鄉勢同流寇州官申報上司蒙撫按鹽三院會題三月內奉旨行撫按照軍律正法不期明三等抗旨脫逃糾黨多人擁入本城潛住造謀不

執叩乞嚴拿解還原籍結案等情隨批事關重大仰司嚴拿速報據兵馬司掌印指揮黃映魁呈稱遵差弓手趙春眼同本告緝拘明三的名明萬里湯元楊思庵孫明宇的名孫仲武湯貞趙憲沈五王華共八犯又據本告起斧三把大小刀三口箭三隻快鞋二雙到司查得明萬里等所犯事關重大擬合解審等因又批明萬里等借題搶掠倡亂按院有疏何又來京潛住且執有刀斧仰司究明解報又據該司呈稱查審

范勛卿集

卷六

七

六

得明萬里係明鐸之子湯元湯貞俱湯槐之侄也鐸槐等聚衆猖獗焚人廬室劫人貲財種種罪狀言之令人髮豎業已奉 旨鞠審萬里怙惡在逃輒敢糾黨湯元湯貞輩葛越赴京意圖叩闕陳詞挾制問官翻異前案真盛世之亂民也至孫仲武與舉人王可進趙憲與舉人包壯行各有仇怨咸思列名以希報伏楊思庵沈五王華扛幫盡謀之佐卒刁奸兼濟者也明萬里等不自悔禍抗 旨潛入長安住居本城地方

等因連人呈解到臣該臣逐名查審與前無異看得明萬里等奉 旨正法自應靜聽撫按歸結胡爲乎潛入長安哉據司呈伊欲叩闕思脫前罪不知已奉 旨之欽犯敢爾在逃目中尚有三尺乎且八人中萬里爲首惡湯元湯貞爲役徒孫仲武趙憲欲報私憤已可恨矣至楊思庵沈五王華則惡少扛幫就中贊畫不尤可異哉執有刀斧兇鋒虐焰臣司地方不能不爲此輩寒心也既經司官黃映魁查明前來合候

范勛卿集

卷六

七

六

聖旨或仍解回原籍聽彼處撫按遵前 旨正法庶奸民知儆而地方不至多事矣奉 聖旨明萬里等著解付彼處撫按究擬具奏該衙門知道

亂案揭帖

原任尚寶司少卿范鳳翼爲讐謀波禍冤慘異常謹控顛末仰祈 電察事鳳翼素競自守與人無爭自被魏瑞摧折人且借鳳翼爲費勞偵遍伺眈眈乘釁鳳翼杜門匿影踟躕高踏厚不

敢問戶外事。槩州父老可問。閩郡縉紳可質。庚午二月十五日。亂民焚劫一州。先舉人姜山斗次舉人包壯行次知府姜玉葉而鳳翼不與焉。至十六日。州父母及學師枉顧商確。戢衆方略。坐語良久。倡亂中有神奸明鐸父子號於衆曰。范家與州官設計擒我等矣。其黨驟爲所給。各持兇器一擁而入。時州父母尚在坐。鐸父子已率黨大噪。隨舉火遍燒住房。貴器盡空。略無遺者。活捉罵賊門下裁縫范衣懸之旗杆。用鎗戳

范勛卿集

卷六

三十九

六

死州父母目擊鳳翼被禍之慘。爲之太息。鳳翼不幸而處於囂競之俗。又不幸而忝在縉紳之列。今槩州五鄉紳四孝廉俱遭魚肉。鳳翼豈能獨免。但鳳翼居鄉設有橫狀。昔年當逆璫切齒。道路以目之時。何無一人攻訐。又使鳳翼年來續有得罪於里中。何未焚劫以前無一字赴告。又何十五日於鳳翼秋毫無犯。直待次日州父母枉顧。奸鐸喊指鳳翼。慫恿擒治而後發難。又使此輩始謀。曾欲甘心于鳳翼。則鳳翼當搶攘

之時。方思避禍。不暇何敢挺身。延接州父母。祇緣鐸子明萬里。明萬邦弟。明錦父子兄弟奸謀。若鬼嘯聚。有徒乘倉卒。易惑之際。倡慫恿重處之誣。致鳳翼霹遭奇禍。既而衆知慫恿是虛。鐸又忍爲騎虎難下。布置鼓煽。揮金巧結。郡書鄒華宇激怒郡公。祖招人誣宦以飾地方。亂形以逃功令之嚴切。投牒者乃神奸之化身。提刀者俱元兇之死黨。此輩劫贓詐贓已踰十萬。無翼而飛。擇人而食。鳳翼本以偶觸之兇鋒。而鐸粧

范勛卿集

卷六

三十

六

如素蓄之報復。鳳翼房屋被焚。財穀被搶。子媳屍棺被焚。家人被殺。一身奔竄。百口流離。自反何辜。無門可控。及五州縣會審。不過田房杜找小事。且又毫無影響。其懸坐家人田房數件。斷與亂民者。亂民轉現良心。至今虛出領狀。未嘗忍奪糧明價足半畝片瓦。不知當事何苦。空加鉗網鍊鍛。成罪家人。范醒初招擬杖。忽然改徒。忽然改軍。又忽然以激變改斬。雖授旨有大力之人。當事亦非得已。然公道之謂何。鳳翼生平

頗以厚道居鄉以輕財重義自矢閩州萬衆之心原自不昧當事獨無悔于心乎此事耻于自辨已久而遠近多有未知聊粘顛末以見朝廷重抄沒之典未嘗輕以加人神奸擅生殺之權敢于糾而倡亂彼時當事惟奉朝權意旨不顧地方安危以致宜興溧陽雲間烏程等處焚劫繼起雖見任宰輔台省之家皆未能免然則當日故意左袒亂民必欲處鳳翼爲快者乃其所以自處也可笑也敬用遍告海內仁人君子

范助卿集

卷六

三

六

虛公詳審主持清議不獨鳳翼幽夜之魂被白日之照唧思奕世而倡亂之風或爲衰止關係世道寧特一方已也謹揭

附署部涂少司寇國鼎會同都察院王副

都志道議覆通州亂民一案看語

看得國家禁奸戢暴當防其漸而明刑勅罰貴得其平故豪民不可有而亂民更不可有豪民猶可繩以法亂民則不知有法矣楊茂等之于宦僕姜華宇等構釁固自有因據撫按疏內之

審叅止于田宅價值之小故非有不共戴天之世恨覆盆莫伸之奇冤也卽有怨毒亦不過被害十數家各有主名事證耳何乃千百成羣歟血訂盟焚屋劫財而波及鄉紳之族黨無辜之素封且殺傷多人也當此清明之世何枉不理何大姓不可問而必假焚劫爲報復乎是刑戮可自下操而官司莫敢誰何也蓋通州濱江負海俗尚慄悍亡命棍徒耽耽于巨室之有者已非一日故借口修邨一旦火其居罄其藏攘奪

范助卿集

卷六

三

六

而瓜分卽范鳳翼之子媳棺屍俱爲灰燼慘毒極矣試想其白晝焚掠光景成何世界是夷虜起于都邑而天日爲昏也蓋見夫前此雲間姑蘇諸凡不逞之徒皆得飽所欲而快所志無劫盜之顯罰而享扁鵲之實利其所從來漸矣尤而效之何憚而不爲乎此等俗尚若不盡法禁戢長此安極更令海內傳聞而攘臂哉至于范宦等室廬俱燬家貲盡空僅存孑然一身據范宦有疏止因州變次日州官相會面商擒弭之

策遂觸亂民之怒事屬有因實非彘首且本官以骯髒之氣取恨于逆瑞安肯以齷齪之行貽羞于鄉里至于姜王菓等俱以小孽橫罹奇禍若再爲懲處徒足以長奸惡快讐黨而亦非國法之平所當照考功之條量示薄罰惟我聖明裁奪非臣等所敢擅擬也

此部院原初看語疏已寫就只待用印越數日胡大司寇到任稍改看語然尚云鳳翼與姜王菓一體免議而擬旨者却獨處鳳翼

范勛卿集

卷六

三

六

一人據皇上屢旨未嘗有處鄉紳一字也據部院公議又未嘗有處鄉紳一字也然則處鄉紳者誰耶豈真所謂執政方持法明君無此心耶若謂撫按于家奴初招擬配無加乃忽而改遣忽而改辟罪重情輕只得同姜華宇懸坐激變二字夫家奴二人何能激變總因政府一駁再駁撫按不能自主向內預計主意而後隨意入罪非得已也只不料天日皆暗之時而部院徐王二公猶能出此

一篇看語以存公道問問戎政夢得亦預主持雖彼時公議格而不川亦不得不拈出以與天下見之

附闔郡鄉紳與撫按公書

某等謹啓崇川一案明旨屢駁事關回奏喪家殘喘方在不可知之天傷類永嘆空有莫能助之愛所合詞呼籲老祖臺者惟求情與罪相當輕與重相較有者確註以有無者明豁以無使遠近聞之心服計聖明閱之了然矣竊惟

范勛卿集

卷六

三

六

此獄實成于郡主徐公祖之手徐公祖原招於鄉紳未嘗不免議也不可謂非寬政也而細按其歸詞命意大都以激變二字罩鄉紳以報怨一語解亂民果爾則鄉紳有未盡之法而亂民有可原之情前此明旨曰倡亂曰焚劫上所洞鑒者下既不相應而此番爰書或法雖正而姑借以題目或處雖寬而觔重以吹求下所擬議者上亦復相欸又何怪焉况激變云者必當日以某事發端迫以不可寧耐之勢報怨云者

必平日有某詞在官。處於無所控訴之時。今諦想二月十五日光景。刑牲賽廟。無故發大難之端。誰爲挑激。謂姜舉人家扶孺觸鋒。偶墮小人之計。止屬閭閻。比於激變。恐正懸殊。至於乘機一炬。應手多賊。然後遍逞焚屋之威。陰圖肚篋之計。以爲多一家之焚。多一家之掠。意不在屋而在財也。而各家卽能保無讐可報。寧保無財可掠。以故商賈僧尼之不免。而金帛粟米之兼收。從來有殺人放火之劇盜。曾有捆載席捲之范勛卿集

卷六

三

六

俠士乎。此而曰報怨難矣。若隱其劫財而止曰焚屋。隱其焚數十家而止曰焚二三人。公論實不如是。其招告紛紛。直待剽掠半月之後。按臺按州。乃始呼朋引類。唆嚇夥誣。借口抵飾。情狀甚明。設有冤情。豈待此日。縱謂召禍有胎。因僕及主。詎無口實之藉。而爲罰已重。毀巢破卵。業罹籍沒之條。譬之閭閻殺人。被殺之人。定有啓釁之事。而已殺之後。寧問致殺之因。今據其被焚被劫。復責以致焚致劫之罪。畢竟人焚人劫。

猶較輕於焚人劫人之情。生等局外旁觀。事關回奏。但仰乞台慈。於亂民實有之劫財。明明臚列。以見所擬之非枉。於鄉紳實無之激變。明明昭雪。以見免議之非縱。然後將各家人之中。有所加懲以應。明旨。則於事之虛實。罪之重輕。權衡各得其平。而局可結矣。若仍依舊府公祖原招。故入情節。萬一聖明再有平章於時。將重處鄉紳。非所以爲平。况後先之矛盾頓露。欲不處鄉紳。不能得之於上。恐焚溺之救極莫

范勛卿集 卷六

三

六

施生殺之權。不操於皇上。而操於奸雄。衣冠之禍。作偏於一州。而效尤於四海。將斬木揭竿。習爲尋常。而法度紀綱。漸歸陵替。而范姜諸軀。命其小者也。生等扼腕有日。饒舌無從。竊計老祖臺必不忍。部中有未達之情也。時勢已急。公論難泯。故改曉曉縷陳。若此語多激切。不識忌諱。伏惟老公祖台裁垂察。閩郡幸甚。

內郡王徐公祖名伯徵。故魏忠賢特題以北工部主事。差至南京鼓鑄者。也不數月。卽陞

太僕寺少卿忠賢敗後不知何緣漏網仍以工部陞揚州府知府徐有奸書鄒華宇原係鼓鑄時書辦因携至揚州服役納賄壞法罄竹難書奸民通千金于華宇謂通州鄉紳以逆璫乾孫漏網六字議其後伯徵信以爲真放手作難卽闔郡公書真切祇益之怒耳此亦通人宿業所致尚何言哉

名公襟著

附諸賢紀異

范勛卿集

卷六

三

六

羣小計翻辛亥之案先於丁巳前聚族合謀度某礙手預爲驅除某有辣手立引要地臺省中如李瑾韓光祐畢懋康朱萬春資深應與大計且不爲人用者或假救荒出之山東或側轉或借題迫之去於是馬孟禎徐良彥魏雲中李邦華王時熙張篤敬宋槃孫振基周起元吉人李成名孫鼎相徐一榛相繼外轉而趙士諤韓浚毛堪周永春徐紹吉等一時司計典造單者鄒之麟韓敬運籌者劉廷

元李徵儀元詩教官應震唐世濟正人無一漏網者而諸賢被誣尤爲可惜善哉乎宗伯公鼐之疏曰狂謀哆口凡歸東宮者謂之小人、不向東宮者謂之君子、設東林淮撫爲陷阱盡除朝士清流增朝邑武進爲科條陰剪元良羽翼此千秋公論也欲定丁巳大計之案先後年例諸臣前後合觀而機械燎然矣

范勛卿集

卷六

三

六

王之案拾遺韓浚毛堪先借條陳埋一罪案後及之宋疏上取旨如寄司馬昭之心路人所知矣今奉光宗皇帝恩例已幾一年屢迫公論不得已而之案始勉強起用同事如馬德澧贈太常少卿之案首功猶然比部乎曲庇鄭國泰故重抑之案計寬劉廷元之罪并欲抹殺張差一案鄭繼之李誌等罪可斬也

李朴疏上神宗有旨論文書房朕這幾日身子不快讀李朴這疏便覺爽利些着文書

房將朴疏大大字多寫幾本來看此中外遠近所共知者朴之降處已與前旨悖又借不謹錮之豈以其得罪臺省乎批鱗折檻者猶幸賜環一觸邪鋒沒齒淪落小人無忌憚一至於此

丁元薦通籍八年癸巳歲抄選中書次年四月奉差辛亥二月到主客司任六月抄移疾候旨都門外立朝前後不半歲竟置不謹何也若以攻同鄉得罪今之攻沈相公朱司成

范勛卿集

卷六

三說

六

者皆同鄉懿親也何以無罪况元薦所排擊之許弘綱湯賓尹韓敬劉國縉徐大化周士顯硯射無完膚其言一一左券矣當事者卽欲爲羣小報復獨不爲周孔六經祖宗二百年來賓興大典存一公案耶

孫居相初入南臺首攻四明當時與陳嘉訓同稱巡漕時逐墨吏陳翼飛義興人快之與周孝侯並祠調翼飛不減南山虎也嗣發場弊抗趙太宰直聲振天下而側目者百計排之

亦於計後外轉此不但節鉞之選亦樞筦重器也公論不爲居相惜重爲朝廷惜爾朱國禎戊申請告十年不入國門丁巳亦不在大計之例止以創議均田不附四明爲同鄉所構無故拾遺謂令甲何

范鳳翼以二甲改教一壇十年轉戶曹管新濟二倉風清弊絕酌處六十萬浥爛之糧其功甚大以資望推擇吏部初入署侃侃正論深致意於邪正消長爲小人側目而白簡至矣

范勛卿集

卷六

四

六

請告杜門無一字入公庭無一字入長安且多爲德於鄉里乃羣小內外交構復以拾遺錮之豈庚戌請告者至丁巳猶在六年考察例耶觀其受知者楊止庵少宰孫富平太宰下石者丁詩教徐紹吉才品可知矣

沈應奎初守裕州再守汀州皆以苦節異政並稱循良一旦忽以不及計處時布按二司力救襄陽曰此是大惡人大中丞從旁訝曰旣是大惡人如何做得好官襄陽慨然大聲曰

就他論李九我便是大惡人是郎官論宰相
爲郡守外計罪案也未幾且又以不謹處矣
太宰以私憾驅正人其罪猶小陰爲戚畹掃
除東朝羽翼真奸黨也

潘之祥以楚令不平於楚獄上書申楚宗之冤
中云羅織砌就効鷹犬之用者荊州府推官
王三善也明知楚王之假不敢與趙可懷爭
明知楚獄之冤不敢與梁雲龍爭者原任湖
廣布政薛三才也旣此一案便足千古未幾
范勛卿集卷六

年例到任不半歲外察又未幾以內計處矣
捏無影虛辭汙蔑其守則李徵儀之巡視三
關起家數十萬唐世濟一副外計便得同鄉
墨吏袁熙臣蔣友筠陳祖苞許惠一柴紹勳
各數千金月日闕然何以學阮且節鉞耶南
昌王時熙亦以質直與之祥並稱其計處不
及則以參論韓敬故

李柄恭以未到任御史卽置不謹或有援崑山
例者不知大行京秩與邑令內外不同或以

其居喪吉服入屋事關風教則鄭祖法之殺
牛韓敬之初喪挾伎獨非風教所關平均屬
風聞何以一處一不處也

沈正宗署街道廳力清久占水利耳目頓新錢
法一疏直截簡易真精悍強忍之才也同邑
司計者亦知其貧苦何以甘心下石

賀煥管驗糧廳少年力清夙弊卽徐兆魁亦謂
人曰此子吾令人廉之倒無一字可摘此小
人之良心也獨以論逐趙太宰首泰史晉江
遂以不謹處晉江而果賢相也必不安於此
矣

野史曰當廣寧告急人情洶洶重足必以
此議爲迂緩不觀宋事乎熙寧紹聖間至
以老奸擅國醜詆宣仁逐元祐諸君子至
身後猶貶竄不已黨人之碑立而粘沒喝
入汴楊時於圍城中請黜王安石配享孔
廟此本論也今日事勢何以異此禍源蓋
紛紜於辛亥決裂於丁巳云

問天野叟識

范璽卿敘事

邗江之寶應有劉練江武部此固鐵石錚錚寒
潭徹底者然練江好推其先輩范公異羽每謂
同調曰我等何足言如吾鄉范公異羽真奇人
而又化人異羽者即太蒙先生是先生名鳳翼
南直通州人萬曆戊戌進士不就州守改順天
府教授十年始遷戶部主事管南新等倉代趙
大司農上酌放軍糧一疏全各倉汜爛之糧以
范勛卿集 卷六

六十萬計而軍士無譁大司馬李公霖寔奇之
又江右運艘泣求同鄉大老宦京者願撥公所
管之倉以免索勒賄賂之苦少宰楊公止庵又
奇之遂推擇爲吏部復以直言任事爲太宰孫
公立亭所知嘗一佐考功外察主懲貪一佐文
選主登進善類人比之涇陽顧先生云會江南
司官缺公力言于太宰欲以高先生景逸等之
廢弃者起補及公將乞假復力薦鮑先生中素
自代而于時曹貞宇汪霽寰等諸臺省主持清

議公上下議論之力居多時人側目幾如眼中
釘矣公移疾歸里居八年辛亥京察超然評論
至丁巳復爲逆案徐紹吉拾遺夫不察于辛亥
而察于丁巳 國家有此律令否耶會 光宗
皇帝登極諸賢拔茅而升奉 詔起改公尚寶
丞尋陞少卿又陪推大理丞公力辭不出曰吾
豈以三公易一日哉于時太翁方在堂公天性
至孝不欲一日離膝下其于一官升沈早暮泊
如也自庚戌迄乙丑歷十七年逆瑞魏忠賢柄

范勛卿集

卷六

四十四

六

政誅鋤正人無噍類瑞義子徐紹吉復咬其門
人某疏論公併孫公洪澳湯公植齋馮公少虛
高公景逸毛公禹門等皆羅入疏令自裁而公
居首遂被削奪戊辰今 皇上登極日月重光
始還公原官而公仍徘徊溪山留連猿鶴未嘗
煩北山之移驟爲貢禹之喜也而海上之亂起
公抗疏叩 闕扶振紀綱不欲開四海倡亂之
端乃復忤當事意左袒亂民逢迎權要屢勘屢
駁卒羅織其家奴使李代桃僵公厄于 朝而

又厄于家海內之負冤如公者指可再屈耶公
蕭然一身避亂居白門而里中父老數千人羣
持牛酒詣江南北敦請公還故里道路絡繹不
絕則公之爲德于鄉更可知矣白狼之民方以
公爲麟鳳爲慈父母惟恐一日不在鄉至于二
奸宄天性好亂此卽伯夷仲尼所不能寢其
陸梁者使按法而繩之何至釀陽羨桐子無窮
之禍哉天下事當論其大者鄉紳之武斷世豈
盡無然尊卑之閑未踰人人知有衣冠之尊所
范勛卿集卷六

壽春方震孺拜誤

野史氏曰江以北爲 聖朝豐鎬地近聖者
化本天者親其于節義蓋天性然矣嘉隆之
際薛考功蕙諫大禮梁銀臺子琦忤權相皆
侃侃著大節萬曆之初何其寥寥耶壬辰戊

戊鍾離則馮先生應京白狼則范先生鳳翼
皆凌霄摩日絕于等夷自馮先生歿而范先
生如魯靈光矣先生在銓而未主銓其所表
見但微見其端倪耳然龍泉太阿匣露微光
已不可迫視使得竟先生之用其陸斷犀革
水斷蛟魘宜何如耶今江北清議所歸正人
雲起遂爲海內一時之宗所爲守先待後者
誰之功耶祭川者先河而後海弇州先生所
云葦路藍縷范先生倡明正學之功安可泯
范勛卿集卷六

泯也哉

范司勳先生小傳

有引

余友范司勳異羽先生年少有奇才過歲與余
輩討文字之交先生搦筦滔漭無際光怪陸離
有龍躍天門虎蹲帝闕之勢一時同輩爲之按
劍余獨心異之私謂先生曰是殆古赤莖之英
干以陸斷水截亡留行矣已而春秋聯步游登
上第相知者果不相負也先生蚤歲仕途多所
齟齬于衝風激浪之中等之爲飄風墜瓦晚而

漸入蔗境白下歸來神情閒逸余因感舊昔交
游風雨變幻先生爲魯靈光不佞亦獲杖履追
隨華顛相對不減當年杵臼景況不揣系之小
傳亦竊附李公器知人之鑑耳

先生諱鳳翼字異羽號太蒙宋忠宣公之後上
世代有聞人自某公徙家崇水凡幾傳爲先生
王公介石翁高才績學董以一經齋志再慶雲
翁先生尊人也文行並優八入闈而雲迷五色
所謂漫讀古戰場耳晚以歲選除慶雲令至則
范助卿集 卷六

清操惠政爲三輔冠時先生在選部翁不欲折
腰長官前遂不及瓜期卽解綬歸隱五山之麓
且翁不讐于楨中之璧而償于屏端之弧是生
爲先生方尹安人坐草時有羣鵲噪于庭識者
占喜起之兆 神廟甲午先生髮方燥補澤宮
弟子員丁酉錄遺爲朱葉兩相國所知薦名省
壁戊戌尋舉進士登第年同小許業過入洛之
英才軼大蘇弘展摩空之翮殿甲例得方州長
已辭深水乞得一璫授順天府教授允生談經

擁戴席之重問字多揚亭之集都人士爭相濯
磨至有連蜚去者皆先生絳帳中人也尋轉國
子監助教亡何丁尹安人艱先生讀禮山中益
習朝野機務服闋始遷戶部主事管南新濟陽
二倉代大司農趙公世卿上疏酌放軍糧全各
倉浥爛之積六十萬計少宰楊公止庵奇之遂
推擇爲吏部歷三司主事晉稽勲司員外嘗一
佐考功懲貪汰墨大襄計典再佐文選登進善
類門無私謁山濤之簡要徐勉之忠勤兼之矣
范助卿集 卷六

吾鄉先輩姚海翁嘗主選政清介以一囊被受
武宗知署天下清官第一先生儷之可稱崇
水二惠云乃方正不容邪曲害公自古嘆之庚
戌移疾歸里居八年先生香火情深如里中東
征餘餉領賣官鹽浮田上價諸稅政與當道力
爭豁免歲省里銀數萬不知功與 世宗朝鄉
先賢錢平翁奏馬執多其造福湯沐如此辛亥
內察超然評論丁巳復爲逆案徐某拾遺夫越
兩察而申理前案 國家有此令甲耶會 光

宗登極際拔茅之運奉 詔起先生改尚寶司
丞尋陞少卿又陪推大理寺丞先生若弗聞也
時太翁自慶雲歸先生曰吾豈以三公易一日
哉先生天性至孝怡然几杖相從于清泉白石
之間天際翔鴻澤中野鶴一片閒情已在人世
增繳外矣癸亥太翁八秩先生具彩服拜舞階
下備極尊養之典未幾捐館先生擗踊踰禮甲
子始克襄事盡始盡終古稱純孝何以加焉乙
丑逆璫魏豎煽虐誅鋤正人無噍類義兒某爰
范勛卿集 卷六

同黨其疏論先生併一時名公孫公淇澳湯公
植齋馮公少墟高公景逸毛公禹門一網打盡
先生居首遂至鐫秩戊辰今 上改元初日月
重朗始還先生原官先生仍弗聞也庚午海上
之亂起屬有所釀者殃及先生先生抗疏叩
闕扶植綱紀復忤當事屢經駁勘卒羅織其事
先生之家如洗矣蕭然一身避難陪京庚午年
所里中紳衿父老數千人知先生奇冤以高賢
出境悼失典型上其狀于當道再四敦請還里

爭持牛酒逆先生數百里外此何異王沂公歸
青州時則先生之爲先生可知矣先生弘襟雅
度視一官如蘧廬置外患如浮梗送愁天上埋
憂地下其一種坦夷粹白之衷具見之近刻中
讀何相公方侍御諸公序先生之詩者當不昧
斯語也昔韓昌黎柳州俱稱一代龍門一遭
貶逐便撐持不任多憂讒畏譏之什以視先生
何如哉先生內行醇美其事伯母如其母也其
撫兄若弟如其已也至簡子侄以禮重朋友以
范勛卿集 卷六

義具先生家乘中不贅

隱史氏曰往忠宣公元祐初爲章惇所逐家人
欲刺刃于其腹渡漳江時風浪大作舟幾覆公
曰此亦章丞相也耶雲仍而後得之先生其德
器之深有過人者一脉相傳所繇來也嗟乎國
僑之于然明也語其子太叔曰他日吾見蔑之
面而已今吾見其心矣余猶媿其淺之乎知先
生者也

同里凌蓀拜識

太蒙先生補傳

先生姓范氏名鳳翼字異羽別號太蒙學者稱爲太蒙先生南直通州人祖諱希顏郡文學經史淹貫推爲都講執經問難者嘗數十人考諱應龍至性惇篤孝友通於神明庠生之飛騰者半出其門以明經高第拜慶雲令以先生貴封吏部員外郎先生其次子也玉色金聲神采英發家學淵源天資穎異弱冠登朝名重海內其宦况歷履詳具方孩未先生傳中茲不具論

范助卿集

卷六

五

其功業文章及才品以備史官之採擇焉蓋嘗論一濁雖不足以盡天下之不肖而一清或遂足以益天下之賢先生之立朝大略可謂清矣先生成進士年甫二十有四可謂清年米玉之畧米玉之資可謂清品白日一介黃昏四知可謂清操居版曹則散紅陳化無用而有用居選部則扶善頰不淪有用而無用可謂清才李公霖震愛之楊公止庵愛之孫公立亭愛之曹公貞宇汪公濟賢王公聚洲等俱愛之是皆正人

也可謂清友開口論天下事君子有所恃而不恐小人有所憚而不爲可謂清議當是時也朝綱國是亦俱大清先生則可謂賢臣矣至于心有所不合一旦拂衣嚴氣正性我輩本色不然何以爲范先生也 光皇登極諸賢彙征 詔改先生璽卿先生力辭不出先生不出而圖吾君凌夷至丙寅丁卯獬紇司乎天關猛犬信信而迎吠而天下事不忍言矣 今皇登極天地重開 詔還先生原官先生仍堅臥不出先生

范助卿集

卷六

五

再不出而圖吾君凌夷至壬午癸未紅巾遍野天驕犯順輟勑化爲戈矛而天下事愈不忍言矣先生在朝有功於朝先生居鄉爲德於鄉思欲倡明正學以紹宗風獨出新義往往發前賢所未發嘗謂余曰當從學字中間爻字中間虛字做工夫余聞言豁然有省迄今雖當其冗遽時而服膺此言便不昏散嗟嗟當今學術沿襲陳筌是以善令人厭孰有似先生無所依傍而別豎新義如斯者乎征倭軍餉江北四府四

萬餘金倭除計餘年而餉不除飽奸胥耳賴先生得以除之鄉三老代醴商歲納萬金此何名也賴先生得以蠲之沙田坍漲不恒肉食者議欲按現在之沙而科以重科未知滄桑變態耳又賴先生得以寢其議嗟嗟先生爲此三事膏唇拭舌心血爲枯孰有留心桑梓若此者乎已之春海門崎嶇一蔡孝廉而地方因以生亂監司左袒亂民矣夫爨於勇樂於禍以求足其欲而後已焉小人之性也君子謂此一役也蘇

范勛卿集

卷六

糧將及米矣及明年春而吾鄉狙獪遂効尤焉其亂視海門更烈賴先生擊登聞鼓鳴之於當寧殲厥渠魁而地方乃始靖焉紳耆猶紳褐者猶褐豹韜異于羊皮誰賜也嗟嗟越通而南亂陽美越通而東亂桐予越通而北亂鳳池越通而楚而蜀而秦而豫章長鯨短域皆此類也向使有先生其人者當其初發而一大創之必不至是涓涓不塞遂成江河可勝嘆哉夫朝政重光縣官敦迫人皆曰進矣而先生獨退一夫

不逞矜紳惡人皆曰退矣而先生獨進余于此二者見先生極深研幾之學識旋乾轉坤之幹局也矣韓昌黎命坐磨蝎之宮一生足履機槍今先生將無全歟然昌黎雲橫秦嶺雪擁藍關以至于老而今先生被褐懷玉晚景逍遙當其寓公白下鄉人思之如小兒之失慈母也方舟而逝者動千百其羣及其歸也手戴香盆而鱗次于河之湄者香霧結成雲蜺歡呼頌祝之聲有同雷震直指薦剡以先生姓名上于朝者

范勛卿集

卷六

無虛歲諸如此類與昌黎則大異矣歟石蹕林流連景物將平生所作得意詩篇聚爲二十卷而海內無不人人贈灸璽卿集也者人之評者謂先生詩溫厚和平此亦言詩者之套本而吾謂獨不可以套先生蓋先生詩有別才亦有別腸自然靈氣恍惚而來箇中名理玉摩詰耶霞外仙姿李太白耶或輕鬆爽脆大谷之梨或惻惻忠誠墮浣花之淚要不能各其一家但極其所至則已備天下有如此才而肯輕于一世

附錄知州申上書

原任光祿寺少卿范鳳翼由萬曆戊戌科二甲進士初選澤州知州不就凡疏改順天教授轉國子助教十載青瑣水芝日守至戊申始陞戶部主事已酉調吏部歷驗封考功文選陞稽勳司員外本年養病癸亥起陞尚書丞乙丑至卿復推大理寺丞後陞光祿少卿俱未出山查得本宦平居究心性命之理倡明正學而痛操一介不染一字不入公門居家訓子弟以忠孝

九勳集

卷六

一五

收睦三黨其扶植尤衆先走東征關白敵北四府軍餉四萬餘金事竣十年而餉不除賴本宦力言撫道始得蠲征至於學舍額耗則捐資葺之歲凶則賑以賑饑者所全活甚衆蓋庚午海上亂民焚掠故人本宦避地南都請和旨釋巨寇正法而閩州六邑安土民敢爭聯絡道途還鄉此非本宦在地方能若是乎其雄才經國清德居鄉先德經漕運軍門王紀禮部尚書錢謙益安遠侯柳祚昌吏科魏應

嘉隆六年准後選授王初范良彦陳丹衷文選司法廉潔等舉薦十餘次有詔起用本宦皆以老病辭為辭如謝等疏稱其丹衷其疏稱其廉潔初潛著其疏於泊明志衙十載年滿不到公門寧靜可嘉大用以濟時難本宦按疏稱本宦銓曹特補銜鑑林空獨獻歲竿牘不到公門寧靜可嘉顏俗即見摧于逆黨肆烟之日益足徵其守正不屈之操亟須召用以

九勳集

卷六

一五



進士自戊戌

金四十九

以下原缺

國固每有是捷徑而諸悅冒于祿山
太自降節于永王視先生何啻百尺樓上然則
余舉二千以似先生誤矣誤矣愚者還是昌黎
吏部文章日月光之句庶幾近是嗟嗟當是蛙
噪蟬聲盈細縹緲爭托之溫厚和平以文其難
累孰有先生之大雅不羣者乎先生天姿穎異
無所不通藻鑑人倫貴賤賢愚過眼百不失一
字法精遼筆筆生動烟雲滿紙旁及圍棋亦稱
國手胸中丘壑即一亭一樹入手俱成洞云諸
子諸孫咸翩翩而秀克世其家大江之南
名而為名臣老薛考功君宋有先生之養而無
其才宗考功子相有先生之才而無其養獨
而具有冰心鍊骨者吾鄉得一周鶴庭先生
形又亦少表其先先生之北俱非其倫先生
先生江北一人哉吳門以君謙之異鄉先生
先生先生先生先生先生先生先生先生先生
重於先生亦云論曰探和城坦迤四百里至
吾鄉先生有絕代才生焉而先生是

矣先生先生先生先生先生先生先生先生先生
器宇弘深器不情而滑不濁汪汪叔度之千頃
也夫抵用英雄之眼目何以爾視一世有
英雄之手段可以搏腕君初有英雄之胸次可
以布羅萬其出其處有爾名教臂之環環
則有聲異人也知微知彰能柔能剛臂之神龍
變化斐亶文章陰陽離合不主故嘗化人也
先生不過暫居東海之濱待天下之清耳天生
李晟以為社稷謝安捉鼻恐將不免倘再為雲
九助卿集卷六
赴隴王臣坐門而先生仍戀春江一縉私
尊忍人也先生豈忍人也哉贊曰白狼之水洶
泝以揚波篤士先生磊砢而英多在朝則臣僚
因以振肅在臺則文物得以清和論書法必
漢晉之源論文章必極馬韓之選論理學必
河洛之宗天若不產先生則為家必在岐山
屈軼不直道直道先生好歌識其大
者以誌不磨
同里長康拜識

棄草詩集七卷文集八卷棄草二集二
卷（一）

〔明〕周之夔撰

明崇禎木犀館刻本

北京大學圖書館藏

棄草詩序

廢滄浪言詩有別才別調始予三歲能言先君教以碁局聯扁輒能辨之四歲受大學中庸論語正文于叔祖五歲自蜀隨先君歸閩見先祖善畫稍知其筆意所在六歲冬至夜鄉有團朮爲丸之典先君試對曰冬至一陽生予未曉爲成語難屬也應聲曰秋霖七夕近蓋據閩風六月之末多霖霖俗號此雨爲秋霖耳先君摩予頂曰是子必達

棄草

詩目

但苦遲以告先祖先祖喜曰吾子餘歲時先輩試對水映晴空上下天而荅以山留返照東西日今思乃一好詩句然斯兒少我數歲而能爾更難自是予知屬對之爲詩料矣九歲學八股時文十一歲能縱筆于中讀史記莊子戰國策知其爲古文先君又授以工唐瞿薛舉業正宗間得王弼州先王史論及李文節所選二三場習之十三入泮以論見取時荷以童子屬對之法作時表及所雜讀

棄草

詩目

作時策闌頗出人多見許然自八歲至成童咸多病濱死者屢學無專家所業未純病愈之日無幾皆忙就本領示暇言詩且同學無知詩者父師又禁人旁習也十六從師鄭元升先生獨知詩稍講聲律適伯父六旬始得子親友稱詩相賀予踴其後曰夙昔每嗟龍久臥晚來尤喜鳳將雛然初學稚語不足道也一時詞壇徐興公陳伯孺輩好爲中晚體予記咏雨中月曰恍疑神女來窺鏡又恐嫦娥怨濕衣咏書室曰臨池竹映波先綠入樹花濃雨亦香咏梅花曰玉鱗斜月裁成勢珠淚和烟莫辨痕又曰豈爲寄枝香溢袖應同思淚下沾巾又曰亂飄食几驚餐雪錯落鄰砧怨搗霜又曰照面自應生素色侵衣時復冷香魂歸山園曰破苔仍是主人屐藉草依然舊客衣同輩皆膾炙然全日未工心知中晚非極則家有漢魏詩乘初盛十

二家遂取讀之十七而作古詩今集中題畫寄郭

淡衷及阮司理秋日凌霄臺社集二首卽試筆語
追記而錄之餘稿以童態多燒滅不存嗣後讀選
體及李杜全集從友人陳叔向齋頭見古逸六朝
初盛詩紀借而手抄方喜爲大觀予先祖詩最奇
雄然多不存憶拜岳墳律有畫下金牌迷白日朝
來鐵騎慘黃雲之句餘見之題畫五七言絕而已
先君詩主冲淡寡交遊自父友陳振狂倡和外卽
呼予教之得意相賞凡典故出處多命予考究涉

藝文

詩目序

微友人李明六厭棄時文專力于詩持議嚴正格
律古淡其山水奇癖予幸與相敵閩山海怪特峭
麗足供詩料最多噫今皆爲古人成往事矣予自
童稚至于今多病不得已晝跪誦夜篝燈以補拙
凡二十年不輟他文字歲月輒有遷變惟詩之一
途今與十六七時不甚相遠將無別才別調天分
有限每自恥爲童子雕蟲可棄也三十年來從不
敢忘木貽笑于人況今以病棄官凡平昔之見聞

覺知眼前之是非恩怨宜無不棄藏其狂言以死
予之志也毛子晉沈天羽二君子惓惓取予稿以
去獨有不棄予之心何哉昔白樂天自敘作詩之
意司空表聖亦自摘工句于簡端予不敢援古人
也以明予終始疾病憂患中自祖父外二三朋友
知已于予至矣

崇禎乙亥以季夏朔旦周之夔伏枕書于松陵舟

中

藝文

詩目序



棄草卷之一目錄

四言古詩

南中丞平海頌 四章

朱湛玄司理禱雨頌 有序

三言古詩

沈寧海將軍饒歌鼓吹曲 三章

棄直

詩集卷之一

木犀館

棄草卷之一

閩中周之變章甫著 東吳門人毛晉訂

四言古詩

南中丞平海頌四章

於赫我皇聖武桓撥疊疊南公櫛茲苞枿蠢爾島夷和蘭爲猾其猾伊何碧瞳赤髮逆我師干是用大戛

扼彼中左王師鋪敦廈門鷺門騷瞿鯨奔伐之彭

棄直

詩集卷之一

木犀館

湖墮其埔垣拓復我疆震號東番鷄籠淡水肅肅外藩

彼恃其騎頰燭有標反颺沸泔艤艤爲焦執其俘

馘歸振于朝韎韐鞞奉載烝載庶天子泣之皇武

孔昭

皇武孔昭天子有喜肇敏戎功錫南公履拒鬯歌

鍾琇瑩瑳玼有鏐其金有爛其綺作我上卿翊我

皇軌天子萬年據福勸祉

朱湛玄司理禱雨頌

有序

天命百穀惟雨施生帝命百辟惟德司牧
是故有天早有人早有天雨有人雨商之
雨爲霖周之雨爲膏魯之雨爲閔爲勤泰
之雨爲金爲血霖彌乎上膏勞乎下閔與
勤逢乎病金與血及乎妖絕妖止病宣勞
直彌君乎牧哉人乎天也湛玄朱公稽古
入官惟良折獄惻惻子羔之色朗朗臯陶

孟子

詩集卷之一

不屋館

之心理焦三年民大誠和駿惠無私來章
有慶杉陽竭邑泣者弗靖侯公來蘇公巡
行平反方殷再辭焉民望彌切臺檄益虔
災賓之月攬轡視篆至則省冤釋滯斥羨
已責辨任施舍釐弊伐蠹役惟縣隸不攜
館胥供惟私蔬不煩里饋傳遠闐然堂閭
顙若纓縱禮序負載袒歌前之批政一洗
而清雖中都期月朝歌浹旬未或過也值

爽德餘烈早暎驕陽良疇龜坼邑人大恐

公曰罪惟台毋以爾民冒卽耗數齋禱于

隍築鬻初芬醑辜伊碩

築鬻香也鬻辜牲體也俱見周禮

乃西郊水雲魚鱗占曰雨未克雨公曰未

可以戚我神祇其步禱以自爲功屏騶去

蓋剪爪曝曦皇舞翩而來塗雩音噪以籲

吳公顙蹋市沙膝嚙墳砌匍匐兩日興俯

千巡用能魄召豐隆怒回赤標油雲四合

孟子

詩集卷之一

不屋館

甘澍旬連滴瀝濯枝浸淫濡塊灑空瑞乎

銀竹潤礎郁於金莖枯槎變青乾原增碧

將書大有詎咏小康今虜騎在郊軍需遍

國凡百加賦惟責於田傳曰苟無歲何以

有民苟無民何以有君詩曰靡神不舉靡

愛斯牲圭璧既卒寧莫我聽是知禴百物

之彪

音眉見周禮

尚非旱備飭九鳩之扈乃時

雨若蕃社老壽而爲信君使清淨恬愉以

與至人居豈惟民哉凡封內山川能出雲
爲風雨者皆視公心爲寒燠公則天矣搢
紳士子各標名勝分賦紀德之夔門牆屬
吏在行潦挹注之中愜崧高仰止之願敬
述大旨遂作頌曰

南有稊田耘巔汲谷其苗其畚其勤孔殷
瘠瘠涓涓我其瘠孽職惟人匪降自天胡寧忍予錫我
百泉百泉伊何惟德惟賢惟德上帝之輔俾

嘉章

詩集卷之一

水庫館

臧俾嘉有教匪怒瞻彼溥原祈年覲土曰賜而賜
曰雨而雨曰穰曰種以饒以醺我眉金盤有龍螯
蟠德則呼之彭澤闌珊匪龍之神厥德溥溥溥溥
厥德如牟如芑爰禧其馨爰亶其履粒我生民烝
我髦士媚於上帝上帝所喜帝謂下民無然夸毗
畀汝君子受此嘉師不憊不濫弗祿攸宜木之杙
杙音原獸祁祁神嗜飲食永無渴饑神既相之視
民不迷

三言古詩

沈寧海將軍饒歌鼓吹曲

款小垵一章有序

董伯起奉委偵倭一年遂以倭酋明石道
友來歸將軍推誠受款夷人懷服作款小
垵

款小垵歸伯起洞夷情綏黑齒服等安棧道友

請奉琛拜稽首來詢詢發好莠惟沈侯雄

通友夷

詩集卷之一

不星館

赴赴擴海門推腹受回駮面折駮口拒市舶犒
酒夷懷恩良覃厚淡水清黑水黜濯 皇靈帖

俘東沙二章

後聚東沙將軍以計俘倭
帥以下六十九作俘東沙

俘東沙六十九誰其尸沈侯有狡彼倭揚鯨波寬
皇誅抑何多間以謀刃不血執訊馘嘉迺折款者
存狡者滅望侯威如火烈

東沙俘沈侯劬尺一組來匍匐戰東番東番屠招

紅毛紅毛輪韋馬郎繪侯圖賊破膽侯跋胡妻彼
舌摧功膚宜城寔寔大將名繼戚俞

詩立

詩集卷之一

不崖信

棄草卷之二目錄

五言古詩

題画寄友人郭淡衷

秋日阮澹宇司理易石山凌霄臺社集

懷陳四游先生

儀甫弟冬日藝菊南齋鄭君祥王子功賦咏

其中感懷次韻

贈戴錫台孝廉

棄直

卷二目錄

木犀館

贈戴文字學師

夏日鄭珍甫初度招飲賦贈

石閭在百洞山

虎洞在百洞山

瑞崑在福清

福廬詩二首

到福廬遇一中上人

孟溪酬董璵德

同李明六溪行二首

重登接筍峰

武夷一線天

送武夷僧寶舟歸虎嘯巖

晚眺呈張子樞

贈樂菴和尚三首

病中懷湊兒

上曹銘石給諫

棄直

卷二目錄

木犀館

贈劉薦叔婦長溪讀書因便謁董師于蔡村

題画贈范山人

從朱口入石輞紀咏示蕭閣如

丹霞寺

黄石寨

石巷

夏日陪阮太守遊甘露巖汎舟小赤壁

陳洪仲招飲爐峰山聚聲館

憂旱

過陳葵若淡香齋二首

飲歸臥病呈葵若二首

贈山木僧

贈吳子賓門

鴛脰湖送錢彥林北上

送史念冲還河內

有序

凝清堂懷史念冲

三六五

卷二目錄

木犀館

文啟美將遊吾閩武夷山徵勝于予粗述大

端并錄舊遊諸作送之

都門贈陳匪莪

訪蔡宣遠讀諸公所贈初度詩續題其後

浦城寄韓晉之

建溪寄陳磐生

贈子美姪

送樵川謝匡時往臨川從章大力先生

贈新城陳元夫

章中雜詩十首

三六五

卷二目錄

木犀館

棄草卷之二

五言古詩

題西寄友人郭淡衷

島嶼紛飛奔瑩石漱洪源晚吹爽兩腋涼思與相
渾忽爾大鳥浴水擊濕雲根秋來新此色自閒清
晝魂念我同心友相去江之村相思許多意相見
復忘言前有一樽酒席上寂無喧背烟盡日立明
月期黃昏

棄草

詩集卷之二

木犀館

秋日阮澹宇司理烏石山凌霄臺社集

主露微秋陰樓臺細烟侵晚芳足幽氣疎林多衆
音立與孤壁絕飲隨涼夜深秋山入遠海暝色納
奇岑奇岑宴良晤琳瑯森詞賦令德唱高言空中
之韶濩清聽厭官商凝神發深悟

懷陳四游先生

昔歲黃河清今歲鳳鳥鳴吾君真義文乃以開茲
頑魯妖既撲滅黔蜀方盪平蠢彼奴酋魄行且當

禮聘時事漸就理臣工亦靡爭公于此時出一出

翊聖明白簡可再拂慶雲可再賡巍巍屯田績緊

非董先生尚有東山望九龍林間卿與公爲德友

夙昔司和羹卒展左右手携手上台衡丈夫有赤

心肝膽時時傾況遇熙載日灼灼偕令名海上有

雛鰕因風寄友聲公雖在高崗毛羽諒分榮行矣

事天子吾將觀厥成

儀甫弟冬日藝菊南齋鄭君祥王子功賦咏

棄直

詩集卷之二

木犀館

其中感懷次韻

宅居任自然墁圻罕奇麗舊構羅欄檻衆山阻面
勢吾弟弘厥心鳩工諮蒙蔽叢岫攢遠空蒼翠落
庭際遂令奇歷心轉作幽賞計冬清無雜英庭卉
見蘭桂菊芳吐未已霜氣高且麗滋蔣美及時周
除共延睎諸君近好詩弟姪亦相繼遇我益徘徊
紛紛出新製不惜酬和艱但愛襟期契自從先子
沒意匠久已閒談詩昔晨夕緬想堪出涕大雅茲

復陳悲喜如隔世請君爲我歌鹿鳴與棠棣款竟
復微吟情長思轉細日暮玄風催月露湛盈砌

贈戴錫台孝廉

壺山東際海齊閣波濤聲嘉木一垂陰奇鳥相嚶
鳴鷄雛自南來毛羽生光榮得逢苞栩匹宿從過
蓬瀛蓬瀛還縹緲不如龍水清龍水畱瑞竹綠寔
朝陽生聚散若風雨浮雲誰定情終期天地間香
翻乘熙明

寒直

詩集卷之二

太虛館

贈戴文字學師

夙慕天台山緯繹鍾靈軌戴師出其間彷彿淦霞
子爲道石梁勝潺潺如在耳迺覺孫興公含毫未
得理吾師妙吞吐鴻濛太乙始三山鼓洪爐霞標
天際起賤子守番闕憂披滯泥滓忽命作詩畫豁
蒙秦薄技崕嶮仰華頂菁葱難可擬矚睽接清光
濯以石梁水維時逢仲冬菊芳映樽几松雲澹空
翠竹露灑清美幽籟發高齋縹緲天台裏

夏日鄭珍甫初度招飲賦贈

愛子何寥廓掀髯吟蒼天談詩越匡鼎讀易摩韋
編寶劍淬清泉歷久雪花鮮胡風拂驥足踣趺蹴
平煙丈夫有遠志骨力磨當堅但復麗雲漢何必
求神仙開樽面南薰雲謠和素絃佳人美清夜寶
瑟弄華年爲君起盤舞潦倒誰復憐行樂當及時
千秋期自然

石閨

在百洞山

寒直

詩集卷之二

太虛館

昆吾割石胞駁落成重閨日月常在頂穿甃金碧
狀中有宛委書風雲吐其上玉女閉房扉燃香煮
瓊盞餌作條支丹海水來激盪桃花二月春絳烟
匝如帳河山自隙闕何勞媧皇匠鬱羅未可飛穀
城久相望

虎洞

在百洞山

介象入仙山猛虎避其舌身服黃神章何物敢相
竊天示百怪威畱作樞星穴仰看蒼壁痕般般生

穀樹杭烟碧如油芝乳白於雪中有千歲人長嘯
海波竭

瑞崑

在福清

山根種石林海竅洩靈液飛波凝燄碎屯雲疊空
碧嵯岈攢古樹垂條掃佛迹蘚花繡龍涎曉寒吟
木客誰堪霜露叢踏破烟霄額

福廬詩二首

海象吐靈姿石胞擘重闕嵌空勢欲墜側立相迴

奔草

寺在福清

不居館

向循泐砌陰磴擬足那敢妄如探龍虵喉如挾神
鬼藏駿落蒼雲膚波濤來激蕩身非石中暇精思
俱已喪求之杳冥間莫能寫其狀古來誰數遊天
地意亦壯

名山多肺腸搜剔變文采其中異骨理雕琢費真
宰誰爲此哲匠混沌乃一攷出沒賴天光穿受見
大海浮浮沙雪飛天際白如皚神山不可遇寶山
不可採自有山中人移彼香積在

到福廬遇一中上人

茲山在人間到乃疑天上勝事無與偕偶爾成獨
往樵子導山路天門豁渺莽洞逕盡蜿蜒石勢皆
龍象紺宇耀空光雲壁森虛仗夙昔最小僧華林
共方丈顧我鬚眉蒼念子丰格長相逢如夢寐握
手問疇曩炎涼十四更半爾敝精爽存者復爲誰
所作亦妄相阿師爲道勤芒鞋荷錫杖博山與福
廬僅僅彈指嚮動靜理亦齊何處覓象罔明霞爛
栗直

詩集卷之二

不居館

孟溪酬董德

多艱歷三紀慨然念物役雅志欲入山羣真返吾
宅嘉君協幽意于茲分片席贈我抗俗言清姿照
晨夕閒庭抱芳流嘉丘蘊靈迹群木羅屋秀衆鳥
欣有適油雲觸石膚平江吐林隙良疇膏雨沐山
翠如可摘雖復經舊遊今來趣非昔物我本無所
但感時序易雖秉曠士懷撫景能不惜以我履霜

軀厲子凌風翮顯默固難究斯言庶無斁

同李明六溪行二首

長溪亘千里尋源杳難測崩崖相夾束厥從混沌
劫周雲上龍從黝幽深鑿墨圓折噴珠玉璇淵此
攸得亂石錯其間激摩皆五色砰磕殷雷霆驚湍
成沸減輕舟喧上瀨乃與水鬪力出沒若鳬鵲曾
波巧穿陟意欲迴逝波逝者焉可息水奇非一設
呂梁灕瀨極適心信所蹈循聞不如識歎咏古人

素直

詩集卷之二

不厚倉

言無私吾允則

玉衡指孟春溪邊號遇鳩日出浪花明飛來啄餘
雪石瀨流遊鱗綠楊隱百舌始知景物佳不特吾
所悅與子事周遊滄波昔鼓枻今入此溪中烟光
又復別幽曠不一懷汧流獲峻潔風湍相激發觸
石響超絕顧子長吟吟奏音與更迭少小重襟期
隨時吐芳烈曲折任波流澄潭鑒心徹

重登接筇峰

吾愛接筇峰夢寐不可已雨登意未愜晴升允足
喜梯磴晝滑滑猿鳥驚駭徒俯視大地中茫茫猶
蟻蟻狂呼汪麗陽此峯汪公嘉靖中開出羽化久不起但復
遺奇構壁絕與天倚身入太清家懷居洵足恥道
遙如有程吾將何此始

武夷一線天

中有劉伯溫遺米

巨靈擘山肌舍光割蒼鉄始知華藏初火精海底
裂陰房吐白虹閃爍同電掣仰觀但一氣綿綿焉

素直

詩集卷之二

不厚倉

可絕惟有昏旦中何景始昭晰我循鑄道間如暗
獲朝徹摩壁爪指禿肘穿或膝齧漸升至陽原頂
上玄風烈日行大明中出昧乃復別嗟彼郁離子
洞中遺米藥千年委砂礫芬薌能不滅舊侯昔梓穀餘糧可無設黃芽萌地中或嘘而自結谷神自不死火粒誰復咽出入在天門抱清守雌節窮冥與昏默聊以養吾拙

送武夷僧寶舟歸虎嘯巖

我遊武夷時桃花間梨白暮投虎嘯巖春雲罩金
碧仙聖昔遊居今焉多梵釋佛子名寶舟慧姿對
晨夕夢寐不忘之回想已陳迹振錫來三山荔子
紅可摘惠我小龍團清芬噴瓊液吾生繫塵緣去
去安所適羨爾出世心名山生肘腋彈指遍三千
何況分咫尺寄語山中人吾將辭物役

晚眺呈張子樞

空林寒氣淨晶晶凝夕暉西山劃天起延景騰京
臺
雲
九
詩
集
卷
之
二
木
犀
信
纖積雪滯野壩寂寞行人稀輕埃雜暮靄散望同
非微心意無所繫獨立澹忘歸忽聞鐘磬響晚食
隨僧扉

贈樂菴和尚三首

我昔產于蜀五歲方歸闕大師峨眉秀伏牛山主
人嵩雒來燕趙南北宗俱新吾生半閩蜀吾禪何
主賓與師本一家茲會良苦心噉我黃芽菜麪湯
口膏脣煖房烘梅萼馥郁江南春清韻簡編海寶

筏渡迷津嗜我蘇黃草喜我披麻皺薄枝何足售
法施但苦貧指端放光明一笑等微塵慈悲無取
捨聊爾結淨因

會稽有佛牙光芒難迫視雲門湛然師建閣栖其
瑞樂菴廣多聞佛牙見有二其一伏牛山其一地
藏寺各各重八斤紫紋白理膩世人心量狹聞佛
生奇異我言何足奇譬人牙墜地螻蟻與蟻螻駭
怪當不啻佛憫啖食業齒牙同猛鷲現此瓠犀
雲
九
詩
集
卷
之
二
木
犀
信
軒豁無所嗜慈悲度躋劫牙成不懷質湛然示我
因樂菴然我義二師廣長舌已演佛牙記

天寧浮屠相傑然起亭亭白玉爲題桶金翠爲窗
櫺層層十四級級各億萬鈴風吹鈴韻吐梵響清
泠泠樂庵言喻上舍利光熒熒放于風雨夕蛟龍
禦雷霆我言是諸物繞塔著神靈佛現舍利相無
乃導幽冥衆人形衛神聖人神衛形衆人暗則昧
聖人暗則醒是義尚無疑請子解頤聽樂菴多寶

體心轉法華經我無半瓔珞奉此爲塔銘

病中懷湊兒

湊子好男兒身命一何苦周歲喪阿娘五載再別
父別時牽父衣開口淚如雨父母兩乖張兄嫂寧
見撫寄養于他房長大作門戶他房父母貧瘡弱
能幾許父去何時還兒饑何人拊況恐形影單鄰
兒來見侮阿父似兒時聰俊憐阿祖謬許父壯年
一蹴公與輔蹉跎四十餘面目尚塵土再擯于春

李直

詩集卷之二

不屋館

官乞種向吏部就試皇極門天顏邪得覩長安多
貴人聲光耀胥宇屏息及轉喉行恐觸其怒文字
但取備驅迫同奴虜苟活圖斯須安得比商賈病
骨每支離翻胃常嘔吐蓬鬢幾莖白風眸青欲瞇
填海精已枯談天舌幾腐虛名動知交叩門道今
古最恨從穢子時呼謁公府大罵掀食案拔劍欲
起舞延此朝露身支撐賴一拒兒啼寧見憐父病
未可愈大鳥辭故枝孤雛憐毛羽別後海寇張桑

梓里鼓老弱盡登陴丁男編什伍萬一逃竄同
兒難詎爲主近聞頗招降養癰豢豺虎日後雖噬
人目前且安堵家書近日來言兒有規矩逢人解
揖謹從師習訓詁慎勿墮家風兼望幹父蠱我有
賣文錢僅足戛旅金醫藥已無貲何從却寄取兒
口必饒涎兒身必藍縷天涯一念及悲酸割肺腑
恨無疾飛翮啄哺集苞柳

上曹銘石給諫

李直

詩集卷之二

不屋館

瞻岳美英陟臨川恣方遊夙聞畫溪夢入仙源
求仙人號銘石漉瓊服琅球吞吐五色鳳輝光泱
雲浮一朝諧所慕挹注納涓流天子坐明堂垂拱
政令修誅凶舉元愷袞職君最優蘭渚馨味郁梧
垣興象幽嬰脯雋天府屈軼蕃皇州伊余獨匏落
擯棄後薪櫛自分亦天馬衆目爲鼂牛非無胥靡
夢尚少巫咸謀腐嚇恥鴟爲媒巧厭伴鳩正晝氣
如寐熙春心若秋生逢堯舜君何忍滯林丘胸中

有寸鉄能斬佞臣頭倘逢歐冶子敢備干將脩

贈劉薦叔歸長溪讀書因便謁董師于蔡村

木石山子孫關者是宗祖雲物山過客居者是常
主關山不肯居蜚螭轉丸土居山不能關鳩婦拙
牖戶閩山首武夷厥配稱太姥太姥之支山五峰
突可數其下有九潭劉子關其五遂與武夷敵澄
澈鑒心腑董師百洞山海喙起玄圃手自搜荆榛
蛟龍曾吼怒劉子關潭力問奇意良苦志士繕丘
葵直

詩集卷之二

本集

題畫贈范山人

群山驅海中茫茫水有骨天眼淨琉璃元氣墜芽
核鯨吐勢滅空龍囓光吞月誰謂東南虧煉石補
其闕大地掌上浮脉理細如髮章亥步未周鄜元
註不竭盧敖恣汗漫王喬騁超忽瑤島與瓊宮依

然滯泥滯范君倏然來奇跡遍閩越朝方宿崑崙
夕已泛溟渤身佩五岳圖冥搜見靈窟地文萌不
震丹訣秘未發黝黯叢混逐精華且高揭肉羽飛
天庭風烟意恍惚何時復海遊幽期無消歇

從朱口入石輞紀咏示蕭闇如

清湍縈古道赤嶂列溪邊我來雨初霽旭日蒸紫
烟燦爛同朱錦金碧生其巔陟澗入輞戶寶器嚴
廣懸松逕邃雲際村墟錯星躔門門面積水家家

葵直

詩集卷之二

本集

稻春田山葩正馥郁白薇紅杜鵑衣冠雖古朴文
物亦翩翩未知是桃源彷彿或輞川蕭子頤然至
相逢若神仙遙指天乙峰下有龍井泉日色漸已
暝未敢驚龍眠出谷正南行諸峰峭摩天奇態莫
可述大都如嶽蓮迴合蒼翠裏包絡赤黃前濛濛
但一氣寂寂疑中堅薄遊苦未竟精理尚孤寒

丹霞寺

晨下黃石寨午到丹霞寺筋力生神奇耳目靈幻

祕遙望起焱歆初入轉蒼翠如登蔚藍天旋過
慧地南嶽本祝融赤城盡錦幟何年移旄輪息壤
候天醉坼裂燭龍頷奮突朱鳥翅冒罩袈裟幢仲
展香精臂中虛列玲瓏旁穿抱幽邃石壁陰火煨
巖瀑晴雨墜遍體珊瑚肌灑空鮫綃浹河漢疑下
垂日月但正視幻池鑒湛湛倒景吐辟咤紫烟煨
空瘦赤虹吸澗哭人如絳霄身易作丹穴意山川
有心腑探懷從此始

黃石寨

詩集卷之二

十六

黃石寨

朱維多丹丘精芒亂格澤怪訝非穀城依然避
石剛風吹始凝夸蛾負偶擲仰看但嶽巒徐陟見
開闢盤雲踏空翠繞澗墜清碧縱送媚耳目捫攀
悸心魄天險成郭郭神工營柴柵突聳寒鵬噉危
搏怒豹額陰岡旣肅肅陽原復赫赫英敷火齊吐
卉綴縹黛畫根淙白玉膏頂沸紫金夜宮觀耀蕊
珠巖龕瑩間壁前山削枝指旁岫鬬角觔緒若啣

火鷄黝如食鐵貌高幢披旗牙碎繡綻縷羅列
儼冠笏翼衛森劍戟頃刻變陰晴厲袤納朝夕江
郎兄弟奇與仙共窟宅先人播清芬遺構兆靈迹
雕琢返自然吟眺念古昔夢受宛委書奇語從此
獲

石巷

蒼蒼小鉄圍劈裂中宛轉礙日飛跳丸縮天成匹
練恰訝蚴蟉虹磯礧睽睽電神風灌頂來對此能
無眩

雲草

詩集卷之二

十六

夏日陪阮太守遊甘露巖泛舟小赤壁

昔在凌霄臺長嘯空海甸風雅復振茲溪山侍遊
宴宰家銳廡廢巒墮累隙甌广牢一柱觀道復九
成殿龍涎噴霏霏夏月如霜霰仰掇天乳懸俯挹
帝漿薦出谷聞琳瑯瀉溪淨組練小艇不施帷峻
湍駛激箭夾岸皆蒼莨絕壁同卮茜冰潭浸火山
陰崖咽餘晷石髮赤鬚歆雲膚丹砂練中有最尊

岫巍巍突冠弁饋留豆登羅趨踰介珪搢錫名文殊峯山靈爲一變百道漾金光回顧晴屢眩時而雜薰風荷香水珠濺尚作甘露味似灑膏澤徧維時巖居人隔簾送深吟迎和動禽鳥聞樂輟燕佃兒童助歌呼太守分肴饌各喜謂登仙寧知是行縣壯哉今日遊千年始一見神奇集高深兼愛不可選幽事乘清機嘉言領群彥補緝山海經塊北南壤奠

雲直

詩集卷之二

不星官

陳洪仲招飲爐峰山聚聲館

愛爾香爐峰奇與匡廬敵夏杪逢秋生商飈起柘櫟高館聚衆聲清聽破寥寂深碧射篁筠幽香劈蘼蒨監史飭樽罍憎蠅戒疏羃畏聞鸚鵡啼驚見阜螽趨前山虎豹蹊日暮瞰惕惕白帝肅號令鷹隼方始擊雷雨行空中頃刻火雲滌山氣兮增涼溪聲夜轉激昨聞新詔書恩澤遍遐邇郡縣裁冗員邊疆捷戎狄文字協神功杯杓荷天錫講德勝

王褒補亡陋東哲呼名任馬牛問道在瓦甕和鳴多嚶嚶坦懷無戚戚更期乘天風恢奇恣所歷

憂旱

癸亥既徂暑時秋七八月西顙行金商大旱燠閭越火雲當晝凝炎風中宵發平疇如龜坼焦土不可坐江潮波縮流桔槔輓轡竭農人相對啼生計從此絕天災固流行人事或有缺吁零吐精誠步禱秉齊潔羽衲日登壇喤喤口流血土龍鞭已碎

雲直

詩集卷之二

不星官

深潭遍投鉄石甕囚蜥蜴搜捕窟穴燔鷄及燒蝦百法分更迭木郎之神呪白玉蟾口訣赤鴉紫鵝符縛崇與攝雪試之竝不驗丹籙抑何譎至如董仲舒漢儒稱人傑春秋明災異繁露著成說大旱而求雨縱陰陽以開其理實精微其術亦空設將無年代殊用之有巧拙暴虐徒增虐焚巫太刻鏗行見金石流憂心何惻惻或言及星變天象最昭晰熒惑犯南斗赤熒怒如蕤按書考其占茲應

未相契熒惑天之使豈比慧與字出入無常居禮
失則行罰主殘賊饑兵伺驕奢亂孽南斗之六星
天梁天府列其杓北指魁其建爲天闕天相翊斗
中爵祿佐予奪斗固酌元氣有時當肅殺熒惑執
法官煌煌司明察先宜誅蠻夷次宜鋤奸猾胡乃
自焚和委權于旱魃爾魃如不死我稼終不活上
天愛生民見此施慘怛民因如枯魚而復吝漂漂
天怒未可霽天禍未可脫寧以加吾身下民哀降

其五

詩集卷之二

木犀館

割吾聞天似人其氣本條達假令精髓枯汗液將
進過方今賦斂急額外恣搜括賴首與鵠形豈合
供餼撻精髓已銷亡動靜卽饑渴稻蟹無遺種鯨
鯢飽鱣鰕兵荒之所臨熒惑意未豁回天苦無策
禳救抑其末雷聲時殷殷雨澤終恍惚譬彼號令
乖名實還相悖商羊遁郊垌黑蜮隱泥淖神龍潛
何處爲我起溟渤頃刻垂甘霖枯禾反芽苗吾甘
身爲犧此意未得徹作詩繼雲漢淚盡更嗚咽

過西蔡若淡香齋二首

清和雨初霽密翠圍竹房扣關偶然至高論研孤
光開覺山水淡靜聞草木香微風觸琴瑟四壁生
夏涼

携手共登樓群峰插其脅庭樹摩蒼烟外與遠天
接晨夕多清音耳目無紛滌溪響出花林飛空淨
素業

飲婦臥病呈蔡若二首

其五

詩集卷之二

木犀館

多病藥餌須觀頤求口實主人枉相存盤餐芬有
飽調酢道古今賓朋意浹密不覺七箸間潰閑從
此口醉受童叟罰飽作河魚疾漉漉刃剗腸性命
恒惴慄生非餐霞人愧此幻泡質

憶昔早有知探玄未入奧僅得淡食心腸胃遂枯
燥中歲憂妻孥千祿終非好陶潛爲餓驅一食矢
冥報醉飽樂千春誰云李白傲

贈山木僧

昔聞山木名百卉紙上春流傳滿京國烟霞如生
新今見山木貌精神大於身雖具頭陀相終是風
騷人所居五峰勝奇與大姥鄰語道煩瓦甃設役
虎豹馴運筆如運斤妙喜陶家輪住相鏡像裏見
畫卽疑真幻質等蒲柳壯心若松筠錯落筆間墨
點成法界塵山木爾能爲安得知其因此中巖聲
怪怪狀難具陳山靈倘好名喜爾貌嶙峋

贈吳子賓門

其二

詩集卷之二

六

大風日夜號危帆如鞅轡爰居著怪容蛟龍走平
地如何春載陽和氣尚未備嘉子憫勞人凌颼操
舟至論藥授祕方載酒問奇字撫絃奏清徵風止
山轉翠始知天地心喜怒各以類出門固有功入
室非無事愛此棠棣華循陔堪養志予生憂患中
苦語吐深致贈子鵲鷄膏夫禔且白祕

鶯脰湖送錢彥林北上

夜夢有仙人遺我雙白鹿與子共之巖角猶在

抑平明錢子至飄然五銖服画舫自天來異書三
萬軸傾瀉琉璃胸他人那可讀中夜風雨怪應共
蛟龍宿握手奏天聲飛竹并續肉湖光射朝暎不
及鶯子目良悟夢先符心期固非獨鹿茸在京都
送子上天祿

送史念冲還河內

有序

白樂天吳郡詩石記始羨郡守之尊終服
左司之句因想見古人風流文采不以吏

其二

詩集卷之二

六

事減今賦急民貧官苦繩墨蹙蹙無須臾
之休相對愁嘆惟以得去爲幸又安有以
優祿遭倏然自得者哉獨吾念冲史公襟
度弘達才情暇豫每以無事處事而事咸
就理人之安公與公之安吳也無一宜去
而竟以隣紳誤用郵符累公去士民遮道
兩臺疏留朝廷方欲信功令暫聽公去雖
去而復出勲業聲名嶙峋未艾其如吳民

何哉公粹于易動靜語默皆龍德處紛紜
之會而圖史詩画不離手嘗於雪中作堂
題曰凝清取樂天所服左司句也時時率
縉紳先生僚友生徒觴咏其中真無愧古
人矣公于予一見如故久敬不衰公去而
予何所師資乎公清澈澄潭至無以爲歸
費予又無可贈公作凝清之詩并錄章白
在吳諸篇以遺之知公雖歸而不忘斯堂

素直

詩集卷之二

不忠信

不忘斯民或并不忘予也

南瞻斗耀樞三江滙震澤穹隆縹緲間神仙之窟
宅高人掇菁華維昔章與白千載及史公悠然繼
芳迹學既稱仕優道不受物役歌舞欣載途圖書
淨四壁清能凝古香韻可留新贖去矣謝公山懷
哉虞愿石觴前吳會吟囊裡河洛畫回首望太行
凌風乘羽翮何日復相從鳴琴奉三益明月滿湖
山雪堂蔭松栢

凝清堂懷史念冲

憶昔雪中構春夏常與居秋風黯然別對雪復年
餘清香隨君去燕寢空自如兵亂阻歸轍近得河
內書遙喜骨肉聚還悲僚友疎嵩少明霞頂瑤草
生階除勿遂忘世氛側耳聆翹車伯仲連袂起天
步方安舒

文啟美將遊吾閩武夷山徵勝于予粗述大
端并錄舊遊諸作送之

素直

詩集卷之二

不忠信

吾愛三吳英忠義信國後伯氏蔚帝師維子挺孝
秀博學窮古今覽冥歷宇宙問我閩山奇無出武
夷右諸真所都居群帝之苑囿三十六高峰峰峰
皆獨岫湧地像浮圖亘天摩列宿碧溪繞山根丹
砂積膚腴其頂多金碧光耀難悉究初入萬年宮
怪木鬱蔥蔭幔亭峯上峯蓮花蓓蕾造鉄板大藏
容緯繡如篆籀金鷄時一鳴玉蟾尚可邁或奮如
猛士昂然披甲冑或窈若美女瓔珞聳頸脰三仰

三教峯削成纖指瘦接笏懸靈梯攀援困猱貍城
高齊雲巖百花映錯繡天游踞其中諸峰羅俎豆
朝雲螺髻浮夜雨風鼓鬪佛燈相望燃仙樂次第
奏下有小桃源仄逕忽廣袤廬舍衣服古桑麻竹
木茂九曲淡潏洞萬象自輻輳聳若蒼龍角尖若
朱鳥喙決起若飛魚雄峙若蹲獸玲瓏結石屋靚
深備庫廩半壁架閣船大颶吹不仆芬香御茶園
靈液存古甕琪草石上生斑駁互奔湊其陽可巢

雲草

詩集卷之二

不覺信

居雲木自結構其陰可滋植水火自耕耨大冢無
因依小巘匪琢鏤曦光晃燭龍淨界等靈鷲東有
水簾洞纖珠挂巖雷西有一線天閃電掣乾竇南
有虎嘯巖迴嗽欲馳驟其北諸峰窮白塢山包宥
疊疊勢衝衡濛濛氣饋饈伊予昔經奇擔囊疾飛
走筆墨遍巖巒信宿忘節候僧廚恣粥飯羽伴狎
嘯呪同遊今亦化感時屢懷舊誤落塵網中素心
已多謬子逢山中人問我應訶詬上天垂撓槍大

地叢盜寇憂虞在瘡痍邊滌未得售羨子凌風翼
籠雲入衫袖寶花承足間曾孫爭來就鉄笛弄中
宵颺輪舉清晝時對青鳥言忽作獅子吼書此代
圖經桑欽快神授幸紀摩崖詩永與茲山壽

予萬曆丁巳春與先友李時成字明六登
武夷禱咏晝陟夜吟窮七日之力而九曲
皆遍又旁及水簾洞一線天虎嘯巖皆九
曲外奇景接筍峰危梯倚天龍脊如劍下

雲草

詩集卷之二

不覺信

臨萬仞予親擔書局臥具而上下雖居人
山僧皆詫以爲神明六勝具相敵而爲詩
更多今明六已仙去予羈塵繼斯遊何日
良友難再因啟美探勝索詩附錄一二以
見志焉到山中遇萬年宮道人周爾因虎
嘯巖僧寶舟崇安友人翁道甫皆予夙契
可仗爲導遊寄宿之主五曲御茶園有吾
師董見龍先生手創淨室與大隱屏晦菴

書院相對幸問守者竹木茶筍無恙其八
曲半峰黎栖雲宅頂上謝活水洞又予鍾
情處兩人皆在仙籍遺跡未知何賢護之
噫心隨啟美往矣以語曹能始觀察顏同
蘭黃門竝箇中知味當別有開闢跌宕以
助吾啟美逸興也

都門贈陳匪莪

遇君五載前生涯同飄泊遇君五載後心事還如

素直

詩集卷之二

人屋館

昨憶昔渡龍江風雨適大作荒船無蓬幔蔽蓋共
遮拓陸行炎燭中跨驢酸兩脚君多放曠懷吟咏
雜歡謔辛苦達長安過從劇杯杓宦官時殺人黨
錮皎正虐避地歸東南生死分離索到家妻已徂
饑兒氣色惡詩書多蠹殘田園轉零落忽聞堯舜
興挾策上京雒中途困二豎隔歲嬰五蠱雌伏看
人飛瘦影憐病鶴君復在其間朝夕護醫藥急難
相周旋骨肉誼不薄今人重勢利古人重然諾以

君視古人拊心知不忤囊携五嶽圖披討窟丘經
聞我閩山奇泛海問遼廓荔枝與龍眼清漿恣咀
嚼武夷太姥峰霜露踏草屨倘逢諸仙真刀圭分
七勺愧我方乞墮滯滯困囊橐詩画易酒茗書記
役臺閣如豕方負塗似蟲尚尺蠖君乃溟鴻飛秋
翮勁鵬鶚視此塵路人咤弃同糟粕吾社二三子
高韻不寂寞班荆三山間唱和亦爲樂問我近行
藏爲我道大畧歸及橘柚期梅花正噴萼訂彼歲

素直

詩集卷之二

本屋館

寒盟俟我花下酌坐愛江南春新詩共焯焯

訪蔡宣遠讀諸公所贈初度詩續題其後

寤歌謝吳趨丘經復里閉晨訪蔡子居密樹如寶
幔客至自應門書卷紛几案鬚鬢雖已蒼眉宇轉
精悍奇情簇談鋒疾書奮手腕盪胸太古先江水
同浩汗憶昔文事初詞義每交斷及成筆墨功群
哲推子冠餘力隨天機爲樂亦過半鳴琴無恒期
爭局必達旦縱心山水間形跡俱泮渙中年塵網

嬰仕籍東西判相對之媚姿早歸獲勝算豈無報
主心濟險觸詆譴舊遊多凋零獨存子粲粲詩酒
澹生涯登陟闢骨幹方其宏達時少壯亦爾憚幸
及未衰年味道約條貫堅此淨名身共遊瑩平館
衆芳備吐納天雲寫宴衍鳳凰旣高飛群鳥空羽
翰我非貪生人聊此爲子讚

浦城寄韓晉之

杉陽寄詩後五載缺倡酬榕菴霜被夜此意長悠

棄草

詩集卷之二
二十九

木屋館

悠予已備險阻子亦增窮愁嘉子曾閔孝事母克
和柔養志在繼述乎譽播朋儕居喪歆蔬水廬墓
哀松楸大鳥感樹集甘泉遠舍流鵲鵲有急誼鵲
鵲多良謀匪畏一朝患但凜終身憂學既窮天人
志亦輕王侯唐虞三代古老易太玄幽刻意每獨
造忘物但冥搜大海滙百川泰山俯九州文爭日
月光心與造物遊聖朝重孝德鳳鳴高岡頭中興
苟制作禮樂行咨諏我行夢筆山五色烟際浮彷彿

佛子詞章使我宿疾瘳時俗憎強項君子戒壯頰
安得仲山甫明哲調競綵長風送鵬鵬康莊騁驥
驪感子百鍊姿瑟玉與精鏐鴻鴈有羽翼慰我遠
綢繆

建溪寄陳磐生

少壯早嚶鳴豪雋子超逸事師窮六經疑難互相
詰刻意追古人謗譽所不恤惟子富文章書畫實
萬帙大群固多賢韓李郭生密哲匠施斧斤予亦

棄草

詩集卷之二
三十

木屋館

郢人質憶昔探奇時浩氣紛橫溢小艇壓洪濤天
吳子呵叱暮覓歸洞龍曉候出海日瀑布萬丈潭
畫觀夜乃出誤觸虎弩開風嘯靡恐怵方期遇鴻
濛兼欲捉狂獮聯騎馳燕京暑月水電疾馬上常
叫饑燈前猶把筆自茲塵網多憂患頗亦一木落
見天根棄華取其實孝能讀父書道可協陰陽居
喪謝賻贈治命敢忘失司徒歸四布孟禮孔讚述
師友初不非凡愚便相嫉鵬鸞任啾噓鳳鳴自中

律伊予之媚恣逢世苦無術重騁嶽嶺途握轡防
奔軼慈母曠班嬾良友寡儔匹春雨連月陰篙師
鬪蕩滄蒼翠雲霾沉驚湍雷吼慄以此當春遊意
興轉蕭瑟志士歌騏驎勞人唱蟋蟀念子無晨昏
何時更促膝人情有歆危達者常靜謐勉哉吾磐
生聖朝待謨弼

贈子羨姪

憶汝誕彌日乳名祖命驄豫占千里骨得時將追

藝直

詩集卷之二
三十一

本居館

風書堂題曰漢井絡天彭通杜有漢陂行大畧寫
子容馬之行地上水之行地中竝爲濟險利與天
均其功汝祖豈無意汝名方日崇須臾頭角與倏
忽已成童底今弱冠貌文字遂奇雄恨祖不及見
我心轉悲忡汝璞業已獻天意貴磨礱如驥飽苜
蓿然後壯元戎如水必盈科雷雨資化工爲學當
日益迪吉在反躬文妖與筆魅斬用一青虹我生
少一黠五技遂多窮汝能去驕吝孫膚師周公我

備前車覆汝作他山攻汝祖將冥助昭明宜令終
送樵川謝佳時往臨川從章大力先生

春秋列國圖臨撫俱閩服天麗牛女分海聚蛟龍
族豫章入楚後江漢分四瀆昭武錯其間據閩上
游陸左俯南溟池右控西江麓奇士時時生謝子
最芬馥纔及終軍年已飽邊韶腹文恒自創造恥
與時較遂屈指文章薈江右爲槭樸求友嚶其鳴
命駕往可獨臨川水清駛秀者曰靈谷吾友張受

藝直

詩集卷之二
三十二

本居館

先豈弟作民牧倡以經籍文子史第臣僕邑之諸
哲人墳簞及敵祝大士與大力二公號名宿筆能
回商周道欲窺軒處千子攬列曜燦燦作天目其
于扶文教如車三十輻我恒慕斯人聲氣幸髦髦
中有周世希謝子曾受讀淵源于大力因周入室
隩千里師大賢古道今不復謝子毅行之使我忤
且肅往者春明門大力德我畜音書兩載稀笑語
尚可掬每誦其篇章玉尺銅侖斛近聞多新製靈

威授簡牘晨露及慶雲浸續冥斷竹謝子寒其英
天裏分杼軸方今正宗衰覺悟誰相孰先民道非
迂大人功欲速去去麟鳳遊春陽正朝昱何以報
我知藜火夢天祿

贈新城陳元夫

憶子鸞鶴姿尚自豐毛羽足遍海嶽間名耀奎壁
府聘覽必恢奇氣誼敦太古春初來杉陽握手道
心腑別後懷嚶鳴發函燦繡組上道思殷勤中及

棄直

詩集卷之二
三十三

不居館

文工苦寄我麻姑碑鈎畫如龍虎顏公生氣存披
閱起懦腐大力著畱書玄風滌訓詁以此詮聖經
獨自擴門戶偶社諸新編各各手一部奇哉江右
人開先每建鼓轉移風尚閒衰流能砥柱落英享
耆肥倒戈却敢侮發冢陋小儒渝盟恥霸主六經
秦漢宗肩挑一韓愈名教炯寸心骨力爲之輔我
觀今文場荆棘礙破縷布濩荷天心芟鋤賴聖武
君子急反經權衡繩矩隆運方同文勿自畫疆

字

莆中雜詩十首

朱夏至陽赫衆物盡發舒而我獨掩疾錄錄若囚
拘一念水火爭沸膺成輓轡鵬鳥屋上叫狸魁燈
前趨仰違慈母歡俯隔稚子娛骨肉俱已遠形影
自相呼主人閱顛沛悉力來匡扶妙藥雖駐顏莫
救心戰癘入口但養蟲不如絕其舖願言返初服
葵藿事伊蒲仁君真愛才撫摩刻肌膚強留不可

棄直

詩集卷之二
三十四

不居館

去骨立聊支吾念當爲食死知已未可辜
臥疴五六日庭卉忽已長移植有深意密蒨亞疎
光開軒受景風時鳥鳴且翔澹然隨物誘此心無
固常種樹當及陰種花當及香陰時得共憇香時
得共芳人生皆寄寓安樂豈一方荏苒晨復夕感
嘆不能忘

寬敝工犀比拂巾如中微罨道三百六役智運攻
圍設身在殼中得失爭幾希張觀稍佐闢出言嬰

忘其非

鵲無奇姿但以言見異隨地學人聲啁啾不自
愧彎弓射鵲黏竿剪翡翠文彩恒滅身放言乃
不忌昂昂水上翮矯矯雲間翅賦命雖不猶樊籠
各爾志喋啞藻粒香愁胡視天地

不扣而自鳴命之曰物妖有鍾以機擊時至鳴皆
條上與渾儀轉下與土圭標晨昏備刻漏呼吸應

秦草

詩集卷之二
三十五

木犀館

波潮惜哉此奇巧鏗然破寂寥度數雖不差混沌
鑿且彫不如列筍簾受擊和以調風箏及流鈴無
心自刁刁大鳴爲水石噌吰震雲霄安能抱音聲
日受機動搖

蘭本幽澤安入庭畏日景朝移就樹陰夕移當露
井何爲萎弱身彳亍驕自逞克君佩服香惜我跌
與頽質性非媚人離披閒且靜君看空谷中豈復
望恩幸

去夏釜口渠荷香三十里今見齋頭蓮綠圍復如
此雨珠隨風傾露粉烘日起異種滯盆中賞心多
客裏我家故池頭未審近何似不畏採菱人但畏
捕魚子托根于淤泥安得全其美寄語守護人勿
決陂塘水

榴花感火紅破旭蒸霞變淺者如澄沙深者如染
茜念此正陽色一木能先見人迺自焚和朱顏難
駐面草木食元氣英蕤不可遣乘時雖自妍尚畏

秦草

詩集卷之二
三十六

木犀館

鵲鳴豈如山上松峩峩凌霜霰

黃帝命風后手著握機文爲龍虎鳥蛇爲天地風
雲八陣合奇正握九維中軍衡軸前後衝方圓左
右分虛實每二壘奇正通爲君縱橫十九字丘索
與典墳陰符司馬法衍彼渭水漬拙哉戈矛胸結
隊自成群一朝烽烟起坐看蚩尤氛

宋時四家書君謨稱第一骨肉旣相勾丰神每獨
出自編荔枝譜書以化人筆文味如荔枝筆光薄

麗日丹霄與綠陰
指端如石鼓波對
若可餐臨墓
轉自失斯人今安在
離鳳不難匹
四望荔陰稠
搔首坐空室

七

詩集卷之二

八

弄草卷之三目錄

七言古詩

楊文敏祠堂番蕉歌

水簾洞

董見龍師仙室歌

登海口瑞峰塔

龍幡山歌送周卿林楚石先生駐節滁陽

仲兄玄仗初度卽席歌

弄草

卷三目錄

不屋館

鄭君祥初度卽席歌

贈林守易之太學歌

題松石圖歌送端州關學博

題畫贈陳友

陪董師度天門上蓮花峰望海同陳磐生賦

贈袁曦臺廣文兼和遊百洞山詩

譚宗師晉登萊兵憲歌行

題章公祖詩卷

贈錢孚于歸橋李

繼川圖歌

有序

杉陽題松石圖寄臨川令張受先

杉陽寄李明六

杉陽寄韓晉之

賦得池上于今有鳳毛贈蔡伯宗

文湛持先生初度歌

題松石圖贈樊澹叟寅兄

弄草

卷三目錄

不屋館

題仙山膏雨圖壽閩邑侯張恭錫父母

題太姥卿雲圖壽樊紫葢公祖

贈文修社兄歸三山讀書

有序

介叔季兄六十初度歌

蕘草卷之三

七言古詩

楊文敏祠堂番蕉歌

文皇撻伐清天步太師佐之啟筭籙東西南北異
物寶太師祠存番蕉樹狀如老龍蟠地起銅鱗鯢
鰓鐵鬚怒戟刺飾殘淬劍霜漆花吸盡凋旗露一
根三幹相詰屈兩叢萬態難可數風翻羅輪鳳尾
裂墨雲盤飛映丹樓山鳥駒過不敢棲伏螭駝獅

蕘草

詩集卷之三

不屋館

盡驚顧君不見當年房杜之子孫太師裔水今如
欲續藻松楸皆主恩風雨精靈來拱護當今蠻夷
皆誰得太師洪誠久不布漢家葡萄酒出西域此蕉
亦自南番赴 文皇太師威德在歌以示之四夷
懼

水簾洞

在武夷九曲外中
有廣道人遺蛻

晨經火焰峰憩息水簾洞中有遺蛻仙身心寂
不動仙人今已成陳迹水簾高掛長如昔畫飛白

雪常霏霏唾玉撒珠幾千尺映日輕虹爭飲練隨
風亂濯水壺魄盤渦颭草微有聲石廡琅玕敲碎
壁玉女障烟晴不捲老龍作供吐清碧便欲借此
前峰焰烹作瑤漿滿一石納入仙口甦白骨問君
何年得奇癖仙亦竟不迴人其能復來崑間霖霖
長如此閱盡昆明幾劫灰

董見龍師仙崑室歌

蕘草

詩集卷之三

不屋館

穿雲磔霧架樓閣遠海涵空映簾幕玉匙朝起捉
蒼龍缺笛宵橫下白鶴有時夢入扶桑中濯手捧
日昇虛空起來晞髮仙崑頂嘯咏梁甫乘天風

登海口瑞峰塔

玄虬瞰睨齧石齒聳身欲上烟霄裏天吳夜持滄
波源勁風扛橐香蓮水白毫俯射矚龍紅半作朝
霞半作虹寶輪影踣毘盧頂鈴鐸聲震龜鼉宮玲
瓏天心八面奪渾身是眼何宏豁獨立無語乘天
風茫茫衆山如漂沫

龍幡山歌送周卿林楚石先生駐節滁陽

高皇真龍起滁陽渡江定鼎雲雨翔卽今一片飛
龍地尚有龍幡山色蒼龍蟠山挾瑯琊起迴峰欲
吸釀泉水清津噴玉芝草香萬騎龍媒象劉累天
閑十二映房星叱撥蹀躞驚龍形五色列陣成雲
錦印依散牧騰郊垌濟時自古須俊傑不獨鞠蹄
能汗血先生臥龍今飛黃肉羽毛鱗天下絕時平
牧馬如牧人秉心塞淵駉牝馴時危用人如用馬

其直

詩集卷之三

不屋管

駟鐵孔阜車麟麟畱都根本真重地江防恃船陸
恃騎舟如奔馬馬如龍方可山河肩上置先生風
自匡濟情手握六轡扶帝紘追風躡景爽日逐雷
霆嘽嚇凡馬驚雲欲從龍龍兆雨帝大用公公不
負直令咫尺龍幡山宛是六龍飛故步當今好龍
皆畫龍徒有鱗甲羅心胸公真文明天下者願以
駿骨來相從中州近聞鳴鳳鳥河清共作中興兆
先生聽此龍幡歌衣間已覺風雲繞

仲兄玄什初度卽席歌

十二從兄學文筆轉眼兄今五十一再得相從五
十年弟幾九十兄過百人間孰樂于弟昆高堂有
母弄諸孫時事尚得偷宴息何不呼朋開一樽火
雲昨夜變霖雨禾田幸不爲焦土酒材從此續舊
醅弟兄慰勞良勤苦家傳粗有萬卷書兄郎皆是
向學初作文各亦曉大意夏木清風相發舒中間
老弟骨如故曳裾侯門無所遇貧愈爲詩老愈狂

其直

詩集卷之三

不屋管

當此觴前寫長句人生能得幾壯強胡爲舍我之
弟弟之年萬八千我祝百年已知足兄郎不畏詩致
貧待兄過百鏹金石

鄭君祥初度卽席歌

食綏山之一桃不及飲宜城之九醞桃實千年始
一垂酒杯人意恒相近白茅三脊斜壓槽紅泉百

脉殷流膏漉漉乍咽鴟腹滿醺醺初出先醺醺入
青九日皆如此主人甕頭香且美流蘇覆罩綠烟
浮瑁璫噴爇玄雲起贈君一曲奉君觴我年壯夫
君復強當今少年叵解事我輩正合鳴康莊鄭兄
鄭兄氣自勁拔劒擊柱稱中聖濃眉豁目出語奇
見膽百迴方得性君談我歌亦有神輕條碎雪颺
玉塵畱將露井桃間月俟爾霞城醉裏春

贈林守易之太學歌

棄草

詩集卷之三

八尾官

春江映日清漠漠王雎澁破春雲薄大莢雜逐亂
青莎舉杯還望三山郭與君少小事幽棲照膽含
光瑩鵲鵲渺綿雲夢胸吞盡屈注河源手挽齊君
今名姓先我起大鏞賁鼓槌帝里予亦落落求知
音誓以文章還正始揮金欲盡剝鬚眉正是林郎
三十時香銷寶瑟甘分裂淚濕銀槽忍別離丈夫
無心心亦熱筆鋒坐斷旁人舌高冠大袖薊門行
燕姬一見笑欲絕相如昔日同臨邛前驅擁傳爲

誰容淮陰壯士酬金帛袴下猶憶曾相從思君豈
日如流水那得故人心尚爾少年意氣不可常清
切高歌寄君耳

題松石圖歌送端州關學博

長松吐秋石如聽海上虛濤來相應蒼翠拂拍谿
訝光紫花琅玕繡圓徑中有千尺老龍吟嶧陽無
語瀟湘瘖餘音憂石鍾磬發迴風烈烈復森森他
家松石寫顏色周生獨寫姿韻逼丈夫默然嶽嵴

棄草

詩集卷之三

八尾官

間有骨豈容但默默端州美石天下無端州先生
人中殊松姿石骨冷海氣文字風濤相浩呼松膏
沐雨倒玉液石觸油雲走霹靂閩山粵山風物非
還君五嶺秋月白先生囊中但有書展開此圖清
音舒但得長隨照容色如見執筆來疎疎先生宅
旁多五粒恍惚閩南風雨入夢寐當年陶隱居相
思頂湖海波立

題畫贈陳友

宋元書畫變古法蘇黃峭勁多斜押倪迂疎林淡
如洗王蒙披麻若線壓四家于詩爲近體時出異
趣吾意恰陳兄遺我蘇黃帖雲岫石瀨巧穿插筆
精動人氣勢雄便欲雲烟出指甲吾少學畫未學
書因畫知書兩俱乏陳兄命作倪王意偶然落墨
高麗筵謝君以書觸我畫經年窠臼一朝捐陸機
文賦亦平平他日自贊何太狹若使道子解作文
筆端久已傾三峽自慙小技非古人白浪輕鷗相
共直

詩集卷之三

八尾館

泛押五指未秃筵未壞時乞美酒枯唇洽

陪董師度天門上蓮花峰望海同陳磐生賦

巧匠劈天天不怒踏空獅子善遊步鬱儀結璘爭
高飛俯射景光咽還吐玉房璇壁瓊瀛厨長松出
龍青相扶古仙遜去畱靈穴白虎不守山將癰我
從師來見此境垂踵任趾登崎嶇頃臾眺望蓮花
峰蒼茫大壑來奔趨叫呼彷彿東飛颶挿腋驚生
奮天羽凝神宴坐秋草香覲面鴻濛如可遇

贈袁曦臺廣文兼和遊百洞山詩

十五年前讀君文十五年後始識君便欲相師君
不肯莊荆滿地落松雲芒鞋高穿蝙蝠洞琅崎海
波奔目送金山何日更鞭羊嶢谷何年始聞鳳一
鳴一咏花木移千奇萬怪惟君知撐將俠骨闢險
絕題題豺虎亦避之前山微茫風景暮醉向袁公
索詩句詩成大嘯舞馮夷波斯擊碎珊瑚樹倚天
長劍芒精寒葡萄首宿夜光盤世間何物當君意
垂草

詩集卷之三

八尾館

惟有明霞若可食余年三十困經史曖昧儒濡心
欲死擬將筆墨作干城茅勁中權讓誰子

譚宗師晉登萊兵憲歌行

文昌一星入武庫天策煒煒黃腫路南溟鯢魚捷
水飛姑餘鵬雞叫天怒今 皇神聖若軒轅握鏡
先得圖書數旋頭東指欲滅胡風牧何人廓皇步
吾師吾師起構李文采經綸千古趣天星湖上目
如星風雨樓頭筆如雨波瀾翻出續水清倒連沚

海天橫注少年便作第一人壯歲遂奏南宮賦
從下邑播鳴琴曾從上國籌兵務指揮談笑奪衆
妙天機颺發波濤赴西粵水鑑懸天高南閩魁衡
有神寓能自簡上鋤荆棘遂使竹箭爭披露真者
肝膽信者法但得一語若韶護夔也偃蹇樛櫟資
亦蒙豁達開沉錮不盡聲光入品題幾回翦拂生
毛羽明珠照乘誰先容白壁傾城豈無故吾師氣
誼吞江海咫尺之間噴雲霧一寸丹心比日懸一

葉直

詩集卷之三

不屋館

雙赤手繇天付朝聞 帝命神已馳劍佩東走不
可駐玄冬十月氣蕭森涉淮踰泗霜雪妬萬歲河
連萬里沙層冰皸冢鼉磯颶孤城着海僅黑子焦
石稜尖差拱護蓬萊閣上層市荒沙門島外風帆
僚昔日防倭今防虜艤艦沿海勤調募成山運道
久已閉策欲度遼未可度奴酋距河聲入海寢門
劍及室皇屨奄奄小夷箒外毒東忌朝鮮西虎兔
我欲從之聲實間混同鴨綠將狼顧 帝簡大臣

障東嶽倚角河西勢力聚抄花諸夷咸用命然後
相機乃不誤師今居東繼周公斧斨在手鯨鯢懼
鉢鈴金鳥焚波光盧矢彤弓振戎輅戈潮南島如
游龍入水伏飛疑沒驚批亢擣虛或有時權奇豈
與衆人論銅柱應標長白山玉簡重函泰時樹書
生齷齪何所爲唧思一劍託情愫請纓落落不得
志較之表餌亦不惡穀城授書難可逢澠池奮翼
傷遲暮腰間徒紉書帶草指上空幕之累句鞭石

葉直

詩集卷之三

不屋館

威靈血尚鮮朱鴈鏡歌清欲訴時危幹濟賴俊傑
宜以謀猷讓人布于今廟算思克一將相調和士
豫附吾師吾師麟閣人當使名字金石固

題章公祖詩卷

鈞陳座中三尺水火鈴明眸獨角薦鯨吐碧海燭
龍飛夜夜星辰搖烏履蘭根獵上槐棘風千尋修
綳懸明空只緣五煒隨心吐雲礎嵐岵蒼翠同威
鳳一聲天下曉澁舌吟烟雛穀小學得伶倫半調

春露濕椅桐清不了

贈錢孚于歸樵李

君不見純鈞湛盧赤堇陰匣中常作龍虎吟又不
見兜皮之鼓雷楸起淵淵逢逢聞百里天生神物
出有時光芒音響何離奇但能斬魅震聾瞽不妨
斂采歸神祇魏璫七年曷不軌多養虎彪作孫子
前有趙高今此閹癰疽未潰叢神死上天悔禍建
我皇莽蜂桃蠱猶飛翔錢生孤憤獨激烈抗疏

錢直

詩集卷之三

不星館

昔請誅茲璫其時塞敵不得徹叩關破額皆流血
生古果用闕果誅吾皇神聖真勇決建祠頌德
尚清班錢生獨放歸空山神武誅賞莫可測諒有
真意存其間絳灌多方室賈誼漢文默自行其計
一日四輩促馬周安得風雲遭此際子房貌非魁
梧人錢生意度亦恂恂奮椎孺子跪納履向人不
川談經綸錢生錢生如要褻蹠蹠驍騰必四表卽
今鸚鵡尚未分安得陰弓射惡鳥鴛鴦湖上波浪

平鼓榼載酒還吹笙笑看飽啄桑椹輩亦自啁啾
竊歎鳴

繼川圖歌 有序

天保之詩曰如川之方至夫至而復有以
繼之此其至不竭而與天同運也今我繼
川陸太翁老先生樹德如滋上善若水鯢
桓定久壺子之淵九名神灋浴來天齊之
泉五色文成雖渙見筆底仙源鑒別淵澠

錢直

詩集卷之三

不星館

號人中水鏡而況族雄江左家在松陵以
卑弱爲都居品愈高乎穹窿縹緲以鴻蒙
爲景柱胸常吞乎震澤具區其出弗窮
施弗匱中台公祖文江學海道稱百谷之
王化雨仁風職兼四時之吏甘騰疎勒清
徹任棠用萃閩海歡心迴作吳門養志源
流並潔潤萬物以無私川瀆效靈壽千齡
而未艾夫出泉之蒙君子以浴德也翁則

清明在躬存至之坎以習教也翁則以燕

翼子然則鴻號既符于周雅懿行復協乎

易爰祝翁誦翁莫大于是小子夔蒙澤門

璫寄情山水敢繪圖矢咏而進之其詞曰

五湖之水推震澤蓄洩元氣無潮汐烟雨蒼茫混
太虛風濤喧阗走霹靂瀉入吳江江水清川源時
至萬壑明鷺羽鷺翎文采集龍涎龍燭光華生繼
川先生心似水宛在五湖水中吐書探禹穴受靈

雲直

詩集卷之三

不居官

威道接商山同角里襟期浩曠川上游川光澹灩
極天浮長生不用河車訣但看諸川繼續流川流
看盡幾年載山色青青長不改更餘膝下蛟龍飛
能作甘霖遍閩海閩海東迴析木津沃焦萬里役
波臣河源噓吸崑崙頂復衍湖山蕩漾春湖山春
色相雄長但說洞庭天地壯我剪吳松水半江筆
端恍惚生烟浪洪波繼繼自君川不數仇池小有
天上爲河漢下膏澤脉流灌溉猶涓涓水華郭璞

江海賦性靈各協滄洲趣開尊長閱川至圖鼓瑟
應歌天保句

杉陽題松石圖寄臨川令張受先

古聞鉛松與怪石木孕江珠石胎璧千年飛節餌
神靈五色補天走霹靂雄姿清氣美森森寫入素
絲生緯繡便貌張侯光嶽身風霜既飽出骨格上
棲鸞鳳鳴文章下蟠蛟龍起膏澤臨川石廩閑多
時靈谷康于化幾夕摩烟欲構咀啖宮捧日更傳

葉草

詩集卷之三

木犀館

宛委冊張侯張侯經濟才昆吾刀乾赤董液蒼柯
出腹夢中青雲母爲糧煮來白別君三載莫嗔
獨有指端木石癖東南之美珣玕琪暇日如
公暇

杉陽寄李明六

憶昔雄心何矯矯誦讀之外惟登眺龍宮海汶一
宵行武夷九曲七日了夏浴石鼓瀑湍中冒暑絕
頂闢飛躋韓子烏石結榕菴寒更拍案驚宿鳥腸

但臨津與睡摩背相炙坐到應童稚交遊四十
年惟爾胸懷日月皎辨論至罵亦清和遭逢雖蹶
無憂情定心鍊骨已有年聘時躡景如要裏方今
國步況多艱夙昔相期原不小門前濂水碧如環
高蓋春風吹翠篠家有大阮字汝章靜對書卷窮
幽渺豈知時世有聲名但與神聖爲魄兆同后孝
友先業存二李真我之師表幾年離索東西馳相
思日多相見少何爲隔歲和君詩白雪調高美難

真章

詩集卷之三
十五

不虛館

紹此間巖壑意外奇獨美清暉凌縹緲

杉陽寄韓晉之

韓氏哲人世多奇昔有退之今晉之身負古誼此
三代手握元氣布四時作文常欲傲神鬼立意不
肯妄友師石鼓靜坐穴虎豹龍城曠涉鞭蛟螭三
十年間憂患共二李之外惟之變胸中經術如淵
海何人不以梁棟期天子好文過漢武決科射策
名非遜韓子重句如九鼎連歲贈我胸懷詩驗音

諱出混沌咒籀篆畫成岫嶸碑經年諷視真氣
一讀再讀那得知海中鯨鯢苦不靖犯順更有東
西夷夜呼黃石問三畧恨隔子語心傷悲入春五
日丹霞寺叢篁滿地珣玕琪憶子榕菴坐臥處櫻
桃應放珊瑚枝溪邊石礪報恩劍山魅水罔咸驚
疑壯心夙昔本如此毋使文士爲人嗤

賦得池上于今有鳳毛贈蔡伯宗

傳聞東方君子國有鳥九苞具五色汝南象緯天

真章

詩集卷之三
十六

不虛館

樞間蔡氏一門多羽翼中山夫子御鎮星曾佐

先皇揆紫庭鳳毛再占池上句伯宗名過趙宗蔡
潁川昔集旣欺嫚漳河近鳴同虛幻離珠不出
虧逃寥琳琅玕安可辨美君紫水浮弋山五膏丹
穴流潺潺來爲賀世天中翻去懌崑昌池上顏閭
南亦有嚶鳴鳥止君文園集君沼三年一會重離
峭又復圖南絕夭矯寄言大鳳多羽儀岐陽千載
今一時伶倫欲寫阮脩管召伯重賡卷阿詩鳳兮

鳳兮邈難匹子兮子兮美毛質天子多君太史書
贈以麒麟酬綵筆

文湛持先生初度歌

皇春二月桃始華閭闔城中錦作霞鬢髮如雨爛
仙葩併在文昌太史家紫微列曜排天衙太史生
身籠絳紗德如美玉淨無瑕筆截妖魅過模鐫入
海捧日扶桑涯上天御帝元氣車穹窿縹緲鬱谿
衍太湖涵映河漢斜六銖仙子瓜可爬麟脯行酒
雲直

詩集卷之三

不虛管

香風賒雲璫迭奏聲不譁藏身北斗應非遐鳳凰
傳語音孔嘉庶官昨日裂黃麻蛟龍前導爭攀拏
未許山中侶屬屨膝下天馬來渥洼初騁逸足騰
五花韋玄祖德述咨嗟父子繼相芬齒牙豈及召
公天壽耆周公作誥祠匪誇公之精誠蔑以加齊
天七政使不差大地萬物噓萌芽何事一身餌丹
砂猗歟何事一身餌丹砂

題松石圖贈樊澹叟寅兄

種石欲成林種松欲參天珣玕抱骨發素醖江珠
珥節生紫煙樊君徵予寫松腕先以篆隸作枝幹
倏忽五粒在練光龍麟鳳羽蒼凌亂亭亭獨似丈
夫心霜雪飽吐海潮音移來雲根助氣勢正視如
立咀嵒陰射于奇木不盈尺天上白榆栽月魄與
爾煮石食松脂九轉還丹惟一晝

題仙山膏雨圖壽閩邑侯張恭錫父母

九仙山色飛甘雨遍地菁蔥仰天乳張侯之德同

藝直

詩集卷之三

木犀館

召公黍苗南國重歌舞胸中日月手風雷吏行冰
上人春臺文章造士如雨化四方指正同河魁
車六氣馭九野蒼龍司令載塗灑公今龍見方在
田旣雨一方雨天下青陽之月長生年含膏共薰
海中天絳霄金簡鸞卿至調盡雲璫燥濕絃

題太姥卿雲圖壽樊紫葢公祖

海上神奇太姥山仙掌突兀撐天關卿雲燦爛旦
復旦蛟龍鸞鳳爭躋攀西陵仙子人中傑鶴馭衡

廬擁幢節能以元氣生民身不啻玄霜與絳雪三
台衡軸護文昌五雲華蓋相輝煌堯時八伯曾虞
和今日重見垂鏗鏘卿雲飛兮海水立霍童樂奏
群仙集公爲斗極天中身咳唾烟雲成五粒

贈文修社兄歸三山讀書 有序

帝城宮闕嵯峨燕山環疊其餘列剎金碧
耀日連雲如報國寺中諸松皆高不踰丈
而蟠鬱迴翔蛟騰鸞舞殿前雙株尤極異

孟直

詩集卷之三

木屋館

態毘盧閣所供變窰大士勝相殊絕及鷲
峰寺旃檀世尊像造出目連飛上天宮蒙
佛受記傳震旦今已二千八百年皆不可
思議聞修薄遊京師度硯潞河躡屐西山
京都之賦旣成海嶽之風逾峻文章經濟
攝歸性宗轉盼觀國賓王則斯遊信其首
路清機也仲夏初旬將南還讀書故廬握
手言別因與並探玄宮瞻禮勝相婆娑松

下爲寫雙株俾挾帝京風雲蒼翠之色豫
符異日許玉史實同斯遊各抒韻贈憶自
結髮受書誓心證性驅馳王路先後不齊
期于無變塞焉耳歸見李明六韓晉之交
發新得昔之石鼓龍塘武夷夢寐非遙日
月逾邁勉之哉聞修其有大揚摧乎爲存
筆墨小技不昧山川性情後之覽者庶知
吾輩用心云爾

孟直

詩集卷之三

木屋館

燥髮枯髯並柔翰清文皇猷相炳煥中以玄宗破
崖岸豁然惟餘心與腕探奇慕古不可斷仙槎直
欲窮河漢鉤陳帝座青玉案慶雲爛爛旦復旦燕
山蜿蜒亘天半壯哉雄圖百王冠宮闕崔嵬景瑞
璨毫光增影相凌亂鉛松霹靂蛟龍竄火像旂像
等空觀殊特世人耳目換慧心合掌同一讚莊生
遠遊亦不憚能使盧敖坐長嘆歸兮息念瑩平館
扶桑旭波供濯盥松姿佛相五指按海印發光從

頂灌不信是事謂詆漫何如靜對施帷幔收拾皇
都一掬玩他日乘風無泮渙

介叔季兄六十初度歌

吾家世世事敦睦松栢芝蘭各馨馥少小私相學
父吟架上有書任抽讀慈闈壽過九十秋兄今花
甲方一週萊衣六人堪共舞弟獨何爲尚遠遊宅
旁最愛水中閣兄與仲兄善疏鑿奇木清輝映遠
空海山風月來笙鶴姬公昔作鴟鵂詩艱苦應同

燕直

詩集卷之三

入年信

葦籥吹驛弓近授譏邪手仲季兩心獨不移深恨
便得長生意有見須教成德類筆酣果飽縱百篇
酒熟客來撩一醉醉中之樂比神仙高談爭局
壯年近聞鯨波頗已靖吾將歸來味海鮮荔枝
眼期已過橘柚柑梨香滿座菊高如杖黃最尊恣
挿髮邊同入賀故鄉九月尚不寒霜風憂竹鳴琅
玕覽揆當此最愜意舊習琴箏隨意彈弟年五十
精已邁僅有文機倍瀟灑山川奇氣盪人心興到

時時作書圖心閒不受寵辱驚嚙臍已盡食菊英
弟兄年年相對老何用千秋萬歲名

桑草

詩集卷之三

入年信

秦草卷之四目錄

五言律詩

同諸子謁董老師夜泊梅嶼分賦

題武夷萬年宮

武夷鼓子峰贈黎棲雲隱士

謝李明六爲先君作詩序

贈別陳磐生之畱都

郭復之自灣谷移篋至孟溪共讀志喜用韻

秦草

卷四目錄

水尾館

舊遊龍潭之勝

中秋同鄭君祥王子功家昆季集漚亭翫月

四首

述哀詩三十首

度仙霞嶺

沛中

送馬還初宰烏程

送林道燕之澄海

送陳振狂携令子入京

挽毛仰泰公祖

六月十二夜江行

獨坐

邵肇復薰亭六首

夏日同倪柯古林懋禮陳昌基集徐興公綠

玉齋

病懷四首

秦草

卷四目錄

水尾館

茗中韓聖開入閩寓鄧江以書西見及致相

慕之意病中走筆

重過江郎石

重度仙霞嶺

重過嚴灘

臘月朔同陳仲謀王弼宸林子先遊飛來峰

靈隱寺三天竺聽僧性如談圓澤公遺事

樵川贈龔而雅

都門別張天如歸婁江

下第同韓衍之咏林守易瓶中紅白芍藥

肥城道中登牛山望京嶽八十里

武夷僧寶壽寄茶至

寄武夷道士周爾因

春日同王忠履晏季復樊澹叟寅兄陪陳懷

我郡伯遊虎丘八首

贈子詹姪二首

書

卷四目錄

棄草卷之四

五言律詩

同諸子謁董老師夜泊梅嶼分賦

喧厓何處水云是孟溪濱一葉春眠客雙峰寒照人
龍門勞夢寐海氣發精神此夕千秋語明朝席上陳

題武夷萬年宮

此地神仙勝諸天釋梵中武夷九曲水冲祐萬年

棄宜

詩集卷之四

本處官

宮雲物誰爲主花源到處通歌成山俱響相顧欲乘風

武夷鼓子峰贈黎栖雲隱士

鼓子栖雲宅人知姓字稀桃花如解語菰米可療

饑水石遺禪笠

溪有禪笠石

松蘿挂羽衣他年笙鶴夢

猶欲傍君飛

謝李明六爲先君作詩序

先人晚得子詩思妙堪論臘月梅花塢春風薜荔

園珪璋能特達
桃李欲無言
展卷遺孤泣
仍近鄰
匠門

贈別陳磐生之留都

知心予恨晚
策足爾能先
草長朱明月
花飛白下
烟襟期千里
近文藻六朝
鮮屈指彈冠
日秋風聽
隔年

郭復之自灣谷移篋至孟溪共讀志喜因憶
舊遊龍潭之勝

雲直

詩集卷之四

入屋館

嘉德公灣谷憐吾寓孟溪未堪分子勝更枉就子
栖百洞春陰合雙峰夕照低相看能不厭風雨漫
樓西

海中無俗處谷裏更多奇異境因君闢神龍鬪得
之到難稀鳥跡險絕困人詩坐斷松杉長誇經筍
蕨時

中秋同鄭君祥王子功家昆季集漚亭翫月
四首

亭園春宴後海外漫忘機客爲中秋集吾經半載
違天低梧葉晚月上水光微深酌頻爲主何言露
濕衣

秋入悲歌興浮生覺太艱如何今夜靜尚得幾人
閒爽氣生虛沼清華吐遠山莫愁青鬢改賴此照
酡顏

遠漢聞歸鴈清波見隱鱗賞心家季竝交味舊遊
親但飲無餘事如吾有幾人他時勤夢寐風景可

雲直

詩集卷之四

太屋館

能頻
幽期塵世外涼思碧雲端況以中秋月同爲永夜
看隙籬扶影直平沼漾空寬簾管何村樂釣天落
廣寒

述哀詩二十首

先府君之變陳振狂諸公哀輓變更唱莫
荅卒哭之暇稍理章句爲詩二十首聊以
代哭又先人雅好五言冀動冥聽云爾

暮春之晦日天地忽崩移斯變今當我爲歡更是誰眼枯苦次血腸割經邊肌欲檢生平事悠悠不可思

蜀邸生兒日三旬費撫摩功名猶坎壈生計復蹉跎遺令遵棠棣懷恩廢蓼莪我臯魚如可學真覺此生多

氣數一朝盡彭咸不可延六男身莫贖二母命相連欲見知何日重逢意別天榆陰又改火回首淚

雲直

詩集卷之四

本屋館

潛然

遶膝皆成夢萊衣忍易麻阿孫思覓粟諸子泣耘瓜几上收殘局江頭罷釣艇愁雲三徑夕雨血散爲花

束髮早登壇頭青已挂冠神機擒劇盜節俠救同官朋黨相隨盡兒孫取次看英風如不散時逼劍芒寒

一官雖祿養王事儘驅馳荒政存通口祥刑肉死

屍膚功歸往日良史漏今時蜀老如聞訃應刊墮淚碑

世代多銅墨分榮主澤深族揮舉火淚家痛飲冰心退筆堆爲塚遺藁變作林乾坤仍有盡此恨未銷沉

每向鷄鳴候追尋罄歎無精神應蜀道魂魄半吳郢芟薦非常嗜尊陳少舊徒天門不可叩淚雨漫爲零

雲直

詩集卷之四

本屋館

興致老猶健音容忽杳茫熱腸因局冷閒日爲詩忙交絕多真率官卑少顏顏古心如不死日月可爭光

傷心因底事畏路實崎嶇爲護千年隴幾捐七尺軀報仇勞義士雪恥乏諸孤灑淚看長劍山頭欲採茶

幾回看物色慘淡倍欷歔馬帳生徒薄龍門子弟疎是非還世界興廢問吾廬五柳先生後家傳有

父書

勤儉因成性心恬跡未休
舒眉資帝力餬口累孫謀
戚里分甘日田家作苦秋
他年逢社臘能不一神遊

生平無械事心迹坦然明
父子相師友農傭若弟兄
草蔬欣飯客野服憚居城
所以粉榆社猶懷畏壘情

少弟閒相對無言淚若絲
敢希邱子宅甘作景升

棄車

詩集卷之四

不屋館

兒鳥鳥哺何及鵲鴒歸未遲
茫茫身後事盡付眼前悲

長兄差半百末弟始成童
五嶽期將近雙林信忽通
生平多混俗臨化頓談空
緇素悠悠者誰能及

我翁

宅近天寧寺寄懷非偶然
人倫無缺少佛法有因緣
舊社營新刹初心入暮年
鄉人曾見夢已得宰官禪

憶昔傳經暇每于聲律研
苦吟恒達旦高論漫忘年
理劇心如水揮毫致似禪
披看不忍竟濕淚透遺篇

不謂今生父翻成夢裡人
風流今絕響几樹久生塵
魄照峨眉月魂消鍾阜春
松聲疑白雪日暮泣詩神

賤子昔踈狂高堂鬢尚蒼
未經何怙苦寧覺昨非長
南圃餘松菊東阜自稻粱
門庭已無主鴉鵲爲

棄車

詩集卷之一

不屋館

誰翔

藤山拚舊宅蘭谷兆新塋
元白共千古龔黃對九京
兒曹思啟後父志欲埋名
臨滅翛然往藏舟諒不驚

度仙霞嶺

路自殘唐闢關當百粵
雄人行脩竹上山落亂雲
中雨氣分閩海溪聲向浙
東不知西北堠天陰若爲同

沛中

沛縣連徐土三春策蹇過沙邊
新草木馬上舊山河
社已從榆改村仍得柳多誰堪當猛士更聽大風歌

送馬還初宰烏程

清才宜上理展足便空群
纔共都門月旋瞻雪水雲
玉浮當案出花發滿湖芬
何日絃歌室重書白練裙

妻直

詩集卷之四

不屋管

送林道燕之澄海

文社盟應久橫經興亦長
清來五子樹到憶六花香
海共隨潮月山多隔嶺霜
無辭首荷吟兆已在鱣堂

送陳振狂携令子入京

名德老詞林交因兩世深
雪途行傲骨天路入文心
喜得龍隨滕何殊鶴在陰
更憐垂白日方始碎胡琴

挽毛仰泰公祖

東魯看全璧關西憶却金
一門狂狷骨千載死生心
長夜松楸冷悲風蔽芾深
無情天亦老徒作楚些音

六月十二夜江行

時有采星長竟天自南度北

獨泛孤舟月荔香夾岸如聞從今日得涼
向此宵多流火穿帆落驚湍拂枕過何因
江海靜榜柁追聞歌

妻直

詩集卷之四

不屋管

獨坐

暫息諸塵念閒觀獨坐心
幸當初月夕又得老槐陰
露自無言覺更從不寐深
空庭聞蟋蟀淒切爲誰音

邵肇復薰亭六首

靜心與逸手疏鑿亦寬然
能使芳菲地翻成清冷淵
一泓涵日月四牖吐雲烟
不盡清漪趣圖書尚有船

面勢南多豁乘薰屹此亭虛能增室白曠可接山
青樹影攤書潤荷香破酒醒芳鄰余獨週日日往
來經

曲作迴環檻幽成宛轉橋籠禽辨賓主柵鶴欲雲
霄暑坐宜清晝閒吟可徹宵仙臺在予目乘興便
吹簫

近宅園爲貴居城水最奇河潮穿隙入霖雨感時
施怪氣蛟龍得清心草木知應同江海意不數習

葉直

詩集卷之四

不屋信

家池

傑閣摩山額孤亭控水心何人堪日夕群物共高
深機息偏垂釣薰來獨鼓琴翻思經世者才可辨
山林

有樹疎光亞無風倒景齊侍書多玉頰問字得金
篋已種花成砌還栽柳作堤空中任野馬不用辟
塵犀

夏日同倪柯古林懋禮陳昌基集徐興公綠

玉齋

酒熟憑人酌書多恣客開山中半禪者海內老詩
才脩竹先人種名花稚子栽鄰居吾幸世青共九
仙臺

病懷四首

謀生苦不早未老轉栖皇仙亦畏寒骨人誰愛熱
腸穿窗鵲共食齧被鼠同床大患身爲本何須問
藥方

葉直

詩集卷之四

不屋信

已識出門苦瞥然成走趨何嘗爲物誘強半是候
驅觀市風謠變行田雨澤枯方思滑稽者銳欲殺
侏儒

中年忽喪室惻惻四男兒最少依從母諸癡付石
師舊在善飯僕新畜浣衣婢交謫終無計蓬頭但
咏詩

嬾厭交遊廣貧知債主尊四郊農事曠一室父書
存已少逢人訣偏多忤俗言喜聞舊衲子招我入

雲門

若中韓聖開入閩寓鄞江以書画見及致相
慕之意病中走筆謝之

一枕遊仙夢鄞江到客星風雲來玉筍日月照金
庭便欲追三代何渠論一經開緘破愁疾如過草
玄亭

重過江郎石

歲歲疲登陟徘徊此路旁石窺人面慣天聳客愁

雲直

詩集卷之四

不虛館

揮金貧見及懷璧過猶艱靜對心如水平長行腕有
山居將鷄共語飛與鶴同還余亦相如倦焚書獨
閉關

都門別張天如歸婁江

乾坤有至寶長穴子心胸剔怪甘天怒驅騎策鬼
慵名非關入洛道已契登龍別去洞庭上思君縹
緲峰

下第同韓衡之永林守易瓶中紅白芍藥

不與看花會真成抱蔓啼未堪和寶鼎且自挿金
閨映水紅粧墮凌霞素質迷今朝香氣滿不用壁
椒泥

肥城道中登牛山望東嶽八十里

峻坂曉驅車寒空萬木疎堪揮駟馬淚重過爽鳩
墟邑有流泉始山多拱嶽餘聖朝不封禪安用茂
陵書

武夷僧寶舟寄茶至

雲直

詩集卷之四

不虛館

塵心淹歲月今復滯杉陽僧入松風夢茶先穀雨
嘗開函如見面對食每清腸爲問毗耶况新成有
竹房

寄武夷道士周爾因

今日還丹訣山中獨爾因異書唯柱史同姓卽天
親歲逐栽松老風從惠茗新何時謝塵鞅長作幔
亭人

春日同王思履晏季復樊澹叟寅兄陪陳懷

我郡伯遊虎丘八首

經行龍象慣不厭復重遊春雨隨熊賦名山讓虎
丘丹飛餘井冷劍去獨池幽欲盡東南勝還登望
海樓

鬪草多遊女簪花遍野童歡傳太守宴共入梵王
宮琴淨臺常月鈴高增自風陽春生氣色文藻與
冲融

入海三江迥馮空萬戶低寺開王氏宅塘引白公

雲直

詩集卷之四

不居官

提瘦影澗邊鶴嚶聲樹上鵬戒珠存老衲千頃任
雲迷

端暇應懷古天風海上來闔閭偏霸業清遠思仙
才宴坐千人石閒登五聖臺香山行樂後今接孟
公杯

咫尺天門近名都有崛閣仙畱方外藥僧供雨前
茶堆似分金粟巖猶秀鐵花漫拈玄勝地何處淨
名家

被襖修春服乘流到

雲清客座花雨積僧

房林作旃檀氣山藏舍利光還看歌舞地芊蕩滿
金間

奇峻山惟骨清光樹若空峯原傳海湧日可語天
中傑構層層衛深潭處處通西來多爽致新霽夕
陽紅

寶刹龍應護神丘虎尚眠宗風存悟石法味滴憨
泉頂上榮丹木池中種白蓮摩崖題咏遍一笑宰

雲直

詩集卷之四

不居官

官禪

贈子詹姪二首

少年持彩筆文已繼家學易天心見參禪慧業
通反身惟孝友刻骨是英雄更喜如愚色青蓮出
火中

蕭寺躬厨浣辛勤衆所稱療饑但蔬食映讀卽禪
燈濟險予多蹶知難子必興平生愛神駿門內得
驍騰

卷終

以上原缺

都門送葉臺山少師還閩二首

武林聞子羨姪入泮志喜

初度日華林寺感懷

伯兄邦甫初度與夔連日承命賦詩四章爲

壽

過釣臺二首

五日呈胡厚菴先生四首

送鄭孟諸老師令臨賀

集徐興公綠玉齋分得初字

別山僧西禪開堂

贈西洋艾思及

奉和葉少師遊蓮花峰胭脂山觀閩王墳詩

二首

和葉少師重過閩王墳再用前韻二首

送董庸德官畱都

爲單光裔題龍跳溪隱

贈汀州太守沈太時兼懷令壻韓聖開

送孫東曙憲長擢同卿

別范山人歸豐城

寄曾商雲宗伯

初度日讀會長修岷吟有感因寄輓其年母

陳恭人

北行別母

口號示諸子

國關別兄弟

暫別二侍兒

贈別縣佐羅結璘二首

石倉園留別曹能始先生

同林子先登江郎三片石二首

元日沐陽道中同林子先陳仲謀王弼承

贈張石叟儀部

孟夏三日同陳匪莪觀妓白瑤華鼓琴西園

郭無虞年兄招同鄭都甫朱靜之鄭又成集

妓馮鳳宅分賦二首

哭趙英六年兄

陳克理招遊高粱橋并贈別

四月二十四日就試皇極門

謝姚園客見贈所著露書

送劉霞城出宰海陽

贈別唐宜之

素書

卷五目錄

木犀館

贈廖極甫孝廉

齊河道中望東嶽

元夕後京兆陳太始先生宅社集觀放烟火

分得支韻

元夕黃三卿宅社集觀劇分得江字

昭武謁李忠定祠

寄董見龍師二首

寄陳仲謀年兄

寄曾傲炫侍御

寄洪汝如

寄郭復之

題王克章畫蘆雁

題閩學博葉觀海詩卷

訪蕭伯房兼送構李

贈李聚仲

同陳廷信及渤潛二兄登鑑峰山用前限韻

素直

卷五目錄

木犀館

四首

人日鄭用精林啓瑞盧坤復集木犀館

携渤兒過飲孫搢亭先生齋

王皐如枉顧贈詩奉和

寄吳德聚并追和前寄長安之作

懷倪柯古

懷孫鳳林先生并和見贈

懷林異卿

徐興公新刻鰲峰集遠承見寄披讀有懷并

壽其六十初度

懷林懋禮兼致董姬像贊挽詩二首

爲懋禮悼亡姬四首

送曹能始先生復起粵西觀察

哭曹子興孝廉

寄崇安翁道甫

寄清流鄒有年孝廉

雲直

卷五目錄

八是信

寄清流裴聖之孝廉

困溪贈鄒已運佐

送福寧州守秦儼海父母晉工部

壽何牛莪文宗

寄崇仁令崔徵仲

過順昌生母故居并感先人舊鐸地呈吳鳳

言母舅

寄蔡中山先生

送王秋屏歸盱江

荅千乘毛周甫寄詩兼訂入都

毛周甫自都門歸千乘

讀鄒爾敘年兄荔咏梅吟

送王弼宸孝廉還閩

送閔齊瞻孝廉之臨晉

寄洪載之孝廉

次交河過孟綱宜留飲

雲直

卷五目錄

八是信

懷黃石寨寄江用亨兄弟

題丹霞寺寄江氏兄弟及杉陽諸友

寄曾復生

哭李明六

曹能始觀察書至訂復藤山天寧寺

登第後徐興公以書見慰

舟次天津懷林懋禮

寄陳洪仲葵若

題范長白天平山庄并贈公子龍仙二首

壽夏茂卿孝廉先生四首

辛未臘月萬壽節集史念翁凝清堂

許玉史年兄初度

史念冲生祠成志喜

端陽和郡伯陳懷我喜雨

寄邦甫伯兄

寄玄仗仲兄

妻直

卷五目錄

木犀館

寄納甫弟

寄儀甫弟

哭徐碩菴

趙浴菴年兄令海陵以水災爲民請命左遷

閩臬幕假歸禺山賦贈

題徐興公宛羽樓

徐在菴明府過訪

贈張群玉年兄

次困溪別駕鄭禹門公祖招夜話

妻直

卷五目錄

木犀館

素草卷之五

七言律

立春雨同韓衡之晉之集李明六齋頭

龍門此日共銜杯詩思清過雪後梅入眼春生先
着雨驚心臘盡忽聞雷烏山劍氣經年合芝寺鐘
聲薄暮催勝事不堪長歷落片雲飛繞越王臺

題天遊觀

天遊高觀壁亭亭俯瞰溪烟接混冥春雪映天來

素草

詩集卷之五

不尾信

白塔

山名是
日有雪

曉雲扶日麗蒼屏

六曲蒼
屏山

藥珠火後

三山秀

觀火
重建

削玉空中九曲青

觀中可望
三十六峯

欲就此

間張帝樂道人猶作鉄龍聽

舊有鉄
笛仙

同李明六登接筍峰

携將鶴骨鬪輕便欲輟颺輪謁上玄樹杪靈梯垂
碧落苔間石繡汲青天雲芽湧出千尋筍香水飛
來一葉蓮最是慢亭消息無如此地學金仙

秋日入鶴山收園夫琴書有感

琴卷依然似舊時不須聞笛已興悲半生交誼今
何在千古文心更復誰祕帳幸存家有女廣陵寥
絕世無師最憐白鶴山長在化鶴人歸不可期

哭陳玉華道兄五首

紵衣縞帶昔分留憶在華林古寺遊不謂交歡無
十載頓令一別遂千秋小山叢桂空招隱淨土蓮
花慰夙修從此柴門春寂寂更誰開徑過羊求

多君異骨復清緣貝葉經文手一篇竟日高齋

素草

詩集卷之五

不尾信

客坐半生蕭寺伴僧眠越山花雨銷春雪大夢松

風落晚烟最是疎鐘明月夜傷心幾度倍淒然

風塵落落似君稀共厭襄陽老布衣半偈幸存龍

象跡一經雙得鳳毛飛不堪問疾維摩詰誰識還

家丁令威湖海縱餘豪氣在可將噴喜作禪機

蕭蕭遺像一燈寒琴在人亡不忍彈訣別有車遲

范叔借仇無劍許來丹空聞綠艾盈腰佩猶想青

龍上雲端俠骨幾年銷慧業舊遊猶作浪沙看

曉來桑戶已還真而我猶然戀俗塵曾繫玉華山
上簾今隨金粟定中身宅存北郭杉陰舊社結東
林蓮葉新何日得拚諸漏盡共來樂界作歸人

賀蘭關

在真定入
河南界

縱橫萬里一高丘南北巍然扼勝遊大漠烟連河
朔氣平蕪青湧越城秋草間壁壘關門古樹裏鈴
鐘殿閣幽西望太行看不盡尚餘襟帶入中州

上延平周賡俞司理二首

五言

詩集卷之五

不尾館

自從文字想登壇麟鳳中天一見難劍水可能清
几案梅山新復聚衣冠朝飛墨氣雲生榻夜聽
聲月滿灘不是郡齋無一事何繇隨地植幽蘭
三上龍津此滯淫孤城落日九峰陰中宮忽見傳
哀詔遼左猶然絕好音秋到登臨增色悵時危撫
字識恩深藥籠倘依非骨爲取潭中一劍心

送翁宗伯還朝

三台光采邇辰居六氣維絃導帝車綵袖久依青

玉鳥錦袍新佩紫金魚羹梅欲和仙人鼎汗竹
傳太史書門下可堪承吐握清風穆謫待鳴珰

贈柴式穀孝廉侍尊甫文伯先生歸武林

清名佳句滿人間夢寐西湖綠柳灣纔挾江濤過
海嶠又携梅月上吳山囊中星斗歸龍劍衣裏風
雲護綵斑他日登堂春酒熟期君霄漢共躋攀

同諸子陪董師泛海夜渡荻蘆門

傳聞投荻自秦朝鑿井龍山王氣銷地接蒼茫分

五言

詩集卷之五

本犀館

海勢舟迴島嶼浸星宵漁燈點點初乘月四角聲
聲半雜潮相對一腔俱熱血誰堪鞭石灑長橋

謝董師爲先君作詩序二首

洛陽紙價已成灰又見三都得序回學自馬融門
下授詩從韋孟手中裁採風誰分非周史歌雪應
題是楚才自古文人重知已猶餘擁鼻夢思來
騷雅精靈應未衰全憑綵筆一風馳孔銘回憶堪
餉口匡鼎重來更解頤海內未辜雙眼在生前如

見寸心知空慙子駿傳家學不遇玄亭執問奇

謝董師爲生母作墓銘二首

曾承范母許登龍遂荷碑銘出蔡邕爭得一言噓
朽骨故教片石壽孤峰蟲旋石墨靈芝潤鳳吐泥
書寶笈封地下若猶論女史班姬應載筆相從
雕成錦石重瓊琚榻就千金一字餘芳魄咏吟應
唳鶴山靈擁護不通魚軒宮會降鸞輪節防墓終
藏紱角書任是滄桑精彩在猶堪日月與同居

素草

詩集卷之五

不屋館

和南中丞奏捷卽事四首

龍驤截海統群雄太白星臨若木東鉦鐸丁寧諸
島震牙璋英蕩百靈通渡瀘賢相能辭瘁在泮明
侯早獻功太武山頭京觀地太武山乃
漳海名鎮月移潮影
上艤艚

織文旂兆美央央黑水鱗鬚遁遠方八陣軸衡施
巨浸七星刁斗拱危檣神謀還助人謀順水戰猶
爭火戰長雨洗甲兵沙雪白鉄幢下有綠沉槍

金縢歲歲獨匈奴何處毛人更有徒市舶坐茲今

日始柵城潛造昔時無河山帶礪還天險將相調
和若帝俞赤髮鬼章龍固象可堪王會漫爲圖
時艱鋒鏑豈容銷干羽猶勤格有苗船出昆明疑
漢苑石驅瀛海似秦朝鮫人去國惟寶布虎士還
家盡錦標一路皇威棠港舊好風仍送鄭弘樵

閩門聞子雨姪計

風餐雪虐滯姑蘇凶問傳來事有無安望韓湘收

素草

詩集卷之五

不屋館

老骨翻增阮籍哭窮途招魂暫借生公石入夢應
逢范蠡湖半百弟兄憐玉樹一枝尚慰董茶膳

都門送葉臺山少師還閩二首

乘時復政喜雍容劍履星辰出九重兩度飛鳴身
是鳳一爻潛見道如龍清緣裴相歸黃蘗仙骨留
侯訪赤松天壽優游山水日西楊猶自遜奇蹤
御雲幔爛繞蓬萊獨向平津閣道迴閩海一身仍
九鼎福廬片地自三台尚陳伊訓風懲戒未老周

官制作才珍重主恩容易報頻聞天語囑重來

武林聞子羨姪入泮志喜

歸到西湖雪後天兒曹獨汝好音傳才華正喜探
驪日頭角方誇舞象年身是安東諸子後名應冀
北一群先仲容本自青雲器阮籍疎狂祇自憐

初度日華林寺感懷

十六年前此結盟祇今重到似前生身貧尚受僧
差遣才盡猶遭鬼妬驚松葉拂幡風動影竹枝淋
霖

雲直

詩集卷之五

六尾館

慢雨敲聲眼中一片清涼地何用驅車出化城

伯兄邦甫初度與夔連日承命賦詩四章爲
壽

憶昔西川始誕彌鵲鴿早已拯艱危幸蒙藥餌存
黃口粗有文章奉白眉棣萼枝連初度日池塘草
長夢吟時風波歷盡猶強健第五終輪驃騎奇
去年此日滯征鞍遙想家庭骨肉歡大道正堪中
歲學清貧只許閉門安長承慈母披萊綵頻見諸

孫理碎盤莫慮延年無勝訣仙人爲剖巨麟丹

七策雄心久已灰人間猶自數多才隨身竿木尋
常戲繫肘圖經次第開海送濤聲過馬峽山分樹
色上龍臺相看鐻白猶差未饒得茶鐺與酒杯
園垂荔子水抽荷細雨微風晝氣和夾被改單招
弟宿清詩度曲教兒歌舊存老友青門少新結禪
僧白社多從此百年昆季在願聞邊海息干戈

過釣臺二首

奇亭

詩集卷之五

木尾館

雙臺突兀俯平林千古經綸一釣深危石尚疑高
士骨浮雲不繫故人心恥從耿鄧收殘局甘與巢
由結好音何處青山堪作主江頭秋色浸沉吟
冥鴻已上碧雲端人世何須問羽翰誰信一絲維
漢鼎空餘片石屬嚴灘風生富水秋烟淡雨過桐
江暮日寒便欲逃名逃不得恐移形影客星看

五日呈胡厚菴先生四首

依依結夏在莆中盡日高談四座雄海氣入山常

作雨蒸陰匝地自生風城頭俄鳳鳴官好榻裡縣
魚對客窮獨有病懷消不得榴花閒映五絲紅
經旬風雨度端陽乍入新晴衆木芳病得主人爲
骨肉交因國士見肝腸榴花盞底驚時變萱草堂
中憶日長縱有凌雲知賦手相如游倦不成章
荷香襲襲竹離離枕罷渠書一局棋吳語初諳搜
越絕楚辭曾學弔湘纍花分仙本壺公洞酒漉清
流長者陂鵝鳩未鳴芳草綠鯉湖還許問遊期

詩集卷之五

大星館

水壺相對泛流霞服艾盈腰鬢未華前箸借籌多
及國綢繆彈鋏獨思家鶴山客至傳霜橘龍井書
來寄雨茶幸是金篦能刮眼文中長捧指南車

送鄭孟諸老師令臨賀

多年入室授奇文民社于今喜早分邑甸蒼梧虞
帝服心澄灘水漢神君筆花尚夢藤山月帶草行
披桂嶺雲異績不須覓烏瑞家聲華履又重聞

集徐興公綠玉齋分得初字

斗室維摩結淨居倦遊歸自豫章初日長共坐千
竿裏年少爭推七步餘時崔殿生詩先成華蓋誌成疑宛
委興公爲崔徵仲修誌醺壇杯出勝璠璣嘉靖一時高會真
難再猶向林稍待望舒

別山僧西禪開堂

洪流二別楚天長甘露分來到海荒南國幾時梅
子熟西林此日荔枝香石頭任點隨僧話草色從
深上法堂不信嬾菴無住處火雲飛盡又秋涼

詩集卷之五

大星館

贈西洋艾思及

捧出河圖告帝期經行萬里有誰知渾天尚用唐
堯曆中國猶傳景教碑地轉東西分晝夜人非仙
佛識君師金心玉齒懸河舌滄海茫茫不了疑

奉和葉少師遊蓮花峰胭脂山觀閩王墳詩

二首

霸圖銷歇委丹丘懷古追陪上相遊精爽更疑騰
玉馬存亡非爲輦金牛魚燈久暗泉臺夜龍帳長

空海國秋地下尚誇南面樂人間徒起北邱愁

赤鳥黃鳥委芊芊尚愧錢鏐障海年五代衣冠孫
子在一門題奏寢園連雖經旦夕樵人火不改春
秋血食烟遺恨粧樓擬銅雀胭脂山下冷釵鈿

和葉少師重過閩王墳再用前韻二首

偏安未定正孤丘不及詒謀長慢遊唐甃再傳歌
旨鵲豐碑重仆泣蝸牛雲成蒼狗松楸晚風襲青
燐禾黍秋舊事不堪今竊擬鯨鯢海上可無愁

詩集

卷之五

入屋信

長林葱蘢草綿芊峰頂蓮花映歲年鬼斧幸停門
內關靈旗不見海氛連登墳有客銷閒日守塚無
人僅野烟玉冕髑髏婦幻夢含珠能復御芳鈿

送董庸德官留都

幾年南北走風塵多爲趨庭出入頻作吏無慙清
白子論交偏喜澹玄人山臨帝里埋金舊姬載仙
舟種玉新庄濟起家先漢甌海氛何計達楓宸

爲單光裔題龍跳深隱

神龍何地不飛潛獨與幽人勝事兼豹霧高從峰
頂出蒼江俯共遠天瞻海光欲作三春雨潭氣能
銷六月炎手握易爻觀變化魚蝦隊裡可無嫌

贈汀州太守沈太時兼懷令壻韓聖開

青箱世代仰孤城問字于今愧大名早得司空呼
小友新從太守講書生龍山北拱參天色汀水南
流入海聲更喜幕中佳壻在文追韓愈定交情

送孫東曙憲長擢問卿

霖雨三雷海國寧新膺簡命應房星朝陽重聽
岡鳳秋草長嘶在野馴圖獻帝期文自赤夢
月瑣猶青匡扶從此書彝鼎餘有閩南峴石銘

別范山人歸豐城

常携寶劍出豐城五嶽真形掌上明紫氣先占闕
令尹白雲遙指范長生衡廬月色看歸鶴海嶠風
光聽鸛鶯傳得一經餘玉尺他年何處訪蓬瀛

寄曾喬雲宗伯

餘苑春官十五年一時公輔執稱先鴻飛幸已能
遵陸龍躍何嫌且在淵厭說甘陵南北部惟存班
馬異同篇中興相業還君在林經無言雨露偏

初度日讀曾長修岷吟有感因寄輓其年母
陳恭人

風木餘生愧已非岷吟讀罷淚沾衣猿腸不待三
聲斷雨血能從一字飛樹背有花空夏日傷心無
草荅春暉年年此際增惆悵慈慕應同白首歸

蔡五

詩集卷之五

不屋會

北行別母

中歲徒然讀父書漫將逐隊上公車貧車急走
生機世治猶寬溫嶠裾風動垂楊趨帝里雲深修
竹憶吾廬高堂白髮差猶健遊子何堪定省疎

口號示諸子

爲念劬勞鞠子哀牽衣此日獨徘徊傷心久掩棲
鸞鏡傲骨重登買駿臺禾黍已無先世業芝蘭猶
有及時栽致身弗早應何益滿日青雲屬後來

因闕別兄弟

千時挾策未能工何事離家惜別匆鴻雁南來人
獨北關山西上水仍東三冬夢繞梅村月萬里神
馳杏苑風珍重慈闈甘旨事不愁旅食有和熊

留別二侍兒

畏說長安有狹邪蕭郎何事愛離家新辭未必同
黃綃薄命還期護絳紗醉後含愁眠夜雪衆中和
淚看春花雙雙懷取支機石預訂來年八月槎

蔡五

詩集卷之五

不屋會

贈別縣佐羅結璘

羅作家也索
千兩而去

大才分得半銅符終日哦松祗據梧帝畧素書
圯老仙壇真蹟訪麻姑自應憐我懷中璧豈合
人暗裏珠幸有三山遺愛在清風長與說冰壺
文字清緣不可刪更耽書畫性情閒命圖石鼓青
千丈携過肝江綠一灣甲乙舊傳羅隱集鳳凰新
卜謝家山分携共訂千秋意明月滄波解往還

石倉園留別曹能始先生

不憚玄亭問字勞石倉烟景足風騷交情雅自淡
心淡物望還看斗畔高五色欲分江令筆雙環初
贈呂虔刀敢云羽翮從茲健喜共仙舟有鳳毛

同林子先登江郎三片石二首

江郎化石是何年突兀躋攀望杳然神鼎已飛猶
峙足佛輪未現早齊肩携來傲骨堪爲五俯去塵
寰有幾千不用刀圭生羽翮此間咫尺大羅天

旁穿日月入奇懷劈破寒光與子偕意外削成疑

書直

詩集卷之五

不屋信

太華眼中羅立似台階形容射海驚龍伯色相同
天煉女媧他日尋真仍此地不愁梯磴有雲霓

元日沐陽道中同林子先陳仲謀王炳承

述音

新主新年寶錄昌青龍珥節自東皇寒潮隔臘來
淮海瑞雪乘春滿沐陽石溲湖連泰望迴建陵山
繞漠封長敷天共慶中興日旅食相邀柏葉觴

贈張石叟儀部

風流遺愛在西湖綠筆春官起草殊寧少錦衣薰
女史尚多綿蕞立生徒茶携陽羨婦朝淪蘭握湘
江入省趨何幸憐才同賀老逢人輒把謫仙呼

孟夏三日同陳匪我觀妓自瑤華鼓琴西蘭

勝集相將在洞房瓊漿百感破愁腸胎仙此夜聞
三疊織女何年綯七襄初月照來開黛鏡行雲飛
去繞歌梁更憐指上瀟湘意合盟薔薇奉筆牀

郭無虞年兄招同鄭都甫朱靜之鄭又成集

書直

詩集卷之五

不屋信

妓馮鳳宅分賦二首

帝城春盡又恢台文酒相招愧上才金谷園中風
氣歇玉河橋畔水聲來持盃猶着裴休衲揜帶先
驅郭隗臺閉戶著書空自老且乘暇日共銜杯
疎槐高柳陰天街翠簿朱樓坐館娃乍得風花清
耳目誰堪土木作形骸但名爲鳳人偏好縱使無
魚食亦佳多病周郎難顧曲獨聞雪調儘閒懷

哭趙英六年兄

春深雨雪尚淒淒旅襯沾危蜀坂泥修短總歸桐
鳳夢榮枯應托杜鵑啼交情幾處悲黃鳥文藻先
時著碧鷄同病同憂不同死精靈終想大川西

陳克理招遊高梁橋并贈別

玉泉清水注晴沙西直城廻睥睨斜野色過橋閒
立馬塘陰夾座靜聞蛙日烘金碧穿祇樹風動遊
絲罥柳花不有元龍湖海興幾番虛度在京華

四月二十四日就試

素直

詩集卷之五

木犀館

皇極門

公車辟召已多年詞賦誰嘘送上天謁帝再經

趨五鳳

壬戌恩
選就試

乞官初許問三鱣嵩呼喜繼句臚

後崑夢慚居版築先何似賈生明表餌九重宵

旰在安邊

謝姚園客見贈所著露書

落落風塵跨距驢錦囊搜自嘔心餘揮殘榆筴周
星紀盥罷薔薇讀露書四海舊遊多白下一時新

調半黃初方言奇字從君乞何必吹蔡上石渠

送劉霞城出宰海陽

盛時茂宰到金城槐柳交疎別帝京嶺海尚連牛
斗色溪山俱占鳳凰名銅章繫肘雲雷起玉簡當
眸几案清更羨恩綸初命得潘輿方御及時明

贈別唐宜之

飛行四海若神龍猶問閩山六六峰夙業尚牽殘
簡蠹窮途還作老書傭聲聞漏盡唐三藏出處心

素直

詩集卷之五

木犀館

同漢兩龔半世津梁疲亦得相思夜月與晨鐘

贈廖極甫孝廉

紫芝眉宇絕塵氛靜日名山對典墳暫扣洪鐘千
樹響共磨寶劍一溪雲楚騷遊地人多俠漢賦工
時主好文感激天真腸欲熱巖頭甘露可能分

齊河道中望東嶽

處處逢人禮嶽靈虛無指點勝圖經十旬雪裏心
俱白一道東來氣欲青忽吐玄雲成碧落獨携旭

日上滄漠丈人峰色知誰是唯有蒼龍太乙形

元夕後京兆陳太始先生宅社集觀放烟火
分得支韻

高燒銀燭滿千枝不覺燈花是後期丹鼎鉛龍從
火出赤輪陽鳥入宵馳宴酣露湛仙人掌歌舞風
生京兆眉自歎春光容易過粉榆猶及和新詩

元夕黃三卿宅社集觀劇分得江字

八能歌舞九華缸後至登壇氣未降舌在悲同逃

癸丑

詩集卷之五

木屋館

楚相璫有喜復返閩邦縱橫觸目思防海衣食關
心又渡江收得主人天祿史樵川從此伴寒窗

昭武謁李忠定祠

伊周相業可齊班宋室興亡去就間三鎮邀盟心
血竭兩河經制鬢毛斑宗祠遺像存昭武國史芳
名借錫山夢寐孤忠腸欲斷杜鵑聲裡水潺潺

寄董見龍師二首

老臣石畫具先圖今日時艱已切膚津薊屯營防

虜騎淮揚鹽筴備軍需不緣貂尾推鉤黨何事旄
頭欲滅胡聖主大風歌猛士叔孫應不薦生徒

頻年桑梓厭夷氛借箸威聲海上聞安用侯嬴爲
上客不嫌祁午在中軍原田暫聽與人誦賭墅還
看露布文報國丹心應未老一門麟閣勒功勳

寄陳仲謀年兄

兩年制羽嘆鴻分鸞鳳終應獨出群品藻三都玄
晏序登封五嶽長卿文圖書但有將船載音樂從

葉草

詩集卷之五

木屋館

無隔帳聞自得忘言消息後青龍鈔本總堪焚

寄曾微炫侍御

庭闈愛日幾春遲況值河圖告帝期廬墓暫停會
點瑟登山還賂謝安綦繡衣豫爲還朝補白簡遙
從破虜馳莫謂儒冠猶誤戴惠文幸與備疇咨

寄洪汝如

聞君近復住雙峰霜動寒溪古寺鐘逆旅界中長
作客別傳教外獨參宗只餘翰墨時遊戲未許衣

冠對懶慵自入鑪山成吏隱移文應不及周顒

寄郭復之

分携又及種春蘭海上珊瑚拂釣竿鶴寺禪房息
共讀龍潭瀑布憶同看身經寇亂行多事文出波
濤益壯觀更問高堂鳩杖健承將芝草贈加餐

題王克章畫蘆雁

禪心水石共泠泠筆底能生羽族靈一掃秋空
絕塞似聞夜月滿寒汀頻年爲客從時令風世

委直

詩集卷之五

入處食

王聽佛經不向炎涼問消息蘆花旭日夢初醒

題閩學博葉觀海詩卷

松風竹靄一庭陰道術重看葉水心觀海採來珠
照室登山琢就玉成林爭傳君子多車馬尤喜嘉
賓鼓瑟琴我有盤中明月咏相逢不惜贈知音

訪蕭伯房兼送遊樵李

門外桃花遶澗紅庭前書帶動春風高齋學士推
蕭統吳下諸生識呂蒙筆似神龍常戲海身如天

馬又行空駕湖朋輩還相憶爲道爐峯碧樹中

贈李聚仲

龍門此日幾人登方信三君首李膺五嶽精神才
弱冠六經文字值中興山居好似雲間鳳水擊還
同海上鵬自歎年來交態薄何因傾蓋得良朋

同陳廷信及渤潛二兒登鑪峰山用前限韻

四首

江湖聞見出深山何用門風不可攀本欲鑄刀將

委直

詩集卷之五

不星館

玉切却因買櫝致珠還眼前佳士歡相得近日文

聲痛與刪遺世清言成戲論幾多時事獨相關

俯瞰環城四面山山靈不約日來攀樵漁隨意閒

中去笙鶴無心靜裡還客餉壺觴呼客飲兒拈筆

墨放兒刪偶然吏隱真成算何必青牛獨出關

此地人家各住山家家松竹狎招攀入門捫塵高

談竟出郭無車緩步還讀必異書爭樂借詩拈險

語互相刪風流頓使窮愁減他日何人復叩關

移栽嘉樹對名山春過花枝尚可攀香氣撲將書
案滿雲光飛出石羅還道心却向饑中長文習翻
從夢裡剛月夜空庭如水色隔牆清影莫能關

人日鄭用精林啟瑞盧坤復集木犀館

偶因人日坐春光雨後餘寒薄煖香舊綠幸存雙
樹桂新紅初着一枝棠共愁世局隨時換且喜文
心與歲長同社如君能有幾間歌伐木佐飛觴

携渤見過飲孫摺亭先生齋

雲五

詩集卷之五

木犀館

身閒齋冷獨相宜幸對西河卜氏師九十春光餘
幾日百年名世更何時羊羔酒味如汾隰龍鳳茶
聲近武夷盡興不妨仍秉燭恐驚星聚及諸兒

王皞如枉顧贈詩奉和

投詩驚喜見風騷晝寢無辭束帶勞勝地縱能同
輞水酒田爭得似東臯驪龍探向領珠慣鴻鵠飛
將羽翮高我亦逢時餘落落可堪講德有王褒

寄吳德聚并追和前寄長安之作

昔時同上攬鰲亭近在河干聚德星萬里揮毫址
謁誦兩年鍛翮復飄零爲多劍客胸中事但少金
人背上銘知已未逢天與骨敢言文字遂無靈

懷倪柯古

倪有古
杏軒

千秋事業兩心齊手出奇文共品題名士不妨稱
艾艾王孫轉復憶淒淒古風應拂軒前杏靈氣還
吹閣上藜荔熟荷香池畔飲潺湲空自弄清谿

懷孫鳳林先生并和見贈

雲五

詩集卷之五

木犀館

手持魁柄斗牛間能使文風返馬班達膝鳳毛吟
嶰律及門駿骨出天閑遙懸筆墨銀河水高枕家
園玉尺山今日隆中推管樂可耽文酒忘時艱

懷林異卿

情關兒女每分憂道誼相成二十秋心上琅函兼
玉軸指間鉄畫與銀鈎風霜竝跨遊燕騎烟雨同
登望海樓自愧未能鴻鵠舉溪山空滯稻梁謀

徐興公新刻鰲峰集遠承見寄披讀有懷并

壽其六十初度

生來五嶽作精神文字高懸日月新同調狎盟推
霸主異時遺老號天民常懷綠玉青山裏又得玄
珠赤水濱中論既成知不朽恍疑徐幹是前身

懷林懋禮兼致董姬像贊挽詩二首

不愁宦況冷如水只爲思君廢寢興半夜扣門原
俠士九年面壁愧禪僧洛神聊代傷心賦山鬼猶
將病骨憎莫負遡洄秋後約峨眉峰頂待同登

雲直

詩集卷之五

木犀館

分携異郡卽天涯風昔徒勞夢見之馳句如君真
性癖憐才似我亦情癡他山幸自堪攻玉沁水猶
然可樂饑展卷幾回思共訂難忘風雨夜深時

爲懋禮悼亡姬四首

門前河水去悠悠不獨湖名有莫愁何處湘靈能
鼓瑟幾時鄂渚復同舟藍橋仙子瓊漿罷陽羨書
生錦障收安得寸腸渾似鐵鑄成慧劍過吳鉤
眼看聚散總成空花落無言任晚風樂土頻迎期

共命文人磨羯偶同宮離魂倩女心如幻掌夢亞

咸術已窮天上人間思不盡但留形影畫圖中

薌溪不讓綠珠村省却樓前報主恩承露金人朝

濕淚明星玉女夜歸魂書傳南嶽參同契花散維

摩不二門最是多情有猿鶴遠啼青塚向茶園

空堦月色見嬋娟咫尺猶疑離恨天春雨尚能沾

碧草淤泥終不染青蓮風流莫話三生石夢想難

銷八識田錦字迴紋何用織綠衣今作白衣傳

雲直

詩集卷之五

木犀館

送能始先生復起粵西觀察

半生清興在禪房出處無勞委曲商文子一詩詩
漢魏君臣千載事黃唐金魚佩日猶青鬢竹馬迎
時暫繡裳最是宦遊多著述名山到處有書藏

有名
山誌

哭曹子興孝廉

推鋒年少早登壇丰骨稜稜逼建安濁世偶來傾
國士清都一去領仙官風雲策足應無恨日月懸

書已不刊吹笛重悲思舊賦霜天墮葉滿溪寒

寄崇安翁道甫

武夷烟水碧如空何處神仙窟宅同取醉難忘千
日酒定交却憶萬年宮劍分雷煥從天上筆贈江
淹入夢中聞道春來無一事獨將笙鶴領清風

寄清流鄒有年孝廉

談天褐石早登壇幾載神交過握蘭律調遙同雙
鳳管尺書先下九龍灘正堪盟手薔薇露耐可
雲直詩集卷之五不屋

寄清流裴聖之孝廉

都門握手定深交易卦于今演幾爻只爲仙班遲
玉筍故將宦跡滯金饒憂時裴顏持崇有避世揚
雄著解嘲爲問豐山高頂上梧桐新結鳳凰巢

困溪贈鄒已運佐

旣旣桺色映溪邊恍似西湖鏡裏烟但說夷吾能
煮海豈知鄒衍善談天風生靚面人依榻雨帶流

膏客赴船滿腹經綸消不盡祇疑吏隱若神仙

送福寧州守秦儼海父母晉工部

一雙巨眼勝燃犀國士盈門賴品題策竹重逢生
漣水甘棠猶見植長溪鴻飛已傍姬公鳥龜畫先
傳伯禹圭此日鳴珂趨帝里海天清夢遶支提

壽何半莪文宗

松心石骨藹蒼蒼五色芝生菊正黃海上三山浮
蜃氣斗間六府耀文昌久栽首蓿肥天馬新長

壽直

詩集卷之五

不屋

桐集鳳凰天錫虞潭將母樂入門紫綬與金章

寄崇仁令崔徵仲

聲氣交歡十五年風流共指霍童仙苦吟不讓投
金瀨茂宰仍逢種玉田顏峻諸兒狂孰及山濤雅
度老相憐時艱處處多鴻雁知爾能調單父絃

過順昌生母故居并感先人舊鐸地呈吳鳳

言母舅

雙峰雲樹遶溪邊郁李桃花夾岸然何事一生無

燄席空餘三世起寒癯淒涼伊水空來地恍惚
宮采藻年掩罷蓼莪春日淚可堪重咏渭陽篇

寄蔡中山先生

坐綸汝水鬢猶斑天與雙龍繞膝間絳帳尚多聞
雅樂黃扉專待領清班每從斗畔懸孤月好向天
中卓一山身歷成康同召伯可將梧鳳共躋攀

送王秋屏歸盱江

會同烟棹過匡廬風雪長途客況舒未遇孔周

雲直

詩集卷之五

不屋

請劍豈應王壽便焚書崇陽白玉增新價石磴紅
泉返故居帝里看春方入眼御溝先折柳條初

答千乘毛周甫寄詩兼訂入都

身居北海接蓬瀛日月精華筆底生岱嶽忽飛鴻
雁宇燕臺如聽鳳凰鳴五花已信能千里萬卷何
疑敵百城幸有春風堪作主玉河柳色待吹笙

毛周甫自都門歸千乘

先聲膏雨尚芄芃知已天涯握手中魯國重生小

顏子漢朝獨有大毛公來携班左京都賦歸表云
亭渤海風轉眼看花三載後棄繻端不讓終童

讀鄒爾叙年兄荔咏梅吟

海濱嘉木菓華榮幽趣何因薦帝京懷土夢中千
樹老談天舌上異香生恍疑齒頰明璫入誰信心
腸鉄石成煑茗敲冰披咏罷頓令煩暑一時清

送王弼宸孝廉還閩

才名金馬碧鷄傳落落徒還子敬瓊草爵同君非

雲直

詩集卷之五

不屋

一日花磚遲爾又三年烏山夜滿彈琴月旣冶春
添試劍泉最羨高堂雙鶴髮不妨斗酒復千篇

送閔齊瞻孝廉之臨晉

都門講藝此心同忽忽秋深逐晚鴻筆夢岷江成
蜀錦車驅蒲坂問唐風金臺新得駒千里壁水分
栽桂一叢握手重期三載後共乘春色上南宮

寄洪載之孝廉

時未識面
以文相許

西湖天鏡淨琉璃南北高峰玉作肌我有畫圖收

不盡君子文字攬多奇六橋花氣行春地
聲對月時烟棹相逢非鄂渚應聲荀鶴復笑疑

次交河過孟綱宜畱飲

綠宇青緇奕葉傳龍門一上若登仙東瀛割海仍
中水北極分垣尚半天客況片時欣顧曲文心千
古共探玄江南此去多梅樹每到花期憶浩然

懷黃石寨寄江用亨兄弟

羨爾仙巖勝武夷夢中猶到共餐芝俯看山翠成

詩集卷之五

不居信

濤湧仰掇天星作石移五色筆花開露掌千年鐘
乳割水脂珊瑚海底無消息盡在君家玉樹枝

題丹霞寺寄江氏兄弟及杉陽諸友

玲瓏三洞隱岩堯滿目高岡旭日昭白玉膏流千
丈雪紫金光聚九重霄松篁盡帶梢雲氣磴道如
登絳節朝忠定遺蹤畱筆墨知君今是赤城標

寄曾復生

津門河海水交流遙憶閩山作蜃樓只有夢思聞

點瑟更無仙侶共膺舟巖間石燕飛還住澗底金
鏡響未收露濕林臯波漾月欲隨鴻雁下清秋

哭李明六

東髮心懷遠古初龍塘石鼓共仙居中年尚少寧
馨子樂歲曾無擔石儲金殿未傳供奉筆銀牀誰
護鄴侯書武夷遊草知存否留與名山宛委餘

曹能始觀察書至訂復藤山天寧寺

寺有李忠定松

風堂

詩集卷之五

不居信

多生常現宰官身萬里緘書說淨因深隱石倉同
大梵遍營寶刹若微塵塲尋梅月仙香近堂訪松
風相業新滄海潮音來耳畔豫呼旅界作歸人

登第後徐典公以書見慰

幾度登高作賦從凌雲今始一相逢伯仁未便題
衰鳳元直猶誇識臥龍綠玉飛來生墨色黃金買
就絕行蹤思君一葉隨秋下尚在姑蘇夜半鐘

舟次天津懷林懋禮

彈冠千里故人情翰墨時時伴帝京津壘一臨春
海勢新河變下壯秋聲乘槎漸覺瞻天遠舉盞那
堪對月明此去吳江楓欲冷何時伐木聽嚶鳴

寄陳洪仲葵若

陳有秋聲館

蟬屐杉陽歲已更難忘巖窟盡天成綵毫春後應
添色高館秋來迴聚聲此日滄波從鼓枻何時丹
頂復吹笙風雲歷遍稱湖海不及元方有弟兄

題范長白天平山莊并贈公子龍仙二首

素堂

詩集卷之五

木庵館

石林雲竇太湖邊臺館何殊小有天松徑盡清鳴
鶴子芝房春暖護龍仙刀圭手合神丹在治家
餘相業傳樽酒論文欣永夕占星應聚斗牛躔

蓬壺渺渺月中窺香藹多爲擁石麒麟書法自堪傳
逸少酒狂爭得及延之野梅噴出三珠樹巖溜流
成百子池今日羊裘看已慣他年孔李更何疑

壽夏茂卿孝廉先生四首

胸羅百代識亨屯龍德無論屈與伸紫雲白星天

壽骨綠圖黃石帝師身一山臨海常觀日雙鶴摩

空獨伴春眼底澄江真似練遡迴幾度得伊人

白華玄足四時香不美虞潭養母堂綬角麟書傳

闕里將雛鳳律奏岐陽關西伯起揮金久江左夷

吾握麈長四十年來如一日綵毫天與挾風霜

不着羊裘與鵲冠超然燕處陋榮觀輜軒有字皆

鉛槧爐鼎無心自羽翰足下龍駒千里駕手中斗

柄四時看吾徒未解匡時意謾詫公侯式段干

素堂

詩集卷之五

木庵館

太乙真人授杖藜平吞白鳳吐虹霓已將五嶽精

華聚猶待三能氣色齊隨意芝蘭皆入室不言桃

李自成蹊翻思弘景渾多事十策山中費品題

辛未臘月萬壽節集史念翁凝清堂

駉娑靚宇喜新成坐對能令案牘清身擁琴書當

雪霽手栽花木待春榮賡歌再值凝香寢退食同

分獻壽觥太守風流應不淺千秋韋白已齊名

許玉史年兄初度

梧桐晨露掌中收紫氣關門閱勝流大筆從來推
小許長生况復值中秋功名共訂書麟閣登覽相
將過虎丘此地三江原入海時時笙鶴到仙洲

史念冲生祠成志喜

遺愛猶如笑語頻祠前碧樹遠含春江山環抱還
依舊風雨飄搖喜再新破敵近聞韜虎豹書勲行
見畫麒麟迴洞幾度蒹葭想白玉樓臺上漢津

端陽和郡伯陳懷我喜雨

十日三霖恰應期神龍噓氣自多奇共逢吳會中
天節重和香山喜雨詩五色蓮花魚藻日兩岐麥
穗雉雉時茶鐺酒椀頻相過笑把楊梅比荔枝

寄邦甫伯兄

焚香靜坐晝垂簾龍德居身只是潛事母延年精
素問課孫多暇誦華嚴修來家譜應傳世寄到清
言與養廉荀氏慈明名已久庭前花萼好風恬

寄玄仗仲兄

聞創新亭別洞天中藏書卷結清緣專修水觀堪
成佛但好樓居即是仙池草經春生幾許南山盡
日見悠然何時載筆同姜被幽事無令獨輞川

寄納甫弟

曾來冷署對水壺不覺風霜一載餘七策用餘能
霸越五噫吟罷獨居吳春山處處多鶯友丹穴年
年出鳳雛美爾黃花觴咏後又乘梅月臥耀瑜

寄儀甫弟

家聲何必愧安東下策無勞問火攻學舍齋鹽當
夜冷天池毛羽值秋豐筆花夢裏濕清露書草庭
前汎遠風遙憶漚亭空水趣松陰蓉艷數聲鴻

哭徐碩菴

同人先笑後號咷箕尾騎當太白高李杜齊名推
漢黨彭咸遺則續離騷欲尋天竺三生石猶夢錢
塘八月濤何處中和宣樂職碧雞金馬痛王褒

趙浴菴年兄令海陵以水災爲民請命左遷

閩臬幕假歸禺山賦贈

傲骨相期帝股肱宦情同握一條水長茭美玉禦
河伯行潦甘棠誦海陵遷客無魚供吏隱歸舟有
鶴伴仙登三山五嶺難羈繫轉眼天風六月鵬
題徐興公宛羽樓

巨靈壁石創飛樓遂割鰲峰腹背幽千佛殿中花
雨迴九仙山頂藥泉流燈光吐影疑奎壁劍氣冲
霄卽斗牛早晚鳳凰巢阿閣傳經美爾好貽謀

詩集卷之五

徐在菴明府過訪

眼如鶯子舌青蓮劍俠文雄與謫仙南國雨苗梅
福地北樓霞綺謝公篇石麒麟頂相歸餘慶蕉鹿功
名等幻緣欲學毘邪新杜口閒敲坐具動冰絃

贈張群玉年兄

不分閩語與吳謳平子還堪作四愁屢見懷磚煩
化瑟尚嫌載石滯仙舟碧雞金馬推年少羽扇綸
巾據勝流惜別慙慙各努力鳳凰不爲稻粱謀

次困溪別駕鄭禹門公祖招夜話

夔門憶昔托生初分得岷峨氣分餘共坐困溪春
月夜何殊瓦屋辟支居閩吳宦況人情異南北軍
興國計紆最是鄭玄耽著述引杯燒燭問奇書

詩集卷之五

詩集卷之五

木犀館

棄草卷之六目錄

五言排律

夜宿鼓子庵

送武夷僧寶舟還山

生母發引之夕嫡母臨視悲慟夔泣述一首

花朝後一日訪陳振狂晚歸萬壽橋觀放水

燈

中秋後三日訪郭復之英嶼草堂觀海潮大

棄草

詩集卷之六

不度信

至紀咏二十八韻呈太翁心山先生

重九後一日同李明六訪施爾洗劉佐哲泗

哲于易石山不遇因鄰霄臺傍搜一洞奇

僻未經人得時有三人嗣至各不知名見

說奇絕踴躍願從復導以入喜而有咏

別陳無爲還建溪

黃河舟中呈王兆行楊旭卿兼懷李明六陳

磐生諸同社

送譚梁生之登萊省覲兼呈凡同老師

寄陳善長大同守

郭復之來梅嶼招遊玄鶴寺予時病歸不果

重訂後期有懷口號一律

送沈何山右伯陞陝西左轄

送杜懷鶴岳尊入賀

仲冬晦日同陳道掌陳仲謀王弼承遊龍井

烟霞洞及石屋觀慧因寺轉輪藏暮至法

棄草

詩集卷之六

不度信

相寺謁定光遺蛻遂題名僧印輝禪房

閏四月望日同江翊垣蕭伯房雷龍起李聚

仲集陳葵若澹香齋觀其先譜中皆唐宋

題贊名蹟又飛樓玩月分賦得噓字

董庸德兄甲子秋建梅花樓于梅嶼待見龍

師歸林丙寅春師始遂初服夏日諸子並

侍小賦得文字

壽陸中台公祖

北堂貞壽圖祝許玉史年兄母李太夫人

春夜行七星橋遇風損舟毛子晉飛棹見濟

遂共渡婁江承惠異書并談經濟喜贈十

二韻

壽許朗城老師

後述哀詩一百韻

上董老師兼送蒞南京大理因述懷一百韻

集直

詩集卷之六

木犀館

棄草卷之六

五言排律

夜宿鼓子庵

在武夷八曲卽吳公成道洞天

吳公鼓子洞虛觀倚層稜石雷懸頤峻危龕化骨

吳公蛻在洞中

諸峯斜照入複道彩霞升仙薜春騎火

瑤漿夜飲冰煨松爭避竈燒竹代燃燈鍊笛吹毛

女玉書誦髮僧小天開大梵空籟襍迦陵露幌香

林寂雲寮花氣蒸上方孤客夢恍惚已飛騰

集直

詩集卷之六

木犀館

送武夷僧寶舟還山

武夷九曲外更有小龍吟玉琢先天穴珠懸不夜

林檀茶僧事畢採藥客懷深石氣青于夢雲光白

此心錫飛秋葉外杯渡曉谿陰留取還山偈如聞

洞壑音

生母發引之夕嫡母臨視悲慟變泣述一首

五十先君貳瑕丘此日隨有恩對旣亂無祿停期

頤遣涕霑睚血登碑授肺詞還將百年恨并作一

朝悲暇善多吾母艱危痛此兒淒涼萬里唱猶及
小星詩

花朝後一日訪陳振狂晚歸萬壽橋觀放水
燈二十四韻

江亭憑處遠花徑踏來芳話盡仙山勝餘佛語
長詩篇清慧目肴較果齊腸坐惜春仍仲相看老
更狂俗緣浮白罷逸思草玄忙繼絕深無斃招攜
訂未央晚橋昏簇簇暝樹黛蒼蒼月比前宵望花
葉直

詩集卷之六

木犀館

日香一時天樂動百道水燈光火齊波臣捧
海客將洪流疑吐焰飛湍若含芒龍燭鯨鯨
犀燃翹藏九華蘇濕族四照洞陰房天闕琉
璃眼河魁斗曜章蛻脂平燦爛蛟淚遠微茫泡影
風中亂膏烟露下涼神符消蜃市密呪淨腥瘍自
得迷津炬應操業海航慈恩霽沫法咏遍滄浪
物各欣追薦吾猶慶舉揚偶來觀欲絕歸去意難
忘勝事何家廓塵心祇慨慷偈言文習在綺語道

根亡那復期同好毗邪拱梵王

中秋後三日訪郭復之英嶼草堂觀海潮大
至紀咏二十八韻呈太翁心山先生

郭子雲華秀心翁霧隱韜忘年看父輩投分得兒
曹宅擁謝家樹門深仲蔚蒿相思仍泛剡訪勝似
遊濠海白吐微曙江鳴振小舠欸扉清夢罷下榻
劇談豪對客梳蓬髮呼兒輟綵毫簡飛鶯出谷琴
動鶴鳴臯几上焚檀乳盤中錯膾毛松陰方襲襲
葉直

詩集卷之六

木犀館

海漲忽滔滔環水三城氣中秋八月濤喧同潮江
戲鬪怒廣陵鑿噴浪伸龍沫穿波躍鷺翹黏天平
野動拂日片帆高鮫室翻珠影蜃樓瀉玉膏馮夷
上堦舞翹象入空逃星斗迴東注乾坤習北勞面
旋河伯駕機息漢陰棹爾自開雙眼翁猶健二毛
涵泓歸上善洶湧激風騷塵世誰清渭吾生此滄
醪一樽過露掌八閩勝雲璈地每奇觀賸人頻樂
事遭狂幾吞渤解酣欲釣龜鰲月缺占魚腦雷龍

見解贅文章同假楫消息並鋪糟但得青山在無
煩白首搔他時遍瀛島萬里逐盧敖

重九後一日同李明六訪施爾洗劉佐哲泗
哲于烏石山不遇因登鄰霄臺傍搜一洞奇
僻未經人得時有三人嗣至各不知名見說
奇絕踴躍願從復導以入喜而有咏

經年未到此今後菊花期訪友空看竹登高續杖
藜江山多附郭臺殿半荒基曠遠諧心賞幽艱得
真章

詩集卷之六

八星館

手披詫爲宿猿洞傍此浴鴉池不轉容身入高穿
額膝支石從鬼斧劈天作電光窺偶有三人並從
一世知未遑通姓字便已識追隨自我能開勝
何人不愛奇平生丘壑意搜剔喜無遺

別陳無爲還建溪

時以主人陳無美逝而還
故篇中輒有存亡之感

與子相逢日溪南憶勝遊曠懷非一事清寓此經
秋客況增居重詩名借榻留濯纓聊有水命駕豈
無丘不謂離絃動翻令秘帳收龍蛇賢士厄鵬鳥

主人愁聞笛吾能已投鞭子亦休感時同落落
舊雨悠悠眼裏方雖穎歌中又刪緱鄭玄去南郡
王粲別荊州叢桂青山靜兼葭白露稠可能招隱
日更作泝洄求舌可依窮在腸應待俠酬中原勞
夢寐時輩正優遊短褐還吾好長纓亦子謀無忘
樽酒夕風雨滿池頭

黃河舟中呈王兆行楊旭卿兼懷李明六陳
磐生諸同社

詩集卷之六

八星館

江路隨春盡河流拍日來桃花分白水沙磧起
埃天漢行應近星槎喜共陪魚書入海鳳簪
登臺骨爲憂時瘦腸因憶遠迴二渠終有跡三
已成灰待入崑崙後披圖與爾開

送譚梁生之登萊省觀兼呈凡同老師

神交既已久相識未云遲盡讀彪湖業重吟鴛社
詩杏漿燕酒肆葵葉薊魚絲問俗懷孤憤談兵理
壯奇千戈行滿地文字復何時蜃氣荒城障樵風

蕩海圻遼西再陷沒北地半流移世上唯君
中有我師班衣陪夙夜前箸補瘡痍節可一門重
才應百代知徘徊東向望夢寐尚追隨

寄陳善長大同守

雲中稱魏尚君復繼威名塞外天長淨壺間水自
清靈花玄嶽鎮青草白羊城閫節銅符出邊聲鐵
笛橫劒霜隨筆吐關月照杯明幾載看鴻度何時
聽鳳鳴桑乾他夜夢梅塢歲寒盟爲折燕山柳因
風寄汝情

詩集卷之六

木犀館

郭復之來梅嶼招遊玄鶴寺予時病歸不果
重訂後期有懷一律

一別三春後重遊百洞中高棲玄鶴寺俯瞰白龍
宮禪悅惟僧共文心獨我同溪山尋舊約筆硯著
新功未覽蓮華藏先思桂樹叢雨燈懸寂歷烟棹
撥迷濛兒女肝腸斷君師血性通盟應指皎日道
則暢玄風薄骨行多病生涯且固窹書淫堪自老

遊興尚如童期爾清秋月携琴坐碧空

送沈何山右伯陞陝西左轄二十四韻

訪落瞻明主藩屏屬大臣詔驚隨鳳下遷喜逐鶯
新蔽芾仍分陝兼葭更咏秦時雲縈佩色石月照
車麟霖作三峯雨陽生二華春松陵風自惠仙掌
露初晨未拭咸宮鏡先投渭水綸轂函扼虎塞瀾
涯淨龍津鶉火殷西服文昌拱北辰帝開湯沐邑
天鑄鼎彝身濟美元將凱中興甫及申風鴻堪繼

詩集卷之六

木犀館

相管樂豈伊人王氣留豐鎬農風接雍曲班張輪
賦手楊駱助詩神盟以文章主門于揆叙賓道母
師自得知急士能伸槐作桓橋市薇爲戴席茵激
揚垂至教吐握荷深仁諾有黃金重懷無白璧貧
雲霄置毛羽珠玉飾輪茵福聚星當井階平斗在
寅扳留堪下雉想象已圖麟但自歌方叔何能借
寇恂還將追八詠遺愛紀南閩

送杜懷鶴岳尊入賀三十八韻

鳳歷開王歲龍圖啟帝期大明十五葉天啟萬年
枝聖主中興日羣公翊運時來同看瑞輯有道見
衣垂聲得嵩呼壯光占嶽降奇黃岡名世地憲臬
大臣委分鉞清閩服賡歌蔚楚辭白心襄密勿赤
手綰樞維冠珥重輪喜弓裘兩代悲高山荒祖作
豐水慶孫詒澤可崇朝遍風能浹月馳人爭懷漢
德官不改周儀訪落予懲愆誠民爾保登髭王自
神聖軒后更岐嶷雨露先朝沃雲雷大業滋啟賢

真直

詩集卷之六

不屋傳

真足繼湯降豈云遲帝夢鍾岩版宸遊獵渭熊蹯
璣齊七政鎖鑰鎮三陴解豸冠中柱養餐鼎上支
宦途鋤棘路壞局整殘棋清問傳三殿封章振九
逵爬梳盡官府震疊滿華夷壘破羣疑腹籌紓主
計眉遼陽旄節任酋虜鼓聲思勲擬麒麟閣班先
鵠驚墀升潛關否泰語默係安危憂愧豎儒在公
塵國士推珪璋欣特達鍼芥接心知下座迎王粲
逢人說項斯羽毛丹穴借聲價大宛移經濟酬人

望文章作我師星辰動鳥履日月耿袞帷宮樹
章樾廷花五色芝身應置霄漢名且鑄鍾葵舊北
增春服江南薦臘卮曉梅紛粲粲初柳澹離離門
下康成重儔中醴蔑卑杜公高韻迥萬里惠新詩
仲冬晦日同陳道掌陳仲謀王弼承遊龍井
烟霞洞及石屋觀慧因寺轉輪藏暮至法相
寺謁定光古佛遺蛻題名僧印輝禪房

真直

詩集卷之六

不屋傳

高峯盤古道寒氣集疎林山似避湖勝人能竟日
尋泉甘多湧頂石泐欲穿心佛藏梯雲轉僧房
竹深幻綠存筆墨氣誼爲登臨何日空諸累長茲
聽梵音

閏四月望日同江翊垣蕭伯房雷龍起李聚
仲集陳葵若淡香齋觀其先譜中皆唐宋題
贊名蹟又飛樓玩月分賦得噓字二十八韻
朱明逢再孟勝集好懷舒隙地開花徑幽人在草
廬杖藜紅白錦葱竹蔚藍居石磴躡成級山泉引

作渠層樓飛木杪曲檻俯郊墟但覺隣霄漢卻忘
維井閭秀萼彌野靜灌樹映窻虛意慙千杯裏幾
消一局餘琴心堪鶴舞墨氣似龍嘘閒展牀頭卷
隨抽架上書家乘唐宋蹟古色夏商初世德淵源
遠人才遇合疎樽前有衡軸席上自璠璣好爵方
縻爾新詩又起予但能揮短翰不用曳長裾晚食
仍蒸黍微涼欲放蕖烟清行熠燿月滿見蟾蜍出
岫光應遍穿林影復紆城荒宵不柝溪響夜猶漁
詩集卷之六 才厚

座喜無喧客門驚過里胥人情論非馬賦法誰同
狙雲物頻窺牖賓朋慶得輿江侯命管樂羣子邁
應徐佩服尋荃蕙支離愧散樗觥籌亂交錯歌管
倍躊躇鳴必呦呦鹿烝多汕汕魚今年多一月不
樂復何如

董庸德兄甲子秋建梅花樓于梅嶼待見龍
師歸林丙寅春師始筮初服夏日諸子並侍
分賦得文字二十四韻

危橋膺海啄奇構瞰江濱豫作寧親計行知子職
勤鳳毛爭遶膝鷗鳥復同羣山色高低見潮聲日
夜聞道方尊北斗時適值南薰朋輩交如水詩篇
氣若芸樂端爲得士憂豈遂忘君幸脫龍門險毋
言麟閣勲朝纓猶可濯諫草已先焚夏木清華秀
清波細縠紋蛟漿疏夙飽鱸葉爽微醺百洞仙靈
合三門海勢分常廻青鳥駕坐斷紫蜺氛金箭玄
黃秘琅函赤綠文遠遊期汗漫著述陋河汾寺近
雲華
詩集卷之六 不厚

飛花雨天空吐蜃雲暗泉迎夕漲新月對斜照罷
釣魚知靜投林鳥亦欣杯觴渾潦倒碁局息紛紜
道社惟元亮蘭亭重右軍何曾關大業各自攜清
芬賦就梅爲骨書成石作筋登樓臨浩渺入室動
氤氲莫厭蓬萊小諸真往復殷

壽郡伯陸中台公祖

陸公祖仁明清政惠澤非一適歲早精禱
獲霖夔因繪霖雨松風之圖綴五百字爲

壽

有美生王佐松陵挺陸公精華殷斗北名姓冠江
東書得靈威異文能言偃同蜚騰聯上第鳩僦奏
司空 帝簡符分虎人瞻軾臂熊臂音覓軾之政
綠也見禮記
追三代上澤始八閩中語默含元氣寬嚴具化工
銛鋒當八面明鏡炯雙瞳澹照任棠水薰披袁粲
風蕭何規畫一裴顏擅清通浩浩溟將渤魏魏華
與嵩應機珠宛轉先事玉玲瓏近者時多變何邦

棄草

詩集卷之六

本居官

歲屢豐龜田春已裂鯨浪夏方洪搜括如蠶織支
持困楮銅不堪猶泄泄行且轉匆匆念切斯民與
誠回上帝聰隨車甘澍遍臥閣密霖濛斥山恩交
芡高畬長桂種兩岐章國瑞五袴拯人窮弭盜淮
黃霸綏夷識蔡彤牧夫堪亮采州將本元戎
兼文武君陳最孝忠兔置方肅肅苗黍復
海師常袞諸生學馬融謬慚伏櫪驥尚作漸磐
高論招匡鼎非材備藥籠經綸邁祖述教化比文

翁茂對蕤賓節揆予皇覽躬榕陰滿郡綠荔于映
江紅魯頌歸三壽虞歌布九功延年玳瑁枕清暑
水晶宮揮塵梅檀落傳杯瑪瑙烘麥丘來野老黃
澤下仙童願以雙鸞節還加五馬驥蓬萊雲鬣
劣前氣龍從劣前闕鼓
山之峯名遺愛過西峴仁聲勝大馮
四門賓譽穆三錫主恩崇已變懷磚俗尤深擊壤
裹帽餉寧抵戲鐙脚敢爭雄閩志還鄒魯幽詩繼
鄱鄩綠猗瞻竹簣萋葦聽梧桐芝草彌天秀華
苞橘柚叢支硎看放鶴笠澤駕垂虹几几舒綦鳥
琅琅振琇璵鰭魴行衣袞鍾鼓並齋弓觀火方昭
晉疏泉幸浴蒙携將虞愿石千歲訪崆峒

北堂貞壽圖祝許玉史年母李太夫人

地景中南極天和滿北堂林鍾調一日離氣盛三
光草木皆爲瑞圖書共發祥貞蕤抱節老丹曄吐
芬長白鹿銜花至青鸞踏葉翔英飄萊子袖氣動

羽人裳倚石康于古蒸芝句曲香千尋知棟用六
出見憂忘種自瑤池植名因玉筍揚承歡多氣色
萋華映高岡

春夜行七星橋遇風損舟毛子晉飛棹見濟
遂共渡婁江承惠異書并談經濟喜贈十二
韻

國計襄飛輓宵征愧匪躬暫疎止坎智猶賴濟川
功寶護蘭亭本騷招桂樹叢重逢周子晉再見漢
妻直

詩集卷之六

大星館

毛公共泛昆湖月長乘婁水風異書分泌帳遺事
叩吳宮心欲將金斷交堪借玉攻逸羣空冀北芳
韻冠江東百代雙眸遍千山一舌通樅櫓乘水利
則壤考田工光已傳藜杖香應滿藥籠坐忘爲吏
俗水炭頓消融

壽許朗城老師二十四韻

清和當首夏萋華麗朝陽草挺三芝秀冀生六葉
長姓名尊太嶽精采迫文昌揆覽逢初度和綬見

大匡慶雲瞻爛爛湛露挹瀼瀼恩展頒絺綌延分
飲酌觴碩膚餘赤寫元吉兆黃裳斗極迴薇野瀛
州繞桂坊圖書東壁靜簪履北門光河上傳龍馬
池邊立鳳凰大風能佐漢霖雨自興商草詔趨金
殿談經上玉堂幸依金鑑影得備藥籠香琬琰傳
書軸珊瑚捧筆牀五花拂騏驥九戩獻驄馱佳氣
蒸蒿柱新聲洽栢梁蘭階芬藹藹松石寫蒼蒼仙
洞開林屋名園廓辟疆太湖三萬頃丹樹百千章

妻直

詩集卷之六

大星館

天壽歸平格慶歌屬贊襄調羹隆鼎呂聞望美珪
璋濯漑仍饒僖吹笙復鼓簧試胥滿臺閣燕豈被
門墻願繼南山咏邛家樂未央

後述哀詩一百韻

先人乙卯卽世丙辰六月十二日薨所生
母繼歿重哀接痛聊賦此見志焉庶後人
之不昧云耳

稽首請靜聽停哀訴所由先人方見棄賤母復難

留意昔分榮地絲羅劍水取趙姬時下隗絡秀始
歸周巾櫛經吳地簪笄侍蜀州帝京閒博士夔府
小諸侯苜蓿饒中味甘棠去後謳隊從清白婦穎
脫黛紅流樹背護爲草銘心木有樛寤言南國化
消釋北門憂皇覽予初度劬勞聖善優錦江遙濯
魄玉壘漫疑頭生陋田文月名嘉后子伴身疑宮
坐蠲目豈慧如鶯尚作明珠弄虛期白璧投父風
那可學母德豈能酬陶令辭官日安仁遣興秋挽

雲直

詩集卷之六

大星館

車驅舊鹿結伴狎新鷗椎髻交傾珥攢眉兩借籌
靈絲當夏熟旨蓄禦冬收鹽鼓精千荅

荅器也見史記貨殖

傳薌醪美百旨歎家猶自織蓂莢必親疇稱旨原

非媚延和只是柔但思襄弗薌敢復怨衾稠識悟
超詩史箴工厭侶儔遠貽齊燕翼大庇協鳩鳩競
秀青箱發承歡彩袖撈棣華春韡韡叢薄畫幽幽
兒寂疎狂態親煩委悉謀中山窮兔穎函谷敝貂
裘舐犢雖無已和熊倍自羞緝洗龜素手

龜音真非龜字

作髮落玄髥

髮音佩

志許追鴻鵠羣教逐驥騶洛中

傾二陸稷下劇三騶喜俱知年并艱難涉世調種
蘭思剪棘植穀訪除蠹精衛虛填海舍光錯斬仇
藿藜能不採桑土可勝繆豈料趨庭暇翻爲夢莫
攸主人占得鵬上德氣乘牛庵忽悲風木居諸歎
柏舟孤兒撐挫撫伯姊伴牢愁只道心逾邁那期
疾不瘳高明遭鬼瞰汗漫迫神遊赤日靈雲鋼薰
風殺氣颶創因前痛鉅緒爲重傷抽死縱難言孝
生真足當偷天乎不可問命也復奚尤穎叔誰嘗
肉馮謹執荆綏絕裾雖免感泣釜亦徒猶絮訝奇
溫却杯驚口澤休斷慙悽度寸負米歎盈區烏哺
牽孺慕狼胡滯壯猷慙慙通國賻匍匐衆兄調病
妹隳長訣矯昆緩好迷渭陽摹想像淇水寫疑眸
下壽心安未中兒事足不

不平音

缺原推此界幻已

念了冥搜衰經邀

皇錫孟蘭借佛修烟塵濛古

雲直

詩集卷之六

大星館

棄草

詩集卷之六

木犀信

几霜雪冷終憐登木非予事支牀敢效郵仁哉吾
嫡母久矣荷天庥促食頻加餌扶羸屢喚咻敬姜
猶在魯孟母儼居鄒茅苴精神減蘋繁氣序悠塞
淵今且詠江汜昔何說連理枝旁茁靈泉潤畔瀏
龍精應共匣狐首正同丘幸省湘妃怨無勞鄧父
詠鶴懸來墓吊雀自遶梁啁嘗膽知何益甘荼或
少哀材名輪竹箭臭味杜薰蕕筆豈耘耔具文非
決拾韞苞直苛纏索竿牘密置杲樛櫟千尋置鴟
夷五石浮時危嬰濕束俗薄懣乾餽越響呻莊烏
騷音韻楚囚未堪填犬馬且復任蚍蜉亭慧胡紛
糾乾坤故雜揉純灰消腹壘稿木絕胷矛失意疑
形影思親厭贅疣禮宜哀罷讀禪向病中求捫目
空花舞侵人見睨漉隙間看蟻徙壁上聽蟲吟
德深懷玉功名浪注鉤行如虧冉閔藻分遜曹劉
講業餘三逕招魂遍十洲栽松前果斷泣竹故斑
抽荏苒懷宵旦恍茫享臘腹愧慙殉地骨徒咽叫

棄直

詩集卷之六

木犀信

天候惜逝空殷奠申存乏漚漚願舒愛日景長御
聚星稠望古齊臧穀遵時戒競練誦身悲井渫字
子切薪樵謝砌芳堪把于門澤可抔拂鍾鏗瓦缶
拾礫檢璆鏐俯僂遺饘粥譙脩得隘湫長河爲瀝
血書恨未能道

上董老師兼送涖南京大理因述懷一百韻

大雅何寥廓吾師起海隅家傳繁露學嶽降出雲
圖猫石地靈秀龍塘世澤膺夙齡占帝賁壯歲翊
王鈇賈誼匡文策皐陶迪禹謨解頤推上第驤首
躍天衢白簡閒三事青氈且一區羊城開半壁鯨
室訪遺珠雨化霑甌粵霞標蠹谷嶠光芒通北極
文物拱南都六館傳經播諸公起草須大邦崇棧
樸塞路闢榛蕪妙略丹心吐遺文赤手扶宮牆嚴
禮秩俎豆肅規模已兆鱣堂瑞先分鳩扈符朽紅
精澹槩耗漏杜錙珠積擬周官貯均過漢室輪塵
凝楊綰席書覆子雲說劉晏經綸密山濤藻鑑殊

弊能清魏品濫必汰齊竿時事爭牛李芳流激
厨庸庸充赤芾噉噉穢青蒲側目多鷹眼磨牙類
虎鬚鈎刀從斷斷瓦缶任烏鳥螢燭吹冰鑑賜夷
唾井壺東山憐野墅秋興寄尊鱸海上雙峯勝崑
間百洞娛玲瓏垠堦孽嶸岬草茅誅小有疑蓬島
憑空象藐姑星窠藏蝙蝠風磴叫鵲鵲石可敲編
磬泥堪拭湛盧瑤華芬屈軼鍾乳滴璫璫桐影翻
鄒嶧篁聲韻阮隄源披桃樹錦壇綉杏花鋪仙館

棄直

詩集卷之六

不星館

微聞嘯僧房靜結趺橋衡捧子姓函丈列生徒一
日羣賢長千年衆說邪涵泓包大壑陶冶鼓洪爐
山斗瞻依迥河汾著述勗勲名懸鼻竊道德鐫
孟每憶商今古彌令效咈俞一門開眼入片語賞
心呼昔者先君子夔焉不肖孤貽謀雖式穀失怙
此甘荼序閱星霜變心驚歲月徂羽毛差顧惜翦
拂倍踟躕技已窮顰鼠禪仍墮野狐江淹才欲盡
子夏貌方壘匠石漫望鼻庖丁妙解觚恩深惟有

父道契每忘吾日伴登山屐時陪泛海桴白巖候
朝旭虎館涉崎嶇雪夜迷灣谷星宵渡荻蘆險寧
辭破額奇豈憚危軀山水豪成癖詩篇苦索逋樽
惟盈綠蟻囊不滿青蚨鷗鳥真堪下豚魚信可孚
龍兼備漫渤瓶每瀉醍醐志愈堅金石瑕能匿瑾
瑜濯纓良獨醒爭席幾如愚民瘼關腸切時艱蒿
目諷坦衷回薄俗侃議佐當塗排難欣披膽持危
痛剝膚散幫漁戶活折色困丁蘇防海陳明疏

棄直

詩集卷之六

不星館

城簡武夫夷情固叵測民望可能辜市舶頻申禁
樓船欲滅胡中臺遣伯起絕島下倭奴南甌投戈
拜東沙束手俘安危仗唇舌成敗決斯臾款以單
騎謗擒因不戰誣將材形迹忌使命血誠枯前輩
周防細將軍氣槩靡分功羞惜嘍借箸厭從設豹
略資樽俎鯨波息軸櫪何能林壑戀不爲廟廊需
帝念平反重官憂法紀汗震驚廷尉望闢茸舊京
驅制下三司並威靈二節趨杪秋行命駕吉日遂

登途采石隆天塹鍾山煥斗樞 皇猷恢 二

故實訪三吳閭市瞻豐沛衣冠拜鼎湖
近精爽憲章俱底事看非昨私憂惻可吁
璣衡紊甘石版插費宣猷邊塞煩繒帛宗藩待口舖燮消
三輔突廐餒九門芻營建紛中使喧騰仰內帑噬
能飛爪角刮已竭膏腴物色精相迫 天光秘未
敷椒宮自恭默栢殿尚虛無諾諾台司畫疊累
組綬紆安能起元凱再使返唐虞聖代開麟閣清
時想鳳雛此行當不淺茲語諒非迂別學初浮菊
高延正插萸大人將攬轡賤子敬操觚紀述昭名
世後遲愧小儒何由附驥尾局促效轅駒

龔直

詩集卷之六

六星館

棄草卷之七目錄

五言絕句

小湖夜泊二首

七言絕句

奉和董師仙崑雜咏十二首

陳子傳夜坐

山齋

題壁贈爾因道士

棄草

詩集卷之七

木犀館

又代僧海旣贈建大

筇香樓豫爲歐陽仁瑞後二日催粧

和林懋禮珍惜詩三首

過東方朔故里

題畫贈蔡伯宗

題迎樾牽芳卷

題畫寄倪柯古

贈王仰山方士

棄草卷之七

五言絕句

小湖夜泊二首

日日看山色夜夜聞溪聲同舟鄉語接轉使客愁

輕

殘月疑天曉山雞始五更到家但五日幽夢尚難

成

七言絕句

棄草

詩集卷之七

木犀館

奉和董師仙崑雜咏十二首

振衣直上仙崑山俯看萬井龍塘灣誰爲携我踏

空去天際真人咫尺間

磴道竊時一穴通荒林宴坐聽松風山人相見不

相識都爲探竒到此中

遶室仙音次第聞崑花香氣接氤氲詩成擲筆青

天外斜抹長空一片雲

窗外風帆天際浮海門東去水悠悠到來一笑予

年事不似鴻濛汗漫遊

右四首仙鼎室

山靈斲骨成蓓蕾火雲幾燒青不改盤根細作五

須彌沐浴無邊香水海

右蓮花岩

昆明池水是何年鱗甲于今尚宛然却笑蛟龍懷

舊穴翻身飛上海中天

右石鯨岩

杏花叢裡月黃昏坐臥猶疑董奉園一從踏得雲

間脚不掛將軍飲羽痕

右伏虎岩

石室仙人不可尋獨留遺局在高岑縱橫針道渾

雲直

詩集卷之七

八星館

無跡彈盡人間不了心

右仙奕岩

瑤池之樹千年實方朔三偷如一日移根海上落

玄英十榭團圓杳無匹

右仙桃岩

蛇龍古穴藤爲綆綠苔之罇吐日景下有泉水流

涓涓幽鳴如瑟發深省

右暗洞

泠泠石乳浸靈苗天應星河地應潮飲罷渾如仙

掌上不知何處有藍橋

右乳泉

祇樹東開物外天宰官新把一燈傳重來玄度還

相憶崑上青芝卽舊緣

右青芝寺

陳子傳夜坐

與君相對本忘言況復山園夜不喧月下詩成清

欲絕遙聞清磬度寒村

山齋

空庭日暮人影稀爐中藥熟療人饑數行秋雨落

如注驚起愁心幾欲飛

題壁贈爾因道士

雲直

詩集卷之七

八星館

舊日曾孫轉面非相逢如夢復相依燈前漫話行

藏事君自黃冠我白衣

代僧海漑贈建大

漫隨詞客一登臨海外風烟澹石林大地山河皆

作主牛瓢清供坐松陰

筌香樓豫爲歐陽仁瑞後二日催粧

傾蓋欣逢弄玉人筌香樓外接天津邀將海月爲

粧鏡豫報仙源兩日春

和林懋禮珍惜詩三首

照面何時照膽深
納君懷袖傍君心
人間尚有堪
珍惜舞罷孤鸞匣裏沈

髮落蒼華鑑
漆光猶疑脉望吐
仙香人間尚有堪
珍惜釵燕空飛出洞房

半幅當年繫臂紗
淅來香汗若桃花
人間尚有堪
珍惜泣數鰓綃對月華

過東方朔故里

齊東野語

詩集卷之七

八尾信

嘲哂公卿出漢廷
平原故里想精靈
卽今無地爲
金馬終古何人識歲星

題畫贈蔡伯宗

銀河直瀉九天秋
海水應同江漢流
萬頃風烟生
錦石不知嵩少幾人遊

題迎柩塞芳卷

青溪如玉泛沙棠
鼓罷雲和捧筆牀
一曲春江花
月夜人人疑是杜蘭香

題畫寄倪柯古

指上雲蒸三嶽生
六年筆債一朝清
渠渠轉販雲
林派半剪吳淞價未成

贈王仰山方士

垂老燒丹尚未成
曳裾猶自重公卿
碧桃幾度春
開遍饒得韓康賣藥名

詩集卷之七

八尾信

棄草文序

稱詩畢而毛子晉沈天羽諸君子復索予文稿予

曰茲益非所長憶年十二時季兄介叔令作宗祠

祀臘文中全用月令日窮于次星迴于大數

終歲且更始之語先君見而呵之曰是固言乎

請其故蓋窮次幾終字非吉祥因教予曰凡爲文

須識官樣與臺閣體一切觸忌語不可施平交況

事上也時嚴冬服父教汗浹背愧不自勝誓學古

棄草

文自序

文而童年質弱多病膽識未壯又肆本領甚苦不

敢他習但稍稍露之成童小試論表先君擊節稱

善遂命予知賓客司筆札間及酬應文啟然皆六

朝駢偶且志切舉業每覺時文古文格格不合年

將二十乃始博覽百家及仙佛書已而專意禪宗

數載頗有悟入因事欲棄塵網先君不可曰吾艱

一第待汝科第後任爲之未晚遵父命復修舉業

暇及古文時馮具區陶石簣湯霍林許子遜諸公

咸主張學者讀蘇子瞻子亦覺其合以禪悅所得

兼施之沛然無礙而累試不售乙卯先君沒予無

所師承遂從董見龍先生遊盡得其理學經濟文

章大旨因知韓昌黎出諸家上直接秦漢六經連

居先君生母喪杜門一意刮去俳習禪唾獨爲真

實之學自課兒子曰凡拈一題須極力摹擬如聖

賢現身說法方有實際不則文皆土苴耳以孔子

大聖學琴師襄七日而親見文王精神所注不知

棄草

文自序

所以然而然此千古文訣也或譏予曰人世劇場

何用刻苦認真予曰譬登臺演某劇擬某人不真

實歌笑一番安能動人雖劇猶當以真行之況非

劇乎越五年而業成以所持作時文法用之古文

間質之董師曰苦無好句恐涉時文氣師曰作古

文正病在先求好句古文與時文原無異能達卽

佳吾早年文多接筍後葉臺山勸以盡去津筏爲

徑度法文遂大進予服膺茲語叅之昌黎秦漢靡

不合而才力淺薄又虛名漸起貴人多強代筆其
不韻者又拘錄迫協之所遇多忤困窮日深身名
未就恐妨本業不得已立文傭條約開價受直用
濟饑寒其知文者樂與予爲市愴者亦遂捨置予
因得稍省物役嗟夫三十年耗心文事徒代人歌
哭其被協去者稿皆不存今其僅存者亦宜盡棄
之水火而已憶去秋以母老乞歸辭別直指世培
祁公公下詢曰近來所著古文幾何對曰三載手
棄草
文自序
治爰書未暇及祁公曰子之爰書起伏頓挫卽古
文也可以示人矣予謙讓未遑今以病棄官又不
自棄其所應棄何顏之厚乎子晉天羽曰不然昔
韓昌黎終身稱董晉爲隴西公誼起書記蘇子瞻
不諱代張方平諫用兵代趙清獻表忠觀碑卽如
子言其忤于人者非文也棄者自棄存者共存何
害焉予曰士遭逢不同古今異致惟是父師之訓
名公大人與二三君子一日之知予未敢忘若論

文則終非吾事也

崇禎乙亥歲季夏望日周之夔伏枕書于松陵塔
寺僧舍



書

文自序

序

文士毫端能取不若能棄六經而後不取秦漢六朝以下諸家爲之不可使居然秦漢六朝以下諸家亦粉本爾夫善弓者師弓不師羿善舟者師舟不師暴李白鄙建安杜甫輕齊梁蓋不貴從門入而爲螺贏之負也孔子許商賜言詩非以其舍素絢好禮之說哉吾師

章甫先生以棄草命集也曰生平詩文多酬應落

棄草

沈序

八尾信

紙後卽如唾涕墮地豈可更取吞咽故自棄所作及爲人棄也久矣而今復存一二則子與子晉賓門廣敷輩有膺好也夫先生於世勢利富厚無所不棄唯是古來鳥策篆素玉牒石記諸書冥搜跪誦而本以神靈狗齊之資凡有所作情繭自絲心鈎獨匠往往造立世界試以某家某派舉似之不得也先生曰詩文者決於志發於氣正則龍門而上各勒一家大風垓下之歌又何所襲乎文章之

偷志氣之餒也志氣之餒人品之壞也爲人臣而

令之俯則俯仰則仰處則靜呼則應子墨子所謂

景與響也國奚賴此臣哉是以先生客長安值趙

忠毅公始觸璫被竄貴人鮮祖送者先生獨追隨

三十里不去理蘇郡下車首恤周忠介公後暨完

天朱先輩不遺力而集中懽時條事悼故惇倫舒

懷頌美皆足以感人心匡世教如碑楊忠愍公特


闢

沈序

木犀信

君臣九京相得之隱尤豈倚傍雷同者所可及哉
膏中有介然之志浩然之氣而後能吐棄一切以
自有其確乎之文甚矣先生之能棄也世皆知先
生制義理學獨擅宗風不有後先而抑知詩古文
詞有大過乎今昔者彼區區學一先生之言可以
廢然棄矣

崇禎乙亥夏杪吳郡門人沈際飛拜手謹書



序

吾師五溪既以病乞歸晉往候于鴛湖舟次進而坐之臥榻曰予從此往矣吳中人士不以往來易心者子與天羽耶因與言其病狀寒氣入經而稽遲正氣留而不行炁氣從上脉亢大而血散亂不知所以理之方也相對欬噓久之晉因請曰昔召伯一舍而後人輒寄思于甘棠先生嘉惠于吳郡者三餘年不知所托以永其思乞先生所著詩

要直

毛序

八屋館

文以傳庶幾有儀型乎先生輒然曰此唾棄之餘也不足以當肯憎強而後出其若干卷與天羽諸子謀而授之梓人既竣客有過而覽之者曰世未嘗棄先生也而先生乃以棄自名意何居予曰棄之時義大矣哉詩云厥初生民時維后稷舜典曰棄黎民阻饑汝后稷播時百穀以后稷開周家八百之祥爲天下萬世生民粒食之祖而乃名曰棄然則棄者天下萬世所不能棄者也立身之大本

無過于孝友而居官之能事莫先于謀國先生承事二人與其所生吳孺人暨異母兄姪凡見于狀誌詩歌慮無不感人涕泣不啻如歐陽永叔之表龍岡韓昌黎之祭十二郎也先生以外僚留心內政最要兵興財賦其于奴插二囚及紅夷出入侵掠之徑路與向背竄竊之情形及歲餉盈詘之流弊靡不著之論策鑿鑿爲救時之急着不啻如諸葛武侯之聚米趙克國之圖邊也至爲李于吾郡

要直

毛序

八屋館

不知平反者幾何事一路哭一家哭寧失出毋失入黃童白叟莫不讚歎以爲神明則又不啻如張釋之于定國之爲廷尉也乃若生死交情依然素車白馬而刑于雅化猶同舉案賃春誦其詩讀其書知其人可棄乎不可棄乎詩則自六朝而唐宋貫串而不名一家文則自六經而秦漢鎔鑄而出大治詎惟小子有造其在吾吳之獲有此草也將與甘棠之什俱遠矣客唯唯而退然晉竊有願焉

久陰之後天氣清明正氣復而寒氣散一切慄疾
滑利熏于盲膜散于胸腹者如浮雲之去太虛
聖天子軫念能臣召而置之青瑣黃扉之間以備
顧問則棄草且爲之嚆矢矣棄云乎哉
崇禎乙亥秋八月既望虞山門人毛晉謹撰



棄草

三毛序

木犀館

棄草文集卷之一目錄

序

何匪莪先生閩書序

閩邑趙父侯審編德政歌序

閩海勦畧序

閩畧自序

福建丁卯齒錄序

福建武舉齒錄序

棄直

卷一 目錄

八尾館

壽大叅漳南道胡厚庵公祖序

贈運同郭津寰公致政序

總憲李松毓先生中原七音次韻序

容臺越俎序

送叅藩培庵楊公祖入賀序

祝姚崐斗先生序

沙縣侯羅浮解公榮壽奏績序

興化司理余翼望公奏績序

壽少保大司空陳培所先生序

壽福郡司理景毅趙公祖序

陳門節母周孺人九十壽序

壽浣玄孫先生文

壽鄉飲賓唐思岡文

棄直

卷一 目錄

八尾館

棄草卷之一

閩中周之夔章甫著 東吳門人 沈際飛 吳師錫 訂

序

何匪莪先生閩書序

唐虞三代帝王記事之史名爲書兩漢以下國史或曰史或曰紀或曰書皆書也皆書則何以異名書之者異之也周禮有史官掌邦國四方之事達四方之志諸侯亦各有國史其大者赴告風謠彙棄直 文集卷之一 八

於王朝待褒誅焉小者別爲私史閩侯服也何以稱書進閩也孰進之書之者進之也其進閩何也龜山延平考亭之學得聖統焉此其所以進閩也孔子魯人也作魯史繫王焉猶不稱書閩何以稱書孔子以列國之大夫記王朝之事何公以王朝之大夫記一國之事猶之乎掌邦國達四方生同文之代不敢別爲私史其身進焉其言進焉其道進焉其所記之人之地之事並進焉魯有頌秦費

有晉閩有書此何公之志也異之也異乎後之爲私史而不異乎聖人也然公之志旣已不異乎聖人矣至其所列之編目仍曰志若僅以備史家之一體所發之義例其獎善也雖微必錄其懲貪也但削其名若退居于鄉黨恂恂之旨所據之見聞一本于郡邑新舊志及海內諸志稗編方言咸有採繹其詳婉瑰麗若裴松之註三國史酈道元註水經使讀者忘倦開博物洽聞斟酌裁製之用凡此皆公謙厚汲引不掩前勤不拒後勁而非史家矜已炫長者比也蓋古之君子其識力足以持衡千古然後可定一時之是非其精神足以包舉一世而後可周一方之利病今日疆場固不專事西北而兼在東南閩海干楨又不外慮倭奴而內防寇賊勿論周江夏湯信國經營遺緒遠不可尋卽譚中丞戚少保六十年來所修復增設之五寨七遊守禦攻戰之具今名實多不相應番錢內艷粟

貨外流洋船既啟戎心中左遂成爭地區區澹水
復與夷共之奸民挺而走險窮而思返其難獨不
盡者仍窟穴波濤如蛟蜃變幻日者回面受夷讖
慰執訊 聖天子鍾鼓實式靈之予何力之有至
若善後多方夫議有卑而不可不用者汰額設以
募新標聯漁船以翊戰艦廣敵臺以衛海堡聚火
材以精夷銳是也有遠而不可不求者復汀鹽以
資兵食乞遼餉以專海防罷欽依而用海將協浙
棄草

文集卷之一
大尾館

粵而講會勦是也凡此在守土之責抱鄉邦之慮
者并力而交營之毋狃近功毋惜小費毋伐異黨
同毋重文輕武則閩庶爲完閩而不負何公垂戒
之意矣公今大用未艾方將經綸天下揚摧千古
佐 天子爲堯舜湯武而身爲見知如臯益伊周
焉是書特公著述一班不佞蓋就閩言閩亦猶何
公之志也

閩邑趙父侯審編德政歌序

代

余里居久好從長老子第問稼穡孳息登耗身習
其事憂樂喜愠時與之同情今年秋濛雨初霽早
禾入場民飽於新婦衍子嬉歌聲易易徹原被畛
予聞而喜之問曰此何聲也則相率曰趙侯德政
歌也予循音節得大指其要歸於侯審編予曰趙
侯德政不可指屈而歌獨以是起何也則相率曰
夫編雖十年一審而審之得失利害則環前後數
十年相爲無窮使當其責者因循故事任鄧長高
下其手飛灑詭寄隱占那移連阡陌者無一日之
役而口分世業斥賣殆盡者尚以空名任患甚而
出入奪予之際或以請托解免或以刑威強承繇
是而法不平等不平而戶不均戶不均而賦無常
賦無常而上之人所爲按籍而知多寡有無者徒
得其意而已不幸而有水旱盜賊甲兵征調悉索
敝賦貧圖下里財盡力罷懷憤相向彼無一日之

役者亦豈能享無事而長有其阡陌哉今我趙侯不然廉潔惠愛素孚於民民既無欺侯之心而侯又無強民之意一切戶丁事產息羨畸零辨任施舍苦心精核胥攢束手使坊與坊疇廂與廂疇里與里疇鍾阜陵壝以地疇斥澤渠弭以水疇毛顛男女以年疇軍役匠竈以業疇其有新舊相推去留相執者侯色加溫詞加藹私書謝絕筮簪弗用使退而熟思審處一不協而再再不協而三而四

雲一

文集卷之一

雖十數不倦也侯其既協而後正籍焉其如父母區畫家事恣子弟求訴往復曲盡體悉蓋吾民有環觀聚歎且感且泣謂前十年之敝得侯而除茲十年之生得侯而甦後十年之法得侯而仍猶未也從此不可知之數十百年泣吾土者或聞侯之風而遞相祖述是侯一審編而民有恒產官有絜令國有經用賈爭不作鄰比和睦鄉六服承德之化當不遠矣此吾民之所以歌也予聞而又喜曰

德真至矣大矣蔑以加矣周官均土地以稽其人民而周知其數歲終獻民數於玉王拜而受之登于天府徐幹言民數爲庶事之所取正以分田里以令貢賦以造器用以制祿食以起田役以作軍旅國以建典家以立度五禮用修五刑用措今去成周數十歲而侯所施爲與周官合長老子弟之言與徐幹合是歌也宜與韋籥幽詩相依永俾采風者貢之 闕下 聖天子加惠元元之意得賢

雲直

文集卷之一

六八集

令而宣布不怠海隅日出罔不率俾是我侯爲天下倡爲百世功也敢爲叙述其所以而錄其歌辭于左

謂我父庇我字謂我母哺我乳昔黃口今當戶大戶處平洋小戶雜鹽鹵上差攪我眠下差憂我釜山多風海多雨鳩有鳬鵲有祖我有趙侯安我堵

一

猗我侯釐來牟按冊籍正田疇胥與吏不我求攢

與役我無憂左排年除且留右里正管且收富人
不爭貧不仇侯坐堂上和且柔我出縣門嬉且遊

二
闕

我侯哲冕爍的我侯頤被衰衣我侯安且康我食
飽且長長相見鄰里面長相戀井與甸長長相保
子孫善趙侯教我長不倦天子萬年趙侯壽千我
家無事醉飽且眠

三
闕

臣上

文集卷之一

六八

閩海勦略序

代

東南節鎮之任莫重閩廣閩三面距海無門限之
固沿海斥鹵不足于耕耨以魚鹽舟楫爲命稍歉
則仰濟惠潮浙直之米又以其土所殖與鄰壤通
有無遠及呂宋暹羅諸屬雖風濤不測然實民生
息之路不可閉塞故奸民乘便出入殺人禦貨殺
雜莫辨甚則勾引倭夷稱戈犯順如靖季之變此
海之大利害也先是閩以負海寂遠但設鎮守未
有文武大臣彈壓烽燧不戒頻受寇禍 朝廷始
加意海防隆建牙專閩之寄譚中丞戚都督受事
成功始創立寨遊三路樓櫓相望今春秋大信小
防及水陸戰具兵法無慮皆戚所遺也法久而玩
奸跡接續賴萬曆之季復嚴通倭之禁勾引絕故
倭雖能併琉球而不敢入吾地而吾奸民大盜聚
徒衆有名號者遠借倭爲囑喝近習東番爲逋藪
合力致死橫行海上急之則易散緩之則蜩集民

生息之路不通交走死無弔雖屬有袁李效順之事不足風也勢非草薙禽獮窮根株痛斷不止今中丞商公甫入閩卽苦心經畫厲法懸賞指授方略明見千里將士用命越境盪除浹旬而彭山錢灣兩捷生獲名賊黃包彩陳奇百餘人他斬溺無筭威靈震懾渠魁雷公老以計擒黃育一力屈遠遁束身請降于粵賊黨潰散商漁獲甦某文吏雖未嘗踐樓船預斬獲然竊從爰書中得諸賊罪狀

雲五

校集卷之一

六

從羽檄中得羣帥功績而後知公之神機英武卓乎其不可及也語曰爲虺不摧爲蛇若何非公定計于鮮易知今之黃陳雷老輩非昔之林道乾曾一本終蔓難圖乎且自信國江夏俞戚之後海功有大今日者乎凡賊禍不始于賊將帥選懦觀望養成其氣勢日者援遼招募之役叢集寇令或慮其內騷外訌欲姑縻以撫公與侍御鄭公同心脇濟易撫爲勦策其必克灼知將帥逗遛之弊申明

軍法遂使庸懦皆起而節制整暇赴募之兵無敢有譁伍干令如公者真能處兩難規萬全而不惑于羣議者矣上功之日適廷議有追美俞戚之請計當與褒公璽書會此皆閩膚功也知朝廷惠眷東南無已而公大用之烈正未可旣某職在司辟詰奸無狀賴公威德庇其罰謹詮次前後勦略爲序其大端若此使閩人咸知生息之自也

雲五

校集卷之一

六

閩略自序 代

予理閩四載無所短長惟刑獄差爲盡心每一爰書具戰戰慄慄懼民勞于下以瘼臬事居守令之間攝官承乏凡糧餉倉儲郵傳鹽筴考課保甲廟祀僧寺匠班養濟之屬職得問者各傳以條比雖衡文自有主者然士子見及不敢固也屬歲之弗靖遠左徵援紅夷爲訐且次第綜寇令矣予自惟才不逮古人而居衝疲之郡任繁難之事得無隕

云云

夜集卷之一

二

越稍暇則披吏牘取所最經心者爲芟去文移複疊摘其獄辭及上人報語手錄一帙置几案間朝夕觀省爲孚室惕中資匪敢出以示人也壬戌冬幸以文無害例從課最後追於罪戾諸門士有從莆泉來者論文之暇間就予問政焉予曰子異日之政在子之心予今日之政在民之口以子心參民口俗之義淫官之功過朝之黜陟及子之法戒具是矣予何政之有諸士固請曰百聞不如一見

雲雲

夜集卷之一

二

周官且有歲終羣士計獄弊訟訟中於天府矣豈今閱替四奏最已升聞而實蹟獨悠聞子其謂人何人其謂子何子曰得失自知無以示人爲也昔晉之被廬齊之版法鄭之刑書衛之法經當時互有是非然爲後世慮者尚恐民徵於書而有爭心予豈可以予未完之蹟見長覆短重爲子羞諸士曰國有象魏官有案牘家有筆乘亦各徵信焉已且信於心不若信於人之爲公信於口不若信於書之爲久子其無用秘匿弗昭凡三辭三讓不得已出手錄一帙與之嗚呼古之敬刑慎罰莫詳康誥呂刑二書或始之以不侮鰥寡或終之以監于祥刑然子產惠人乃著火烈之論孔明王佐亦有非赦之說蓋愛待敬而不敗德須威而久立也閩俗淳厚去古未遠然而賄食之釁親者閭牆恬禍疎者服毒抵誣沿海姦民殺越于貨窟穴波濤勾引接濟倚夷爲虐康誥所謂不率大憂呂刑所謂

報虐以威意在斯乎意在斯乎予德薄不足以勝
殘後之賢而泣茲土者其尚本康叔呂侯之心而
取裁于子產孔明庶乎有完閩也是帙也始終海
寇一事諸士蓋或感時變而取猶夏姦宄汝作士
之義以文之然益以重予過也非予意也故叙其
問答申以予區區之意明予不自欺以欺閩云

福建丁卯齒錄序

代

今上御極七年歲在丁卯丁者壯也言萬物壯盛
也卯者茂也言萬物茂美也天心布護慶霄五色
天下人文爲氣所召不佞奉簡書按八閩始至而
適值賓興釐剔監臨如解額舉九十五人旣歌鹿
鳴以名第相序矣翼日後講士相見禮齒讓彬彬
故事予當序其錄端凡所以語多士者大都不出
讓道雖然讓不同有遺榮謝施擇瘠食粗以爲讓
者有執雌守柔處錙持後以爲讓者有履而不疚
當而不忤爲而不宰成而不恃以爲讓者從前之
讓則刻意絕俗恬淡寡營之士能之從後之讓非
饑溺絲已痼瘵乃身克已復禮善與人同者不能
也國家懸爵詔祿合宮闕門百年而薪爇之三歲
而弓旌之固將得人而任之以事也使人人有驚
名位嗜閑安之心艱大所集逡巡相委則何貴于
有是讓乎若夫寒溫之候非一氣所成參贊之業

非一智所周使士君子任天下事而必是之在已
非之在人善之在已否之在人進無寅恭師濟之
風退無滿盈止足之戒恐異日惜器小歎無術者
歸咎于今日不讓始然則士今日者固任讓交集
之身而赧然退縮與翹然喜負之見皆不可存之
胷中也蓋昔者虞廷都兪咨傲禹讓于稷契皋
陶垂讓于殳斨檠伯與益讓于朱虎熊羆伯夷讓
于夔龍夫禹益垂伯夷豈不知其身之必任水火
工虞典禮而故修不情之讓哉蓋其難其慎畏天
命之心也是故季札韋玄劉愷丁鴻輩之讓讓之
小者也禹益垂伯夷諸臣之讓讓之大者也若論
齒也則有虞氏貴德而尚齒夏后氏貴爵而尚齒
殷人貴富而尚齒周人貴親而尚齒虞夏殷周皆
盛王也未有遺年者然而太上貴德吾終以虞廷
交讓爲多士勗俾佐吾君明目達聰從欲風動
之治使後世追數閔士之才真壯盛于丁茂遂于

卯則茲錄不徒作而予言不虛立矣

福建武舉齒錄序 代

今上元年並增文武解額蓋側席無已之思也士無分文武宜各思所以報稱乃武士之在網羅者則所恃瞋目攘臂不介馬而馳滅奴酋而後朝食者也亦何用賓賓齒讓修文士之縟節爲雖然古之善用武者未有不本于讓也記曰以之田獵有禮故戎事閒以之軍旅有禮故武功成太公論五將而禮將居一禮者讓而已姑勿論三千一心之義王

文舉卷之一

効卽如管子內政寄軍令務使其伍之人同福同恤同居同遊人與人疇家與家疇抑何讓與及其夜戰聲相聞足以不乖晝戰目相視足以相救其忻歡足以相死三萬人足以方行天下又何武與然則不能武者必不能讓不能讓者亦必不能武古之欲上人者先下之下之所以爲讓上之所以爲武上而下之所以寓武于讓也擇功宜讓也趙衰不必賢于舅犯卻轂不必賢于趙衰而一則曰

吾不如衰之文一則曰穀說禮樂而敦詩書立功宜讓也甘延壽位在陳湯上而郅支之役一聽湯許遠位在張巡上而睢陽之役一聽巡居功宜讓也李愬實入淮蔡而戎服以待裴度曹彬實下江南而以勾管公事署閣門彼渾濬不讓于平吳韓賀不讓于伐陳相去遠矣卽管平金城偉績而識者尚謂其所以處辛武賢者未盡善抑何讓之難也屬者東事不戒母亦心競力爭使然易曰師出以律傳曰師克在和今律者以不律者掣而和者以不和者亂急病讓夷之氣衰而黨同伐異之跡著居內則好縻軍在外則事觀望功欲已居罪欲人受利則臣尸患則主任夫干戈者禮讓之反也救干戈者還必以禮讓如徒坐視齒牙爲猾戎夏交梓淪胥與溺而猥云以殺止殺以爭止爭將多一人卽多一涉戾 聖天子一再廣額之意與予所誨文士而申之此者何居諸士其亦本以忠義

不磨之性行以禮讓不爭之風戮力一心奴酋不
難滅天下不難平 聖主之恩不難報也故于其
齒序錄成而申以告之

壽大參漳南道胡厚庵公祖序

代

蓋在易之臨其象曰澤上有地臨君子以教思無
窮容保民無疆而終以上六敦臨吉无咎夫咸以
徧之甘以入之至以孚之知以照之而又敦厚于
終久暫一致今我厚庵胡公以剛中大亨之才履
厚德載物之任筮仕刺福寧晉冬官郎出守太平
再守吾莆茲建節漳南約略公臨民美蹟南北甘
棠而外利澤吾閩獨多閩之歌舞公獨久其在福
寧道不拾遺夜戶不閉其在莆陽清靜寧一庭無
訟者漳南駢山於汀連海于粵茲究顛越之所出
沒島夷卉服之所窺伺有閩廣制臺彈壓不及者
公皆默弭之卽邇歲薄伐小誅執訊獲醜公獨夷
然不屑恥與分功蓋公之學以性命爲本原以經
綸爲應迹持已接人安內養外遷善不知行所無
事書曰臨下以簡夫繁則鏤薄簡則敦厚薄則不
固厚則可久公真以簡爲敦者也方 朝議陞公

秩時未審所授福寧興泉延頸跂踵爭欲得公建
節旣晉漳南威信遍於四境全閩賴公鎖鑰祝公
壽考有虔秉鉞敦臨吾土凡宦於閩者皆師法公
爲民增祝黃鍾葦萌陽和始浸戩穀聲宜百嘉備
舍汀郡大夫沈君大時公之鄉姻也佩服公素受
成憲邦率厥屬邑緘誠徵辭不遠京都必徵馳祝
夫古者無不學之公卿大夫其學之成也爲龍爲
光令德壽豈天子所蔡萬福攸同蓋德性之者也

文集卷之一

八尾信

壽命之者也盡性以至於命則德立而壽且不朽
昔有問吾鄉俞虛江曰太公八十遇主不已衰乎
虛江曰彼有敬義之學方始壯耳奚其衰故太公
歷相文武成康壽踰百二三十有子伋之才猶身
舉賢尚功鑄山煮海強毅精明澤及後世以學致
壽以壽致治太公千古至人虛江千古至論也後
之學者虛談無實振徒植羣爲時主名犯世大禁
如公不言躬行有體有用隨宜教思而不偏袒致

知主敬隨地容保而不異視高明究獨公之學得
於臨者居多以簡爲敦以敦爲壽諸大夫有能臨
公之臨必復壽公之壽寅恭師濟于以佐 聖主
壽考作人之化不難矣昔丙吉予魏相書曰 朝
廷已深知弱翁治行方且大用矣願少慎事自重
藏器于身相學頗表采易陰陽明堂月令不必如
公醇抑吉所稱慎稱藏深合公敦臨之意此予所
以祝也不特此也尚有大畜之多識畜德利涉大
川焉晉之自昭明德康侯錫馬焉坤六二之直方
大不習無不利焉乾九二之見龍在田天下文明
焉皆可以觀公之學觀公之治觀公之壽

文集卷之一

八尾信

贈運同郭津寰公致政序

功名進退之際惟聖人能與時卷舒其次則不失其在我揚雄稱顏淵以退爲進天下鮮儷焉又曰必進易儷也必退易儷也進以禮退以義難儷也班固取雋不疑于定國薛廣德平當彭宣六人同傳謂其皆得明哲保身之道今東萊牟平津寰郭公以名臣子清標弘濟聞望珪璋先爲守貳河間管宣府上西路糧儲撫賞勲庸茂異著在薦剡宜

文集卷之一

三

晉顯擢僅以資遷閩水口分司公不鄙夷其任督課綜理畫一商民賴之舉命方昭忽動婦歟之興堅求解組上臺強留終不可奪一時在位歎美冥鴻運長宋公暨諸僚屬供帳祖餞俾予序同寅愛戀之情及公所以勇退之義予惟國家歲以金縢廢戎索又以鹽筴佐邊需昔之募商開中則屯與鹽合今之折色解運兵與餉分然邊釐多開于市貢而山澤屢困于均輸者非法之不立良繇不得

其人也得其人而後可廉澤商民信乎夷貊今九邊延袤獨宣府糧儲麗轄河間豈非以開平爲犂庭出入之會獨石爲山陵肩背之衝去京師僅四百里事搖機警宜呼吸立應哉卽閩僻遠南服然亦千乘海王之國也其鹽曬之以七場課之以三路然東路南路派引三歲一周計六萬四千三百四十道每歲解額課皆輕微獨西路爲重蓋東路僅行于福寧南路僅行于省會西路則利行于延建邵諸郡四方食貨所共利與弊相錯故水口分司扼要重于黃崎閩安二鎮也今邊輸孔棘徵餉無常限期四十日之內鹽未發倉而先督其餘價風濤漂沒而不許其補水南路豪右接盤私鹽透越上郡深妨西路正課而莫爲之禁止愚筴之商非必盡布衣胸邴也一課而四五徭征一罪而四五贖緩倍貸稱息敲骨見髓此而不爲之議疏通拯救尚爲完課乎公之給儲撫賞服虜綏邊薦贖

文集卷之一

三

琅琅雖未超擢其能已見矣而其暑醴政一年凡
完五帑正課所餉引窩銀五萬餘兩杜干謁謝火
耗革陋規禁差擾蠲株罰目擊時艱痛心商瘼雖
力不能盡得之上而心又已白矣能見而心白則
公已無負其生平聲無愧其先德宜其塵視圭組
而飄然欲遂其摹石之杲觀蜃蓬萊之樂也茲行
也上臺有贊公能尊生者予謂尊生之旨不必專
徵詞莊列也易已備之矣觀之六三曰觀我生進
退象曰觀我生進退未失道也而繼之以四之觀
國五之觀民此其生固莫有尊焉者矣公牟平之
鄉在漢有劉寵者以循吏爲民所愛棄官百姓送
將塞道半不得進山谷老叟人賁百錢送寵寵爲
人選一大錢受之其後累登卿相而淡約省素家
無貨積公真似之 朝廷用人方急公籌邊課餉
確有成績恐終當爲時一出各位繼美于龍光大
家聲以退爲進共篤協濟則予不佞敢取觀國觀

文集卷之一

文陳卷之一

民爲公觀生之道于以大尊其生焉可也

文陳卷之一

文陳卷之一

總憲李松毓先生中原七音次韻序

字中形聲不相離也形者氣之屬也聲者神之屬也爰有書契字體立而音韻出焉本因形以成聲復因聲以定形以聲定形如以神召氣今吾聞殷殷而知爲雷聞調調而知爲風聞霹靂而知爲雨聞潺潺而知爲水及其宴坐默然鍾鼓蟲鳥之聲雜沓交至于耳循其音皆決知其象一一不爽則聲之可以定形而韻之可以正字也審矣故曰神

文集卷之一

八

生于無形成于有形然後數形而成聲聖人因神而存之雖妙必效摹之以圖書鳴之以律呂形與聲相得神與氣相守開合通乎陰陽清濁體乎剛柔或異韻同歸或一韻異用以妙乎倡和感應變化不測之致所謂高可以至於命而下不失爲人用此先王三歲一同而後之綜核者亦以課最令史不專專供文士聲病駢麗已也總憲松毓李公生稟中州清淑之氣學窮古今象數之源以天常

爲筆舌以勲業爲鍾石茲復憫音韻之乖離也遂合邵康節皇極數與司馬溫公字母二十圖參伍錯綜約而成書名曰中原七音次韻使學者按圖成聲因聲定畫不勞而辨其可謂易知簡能而備參贊化育之道矣今天子方中和建極天應以景地效以響黃河清鳳凰鳴寶符出行將播爲郊廟樂章比諸雅頌得公是書於以考聲氣而儀軌物律歷以正神人以和端必由之矣易曰夬揚于之意也

文集卷之一

八

容臺越俎序 代

同年朱上愚公官奉常時論列天下事 主上神聖鑑其忠朝上夕可卽天下咸讀而信之謂至仁莫如公焉初不以其言爲出位也公自命其疏草曰容臺越俎何哉此其說備于古矣臯陶曰予言惠可底行禹曰兪言底可續臯陶曰予未有知禹曰贊贊襄哉今觀其謨始于慎修惇叙中于知人安民九德咸事終于惇典庸禮章服用刑又獨能賡歌一堂之上爲君臣炯戒爲雅頌權輿臯陶不專專言刑亦不自慮爲越俎也嗣是而周召之相誥或以疾敬德誠小民錫王公或以往來彛教襄我二人篤棐一則呼之以旦一則呼之以爽如父師焉二公不厭其言之多亦不交慮爲俎也卽中興以還喜則有孔碩肆好穆如永懷之贈而非比周優則有請共正直戲豫馳驅之戒而非矯激烏在有言之卽爲越俎哉爲人臣者知而不言不忠

有善而不與人共爲之不仁善乎荀卿之言曰仁言大矣起于上所以道下正令是也起于下所以忠上謀救是也是故君子辯言仁也仁者視天下如一身未嘗輕一肢一節一膚一髮之痛而不愛不護不救不療今公言无非達其忠所欲愛護欲救療者卽所自云處中流遇風之世懷一堂共濟之思及自愧庸醫早无洞垣之見今逢國手與講嘗試之方此敷奏本心亦至仁矣今世皆能如是越俎而仁人之效不旣接踵乎有仁者之心必有仁者之才與仁者之言仁在一身未有不能爲百體而能爲一體者也仁在天地未有不能爲四時而能爲一時者也仁在朝廷未有不能爲六官而能爲一官者也公蓋師臯之邁種旦之碩膚與之平格焉故言皆底績而尚以爲未有知純佑吾君俾迫見冒聞于上帝而尚以爲不惠茲多誥風于有位而尚以爲如飛蟲之弋獲也仁哉茂以

加矣公今文武憲邦敏戎錫祚未有艾卽謨明弼
諸之章且十倍此其曰容臺越俎云者則恭奉幣
供王祈天永命之志乎後之誦公之言見公之仁
者皆從其朔矣

送叅藩培庵楊公祖入賀序

國家衆建藩屏自都會而外其地大人衆或駢山
貫江阻隅負海前抵後衝左澤右壤特分設監司
守之無事則軫念民依有急則糾遯王恩權比秉
鉞而吾閩興泉二大郡獨合轄以一叅伯非文武
爲憲者莫能勝其任而愉快況海上連年用武興
泉適當枕席過師錚于丁寧淵淵闡其民乘弊
恬禍鴟義姦宄寇攘顛越溫陵醺錢奸會主名豪
猾幾不可問用一切惠文繩之又聒聒起信險膚
汰奢不斃忠儉不與雖百子產吾知其無能爲也
培庵楊公昔守漳南甘棠猶新易慈接壤調習亂
本施設方略間用鉅筭得渠魁貫豎斃之杖下餘
黨解散一郡震懼民大綏靖其他島夷番舶勾引
接濟皆削根掘株銷聲遁影故中丞南公得以一
意勦驅紅夷內顧而無騷動驚訛之憂者公功居
多茲當入賀之期公威信素著海隅率禪可對揚

王休膺錫圭賜袞兩臺推公領閩臬嵩祝郡大夫
屬余矢音膺奉余惟古享國長久成周而上獨稱
有殷然周失之弱名過殷而實不及卽其君之壽
考亦殷多于周故周公謂殷王中宗及高宗及祖
甲及我周文王茲四人迪哲豈非赫聲濯靈足以
壽寧保後而非因循不振者所敢望哉穆王百年
耄荒呂刑靡敝其後民玩其上陵夷崩解然則國
勢貴強君德主剛臣職尚勤民風重質崔實謂漢
宣優文卽余殷統勝周之說也卽神爵五鳳中其
臣如韓遂之請毋拘文法一切便宜尹翁歸之緩
于小弱急于豪強張敞論吏追捕有功願比三輔
尤異雖擊斷縱舍不同風而綜核名實皆桴鼓希
鳴璽書褒美焉 我朝國威自 高皇而後再振
于 世廟享齡悠久煥隆殷宗今 皇上勵精求
治賞信罰必幾于殷王桓撥禮陟配天多歷年所
而公以數政之優兼敷奏之勇幾于阿衡甘盤咸

有一德保乂平格俱非漢宣君臣所及此亦千載
一時也夫忍一人以全話億萬人者于臣之奉法
爲至仁旌一臣以激勸億萬臣者于君之禮下爲
至聖茲行也 聖天子若曰外事汝陳時臬司師
茲殷罰有倫尚助予宅命作新民而公用漢法翊
殷統以其除閩患者爲 朝廷除建會安耆諸患
苞葉旣析正域有截受命咸宜百祿是荷端必賴
之矣

祝姚崑斗先生序

代

古相臣自臯謨伊訓說命周官召誥而下漢奏議擬三代而魏弱翁諸葛武侯僅明堂月令諫伐匈奴二疏出師二表唐以詩賦取士而郭代公僅古劍一篇裴晉公曰依元白間燕許雖大手筆而相業不光獨張曲江李文饒著述與建明相稱其最號賢相則首蕭曹房杜然皆無文章非無文章也其事業即文章也故狄梁公論相舍李嶠蘇味道

文據疏之一

八月

而薦張柬之韓魏公謂吾為宰相歐陽公為翰林學士天下文章莫大於是又論王安石為學士則有餘處輔弼則不足至我朝獨不然罷中書省設內閣叅機務非詞臣不預是選前代相臣與學士分官而我朝合之前代文章與事業異能而我朝兼之其真能合而兼之者三楊而下屈指李文正南陽起吾楚石首文正起吾楚茶陵江漢炳靈後先輝映篤生不窮今其萃吾崑斗姚公矣公為諸

生即以天下為己任為孝廉即却跡公門間公正發憤建白利病已未文尚浮艷公獨以渾雅冲澹魁多士其館課錚錚皆博議昌言真實經濟今歲分典春闈新奉功令黜諸子尊六經史漢韓歐公所得士多入格其為文亦如公所自為文其為人亦如公所自為人值今天子神聖好學日讀尚書毛詩及資治通鑑大學衍義公侍經筵每稱旨朝廷方篤敦睦之義以公克冊封使命將行而

書五

文據疏之一

八月

公覽揆適在林鍾月門士李士淳李嗣京輩以予與公同楚產共史館知公深徵贈祝焉夫吾楚自鬻熊為帝師倚相讀墳典丘索丘明授春秋于至聖離騷一經千古忠鵠文明至今命世代作他勿具論即以文定文正所遭逢所建明所著述與公錯綜相較文定當仁廟喜真氏學術歐陽奏議遂以衍義進講定歐陽文為臺閣體風天下今上生知好古闡釋緝熙更多博與公以性命為文

章平日講求適符鍼芥文正周旋 武廟卒除逆
瑾委蛇曲濟僅乃尅之猶崎嶇以爭京軍邊軍分
番不可而去 今上不假羽翼手翦兇閹黜媚褒
忠不遺餘力嘉意楚材每彰天語公以氣節居詞
林卓然獨立宜膺眷顧文定薦一不餽遺之江陵
令而官勸廉文正汲引後進名士多及其門最著
則李獻吉一代詞家又首疏誅瑾者今公約諸第
以繩墨規僚友以忠義錄門士以雅醇氣之所召
藝文
人文必蕃文定詞賦雖遜東西二楊而駁歷尤多
二十餘年文正懷麓堂稿西涯樂府傳後世自神
童鳳慧功成身退登年載德今公動靜有常語默
不苟克養純粹神氣完堅且年未踰艾建明著述
日新月盛 天子方旦夕相公天壽平格保乂王
家然則公所爲終身報主與諸士所爲多方祝公
者吾始終以文定文正叅觀之誰爲我明文章事
業不可合而兼而吾楚之不可唯天下也

沙縣侯羅浮解公榮壽奏績序 代
閩自都會以上邑于溪山阻深之中峯迴路峻石
廉水駛火畚盤壠飛棹驚湍其民性專觸誠疎身
而載視聽爲之令者或矯虔卓鸞繩墨操切則民
亦挺急走險善持陰事明謗而陰詛之惟恐其在
事之長一日之不去已也或恬澹寡慾溫良慈惠
則民亦卑伏輯柔戀慕怙恃矜譽而陰祝之惟恐
其在事之不長一日之去已也令于民之禍福至
文集卷之一
大民于令之短長至近挾其至近以規其至大自
有治皆然而山邑爲甚沙縣與劔七邑風相類也
獨土稍坦而民喜文坦則易與爲仁而文則難與
爲暴先賢陳瑩中羅仲素皆其產而今猶彬彬如
也非有賢令不足以竟其化癸丑南宮之役予得
今給諫解君石帆因知其昆季五人皆名士已而
解侯羅浮第壬戌而令沙縣予在政府日聞其賢
聲籍甚不可更僕大端如設策以賑饑饉則合周

官禴國凶荒之法捐俸以立義塚則得月令掩骼埋胔之仁步禱以呼甘霖則邁仲舒閉陽縱陰之術焚牒以驅猛獸則契劉寬虎北渡河之異至其精神所注尤卓然以興起斯文爲已任日進士子而謀之目第手裁諄篤不倦士咸津津力學絃誦滿邑庶幾子游氏愛人易使之化侯真賢矣哉客冬予里居適吾郡之侯官興郡之莆田其令皆秩滿遷去二縣士民交赴於兩臺乞調解侯幸惠其邑蓋兩縣爭一令而幾相與爲敵也沙縣士民聞之裂背攘袂起曰奈何奪我父師數千人遮赴兩臺乞留解侯終惠其邑蓋三縣爭一令而幾相與爲敵也兩臺不忍奪沙縣仍以解侯還之吏習民安其化大成今當奏最爲天下先適貞侯孤矢之辰侯分闡所得士許君彛輩咸求予文祝侯莫而紀侯績夫侯之德民旣尸而祝之矣卽其績異日將史不勝書無所用予文也獨其精神所格無遠

文集卷之一

文

不屆卽使侯驪虞善取譽然行于一邑止矣他邑之人何術而使爭欲得之侯教化覃敷然行于吾人止矣雨天澤也何術呼之而應如響虎異類也何術驅之而去如脫蓋人心旣得天必隨之神必相之此非可以空文襲取也然猶未也善人爲邦百年可以勝殘去殺人無百年之信壽而有千歲之信法何也善與善相繼得千歲之信士持之是卽千歲之信法也侯今所造之士旣如彼所得之士又如此譽髦蒸蒸吉人藹藹吾知其間必有命世之才如陳瑩中羅仲素者出于侯之門牆光大其化異日侯與給諫君共秉鈞軸佐天子以壽考作入勉勉紀綱安在乎千歲之信法不遠過于百歲之信壽也南山之祝其上也終之以保艾爾後蓼蕭之貺其臣也終之以萬福攸同天下而無急人才則已天下而急人才也消其蒼蔚朝濟之氣進于萃萋離皆之風如侯之培植作興勝殘去

文集卷之一

文

殺宜無往而不欲其在事之長惟恐其一日之去已也

興化司理余翼望公奏績序代

漢吏治責成二千石獄訟盜賊皆守職之朱初始用士人爲州郡司理一時名臣如范文正韓忠獻咸起家是官我朝加惠元元尤慎刑獄內設棘寺與司寇相參外而大郡理官必選經術高第仁明廉能者崇其事權與御史臺等理激揚丰采獄無冤滯而守始得以率僚屬總紀綱克遂咨周助流政教蓋守與理並賢而交相乎之爲要吾閩負山阻海地陝賦少其國可靜而不可動莆尤綰轂海道舟車繹騷之會幸其民勤苦纖膏足自給喜文學畏法令治視八郡差易近以遼左告急調募加派頻及左道內煽紅夷外訐發徵期會困敝危疑之際刑獄生焉故治莆于今稍難莆之賢守厚庵胡公與予昔共事冬官相善也茲爲予言其郡司理翼望余公之賢今報政兩臺交薦士民謳吟且曰余公銅梁人今大中丞健吾先生子出名家

成進士恬約如寒素餽遺謝絕市行不擾操可師也吾之來余公已先吾爲政二年迭署一郡三館之務百廢俱舉爲莆力免水兵之募搜逋鹽墾稅及諸無礙者抵派額千五百餘兩濬蘭陂渠水千丈野植千本桑倉穀歲積三百石上里場覈課五百疲驛有甦冗役有汰屯頂有清蠹情有禁流移有撫笑釋有恤飾宮祀賢旌節表孝穀寒峻勤試課彬彬如矣海春秋警則身親防汛而教閱之隍壘必周舡械必飭草其科歛以時鑿給士夙飽而民無恐此其概也公之慈祥愷悌本自天性大辟多所平反雖行部清漳猶破成案而傅生比者四今其爰書具在讀之惻然不啻五聽三刺雖一二訖威訖富法所不貸可無憾也公真折獄惟良者矣才優詳讞而其意常欲使無訟品振官方而每不爲苛求刻責之論愛民而不求報好士而不求名譽逮于上而不矜不伐雖以持平天下在

卷五

政集卷之一

六

帝左右可也子其爲我文之林子蹶然曰至矣哉在太易曰澤上有風中孚君子以議獄緩死其九二曰鳴鶴在陰其子和之我有好爵吾與爾縻之余公好生之德孚于民矣而胡公秉彜不倦所謂交相孚者與且今之秉鉞榆林使吉囊脇息受吏者非公之家大人乎兵刑古合官也蠻夷猾夏寇賊姦宄臯陶作士余公文武忠孝世其家學行將出謀猷從中丞公佐天子撻夷虜致太平而以

卷五

政集卷之一

六

吾胡公寅恭師濟其間君臣父子僚友之盛當比美唐虞而非漢宋之所可望也是爲序

壽少保大司空陳培所先生序

代

少保大司空陳公培所以 陵工告竣請老乞休

天子矜留公辭讓遂賜衣增秩馳驛予告甲子

秋出都門識者咸嘖嘖公之行爲合於大易見幾

而作不俟終日老氏功成名遂身退之道觀頤敦

艮距今一年所矣秋九月二十四日爲公覽揆之

辰壽開八十有二少師元輔葉臺山先生稱公門

士旣自爲文壽公矣又以不佞某先辱知公源流

壽工

政集卷之一

八

涓潔搢彼注茲因率其同籍及門同里親黨緘書

馳幣不遠千里徵言於予且曰肆筵授几酌斗祈

耆子弟之所以祝父兄也昭明高朗錫類被祿父

兄之所以貺子弟也吾三人幸各息機辭餘良食

無恙愛時敬日扶老引年皆 聖天子之賜也某

之道在行葦矣先生獨無意於旣醉乎不佞拊髀

雀躍而起曰有是哉少保公審於君臣進退之義

而少師先生篤於師生僚友之情壽固備是矣夫

壽者受也言所受於天不可冀也然古今山林遺

逸之士多得之而興朝榮官者不數見卽書傳所

記如魏文侯樂官竇公至漢文帝世傳樂記則二

百八十歲范長生始事昭烈至李特時猶存則百

三十三歲元魏羅結百二十歲領三十六曹事唐

李元爽百三十六歲爲耆英首亦卑官散秩仕隱

祿農未有肩弘任鉅履高食豐而久筭者豈非簪

組羈輦勲名徽纒不知止足臨攀顛墜而被倚然

壽工

政集卷之一

八

物外者獨能襲微重妙出清入玄深根固柢蚤服

重積今天所受傲然獨存也哉然師尚父八十遇

主歷文武成康計其壽亦不下百二三十歲衛武

公年九十有五猶箴儆自戒恭恪不倦史不記其

年壽所極又安在經綸康濟之途遂無長生久視

之道也蓋君子時止則止時行則行動靜不失其

時其道光明公弱冠登朝方剛中息踰耆再簡未

耄遂初其間家食日多傳遽日少恬澹寡慾敦龐

淳固若無意於人世然而領職方則戎事閒鎮榆
林則威靈咆策遼陽則豫睹周營大工則漏費塞
而又以知人之哲成報主之忠處棟隆之時爲嘉
遜之吉功在九邊而不伐能澤及三族而不言德
世並正卿而柄以謙子孫繩振而詒以穀其所受
於天者正未可量也蓋古者稱詩言志情見乎辭
其德洪碩其音肅穆衛武侯章得列二雅其曰溫
溫恭人維德之基公今素履无咎似之修爾車馬

五十一
政集卷之一

弓矢戎兵用戒戎作用邊蠻方公今籌邊先事似
之民之靡盈誰夙知而莫成聽用我謀庶無大悔
公之急流勇退似之百禮既至有壬有林錫爾純
嘏子孫其湛公之光前裕後似之視爾友君子輯
柔爾顏不遐有愆公與少師先生廊廟之業山林
之樂相與有成似之予頌公止是矣若 聖天子
修月告存日有秩就室珍從袒割執醬則尚有蓼
蕭萬福攸同桑扈萬福來求之什在不佞揆齒猶

遜公二齡絜德則追公百一業不敢居一日長況
旣醉之父兄乎其終以初筵抑抑從少師先生行
葦之觴而侑之

五十二
政集卷之一

壽福郡司理景毅趙公祖序

代

渡徐兗歷淄泲平原逶迤衛河濬沂南扼水陸舟車北供燕趙幾輔意必有邁種名世者起而襄從欲風動之休而今福郡司理趙公其人也往余猶子銘兀之婦翁俞如愚守濟南時實奇公文拔冠多士每以公語余余由此知公壬戌公進士理福郡甫與福接壤公明允之澤波及吾郡邑廉能之譽上騰于京師甲子閏闌猶子獻葵與銘兀俱得

政懷卷之二

六

雋而辭葵幸出公房稱門士則公之造闔以造吾門至渥矣秋八月二十八日實公覽揆之辰獻葵率諸及門先期馳書都下徵予言以爲公壽夫古今淑問臯陶而外其善欽恤者無如召公其享年耄父者亦無如召公然召公聽斷享壽之跡史不可考間于詩書見之詩序行露言召伯聽訟也甘棠言聽斷其下人而民思其處也召誥自奉奉于疾敬德誠小民助王祈天永命周公作君奭祝之

以天壽平格保乂明邦及成王能紹庭繼序又戒以洞酌卷阿二詩使之豈弟攸堅彌性純嘏蓋自宅維以後警民皆受召公欽恤變化至於康王之立召公猶未釋政然則成周好生之德歷世之久召公固以久於其位培植獨多也今閩疲國而福又衝郡也厥壤斥鹵厥俗沮洳畝不一鐘食不二鬴遼餉加賦鴻雁磬磬所陷而之辟者若而人賄食之彘鼠雀之訟屢校滅趾噬膚滅鼻所迷而怙終者若而人紅夷外訐奸徒佐之寇攘顛越不率大戛大刑甲兵小刑刀鋸所亂而用重者若而人司理不專聽斷也兩臺風旨監司耳目百察承望旁屬訶伺德怨叢集比附紛紜理爲上下標準質的都會之理又爲衆理紀綱領袖而公以發矟之才履盤錯之治秉素絲之操行大車之威辟以止辟刑期無刑不競不綈不吐不如所謂非佞折獄惟良折獄受王嘉師鑒於祥刑公實足以當之故

政懷卷之二

六

未暮年而圖若無滯庭若無號擊斷而非虔劉縱
舍而非姑息民歌舞之不啻如甘棠行露也且爰
書之暇嘉惠作人凡及公門者無慮皆澹臺子羽
而惟官惟反惟貨惟來不敢以混公蓋身既爲豈
弟君子又使人皆爲藹藹吉士洞酌卷阿公皆備
之天地之大德曰生公既好民之生民亦樂公之
壽而公又不自有其美也內以壽其親上以壽
天子書所稱祈永保乂舍公誰屬也然則如愚公
信爲知人獻蔡輩信爲得師矣異日者公秉樞軸
海隅率禪則閩固公膏雨地卽不佞雖老猶能引
周召之誼天休滋至我國家多歷年所公旣戡醜
克母讓後人于丕時則予所以頌祝公于無窮也

文獻卷之一

六

陳門節母周孺人九十壽序

代

天地禎祥之氣鍾于男子爲忠孝鍾于婦人爲節
烈忠孝節烈履常而靜遇險而動動可以貫日飛
霜靜可以反風霖雨故或一瞑不視殺身成仁或
百折不回全生盡壽其婦一也節之難莫難于夫
亡無子早寡晚終日月爲無窮之幽囚衾影爲刺
心之叢棘其視國亂君危軍孤援絕百無一恃萬
無一濟而守死不懈卒之忠成而國奠節立而家
昌聞其名有餘芳踵其事有餘勇人知榮膺偕老
之祥而未知漆身吞炭刳耳毀刑之未始不祥也
然則國無菁莪械櫜之澤者忠臣必不生家無關
雎樛木之教者節婦必不著吾徵之于古信之于
今則有如孝廉陳仲謀所稱其伯祖母周孺人艱
貞之狀悠久之操年十九而于婦婚六月而稱寡
壽九十而未艾胤嗣藐然年華曠遠使其慷慨激
烈相殉事始若予家之烈婦倪玉然已足震動一

文獻卷之一

六

時光耀百世矣顧乃我儀我特靡他靡慝孝於舅
姑和於妯娌慈於猶子勤於中饋至於今視聽不
衰猶時稱詩引禮訓其家之童孫靜女此果何所
爲而爲也方其誓志之初仲謀之太翁玉華公猶
在提抱間節母獨幼而憐之長而依之沒而痛之
非母而恩逾母卽仲謀自云身再受其鞠撫彼豈
能豫料玉華之必鍾祥仲謀仲謀之必稱述已節
而眷眷再世不可知之福澤名譽耶寧武子不能
必衛侯之婦狄梁公不能必唐祚之復志如是道
如是不爲禍沮不爲名勸遂則爲武子梁公否則
爲睢陽信國周節母甘荼大旨固若是矣蓋予讀
林文恪舊志知三山有陳石山先生以文章孝友
世其家石山之長曰蒲石官儋州守是生紫垣蘭
臺季曰畏山是生金華玉華玉華生孝廉仲謀子
向知其爲奇人今名滿天下矣周節母則石山次
子菊石之配子仲謀爲伯祖母仲謀思報其德揚

其節壽其身甲子上公車來京師語予曰向蒲石
公捐薄宦瘡橐爲節母衣食矣燕翼無似唯是微
先生一言以貺彤史予故爲序大節行并推本先
德使人知石山先生積善餘慶長與季子孫繩振
弗祿爾康鍾爲忠孝又鍾爲節烈天地禎祥之氣
盡在陳氏矣

壽浣玄孫先生文代

予向卽知吾鄉之賢達孫舍冲翁有賢冢子曰浣玄先生其後予與先生之叔父同守君爲嫺時從親黨稱述益聞所未聞當合冲翁上公車歷教職及旣第而令崇德也先生以韶齡弱冠隨侍南北冒履風雪其勤翁疾至晝夜不解帶俾翁途而若室劇而若夷者凡以有先生而又績學力文工若過甚蓋古之孝遺身敏好學而先生竟以是漸病

壽工

政集卷之二

八

于目矣然先生不衰也間復自勵并督昆季故今鍾美于介弟戶曹鳳林君雖舍冲翁之澤哉不可謂非先生友于後先之也茲歲孟陬浹先生弧矢六週子同年子周邦甫輩郵書萬里乞言爲先生壽且曰先生中歲好佛氏之學其于像教中以法捨者經萬餘卷以財捨者貲累千金其逮無告者歲又不可縷指嘗再登雪峰拜誦華嚴爲母祝舜鳳林君作人湖學每一篤念千里跋涉以敦姜

被先生之德無已時則先生之壽當與俱無已也

予曰有是哉先生之壽洵在德先生之德洵在孝友昔君陳之尹東郊也曰孝友施政周公之告召公也曰天壽平格夫孝友之施不貸而給平格所壽不引而長此豈必專有位之事哉旣施旣格矣卽弗禪弗捨焉可矣而況夫捨者固彼法中之一

壽工

政集卷之二

八

是烏足以盡佛氏又烏足以盡先生哉母亦直寄焉以爲造物者息耗減益通于不貲者耶抑亦遊心於物之初出入變化以握其無紀者耶審爾則幾乎道矣是過捨之言非不及捨之言也鍾離子有糧亦食無糧亦食爲齊國業貧民陶朱三致千金而三散之卜式輸財耶邊三子或澤里閭或佐縣官而刻者乃猶有好名用智不近人情之謂今海內虛耗邊儲露掣卽予承乏大工攢眉蒿目令得如三子者予豈憂哉惜先生無所用於世有三子之術而僅用之於檀蜜也語曰一介存心物必

有濟經之言孝曰樹木時伐禽獸時殺夫太和元氣之流行其被物無迹儒得之爲仁恕釋得之爲慈悲而要以不離本根者近是今試問先生再上雪峯千里共被者是爲何心不亦本根滋茂生意條達範所謂身其彊康子孫其逢吉而合于君陳之施周公之格者哉如是而先生之壽與人之所以壽先生固自有在而不必問津檀蜜也二三子以爲何如幸當觴先生而進之

卷之二

政集卷之一

八

壽鄉飲賓唐思岡文代

自吾家龍塘而下由菰蘆門入海其地屬于連邑其山多怪石其田斥鹵歲穰率畝一鍾其民舍農而食于海重厚少文其天性也而又去通都大邑遠無紛華美麗朝夕奪其耳目故其嗜慾寡波瀾之所震蕩風雨之所櫛沐烟雲嵐靄之所攢萃歲磨月鍊筋強幹勁肌碩理奏故其精氣多非其力不食非其分不居非其有弗取鄰比高曾佃漁世業重

及蟠時節嫁娶生息人道終始之事皆不出乎其境故其倫誼篤夫寡嗜慾多精氣篤倫誼合以全其人性養其壽命固其宜也至若予姻唐思岡君尤有異焉者備前數美而復承之以讓和出之以遜讓廣之以解推慕賢好客重傳隆師有子力學訓迪不倦鄉譽津津咸推長者蓋勤其力而逸其心嗇其奉而厚其施卑其處而大其度質其身而文其子心逸則神怡施厚則澤長度大則受廣

卷之二

政集卷之一

八

子文則嗣昌夫神恬壽之本也使被澤者咸願子之以壽而且因壽而廣受諸福不惟身壽也穀貽後人壽厥家脉斯其爲壽博矣 今天子履升恒之運行引年之政子向職在太常班序毛顛以爲民紀法當子君冠帶榮觀海濱邑之賢令詢隱德登賓序席率子弟祝哽噎爲孝弟倡而君與其選是二典者適與君七袞會皆可嘉也書曰而康而色曰子攸好德汝則錫之福思岡其以之詩曰民之質矣日用飲食羣黎百姓徧爲爾德吾願人人皆如思岡化行俗美比屋可封遂以婦美 朝廷爲吾君壽也故因子侄輩馳書求文書以示吾鄉風勵之一

集草文集卷之二目錄

序

石倉記西園雜詠序

韓徽漢禮記義序

孫母陳孺人七十壽序

送參藩杜公祖入賀序

光澤邑侯翁公奏績序

壽世培司理祁老公祖序

壽直

卷二目

壽隱君林近潮八十序

壽湛然禪師并送歸會稽序

壽楊母余太孺人序


林得山先生武夷懷言序

贈按院陳具茨公還朝序

贈蘇州郡守陳懷我先生入覲序

葛岷瞻公祖海濱化雨詩序

馮調元將軍詩序



李明六杜兄白湖詩集序

陳道堂客草序

鑪山課義序

江翊垣年兄制藝序

張恭行三異堂稿序

黃照乘文序

許玉史年兄近菰序

先人詩跋

壽直

卷二目

太常潘公祖禱雨詩跋

題鄭元白鴈字花影二十詩

題鄧山舍利疏

題僧大耀募旃檀佛卷

文傭條約引

館

棄草文集卷之二

石倉記西園雜詠序

曹能始先生舉進士之年予纔十歲知誦其文先生官廷尉假歸輒冬月遊詠予里梅花塲從兒童中瞻望顏色併讀其詩越數年予與先生弟能證同泮同社稱通家子遂登其堂歷覽所爲城居西園者是先生奉尊君子侍膳藏書處也因知先生孝友大節及著述之富先生宦跡在白下蜀中匡廬桂林文章經緯輒隨之中間數起數廢淡如也旣闢石倉於其鄉推西園與弟往來無間蓋先生宦三十年今始得執筆從其後問述作大旨文章師友離合得失之際其難可知也古之爲詩者其入一生心力盡用諸君臣父子兄弟朋友而後因物抒之又晦其意不使人知召公被周公之命作常棣及卷阿中亦致思馮翼孝德以吉甫勲勞而得張仲孝友在其宴爲榮喜詩之所爲作與作詩

文
棄
卷
之
二

石
倉
記

之人豈易也先生少失恃孝養繼母及沒爲之毀瘠蔬食前後祿入與弟共之讀潞河送弟諸詩何減棠棣非陸士衡謝康樂兄弟倡酬所可望也生平樂道人善與人交至淡而陰緩急之其汲引後人如不及精心玄理廣修淨業而無福田想石倉中樵徑汲道不絕入其園如郊藪泛其池如江湖對其人如幽人韻士讀其詩如太和元氣噫予不知所以名之矣或曰王右丞白樂天皆兼通儒釋

棄
草

文
棄
卷
之
二

石
倉
記

擅文章名有池園之樂史稱右丞與其弟縉樂天與其弟行簡皆相友愛宜足擬先生然二公之後無聞而先生才子世其業人倫樂事差勝之蓋先生盡於是而不盡於是若其池園風景之美則先生已自記自詠之矣

韓鐵漢禮記義序

韓宣子適魯觀易象春秋歎周禮盡在魯遂退而學禮于是三晉彬彬多言禮之士矣今鐵漢韓子豈其苗裔耶崇禎元年春予披山西恩貢錄其中習禮者七人而韓子哀然第一既喜禮學盛於晉予落第乞龜與韓子先後就試殿廷名各冠其勝以同經相慕悅讀其試帙因盡叩其生平所爲經義其光穆然其味悠然沉厚勁潔實有其文絕

委耳

文義卷之二

八居信

無東南浮艷氣幾幾乎易之幽春秋之斷矣吾夫子傷言禮無徵區區得坤乾夏時二書宣子所見乃周易及魯史記舊文其於徵禮也博侈矣宜其覃思不厭也今小載中稱引詩書非一而易春秋絕少其曰君子慎始差若毫釐謬以千里又非周易中語月令行夏時而雜出呂覽檀弓文法如春秋而旨多出入事更繁碎大學中庸外惟禮運樂記二章純粹而已吾每求宣子所悟易象春秋爲

周禮之意而不得而吾閩友人韓晉之名廷錫者常語予曰他經經也禮記則傳耳然他經只就一經治之義已無窮禮記必合四經兼治之而後曲暢旁通一洗漢儒附會之陋吾因其言而知易之範圍天地曲成萬物者爲禮之體春秋不虛美不隱惡使人徙善遠罪者爲禮之用克已復禮爲仁德日新業富有天道明人事浹帝王之學備矣以鐵漢所自爲文參于宣子及吾晉之語千百載符契南北海心同何韓氏之深于禮也然鐵漢之母段太夫人苦節無愧古禮宗鐵漢卒賴其教以光大家聲則其於禮也匪第文之實允蹈之矣

委耳

文義卷之二

八居信

孫母陳孺人七十壽序 代

漢列女莫賢于桓少君孟德曜曹昭馬倫桓孟以德班馬兼以才桓孟馬之配良矣班則遜焉桓之子鮑永孫鮑昱皆自致通顯餘子則遜焉班馬俱有父風獨昭續漢書作女誡壽過七十倫著述無傳壽又遜焉天地精華之氣不數鍾于男子尤不數鍾于婦人以予觀孫母陳孺人殆將兼鍾之孺人父爲學博陳少坡先生則予先子執友也逸才

政集卷之二

六居

高節庶幾班彪馬融矣孫氏溫麻著姓也世位中丞直指省垣名德如林獨孺人夫鍾南公樂道隱居退耕東湖不減鮑宣梁鴻焉孺人幼習父書窈窕明哲長與鍾南偕隱屏羅綺甘脆治麻臬蘋繫順翁嫜和妯娌惠親戚仁臧婢鍾南好賓客而漿酒是宜鍾南好花卉而提瓮汲灌及鍾南沒訓令子愈掄俾守儉勤博記覽遊太學友豪傑又庶幾鮑永鮑昱矣昭既寡其續書作誡之年已四十

后貴人師之與聞政事凡七十餘年皆在後宮勤

勞度不及少君鹿車德曜賃春田野適性之尤樂

吾安知少君德曜之壽不尤過于昭特史不載耳

孺人今既七十明動晦休沃淫瘠義之訓不絕于

口織紉組紃筐筥錡釜之事不怠于手聰明良食

神氣以寧計當期頤未艾也天之欲祚人國也則

必有黃髮台背壽胥與試之男子爲之變理欲祚

人家也則必有純嘏燕喜令妻壽母之婦人爲之

壽

政集卷之二

六居

宜釐孺人既與曹昭媲才節又與少君絜福澤予

向旣爲文壽少坡先生八十矣今復因孺人弟國

章國袞之請爲孺人七十壽國家太和風熙老臣

田野無恙後生賢才輩出愈掄甥舅譽髦子孫繩

振孺人以期頤聿觀厥成使予又得爲之稱壽焉

則尤幸也

送參藩桂公祖入賀序代

今天子纂無疆大曆服升恒五載日月會於星紀
天明昌作百嘉備舍嵩祝之期於是乎在閩藩岳
序當大參桂公入賀郡大夫陸君偕諸寮案望泝
泝嚶嚶之光祖餞擇言俾予不佞效孔碩肆好予
惟先王之疆理天下也六府孔修庶土交正底慎
財賦祇台德先不距朕行而後東漸西被朔南暨
姬公告成王所其無逸爰知小人之依惟殷中宗

集

文集卷之二

八

高宗祖甲周文王茲四人迪哲厥享國長久我

高皇帝肇造區夏即位三年命中書省凡行郊祀
禮以天下戶口錢糧之籍陳于臺下祭畢收而藏
之古兵農合一徹田爲糧未有餉也文事武備壽
考作人未有督餉專官也自稅畝作于春秋飛輓
起于秦漢慮皆後世苟且之法卽吾閩地依山負
海田于礮畧斥鹵率畝一鍾或減三之一其間以
頃計者僅一十四萬餘屬衛所軍屯則不及四千

集

文集卷之二

八

頃軍民戶口僅八十萬有奇秋糧僅八十五萬石
京折僅三十六萬計其爲金不過八萬餘兩而已
左右伯兼制之逮 憲宗成化三年始命福建布
政使司于見任堂上官內委一員專管糧餉然熙
明二百餘年官守成額卽遇水旱兵革均美補窘
未有加派也自奴酋匪茹征輸遍天下以區區之
閩奉海猶不足者亦仰而奉遼加以紅夷訐據彭
湖盪除騷動而糧與餉始交病矣賴我桂公淹通
練達之才日討軍實而申儆之禁溢利節漏費杜
昧紋罷干請倉庾之積散有期收支之登耗有準
版圖之增減有序戎籍之任曠有稽糧單之時月
有考遼餉之設處有權海上用師二年一切敷
敵鍛鑄水關火攻之具皆有峙餽古所云官之所
匿廩養士之所竊十年之田而不償者公皆無之
又非如今之小驚則小請增兵增餉大驚則大請
增兵增餉也公雖用之一方而運籌于不見不聞

使師風飽而民不病功信偉矣及夫綰藩符而瀕
夙弊也故事胥匠比奸陰陽文牒公私真僞幾不
可問公按籍追償補入萬計罪人斯得群偷脅息
郡邑正輸原封出納百寮頃心師其雅操宜乎以
卓異聞而膺不次之擢也茲入也 天子問公何
以籌海輸邊整且暇乎予知公必不矜不伐歸美
朝廷問何以佐朕食哉惟時系遠能邇土宇既
章享國長久如殷中宗高宗祖甲周文王及我

文集卷之二

高皇帝予知公之必能以規爲賀也當 國家全
盛之時九邊兵餉僅四百萬今一遼而餉六百萬
滇黔蜀尚不在是其何以給之 天子而大用公
公出所以治閩者治天下當必有六府孔脩庶土
交正之烈詩云之屏之翰百辟爲憲不戢不難受
福不那公在閩之謂也彼交匪紆天子所予樂只
君子天子命之樂只君子福祿申之公入朝之謂
也赫赫厥聲濯濯厥靈壽考且寧以保我後生今

天子受球共之謂也敢以是爲諸大夫贈公序

文集卷之二

光澤邑侯翁公奏績序代

古今以文學致治首宗子游氏其治術盡於學道
愛人易使其取人惟行不由徑非公事不至室夫
子志大道之行與三代之英使之以禮周流無不
徧雖在猷畝之中事之聖人矣子游氏有聖人之
一體視灑埽應對進退抑末也乃荀卿譏偷懦憚
事君子固不用力爲子游氏之賤儒卿致治欲審
方畧明政教綦文理致崇高而至論學以脩性論

校集卷之二

本原集

禮以化性起僞性不待脩禮本非僞卿未知子游
氏安知聖我翁侯蔚起海虞生子游氏之鄉于文
學彬彬如也司鐸錫山士無慮皆澹臺子羽辛酉
分衡閩闡拔允麟經庶幾有三代之英焉今宰杭
川三年復見愛人易使若夫嘉惠來學則尸祝李
果齋禘祫朱考亭李延平羅豫章而上又彙集閩
學淵源爲閩先賢三十二咏與邑中絃歌相播此
謂知本孰先傳後倦焉捐俸濬學宮泮水建臨江

浮圖以培文明氣脉使杭川人思作聖安在偷懦

憚事君子固不用力也自科舉之學盛而聖學愈
不明長吏緣飾固陋用一切苟且無愛人惻隱之
實士求所爲審方畧明政教綦文理致崇高而不
可得安望猷畝聖人以禮周流無不徧者故曰治
身以積精爲寶治國以積賢爲道虞廷九德咸事
周官三物賓興漢表章經術至宋而濂洛關閩獨
得其宗閩學尤盛今寥寥三四百載翁侯卓然以

校集卷之二

本原集

興起斯文爲已任儀鴻羽於大邦試牛刀於小邑
子游氏不能贊春秋一辭翁侯撮六經旨要有體
有用咏歌不倦杭川從此多材皆侯力也然則侯
考績固當以興學作人爲上最其他群黎百姓徧
爲爾德特其緒耳余與侯伯兄奉常公同籍交最
厚知侯才譽最久讀侯杭川詩咏未嘗不嘆其學
問宏深事功卓越盡性至命承天治人繇此而歷
銓垣秉鈞軸光大奉常公上佐 聖主棧樸薪標

之化則絃歌不獨杭川而海虞有兩言偃凡及侯
之門者皆可以文學致治稱聖人之徒矣故因其
門士陳子學伊王子爾美輩求文紀侯獨爲揭其
大者若此侯或以予爲知言也

李耳

校集卷之二

六星集

壽世培司理祁老公祖序

代

司馬遷作史記多採撫詩書遺文獨于燕世家不
載召穆公虎穆公去康公未數世耳其德澤功烈
著于黍苗江漢之什而遷無所揚扞可謂疎漏今
吾郡前太守祁蒙泉公甘棠之澤不下召伯民至
今思之意其子孫必有顯揚光大如召穆公焉者
往歲甲子閩闈得五經顏子實出司理祁公房其
冠軍則余姻林子志熹與其六七人皆奇士祁公
壽喜

校集卷之二

六星集

得人之盛一時名動京師人方知祁公爲蒙泉公
曾孫而今職方異度公令子其世家等召公閩人
獨奕世載其德余舊職史氏因林子乞言爲公壽
遂得以述公才德免于史遷之疎漏則眞厚幸也
公以錦繡川嶽之才具金玉冰雪之操年踰弱冠
而器識老成經綸已備公輔符采飄然若神仙叩
其丰旨又不啻三代法物卽以治獄一節言之皆
本中孚之議緩行噬嗑之明敕人人視之信之樂

其豈第精明祝其蕃祉老壽真不啻其生我也夫
民易治也以其樂生民難治也又以其生生之多
生多而欲侈欲侈而機肆機肆而惡熾莆陽于八
郡中猶有沮洳葛屨之遺俗以公之非佞惟良治
民之非終惟肯悉其聰明致其忠愛率父耄彝鄰
罰麗事未朞年而民其畢棄咎公幾可不怒豈非
好生之氣祖洽于衆遂還集于躬名以之高明昭
朗家以之保世滋大國以之祈天永命想公不日
棄事

文集卷之二

本星館

侍職方公共司鼎鉉秉鈞軸矢卷阿之音襄

天子土宇畝章彌性弗祿天下咸在其生全中而
近時奇請他比刻鏤乖沴之氣蕩然無餘則祝公
頌公閭不得獨私其澤而大書特書余不得獨專
其美也詩曰召公是似肇敏戎公用錫爾祉又曰
對揚王休作召公考天子萬壽此祁公數世之仁
也夫君子初入其職旭旭乎如日之升既入其職
杲杲乎如日之中若論壽也則公身方旭日率二

三子爲朝陽之鳳雛雛喈喈媚 天子使俟異日
三壽作朋更進黃髮兒齒之章未晚也

文集卷之二

本星館

壽隱君林近潮八十序代

孝經曰孝天之經地之義廣川解之曰天有五行
其序春生夏養秋收冬藏父之所生其子養之父
之所養其子成之凡父所爲子皆奉承而續行之
不敢不如其意是天道也故曰孝天之經地出雲
爲雨起氣爲風風雨地所爲也不敢有其功名必
曰天風天雨莫曰地風地雨子事父如地事天故
曰孝地之義夫孝置之而塞乎天地溥之而橫乎
四海施諸後世而無朝夕故一孝而參贊位育具
祿位名壽兼自然之理也以予所聞猶子圭所稱
其師林世太之父近潮翁者其可謂至孝矣問其
年已八十過舜五十而慕之期間其德則曰翁襁
褓而失怙就傳而失恃家徒四壁僅八齡之弟筑
煢相依翁或展卷涕泗或對食悲號已而慨然曰
使我叢閣飽帙紆朱懷金而三釜不逮何益于親
且宅兆未卜無所抗折以象撓焚燔闕我卽日節

牧槩卷之二

木犀館

牧槩卷之二

木犀館

鬻菽藿席薪枕塊何益於親夫必待崇封大壙而
後可榮其親至于力阻心違又衣薪昏殮之不得
罪莫大焉于是棄佔俾而覃思形家學廢箸行賈
俛拾仰取以資之請度甫窆與權貴家相毗不克
葬改卜水齧焉又不克蓋拮据若而年始得廣輪
拚坎從若斧者焉吁孝維勤且艱矣翁旣蹶厥生
因心則友向八齡之弟賴翁得肆力于學名幾成
而中殞翁撫其遺孤教養備至不啻已出翁治家
兒無常父衣無常主使子若姪非誠士不得食于
士非誠賈不得食于賈翁居鄉敦族振隣施舍已
責待翁而嫁娶喪葬者不勝紀翁之于人有不及
率以情恕人之于翁有不善惟恐其知此皆孝之
被物世太君翁之少子也馮翼孝德藹藹吉人可
媚 天子使此皆孝之錫胤翁雖八十而拜起坐
立如少壯思慮恂達聰明宜朗耄期稱道不亂此
皆孝之蚤服重積深根固抵長生久視之道然則

孝中之壽翁所自有而祿位與名以待子孫其子孫繩繩勿替引之猶天播五行以授地而地出雲雨以承天經義備矣吾意圭之所學于師而其師之所傳于父者大端不出此 聖天子方以舜孝治天下宜民宜人保佑天申圭從其師世太君起而輔相之事業塞天地橫四海施後世使天下聞近潮翁之風而悅之曰幸哉有子如此而予門首被孝思維則壽考作人之澤以不負所學則予與圭輩所以壽翁者尚未艾也

茂燦卷之二

不虛傳

壽湛然禪師并送歸會稽序

湛然大師以洞山宗旨唱導于會稽顯聖寺棒拂之暇錫鉢自隨寄情山水儻然無礙諸有緣者隨遇得度不可勝數南遊閩中歷夏徂秋卽欲告返時諸四衆乞師少住參諮法要維茲八月五日實師誕辰見聞知者各生歡喜華香飲食種種妙具作諸佛事以爲師壽願我大師爲衆生故康樂幻形表彰實相以無量身經無量時說無量法度無量衆爾時有一居士夙嬰狂疾好掉語言知彼願者失于情計佛法無生寧于生中更容久想乃作是言曰夫佛住世四十九年而未嘗一轉法輪以爲有法可說則雖窮劫猶不能盡也况四十九年乎以爲無法可說則自周行七步之初以至四十九年之末其身皆如幻其言皆如響則其年皆如夢也以生滅之心而立久暫之見夫豈大事因緣出現世間之旨哉今吾師年已餘五十矣程以世

文集卷之二

不虛傳

俗百年之期既得其半矣無所增減于師也而衆人必欲爲師收其全者微尋常之歲月以祈濟尊于無涯而已然以大理觀之衆生各自成佛果且有未悟之倫待度于五十以後之湛師哉吾不知自今以往人亦何所求于師而師亦更以何法示人也無求無示則無可願生與滅等于虛空而行與止隨乎變化師之身師不得而自有之而闡與越之人又惡得而有之吾以爲祝師之壽不當以

文懌卷之二

八尾傳

八年仲秋五日

壽楊母余太孺人序

代

德成乎久福集乎重世間堅貞不拔之操宜學士大夫被服聖賢者之所無難然往往反鍾之婦人彼其氣專其容寂其神澹以凝其光幽以淵不侵亂於見聞不戕伐於誘慕不銷鑠於躁銳不訾訾於名譽所畏者衾影所愛者言笑饘于是粥於是惟翁嫜之服而諸孤之恤一念終身焉已耳故節奇尚烈節庸貴久節無意于壽而有致壽之道者此亦坤厚載物之理也建陽楊生鰲以才名膺今上恩選入京持其節母余行實介其師林豫章學博乞言於予爲母六袞壽予徵其畧則幼而爲儒家女稱詩習禮者若而年長而爲書賈婦椎髻操作者若而年其孝于舅姑和于妯娌使繼姑獨樂與同處者若而年其稱未亡人撫四孤而教之儻三爲儒有聲一爲書賈以無忘先業蚤夜督率不懈者若而年其薄滋味節絲縷御子婦課臧獲

恩禮備至勿替其初者若而年譬之金玉松柏經磨礱飽霜雪歷歲月光山川母之壽已具足於母之德無所假之于外也而楊生所居者九峰天湖蕉源芹溪之勝所習者考亭先生蔡季通父子游定夫兄弟之書所食報者其先人潛德隱耀寄跡書賈流布聖賢效功著述非他智巧什伯于母者比而又濟美邁種日以榮進顯揚爲養志之具凡生所以壽母者又一具足於其身無所假之於外也抑予將有進焉者古今稱陶士行母不衰雖玉子于成亦其子克負荷焉耳今海內多故所須于士之才節至急夫節未有不兼乎才才未有不本乎德德未有不集乎福生其亦務爲堅貞不拔以荅主恩以成父志以彰母教則身名不朽而母壽當與俱無窮矣語曰海納其所出故能廣輪復其所履故能遠生歸其以此言觴而進之庶人人知所以壽其親者在此而不在彼也

林得山先生武夷懷言序

閩上遊之有武夷如人身之有頂也其丹山金碧厓巖突兀竅竇玲瓏神氣越發如人之有耳目口鼻聰明靈秀煥爲五輝之光也自宋迄今棲嘯遊咏者屢矣求其真得茲山之性情者朱晦翁白真人而下指不數屈萬曆丁巳春予與李明六以七日窮九曲再登接筇旁及虎嘯水簾一線天諸勝晝遊夜咏自謂樂事無比每以不獲再到爲恨今予友得山先生十載中兩遊之讀其懷言諸篇景與空會似聞仙音梵唄真得茲山性情者其自號得山不虛也然先生文章經濟隨觸輒效昨歲虜騎蹂躪守通城遏敵衝衛京師於烽火戎嚴中多設方畧全活難民數萬神氣整暇橫槊賦詩別有警草嘖嘖士大夫間不減武夷閒眺時則胷中丘壑與掌上山河不作殊觀予與先生同筆硯臥起二十年莫測其所造至是則予之所得于先生及

山水者蓋淺矣男兒方肩國家建功業聲韻雖小事然朋友道重則君父始不輕山水緣深則名利始不滌宜先生之素懷茲山也新秋微月輕露涼颺予時理姑蘇過潞河感明六山陽之恨與林異卿共話得山署中爲題數行而去

贈按院陳具茨公還朝序

代

江南陪京股肱郡也雖在甸服猶得比三輔財賦文物既甲天下其奸弊所叢異他所故歲命御史臺一人特巡四郡今聖天子勵精求治南顧軫瘼剔蠹尤切以吾具茨陳公風裁最著于簡書中特增清查姑蘇十庫錢糧一節公以辛未冬持斧至爬梳決摘直窮根株凡數十年侵欺那借混淆隱匿諸弊咸呈露而各歸其緒一歲中擊去疲庸剛愎不稱職吏若而人諸司震動恪共列士壞群散植興廉舉孝甦枯鬻強大小之比有倫有要歲適大旱穀踊渠涸漕運拮据一切救荒修備轉輸疏濬剛柔疾徐之宜不使驕軍虐疲民不使天時困國計予有所畫公未嘗不爲立斷也至公有所畫則又遠出于上蓋公心如日月度如河海才如風雨骨如金石不怒而威不言而信乾端坤倪妙用無跡今四郊多壘而江南猶不失爲治國者公

觀省之力居多也屬當報 命還朝使民依戀
共事感公同心一德之誼尤深不可無言夫國之
所恃以治者得人以運其紀綱也有諫諍輔拂正
直不阿天子改容百寮畏憚之人立于朝而奸邪
不萌德澤宣布周官御史不過掌邦國都鄙之治
令以贊冢宰而已至漢而專司糾察權倍卿相唐
立臺院察院我 朝併其二而歸之察院在內兼
稽六部在外並建撫按血脈流通呼吸相應蓋必
院臺有權而 朝廷始尊必撫按同心而後意見
消融功名可立 高皇帝諭臺臣曰民之休戚係
守令之賢否激濁揚清則風紀之官實司之又曰
朕居深宮未嘗不念軍民然下情不能周知爲朝
廷耳目者同心咨訪但水旱災傷有司不言者悉
具奏于考察有司也又曰禮義以待君子刑戮加
于小人君子過誤可以情恕小人之心奸詭百端
有犯當按法治之夫樂聞民隱而以賞罰爲榮辱

之精華咸歸權風紀宜三百年重熙累洽也昔淮
南王不憚將相九卿而憚一汲黯李佑夜半入蔡
州取元濟未嘗心動而膽落于溫造一疏此蘇文
忠所謂奸臣之始以臺諫折之有餘及其旣成以
干戈取之而不足也今東南民力日蹙吏治日腐
橐鞬驕蹇申鑒不遠公籌之熟矣入告 天子歌
時邁之什而徐以天保治內采薇治外將風紀之
權得公而重 聖天子中興之烈具與 高皇帝
重符矣是爲序

贈蘇州郡守陳懷我先生入觀序

臨川懷我陳公以命世之才自南兵曹郎出守姑蘇一載求民之瘼剔決爬搔無所不至初到卽察猾胥狡吏若而人及僞牌篆者付法羣奸懾伏郡中最大批政在軍儲先是寬然有餘後以軍器工料承舍廩給他費盡取給于是而又取太倉衛之美餘三千餘兩鎮海衛之美銀二千三百餘兩充餉蘇州衛因嘉定漕折減漕舡行月糧一千五百餘兩免徵于民故軍食不足運事日欠公爲之請復編以還故額又衛弁多與郡縣吏胥比周冒支透放强者一人而兼數人之需弱者至終歲不沾升斗公爲區畫以某衛官軍俸糧及行月糧坐派某州縣多寡定數揭榜通衢彙成書按季循環倒換上下互稽于是儲弊悉清軍皆風飽漕運有起色是二法也前常鎮道吳石苞公常與余建議欲行之而未逮今公樹百世之業蓋公在留都力核

倉運虛冒之弊故槩然復施之于此其他政次第舉好整以暇黜羨息耗謝施辭餘請托不行竿牘盡絕士服其教民安其業郡中大治公神識遠覽于書無所不讀于事無所不諳旁及神仙方技醫藥卜筮種種皆臻玄妙而又若虛若無不矜不伐親之使人鄙吝皆消前是守蘇者吾閩中陳蓮湖清而仁公則濟以毅寇禮亭清而敏公則運以沉單懷史念冲清而達公則繼以勤真所謂才全而德不形者也今輯瑞入朝 聖天子問治狀公謙讓未遑如龔少卿安所得長者言而稱之三吳固財賦藪今水旱頻仍風蝗疊告民力已竭而考功法惟以催科爲殿最誅十年舊逋于一日視事之吏鐫級至不得齒平人狼顧脇息上負 國課下憂民生繡衣使者操繩墨歲十數搏擊如竈上騷除而金閭淫冶無益之貨駢闐艷目過者詫爲江南佳麗地而鵠衣蔬食淒號無告鬱鬱思逞者不

及見而尚被以至美之名置之爲不足憂夫不足
憂乃憂之大乎吾二三兄弟居恒策慮惛臆公曰
予見 天子當極言之爲民請命昔漢宣綜核吏
治刺史二千石多璽書褒美增秩入爲九卿大匡
我 朝況公鍾之治蘇也亦予 敕書一切假便
宜得舉刺用能與周文襄協力平賦爲百世功
至誠格天茲行必得當于朝而來宣中和樂職布
諸無窮乎請爲百姓歌曰我觀之子衮衣綉裳又
爲二三兄弟歌曰之紀之綱燕及友朋咸曰休哉
舉觴奉公而命夔執筆以序

雲草

文樸卷之二

八

葛屺瞻公祖海濱化雨詩序

代

天以雨化物聖以教化人雨不時則閔且勤教不
時則以結繩治三代以井田治秦漢以肉刑治唐
宋以鄉舉里選詩賦獻策治今日化乎不化也故
今日教事莫大乎文字今日文字莫大乎舉業凡
爲吏而欲收拾人材一切講學風騷方技之門皆
駁雜多邪竇獨以舉業接人爲無弊舉業以根本
經術淹通世務爲可久於其中加真誠焉篤師生
以隆 君父夫未有不誠於師生而誠於君父者
也未有誠於師生而不誠於君父者也故舉業中
所陶鑄變化之人材爲有用今名公大人好以舉
業接人者武林葛屺瞻吾鄉董見龍見龍歷宦不
得一操衡文屺瞻與予幸衡文而皆取時忌豈教
化之權造化有所秘惜耶然誠至則能化二公生
徒滿天下而屺瞻今繫閩思獨切閩必欲爭公於
朝蓋吳越文秀而屺瞻勁之以骨江右文衍而屺

雲草

文樸卷之二

八

瞻東之以法楚文豪而屹瞻澤之以雅閩文博而
屹瞻精之以理作人不倦宜所居樂所去思也昔
常觀察開海濱鄒魯之化其所得士最著者歐陽
詹數人比公門士濟濟彬彬猶少讓公膏雨吾閩
非一而精神獨注于水利文運識者謂修濬水利
亦陰翊文運焉則今咏公者取義海濱化雨士心
也亦公志也在大易習坎有孚維心亨行有尚而
象曰水洊至習坎君子以常德行習教事屹瞻公

素真

文懷卷之二

馮調元將軍詩序
采薇以下諸篇皆咏武也未必皆武人自載筆惟
稱吉甫作頌穆如清風又曰文武吉甫萬邦爲憲
至于流連風景下同文士浮靡而武備衰矣調元
胸藏六韜金匱之書筆陣橫掃千人其治兵也先
恩後威以廉得士以和濟變赳赳武夫謙謙君子
大樹將軍調元豈其苗裔耶同時有馬君名永昌
字又如勇藝過人亦能詩且精音樂近司理雷雨
津公亟賞其才松陵友人言其豪宕激發之致是
二人者自中丞直指以下皆知之非予獨阿所好
也昔有問予鄉俞虛江曰太公八十遇文王龍無
衰答曰有敬義之學不衰也俞公從易學悟兵法
卽一棍亦按大衍之數用破倭刀威寧伯馬上琵琶
與將士作鏡歌鼓吹橫行邊塞人材難得將材
尤不易二君于古各有似于今真適用不專言其
詩可也

文懷卷之二

李明六杜兄白湖詩集序

予與李明六居同里生同年俱以童稚入泮每試場中明六文輒立就浩博無涯湫予已心服其才踰年而明六丁其先人艱年纔十五耳哭泣無算三日但飲水五日以後始進薄粥時有譏其過孝者予獨心服其行又數年而其族有貴仕明六義不依阿予又心服其品自此而刻意道古盡棄時文不觀日取五經秦漢文誦之獨得多出註疏之

文博卷之二

李明六

外最喜爲詩凡詩之百家無所不窺以此試輒蹶而明六卓然不變居恒淡聲利絕世故落落無所嗜及與之辨古今當否論經義異同則達旦不倦遇奇山水輒勇而先登董崇相師闢百洞明六首任開山功與予入武夷咸披道士衣裹乾餬負持臥具陟險涉深畫窮足力夜刻燭紀勝七日凡三上接筍峰躡二十丈懸梯踏空而下人驚若神明六固短視者能自健尤奇海上衝洪濤觀日出張

崎值海汐步海底探龍宮其洞色若蒼玉真有龍居之土人恐龍起潮生促歸入山不避虎豹予踏虎弩機將發疾阻後至者明六猶冒而進灣坪觀千丈瀑布樂而忘歸夜深從榛莽望星光取道而出明六前驅呵比不祥二十年間同師同業同遊同寢以至苦樂謗譽皆同之及甲子丁卯予兩上公車聚而別別而復聚已巳予鐸杉陽寄明六詩有龍塘海汐一宵行武夷九曲七日了之句明六

葉卓

文博卷之二

李明六

就酬以壯語庚午秋晤明六于家時已得骨髓病予留畫卷爲別及辛未春明六逝予在京師不及訣沒而無子其弟哲甫最孝友以其子嗣之又刻其詩集明六一生精神在于詩始宗陶孟後駸駸追漢魏成一家言又經崇相師共韓晉之陳磐生所選定其必傳無疑予哀明六之才行品識其浩氣奇骨又俯視流俗而食報乃爾昔韓退之于詩最服孟東野然東野詩鑱刻辛苦明六雖不遇然

輒有夷然自得之致宜陵而過之蘇子瞻叙文與
可生平戲笑親厚千古如見今以明六之詩敵與
可之畫宜無愧然其狷介而善恕人方正而善雅
謔則非人事之莫能測其深淺也嗟夫子昔有過
舉惟畏黃起雲李明六林國夫三兄知之今皆淪
沒孰呼予寐哉黃君名以興精禪學林國夫奇士
精舉業亦早逝有女嫁予次子以故俱無著述明
六集行可以俟後世矣若哲甫者能使其兄不死
又與明六共千古也

卷五

文懷卷之二

不居集

陳道掌客草序

吾黨十年間原本六經泛濫諸子爲舉業者先後
得陳道掌林懋禮陳仲謀陳昌基時頗有覆瓿之
誚寥寥聲氣迺在金沙雲間江右霜鍾鳴鋌鐵躍
于是周介生夏彝仲諸君子數千里慕吾道掌道
掌不遠數千里晤言楊江蕩湖鼓盪胸臆瑞人神
士騰煥格澤道掌于宗調適上遂矣歸坐九仙山
共勞荔支觀海濤夕漲涼雨爽颼因讀其客草吳
中丹鉛已浹懋禮仲謀昌基戲相謂曰吳中未暇
生荔支聞紅紺多液妄意僅如楊梅道掌親以色
香滋味現身彼界知荔支情量超越聞說客若此
宜其享以承雲晨露也道掌笑曰吾不狎爲客從
來謂客席多喧客兵多橫客不可常吾則常吾主
蓋道掌曰世剽襲子語以吾黨爲嚆矢欲一主之
以六經也之夔曰凡變化之接于耳目皆客也吾
收之爲性靈則客反爲主吾逐之爲耳目則主反

書

文集卷之二

不居集

爲客主與客果何常哉雖然不可不使世知六經之味勝諸子百家荔支之味勝楊梅則道掌室中又日以金奏肆夏享世之爲客者遂相顧大笑共梓其客草行于世

五言

文博卷之二

本集卷之二

廬山課義序

廬峰杉陽邑內主山也學宮枕焉杉陽幅員五十餘里而諸山皆峻削插天玲瓏徹地奇勝武夷人知武夷之奇而不知杉陽之奇者武夷之奇聚杉陽之奇分武夷之奇露杉陽之奇遠非銳力盡心窮探徧歷莫能知也杉陽人物大約如其山川外質而內文不習聲華各具氣骨故才必旣用於世人始知之方其平居未易以言貌定也自宋迄今甲第踵接以鼎元公卿經濟忠節著者光載史冊今邑弟子員僅百四十人耳而多負奇力學山川使然哉予攝事學宮月數課之又給題於家使間日構一義其來講究辯詰則無常期予二子及他問業者附焉自季春至初秋文已盈衍咸燦然可觀或曰造士舍文無他術歟予曰然國家功令在文精華萃焉士殫力於文必洗濯思慮質對聖賢傳註語錄之外忽識取本心是卽真理學一義

文博卷之二

本集卷之二

未安寢食俱廢閉戶湛精他緣斷絕不累長上不
閱有司是卽真德行深觀消息博洽名物史鑑興
亡時務得失透熟胸中待時而動是卽真事功
祖制獨不許士子言事正養其敢言之氣於不言
中耳文者言之成理也賤頰貴楮怯舌勇筆磨煉
沈蓄識英膽雄是卽真氣節故造士一文焉盡之
矣因先梓其最奇者餘以俟續刻名曰鑪峯課義
一集從講習之所也在昔李忠定誦讀丹霞經文
靖誦讀寶蓋諸士今以鑪山擅奇饗哉士不負山
川人將不負士若其文則有海內心目在

聖書

政博卷之二

本處

江翊垣年兄制藝序

文難事也舉業文代聖言則尤難心浮者不能作
性命語骨脆者不能作忠孝語識薄蓄淺者不能
作經濟語平昔遠勢利割嗜慾愛名節惜廉隅靜
觀消息博考興亡念念國家心心君父理熟而氣
充然後一決之爲文非言其所獨見則言其所能
爲卓然一家不可磨滅如是而雖六經史漢尚將
挹其精而忘其粗何暇剽賊諸子點剽百家掇非
聖之言苟爲大以欺世哉夫以非聖代聖猶之揖
髡鉗于禮會恣箕倨于朝堂奏胡琴羌管于郊壇
進蚍蜉鮑鮑于尚食可不可也又有甚者意必以
翻題反案爲新格必以顛倒牽扭爲奇字句必以
盜殺凶妖爲眼目效顰學稟望氣占風讀其文氛
埃滿楮于戈盈目宜邇來名節掃地奸諛接踵也
幸聖作物觀名世應期人文化成赫然丕變
江翊垣年兄其弘濟之心堅凝之骨通達之識博

政博卷之二

本處

綜之學居恒慷慨大節與人言必依仁義忠孝在
長安值逆關猖披之際欲請劒誅兇幸脫禍患又
留神軍國大計凡兵家之利害邊形之扼塞三輔
豪傑之主名西北將帥之能否洞然於心了然于
口蓋其雄才浩氣直貫金石凌霄漢與瑣瑣者不
同故其爲文也亦以奇情抒真理以慧解吐昌言
瞻而不穢麗而不靡牢籠萬象而不雕役使百靈
而無跡每篇末路尤陡舉神勇躍躍吾最愛其以
能弘道結曰河岳日星一含太虛之撰咸昭點綴
于斯文肖翹動植少分太極之精亦現端倪于性
命乃鼎立三才者而甘棄其能乎唐虞之際結曰
籌略智能僅伎倆也非才也才則性真之布濩故
惟堯舜文武能司才之真元奇勲駿烈祇揮霍也
非才也才則道德之流行故惟陶媯姬蒼能操才
之玄感語語卓絕恨坊選未及予故特拈之其他
名篇尚多今文行海內必有知吾言之不謬者古

政權卷之二

不

人文章經濟非二事漢七國外戚卒不出賈誼劉
向之策晉夷狄卒不出郭欽江統之論唐藩鎮卒
不出杜牧罪言原衛宋二虜卒不出蘇軾策略策
別翊垣才識不下古人他日大用必有可觀予故
豫及之使世之想望翊垣者又不獨以文也

政權卷之二

不

張恭行三異堂稿序

吾聞爲理學文獻之地嘉隆以前士非經史性靈淹通者不敢以就郡縣試及其成名也大小樹立皆卓然可觀教衰文敝而一種不學無根冗沓濃穢儉音俚態振黨蓄徒棘闈射覆者輒謂此種文字乃科第淵藪爭收爲羽翼仕途後勁雖敗羣勿恤憂時者當草芟禽獮之急反經術正人心而以懲僞經僞子之過復開空靈便門吾恐後爲不學

改集卷之二

木虎

無根者吹波助瀾其無裨于實用均也夫空靈固非典實莫運也車之軛轂室之戶牖皆以空而能靈然使廢而榱桷樞衡軼軫蓋能空耶能靈耶空莫大于天地使非日月星辰行于上山海人物生于下鬼神祥異出于中復有空且靈否也士欲爲國家用勿論事功節義非可掠虛卒辦卽以進取之情論之居必廟堂出必騶從身必文繡口必膏梁耳必鍾鼓目必華藻光施祖考澤流子孫而

至其論文則詭而之古木寒岩以爲幽羽人衲子以爲韻自欺欺人莫此爲甚六經文具在廢卦爻象數必不成易除辰星山川必不成書刪易獸草木必不成詩去儀物采章必不成禮舍朝聘會盟詞令兵法必不成春秋今懲羨吹壘欲一取而空之使學者別求一真經以爲靈吾不信也文至六經止矣不妨佐以班馬韓柳學至考亭止矣不妨參以金谿餘姚此如五穀而侑肴敎宮室而增池

改集卷之二

木虎

觀何不可也樵川恭行張子之爲人也卓然自命其爲文也淵然以湛經術羅百家出神入聖變陰化陽自成一家言自垂髫童子試先師譚凡同擢冠一郡許爲木天公輔之器自是每試輒屈其儕偶讀張子文其運實處皆空也皆靈也使人知學之貴品之重以張子之文救今日之衰其功不在古人下張子祖父三世積學累行未遇今必鍾之張子樵郡山川盤鬱風氣醇古昔有李忠定力能

再造宋室張子生盛世逢 聖主遭時建樹吾猶
望其邁前人也士非深于古不能自我作古予與
張子並受知凡同先師之門服膺其文其人日久
故爲序致若此使人知文章不師六經學問不宗
考亭才品不法忠定皆非吾閩本色也

黃照乘文序

樵川萬山駢蠹居白玉環中若天上則赤黃包
絡間也光氣聚焉文心奧焉有奇力者能激江海
以浩晶廓中州爲曠大出地麗天靈囑無疆矣黃
照乘韶秀雋逸夙爲王季培先生賞識許以第一
人已乃爲天下遊與吾友陳道寧吮毫西湖中方
今據文之士人人意中有照乘未知照乘意中當
有何物也見照乘之人者不必見其文已見其文
矣見照乘之文者不必見其人已見其人矣若予
則見其人焉又見其文焉冬深氣嚴溪流蹙沸曼
遠樵城落木多音寒月滿地斧冰作糜東荆煑石
霜角悲豪論文徹夕大言爲山岳小言爲丘壑長
言爲九韶六英短言爲飛安續竹在是編矣憶西
湖風景人取春夏明媚予兩以雪晨所得獨多倘
照乘文到彼中諸名士別作異觀則今日樵川
席儼然未散也

許玉史年兄近菰序

文人自鍊才魄如臬氏之鑄金黑濁竭次黃白黃
白竭次青白青白竭次青紫然後可鑄也薛燭觀
純鉤其華粹如芙蓉始出其鈇爛如列星之行其
光渾渾如水溢于澮其斷巖巖如瑣石其才煥煥
如水釋然則才士因天之神悉其技巧何不可鑄
哉甲子以前玉史才魄蓋世尚在豪曹巨闕之間
今讀其近菰鍊氣爲液鍊神合虛中有雨師掃洒
雷公擊橐蛟龍捧爐天帝裴炭太乙下觀逢薛燭
宜知其爲神物也譚梁生督造兵械近爲予言鍊
鐵法須不出冶力士立火光中奮鎚而鼓橐與洒
水者動手均齊則其鐵純鋼以爲炮可輒施不炸
以爲刃可截鐵不卷深契臬氏薛燭遺法古今人
非遂相遠也予無以評玉史之文亦曰時文思索
允臻其極嘉量旣成以觀四國永啟厥後茲器維
則今功令文章如量之平以觀國垂則焉而玉史

用世之畧具是矣

先人詩跋

先人遺稿六種簡較既成兄弟拭淚命夔曰惟子嘗學詩于先人可後諸公而無言夔唯唯嗚呼夔惟名行可以戾契致情志可以怡悵述沐浴膏澤歌咏勤苦卽一家之紹明各有攸當若夫執豐約之跡而議恬鄙緣銳簡之形而定曠莽彼是相繆爲不知已者詬厲戰戰慄慄俱隱沒隕越于下孺子其奚辭焉先是李明六之論詩曰吾聞自林子羽鄭繼之以還古風衰息濟南倡王維李頎之宗海內風靡卽吾郡逸才響應率擅能近體而闊希選古丙辰春夔遊崇相師之門間聆稱詩主于自爲代而不必有襲質以先集猶憾其溺守唐調李歎兼擅之艱而師惜超乘之杳才有所域不能爲先人掩也要以境會情湊聽其所止惠齡進取則北征抗韶秀之音哀緩谷周則雙峰標文雅之致披滌蔚麗則白下暢流美之風策慮愒臆則蜀中

政集卷之二

不居像

拙危懼之思瞻望孀疚則舟中抒哀怨之章偃息遂初則林下揚恣睢之度雖復目局庸邇詞偏顯率亦彥和所云酬酢以爲賓榮吐納以成身文而不必盡守緣情綺靡諧聲切響之三尺也又先人不慕作者之名或在朋侶卽席脫筆不爲存稿十能詩迄于七十逸九餘一泝其所宗儲孟遺軌追惟古之作者情性各迥或下帷工苦或散宕自喜別才別調已有成說必核其泓涵演迤此外概使混俗忘言則先人甘退處慘牛擊壤之後而無窺壇坫毋迺謂小子澡淳散朴重遠厥志也是役也銜振狂先生與明六兄之命居多而夔竊以遂紹明之志爰質大方冀備採擇集戰慄不知所裁

政集卷之二

不居像

太守潘公祖禱雨詩跋

歲在癸亥夏六月至于秋八月不雨野禾將焦邦人大恐占曰災惑犯斗厥斗惟旱夫災惑火也火爲兵象不專爲旱海上用師其應之矣書曰肅時雨若曰僭恒暘若則是貌恭而言從者可以致雨也易曰雷雨作解君子以赦過宥罪則是和平而寬仁者可以致雨也靈雨瑞應圖曰靈雨者瑞雨也降而應物謂之靈雨遇歲旱責躬引咎理冤察枉退出貪殘側身修政則降以靈雨如其有道術禱祝致龍轉石開陽縱陰之類誠非瑞應然則反躬修政者可以致雨也今我太公祖潘公師甫下車而遇荒惻然謀救令縣發倉平糶存活無數非恭且從者與凡有善政公倡而章公和之非和平者與自救荒以及救旱其間停賦止訟疏去刑罰非寬仁者與蔬食角巾屏輟去葢烈日拜走久而彌堅一再不雨則曰惟我及其靈應則曰非予非

政博卷之二

不虛傳

反躬修政者與故人知公以步禱致雨而不知公所以致雨者有先于步禱者也昔富鄭公守青州救水災活五十餘萬人今公救旱活我一郡功不在富公下白居易元和賀雨詩其辭曰敢賀有其始亦願有其終古人之德其上愛其上咏歌其上也義固如此小子從諸詞賦之後敢拜舞颺言曰太平之世欲雨則雨五日行雨旬日穀雨旬有五日是爲時雨時雨時雨其來有數昔在何處今焉斯溥行雨有師致雨有主主者潘公同德相輔和氣薰蒸脉發我土我畝一鍾我食四鬴時雨時雨前歌後舞潘公潘公豈弟父母昔茲苦饑發倉振甕今茲苦旱轉甕爲雨濯濯天心爲公肺腑公格天澤如携如取民苟無咎公其不怒公旣不怒天亦不拒省刑薄斂百室安堵祚我海濱永作鄒魯善政有終照耀今古潘公章公方叔召虎將雨天下受天之祐

政博卷之二

不虛傳

題鄭元白鴈字花影二十詩

予少已喜爲詩同時鄭元白李明六年皆相若亦有同癖元白工爲形似之言明六好爲冲淡之思二人者皆斷乎當成一家者也而父兄先輩往往禁爲詩恐妨舉業予家先人禁稍寬且時誦所得教之先友袁水雲先生卽明六之外祖父元白之兄鄭伯光又早擅詩名以故予三人舉業之暇輒復爲之不衰今年冬梅社初成予方持先輩之禁

政集卷之二

不虞

元白乃坐梅梢月下高吟其鴈字花影二十詩氣韻生動香艷幾與梅花爭勝使予故習復縱不自知讀之津津而莫得其似也陸平原謂賦體物而瀏澆王介甫讀靈谷詩謂饒刻萬物而接以藻績爲詩人之巧元白其幾是哉巧生于有物而不能及于無物惟善體物者以虛爲用是二物者固在無虛實之間者也非靜莫知其趣元白一虐祝融再損有司無幾微見于顏面飄然咏懷窮工極

妙以是心而爲文吾知有以自得而其遇不遠矣躁之生拙靜之生巧萬事皆然可以知學也然予三人尚未見用于世而爲三人之父兄淵源者倏忽轉盼已成古人回思往事真如覓跡捕影于空了不可得士之不朽者果在詞章遇合否也夫士不求用于世而世不可以不求用于士如元白者尚可使之以巧心麗句寄情于無用之地哉元白詩尚多此其一班子爲之書其大畧如此因以質之明六姑共勉于學也

政集卷之二

不虞

題鄧山舍利疏

會稽雲門湛然禪師得佛心印爲慈悲化度故不憚峻嶺惡灘三度入閩今所說鄧山阿育王塔舍利因緣及募化重修塔殿與十方作福已詳師手疏中某敢舉一則近時之文能爲諸君子助道品神廟朝冢宰陸五臺先生諱光祖親詣鄧山禮塔默祝云使某得見舍利當終身護持佛法遂見舍利光大如五車輪是後越中名利無慮皆陸公修建陸公近代名臣湛師當今大士其清淨眼根廣長舌相決定真實不誑不妄且是舍利亦人人得見但隨其根器光色大小變現不同耳人人身中各有舍利種子從六根中放大光明于五倫中作諸善行在世則忠孝清正如五臺公出世則慈悲化度如湛然師先佛舍利因緣如彼自身舍利榜樣如此某願諸君子從自身舍利光明起信生捨爲先佛舍利寶刹修壞維衰也夫世間最難信

者佛最難捨者財能信其最難信能捨其最難捨可以忠君孝親可以治人事天可以回末世之殺運可以動太上之感應某未嘗得見舍利也而深信之願諸君子同信同捨則佛舍利不在鄧上而在左右矣

題僧大耀募旃檀佛卷

香山老人詩云不識廬山真面目只緣身在此山中然則身在廬山外便識廬山真面目乎斯義也楞嚴言之詳矣耀公居廬山復周行天下至吾閩杉陽與予論惟識甚得楞伽心印又云累年募旃檀佛像未就期與像共入山中香山論東南山川匡廬奇秀第一予所見旃檀佛像京師鷲峰寺勝妙第一耀公所論楞嚴楞伽二經之旨決定義第一

文傑卷之二

六度集經

一識耀公真面目卽識廬山真面目卽識如來真面目凡一切見聞隨喜生清淨心皆得不住相布施第一誰是真面目誰是識真面目者姑置是事請問如來出雪山耀公入廬山丹霞燒木佛耀公募旃檀像是同是別特此勘破天下禪和子

文傭條約引

文字清緣供應酬而反俗筆硯樂事受差役而增憂是以超悟三乘尚磨限門之鐵起衰八代亦懷諛墓之金豈有文士嘔心不及小人食力僕本攻舉業兼習古文怪怪奇奇祇以自嬉落落穆穆未知作舌然而德旣降而藝乃見道不修而文有名始猶曹植潤色丁儀終則郭象埋沒向秀代歌代哭戲弄辱等俳優誅負誅逋催呼酷同胥隸夫驛驛致遠豈蹠足于無芻卽鸚鵡能言寧暢音于絕粒彼以詩文充筐篚固今世不容已之緣若以書記代田疇亦吾儒不可緩之務比之工直視煩簡以取傭較之市廛相高下而平價若託雅道而虛役勢曠本業而奔趨僕旣病且貧宜戒莊生之膏火世多材與藝幸別求郢匠之斧斤不昧此中具約如左

文傑卷之三

六度集經

藥草文集卷之三目錄

記他

遊不倫絕頂洞天記

并詩本名峴
若仁音企

稍雲閣記

林懋禮姬童少雙像贊

煤赤贊

貞女周敬傳

朱孝子傳

真直

卷三目錄

木犀館

招隱子傳畧

為嫡母蔡宜人九十壽乞言小引

儀甫弟書齋銘

辯銘誄

書高監遺事

策

東西虜忠策

水戰火攻策

南北兵策

海寇策

真直


卷三目錄

木犀館

棄草文集卷之三

遊一崙絕頂洞天記

并詩本名峴
岩一音企



秋日郭復之何君衡集董葱德孟溪齋頭早飯後
散步溪灣葱德因誇其一崙之勝各欣然欲往沿
溪行岸隤則跳澗石水潺潺遶足間魚遊晶影中
可鑑亭午到一崙坐定山人獻茗峰翠注射欲滴
回望崙頂石壁坼裂老松奇木出頂上若髮予語
二三子曰其上必有異然道弗未除相與蹴蒙茸

至重

文集卷之三

二八

攀竹葦詣所望坼裂處鏤幽極莫測循鏤匍匐徑
入果有洞兩崖壁天如線線道中僅可仄行也線
左轉仍一洞窅圓吞日光仰視如在井底又如竹
筒竅壁黝碧瑩滑不可上賴古藤下垂攀膝齧而
上勢如猿猱出筒上得石頂可坐百人望海一面
頂旁別石湧出各自爲頂扶倚而立然坼濶不可
躍仍從筒下轉右側有洞線視前更窄行則腹背
俱受石也轉一曲中乃有大洞廣丈餘長十之若

點壁上如豹斑坐久窅然疑有神心動而出縛得
一鏤線道曲折光如繞電線窮處一石筍插地塞
洞口筍兩邊銛薄如長劍根處微作斷紋如劍首
從其間得小鏤如環循環中作蛇行而出下視置
劍處峭地百丈矣復穿鑲登洞頂面如大鼓旁石
構架乃向所望長松奇木如頂上髮處也前望大
海遠島出沒諸澗奔流如白練盤舞從幽得曠窮
日月之所吞吐矣予語葱德曰此間當作小團瓢
坐隱呼吸當與天通也凡諸線道中壁色蒼如玉
其頂豹額有眼如欲搏人半壁石凸如胸乳人行
不得不用足掌任踵趾擬而後敢置步海外諸遊
以來洞天之奇曠險澀未有過此者取故道下崙
天色已暮賴星光螢火微得草間路然而秋蟲夾
道幽鳴響答如百部嚙管相導也時因董師將有
留都之行歸孟溪秉燭草此迫請一觀以爲他日
聚樂之地當與百洞竝勝也因各分韻爲詩惟郭

文集卷之三

二八

復之先成其詩曰我來孟溪宿忽到山之隅此地
謀小墅吾徒羨不孤洞喜天開闢遊驚世有無
行添一曲曲步清都更有藤蘿壁潛見任卷舒
相對惟相悅莽莽崎嶇復嶇天門東角峭直入路轉
紆寶劍橫空柱青松陟削癭欲作天人室三光吐
海隅

孟東

文集卷之三

孟東

梢雲閣記

甲子孟夏夔取道若水訪章公酉生于呂山之龍
從斗至則公舊宅盡推與昆季而別賃敝屋以居
前後林木蔽虧有水環之舟可入其水皆楠橡槐
桺老榦交枝秀在其末風動蒨蔥禽鳥嚶鳴水則
激引罨画三箸諸溪之餘左右濯汲兼是數者忘
其居之敝也公于屋後增庫置材板其腰鑿牖四
周雖無飛甍複道憑凭眺咏有閣之用矣命曰梢
雲閣閣正南爲宅所據河平諸山伏而不見東迎
呂山西北二隅最曠烏瞻顧渚方山峽山皆從林
隙吞吐其時桑柘初伐野蠶告成麥浪交風平楚
邐迤群木清陰與空光湖色相摩正晝晴和非烟
非雨自成雲氣按圖經梢雲者瑞雲也氣如林木
梢梢然有德者之所致公生息吾聞旦暮謳思惻
怛任事不避勞怨爲忌者所擠歸橐蕭然僅圖書
數卷獨自節衣損食疏泉菹圃孝養繼母恩友二

文集卷之三

孟東

昆抵家無兩月修葺先塋者三又買地一區爲義
墳以待宗族閭里之不能塋者其德至矣若夫忘
情是非適性誦讀推宅賃敝假助林木杜門掃軌
嘯歌爲樂故閣無弘敞而有風雲卷舒之致梢雲
之命良不虛也夔至之日適值落成公喜命夔作
詩而記之詩曰雲之如梢靄靄林薄梢之流雲以
蔭茲閣閣與雲閒匪丹匪腹亦無藩垣虛殿廖廓
淨琴素書悠然獨樂佳木摩穹蕨蕨穎蕒盪以清
雲華鬢交絡紫蜺遁藏暉光的灼下映玄泉上亘
碧落混逐叢生萬物竝作天地變化類各有託亦
惟其人一丘一壑巍巍我公心鏡湛若山高水深
鳶飛魚躍雲者爲雨膏澤不涸雨者爲雲枝梢不
擇以降甘露以舞玄鶴揮挾挺桐輝赫翕霍閉閣
雲凝混沌不鑿開閣雲行元氣磅礴小子攜辭寫
其大畧雲出指端風梢振簫凡彼見聞自然淡漠

林懋禮姬董少雙像贊

有序

吾人一念相應離垢得淨如出山泉無泥土氣如
出火金無鉛汞色如蝕後月其光倍初如旣寤身
所夢之身衆繫縛從愛生想從想着色喜生悲
滅此生滅心與垢淨相皆如虛空顛倒橫計我觀
董姬乍墮泥塗旋返清淨獲事君子迴向大乘捐
捨故習是其布施服泉茹蔬是其持戒柔事嚴嫡
是其忍辱朝夕禮誦是其精進八年一心是其禪
定臨終十念是其解脫可謂應以女身而得度者
矣懋禮初悅其色終好其德色是愛根德是正念
以法觀之皆無是處能始先生銘其墓與公先生
題其碣居士今復贊其像銘碣像贊但名文字文
字性空以法觀之皆無是處贊曰何碩人之碩碩
兮翩翩其來遲挽雲鬢兮披天衣仰星月兮見
容輝入維摩室使寶花飛世無罔明孰出定機而
惑者猶以爲洛神與湘妃噫

煤毒贊 有序

天啟甲子冬蒙少司馬堂邑張蓬玄先生召與其
介弟羽異長公子樞共肄業都城外之南觀音寺
初館東園爽屋先生以爲不宜于冬命長老樂菴
開佛殿西廊修炕榻居之甚溫十一月十三夜爲
一貴人代作諛墓文畢神思弗快就寢至五鼓而
煤毒行孔竅皆閉喘息量絕幸一念孤明見身臥
床間而魂氣在空中漸漸騰上如遊絲無住着時
文集卷之三
弗知其爲煤毒也但謂作文過勞神不守舍且自
咎曰吾爲所不知何人料理朽骨今自家一點性
命作何料理平日窮究生死到此皆用不得然事
急矣遂疾念阿彌陀佛將戀生怖死二念撒下惟
念佛一念念念相續息得不絕然猶在夢覺生死
之間也次日午蜀中趙英六年兄來訪扣予門予
始驚悟投身床下啟戶入之而頭岑岑口不能言
也長班周全隨入省視知爲煤遂滅火開窗疏其

氣取煤灰澆水灌予口乃甦焉旣甦慨然曰煤之
毒一至是哉然而不可盡咎于煤也追念七歲墜
于池不死其時眼見火光耳聞雷霆十七歲而始
發疹甚篤不死其時咽喉盡塞但見一線光明在
喉間動靜二十五歲寒病中腰不死其痛如蟲蛇
啣五藏晝夜遶廊走三旬不食五月乃少愈五年
乃大愈尋欲出家不果予之歷死境屢矣而不自
悔今行年三十九縛于名利又以筆墨小技見役
文集卷之三
心血枯耗每役則每自傷蓋身賤而後物役之氣
虛而後物毒之佛菩薩于生死急流中垂拯又善
巧方便假手于趙兄之呼而後周全之水乃得有
門而入不然暈絕竟日必死火不除水不進亦必
死然非因煤之毒則予于念佛一法不深信其在
生死爲必得力也故爲追述其繇而作贊曰
陰房石腦敲堅蘊燥以代薪蘇日食之實非惟食
之又復寢之一物二用不寒不饑如何云毒氣迷

心曲竅如泥塗體如桎梏寢食溫溫厥毒斯存思
生于害害生于恩我觀斯害尚未爲大一水可療
醫王爲最五慾之災盤結根荻焚和伐性毒甚于
煤哀我饑渴文字作活以名殺身而不求脫淨聖
慈悲出我于危一念相續等覺聞思凡此毒藥甘
露醍醐煤卽導師開生死鑰黑焰黔薰光佛心
我回毒舌味德弘深離大猛火清涼地坐念佛爲
誰中毒非我我本無生毒亦無情一氣幻滅一念
孤明敲門入水神巧默使趙兄周全生死可恃張
公至仁溫室如春我心無毒煤性自馴茲生亦幸
託命佛境羽與子樞慧業交省出沒畏途偷養其
軀名利患害如毒藏酥萬突密密煤烟如漆國火
司烜王氣爲喬旃檀雖香不可克腸是居釜鬲竈
神方強赫赫上帝五味是劑蠶蠹下民屈此大惠
惟造化功妙湛冲融性空真火性火真空我將佛
力以誦媒德生殺殺生匪毒不克

貞女周敬傳

貞女敬姓周氏夔仲兄名長倩字玄仗之女也生
八歲許聘大參京臺王公長男異而性沉靜寡言
粥粥若無能其母李孺人慮之玄仗曰無非無儀
婦德也庸何傷年十二而母李沒晝夜哭泣爲孺
子慕其外祖母梁恭人令女與兄均分母奩飾女
泣曰安忍覩此悉歸其兄嫂橐惟視父膳寒煖及
哺幼弟外餘無所問年十五而其兄澤天哭兄如
母事嫂尤篤崇禎庚午年十六京臺公陞光祿正
卿以內艱携陳肅人及王郎婦王郎預試秋闈先
期攻苦過寒士六月得疾七月十七日不起父玄
仗往弔婦戒勿露女心知之扃戶愁慘如有泣聲
外祖母梁竊聽排闥曰何事悽然女曰父頃婦情
景大異豈王家有故耶梁色變詞窘女哭曰王郎
真死矣取白衣哭五晝夜水漿不入口哀慘絕人
見聞皆涕父玄仗察女志堅不可奪遂從之夔嫡

母蔡宜人時年八十七矣泣送于庭諭之曰從容就義爲上家人環哭閭里咸爲墮淚夔司鐸泰寧將上公車取道省覲適得與兄弟同往送入門拜舅姑畢易服哭拜王郎撫棺慟絕姑陳肅人相抱哭扶入室慰愛諭所生王公曰從此姑婦相依爲命矣辛未冬郎叔爽舉男子王公命名元吉告廟爲異嗣女撫元吉泣曰吾所爲稱未亡人者欲奉此子成立然後歸報地下耳壬申春陳肅人寢疾女籲天請代竟不起女哭泣如母旣殯遂哭諸室妯娒請就列女曰哭列禮也哭室以遠嫌亦禮也然而室之哭更悲于列矣是年秋王郎服除女朝夕焚香祀其像比于大士甲戌春姑服闋貞女又取姑像捐金裝綾祀中堂王公見曰真無忝吾家婦哉玄仗每憶女欲迎歸辭以守貞宜處夫家惟祖母及父誕日告歸禮畢卽返玄仗畱之荅曰見殊戀戀膝下奈壻像在室不可使久局然父念

見時時來顧兒以茗粥獻豈不孝慈兩得哉玄仗許之恒欲爲王郎擇葬地以利嗣子蓋所云待成立而歸報地下者也自陳肅人沒貞女閉戶尤嚴間誦佛經知大意而不近女尼但有中表姊劉氏年六十亦孀守三十餘載家貧無子長齋念佛女延爲嚴友而已夔在署中馳書勗以專意淨土甲戌秋告養到家得見貞女渾渾若嬰兒之色布衣蔬食無異于人而發言容止及臨大節動中禮義非學問所能及者

之夔曰予家藤山自勝國迄今幾四百載居未易姓世遠矣所可知者高曾而下代篤孝友猶及見祖父先人顛沛中施德不衰狀夔嫡母蔡宜人尤仁禎祥所集仲兄雅博能文而弗售天爲鍾美示貞女童年豎奇節驚人過烈丈夫又從容中道變身爲男子未能建功死節得一當以報國愧斯女多矣或譏學不宜雜佛夔謂世間第一流人物皆

從第一念不轉移而成佛學蓋第一念而已稍轉
卽落聞見聞見轉爲智計智計轉爲情慾子曰吾
未見剛者此也故惟忠孝節義之人可與言佛其
德已純剛其心已淨盡也若高談託佛欺人以濟
其私吾甚嫉焉凡節烈之事精心密行不可以尋
常測變所聞里中方氏二烈女抗賊刳腸鄭鳴鶴
妻林氏十四守貞立孤畢命每爲感泣今家有貞
女益使人奮震不休後世知吾鄉多奇矣仲兄有
子若孫皆尚幼姑以觀其後云

朱孝子傳

孝子朱應冬者閩縣時昇里東畬人也本農家子
素貧自童時小心精潔善爲人治道家醮具父曰
朱德滿娶林氏年三十五歲方生應冬年餘卽患
臙瘡之疾其母林事德滿甚恭越十年而林爲德
滿賽神勞瘁病五日卒應冬僅十歲痛父疾又悲
母爲父疾而沒日夜思所以報父母對天誓持齋
十年減壽十年求愈父疾一日父瘡劇不能下床
應冬延道士陳應鶚同到東嶽廟投詞密藏利刀
卽跪三官大帝像前取刀割股肉裹以他藥歸敷
父瘡父不知也次日命應冬曰吾病甚家有茄種
數斗汝往園中種之應冬扶病種畢次日又命曰
家僅小苗田數畝糊口半以償租今旱極汝速往
庠水灌之應冬又恭命催二人同往竣事以報及
三日父瘡稍間而應冬股痛莫支恐在家父知不
安遂告父曰城中有建五日夜醮兒往應其請

樊氏婦事父數日而私糴米斗許棲他菴
股六日痛稍止乃歸應冬年二十九喪妻貧
再娶時出外營生必言所往近則爲父治一日根
遠必數日具備乃敢出又託其隣曰吾父來賒酒
肉無論多寡盡應之吾婦悉如數奉償今鄰人陳
肖吾尚津津言之已而傷其父在家乏中饋乃揭
貸娶後妻林氏其出必告反必面如初婦必與父
同榻抱父足而眠其排醮所分得果餅諸物悉獻
父無及妻子者同里農部陳元凱先生每造廬敦
禮萬曆癸丑兵道呂公賜孝行牌旌其門獎穀四
石銀二金應冬戒妻子無動盡以餉父父噉穀一
石語應冬曰異哉官穀能令我瘡向愈甲寅按院
徐公又賜牌獎孝是年六月父瘡再發應冬泣曰
必我行誼虧累父至此于是跪地以口吮父瘡父
苦阻之不得凡跪吮三日父瘡遂全愈永不復發
時父七十四矣享年八十二乃逝凡其父母喪皆

三年內禮葬焉應冬有一子曰肇榮業農醇謹亦
孝子之風類也

周之夔曰始予少時讀楊忠愍所述獄中自割股
瘡事激烈悲壯涕泣數日旣而知里中朱孝子吮
父足瘡輒嚮慕師事之而孝子謙讓弗居也及予
爲母建醮得與孝子同臥起累晝夜孝子中虛明
言行真不愧衾影方其割股之餘恭命圍圍吮瘡
三日父疾頓除雖天之相孝子哉而孝子固知有
父而不知有身也旣賤且貧生事死葬從容中禮
孝子優爲之所謂本立道生非歟今里中人人呼
爲朱孝子而不敢斥其名孝子別號旌宇則予與
二三友人及子弟私相謂云

招隱子傳畧

蓋招隱子死累閱月予發其篋得其文若詩墨跡半混滅不可讀獨存時文數首而已予自辛亥年石鼓山中讀招隱子文靈氣旁薄則已兄事之既觀其行誼動與古人合又未嘗不事之如師今年與余在水西白鶴山中肄業尤朝夕親厚無間乃其文墨尚弗盡見也而謂能見其心乎招隱子沉靜寡言在儔中無可別丰穎退御同志然後指得失商古今神采煥發有疑卽厭所問其有不善不敢令招隱子知而招隱子終身與人無介然之容山中臨水石竹木輒穆穆自遠終不知其所思鼓琴咏歌似忘世者考其所劄記則皆天文律曆山川阨塞及井田兵法與古人行事興壞之端志又未嘗須臾忘世者也而自號曰招隱何也嗚呼噫噫予知之矣嘗語予曰吾父少孤且貧起稼郎叨升斗養吾祖母今吾兄弟皆事詩書不能自食尚

自以耆年奔走風塵貽吾以與子高論之日吾猶覼然人哉人子卽以此博宦達於父母其與幾何而父母之期子終不肯以彼易此者何也故吾將去子而躬耕服役矣誠懼吾之日與父母之日俱不可知矣嗚呼其業非隱也而志則爲之招追其言可悲焉招隱子始與其兄英治詩則善說詩已與子更治禮卽精樂律嘗欲依漢志用銅造黃鍾一律以生諸律未就而卒惜哉以招隱子之精思敏學不邇聲色雖宴處必正冠襟然諾弗苟彬彬質有其文天假之年黃叔度荀仲豫不是過也招隱子死弔者無不歎息流涕焉將死之日尤不肯以衰見其母其兄曰弟有所囑乎則默然曰定耶曰定矣死而無子然終無一語及此以見其人之不負所學也招隱子姓林名荃字國夫同遊之士則尤知有國夫云

爲嫡母蔡宜人九十壽乞言小引

家嫡慈蔡宜人本出儒門富室外祖母林自幼嬌
憐之不出戶庭年十七歸先奉直天寧府君其時
寒家貧甚先祖母鄭太宜人性嚴宜人新婦三日
卽令入廚治中饋親操井臼了無愠容越五載先
奉直舉于鄉困公車十五年貧如故也宜人推髻
操作不倦先奉直孝友雖有伯叔兩人而一切支
持門戶奉養重閭皆獨任之宜人助甘旨不缺于
其間婿叔父嫁三姑氏皆宜人割粧奩治織紉以
成先奉直之德益爲孝廉婦十五載口不知有肉
味身不知有綃帛也及先奉直署教順昌夔所生
母吳孺人年纔九歲耳夔外祖吳心全仗義欲救
其友張友梅陷獄而家無擔石自顧僅有一女先
已與友梅遂聽其鬻于宜人得金竟脫友梅于禍
宜人高心全行義且見夔母德性不凡遂愛字之
先奉直助教南雍夔母及笄時宜人已舉有四兄

兩姊矣力勸先奉直納以爲遣恩禮有加先奉直
入蜀守達州夔始育焉而分婉艱危適先奉直
上謁公出宜人傍徨命夔長兄邦甫百計延醫救
產又身自扶翼調餌之夔母子無恙皆宜人力也
夔以下二弟一妹宜人撫之皆如已出尤鍾愛不
肖夔懷携之教誨之靡所不至先奉直以鄭太宜
人艱婦後陞贛州同守爲先祖肖巖公年老遂不
復出宜人共勤儉奉養終身盡歡先祖每稱孝焉
先奉直分伯叔產宜人力贊從厚伯叔不幸皆無
孫枝宜人以季兄之子繼伯後以夔之子繼叔後
又爲養其嗣母凡閭里親戚之貧者必隨力周之
而無德色先奉直以萬曆乙卯歿產業甚薄宜人
分夔以下田宅與已子等夔母吳孺人以丙辰歿
時執古禮者謂宜人在夔不當行通喪宜人素聞
我朝禮不同命夔兄弟參考會典孝慈錄得洪
武七年

母並斬衰三年且時有皇妃之喪高皇帝后尚在也命妃子通喪御製序文爲據宜人太以爲當遵且排諸公之泥古者于是夔得盡所生之恩聞之知有此禮也自宜人教夔始也又先以夔母附先奉直寔不以已在爲嫌于是諸公咸服宜人而不惟德厚且識超矣今宜人每談昔年與先人及夔母周旋持家甘苦狀且夔母承順之善轍泣下夔從師力學爲供具出諸子上天啟甲子夔舉于京闈業已貧矣夔妻林與夔長子婦郭先後逝宜人令諸兄從厚爲之治喪夔成進士宦姑蘇每戒以無忘祖父清白及素所教誨鄉人往來吳中者必考治狀每聞全活一人平反一獄則輒喜夔有頭風夔疾宜人手製菊枕寄之慮其勞而傷生或藥物之誤也詞語悲愴使人子懷歸矣宜人登年九十視聽不衰齒未落髮未盡白行尚不須杖中外孫以下數十人咸能別其可否夔仲兄有女

名敬年十六許聘同卿王京臺之子未婚而夭敬烈女也登門守節宜人力主之夔異母兄弟六人友于無間皆宜人鵬鳩一視之仁使然也宜人日惟兩膳多蔬食至老布衣不華平生無幾微愠容怒語素奉太上默朝之功晚精進淨土今晨昏焚香拜跪如少壯此其驗也以山溪修阻高年不便跋涉迎養夔無以報母德也惟老先生端撥鴻名華袞大筆榮親實多誕晨在十月二十日敢豫乞一言爲壽錫類之感與天無極矣

儀甫弟書齋銘

吾行年三十長汝十有三歲今不幸慈父見背余
既弱不勝事質薄多病而吾又拘鄙經生家事太
小百茫無措回思吾少小親書史學詩画迨十有
五六一時名士便肯與我遊但恨吾學漫衍無家
上探仙佛下涉技藝彌年彌歲耗資傷神進取之
業未遂有負父兄責望良友切磨之恩乃知先主
歎髀肉阮籍哭窮途誠古今所均痛耳又夙生妻
子念薄經營術疎入門無欣然相得之色既已不
利于家又志大才小性剛跡嬾嗜善流于過信嫉
惡傷于太明涉世末流難乎自免行復不利于身
先人常云是子只可讀書不可他事知子莫若父
患之傷心吾居恒數日不見朋友便忽忽不樂以
故喜尋山結伴家居日少素性若此今皆不得自
繇內外綜理屈曲違心然所以猛自揜挫者爲吾
弟調疾親書地也弟年方盛進修未艾三年終喪

始議婚娶俗累又簡豈可虛度日月坐荒德業哉
澆俗重財利輕文學吾又讀書未成言也無徵但
人生自有常道不謂無志聖賢便當甘心下流嗜
利鉤禍內動骨肉之釁外招門戶之侮今賴先人
卒瘞之餘澤食有肉出有車田宅奴婢百事粗遣
造物于予兄弟不薄矣若不乘時修省早已反躬
或至以聲色蕩心性氣焚和進不足以立身揚名
退不足以養生盡年既傷父靈又虧母恃如之何
其可也嗚呼先人之勤儉忠厚種種可學仕有造
于民隱有濟于物時論悠悠未必見察或泥豐約
之形而議恬鄙吾儕自信于心而已今兄弟中雖
好尚不一要于周身之務俱可無慮唯吾多偏癖
而弟亦不免于岐路絲染之戒嗚呼士各有志吾
心懷經世無階灑一腔熱血雖復預策出世之學
尚爾情緣繫縛非狂非狷行當與草木同腐如此
餘風誠恐煽及于汝汝其以父爲師以兄爲戒時

仲秋初旬弟疾新愈吾懷不樂耿耿于中不能自
已遂銘于其讀書之所銘曰

豁汝戶毋蔽汝度閉汝局毋馳爾神誰式臨之我
父之靈爰居爰處惟德之聚中藏先王之書外接
長者之車有飛者鷄來集山墟吾是以愛吾之廬

文據錄之三

辨銘誄

或問周子曰子之議葬旣左儉而右侈左質而右
美矣然則銘誄不亦文乎贊幣以求其詞斷塋以
施其禮亦侈乎周子曰銘誄古也比干之墓銘
曰右林左泉後岡前道萬世之寧茲焉是實是朕
已有銘也魯哀公誄孔子曰昊天不弔不勗遺耆
老俾屏子一人以在位筑筑余在疚嗚呼哀哉尼
父無自律是周已有誄也三代之銘用銅西漢用
甄東漢用瓦晉以後用石銅精而費博陶與石樸
而費簡古之誄卑不誄尊賤不誄貴後則以同等
誄最後則尊卑貴賤得以互相誄誄必出於有
位則潛德或不光誄不必出於有位則公論乃在
下今乃變文就質爲善于古也荀卿子曰葬埋敬
藏其形也祭祀敬事其神也銘誄系世敬傳其名
也孝子不忍死其親則思彰其德稱美而不稱惡
此孝子孝孫之心瑕不掩瑜瑜不掩瑕此秉筆者

之遺直今必欲屈乘筆之體以徇子孫之請夫是以諛墓興而玉石反無以自別是可悲也若因是而廢銘與誄焉滅令名隱實錄則又與于不仁之甚也故周子之議曰子孫能立身以揚父祖之名上也不則假于信史端人之筆以冀其傳于萬一次也不則子孫親戚朋友撮實而書納諸丘隴存古人不死其親之遺意又次也故他可已焉而銘與誄不可已也家可無銘誄是國可無史乘也夫亂之道也若夫生而自爲墓誌如白居易自爲輓詞如陶淵明或以爲豫凶事非禮要之其志達而弗欺其文質而不晦免子孫之求諛省詞人之曲筆吾尤有取焉

書高監遺事

甲寅之歲稅監高宗激變撤回有護近居民言其變之繇起于宗廐鹿逸衆爭入觀鹿宗因夙負民物價多民日求價不得心自疑以爲衆將攻我遂發兵禦觀鹿之徒殺傷甚衆放火延燒民居劫撫臣囚府佐內外交章 天子震怒遂徵宗回徐定其罪予因讀呂氏首時篇曰鄭子陽之難獬狗潰之齊高國之難失牛潰之衆因之以殺子陽高國當其時狗牛猶可以爲人唱而況乎以人爲唱乎宋之逸鹿卽獬狗失牛之類而宗之蒙禍獨輕于子陽高國嗚呼鹿猶能唱而爲閩除大慙而肉食之徒其先欲有與宗和爲宗黨索寄賄于民而罪民以悅之者有聞變而遐疇不赴者皆鹿之不若也

東西虜患策

福建武錄

中國之於夷狄不問其強弱也問吾所以備之而已夷狄之勢分則吾所備者寡備寡則力專力專則我強而夷弱五單于爭立而漢安顏利爭盟而唐盛是也夷狄之勢合則吾所備者多備多則力分力分則夷強而我弱五胡雲擾而晉亂契丹西夏犄角而宋衰是也漢唐以戰而用其守與和故守亦強和亦強先戰後和亦強先和後戰亦強宋恃和而不能戰晉并不能和不能戰終於不能和不能和終於不能守此已事之大較也我

太祖肇造區夏斥逐胡虜遠拓遼陽宣大諸鎮爲外邊以大寧興和開平碁置鈎連之使聲勢相援成祖定鼎燕都徙大寧於保定以其地界虜於是宣遼隔絕然乘三犁之威虜惕息修貢其時奴酋僅女直遺種插酋亦福餘小醜苞櫟無聞焉爲虺弗摧不虞今浸成九黎三苗稽天誅也奴併南

北關不問遂陷遼陽以窺山海復蹂薊鎮以薄都城插兼卜素不問遂挾遼賞於關寧復要卜賞於宣大夫昌平薊州皆內邊也薊隣虜穴喜峰口爲衆顏貢道我旣宿重兵於遵化奴何以能出入蹂躪則衆顏導之入而遵化撤其備也使有覲而復入也宜防卽有畏而不復入也亦宜防其入而仍從故道也宜防其入而更有他徑也尤宜防夫自居庸黃花以東密雲之古北口也薊州之東岸峪也遵化之馬蘭谷喜峰口也遷安之青山口冷水口也盧龍之桃林口也昌黎之箭桿口也撫寧之義院口石門大毛小青諸口以至山海關也皆宜防也而古北口尤要蓋其地沙淤水漫平曠便馳騎非若喜峰諸口據山扼隘虜自黃榆溝而來繇潮河川而入此嘉靖庚戌之故道也今勅制防禦分十二路爲三協東協鎮永平而委以山海石門燕河建昌中協鎮遵化而委以馬蘭松棚太平

喜峰西協鎮密雲而委以石匣曹家寨檣子嶺古
北口要隘若北逼近京師潮河又逼近古北關城
孤立作橋則沙汙難柱爲壑則水漲易淤惟相其
水曲川旁大建石墩數十使烽堠相望虜不敢入
庶可久乎而至於昌平形勝屬昌平者自渤海所
抵鎮邊城屬易州者自沿河口抵故關其間黃花
肩背陵京以四海冶爲捍禦居庸控扼天險以舊
松林爲間道增備廣謀與古北潮河爲聲援而三
輔乃愈固矣夫大同宣府皆外邊也宜去京師不
四百里外遶重屯山後原接薊州大寧棄而左與
薊隔興和開平棄而右與大同隔虜所以馳突不
忌耳昌鎮之外便屬陽和卽挿酋受撫之地今避
奴併下去福餘襲豐州要賞於張家口使挿而與
奴終合也宜防卽挿而與奴終離也亦宜防其旣
得卜賞又挾遼賞也宜防其甘謝遼賞專噬卜賞
也亦宜防夫宣府蔽京師獨石蔽宣府西路之張

家口洗馬林西陽河柴溝萬全諸城也北路之獨
石馬營赤城雲川長安嶺也中路之葛峪常峪青
邊羊房趙川也東路之永寧四海冶也南路之東
西順聖也皆宜防也而張家口尤要張家口挿所
新窺求款也東至四海冶西至永寧墩北接獨石
新墻自滴水崖歷龍門盤道南通黑峪之路因山
修壘迄靖胡柞口有急則自龍門黑峪以達寧遠
邊內經行止三十里北路之兵繇此以入衛南山
東路之兵繇此以出援獨石皆可朝發夕至而外
險立矣外險旣立則自雁門歷井陘龍泉挿箭嶺
而守倒馬自浮圖峪歷沿河口而守紫荆自長峪
歷白羊撞道口而守居庸以居庸控北覲之衝以
紫荆塞南下之路而內險不并立乎至于大同形
勝平虜威遠左右衛爲虜犯朔應之路天城陽和
爲虜入順聖之路而外三關當其衝塞黃甫之川
以扼偏頭扼陽方之口以奠寧武幽薊兵出紫荆

繫其左延寧兵渡黃河拂其右以翼雁門而宣太
乃愈壯矣固昌薊以防奴也而防奴不專在守而
在戰日者奴雖闌入然建昌之捷雙旺之捷鞍山
之捷昌黎之捷紅橋之捷開平之捷三屯之捷馬
蘭之捷斬馘俘遁奴何嘗不懼戰哉是故修徐中
山連塹之牆而重地圯地多其伏隘申戚少保傳
烽之法而直哨橫哨厚其賞格城廣寧扼三全而
屯田於關內關外以示持久復東江掣賊壘而通
商於登萊旅順以佐饋運調募浮費可省也而選
鋒專用土著提調觀望可廢也而勦賞當專責關
將虜騎馳突難制也倣疊陣而用刀牌虜部遷宿
無定也講燒營而精火藥奴無隙我謹備之奴有
間我反乘之爲奴導者出不意以鵬勦之與奴携
者厚賞賚以啖結之如此而我所以戰之之具多
戰具多而奴可滅也壯宣大以防插也而防插不
專在款而在戰日者插雖挾賞然杪花兒子宰賽

警之桑阿賽警之卜哨警之奴永給土毛等部警
之沿邊舊夷被其吞匿者無不警之插何嘗不懼
戰哉是故覈于忠愍軍營兵制而武剛偏廂可以
遏馬足考郭登攪地龍飛天網法而中周虎落可
以陷虜隊彼所恃者田軍寫氣吳刀兒計等而桑
杪內疑求卜外忌可行間布謀而聞彼所恃者有
馬十萬匹而今僅存四萬可燒荒毒河而斃近京
空運定制也而必陸輓桑乾水輸盧溝則宜易甃
本折間支邊例也而必春夏與粟秋冬與銀則士
實飽修築邊牆歲功也而必于發兵按伏之時因
其行糧再加犒賞則樂從易就搗巢偷營軍事也
而必於乘塞收保之暇擊其情歸四出掩襲則我
逸彼勞插果款我姑縻之插要挾我大憂之插所
窺之門戶不一我西扼張家口柴溝北控獨石龍
門以遏之插所忌之部落不一我近招卜素板升
遠諭金台什白以疑之如此而我所以戰之之具

多戰具多而挿可服也要以內外鎮竝重竝迫而
宜薊爲急奴挿竝狡竝強而奴罪爲甚其媾奴而
明與連鷄者束齒其視挿而陰懷蛇豕者套虜蔡
挿而先誅奴滅奴而後議挿諸夷震疊內寇弭息
在 廟算畫一間耳昔 太祖嘗諭遼帥曰滄海
之東遼爲首疆 成祖犁庭皆自開平興和萬全
出入嘗曰滅此殘虜惟守開平興和大寧遼東甘
肅寧夏則邊境可永無事 太祖注意遼陽而遼
陽今未可卒復 成祖論邊尚不及宣大而今乃
內逼昌薊事會變更可勝扼掣倘裁撫賞之費以
募死士寬出塞之禁而假便宜南人請纓不在北
後而 聖天子中興偉烈遠陋漢唐重光

二祖矣

水戰火攻策 福建武錄

五行之屬莫大水火其德爲利涉爲烹飪其威爲
漂溺爲燔燒水火固生生殺殺之機也兵象水也
因地而制權取其性專觸誠而已兵猶火也不戢
將自焚取其勢險節短而已若乃以水用兵則波
濤卽爲原野舟楫卽爲營壘威莫大焉詩曰江漢
湯湯武夫汎汎蓋言強也以火用兵則草木皆爲
司燿風宿皆爲助順威莫大焉詩曰如火烈烈莫
我敢曷蓋言明也大哉孫子之說其得聖人之用
乎然王師無敵善假于物而物歸之王猷允塞善
因于人而人和之水火者聖人之所不廢而非其
所持也必曰水可絕火可奪疆場之事一彼一此
絕人者人亦絕之奪人者人亦奪之強有時弱明
有時晦吾未見水火之操常勝也執事懲海氛日
熾慨然有意于水戰火攻之策下詢愚陋敢對以
所聞夫水戰何昉昉於盟津之誓蒼兕乎其說則

在伍子胥對闔閭以軍船之教比陸軍之法大翼者當陸軍之車小翼者當輕車突冒者當衝車樓船者當行樓車橋船者當輕足驃騎公輸般教楚爲舟戰之具謂之鈎拒退則鈎之進則拒之此千古水戰準的也嗣是而漢武習昆明以伐南越王濬畫鷁首以伐吳韓擒虎守采石以滅陳魏太武防瓜步以寇宋宋藝祖作浮梁以入南唐或張形勢或控上流或據要害皆得勝算然未有用之海者夫風餐浪虐非生長練習方眩暈嘔吐之不暇安能禦敵哉則水戰難而戰於海尤難也火攻何昉昉於周官之春火蒐乎其說則在孫子五火之變曰火人謂焚其士卒曰火積謂焚其糧草曰火輜謂焚其輜重曰火庫謂焚其府庫曰火隊謂焚其隊伍又曰行火有因烟火素具發火有時起火有日火發於內早應於外火發上風無攻下風此千古火攻準的也嗣是而田單皇甫嵩用之於城

守班超用之於攻奪陸遜崔佑甫用之於林麓周瑜兀术用之於江湖或靜而持之或猝而乘之或亂而取之皆得勝算然未有用之海者夫風帆倏忽分守合離一投不中敵反擲而斃我安能焚敵哉則火攻難而攻於海尤難也雖然善用兵者視險若夷用拙如巧時與地相值則古無而今創人與器相得則前竄而後良強而示之弱弱而示之強于是乎絕人而不絕于人明而視之晦晦而視之明于是乎奪人而不奪於人夫蒙衝海鵬鬪艦走舸其製代有以今海中所用之舟則福船中哨船八槳船喇叭唬白榜漁網船諸類是也然船號忌雜則令繁而士難辨是故福船主外洋攻打中哨船主哨探攻戰及襲擊內港八槳船主榜級出哨亦助擊內港喇叭唬聽臨時調撥白榜漁網聽隨地聯絡而製度定矣隊長專司一隊捕盜專管一船舵工專舵旋手專旋繚手專帆檣繩索主持

調箭斗手專上斗用鏢神器手專發砲掌號手專發號守船專船門關防槓具諸械而職掌專矣船之大小多寡分派均勻擇最堅大者爲中軍司餘分爲中司左司右司每司分二哨共六哨船多則加前司後司又分二哨共十哨大小相兼十船以下五船以上爲一艇哨官領之兩哨爲一司分總領之三司二司則爲一部主將領之而部伍齊矣遇敵而船行遲曲後到者斬其捕盜舵工遇淺不

番軍

文彙卷之三

六

到者斬其扳招手船雖先到而使風掌舵不正不直射賊船者斬其船工繚手揚帆遠望逗遛畏賊者斬其捕盜舵工其他爭撈物撈級致賊船逸去者各有常刑而法令嚴矣不論人力而論船力不論船力而論風力以衝犂爲長技以上風爲勝著以多船圍寡船爲正兵以小船擊巨艦爲奇兵水戰於海不旣無遺策乎夫神機虎蹲連珠三眼厥器維陸今海船所用之藥則易嘴銳佛狼機大噴

筒大蜂窠火磚火礮火飛抓加火桶紅夷銃諸類是也然藥性忌陳其施放又有遲速遠近之不齊是故佛狼機紅夷銃大砲用以碎敵船火箭蜂窠用以燒帆遠則用飛天噴筒近則用火飛抓火磚火礮用以拋擲最迫則用埋火藥桶扼要則用水底鳴雷而神器具矣佛狼機用堅木作母銃骨體輕便多施子銃提放不竭易銳三放銃熱浸布濕之火礮八鼻各繫火繩火桶半鋪火磚蒺藜以火碗灰覆之火飛抓碑木如槌空中裝藥掏七八孔以倒鬚釘釘之以油紙糊之高釘敵帆遇雨不滅噴筒用火藥餅層疊拴束拈帆如膠莫能仰救蜂窠用大砲小砲間布灰煤窠地磁沙炒毒一發輒眩目悸魄火箭一枝約打二萬鎚鏃頭回火約十分之二而藥法精矣第一隊專習鳥銃賊近船兼放藥桶第二隊專管佛狼機賊近船兼放噴筒第三隊第四隊鏢鎗雜藝賊遠管船櫓賊近拋火石

番工

文彙卷之三

六

第五隊以左一伍刀鎌兼火箭右一伍射弩兼各
火器此五隊之人又隨宜互用同心共濟福船而
下靡不皆然而教練熟矣福船每隻佛狼機六座
鳥銃十門噴筒百箇火炮二十筒藥弩十張粗火
藥三百觔鳥銃藥百觔弩藥一瓶大小船彈二百
觔火箭二百觔火繩三十根諸他器稱是中哨八
藥以次降殺而備豫素矣至銃身鐵鑄易炸裂更
以熟鐵打造藥線太長易閃滅改用竹節安插以
平放爲規則以對眞爲氣候以子藥均勻子門同
圓爲氣力以石油和藥水潑愈熾爲天巧火攻於
海不旣無遺策乎雖然亦在其人耳以習海之人
爲之則戈船如使馬發銃如張弓不則縛葦可以
礙飛輪燃炬可以鎔鐵鎖况昔以備犯順之島夷
伐材于山造舟于水歲月遷延賊因狃於岸奪舟
于商旦夕猝合夷銃共精也而硝磺私貿則國無

軍章

政權卷之三

不慮備

實被虜前驅也而燉烽不警則國無民夫車鳴轂
而壯士決脰蛟睨劍而伙非赴淵犬羊在邊猶可
恕也鯨鯢在庭不可赦也誠使分地而守寨遊之
船卽督造於寨遊毋致假手破冒定計而誅沿海
之兵卽團練以海民毋致涉波驚怯集漁丁爲翼
衛而售以船直授火器於鄉民而懸以賞格可絕
其食可携其黨可獵之水可殲之陸是在當事者
一發縱指視焉生雖愚且願補孫子之闕漏繼戚
將軍之遺烈矣

軍章

政權卷之三

南北兵策 福建武錄

善用兵者用其所堅而不用其所瑕用其所長而不用其所短地有險易器有良窳糧有多寡形有虛實則堅瑕之說也人有南北兵有客主將有勇怯情有生熟則長短之說也而非堅瑕長短之劃然不可相爲用也或堅而瑕之或瑕而堅之或長而短之或短而長之堅在我則瑕在敵且用敵之堅以爲堅長在我則短在敵且用敵之長以爲長

手

政機卷之三

太康

夫至於轉瑕爲堅變短爲長而奇正不可勝用矣使地輕焉馬輕車車輕人人輕戰而何瑕之不轉爲堅也農戰不外索權救守不外索助事養不外索資而何短之不變爲長也今東面而厪 廟堂憂者則守河西之未得勝算也募遠兵之未能雲集也執事欲愚生居海而策遼技南而用北生敢自居不動而以憂遺 君父哉竊計今日事勢夫酋之渡河易于倭之渡海也然河西之不可以無

河猶閩之不可以無海也閩不能專倚海爲限而河西獨能專倚河爲限乎縱閩可畫于海以內而以海守海河西可盡棄夫河以外而以河守河乎廣寧旣無堅城鉅衝而錦義諸堡又不足當犄角守單援絕此誠睢陽障江淮之形也且奴酋力足渡河而不卽渡者畏西虜之撓其旁朝鮮之議其後耳今卽未能復遼陽而金復海蓋寬奠援陽聲援不可不接也未能得金台失亡裔內間之力而抄化宰賽諸種不可使反爲酋用也未能越鴨綠襲其新舊寨而朝鮮三面疑兵不可不張也蓋兵法可進寸而不可退尺使虜無投鞭之勢而後我有高枕之形使虜有狼顧之形而後我有脫兔之利乃 明問則若虞西北數岬而欲借材東南深有意于先臣已試之明效而欲移之遼者請悉陳之昔戚繼光之治薊也大較言兵制西北什倍東南遂以其東南練兵法簡部將若而人分出三輔

政機卷之三

太康

州縣部募三千丁壯部將將之合爲四營營各五
部每部安營立一裨將爲之連衡總攬折衝則主
將專制簡練訓習一如東南此以南兵立營也又
塞上周垣通圮通修靡費不訾請跨牆爲臺睥睨
四達臺高五丈虛中爲三層臺宿百夫械器餼糧
具在虜至則膺陣以守退則番休以薊人木疆募
南中入設者一軍爲勇敢倡臺築千二百座部署
垣役竝以南兵爲渠長此以南兵周壘也又增募
南兵六萬編伍戍之議立車營出戰則以代城郭
車四面結鞬爲方陣步騎二旅中藏之遇虜乘陣
火器先薄五百步外稍近則步兵出轅下拒虜馬
排擊之虜奔則縱騎兵追北復益輜重營以從有
發則南兵當選鋒入衛兵策應主兵戍守踐更餘
者轉輸此以南兵教車也廉頗思用趙人威將軍
善用南技亦各所習耳豈遂謂南人勇力盡出北
人下哉人之言曰南將多智西將多悍東將多直

智者用之設奇悍者用之摧鋒直者用之掠陣西
兵善騎射浙兵善擊刺川兵善出奇礦兵善走險
毛兵善狼筈騎射利車原擊刺利追撞出奇利設
伏走險利蕞莽狼筈利扞蔽善用各有長不可違
也今閩士所長者舟楫耳火器耳合二長而用之
海上則可以禦倭舍二長而效劍戟于陸地爭騎
射于沙漠則或千百之一二而已今議者或欲其
微靈風伯尋海故道浮糧達登萊或欲其胼胝萬
里以糗糒不克之身而當腥羶驍騰之一面此不
捐諸鯨鯢亦向者三韓之績耳且遼陽之敗非獨
奴虜半因客兵夫以蕞爾一城而容十餘萬客兵
有其妻子而民不敢爭民何樂固守而不從賊乎
且召募一下而安家之費衣甲之費廚傳騷擾之
費逃亡破冒之費將領無法則募未必其至遷延
道途則至未必其用地形不習訓練不精則用未
必其效夫昔之征徐以魯追貊以韓伐淮夷以江

漢皆因地以制勝無調遣之煩也今安氏之曳落河出自遼薊劉氏之定伯都出自昌密其爲家人子起田中力戰雲中者卽今宣大鎮也澤潞精兵爲天下最者卽今之山西鎮也三河彊漢靈武興唐河西隔斷胡羌者卽今陝之四鎮也誠得良將如戚將軍輩簡練而用之卽士著皆精兵也道里差近徵呼無歲月之曠馭以已將督領無逃亡之狡聲氣相習見敵無恟惕之形籍隸本鎮功成無難給之養是亦不用稱其長乎雖然敵王所愾義無後先天畀智勇性無南北今疆場孔棘明主憂勞此誠志士著節之秋也愚以莫若參車步騎而以南北竝用北人什七鼓其勁銳南人什三資其智藝卽如海運不可嘗試矣而戈頭南鳥之式可訪也騎射不可厚責矣而團牌飛刀之捷可用也輜輳櫓楯之力不必盡健而郎機窩峰之巧可咨也握奇虎鈴之畧不必盡嫻而演禽破陣之術

可雜也是在主將者審方畧別利鈍而善用之耳是故以遼陽復遼陽不必復也道在啖西虜而復之克國以罕开滅先零子儀以回紇擊吐蕃貪嗜漢物而畏服大種夷性固然彼內有心讐之得力革外有難信之虎愁庶以夷攻夷之機也以河西守河西不必守也道在合薊鎮而守之衛霍竝將而匈奴遁韓范迭出而元昊服勢如率然首尾相救今簡薊鎮夜役數百與河西夜役互用箭號鈴記以防其僞鋒火時傳以張其援庶以地固地之術也以召募爲召募而募不必多也道在用簡練爲召募班超以三十餘人橫行匈奴謝玄以數千破苻堅百萬移老弱冒濫之食爲精銳折衝之養則餉不煩別增伍不煩勾補聲實俱壯矣以間諜爲間諜而諜不必真也道在因敵人爲間諜李愬得李祐而擒吳元濟曹瑋結廝敦而殺賞樣丹今懿沘蒲瀋之間豈無忠義而思得當以報漢者吾

結朝鮮陽襲其外而嗾北關陰掣其內五間雜施
矣以器械爲器械而器未必精也道在以法令爲
器械馬隆偏箱兼以鹿角魏勝如意輔以砲車行
則爲陣止則爲營而又以南短兵法教步俾車抗
鋒步夾車騎承步進退俱利矣如是而我處其堅
無瑕之可乘我處其長無短之可制無瑕可乘卽
瑕將轉爲堅矣無短可制卽短將變爲長矣我不
爲敵乘我卽已乘敵矣我不爲敵制我卽已制敵
矣人無分南北以合盡其能者爲實用也官不論
文武以相成其功者爲忠盡也議不必自人自己
事不必誰始誰終以全軍全國而不負 天子者
爲極則也執事所爲下詢者意在斯乎意在斯乎
若夫賞罰之宜流品之形今日已嘖有煩言生不
敢贅及之矣

海寇策

福建武錄

善醫者必察其受病之源而後病可除也善兵者
必察其致亂之因而後亂可靖也自古治夷狄與
治盜賊不同治外盜與治內盜不同治饑寒之盜
與治桀驁之盜不同治方張之盜與治盤結之盜
又不同夷狄固吾圉以防之而已盜賊則竊發無
期不可豫料外盜驅除之而已內盜則處肘腋腹
心常有潰決重傷之禍饑寒之盜拊循安集之而
已桀驁之盜天資喜亂犯上恣睢於法無赦方張
之盜一舉撲滅之而已盤結之盜叛服不常黨與
日盛使吾民離遏轉徙而彼安受其燼終可以逞
閩今日寇患深矣其始非有饑寒失業迫使流亡
也生長海濱衽席波濤一二桀驁智力自雄旣不
能耕耘作苦粗衣惡食長貧賤而老子孫而洋船
違禁以暹羅占城琉球大西洋咬啍吧爲名以日
本爲實者絲寶盈衍而出金錢捆載而歸豎目薰

心啟戎誨盜視洋船如原獸分肉垂涎卽殺掠爲生涯講求日篤於是乎寇遂不可問矣始而通倭者有主萃旣而掠通倭者又有主萃則奸富遍國中也始而掠番船以晷厚實者無已時旣而掠商船掠漁船掠兵船以壯聲勢者亦無已時則鯨鯢遍海上也闌入焉武夫力而拘諸水貴人牘而釋諸庭矣要挾焉衣冠未赭更突弁以疏榮桑堪厭餐復掣鏃而颺去矣一寇未平一寇復起殺人之父而使其子弗敢仇殺人之兄而使其弟不敢報嗚呼是尚有法乎無已則明問標本之說對症之藥其憂深其慮遠敢以臆而暢其旨所謂治標者有四一曰禁接濟以絕賊資夫堅壁清野兵家所先賊踪跡在水其精神未嘗頃刻不在陸精神在陸而其窠穴又未嘗頃刻敢離水也彼多掠金錢所不足者粟米耳奸民貪數倍之利陰售之其一二爲乞糴救荒者途經賊疆力無捍禦適足資盜

政樓卷之三

六八

糧耳誠禁接濟則賊無所得食必登陸苟登陸則失其所恃失其所恃則人能制其死命此司馬仲達之所以困公孫淵也二曰練鄉兵以衛村堡賊旣登陸掠食矣非敢盡登也必以其半守船以其半登陸焉夫海船莫能近岸拋泊潮至以小船往來潮退卽行於泥中耳沿岸之民方其未登俯而擊之便及其旣登隘而伺之便但苦無兵器火藥也誠立殷戶爲雄長授之火械俾募豪勇而官又爲之明斥堠伏奇兵以相策應一村團練村村皆然此李崇之所以平兗盜也三曰謹間諜以携賊黨夫賊非異人卽吾民耳掠商漁而乘其船脅其人故黨日蕃焉計一船之真盜巨盜無幾餘皆被擄耳吾無以制賊毋論旣擄者畏賊卽未擄者慕賊誠開脅從之生路重懸購賊之賞格鄉兵旣控之於陸水兵又要之於水被擄知賊之虛實必內應而相圖求脫此高仁厚之所以破阡能也四曰

政樓卷之三

六八

擇水將以教攻戰夫水戰長技只在衝犁放火焚
上風燒蓬棚射舵工卽破敵矣然數者賊與我共
之恒以被擄前驅使吾之火藥器械幾盡乃出精
銳乘吾倦吾舵工繚手畏而不敢直逼賊船債帥
統袴乳臭暈嘔忙亂又何暇指揮哉誠擇將於老
漁簡兵於海戶以漁船架銳突入賊圍募水工入
水鑿沉賊艘或誘之入港而絕其歸路或與之夜
戰而乖其所之此岳武穆所以破楊么也接濟禁

善堂

五集卷之三

本局

則以飽待饑鄉兵練則人自爲戰間諜謹則以賊
攻賊水將擇則輔周固強兼此四者而有合于太
公日中必彗操刀必割執斧必伐之旨而後賊可
殲也所謂治本者亦有四一曰申法令以一人心
夫人之所以饑寒困苦而不敢爲非者畏法耳使
爲盜者必生不爲盜者必死則民化爲盜使爲盜
者必死不爲盜者必生則盜化爲民洋船之爲日
本非日本也無辨而貨物則有辨盜賊之會剽掠

未標剝也難跡而奇富則易跡嚴保甲焉嚴津梁
焉竊賊而必究其輿援之淵藪獲賊而卽賞以所
獲之贓物投鋸不厭刻鳴桴不憚勤此子太叔所
以戮萑符也二曰扼要害以壯形勢舊制烽火寨
北界浙江南界西洋小埕寨北界西洋南界茭
南日寨北界南茭南界平海浯嶼寨北界平海南
界擔嶼銅山寨北界擔嶼南界柘林五寨在海中
如處弓弦之上每寨兵船分二艘屯劄外洋會哨

善堂

五集卷之三

本局

交界聲勢聯絡互相應援自移寨內港而形勢縮
判寨爲遊而兵力分寇所以侮而動也誠復外洋
之信地考會哨之故規不惟使內寇灰心且使外
夷破膽此太公望之所以廓四履也三曰汰破冒
以省兵餉夫每寨兵船四十隻約用水兵二千二
百名五寨通計用船二百隻用兵一萬一千比國
初已減無容再減矣今船則敝漏稀少問之輒曰
缺餉而無從改造兵則包攬虛無問之輒曰缺餉

而莫能勾補以敵舟載弱兵遇賊不敵也甚且無
在水而兵居岸有急反自焚其舟以先遁夫額設
兵船原有額設之餉隔汛小脩五汛中脩九汛大
脩十汛改造原有脩造之費今皆安在而待別區
畫乎誠核舊額而養新標乘改造而易南易新標
習風濤勇足鼓也南易便追逐製易就也則有增
兵增船之實而省其費此路博德所以靖東甌也
四曰清海道以通商販夫閩三面距海山多田少

棄直

文集卷之三

不居官

雖豐歲尚資鄰粟故漳泉販之惠潮興寧販之溫
台省會販之上四郡上四郡不足則又販之江廣
此定界也海寇多外販塞遂交責其仰給于人者
而給人閉之則有遏糴之議開之則有從井之誚
彼寨遊會哨正爲驅盜護商設耳誠召商給牒以
兵衛之販粟故道則興漳泉不仰省會而接濟無
從闌入不亦彼此俱利乎至於海壇地廣可耕內
徙之後隔爲孤島東蕃淡水乃夷漢出入樵汲之

地多粟少貨今紅夷據之民私互市勢不可絕曷
若大開海壇耕墾之路明立東蕃市販之格收其
稅資其粟內佐軍實外贍屬夷此劉晏所以通四
方羊祜所以繫鄰敵也法令明則民與上同意要
害扼則致人而不致于人破冒汰則役不再籍糧
不三載海道清則無遠輸貴買兼此四者而有合
於尉繚農戰不外索權救守不外索助事養不外
索資之旨而後賊可銷也夫禦夷之法非守卽戰
除盜之法非撫卽勦彼龔遂張綱虞詡之槩從寬
政戴淵周處李祐之卒爲忠良亦古今不再之局
耳卽思田之役盧蘇王受裹甲受杖議者猶謂文
成之衰幸其斷藤效命不減雪夜懸弧耳卽閩已
事鄧茂七王直徐海林道乾輩何嘗下膏斧鉞哉
今 天子聲靈赫濯執事文武壯猶而蠢茲奸民
無端爲上東門之嘯介冑言戰生雖愚不能覩覩
必必爲賊下矣

棄直

文集卷之三

不居官

棄草文集卷之四目錄

書

與董慈德論文書

與王子功書

與沈天羽毛子晉書

上司理章公乞止借勸借及海務書

與韓晉之書

啟

卷一 目錄

壽朱湛玄司理啟

候司理啟

賀葉震隱縣尊元旦啟


上候官邑侯李瑤液啟

賀建寧鄭縣公啟

賀縣尊壽啟

賀李二尊署府印并端陽節啟

請徐縣尊啟



爲澤侄求楊斂之先生爲師啟

賀林進我母姨夫得孫啟

爲兒溥與郭復之女結婚啟

莊間修韓晉之兒女婚啟

上陳振狂求先君詩序啟

上董見龍老師求先君詩序啟

候孫愷陽相公啟

迎韓相公啟

卷二 目錄

復總督王公啟

迎張蓬老少宰啟

賀姚按院啟

候林劍石侍御公啟

復留都諸侍御公啟

賀沈何山方伯元旦啟

賀譚凡同宗師元旦啟

迎延平道尊啟

上福郡吳太尊啟

上邵武太守阮先生啟

候周赤城溫州太守啟

上樵川二守啟

賀章酉生司理元旦啟

桂道尊請啟

荅大同巡撫啟

送李二守年啟

上道尊啟

候倪廷尉啟

三
目錄

棄草文集卷之四

與董葱德論時文書

比得佳章伏讀喜慰知不忘固陋兼以相發也以足下才性過人緣累簡脫宜可無所不就今亦尙困一舉業耶將猶望門跂立學古而未能博綜其致趨時而又耻屈不肯下耶時文古文神理則同體裁自別今之文人靈巧溢發日月轉觀跡其所爲或受氣運推移離奇瑇瑁遠于渾樸者有之要其間杰然自命者亦能自我作古不可謂盡無當也昔人云漢亦一家之業豈可使後世謂明至今日遂無文章哉昔之以同時相尚者孝武悅長卿魏文贊中論伯喈祕論衡茂先獎二陸遐之崇蓋郊子固推介甫今若文不論工拙人不論高下異代者慕同時者棄此與耳食何異是皆矯俗過論空言坐大非真能知今古者也僕嘗譬之詩矣詩之本三百篇離騷漢魏也不可易也至唐以近體

策士士之生貞觀開元不得不亟稱燕許沈宋
後王岑之于天寶錢劉之于元和元白之于長慶
亦皆竝操風尚如必執三百篇離騷漢魏而盡格
時製無論燕許而下卽李杜韋孟韓柳雖自開門
戶亦當以竝時見簡矣此可謂知言者乎而況舉
業之製取裁經傳正度胸臆繩尺出入不能以寸
非若詩文家可以隨紙伸縮緣情感發憑才創造
視事更端也起伏呼應開合順逆虛實正倒擒縱
轉變之間靡不有法焉之謂真古不恃氣不炫長

策士

策士卷之四

本唐集

名理融液靈心自吐有不合者則反而湛思刻慮
期于通鬼神對聖賢之謂真能學古舍是而徒陋
今策古空言坐大無益也僕嘗謂舉業一途百代
當不復變卽所變者或其體焉耳至于命題一主
于經傳程才一歸于理學前代策士莫斯爲美又
前代文人工與售不必相準或價定身後者有之
我朝之名公大臣無不自舉業其能真工舉

業者後亦未有不名公大臣文恪文盛元美應德
諸公可悉數也如必曰今人不如古人時文不如
古文剽賊滅裂竄入他體夫士患無才耳苟才之
所至作史可也作詩賦可也作百家言稗官小說
詩餘南北調可也何必操戈經傳決閑功令一再
不售輒曰主司固我哉往年元脈之說一行枵腹
效顰兢作軟緩枯瘠奄奄踽踽今坊刻眩迷名公
持世挽救學古此亦千載一時也而復但以口說

策士

策士卷之四

本唐集

秦漢輕蔑時輩爲高及觀其文反不及熟訓詁弄
筆舌之爲少得豈元脈學古之果至是哉則空言
坐大流弊多也夫垂涎奇錯不若退而食魚菽艷
目異組不若退而御布絮學亦力行何如耳然則
成弘有成弘之文正嘉有正嘉之文隆萬有隆萬
之文藉令文恪文成元美應德諸公生今日當不
復具昔之眉面也夫子曰吾從周荀卿曰法後王
邵子曰某爲今人則只服今人之服文章天地靈

氣光彩

陳夢剝葉追求生意云化工

矣細觀足不體不遵骨節未堅膚理不密致甚高神甚雋而詞莫能自達湊泊一二又漫而非其質此無他入之不深而出之不熟耳僕行年三十矣猶躡場屋敢自謂斯道有蟻馬之餘智哉因與足下不淡故狂愚至此也大都讀子不如多讀史讀史又不如先讀經史以事勝掩理然暇即須及子書多奇詭非見大則易惑語錄爲經傳輪軫如王龍溪又其中服軛之神駿也向已奉一部不知有發意智否時文若出名筆或名選又經手擇讀之何害古以貞其恒時以盡其變參伍經緯焉可也必時文盡可唾棄老師之選墨選門人稿不置何爲者願足下于斯道以苦爲命脈以熟爲日用以新爲氣候僕之持論自謂于師門宗旨不大背謬且復相發時日不待彼此交勉不宣

與王子功書

草木果蓏其華可悅耳目實可充口腹皆旦夕之用也其爲善惡市人能別之故植者爭時有大木焉宮室梁麗之用其成不可以人力競也是必有風雨霜雪巉巖鬱崱歲月凌厲之功焉旣成而非匠石莫能材小大遲速之間有其材者自審之而已世之未成而捷得之者吾猶及耳目其本末身名俱喪忽忽若無所之浮榮易盡百年頃刻是亦剝泄之草木殘委之果蓏焉耳然學者能無以此易彼蓋卒鮮焉何哉材具而志弗堅所繇養之無其道也古之養士也優其身心使不見異物而遷焉旣達而後爲天子養萬民今爲士之家皆衣食于士其不爲士者反安坐而委其難則是未達而先有養人之責矣如是而士能無廢其業得乎農工商賈之廢業人皆惜之而于士獨不惜吾不知其何說也于是乎以苟簡希望之心求解其交

終屢之困何怪其業之不光而材之不達乎然而有志者恒以此爲風雨霜雪巉巖歲月之資終不以易彼者無他審于已而已足下行誼聞于人久矣文章溫厚有體不屑爲尖媚爭時之技某嘗曰此端人之文也然而非某一人之私言也多試多蹶多蹶而後克有其材願與足下更始焉可也某旣孤無可覆庇百憂叢集而足下之親亦老矣時不可爭也亦未可以虛待今舉業宗衰朋友道喪某雖不材猶能披堅執銳以受足下壇坫之令足下其以此自勉而兼慰其親焉知其不以苟簡希望之心負其志而小其材則善矣山齋頗暇幸以此時來臨商所未盡不宣

與沈天羽毛子晉

僕病無愈期且症不應脉治窮于法大都是夙業相纏耳恃雲間施笠澤許以不死然未可恃也日作昏沉數次內外隔絕聞仁兄乃時時在外問我又不能使之知何情之厚至此哉刻下惟盼望撫臺批詳何如苦路遠不見到得此恩允佳音卽行矣颺入無事甲裏庶幾可覓本命元辰也生平詩文積二十餘年不敢以呈醜世間且初以舉業近以官途皆不宜示此小技又中多人歌笑或迫威脅而見役或乞錢米而取傭今恐溘朝露承仁兄徵吾詩文不置兒子日取舊稿來呼伎癢呻吟中爲簡數編又不自審工拙非大匠來一痛除瓦礫徒貽笑也授梓之日意自命曰棄僕嘗自嘲曰凡酬應詩文落紙之後卽如唾涕墮地豈可更取吞咽又貴人見責代筆不恤困窮苦辭之渠曰誰教子能是當爲我役荅曰譬如世間有力人能挑能負

然日患得數文養口活妻子公亦將謂誰教汝有
力當爲我役乎每每相失而去又更有不韻者立
脅急就呵斥繼之辭曰吾不敢自居文士亦不敢
言作一篇宜珍重自惜且如公恃勢立令吾放尿
亦須寬假間地除巾服脫禪褌少許出淨更着衣
冠方可報公曰承命放尿事訖豈可當公面不解
衣而得爲乎公視文不及糞待文士不以道公原
不知文何用冒人間文事苦吾輩也恒至大罵
僕于長安公車時猶不免此情景則其自棄及爲
人棄也久矣何用更存哉今以病棄官又身將危
亾行將棄于天無所不棄仁兄獨施愛惜何其見
之異乎時也苟存一二以戒兒輩勿輕弄此見役
于人耗心廢時召辱賈罪耳然僕婦方無田可耕
不免仍藉小技乞錢米自活計人間賀贈好事致
敬上官動費數十金造屏軸中又借大老赫奕之
銜亦何惜于中撥數金僱一能爲壯麗宏達熟古

今典故引用不錯頌禱合宜之人操觚乎然則世
棄錢米以救餓夫吾棄心血以啗口實以棄易棄
雖自視如墮地之津唾他人視之如命尿溺如驅
挑負昔以妨舉業耻物役而力辭者過此以往固
欣然樂從之也不知兄長亦哀而笑之否僕下船
在邇思仁兄大駕臨此一噓其棄草繕寫將完亦
可以陸續請益也

上司理章公祖乞止上司勸借及海務書
人情洶洶不逞之徒乘上司勸借之令千百成群
要挾富室不得不俛首捐糈此非有嚴示維之於
後則遠鄉去官遠者魚肉更甚也要以閩中原仰
上府及海船米相濟今海寇充斥船米不來上四
府各各禁糶米又不下加以數年水旱不齊稻皆
半收富室蓄積僅足自支果非藏匿高價今自此
一借之後上戶中戶囊並如洗矣距新冬尚三四
十日倘他米不至官無處法刁民借之又借富民
應無可應亂在旦夕矣况鄉村不齊假令每鄉並
有大戶猶之可也如彼鄉中饑民多大戶少如之
何又如並是饑民無一大戶更如之何况所借者
不必貧大率素無賴力能倡亂者耳無上司之令
已自耽耽思逞有上司之令適以增長其氣勢耳
名曰借之實徒與之耳更可哀者環海之民其地
非礁石則淤泥原無寸粒寸菜可恃自有生以來

竝倚入海捕魚爲命也今海賊在在動卽遭殺遭
掠生路既絕比鄰又無上戶可借良者賣妻鬻子
之外有待斃而已不則走而從盜耳近郭之害如
此環海之害如彼內之加派加餉不已外之海報
日再動搖富者人人自危貧者人人思亂欲索國
之不亡不可得也卽以紅夷一節言之使接濟之
禁早嚴則紅夷經年坐困食盡當自退也今也海
中小寇到處劫掠以濟之吾奸民甚盤內地米以
濟之名曰彼鏡大難敵然火藥亦吾奸人市之也
真紅夷實不下二百餘人大半皆海賊爲之奔走
恐嚇也紅夷與倭爲一紅夷來則倭當繼至因紅
夷絕呂宋則呂宋又有後患澎湖者淡水所出也
凡海上出入者到此必取水紅夷據其水利則他
夷皆當與之結好前者言折城出洋皆虛詞耳城
實未折也船實未去也小夷四五船挾市而受其
恐嚇至此假令彼舉國而來當如之何琉球貢使

現在倘知吾國虛實以情授日本而日本踵經義之求市也當如之何某意救荒却敵當宜別有策一一惟奸民之是殉何可令衆庶見也士大夫宜言而不言良得罪也小民無繇自言于上良撓令也嗟夫事已至此某何惜以奄奄欲死之身間爲台臺一言之乎伏惟台臺以天地之心垂水火之救如可從中上下維挽使閭閻旦夕之禍而朝廷稍無南顧得畢力于奴酋于黔蜀豈惟闔閭社稷之福也某非台臺不敢盡言至此鑒其狂愚祕其筆札使母遽以口舌蒙不測之誅是又在台臺格外之恩也

與韓晉之書

前見足下與叔會書中切責夔等不宜與奸僧得雲往還尋面道燕諸兄俱道足下各有規誨亦復及夔夔時悔恨痛艾無可自況便欲作書陳謝爲足下試事迫恐妨省覽夔之惡此僧久矣所以誤至其室者因遊山倦憇逐隊索茶饑渴害心一至于此得教之後百事脩省雖其平昔無過往來僧徒并敕斷絕何者與彼誠異趣焉也自念識性昏戾罪垢叢集蚤年因事感激幾欲背親學佛幸賴父母慈聖觀過知仁復以爲子至于今日得以竊視息力學問稍比于人萬一幾微之間不能自達無採藥之明哲蹈文翦之塵迹拂違初心毀傷天性雖殺身不足償所憾矣安望更從師取友審道德之歸而議進取哉今先人已矣夔旣負罪深重煩父母曲庇巧護于生前而又不能克責自立動與悔集貽羞身後非賴師友之恩等于生我恐終

無償憾之日也嗚呼足下之于吾至矣吾將何以
裨報尺寸于足下哉前書中足下自弔父叔不咸
引誼鴟鶚端委曲折夔最深知之叔會尚未盡知
故其規足下不當弟隨爲道所以叔會不勝悲憤
然弟于足下豈但能明其心已哉凡足下進道淺
深之候弟皆私伺爲憂喜每足下一大進則大喜
知尊君清光必自足下舒而發之也往足下年少
事淺吾猶憶足下入學及尊昆仲連舉男子竝鼓
樂戲劇不異常人弟時獨悲咽不能在座知非足
下所欲爲然恨足下言行未能轉移習尚彼時與
足下未深不敢言舍足下又無可以此言進者遂
懷之至今逮庚戌以後足下遂大刻厲憂患割情
遁迹誓爲聖賢鬼神震恐文章行誼動協天則凡
在有有心無不欣嘆視足下如麟鳳不可狎見夔乃
拊膺踴躍知尊公之必當有足下足下之必能光
尊公今旣無間然矣所以猶追論及此者謂足下

學業已就榮祿將至凡人久在困鬱一舒爲快如
喝之于秣馳之于息雖足下能堅之至親近戚鮮
曉大義輒復如常歡賀百樂俱舉焜耀門閭此而
纖毫勉循其害足下仁孝之思無窮矣故不揣愚
戇獻先事之忠而效未然之防自此以往足下動
無大小愛者欲成忌者欲毀不愛不忌者亦欲操
短長以肆其後勲名節義彌塞天地然後可以稱
足下之所欲爲而無愧也近見明六云足下私許
吾文弟不願得譽于人得足下一印可焉爲自奮
之地足矣與聞脩結婚事今宜卽爲之勿待放榜
欲來讀足下試文相見在卽恐稠中不得卒布腹
心先此謝過竊比古人負荆之誼冀足下察其意
于其來見尚別有以規我也不宣

壽朱湛玄司理啟

王省惟歲肇寅統之開三帝德好生值乾元之用
九舉正於中而民不忒惟明允克則刑乃祥歌舞
其蘇會歸有極恭惟台臺老大人淑問臯陶碩膚
姬旦傳金谿理學之脉視匹夫若勝子生廬陵節
義之鄉以天下爲已任水成吉字濯成江漢之心
峰聳筆文聳出斗杓之望人倫奉爲師表物象賴
作化工某樸櫟小材孤蘆下卉幸叨屬吏得附門
墻采芹藻于泮宮自憐落拓蒸菌乏于神壤首荷
栽培鑒其造士苦心矜此違時傲骨瓦全繩墨之
外使驚蹇前驅吹噓薦剡之中俾輪囷飾乘廉頑
立懦刮垢磨光茲逢發育之辰得比肖翹之末蓮
花法署香霑草木皆春栢葉華觴膏沃溪流盡飮
太平有象則上下神祇應有萸萸記月鳳凰紀年
大德不官則仁義剛柔並行如屈軼指邪角端止
殺千百年爲旦暮獨此人心惟危道心惟微五六

日至旬時毋使上刑適輕下刑適重奉若天道筮
從龜從庶人從卿士從子孫逢吉身其強康簡在
帝心念茲釋茲名言茲允出茲萬邦協和俾予從
欲

候司理啟

伏以明同麗照式瞻雷電之章運值泰期共慶風
雲之會秉質鉞而參帝座文星叵映法星建旂笈
而賁泮宮化雨澤隨膏雨萬物各正髦士攸宜恭
惟大宗師老大人台臺閣下淑問臯陶碩膚公旦
金谿傳聖學詎徒一口吸盡西江玉筍播仙才不
數兩翼飛過南海惟良折獄受嘉師而監祥刑不
爽造邦濟多士而秉文德張釋之及于定國無冤
民而民自以爲不冤曹平陽師齊蓋公善治國而
國不知所以治同騶虞之弗踐海宇生春比鳴鳳
之高飛天垣虛左

賀葉震隱縣尊元旦啟

貞孟陬而在營室天地泰交歌青陽而舞雲翹父
母孔邇雲行雨施帝執規而治之日就月將候彈
琴而理也粲矣飄梅花于邑錦陶然醉栢酒于衢
尊恭惟某官南國第一人虞廷十六族震雷百里
携龍角而枕河魁種樹三春噉鳳鳴而集苞栩當
聖明之首出又陽德之方亨惠此四方斂時五福
播中牟馴雉之瑞陋邯鄲放鳩之仁府事修和太
小輯睦兼慈儉爲成器長宜酌元氣以運斗杓合
清任爲儒者師豈假文章而飾吏治夔技懷鼯鼠
識陋醯雞處于囊中安從脫穎致之幕下敢曰空
群幸吳公之寵賈生喜然明之遇子產人天具眼
俯爲鍼芥之投國士寸心仰遂風雲之感跡希于
謁意切師資庶幾相與有成是以獨行不反自今
以始歲其有皆覆露于勞來安集之中我生之初
尚無爲亦躑躅于奮庸熙載之會媚于天子尚其

泮與優游錫厥庶民行見平康正直敬先康衢擊壤爰佐女夷鼓歌椒頌載賡芸戔爰拂謹啟

上侯官邑侯李瑤液啟

伏以天覆榕城震雷聲于百里日蒸花縣映瑞氣于九重清淨兼咏蕭曹文章復還鄒魯泳游仰沐披拂生風恭惟老父母台臺天樞斗宿地軸虞山玉筍仙班早見日邊五色金莖露掌聳來天上千尋豫占麟閣之圖暫假牛刀之試宅隣言偃識絃歌雅化淵源車馭于嵩曙甘澍仁恩浩蕩縹緲振閩邦嶽企洞湖分海國文瀾聞望珪璋調膺鼎鼐之夔識陋醯雞技窮鼯鼠食苹鹿野挾三策以傍徨采藻泮宮笑一官之落拓守此杉陽僻陋遙聞蘭渚清芬樂棠蔭于家園耕犁雨足仰羽儀于綬綬筆墨香生矢章甫袞衣之歌端當此日扣黃鐘大呂之響願以異時夢寐神馳門墻心往以燕以譽喜值庶多閑馳爲龍爲光重祝令德壽豈毫端草草心曲葵葵

賀建寧鄭縣公啟

饒江日麗蔚爲濶渙之章雲谷春回聿起雲雷之
化發新硯於銅墨分片席于金鏡豈但德鄰實惟
教友恭惟台臺興朝申甫文苑歐曾擢第蜚英共
指庭前書帶草分符展采豫占殿上華履聲骨聳
雲霄秀出豫章名木手施雨露栽成藩縣奇花大
度誠非百里之才少年已負三公之望是以彈琴
而治自然破浪而行夔画餅虛名帽錫陋質磨殘
鐵門限僅窺豹管一班擊碎玉唾壺尚歌驥櫪千
里藻芹泮水獨朝藿而暮鹽桃李山谿並夏絃而
春誦尚愧胡文定之教湖學敢言楊伯起之居關
西所幸模範非遙遂使依歸有地天臨尺五覺清
風來自一杯亭象近魁三見佳氣生從百丈巔文
章根本經術邇者江之西固絕勝江之東名節挽
回世風吾黨斗以南期共扶斗以北君侯筆中造
化旣已周情孔思心上經綸不數房謀杜斷菁莪

棧樸化漸洽于鄰封苗黍葛藟庇弘開乎下土古
者士相見則贊幣必具然有時不介而親道相師
則名位可忘亦豈敢無因而至賢豪重品則紵衣
縞帶僑盼不嫌定交俊傑識時卽羽扇綸巾管樂
何妨自命倘得仰承吐握旁受栽培行潦細流亦
可濯疊而可濯漑免賈賤技且在中途而在中林
尺瓊池中得片雲而變化九苞岡上因朝日而雕
喈彼一時此一時遭時已是殷三宗漢七制繇百
世等百世名世敢後武十亂舜五人區區夙心庸
庸緒論不慙固陋輒質高明世無仲尼不當列在
四科亦孰裁狂狷人有皇極庶幾又用三德第並
克剛柔賡康哉之歌君侯繇此其選也矢穆若之
誦小子何敢多讓焉示我周行介爾景福

賀縣尊壽啟

震雷聞百里旁流霖雨之祥列宿映三台中煥壽
星之采佳氣共朝陽並麗清名與秋色爭高岳峙
川停途歌巷舞恭惟老父母台臺玉沙楚望金鼎
周材文兼炳蔚之雄德爲愷悌之長篤生申甫原
應運于中興比跡蕭曹暫飲醇于下邑當白帝執
矩之月逢絳霄繞身之辰吹葦籥以歌風和分童
叟結寶囊以承露壽等神仙青鸞有舞樂之祥白
鵠是延年之物

賀李二尊署府印并端陽節啟

衡軾憑熊屏豺狼於道左朶恩見鳳集鴻雁於澤
中樵水天長葭階日永恭惟某官直方以大清任
且和不吐不茹心存乎鰥寡允文允武德先乎善
良綱紀上游庭有晝眠之鶴湔除風弊市無朝飲
之羊占比歲星望同霖雨際此中天令節播來一
郡熏風森画戟凝清香氣韻約畧束薪煮石佩肉
芝鑄明鏡經綸正在辟惡照妖某樸樸小儒逡巡
下吏幸啣恩於國士敢矢咏於吉人獻九節青蒲
品格取水心石骨續五絲紅縷壽康祝栢茂松馨
池中鐵躍莖賓應是高吹煖律月下珠圓首宿庶
幾俯照寒璫不腆蕪儀仰祈汪納

請徐縣尊啟

衛武初筵矢溫溫恭人之咏魯侯在泮垂穆穆明德之聲福祿攸同紀綱燕及恭惟臺下清和師世愷悌作人生意滿腔不言而備四時之氣化工運掌無爲而奏三載之成際此春陽藹茲淑景耕犁雨足旣爛熳而花滿杉城絃誦風行又薰蒸而芝生菌閣需之飲食宴樂此其時哉兌之朋友講習端有賴矣某味惟苜蓿價匪蒲葵乏周瑜之醇醪但能顧曲聆徐幹之中論不待續經謹掃橋門奉迎騶蓋薄采其芹薄采其藻薄采其茆杼永錫難老之心食野之苹食野之蒿食野之芣祈示我周行之賜倚軌而成講德論一堂皆鳳翥龍翔連袂而歌于薦吟四座盡金聲玉振庶綉裳赤帶尚畱三日之香且鍾鼓彤弓願屆一朝之醕

爲澤姪求楊斂之先生爲師啟

師嚴道尊學優登仕得爲聖人徒于千載之下幸存弟子職于古書之餘因問鑄金遂知琢玉恭惟台丈閣下關西伯起成都子雲非徒姓字之偶符蓋亦人倫之比哲想見龍而悟李伯陽之大雖吾且猶當師之因放麇而識秦西巴之仁託子固莫若君也桃蹊已熟恃累年筆硯之交藥籠不遺納小兒洩勃之質敬開絳帳爰拂青瑣桓榮備三老五更彼一時也韓愈如泰山北斗意在斯乎伏乞陶甄以施模範弟子之下學唯掃灑應對先生之大器猶規矩準繩方得其門先欣欣而向時雨苟入其室長穆穆而侍春風某旣以同人而有功澤庶幾蒙養作聖豈惟子家人之福也蓋亦凡國士之光焉謹命管城上條記室

賀林進我母姨夫得孫啟

謝家群玉初長孫枝王氏三槐先符奕葉邑名長
樂獨擅樂事以無窮山號太平宜當平世以有立
試聲者謂有金石之音望氣者見爲鸞龍之狀斯
皆世德之克篤故爾嶽降之不凡耆艾含飴載文
長于膝上英韶接武拜郭令于床間六月當天地
之正中五行鍾陰陽之秀氣詩書有託踵紱麟之
瑞而豈但雲霄羽毛文武攸宜協紀鳥之祥而且
比河雒經緯邦家有慶親屬生輝夔切甥骨肉
之恩茲事常勤拭目翁得子孫頭角之異何時而
不開懷兩家雖逮曾玄百世還爲兄弟蓋同衍順
昌一脉譜牒畱母德之芬芳若共成福郡名家風
韻存先人之篤厚斯言不昧後嗣克知因周氏之
子能文紀林宗之世必大君子謂之善頌善禱昔
人以爲可愛可傳矢此不腆之辭以代無疆之慶
知在愛日必倍忘年

爲兒溥與郭復之女結婚啟

伏以詩首二南之章好逮思服禮隆萬世之始敬
慎后親而況名家世業乎麟螽哲人贊文于龍虎
美姬姜而有倫有序重君子履綬繼任姒而思媚
息齊增吾家式廓緣繇天作吉襲人謀恭惟太翁
老隱君門下華萃協瑞角木鍾祥封人之祝三已
道全德備葛天之闕八復心逸日休爰啟親公濟
其長發篤林宗有道之行懷子儀命世之才海望
三門吞波濤于胸臆峰來雙髻吐雲霧于毫端某
樗櫟散材駑駘下乘昔曾結契憶石鼓之聯床邇
復同師備龍城之載筆相期情均不朽景德意獨
無窮聞令孫女某纔越十齡已閑四德班扶風馬
南郡之女定有父風鍾京陵郝東海之家夙多母
教愧某長男溥才尚慙乎刻鵠選敢辱乎乘龍茲
者承董慈德倡赤繩之謀蒙老親公允黃金之諾
遂使二姓之佳兒佳婦好合百年而兩人之同德

同心從非一日受賜多矣何幸如之簡茲良辰以
正仲夏將此嘉幣並納薰風杵臼一雙豫訂在洲
之琴瑟輜輶百兩尚期于渭之舟梁伏乞茹酒可
勝欣慰

文標卷之四

莊聞修韓晉之兒女婚啟

乾書

恭聞坤順有得朋之慶咸亨利取女之貞君子不
諂不瀆而淡以成家人有物有恒而威斯吉此天
地陰陽之大義在夫婦朋友而亦然是以士必擇
交也而古獨云管鮑人各有偶也而古獨云鴻光
豈非以知貴知心而配惟配德雖世俗形骸之外
實聖賢道義之常不謂今茲得紹盛事伏惟老親
翁台門獻宣晉烈山斗唐標天挺人豪先刺史清
忠勁直世傳邁種賢伯仲孝友文章乘時則宜近
天子之光愛日則長受王母之福麟螽化被乎閭
內龍象名震乎家中誠聖代羽儀而人倫師表豈
謏劣如某得附交筆硯蠢愚如某之子某敢辱選
門闌徒以翁丈過篤蘭金竟令不佞倚茲葭玉忘
其賤而每事以兄愛吾兒而遂許以女共龍城而
立雪意不作一時之人望鵲橋而瞻星行又開萬

世之始雖王姬肅雍此自君家盛節也而淑女窈窕抑亦兒子何堪焉諾重黃金藉李周二兄介紹有日儀慙白璧將莊韓兩姓胤祚自天幣薦吉良詞披情悱謹啟

坤書

恭聞童蒙有克家之應卿瑞爲觀國之光詩咏無非無儀而宜酒漿禮順旣敬旣親而承宗廟惟晏平仲而聖稱其善與人交卽諸葛公而諺美其阿承醜女蓋交貴可久而女審所歸自非采葑采菲之心恒有必齊必宋之迹豈曷今日得遂良緣伏惟老親翁台門龍江望族鳳沼清才介性天鍾難狎如神龍威鳳筆鋒人避韜光如赤電白虹登堂則稟陶母之知人入室則樂范君之比德姜被均恩于同氣桓橋式化乎多才誠行備五常而學包六籍如某者徒讀父書素奉教于君子茲承母命聿遂託女于高門本謂翁丈謬許芝蘭況有佳兒克

光蘋藻見童子鴻不因人熱知陳敬仲必並世昌三山百洞旣已生同里而學同師六禮二南又且女有家而男有室雖榮分弗翟皆賴翁門善餘焉而職在帚箕行使弱女粗曉耳報乏玫瑰附千年喬木之絲蘿盟堅金石喻不言成蹊之桃李厥祥旣定待吉是珍謹復

上陳振狂先生論先君詩并求序文啟

蓋聞賢愚共盡豈一時而驕萬年得失自知雖寸
心而足千古况談詩于詩人之日即楚騷漢賦總
屬變聲而論人于人公之餘即周情孔思難必共
賞精神忽合以祕帳而有餘珍好尚偶殊以覆瓿
而不足惜此蓋世人之恒態而非所論于知己之
深情恭惟執事高枕江干主盟藝苑世上自有逸
人不在縹緲雲霞之外名下定無虛士豈徒留連
風月之間與某先人最為密友酒中耳熱幾搥碎

黃鶴飛樓悟後骨寒欲吸盡白龍江水蓋已唱予
和汝又復喪我忘吾今雖音容已逝所幸詩卷長
存因其詩如見其人叔之厚也念其父以及其子
夔何德焉公道至文章而始真交情歷生死而益
見譽之則以為憂笑之則以為喜此君子立言之
心寧使人恨其少勿使人厭其多此達人行遠之
致故夔謀為就梓之舉皆叔昔曾刪定之餘屬國

中而歌下里未為大音藏名山而副京師方為盛
事但就今日而論先詩寥寥乎僅數章憂憂乎非
備體其高者固已得太美玄酒之遺其卑者亦不
失葛巾野服之趣蓋緣先君與物無競原無不可
一世之思故其為詩遇境生情亦非自命千秋之
意幸執事入詩家三昧具法眼一雙雖先君衣褐
懷玉不求其膾炙于人而吾叔淘沙取金忍使其
湮沒于世特乞數言以弁簡首怪韓愈傳毛穎而
論定于子厚之言笑左思作三都而價重于士安
之序抑愚有說焉敢復具陳之河梁始為五言栢
臺乃製七字建安黃初之際標致各殊天寶大曆
之間風流亦別要以可愛可傳不必盡美盡善彌
衡之鸚鵡劉伶之酒頌名世只在一篇惠連之春
草道衡之燕泥名篇又唯半句小兒強作解事妄
是已而非人流俗本無知音復陋今而榮古才華
既狹希兼古近之長品識不真謬立盛晚之別故

愚以爲學諸體而無成不如專一家而有得先君
不拾牙後之慧率流胸中之言詩多近體固取聲
律之易調意復清疎亦緣性情之獨曠卽其所長
較其所知尚奇麗者或無取焉宗淡逸者庶不損
也嗟夫鍾期旣死伯牙爲之絕絃惠施已亡莊周
爲之掩辯經黃公壚而有感過西州路而興悲古
道如此今叔亦然昔先人無他好也日以詩爲事
惟藝亦無他學也卽以父爲師先人在而襲耳中
唯聞風雅之音先人亡而襲口中率關賄食之語
世緣迫而成俗子家學廢而成棄人筆墨無靈文
章憎達安得不覽遺編而隕涕望父友而傷心也
要以班馬韋劉繼父子而完千秋之業服鄭郭向
合朋友而成一家之言當仁不讓在丈夫之有心
非道弘人嘆英雄之無骨勿謂詩道微商周之世
每以詩感人勿謂我輩小唐虞以還恒以我作古
泣鬼神而敵造化上以鼓吹休明出金石而挾風

霜下以宣達情性此唯竿竿者之得與斯事而非
庸庸之可爲此言襲蓋願學焉叔何以教之倘發
愚蒙庶成先志謹啟

上董見龍老師求先君詩序啟

夔聞無交而妄希求者謂之瀆無挾而期行遠者謂之固况君子以道自愛方其贈人以言重于贈人以財則其求之也不可輕而文章與世爲公方其內信于已不若外信于人則其行之也必有藉是以古有得一諾而權輕百鎰有得一序而價重三都有明珠而遭按劍之羞有輪囷而繳飾乘之寵何則知與不知當與不當也夔之居門下有月矣自顧乏受教之資而師之愛小子無已焉每期以不朽之業當失父之後而得師不啻開雲見日就學文之中而進德豈徒破浪乘風不謂執經累月重遭生母卽世而遂輟藏修因之讀禮踰時聊簡先人遺詩而將謀剞劂不揣家人語享若干金敢希長者言隆如九鼎承師謙謙之諭謂談詩非其所長使夔戚戚之衷將挾筴欲以何請雖聲詩之細恐辱高章然弟子之求可無終拒况先人在

甲寅之冬與吾師有一日之雅邂逅于御史臺前抵掌而談天下事造候于達尊寓所覲面而見古人心吟風弄月歸來有與黠襟懷伐鼓叩鍾下車喜聽徽音響恨相知晚而每飯不忘慮門風高而欲前莫敢嗣後明六李兄惠以斗中書義讀諸兄之結撰字字入室登堂見吾師之品題處處拈槌豎拂則謂夔曰汝常言今時無古文章斯篇可學也汝常言今時無古人物此老可師也夔啣斯語以至于今得列門下之班實出先人之志恨茲無祿莫觀有成昔南宮适資車以事夫子而朱元晦帶經而訪延平皆秉遺囑之言以識依歸之地方之今日固若合符繇前晉接之雅則求非無因繇後命學之勤則求又有道師于斯集難靳片言追惟先人位不配德名不副實高節以祿仕半晦然其大者已見于楚石先生之銘清才以市隱不華然其逸者幸得自鹿門山人之選生平更無他嗜

有觸則輒爲詩吟之不置每喧枕上以忘眠談之
無人卽呼兒曹而共賞夔或從視膳之余或自占
嘽之暇恒聽詠吟頗習聲律迄今登堂寂若久絕
風雅之音掩卷蕭然半混簡編之靈懼精神之湮
滅無傳藉道德之輝光不朽集分數種依生平踪
跡以成形體不數端任一家瑕瑜而就正倘肯施
以筆削賜之序文俾傳之子孫獲見厥祖流風公
之人間皆準大人定論得夫子而名益章附驥尾
而名益顯傳不云乎此之謂也謹啟

孝王

政懷卷之四

六

侯孫愷陽相公山海視師啟

代

綸扉日煖展變理之思戎路風清播嘽焯之烈式
茲百辟誓彼六師恭惟台臺閣下亮采惠疇合弘
光大句臚初唱奏日下五色雲校卜僉從看天中
一柱礎軒皇六相風后獨演握奇之文周室十人
尚父懋著鷹揚之績蓋守文貴武而大事在戎粵
自奴夷不恭迄于河西失守僅山海一線之地爲
勦遼二鎮之藩戰守旣已分門兵農何能合一大
臣出鎮特如一韓一范之威聲上相行邊賴有燕
公晉公之故事白旄黃鉞仗天討以役風雷玄衮
繡裳揚帝庭而扶日月軍有投醪挾纘之感國
多徹桑綢戶之謀皆荷折衝仰釋宵旰悠悠南國
望膏雨以來崑滔滔東山咏斧鉞而至止王三錫
命用表師貞帝庸作歌言昭喜起某受事田峻
執鞭戎旃宜橐鞬以先驅爲耒耜而稽役重關百
二咫尺如見清光維耦十千旦夕敢遑寧處將相

和則士豫附功有所歸兵食足而民信之榮將下
逮愧無孔碩肆好之贈徒懷謨明弼諧之心尚冀
鑒涵不勝翹企

政懷卷之四

八屋傳

迎韓相公啟

代

公遜碩膚暫與飛鴻遵陸天壽平格重瞻鳴鳳高
岡肆高宗思舊學之甘盤維周宣有篤生之申甫
華夷胥慶朝野交懽恭惟大師相閣下受天間氣
爲帝者師三晉本陶唐之風典謨舜禹千年接孔
門之脉禮樂河汾敷歷先朝在瘠璣以齊七政優
游元老坐泰階以陳六符道已利見大人忠亦慍
于群小屬閣尹幾危社稷致清流盡入網羅破谷
缺斯跋胡疋尾幸上天悔禍慶聖主中興眷一
心一德之舊臣開四目四聰之新政詔使絡繹于
道安車迎請于家誅五坊小兒而晉公復相進慶
曆聖德而司馬平章信天意之欲治平知人情之
賢夢卜然猶倚仗安危未免紛更制作今天子
王鈇在握不階朋翼而手正乾坤我師相帝賚危
符爰作股肱而身依日月側席已久勸駕恒殷先
天下而憂後天下而樂以聖人之道乘聖人之時

政懷卷之四

八屋傳

俾相業不讓三楊而主德直符二帝某學慙半
豹識愧醢雞怪石鉛松偶並登乎貢府牛溲馬渤
幸誤入于藥籠爰自輶軒謬膺銓屬地雖雲雨徒
如葉公之龍身是驚駘敢相方臯之馬斯皆大師
相陶鎔埏植覆庇生成展麤鼠五技之能効鉛刀
一割之用敬肆筵而授几期入室而升堂翦拂長
鳴俾驅馳于皇路青黃藻飾備裸獻于明堂庶幾
握水一條不負傲霜之松骨亦且去天尺五稍傾
向日之葵心曷任薰沐翹誠盼望肅迎之至

歐陽修之四

不居

復總督王霽字司馬賀屯田啟

代

自天迪哲一德咸有于保衡惟帝念功三事克諧
于謨弼趨風恐後得寵若驚恭惟台臺文武憲邦
公忠體國京兆三王之譽早將泰岱齊高軍中一
韓之稱又見薊遼共沸慨自東夷發難紛然鴻鴈
劬勞賴有左輔折衝赫若貔貅桓武山河百二總
資虎帳經營社稷神靈行見龍沙晏靜指點目中
胡虜孰逆顏行身係天下安危敢勞宵旰某景仰
夙深驅馳伊邇因軍需而開屯戍帝命於皇聽
輿誦而謀原田衆猷未協方憂覆餗敢辱錫朋不
謂雲漢天章先作黍苗膏雨兵農戰守之畧多荷
指揮寅恭師濟之心豈忘黽勉敢不序茲鏹鉉于
以奉佐旌旄續橐飭之篇佇看燕衍繳種之種
仰賴惠疇藉手拜嘉洗心佩德倘下風之不棄冀
後命以無窮

歐陽修之四

不居

迎張蓬老

辛巳

鴻飛遵陸瞻綉袞重來龍見在田值雲雷伊始大
惟佐聖國慶得賢恭惟臺下黃石帝師白星王輔
大風表于東海岱嶽擅五嶽之尊朝陽生于高岡
梁川滙百川之長旣方召經營江漢亦蕭曹帶礪
河山屬以漢錮三君幸逢周求四友誅兇舉元愷
聖主同虞舜之四目四聰立相作阿衡明公如
伊尹之一心一德聚蓂龍于滌上還頗牧于禁中

歐陽文忠公集

卷之四

絲昔貳樞陟今少宰文昌垂象實階上將上相之
符武惟前蹤行有爲保爲師之命去天咫尺洵夾
日虞淵握水一條允救時霖雨某切磬蘭玉溲渤
藥籠蒙翦拂以長鳴荷品題而增價烏衣子弟每
篤家人之慈絳帳生徒何止國士之遇顧瞻京雒
久客新豐朱博之友陳咸卽稱結綬韓愈之事鄭
尹詎羨參軍石介作聖德詩謬托氣類劉邵著人
物志何裨鑒衡所賴不遺葑菲無忘管蒯山濤獻

事竹林容嵇阮之清狂裴度平淮午橋酬元白之
逸韻大將軍門下最後得田仁任安歐陽公室中
屈指首蘇軾魯輦俯伏道左驅策前塵識鄭崇之
履聲雍容清節瞻謝安之塵尾談笑中興脂彼蒲
輪佇茲鼎鉉所在如農望歲伏冀爲國惜時不勝
忭賀俟迎之至

宋

歐陽文忠公集
卷之四

賀姚按院啟

恭惟老公祖台臺閣下喬嶽宗工鈞陳法耀玉璫
仙人探赤文于禹穴鐵肝御史揚白簡于蘭臺遂
使閩海澄清爭避神羊之影行且朝端側席佇迎
威鳳之聲某家混漁樵職羈田畯瞻海天而庇隆
宇占雲物以兆豐年遠逐鯨鯢實賴振紀綱之僕
招來鴻鴈尚祈惠亮采之疇比肩敢後于臣隣鼓
腹更同于士庶敬修芹脯用抒葵心伏惟鑒涵可

歐陽修之四

勝忬舞

候林劍石侍御啟

伏以規模風藻欲瞻柱後之冠咫尺雲山莫和登
高之賦徒勤神往幸冀心知况盛德固與日俱新
而大才將爲時而出方朝廷之急仗豈鄉國所能
私恭惟某官昔以神君而爲衆母今起孝子而作
直臣帝久虛懷人咸拭目猶且寧靜澹泊謙恭委
蛇養敢言之氣于不言之中庶言必有中相可進
之機於難進之節斯進則有爲第賢者急病讓夷

歐陽修之四

公序

而君子先憂後樂今時艱孔棘官方日淆論事則
若沸羹責功則如捕影加以建夷發難遼左騷然
六堡不收三關日迫漕餉虛而覬內帑調募困而
借客兵彼志實不在一和乃抗言于邊釁我力尚
未足以守奚督戰于創殘是宜師充國屯田持久
之謀行李愬用賊反間之計夫論經費卽京營冒
耗一弊清之尚得不貲而按兵機彼江夷生熟諸
酋携之豈無內應而乃將權遙制軍政不嚴兵無

見糧人求速効爭于一勝坐失萬全此遠近所以
驚心而草茅所爲蒿目非得名世有如先生急紓
君父之憂力主老成之畫兵難遙度漢固有繡衣
持節行邊事患參商唐是以諫官更直入閣襲蔡
州韓愈首議不爽畧西夏歐公懇疏尤多想先生
素定胸中俾人望倚成一旦行行且止而避御史
皇皇者華以待使臣惟帝念功俞弗不嫌並用敵
王所懷文武惟其所宜從此驅馳以維綱紀則福
廬黃蘗之樂當俟功成名遂之秋高枕未能攬轡
在卽敬茲勸駕聊此借籌夔兄弟受知教無擇于
長少先人蒙德情無間于死生而夔以五技之窮
終無一割之用學未堪動衆敢復干大人長者之
門才不足庇身奚妄議天下國家之計侍在涵容
日久不覺覲縷情多臨楮無任瞻仰不宣謹
啟

復畱都諸侍御公啟

伏惟某官衆正彙征庶明勵翼山甫之補袞兼彼
明將臯陶之矢謨首茲直栗蓋斯世指爲一心一
德而吾君仗爲四目四聰攬轡澄清固畱都根本
之計采風貢俗蒐江南人物之英如某才匪國維
職應田畯十千維耦何嘗雨雪言歸萬億及秭幸
無旱魃爲虐但慮澤中之鴻鴈敢知當道之豺狼
而愛少忌多力衰助寡無謂我耄時望規誨之來
莫如公宜乃拜駢麗之寵佩服無數唱和奚從王
多吉人王多吉士咏飄風于自南民之攸堅民之
攸歸懷行潦于洞酌敬陳疎蕪仰冀鑒裁

賀沈何山方伯元旦啟

化日如年，莫生階而新開一葉福星，是歲微爲樹而上映三台震出青遼，泰升黃道，肆陳時夏，首正王春，高召伯之棠陰，接周王之樾蔭，謀爲錫厥歌舞，其蘇恭惟某官，聞望珪璋，精神川嶽，凱元兩浙，經綸吐邁，種之奇屏，翰入閩德，業振保釐之譽，科名何愧第一，凡誦文章，則驚以爲人中有此至人，忠孝已備在三，凡想丰采，則斷以爲相門自然出相，蓋當東南民力竭之日，第暫借方岳以紓一邦，而值西北夷氛惡之時，必旋卜阿衡以靖三輔，斯誠文武爲憲，歌舞其蘇，賜履可表于大風，審象堪作其霖雨者也。夔棲遲十室，踣躓一經，名未達于公卿，畏尚存于朋友，昔爲童子而久聞姓字，便欲如蘇軾之願，知四先生今在諸生而尚隔尊嚴焉。敢學韓愈之上書三宰相，豈謂台臺求賢如渴，得士若驚，第從文字之中，累有元魁之許，不啻若自

其口且欲放出一頭，硜硜然小人何未嘗至于室也。嚶嚶然狂士是可使從我遊乎？每傳諭于鄉之縉紳，復道意于夔之師長，命其執贄許以商文，夫士之傲王侯甚于王侯，傲上道蓋有坊維，然師之求弟子甚于弟子，求師慮或爲衣鉢人，天具眼俯爲鍼芥之投國士，寸心謬托風雲之感爲道而往，卽跋履猶將赴也。況是邦之賢大夫以禮爲羅，卽平交猶將酬也。況當世之名長者敬因元日謁賀之禮，仰質平時撰著之文，頑鈍猶存納洪爐而顧化羽毛，自舞對明鏡以多慙，伏願指示迷途，拔除病本，幾年淹抑尺蠖，求伸一字，推敲千金，讓貴誠小子之幸也。皆明公之賜焉。况聖主中興，群才應運，倚蘭度曲，朝廷意在得賢，栢葉傳杯，草野能忘頌聖，聯八能而歌青皞，聊助上帝發生，合九扈而應農祥，長作下民倚庇，敢懷私祝以徹台衷。

賀譚凡同宗師元旦啟

春以聖產物先鍾王國克生之積元以正舉中首
重人文化成之寄攝提貞度聚營室而吐精華輔
弼並居司斗魁而開圖緯斯皆六符有象洵爲七
政無私恭惟宗師台臺閣下人倫耳目盛世股肱
衍聖賢正宗握文章司命羽儀百代寰中仰績水
之斗山孝秀一門膝下建彪湖之旗鼓嶽神降自
奎壁冠兩湖而獨數名家天鏡耀于女牛總八閩
而咸歸大冶當時文卑弱之會噓以元氣元神值
士節頽靡之秋厲以古心古骨拔茅連茹敷教在
寬吏奉法而戢奸士感恩而知奮茲逢 聖天子
首出咸寧之日允爲都人士思皇樂育之時深仁
厚澤我朝二百三十六年兆應中興休景祥光周
天三百六十五度數復更始惟歲惟月咸省卽協
泰交如日如雲明兩方純乾德况海濱猶襲鄒魯
飛躍豈後于鳶魚而叔季可爲黃虞炳蔚奚殊於

虎豹幸賴師臺模範勞之來之匡之直之爰助王
室甄陶有馮有翼有孝有德如之夔者蟠泥久困
坐井安窺愧五技之幾窮恃三寸之尚在豈料榮
生翦拂遂使價重品題收之拔十得一之中勉以
敦五在三之節奔蜂化藿蠋可以人而物不如澤
麋蒙虎皮敢以名而實不副雖難必者遇然不晦
者心耻爲干謁守澹臺之清規羞作雕蟲勵子雲
之壯志顧何裨于儒術聊不負乎師恩伏願愷悌
作人贊弗祿而彌性謀猷惟后講緝熙以就將正
月之吉始和德備五福百年之間名世道統三才
皇王烝哉大人造也

迎延平道尊啟

紫微天迴權衡上映于台階滄海風清節鉞重臨
乎方岳民歌鴻鴈吏式羔羊恭惟老人台臺閣
下道貫函三德參用九家傳黃石精華起龍眠牛
渚之間天授綠圖制作在曲阜尼山之際鼎鉉金
玉風度尚比曲江璿管珠璣巧思猶稱平子牧豫
章而憲甌越甘棠幾遍祝融之墟陳時臬而价大
藩屈軼復產伊耆之陞惟閩服雄稱海甸而建南
實控上游曾爲召伯巡行之區再奠君陳保釐之
壤緇衣菉竹耄童熟識春風赤舄彤弓朝野交頌
霖雨卜獵將以載望右轄暫司弄印無以易堯中
丞伊邇蓋雲雷經綸之日而江漢旬宣之時某安
成小儒昭武下吏先教化而後刑罰奉有德音以
名法而兼簿書慙無通學入官之始一拜耿光受
事方殷重逢祓濯天將以匡扶不逮令致愼于失
入失出之幾民從此歌舞其蘇使交協于有謀有

爲之錫佩分神劍龍光復合于延津樂聽咸池鳳
吹賡鳴乎嶰谷簪刀筆以待事不勞窺牖星辰負
弩矢以先驅更借灑塗風雨薄羈職守未敢越疆
端肅仵人祇迎彌節陋陳燕句聊抒葵心

上福郡吳太尊啟

伏以天中一柱藹紫氣而建霞標海上三山撥青
雲而瞻越石龔黃繼起鄒魯重興恭惟老公祖台
臺閣下嶽篤黃山星芒白宿麒麟綬角起家擅屬
詞比事之才虎豹昭文觀國展強教悅安之德荆
溪菴画合灘漁以成章鄂渚熊渠踵澗澗而布澤
臯謨九德咸事既醉五福克全 帝簡循良首二
千石天生名世正五百年甘澍隨車再見黍苗膏
雨祥鸞集閣復逢萋華朝陽民咏袴襦士歌章袞
某技同鼯鼠識類醯雞抱璞荆山等卞和之再刖
守壇杉邑矢楊震之四知向已心佩師資茲幸躬
承覆庇田疇子弟賴生成造化之恩山水賓朋想
暇豫從容之致雖海邦多事然允文允武惟其所
宜况聖世眞賢卽是毘是維諒應不遠愧溪山之
阻隔僅斗極以瞻依霽月光風屢入鹿蕉之夢清
泉白石常懷魚藻之心爰抒蟻誠聿修燕賀值此

陽春發育式茲時夏陳常在益州壤間布中和樂
職瑰詞有愧王褒居吳公門下陳政事治安壯志
不殊賈誼星有好風星有好雨咸歸正直平康王
多吉士王多吉人敢後馮翼孝德河酌行潦涓流
願滙滄溟之中仰止高山土壤孰增崧華之上

上邵武太守阮澹宇先生啟

六龍正夏條風迎布律之和五馬行春甘澍灑隨
車之澤詞源傾星宿海溪流尚作江河著述出霧
靈山片語爭光日月高陽才子高辛才子邁種德
而兆民懷南海聖人北海聖人聞其風而下士奮
天祚閩福世篤周禎司李榕城再履瓜瓞綿綿之
地專城樵郡重瞻苗黍芑芑之風召虎續考揚休
詎止畢萬公侯復始姬公吐哺握髮陋哉田文賓
客盈門河內暫借寇恂淮陽行召汲黯鴻遵陸鴻
遵渚歸無所而不妨遜膚龍在淵龍在田進无咎
而適當利見夔久依籌室重備藥籠愧三駟之弗
前笑一瓊之落拓薰浴垢穢翦拂羽毛執牛耳者
三十年復值樊山廣宴聞鳳嘯者方千里重看阿
閣來巢值世運繇剝回復之時亦文章轉衰爲盛
之會清淨寧一而民聽不煩景福昭明而天休滋
至十分春色先在熙春山中萬戶歌聲俱集雅歌

堂上朱幡皂蓋尋莒葉而戒青旗画戟清香束荆
薪而煮白石

候溫州太守周赤城啟

金署弘開美熊軾隼旗之榮寵玉峰高映收龍湫
雁蕩之精華甘澍隨車慶雲繞榻恭惟某官中天
申甫盛世愷元地產萬年松獨饒勁節堂開十畝
雪長抱冰心昔理榕城想臯陶之邁種今臨嘉郡
瞻公旦之碩膚五馬列庭階正得右軍舊治雙鸞
集城闕又歌黃霸奇功某夙荷栽培久違趨侍海
濱桃李日日尚坐春風臺上椅桐時時側聞仙樂
文集卷之四
蜃江象浦暫爲風月主人麟閣鸞坡永作台階輔
弼謹因鴻翻爰抒魚書綵筆染墨池常生春草禱
惟俯華蓋遑對琪花如飲醇醪式瞻山斗

上樵川二守啟

北斗魁衡西陵喬嶽擅三楚才人之極致詞迫荆
秦起二程夫子之遺文教行濂洛揚威靈于百粵
伏波銅柱此登壇聞姓字于九真交趾越裳來獻
瑞愷悌君子比于召公文武憲邦無殊吉甫借全
才爲半刺画戟清香卽守相擬阿衡衰衣章甫遂
使樵川土風之衰瘠得沐江漢水德之靈長加以
挾纊投醪賞一人而服罰一人而服式間虛左得
文集卷之四
一士若警失一士若警

賀章西生司理公祖元旦啟

天地交爲泰陽長于三雷電合而章刑祥惟五蓋
體元居正識上帝好生之心而養賢愛民審君子
致治之術凡在樂育俱慶際時恭惟某官詞壇繡
虎清廟元龜聚兩浙湖山之精華筆裏縈青綠白
作八閩僚幕之領袖綬間綰墨分黃每行寬慈于
嚴勁之中又倡文章于政事之暇有兩闌雋牘與
行卷而人知制義大方元氣如斯有三山課藝與
素直
後場而士感作人一片苦心無已是誠入荒陶冶
豈徒一郡澄清夔章句滯淫步趨迂濶才非王粲
每蒙倒屣之迎學愧更生遽受投書之任屈尊嚴
而賜以手札賜以重禮當不迎師不請士之世小
子何以得此哉對儔衆而稱其品裁誦其文章豈
不繇徑不至室之風師臺抑有取爾也遂班桃李
之列得依山斗之光昔呂文穆韓忠獻繇節推而
俱秉鈞真仁之朝而蘇明允蔡季通以父子而並

執贄歐朱之室方之今日意亦無殊况 聖主中
興曆新開乎三統而名公翊運範復陳于九疇屈
軼指邪道伸鯁直鈞陳執法意屬平反誠大臣奮
庸之時亦多士彙征之會言足興而堪瑞世竊自
比于鳳鳥先鳴德旣飽而仰其蘇願下同于蟄蟲
始振

素直

文彙卷之四

八

桂道尊請啟

台衡北拱薇垣映帝座之精華膏雨南行棠樹廓
海天之覆庇紀綱燕及歌舞其蘇恭惟台臺迪哲
首時應期名世家鄉學脉從鵝湖五百餘歲遡鄒
嶧五百餘歲金谿高步千秋領袖清風移雲林三
十六峰入武夷三十六峰鐵笛橫吹兩地文武吉
甫行且爲憲萬邦邁種臯陶本自咸事九德人欽
節鉞國賴鼎鉉其策後駘駘牽鉛鈍虛糜二千
秉直

文集卷之四

本處館

石尸素奚堪思握一條冰典型在望洞酌仁同召
伯可以飭餽可以濯囂于邁樂過魯侯言采其芹
言采其藻澄清攬轡旣聯郡邑以見休雅歌投壺
復合谿山而響荅伏祈榮諾少憫翹誠咏七德於
武其繹思耆定備五福於旣醉高朗昭明

荅大同巡撫啟

代

兩階于羽疇庸方美于師師四國斧戕碩膚尚勞
乎几几邊陲鎖鑰樞筦鼎彝恭惟台臺直方以大
清任且和產朱襄鳳德之墟才同風牧起芒碭龍
文之地業比蕭曹自大中丞兼少司馬使嶽修貢
北至于恒山用夏變夷薄伐乎獫狁頃訏生擦罕
屬援劇遼陽皆賴方叔壯猷得受吉甫多祉肅清
沙漠耻魏獻子之和戎立踐台司等宋廣平之拜
秉直

文集卷之四

本處館

相某初叨簪筆遙想建橐慶清論之允歸驚德音
之先被春來紫塞光照黃門天保以上治內采薇
以下治外方思與子共之無逸一篇告君多方一
篇告臣敢云惟我獨也俯慙李報聊抒葵衷

送李二尊年啟

伏以龍驤布朔正一元于七十二候之初鳳曆授
時謹五始于三百六旬之首泰交助順陽德方亨
恭惟台臺閣下北斗魁衡西陵喬嶽擅三楚才人
之極致詞迫周秦起二程夫子之遺文教行濂雒
揚威靈于百越伏波銅柱此登壇聞姓字于九真
交趾越裳來獻瑞豈弟君子足比召公文武壯猷
無殊方叔借全才爲半刺畫戟清香卽守相擬阿
吾直

文集卷之四

不虛傳

衡袞衣章甫遂使樵川土風之衰瘠得沐江漢水
德之靈長加以挾纊投醪賞一人而服罰一人而
服式閭下榻得一士若驚失一士若驚雖以之夔
洩渤之材得荷台臺葑菲之采賜坐賜食幾欲載
以後車教德教文無非勵以前輩待屬吏如僚友
卽叔季見黃虞自愧首荷之盤莫和鹽梅之鼎際
此條風煽物仰惟旭日親人沅芷湘蘭香氣從九
天吹下山椒野柏祝詞以千歲爲期從傾葵藿之

心敬效藻芹之獻昏參旦尾東方偕太皞而執規
治春左蠡右庭南嶽比祝融而陳常時夏會歸有
極歌舞其蘇之夔曷任踰瞻依之至

吾直

文集卷之四

不虛傳

上道尊故

伏以帝德好生簡臯陶之淑問王猷允塞賴方叔之壯猶敷五典以折民布六條而察吏會歸有極歌舞其蘇惟台臺閣下手紱麟角身負龍圖三國名家兼遜抗機雲之美一經命世包左胡公穀之長上相占斗魁已燦台階兩兩阿衡符帝賚應調鼎鉉雙雙用使檣李嘉禾瑞草重開屈軼當湖乍浦文瀾轉注天潢江右提衡士習復節義文章之

要直

文集卷之四

六庫館

舊聞南秉憲民生賴平反明允之休屬以盜弄潢池因而師陳滄海缺戕破斧大刑當用甲兵飲至受賑折衝不越樽俎萬邦爲憲旣允武而允文四國于蕃亦不茹而不吐功歌有九命錫惟三某學愧通儒祿竊下士薪樵械樸在周王壽考之中膏雨黍苗被召伯豈弟之澤屬辭比事而筆則筆削則削子夏莫能贊焉奔軼絕塵而步亦步趨亦趨顏回瞠乎後矣是用竭茲臆技弋彼蠱飛仰體盛

心俯挽衰習咏思皇之多士鼓小國之寡民鳴鳴向風油油覆露春絃夏誦粗備丹鉛朝藿暮鹽苟遐尸素民之攸歸民之攸暨洞酌行潦而挹彼注茲在泮獻馘在泮獻囚奄有大邦而敬明克廣予攸好德飾章甫縫掖之容公孫碩膚擴袞衣繡裳之化天壽平格帝庸作歌示我周行介爾景福某曷勝感激瞻依之至

要直

文集卷之四

六庫館

候倪廷尉啟

代

伏以甫維補袞備明將儀翼之材龍作納言參亮
承惠疇之選鼎鉉必藉乎金玉柱礎克荷乎棟楠
出入師虞往來泰吉恭惟某官閣下珪璋聞望龍
馬精神王國克生擅石室青蘿之秀帝心簡在標
金門黃闥之英骨鯁素孚羽儀終振花磚視日復
領袖乎兵垣棘寺凝霜更持平於廷尉留都爲股
肱重地銀臺以喉舌司天民隱畢宣消九閹萬里
雲直
文集卷之四
七十二
八
之隔后猷入告調三階六氣之符捧日慶雲救時
霖雨 本朝按周官之立政從九卿而陟三公
今上效虞室之敘揆咨四岳而擇一相名世不遠
舍公其誰某海濱散樗閩荒樸遯父書徒讀方當
閉戶造車官守忽膺何意操刀使割備員牛馬之
走懼玷鵷鷺之班景仰高山愧未承乎謦欬瞻依
北斗幸遙捧乎光華去歲到官便行給假緣家君
斥逐抱病藥餌方殷故賤子扶侍周旋瓜期已過

七旬變廢之老父動止須人十歲小弱之二弟付
託何恃雖 簡書可畏神馳於絳雪堂前而絕裾
難堪情戀乎白雲舍裏伏惟台臺因心錫類寬假
便宜嘉惠深冬俯遂愛日昔騎吏後至尚得以敬
父見原而坂道先迴何嘗有侍疾可解某慈烏反
哺而位卑分薄無繇援省養於 闕廷家君老驥
馳驅而力竭齒衰或可動哀憐於長者斯皆造就
至德未罄銘刻深衷赤舄增榮逮下之恩亦何殊
雲直
文集卷之四
七十三
八
乎覆載斑斕蒙庇報國之念敢自後乎風雲爰爰
匪虔惓惓私布謹啟

棄草文集卷之五目錄

論

蕭衍三公六貴論

擇人而任勢論

議

廣積穀以固閩圍議

條陳福州府致荒緣繇議

積穀末議

六直

卷五目錄

本屋館


語

侯官縣學結少司空林碧麓老先生鄉賢語

縣勸烈婦倪氏語

府勸烈婦倪氏語

太僕卿江還素先生勸語



棄草文集卷之五

蕭衍三公六貴論

嘗讀史至齊梁之間而知英雄之伺釁而動者其見蚤其名託而其機深也齊當寶卷之立也凶狡淫虐拔髮難數獨其時有始安王遙光等六人直省帖勅六貴之號起焉雍州刺史蕭衍謂張弘策曰一國三公猶不堪況六貴同朝必相圖亂遂密修武備說者謂齊真亡于六貴而衍師爲順應者矣吾以爲齊未始亡于六貴而衍之師亦不在六貴之日也寶卷之誅殺大臣無所顧忌也其先實明帝戒之曰作事不可在人後故遙光舉兵東府傳首而徐孝嗣蕭坦之劉暄江祐江祀相次殞矣凡衍之所謂六貴者皆一旦亡于寶卷之手而未始能亡寶卷之萬一也齊之亡不亡于六貴同朝而亡于使蕭順之不得志于齊而衍以爲國讐又亡于使衍討沔北據雍州而衍以爲兵基又亡于

使蕭懿入援功成殺懿而衍以爲門恥夫衍之無齊久矣縛袴香火之變衍實傾之以泄其意高武之嗣旣傾而明之嗣在掌矣六貴者非復六卿五侯卓操溫裕衍豈不心易之而乃以爲辭使衍真有除六貴存齊之心衍胡不興兵于六貴之日乎且六貴剪而法珍靈韻垂見趙鬼之徒刀敕秉軸視六貴益橫矣衍又胡不以此時舉兵嗚呼衍之志固不在于存齊而在于亡齊也心惡人之爲豎

王直

文集卷之五

有

刁而身不得爲周召故裴叔業陳顯達蕭穎胄崔慧景輩先爲之驅除難而衍以後起收之且并其奉纂嚴之寶融卒以醇醪死焉視高光之義帝更始何如哉亡齊以自存去人之貴以自貴伺興廢之兆而藉昏明之期檀溪竹木一朝建牙山陽空函九州傳檄三十年後之蕭郎貴不可言誠然哉故曰齊之亡不亡于六貴之在朝而亡于蕭衍之在雍也天也衍能以六貴策齊而不能以一侯景

自策至于南風絕唱西陵可悲是目涉却車而足趾危轍以貴齊者還貴梁則亦亡齊之續已可慨也矣

擇人而任勢論

福建武錄

天下形勢而已矣。天形圓而勢則左旋，地形方而勢則右轉。山形高銳而勢則向背，水形曲折而勢則就下。鳥獸之形飛走而勢則奮突，惟陰陽寒暑無形而能造萬物之形，無勢而能盡萬物之勢。兵法亦然，無定形而萬物之形皆其形，無定勢而萬物之勢皆其勢。畫方以見步，點圓以教武，設左以爲牝，益右以爲牡，背陰而處陽，避實而擊虛，知彼

聖王

政集卷之五

八尺官

弱者強之體也。知彼動者靜之決也。合於利而行，不合於利而止，遂爲之勢，以佐其外勢者，因利而制權者也。勢生於敵家之動，變生於兩陣之間，奇正發於無窮之源，大明發而萬物皆照，大義發而萬物皆利。大兵發而萬物皆服，形立而勢具，勢具而形乃恍惚變化，不可端倪，是之謂刑兵之極。而至於無形善乎？孫子著軍形而卽次以兵勢以攻守，言形而象之以決積水於千仞之谿也，以奇正

聖王

政集卷之五

八尺官

言勢而象之以轉圓石於千仞之山也。乃其要則曰：其勢險，其節短，勢如彊弩，節如發機，形之敵必從之，與之敵必取之，以利動之，以本待之，求之於勢，不責於人，故能擇人而任勢。斯言盡之矣。請暢其旨。按曹公曰：任勢專任權也已，二而敵一則一術爲正，一術爲奇，已五而敵一則三術爲正，二術爲奇。先出合戰爲正，後出爲奇。正者當敵，奇者從旁擊，不備。李靖曰：擇人者各隨蕃漢所長而戰也。蕃長於馬，馬利乎速，圓漢長於弩，弩利乎緩，戰此自然各任其勢也。蕃漢必變號易服以爲奇，正相生，馬亦有正，弩亦有奇，何常之有哉？且奇正非可素分也。大衆所合爲正，將所自出爲奇，烏有先後旁擊之拘哉？合二說觀之，而因利制權卽爲擇人任勢之意可見也。夫知正而不知奇，名爲守將，知奇而不知正，名爲鬪將，是奇正固相爲用也。吾之正使敵視以爲奇，吾之奇使敵視以爲正，多方以

誤之變化莫測是奇正又合爲一也然則奇正果
易從分之烏從定之故凡可以誘敵者皆奇也皆
權勢也所謂以利動之也凡所以待敵者皆正也
皆本計也所謂以本待之也無本不立無權不行
道在不可見事在不可聞勝在不可知微乎微乎
驚易將擊卑飛敏翼猛獸將搏弭耳卑伏聖人將
動必愚色方慮極物變嫌推疑養力索巧禁之舍
之開之塞之人人正正辭辭火火祖祖下下使敵

葉直

文集卷之五

八虎館

人但見吾之爲怯聞吾之爲弱而不知吾之爲治
而吾以實勇實強實治者全制其命則勢常在我
夫亂生於治怯生於勇弱生於強此理之正也以
亂爲治以怯爲勇以弱爲強此勢之奇也勢常在
我故可以求之於勢而不責於人求之於勢求在
我而已不責於人故能擇人而任以勢擇人則敵
之人皆吾人任勢則敵之人皆吾人任勢則敵之
亂勢怯勢弱勢卽吾之治勢勇勢強勢夫兵者千

人而成權萬人而成武權先加人者敵不力支武
先加人者敵無威接因敵之所以失爲我之所以
得而措勝于已敗者則我且無知名無勇功是故
羊腸亦勝鋸齒亦勝緣山亦勝入谷亦勝方亦勝
圓亦勝重者如山如林如江如河輕者如炮如燔
如垣壓之如雲覆之令人散不得以聚聚不得以
散左不得以右右不得以左獨往獨來獨出獨入
安能制之哉雖然勢無定我可以任敵亦可以任

葉直

文集卷之五

八虎館

彼傭徒鬻賣于賞賂利之屬未有誘之而不爲吾
致者藉令形之而敵不從與之而敵不取吾勢雖
如激水之疾而彼且安如泰山吾勢雖如驚鳥之
節而彼且如狡兔深藏於穴吾勢雖如轉圓石於
千仞之山而彼且先爲不可勝以藏於九地之下
不亦勢均而難爲敵哉此其間有機焉一曰氣機
二曰地機三曰事機四曰力機三軍之衆百里之
師張設輕重在乎一人是謂氣機路狹道險名山

大塞十夫所守千夫不過是謂地機善行間諜輕
兵往來分散其衆使其君臣相怨上下相咎是謂
事機車堅管轄舟利櫓楫士習戰陣馬閒馳逐是
謂力機而爲將者仁足以同苦樂智足以通神明
寬不可激而怒清不可事以財威能上流賞能下
究進不求榮退不避罪可動卽動如石之轉如鳥
之驚如水之激不可動卽無動如山之安如水之
靜如方之止如是而勢常在我而奇正不窮矣然
要重
文集卷之五
則勢者所以佐形而機者又所以乘勢非聰明睿
知神武不殺者固莫能與於斯也夫騰蛇遊霧而
飛應龍乘雲而舉語得勢也然霧濃而螭不能遊
雲盛而螳不能舉有盛雲濃霧爲之勢而不能乘
遊者螭螳之材薄也勝勢當機庸將莫任反倒其
權以授敵輔周輔隙之間人主可無加意耶故擇
人而任勢者將事也而擇將以擇人者君事也高
之以廟廊之論重之以受命之論銳之以踰垠之

論夫然後可不戰而屈人之兵矣

要重

文集卷之五

廣積穀以固閩圍議

今日之閩官無餘積矣民無餘積矣何以明其然也省會官司輻輳軍兵四民雜處止一貯穀之常豐倉而實計往年存積止共八萬伍百四十六石有零耳就中拆計之屬在布司者二萬九千七百有奇屬在糧道者四萬七百有奇屬在按司併本府積貯者僅九千九百有奇而自發倉平糶以迄支給軍兵各役工食共發五萬一千九百五十七

石

文集卷之五

六

石零矣所存倉中者僅僅二萬六千四百六十六石一旦目前有急其何以應則雖謂官無餘積可也乃若民間米貴之故則閩中田額原少近者多取給延建邵汀遠者直仰資浙直惠潮之轉運然亦爲海洋無事舟楫通達之日言耳頃者紅夷外訐海寇縱橫遠近販商人有戒心米之來路塞矣又有一等奸棍包攬接盤併民間所存者不盡空之不止顧所以招致接盤者不可盡諉之奸民也

每歲未及春杪各村農佃早已無耕本無日食不得不向放生穀之人借生作活及至冬熟時先須將田中所收新穀加息完債穀債未了租債又起又須豫指餘粒借銀財主以還田主租錢其極貧者生穀債本竟莫能償只隨冬加息子什其母甚有寧負田主租不敢負穀主債恐塞下年揭借之路者如是而收成甫畢貧佃家已無寸儲矣其田主及有力家城居者倉厥既設外鄉或設他縣每年不過計家口所食穀幾何量運入城餘盡就庄所變糶卽鄉居大戶亦然蓋米穀重滯且多折耗而出穀入銀輕便易貯故凡稍知心計之人皆相率積銀逐末生息決不作積穀迂緩之務又閩俗刁薄稍稍家有囤倉蓋藏者旁觀久已側目及至春杪慮無不人人防搶防盜鄉村去官府遠者尤甚故大戶皆先行糶散以示家無蓄積冀緩其禍然則農人既力不能積富家大戶力能積而不欲

文集

文集卷之五

六

稟章

文集卷之五

大旱

積且不敢積奸人窺情乘便自願增價以傾富人
之藏以趨接濟之利春夏方交青黃不接內地久
空外運復絕洶洶磬罄勢所必至無足怪者故曰
民亦無餘積矣今且有術于此可使在官者不但
補完往額亦足豫備急需又使在民者貧富各安
豐凶無患久久粟多盜息俗阜風淳請得而縷陳
之今日之官穀惟有一急補還倉一着而憚里道之
艱就近輸納不能也倡好義之說勸商勸富益導
之爭長之亂也貪海運之長便巨艘滿載又恐風
波不測歲月遷延也卷查歷年倉穀皆係委官于
江浙楚粵米賤地方分頭糴運今本省舊冬晚禾
薄收今夏秋亢旱不雨民間積蓄空矣司帑舊亦
克盈而歷年搜括無礙銀兩免民加派自四十八
年至天啟三年約去帑金一十七萬矣夷氛未息
自增兵議餉以來又費金錢十有餘萬矣福爲首
郡解額不及十萬省會支費浩繁四衛官軍每月

稟章

文集卷之五

大旱

約五千金庫藏所存常不過數千矣合閩侯二邑
錢穀不過五萬歲支月給左右支吾所及不足供
所出邑庫亦從來如洗矣目今題請議留截半
積穀銀四十六年以前尚未解銀一千二百五十
七兩四十七年尚未解銀九千三十三兩又天啟
元年至三年截半解部春夏贖銀共一萬一千二
百三十兩此皆原額備賑救地方緩急之需而權
宜暫克遼餉者倘得允留閩省買穀助賑庶幾搜
括司帑可得二萬餘金通查閩侯二縣今年平糶
發倉及散給工食存留扣銀又共萬有餘金合計
共得三萬餘金分委廉能勤敏官員領往江楚產
穀地方照依彼處時價如法搬運既不虧價以擾
隣又不愆期而誤事卽以此事按功薦獎仍許完
報之日虛懸金花遼餉段足蠟茶等差補酬勞勩
各官竭蹶而趨矢心圖報乘此秋成穀熟之期協
力買輸不幾月而數萬之穀無脛馳矣還穀日愼

固筦鑰追念來路艱難嚴杜濫觴別實非甚米貴
啼饑不輕發糶如是又何虞官無餘積乎天地生
財有一方卽足一方之用惟是民間自相狼藉遂
至取資外郡卽如前所開列米貴之繇豈盡天災
亦多人事乖舛今莫若長民守土者預于收成之
日給示曉諭遠近大戶有田者除就近洋田均分
稻穀及舊例納租而上農力能自辦銀兩不經債
主可完田主外其有遠田不便分收而農夫又介
中下勢當指穀揭債方可完租者許令農佃卽將
淨穀照依時價值量加秤頭准租納還田主田
主不得額外橫索以虐佃戶佃戶不得恃頑故將
濕爛多秕之穀喝價欠零及匿穀不還以虐田主
如有此弊致成爭訟官皆爲一體究治夫貧農穀
可抵租則不至前期倍貸展轉消耗大戶遠輸租
穀卽有船載腳力諸費然亦可免家僮侵收頑佃
拖租之害又未嘗不利者如是而大戶各各積穀

文彙卷之五

人星集

人可恃以無恐及至春杪次第開糶仍聽其酌計
搬運諸本積頓時日量取微息夫家各有穀富人
無所施其擡價之巧新穀將續富人皆乘時樂售
無肯閉糶自取壅滯者計穀價自冬徂春石可增
五六分許多亦不過一錢耳價不甚踴貧民無所
用其抑價之橫又村村各有糶處貧民亦何至生
心側目故與其遙盼外郡米來坐虞斷絕不如人
抱身家之慮豫修積貯所謂以一方物力存活一
方民生蓋卽前賢社倉義倉之法踵其遺意行之
未有不效者也雖然人之欲利誰不如我富而好
行其德未可槩責之凡民則又有激勸之法在合
無申嚴保甲令該地方約正副保長確查真實用
心積穀人戶具名申報彙成一善人冊以備官司
不時獎賞其苦心積穀獨多而春杪肯先平價發
糶以爲各家好義倡者准卽請給扁額請給冠帶
優榮其身旌表其里至于本處地方有無相通多

文彙卷之五

人星集

寡相濟除糶本地識認人戶有餘之外或有別處鄉邨苦于無穀者不妨宛轉相糶但貧民所糶一人不過一二擔而已卽米舖所糶亦一舖不過十餘擔而已如有面生可疑擅駕大號中號海船約可載千百餘擔者又或一時聯絡小船十八成隊亦可載百擔者橫行邨港盤糶卽係下海接濟無疑許地方申報稽察立拏糶主糶客一體枷責從重究治福郡出米既少豐年尚賴他處米船始可存濟又安能旁及他郡惟是本郡九縣中豐歉不齊勢不得不通融互糶亦必令其先在本縣呈明給照赴某縣糶穀若干既糶後又着令赴縣報到明白在本地方開糶不許又潛駕他方流爲接盤詭計蓋九邑中長樂福清連江三縣除長樂自馬江入內港進縣連江出閩安鎮至館頭過嶺進縣之外餘俱水路經涉海洋蹤跡難定此三縣民如不赴縣告明給照擅赴盤糶及不報到回銷者明

五

文彙卷之五

八

明接盤下海縱或遇有風波盜賊意外之虞亦必赴縣告明三縣之外無路入海或有因荒給照駕船備價來就積穀有餘地方平糶者人船有憑地方仍不得抑勒指害別生枝節以主制客此法一立邑與邑相通人與人互濟久久菽粟水火敦睦成風所謂人富而仁義附焉又何患民無餘積也乎夫繇前所計借資鄰省可使目前存數萬之倉糧繇後所計藏富民間可使在野多百千之儲蓄而加以通行各郡州邑四季積穀盡行存留本色自理贖銀盡行買穀貯倉以備不時賑貸在鄉縉紳賢達長者倡率大戶誡諭子弟咸知以義和利保身及鄰之真實受用時助有司講明鄉約保甲成法漸漸舉行義倉社倉再以餘力勸誘商賈多方遠糶是處倉粟陳陳不日夷氛電掃海運星馳物力愈饒民風淳美計無善此者而特在當事之主持獨斷浮議不撓設誠致行終始無怠耳是

五

文彙卷之五

八

條陳福州府致荒緣絲議

福州一府上仰延建邵汀及古田閩清大箬小箬
各山各溪米皆係彼處商販順流而下屯集洪塘
南臺二所以供省城內外及閩安鎮以下沿海之
民轉糴然必上流之民相度彼處山冬豐稔省城
春杪騰踊然後將本販下取利歲以爲常若以下
流之民逆流操舟往彼處盤糴稍爲艱難蓋溪門
險遠逆溯耽延又各處米之多寡不能懸斷惟有
坐而待溪米之自下而已然各處米苟非其地甚
歉自行禁港則亦未有不下者各處米大約出之
浦城松溪建陽等居其十之四出之邵武者十之
六蓋邵武又轉得之江西也延汀米差少聞今秋
各處稍熟收可及八分度近在年邊遠在開正米
艘亦絡繹踵至此米既至所來轉糴者遠不過閩
縣合北嘉登二里長樂广石梅花各所之民而已
其他水租愈遠非甚饑不來盤糴如今年福清之

文彙卷之五

之序

歉甚出意外其苦求開禁甚非得已蓋福清沿海

其於截盤海米爲便於遠盤溪米爲不便今年南

船少至福清又荒故并來內地仰給耳福州下仰

浙直惠潮之米海道分南北出閩安鎮由广石門

泛海而南則梅花磁礮西洛門松下鎮東海口牛

田海壇山以上長福界舊南日寨平海衛湄州新南日

寨崇武所岱墜山以上興化界永定衛福全所角嶼門

金門所烈嶼以上泉州界中左所舊浯嶼鎮海衛沙洲

妻直以上泉州界文彙卷之五

山銅山寨南澳玄鍾寨以上漳州界從此入廣東惠潮

高州等處今因紅夷據湖所首戒嚴之門戶則金

門所也中左所也浯嶼也皆商船適廣東海道必

絲之路被其阻截卽無紅夷之日此處亦有南賊

邀劫故商販甚難往時興泉漳三郡不足則仰廣

米凡米自廣來者半係廣人販運半卽係漳泉駕

南船往糴資本多者千金米船多者數百艘每艘

多者千餘石下三府熟則廣船南船直駕入福州

港下三府歉則自截廣船以贖其地而入吾
港者少矣今有夷患聞接濟紅夷者多漳泉人也
非販廣米以濟之則自盤其地之米以濟之故接
濟之禁在漳泉宜最嚴若來福州盤米計到紅夷
竊據之地順風可二十餘日若非風汎守泊一二
月不定故吾郡接濟之禁比漳泉稍緩然精明禁
得畱上地溪米及內地田穀閩門自給其利甚溥
但不可以一出閩安鎮便爲接濟蓋出鎮以下閩

文彙卷之五

五

縣之合北里

即董太僕先生家鄉

嘉登里

即琅琦亦士紳文物之地

在焉

連江之鄭灣鄭歧在焉長樂之广石梅花在焉福
清之松下鎮東海口牛田在焉此數地者濱海片
鹵田絕少他處甚豐之年彼處尚不及半收歲歲
仰給上地內地米今年絕粒禁糴又嚴合北民自
秋旱以來食菜者已五閱月矣欲入港糴上地米
慮槩以爲接濟欲航海遠糴慮盜賊故出鎮以下
之民今日最不聊生最可憐憫出閩安鎮繇壺江

出五虎門泛海而北則竿塘小埕寨定海所

以上連江

界黃崎北茭東湧西洋山盛山馬

以上羅源界

官井洋

大金所礮山烽火寨嶺山臺山七星山官澳井下

門浦門所沙埕

以上福寧界

從此入浙江溫台等處今

沙埕閩浙交界去處海賊有名號者十餘類

此處與紅

夷無

出沒劫掠橫行莫當各寨遊兵船坐視不抹

一則兵弱不敵賊一則利賊聲息以動搖官府早

速放糧往年福州及下郡人往嘉湖蘇松無錫等

要直

文彙卷之五

五

地盤米亦用南船輸運或浙直之人自行商販絡
繹不絕今被海寇阻截十船十喪其害又慘於紅
夷商人改從陸路度小關踰仙霞嶺下浦城度杉
關下光澤買船下溪運貨艱辛至於運米其難尤
甚蓋浙直米彼處每擔起本七錢零計過山下溪
每擔費腳力三錢計至省之日每擔共費資本一
兩矣故浙直米利海運至閩不利陸運至閩今若
給引與商人令其泛海則須北路一帶兵船護送

第兵船未必實心護商縱實心未必技敵賊縱技敵賊然只可護至沙埕交界過此則屬浙江管轄浙兵視閩商失所又不啻秦越肥瘠雖曰福建總兵兼轄金溫然令之行于沙埕以內者尚若此況沙埕以外乎故欲令商民取浙直販米故道當先除賊除賊當先練兵練兵當先選將選將當先毋用債帥至于毋用債帥之故蓋難言之矣故北路海道販米浙直專資吾郡者今已梗塞計惟有閩

棄章

文集卷之五

八居傳

門專待上四郡及各山各溪之米

福州內地空虛情繇起于民無蓄積已詳前議但其中實有不得已無可奈何以至此者敢具陳之一曰地力田畝原少地之所出不足供所用也閩有田者十僅居一其九皆末作食力捕魚鬻鹽可証也二曰故習自有生以來仰上地米仰他省米偷安度日別無長慮有能耕之人無可耕之地也三曰人事閩薄地也鄉紳世宦數萬金者少平民

大戶萬金者少其有田者區區苗粒以之納糧以之供食以之宮室衣服與馬僕從酒漿交際婚嫁喪葬醫藥浮屠諸費雖有稻穀糧期至須糶穀以完糧矣諸費起須糶穀以應用矣又加之以侈靡焉怠惰焉故閩中富無三世也四曰天時連年水旱所收率不及半而官之徵輸如故也且加餉焉民之耗用如故也且加侈焉往年貧人無穀今年富人亦有時無穀往年貧人借貸今年富人亦有

棄直

文集卷之五

八居傳

時借貸往年此方無糶尚有彼方今年村村皆置往年穀價至春杪方貴今年晚收未畢穀價已踰四錢計過此惟有日增安有日減四弊相仍又有夷禍欲求粟之不竭不可得也夷禍未息海道不清欲求粟之遠來不可得也謹按前件致荒緣繇及商販艱難已悉爲今之計欲如前議出示令民積穀其時已過蓋農人之能完租者早冬已完其不能完者值此晚禾甚損無

穀可以抵租者有之富人之穀耗用已半縱有微積計自食之外可以待糶者其額尚不及上年何則晚收甚損故也近博詢之民間云勸諭蓄積之議誠爲長久根本之計但須在早冬以前預示之今晚收已過欲積而無穀尚盼望他處米來恐告示一出吾地奉行未遍而遠方販米人聞之謂吾真有私積恐其米來無價反生疑沮是吾無蓄積之實而冒蓄積之名無疑沮販商之心而有疑沮販商之迹不如先以招商爲主可救目睫而存勸積一議以待來年春夏無事之時行之此議果協事情

招商一節措議甚難蓋商之所趨者利也利之所集者在價高也高價有利不招之而自來價平無利卽招之而不至此商之大情也故欲廣募商在毋先平價毋先平價在毋縱奸民如近時廣石以下奸民某某邀截海船攔入其地勒其平價開糶

商人不從便脅以接濟甚且鑿壞其船搶散其穀如此而希商之來得乎況今日海寇充斥商人有冒險間至誠萬死一生以性命易此微利者比之常年倍宜優恤倘吾地無米則價當聽商船所開卽大戶發糶尚亦不宜預禁高擡啓其畏縮藏匿況于遠來之商也但着兵船護送一事關撫院總兵海道衙門節制須用申詳批允未審穩便與否且又有過界文移未必浙兵一體護送之慮若往惠潮危險同之承台臺惓惓爲民屢垂下問以某私度之民間晚收或可稍支至年邊且晚收之損各處俱知之則上郡販客乘機射利之時也又幸上郡稍熟計當絡繹而下如此或可稍支至春又希冀海船亦有冒險間至者萬一不然則台臺所糶補倉及議留舊額積貯二萬金廣糶之穀在也發棠請再亦不得已但此意未可使民間預知之耳如此或可稍支至夏大率時平則以民奉官事

變則以民累官此情也亦勢也但目下所最窘者正在出閩安鎮以下如合北里諸地方其地絕收其民無處告糴其一二大戶至有議移家入城就粟亦預避禍亂者此成何情景倘蒙台示許其赴縣告給文引聽從上地及他方販糴遇關津毋得以接濟之說畱難嚇騙其米既糴到地着令取鄰保申結某人赴某處糴米若干已實到本地開糴並無下海接濟等弊隨黏文引起縣銷繳足矣此

奏直

文集卷之五

六庫全書

輩販粟以救民又非大商販粟以射利者比也但聞近來因禁接濟須給文引就中頗有衙門使用之費至于到彼糴處照驗使用尤多民間赴庄所收租穀者亦槩有給引使用之苦則差便耳夫不禁接濟無以塞米之出孔禁接濟而沿海之民又首受其困不給文引無以別其非接濟給文引又陰開衙門需索關津留難之病不勸民自積無以爲善後長久之慮勸民自積又恐奉行未真未

遍反阻他米來路不募商廣販無以爲春杪接續之地募商廣販又無以免其盜賊劫掠之禍古人云救荒無奇策信哉其無奇也毋已則有廣募商販一策另議別紙

奏直

文集卷之五

六庫全書

積穀末議

恭承台議有令民間自積一段實爲敝方長慮却顧不啻祖父之爲子孫計者聖人復起不能易也但中令佃戶將穀抵租詢之大戶皆以爲不便此無他不過以租額一旦改而爲穀搬運積頓之難一也農以爛濕雜糝之穀喝價拖零或竟執匿不還二也還不如期致田主催取煩難糜曠時日虛費船脚三也穀賤之時農樂以穀抵租而田主不樂穀貴之時田主樂於以穀抵租而農人不樂四也積貴穀偶遇來歲豐糶必折本且并無糶處積賤穀偶遇來歲歉糶必起價且易致怨怒五也時價逐日不齊或臨荒開糶之時貧民既勒其抑價官府又諭其平價甚有糶已盡而來糶無已無以應之遂別生禍端六也有此六弊故均不肖前期積穀今煩台慮曲爲調停亦尚以爲不便維某愚見獨與諸富人大戶異請得舉前說一一而破之

棄直

文集卷之五

不厚傳

夫慮搬運積頓之難彼商賈皆跋涉遠販登貨滿屋然後可以得利豈享田畝者獨欲坐享安逸乎慮爛穀喝價等害則官預爲申飾犯此者必治頑佃不少戢乎慮還不如期彼良農有租不催亦完頑農豈但拖穀而不拖租乎慮穀貴農不樂以抵租益繇不達時變強使之貴同賤價故農不樂也如賤以賤抵倍穀何辭貴以貴抵半穀已滿農省債主花息又追租恒在冬前租票在手方許下鎌納穀反在冬後打晒已畢方責完額農反有不樂乎慮發糶遇豐虧本遇凶招禍夫謂豐年穀無所用者但可語於有粟之人耳至於貧農則無論豐凶未及春杪餅儲皆罄儻富人所積之穀真無所售初不禁其放生取息一以活農一以自利也苟旣凶矣千家待哺中戶亦窘不特貧農矣此時只以有穀爲命以肯糶者爲德亦不計其價之高下唯中間有無賴惡民乘機煽亂勒價強糶繼以搶

棄直

文集卷之五

不厚傳

切此實亂民非饑民也官當先爲申飾密爲踪跡毋開勸借之門毋主平價之議勸借則長奸民氣焰平價則有粟者爭匿穀而不出遠方商販聞價抑而不來官當預爲杜絕禍根且某家前年積穀若干今日糴穀若干難掩隣保孰敢干糴盡之家登門勒取貴上極則反賤遠方聞吾地米價高爭先運取利又何患貴糴之招禍乎今爲之折中上農力能完租不經債主者聽其如舊不强其改租

文據卷之五

爲穀以破成規中農以下勢須揭借爲開以穀抵租之門一以省貧農之債息一以免田主之受拖累意亦兩利俱存而槩曰不便者無他生長富厚不知稼穡高屋深居食租自恣也粟煩而滯金約而流本富難俟末富易起也一膜胡越肥瘠不聞安常之日富人不肯分一念以爲貧民地處變之日貧人安肯忍已獨餓坐觀富人獨飽出爾反爾天理人理天時人事皆未之深思也夫三吳大戶

運長之苦有織造之苦今閩大戶幸皆偷安侈靡而煩官長至爲曲處予以生息之路示以保全之策非有甚苦之也但勸令積粟而已而一曰不便再曰不便便將安在乎臨荒之時不强其平價也但勸令開糴而已而一曰無粟再曰無粟粟將安往乎查得前代救荒皆責成大戶出粟寧許其收息不許其閉糴雖朱子社倉亦祖此意稍參以青苗之法蓋介甫青苗以民用官錢以官收民息民終不願與官交易故行之而害朱子社倉以民食民粟以民收民息民與民自相交易而官第爲佐其不逮糾其不率故行之而利名同實異事半功倍救荒未有善於此者至若今日台議又非驟勸民行社倉也勸民自贍其家倉勿使空虛而已勸其以實倉之餘待隣里之來糴而已勸其明白積穀取息官不爲定價民不許強勒其利貧民者尚什之二三利富民者益什之七八矣此而不肯聽

文據卷之五

六八

令則真積玩之後無所警覺合無激揚之際參用
刑威預查坊里中大戶若干分爲上上戶上中戶
上下戶至春杪遇荒上上戶責令糶穀若干上中
戶上下戶以次差減亦責其糶穀若干官不爲之
定價敢有登門短價強索呼噪煽亂者卽時許隣
保擒拿送官重究糶如額者隣保具結申報官行
旌獎糶不如額者隣保具結報官爲懲罰勸懲並
行大戶不得不預積粟以徼如額之榮以避不如

奏直

政懷卷之五

奏直

額之辱夫田連阡陌積穀何難且旣富矣雖無現
田現粟亦當以逐末之半轉販待里隣之急助上
人之計夫責令出粟徒予貧民太仁而不可爲也
責令平價虧本太廉而不可爲也責令以義爲利
以田收粟以粟收息以息保粟以粟保田所謂祖
父計子孫長久者不啻過之何苦而不爲也此議
出富人當與其爲讐此法行人必曰管商申韓然
苟利於民不避讐怨不避管商申韓之名也但目

今晚收已迫未經申飭徒成画餅莫若急遣官遠
糶補倉又廣募商販以防來春大饑蓋晚禾復損
民間前及被雨澤者僅半收其被澤遲者今皆焦
蒿彌望此可訪而知見而憫者補倉募販誠第一
急着凡民不可慮始其勸積穀於民之議想當更
煩博訪士紳賢哲真實經濟真實爲民者與之擇
便而行以繼朱子之業卽明歲行之或亦未晚蓋
其效不在一朝也若其他富人梗議則有台臺之

奏直

政懷卷之五

明斷與上司公祖之協力主持非草茅所敢與知
謹議

侯官縣學結少司空林碧麓老先生鄉賢語

結得原任正議大夫資治尹工部左侍郎林公如
楚四時元氣萬類斗杓動靜各得其宜進退不失
其正文明以止不惟忘利祿而并忘事功含章可
貞不惟愛名節而更愛君父人道修而質之天無
愧色故歷官非卓異卽清廉家事治而言于國無
隱情故累疏非停止卽節省外之勦黎罷礦內之
建門治陵始之折獄衡文終之竣工避位一本以

要直

文懷隱之五

六

無所爲之心遂完其不可奪之志再出再處素絲
委蛇一德一心緇衣改作投香懸絹偕冰雪以俱
清掃軌張羅等麟鳳而難見鄉黨有恂恂之象子
弟多謙謙之光實其腹而虛其心學至老不倦高
其目而下其耳事無細或遺畔援歆美之俱融高
明昭朗之咸備卽其所至殆亦難名非罷非熊非
虎非貔正值磻溪垂釣之日如金如錫如圭如璧
庶幾衛武作詩之年而天不憖遺則吾將安倣士

論咸以爲泰山北斗學宮可忘乎尸祝瞽宗菁莪
在彼中阿旣見君子芹藻采茲泮水克廣德心崇
祀何疑

要直

文懷隱之五

六

縣勘烈婦倪氏語

勘得烈婦倪氏人天正氣女士奇芳其事夫也如孝子之事父母親疾則疾親霽則霽其殉夫也猶忠臣之殉國家君存與存君亡與亡矢死于屬纊之時復甦於蓋棺之際無非忍須臾以襄事且復托尊長以立孤欲祠有宇而祀有田俱餒若敖之鬼謂柩必周而墳必固不虛精衛之魂哭泣不亂其心水漿不入于口棄筑筑週歲之女遶床呼母其直

文據卷之五

文據

可斷猿腸支奄奄十日之軀下地從夫誰分鸞影遂使曹氏孝娥重遡虞江之水聶家俠姊再驚韓市之人感彼風雷作茲霖雨不特廉頑立懦蓋亦泣鬼啼神宜候請題以膺旌表

府勘烈婦倪氏語

勘得烈婦倪氏坤貞以順節苦而甘從容爲善後之裔不但身經溝瀆慷慨奮無前之烈遂使名重泰山孟德耀之敬夫也既敬以力又敬以德越昭姬之許死也未許以口先許以心所不閱者我躬猶宗祀墳壠之是託所不諒者天只雖親父幼女之罔聞剛腸堅如鐵石勁操凜若冰霜十日而百行俱全一瞑而萬世不視夏之日冬之夜生氣長其直

文據卷之五

文據

存地蓋厚天蓋高精靈不昧崑山玉碎而鳳凰叫竹染淚班蜀帝魂銷而杜鵑啼枝成連理使其生爲男子將視刀鋸鼎鑊以如飴卽今沒爲明神亦偕星辰河嶽而俱久芳標彤管再賡栢舟之音恩錫紫泥遠勝懷清之築

太僕卿江還素先生勘語

清任且和直方以大真才命世開綏城甲第之先
正色立朝繼閩學淵源之後絲文章施諸政事以
卓異冠絕循良金溪之遺愛如新鐵柱之惠文有
赫造德鳴鳥著威避驄視日蘭臺雪文牢而正召
席省風蒲坂罷開採而靖萑苻三晉尚說埋輪兩
河猶歌攬轡值二朝憑几之際適四郊多壘之秋
魏相條陳必依故事宣公奏議悉出至誠戰息玄
雲直

文彙卷之五

六身集

黃尊別白黑力膺督餉榆關賴輓輸百萬之功旋
晉同鄉茭牧紀驟牝三千之咏方急流而勇退顧
介石以居貞其在鄉則憂鄉猶在國則憂國偃虹
提跡旣荷損金立雪門風猶資琢玉身勵飲冰之
節族啣舉火之恩匪束帛而貢丘園從休沐而奉
朝請鐵肝御史共指松栢歲寒玉筍仙人獨上梧
桐曉日兇闈竊命群宵沸騰將書元祐之碑先請
上方之劍鳩媒任拙抱屈子之離騷鵬賦先成增

賈生之痛哭汲黯尚在而淮南寢謀望之既亾而
恭顯益肆後來黨人節義亦因浩氣先聲今日
聖旨勲華諒作忠魂補報漢官依舊不改諸于綉
釵之儀周道重興尚想巍巍大車之像如公者生
而不偶死而不亾遠而愈彰久而愈定孔門因三
代之直以思三代之英吾黨緣百世之師以成百
世之士斗山在望壁水應崇

集

文集卷之五

六身集

棄草文集卷之六目錄

碑

光祿大夫太子太保禮部尚書文淵閣大學

士鑑湖孫公神道碑

代

楊忠愍公墓祠碑

代

北茭灣立董見龍先生散海上六幫功德碑

代

閩督學使者日臺周公碑

代

棄草

卷六目錄

不犀館

閩縣侯趙徐不父母去思碑

代

義墳碑銘

代

蘇州府演武場 關聖帝君廟碑

重修麗商二公生祠碑

代按院

棄草文集卷之六

光祿大夫太子太保禮部尚書文淵閣大學

士鑑湖孫公神道碑

代

今皇帝神聖踐祚之初在大臣中察鑑湖孫公忠

繇秩宗特簡相位勿庸師錫比于高宗爰立傳說

公方遜謝不克而異議沸騰遂力求去既沒之明

年其長子應本請以道左之碑屬文于予予自壬

辰與公同通籍並館閣相切劘交最深惟公忠孝

棄草

文集卷之六

不犀館

業業廸見冒聞允協 帝心昭示來哲予職史氏

敢忘特書謹按故光祿大夫太子太保禮部尚書

文淵閣大學士孫公諱如游字景文別號鑑湖先

世唐招討使岳繇睦州徙居餘姚梅村里累傳公

高祖婦隱公諱新贈禮部尚書曾祖忠烈公諱燧

以中丞巡撫江西死逆濠難贈禮部尚書諡忠烈

累贈榮祿大夫祖仲泉公諱墀尚寶司卿仲泉公

四子小曰端峰公諱鏊爲上林苑監署丞則公父

也以公貴贈如公官母陳氏贈太夫人公生而有異徵少穎悟十歲善屬文十七籍博士丙子鄉試第六人癸未丁陳太夫人艱哀毀如禮凡五上春官不第恐傷端峰公心日則觴咏養志夜篝燈攻苦不輟壬辰甫竣闈牘而端峰公訃至即日徒跣擗踊就道至淮聞登第之報益自悲痛歸襄事畢乙未 廷對改庶吉士丁酉授翰林院檢討戊戌編纂六曹章奏滿考贈父母如秩辛丑分典禮闈

文集卷之六

八尺官

仍管理 誥敕撰文癸卯主湖廣試乙巳 冊封周藩丙午轉右春坊右贊善主順天試庚戌陞右諭德掌南京翰林院事壬子轉右庶子兼理清黃甲寅陞少詹事兼侍讀學士充 玉牒副總裁尋陞正詹事掌院篆乙卯擢禮部右侍郎兼侍讀學士教習庶吉士其年七月以原官回部仍教習丙辰知貢舉丁巳滿考復贈祖考皆如秩廕一子已未建言河西守備單弱請速調兵戍廣寧及三全

河會口壘公曰主在兵事疏請大修戰守庚申元旦請 視朝又請 冊立 皇長孫開 東宮講筵因乞休不允適 顯皇后崩力疾供職尋署部事時東事戒嚴人心騷動公疏宣諭屬國辨朝鮮國王李暉之非貳疏恩卹忠魂以勵三路死難疏嚴禁左道以防內變若于山東妖賊有幾先之哲焉居無何而 神皇晏駕 皇貴妃鄭欲 光皇進封母后曷垂簾干政公抗疏寢之 光皇登極

文集卷之六

八尺官

請 御文華殿聽政請 冊儲尋陞禮部尚書兼翰林院學士以 覃恩贈祖考廕一子 光皇不豫 選侍李復襲 鄭貴妃故智公力爭得寢鴻臚官李可灼進紅鉛公昌言排其非比聞大漸中外危疑公與大臣英國等排闥擁 上出中人詭須擇吉公厲聲曰乘凶卽吉尚須擇耶相率羅拜呼萬歲群情遂定旣而議改元不決公謂 皇考臨御僅一月而美政已不勝書紀年必不可缺宜

以七日以前仍稱萬曆八月以後改稱泰昌議者
避之踰月間凡襄三大喪相度定陵 慶陵祔葬
三后五上 冊諡追尊二祧一皆倉卒經紀有條
至遷 孝肅后主于 裕陵尤出獨見請擇講官
請行大婚于 御極之初皆根本至計非人所及
先 光廟以寢后封事器公特甚未及大用公
今上廼下詔曰 皇祖考妣 皇考升遐山陵襄
事 先帝暨朕繼嗣大統典禮煩重尚書孫如游
以一人獨任艱繁勲庸茂著其以原官入內閣輔
政公辭謝不允而言者謂 上以執政酬勞及
降大拜爲非是而 上獨以兩寢后封故知公忠
峻責言者強起公同知經筵公堅辭病篤十四疏
乞骸骨 上不忍重違加太子太保進文淵閣予
四代 誥命廕一子中書舍人復以 二陵工加
恩各廕一子馳驛遣行人護歸陛辭疏陳十事皆
時政務局途數日聞遼陽陷沒慟哭上疏請

重兵三空嚴備榆關及永薊登津諸要害汰
京營卒募川浙健兒及調三邊甲士擇任名將
請蠲畿內及四方加派以收人心在田間聞廣寧
失守復上疏引元昊誘羌爲助范仲淹約束諸羌
竟得其力請連結西虜以携奴援宿師朝鮮境上
以掣奴後前後十餘疏鑿鑿中肯綮至今皆如公
畫公歸杜門有司造請不得見惟日與親友賦詩
行酒疾亟無他語但云 國恩難報主眷未酬端
坐而逝公性凝厚爽豁無城府及義利之介截如
也自孝廉至爲相家皆守忠烈公遺訓淡泊無
不爲子孫立田宅惟創田五十畝爲端峰公祀典
及建祠葺墓贍宗族之貧者而已撫二弟篤至解
推及端峰公布衣交不倦于書無所不窺爲文信
筆立就有存笥集五十卷奏議二十卷又公兒時
避倭城中觀出師獨行鎗架間無懼尋迷路有老
人導歸忽不見下第夜渡淮僨舟有一榜人鼓

授之諡曰諱河濱祠見神像卽昨鼓柩者公之瞻
識大業益素定于胸中而神先相之也公生于嘉
靖戊申九月十五日酉時卒于天啟癸亥十一月
十九日丑時享年七十六元配徐封夫人郡守徐
公紹卿女子二長應本南京刑部郎中娶憲副胡
公旦女贈宜人繼娶監州屠君維霖女封宜人次
應采太學生蚤世娶別駕蔣君京女女一適左伯
鄒公學柱子太學生光緒孫男四孫女五曾孫男
一曾孫女五嫁娶皆名族墓在燭湖之濱蓋公爲
官論時所卜以方司空表聖者史氏曰人臣莫大
于持正李文靖焚劉貴人之詔范文正罷楊太妃
之冊今觀孫公意豈異也神器不可假人毋號不
可妄竊自古戒之矣公以此受知 天子而不竟
其用夫朕志先定詢謀僉同昔之置相亦多宸斷
然 肅皇能得之張文忠而 神祖不能得之秦
文節事曾使然人主欲相一人而不可君臣之際

不難哉公精忠大節已無忝厥祖至倦倦邊事
處不忘君使見之施爲當必有可觀惜哉惜哉
爲撮其大者著于石而系以詞曰
惟古哲王敷求彥聖宅揆阿衡群下稟令於赫我
皇擇相繇心孫公一德如鶴在陰晚孫公履媚天
使續我祖考忠烈是似人臣之貞扶危定傾有
吾如與死與生矯矯忠烈赤心碧血氣掃梟槍
逆落殄滅巍巍我公再鋤狡謀五王夾日四皓安
劉咨爾寅清典朕三禮匪交匪舒厥厥惟汝
予諧帝命不回公孫碩膚多藝多材嗟彼好莠孰
執其咎帝庸作歌股肱元首日月而微以我公歸
公歸不時帝鑒不遠東夷猾夏壯猶蓋寡將逃于
邊公謀于野進亦憂君退亦憂君生死不亂吐詞
氤氲戎有良翰烈祖衍衍帝嘉乃勲黼黻主贊是
毗是維天子所葵勒石磴磴以代鼎彝

楊忠愍公墓祠碑代

容城楊忠愍公在嘉靖之季以論劾奸相嚴嵩遇害藁葬定興縣東引村至隆慶元年遵 肅皇帝遺詔贈官賜諡予祭錄廕又錫祠于保定府額曰旌忠而後公之冤始白至 今皇帝天啟三年俞臣某之請重予公諭葬蓋追行 莊皇帝 顯皇帝所欲予而未及予者而後 朝廷所以卹公之典始備然公引村墓距直道尚三里許獨墓碑在道側凡往來其下者率徘徊歎歎而不能去天啟四年夏某被 召入爲少司馬濱行與定興令王君永吉謀卽碑所建墓祠塑公像以便瞻拜憑弔與保定之旌忠者相望而後民間所以風公之烈始久嗚呼古忠臣烈士不幸而死於奸臣之手如伯嚭之殺伍子胥王鳳之殺王章曹操之殺孔文舉王敦之殺周伯仁李林甫之殺李北海盧杞之殺顏魯公秦檜之殺岳武穆者非一而獨公與武

穆至今英雄之恨未銷雖小夫婦人孺子皆能誦姓名而感憤流涕所在祠廟不絕豈非其忠最烈而禍最酷哉然武穆死宋遂以不振公死而 肅皇帝卒感悟誅奸行公之所論列蓋予聞之故老公死踰時 肅皇帝尚惓惓問公獄意欲釋而用之方知相嵩附公名他獄辭以陷于死從此遂燭嵩奸而鄒公應龍林公潤得相繼奏其力則公一死不惟無損 肅皇日月之明且益增嘉靖中興之績古云殺其身有益於君則爲之公之謂也夫公所欲誅者奸臣而奸臣已誅所欲寤者主心而主心已寤所欲畱後人補以報者主恩而主恩已報然則英雄之恨雖未銷而公之恨已無不銷蓋眞殺身成仁舍生取義其存其歿社稷均賴之非區區以烈士殉名論也而後之爲公惜者或謂身非言責死過于忠或謂公才兼律曆兵戎主眷方隆曷報有所不宜僅以言死或謂誤引 二王開

奸人以羅織之蒙夫其時言路皆奸黨也何惜
死且奸人設弇奚患無辭以嵩世蕃賊虐而翼以
胡植鄢懋卿何鰲王學益曹天祐李天榮劉價輩
公卽不詞及二王豈無所以死公者此皆以身
名與君父較重輕揣利害其見反出小夫婦人孺
子下又安足與知公之心哉公死迄今七十餘年
而人心之思慕者如一日吾知過此事會感激捐
軀弘濟賢者當必師公所爲卽小夫婦人孺子亦
將有取嵩世蕃植懋卿諸克人像貌跪仆公之階
庭快拊擊以懼奸邪如武穆祠焉者則英雄之恨
未銷正公有功于千百世不死之人心矣當時不
避患難周旋公者都御史王公繼津司寇王公世
貞比部郎史公朝寶丘公秉文應公明首請錄公
忠者司馬楊公博請諡公者御史陳公瓚請祠公
保定者御史郝公杰題公墓道碑者冢宰孫公丕
揚今捨地爲公祠基者邑孝廉范子箕生而畢力

建祠費不煩民役不稽時昭往勸來助流教化者
邑令王公永吉也此其人姓名皆當與公俱不朽
凡公墓祠規制始竣年月詳具王令公所自爲記
中若其廟貌嚴翼肅然興起則予異日尚當趨拜
而平賦焉銘曰

嗚呼號孚以爲厲煩壯決也筮日以爲明斗沫晰
也謂忠爲無益井可渫也刺聖之刃還缺折也敦
厥血拇用自齧也噲正而噦冥辛夷楔也揮虹以
遁蜺靈旗揭也曾塗恒悲無穉耄也伊彭咸之故
居引村以東轍也死乎不死乎俊與傑也

北茭灣立董見龍先生散海上六幫功德碑代

出閩安鎮而下海其地爲壺江广石連江定海最遠則北茭奇達民皆島居濤趾倚網繒醃醃爲命鹽則貿海口牛田二場曬辦小販之餘國初寬以予民毋隘其途以資勾奪南路增設鹽筴益密蹊竇百跡奸人牟利遠播汗漫地以拓奇贏更命六灣曰南路外六港每幫三年共餉銀九十一兩

嘉直

校集卷之六

本庫備

五錢三分銷引五十五道凡水之壺而入江上溯溪澗者爲港其浩淼瀆瀆駛曠日渾渚浮沫濤濺絕澁則爲灣變灣命港墳衍易位予修醴志見其事非故心疑之而未有以難也而幫商乘權爲虐接盤硬販騰踊抑配絕民朝夕之急魚蝦斷爛妻子流散又自稽幫滯課三年僅輸一歲之入民既蹙矣國亦何利之有董見龍先生生長海上軫瘼疚心繪圖建議剖矢玄冥與奸爲敵焦唇燥吻

僅乃得之當事爲民爭一旦之命爲國益三倍之賦垢剔毛櫛著爲絜令厥美有章方公策慮愒臆起死肉骨諭訛煽簞旁睨陰掣予獨聽其說佐末議焉公大旨以山邑用幫海邑用課准貢助之法別山海之宜雖聖人復起不能易也其他如杜兵害哨害看航害辦王岐灣之非黃崎鎮辦課地之無妨於東西路援永福例免其下場支鹽援興泉漳例免其領引以巡司統灣長以灣長統衆戶夏

嘉直

校集卷之六

本庫備

限徵輸罰其不率比之田賦加簡易焉若夫汀洲一郡久假南贛竄食廣鹽復我舊疆以廓西路行鹽之地西力旣紓俾併任南課則西南爲一可無生心於海外三路旣宜六灣永安此予所志而未逮者願俟公異日或後人焉公經緯宏深蹶蹶陞陞陞爰肩管田開百世功行將以屯鹽表裏之策佐國馭邊利不獨在閩而余方赴滁陽之命北茭灣民林榆等皇皇踵門請曰惟董公實匡我以生惟

公實左右厥成今二公俱宦于朝我民靡旦夕依
喘焉虞失指之我肆公其幸錫一言勒諸石用窒
變動根且世昭二公之德予謝不敏曰董公則力
予奚有焉抑爾民亦慮法之變乎欲人無變法莫
若身守法守法莫若完課故事之毀吏侵爾賦矣
若不別白幾誅逋焉非逋將誅況其逋乎國惟
其民何擇下不負上上不負下德之而不
勸威之而不悛彼商有難惟課完而民無謫
民無謫而法無覺匪驕恃力人自爲護雖董公之
德且如化工無跡成而不宰矣予又奚有焉六灣
歲課各九十一兩五錢三分視商三年一幫數已
三倍惟北茭獨認巡司鹽斤之額歲增一十二兩
焉六灣德公維均而北茭最遠最先率其屬灣苔
綠小邦白沙上塘之民立石紀德爲他倡吾知其
必能好義終事不閔有司以無負公者遂詩以貽
之辭曰

文獻卷之六

六

海濱廣斥謹正鹽筴諸君吾子升金是籍厥籍既
饒厥澤若焦鹽厝祈望亦號而囂閩下淮浙工本
中折三路七場六港安設起于猓獐以賦爲名坵
盤餘鹵絡索橫征哀此漁子誰胎禍始托身波濤
敲骨見髓仁哉董公悲憫民窮饑溺絲已痼瘵乃
躬復港爲灣散幫爲課滄海瀾瀾一葦可過始時
海隅動卽罹辜兵哨飛越如鷹擇雛公宣靜之民
解其痛始商爲難椎柏輓斷貴糶賤壓海荒石爛
公扼捩披突始有愛環海斯徒子父婦夫乃鈎乃
繒乃笥乃羅乃食爾餘乃樂爾輸彼奪其養公錫
之壤公爲海天與海俱廣海有鰕鱗府有錕緡爭
之吮噬賦益輸均苟爲民地怨讐不避况轉移間
國民兩利公旣單心公籌我參我汀久假我賦孔
侵土宇販章歸謹龜陰其議苟存後必有任常服
之格變爲存積邊儲所棘宜返初畫公今屯田藝
粟實邊牢盆開中有貨如泉以捍戎索誰曰不然

文獻卷之六

六

凡公爲德不遺餘力在鄉憂鄉在國憂國咨爾海
民奉法恂恂毋自瑕累負公之仁公旣仁之我用
申之矢音勒石永祚海濱

東坡卷之六

不居

閩人曰喜公

杓構魁林也名參實伍人之衡也天有衡
而七政齊人有衡而五常迪故曰觀乎天文以察
時變觀乎人文以化成天下又曰重明以麗乎正
乃化成天下明與正所以爲觀也天人同文明正
合德觀旣不眩其衡可建然則衡天者以人衡人
者以文衡文者以明與正衡文之任復性彌教參
天理人之任也當斯任而無愧者蓋寡今咸推日
臺周公公持心持躬嶄嶄業業不事祿祿匪有憚
詭其學無所不窺而於語又默象靜聖動王之問
似獨得其意然者致明以虛養正以蒙明正之氣
暢爲疏觀中獻外朗質有其文身如權衡稱物不
爽閭士咸在公變化中宜服之無斂也公謂士不
遵王制則不法令講臥碑習憲章間摘爲課題以
檢其關不重實學則不慧令會經書考語錄或面
有發明以端其悟不核行誼則不肅令嚴行簿條

公單不時賞罰以謹其趨不識時務則不達令依
欽定題作經濟會按臨彙繳以練其識及論文必
有體體必元氣於六經孳息於秦漢六經秦漢必
肖其神骨毋掇其皮膚故閩文近皆自關戶牖奇
情真理獨出天下甲子解額率公所賞識其以五
經淹通初場撰二十二藝得雋疏名特題驚動四
方者一人以感激時事後場切直法外蒙糾爲劉
賁陳亮者二人其他未售之士咸絕跡公庭深心
學古無諛諛叫囂獵取世資之習則公明正變化
力也公精神強毅燕居危坐閉室閱卷焚膏徹明
事幾精密左右莫測置鏡几案以防陰姦故科考
僅以八閩月歷八郡一州人虞公弗及而整暇有
餘出巡不以掌案積胥自隨因地用人臨發獨斷
各學互稽出入嘉惠開來則改其學書院爲道統
祠以一閩學淵源及關郡學前基址使宮牆森肅

身雖去猶惓惓申兩臺屬來者踵成其事真可謂
明不衰正不怠任衡而無愧者公名之訓楚黃岡
人弱冠賢書文譽藹鬱嘗受業吾師耿叙臺先生
稱巨子公車入京却軌下惟吾鄉大宗伯翁青陽
先生聞名往禮焉癸丑 廷對已擬第一人因奇
置二甲授戶部主事管淮安倉轉員外郎中以才
品著聞特簡督閩學又以學政上最舉卓異宜大
用矣僅資陞陝西參政明正之業前有素而後尚
未艾予旣與公同及耿先生之門嘉公繼耿先生
衡閩風類相近而閩士請文紀公特切故爲杼衡
文之任之大及公所以無愧斯任者而系以銘曰
軒轅爲權太微爲衡衡殷南斗帝車軒軒北斗建
杓五氣導迎載筐六星文昌主名其在于人象天
性情權與物鈞衡所繇生衡運規矩繩準皆平天
之至文列耀並行人之至文倫叙咸亨貢則無咎
獨觀化成離必麗正兼資重明作君旣重作師匪

輕衡正物定衡殆物輕巍巍周公道之主盟上掃
機槍下披榛荆瞿瞿良士蕩蕩夷庚公棐其彛純
粹以精貢若草木玉振金聲公之始來招搖居貞
公之既去攝提拱清三光在心五權不爭規矩準
繩卓無變更衡人人堅衡天天寧以引以冀萬物
敷榮師道既尊文鐸再鳴如在斗間衡耀晶晶用
照來哲勒之珉瓊

文集

卷之六

不居傳

閬縣侯趙餘不父母去思碑代

趙侯爲政除苛解燒醇悶無愆基年而民誠之帖
帖閱心二年而郡農正籍德音不忒三年而攸歸
攸陞登中三適厥聞維馨蠲烝底績先是壬戌冬
賦長吳煥等礪石合辭請予書侯審編功德用諗
來則侯孫碩膚固拒不可民不得請越癸亥十月
侯方奏最適以外艱奪去民徬徨戀慕如離慈哺
宿息井樹言言語吳煥復至滁陽請予曰前碑
不斲遵侯讓也侯今行矣侯洪大卞于民誕章弗
耀孰督不忘蠢蠢咏思文其不可以已予唯唯侯
德宜文予先君子于闡牘中辱知侯大父納言公
爲世名臣侯今膏雨吾土召公是似續戎聲敏公
私戴履予之宜爲侯文也尤審謹按侯所爲吾邑
均戶下四萬八千六百餘口區田園三千三百餘
頃徵糧歲輸二萬五千餘兩規坡塘水利百餘所
桑萬一千三百餘本股三年會計千八百餘目合

不居

文集卷之六

不居傳

坊里共一百二十七冊其他開墾積貯尚多溢額
先期圖發役單聽民自書產役出入胥鄣束手矣
推至誠民不忍欺給詭寄飛灑那移諸弊悉絕民
咏歌之詳著司空林公序中侯持躬斬斬初至卽
革去吏典參堂例銀貿易悉如人間平馬徵收原
封兌發掣鹽至自累乾餉以行獨以其節膏之餘
修學宮正壇壝治橋梁平道路給郵傳結里社賓
有饗餼士有稍廩考課有程賢能有典節孝有旌
棄車
廢疾有養召募援遼數千之師安插有條莫敢譁
伍又力議海運不可復大約謂閩罷運以來水道
久絕隆慶六年一試沒七艘泰昌元年再試再沒
說者謂民苦覆溺方出港而潛鑿船以自緩禍然
航海走利如鶩登萊船無能南至閩者則閩船決
不可以北安得近遼文敏遠襲清瑄魚鱉吾民論
者肆之雕擇之俗煬毒扼昧貨人自利甚而推埋
剽掠窟穴波濤以情輸夷求市証據侯內申抵護

反坐之條外嚴勾通接濟之禁不率大戛式遏寇
虐至居恒兩造明清單辭服念丕蔽蘇枯鏹強賊
觚斲樸益除去鉤據諸末事竟侯手吏不得舞文
役不得橫索歲大饑侯以積穀充美荒備先具餐
倉賑民多方設糴嗷嗷無怨大旱步禱霖雨如響
焦禾轉稂畝鍾正食其可謂忠信慈惠天人交應
者侯名東曦字馭初別號餘不直隸上海人登萬
曆己未進士侯傳本肇末德靡悔耿耿社哉不
棄直
可勝採孝思旣原用昭簡在我民繫心如山如海
矢音不多以祝侯熙帝之載

義墳碑銘

代

天啟甲子春章某解組于閩謀生之事百無一具
不遑啟居敬展墳墓繇考而祖而曾築之仍仍祔
以二伯父祖靈式憑追念先人薄於位德而篤於
義夙興夜寐敢忘斯志祖塋既修族葬無地卽鄉
之遺骸其不可以二視凡再買周氏之坂共得二
畝四分榜曰義墳西奉同姓取其邇祖東奉異姓
精爽同郡其尚有義居義田義社厥心攸勤次第
雲章
文集卷之六
惟力永荅先芬銘曰惟本俗族墳墓生比隣死同
祔匪堂房不封樹穴之深藏之固等一家共守護
後有仁人更拓而大之以成我先人敦睦之具也

蘇州府演武場 關聖帝君廟碑

郡國講武皆在郊惟蘇城廣場于北郭內軍門標
團二營衛士武卒朝夕習射角力其地春秋振旅
及巡方使者觀兵又合六門水陸巡守及吳江崑
山之將士陣試之鏘于丁寧麾纛掩藹山川應而
雲日輝洵江南巨鎮也大中丞星銘莊公撫吳三
載謀畧淵遠將吏決和崇沙之鯨鯢外消毘陵之
伏莽內靖民獲寧宇飲至受脤之暇諸將咸矯手
雲章
文集卷之六
曰惟公日以忠義激發士心惟古忠義無過 關

壯繆越千禩而精感我 神祖爰加帝號與太皞
炎帝少昊玄武共奠三才而轉四氣矣天下郡國
咸得俎豆者惟孔子而壯繆竝焉是豈匹夫一將
之力哉今茲廟貌獨缺無以稟帝靈作士氣議鳩
金庀材公曰不可獨煩將士先捐俸一百三十六
兩諸材官以一百二兩繼之壬申十二月十二日
興工癸酉三月初六日竣事金容粹穆如帝復生

自中丞公以下式瞻拜起凡有武事虔而後舉神
應如響諸將士咸奮舞曰帝初亦人耳有爲者亦
若是然微中丞公之教何以得此甲戌春中丞公
不合于議者而去舟中令夔作記夔辭以位卑弗
文中丞公曰吾不求尊貴以子勁直敢言士且相
知深耳已而夔以母老因事乞歸養未遑載筆乙
亥春奉 命再至未幾又以病休念久虛中丞公
之委力疾途中追記之嗚呼千古邪正之辨莫大

文直

文集卷之六

本居

于帝與曹操然人皆知操之奸而不知孫權之奸
甚于操操知帝忠于故主聽其報效辭去勿追而
權獨與其臣呂蒙謀襲荊州終于殺帝方帝威震
華夏操議徙許都以避其銳此時與帝協力禦操
則漢祚可無篡凡丕敢篡漢者權殺帝撓蜀以陰
翊之也及丕得志徵朝質于勢窮而後聘昭烈以
求助晚矣魏三公奏權罪惡積大與關某更相覘
伺逐利見便挾爲卑辭誠洞其奸不旋踵呂蒙死

天奪其魄操以分香賣履見奸僞而權寵嬖廢立
宣穢殄嗣尤多夫不容一虞翻輒援操殺楊修以
自況如帝之威名忠勇在一日必能誅權與操以
復漢無疑也能禁其僕忌哉或謂帝初不宜逐長
沙零陵桂陽三郡守及拒婚以與權釁又不宜撤
公安南郡備兵赴襄樊以遂蒙計夫三郡之爭昭
烈命也人臣無境外之交樊襄南郡腹背受敵帝
惟知有君而已遑計其他哉此皆事後成敗之論

文直

文集卷之六

本居

不足與較獨千古邪正之辨不可使權誅獨緩于
操也帝好左氏春秋其君臣大義與用兵之法從
容變化皆合春秋大旨方伯德清胡厚菴先生言
天日人心一語真傳孔孟絕學繼董廣川以開王
仲淹韓昌黎然後萃于濂雒關閩常令夔暢言書
之力未能及也帝今司天之令神不可知矣而夔
猶據經史言人事者忠義乃帝起家而敘倫勵士
尤中丞公立廟之意也中丞公爵崇勲多而于助

餉之外贖錢槩無所取行橐蕭然變盡瘁三載再
休以求寡過兩人去就心跡或可以受帝明鑒凡
諸將出中丞公訓練者如指揮把總包文達項鼎
鏞張其威朱士胤輩咸以是春從今中丞東陽王
笥張公鎮皖城討流寇敵愾盡節使賊遠遁而不
敢南下其他桓赴之士皆稟今中丞節制膚功未
艾然則帝靈所激發與中丞公所培植宏遠矣莊
公名祖誨四川成都籍福建莆田人萬曆甲辰進
士

文集卷之六

本居

歷節鉞清名當與廟碑俱久例得並書

重修龐商二公生祠碑

代按院

國家財賦倚辦東西其賦法之良莫若周忱之於
留都韓雍之於江右龐公之於閩浙而龐公條鞭
法尤著天下踵閩利行至今不衰者則其時有侍
御燕陽商公力成之也先是諸綱費一切責供里
役倉卒駢遞貽藉離邊民罔底息毀產辦護鞭法
行而網用徵銀官自支應民無追呼戶口獲甦閩
有龐父商母之頌創祠西郊並祀二公焉鞭法定
葉直

文集卷之六

本居

于萬曆六年越二載祠成嗣是或時圯時葺民間
凡臘饗賽饗必歸福龐商以自寵兒童女婦今猶
能知二公名字飲食必祝二公有後昌熾去建祠
二十載爲萬曆辛丑侍御元孫今大中丞等軒商
公成進士宰邵武其蘇歌舞蚤能以衆毋世其家
擢諫垣直聲動天下所論列皆大體今尚鑿鑿不
爽歟歷又二十年許而晉今秩撫茲土清貞惠亮
文武忠孝光纂祖服興舊耆欲凡閩利病疇昔親

歷爬搔剔決罔不胥匡以生適值奴夷東江郡屬有召募征繕兵食交迫餘力又以防海事艱難倍萬曆初予時奉命視閩勤與斯會中丞策慮幅臆綜畫殫究神機淵遠用能未朞月而人吏浹和陸警水慄不我遺鄙幸相與左右提挈海邦晏然民咸曰休喜侍御之後果發爲中丞見中丞如見侍御又喜天獨私閩先後以商祖孫作膏吾土焜燿無窮則相與含咀愾嘆寤寐繹思請新前祠

集

文集卷之六

不居

者月累謁至不可沮中丞曰嘻未可以軍需之不閒煩吏民其尚減予俸食俾鳩倂又曰是役也惟吏民不釋之故用督不忘予小予大懼忝厥祖庶幾微惠前哲匪予祖覃是依龐公實式靈之朝夕匡訓予不逮予其率二三大夫虔恭祀事爲民請命二主儼升如故毋增前址毋侈丹刻落成之日芳薦有秩予拜手颺言曰民之謀新也以懷舊也其昭舊也以勸新也賦法如舊而事變殊焉諸大

夫其戒哉今皇帝運履升恒克紹神祖凡我光輔有任事如昔龐商二公并心一意不疑不忌者乎無憂師勤賦匱矣而中丞衍祖錫類以厚下之宅使龐終享又謙讓不伐光大之烈其未可旣吾知後之思中丞如其思二公也二公德政詳載前碑其賦法郡志具焉謹採其脩復大端尤可風者紀諸石

集

文集卷之六

不居

棄草文集卷之七目錄

文

祭譚凡同老師文

公奠左蒼輿先生文

祭戶部郎中陳元凱先生文

祭雙泉叔祖文

祭林國夫文

祭鄧汝廣社兄文

棄立

卷七目錄

八尾官

祭蓬萊令王文和先生年伯文

代陳門諸壻祭林孺人文

代陳門諸壻祭陳孝子端明文


祭吳門妹文

祭鄭文岳會伯文

祭王支提學憲先生文

祭故銀臺林榕江先生暨子林彤雲先生墓

杉陽奠陳昇真業師文



祭董達泉師叔姻外祖文

祭太常卿洪桂渚文

禱雨告城隍牒文

錢侯入祠告文

棄立

卷七目錄

本屏官

棄草文集卷之七

祭譚凡同老師文

嗚呼我師嶽嶽爲天篤生漢文續瀾頤水包貞搏
本肇末躡蹠繇庚天衷人極天鏡人衡存雄襟直
抱雌守清望古遙集展也大成凡今之學暖昧卷
婁守缺保殘護枯黨廢角馬童牛不今不古師起
其衰準繩規矩凡今之仕滅廢銘輔菅腹睽天飛
言如雨罄折之腰壽其文組師絕其群棖楠梁柱

文集卷之七

八

三爲循良聞望珪璋南北兵曹師干紀綱粵西典
棘譽髦簸揚逮衡我閩我閩大匡籍鍵挈挈徑敦
道荒得師震蟄文妖遁藏良士瞿瞿夜行幽裝得
師羽肉高岡朝陽與茶有守辭于盧首異形離奇
名實玄紐旣塞其塗旣局其牖金心在中匪防其
口鴻漸于達魚麗于雷匪兇匪虎可以出走井渫
雉膏熟任其咎視彼通人蠅營狗苟登萊之藪猥
養苗時聚毒于簞匪茹奴夷成山礁石艱艱脆疲

皮島援絕大師孤危貪人敗類債轅裂資天蓋壞
之師蓋支之旅順不戒鯨奔駭駭驟戰控扼如熊
如羆帝嘉乃勲謂爽朕師允文允武孔戡孔耆
維彼朋家朝濟蒼蔚飾敗爲功孩發斷刺哀鴻啓
啓小孤汜汜跡黃疑金白蜺嬰弗王事靡盬鞞琫
鞞心之憂矣侏侏伊鬱泰山巍巍濟水坼沸孤
忠煌煌餘勇仡仡生爲名世沒爲明神道掩前哲
壽踰中身罄宜戢穀利其嗣人鸞停鵠峙虎踞豹
蹲握機蹈紆織成經綸稱其家世唐李漢荀號其
才子高陽高辛維師如龍變化超忽靈雨靈風聖
日聖月凡所經行蔽棠蔭樾况乃薪櫛尤多閩粵
夔等俱托藥籠得乘津筏或鼓後勁或憫屢蹶冥
駁冒辟磨肌刻骨聞訃於途聚哭於闕西州之慟
何時可歇詞抒悲酸芬薦醢醇嗚呼哀哉尚饗

文集卷之七

八

公莫左蒼嶼先生文

代京都諸公

嗚呼歲在龍蛇百六陽九笄日無光見沫見斗聞
踞虎狼國喉癭狗甘人如飴敦肱血拇群飛蔽天
吮舐恐後首嬰其鋒師與楊公諤諤其舌蹇蹇匪
躬誓清帝側以廓王聰敢曰必克實仗至忠幾之
弗密臣身乃失櫟嶙出毒檻獸斯逸禍成于井誅
成于質王鉄倒管銜轡詭軼維師與楊勁骨剛腸
剝膚敲髓楚毒畢嘗竟死不屈日月爭光鍛翮驚
鳳次及鷦鷯縉紳仰息社稷幾亾而師精英日在
天上訴于昊穹淫威震蕩首出 新皇手握大象
掃除欃槍如運諸掌妖魄旣夷忠魂是獎招以巫
陽冥默馨饗吁嗟我師天壤必支不負生平及于
捐糜師之旣歿群小嘻嘻呼孫稱子頌德建祠匪
師植節孰莫民彘匪天助順孰告帝期漢闡播虐
鉤黨考索誅召外兵國祚隨薄今我 聖皇獨運
神畧舉愷誅凶邦國晏若師在冥冥當倍踴躍昔

之忠貞姓字已遙椒山青霞著在我朝方其烈烈
不保首腰踰二三紀其冤始昭師歿三載逆骸旋
消帝心憫惻照耀雲霄維師如矢激揚風紀凡在
及門盡天下士某等櫟樗亦備桃李方變之殷莫
克從死將以有爲報德無已寒暑推移負疚心知
三代之英百世之師茲值吐氣萬口一辭普天同
痛吾黨奚私跪薦蘋藻泣血漣漣嗚呼哀哉尚饗

五十五

文集卷之七

六居

祭戶部郎中陳元凱先生文

嗚呼昔子瞻之祭歐陽少師也有曰上以爲天下
勸而下以哭其私斯言之痛今始見之惟君穉齡
權奇滅沒大器晚成碩實徐發鳳麟一出彩奪日
月洪鐘吐音渾鏗震越人慶見聞耳目超忽君守
以謙不矜不伐涵深演迤如鼓溟渤爰自筮初讓
臚辭餘侯明捷記誨胃勤渠才兼稷契帝簡儲胥
維漢中葉鹽鐵輶車君秉廉仁民困以紓在染彌
淡暫復退居淵明嗜酒足疾籃輿公理謝客閉戶
著書公兼其癖孰測所如時艱未息公疾弗除痼
瘵之迫名世告徂途哀巷哭謂天祝予憶昔尊君
先人蘭臭幼壯不携仕隱克究有不吾如生死左
右留都觸忌割榮分疚往嬰其鋒同歸白首哀哉
上仁僅得中壽君於先人再世不謬夙惠期君竟
覲厥就夔亦載筆備牛馬走雖復雲泥君心則舊
不謂三載凶聞先後君之存亡乃闢宇宙而我私

衷籲天誰叩惟君盛時偶影匪移操嚴重媿身鞠
佳兒二鳳旣卓諸孫愈奇明哲之後達也奚疑日
夔過從許序先詩未蒙絕筆千載風馳悠悠此恨
罔極增悲咨爾親友典刑哀思夔焉承乏遣奠陳
詞均痛之下劇甚何其情長語短不知所爲

姜王

文集卷之七

不爲傳

祭雙泉叔祖文 同兄弟

嗚呼我家不造天降鞠凶大喪之刻老成相從於
惟叔祖夔父最憫幼則同哺學則同伍夔父奮飛
叔祖獨違窮達異賦壯士歔歔王父友于曰吾寵
弟叔祖夔父罔替其世夔父之官蜀道最難叔祖
攸往斯夕般般夔父營治戴星不貳凡厥精微叔
祖是視人之相知貴相知心叔姪同德知心實深
駛駟育遠瞿塘灩澦險危其身往返相御恬怵康

素直

文集卷之七

祭雙泉叔祖文

瘡所經最多是故無間以及于疇如何天咫報善
倖詭身之厄矣不憑其子童烏九齡西河喪明稀
齡率瘖諸稚零丁長弟有四屹立差次厥父既捐
厥祖是庇祖孫相依愛日餘暉受塵挾策惟時惟
幾有祖如此豈可以死昊天不弔今竟逝矣諸弟
簞簞奔走風塵考終之煢其旁無人惟紀也在悲
仲煩憤八百其身籲天誰逮在昔屢劇夔父早謀
附身附棺八十月修豈期叔祖先送夔父及今之

變猶子莫睹夔父素康叔祖素尪康者先蹟尪者

後亡終天之憾長夜漫漫人之不祥罹此憂患夔

爲兒時叔祖是師咨疑迪哲負挈提携大人有德

小子有造已而已而今奚以報嗟嗟叔祖解茲天

殤既無壯猷復無老饗而心恒適未嘗役役望如

木鷄使人意釋古人之林黔婁展禽死而不朽如

同此心夔父之歿易簣不亂死而不朽當麗雲漢

于以求之如生不離夢寐之感或使夔知藐彼諸

素直

文集卷之七

祭雙泉叔祖文

孤同氣未遠策勵之途黽勉勤懇叔祖愷悌必施
條枚夔思先德歿齒含哀朝夕之奠餘閣是存爰
隨諸孫哭泣面面哭父之子哭祖之孫相聚重哭
慘茲一門

祭林國夫文

吁嗟已乎國夫委經綸于草莽值陽九之數奇惟
天未欲斯文之有託則雖生王佐以何爲吁嗟已
乎國夫昔顏子之早夭而君乃更短其三齡謂善
人之有後而君復斬焉而無遺丁吁嗟已乎國夫
邈形影之一隔誰上下乎千秋世非狂而非狷將
仰止之何繇吁嗟已乎國夫父遠遊而訃不聞妻
婦寧而疾莫養獨母兄之徬徨而君猶自責而後

棄直

文集卷之七

祭林國夫文

長往惟孝友以生平故至死而愈朗無片語及妻
孥何精神之獨上吁嗟已乎國夫方六月之十二
我先君而抵家越十六而君繼反遂一疾而登遐
我知君之病兮夫安知君之卽死危不及訣今斂
不及視念異姓之骨肉遂從此而已矣撫君柩兮
長徘徊恨棄子之太早兮願續茲緣于未來君之
死也不爲明與神則將復爲來世之偉人區區乎
此生之不遇而早夭與無子皆人世所以責報于

造物君宜視之以爲幻而不真吁嗟已乎國夫欲
再見以無期徒躑躅而鳴聲悲千百載之後精靈
猶來往于鶴山也令人指爲此林國夫與子及道
燕兄弟綢繆講業之故居

棄直

文集卷之七

祭林國夫文

祭鄧汝廣社兄文

子曹與兄誼篤具爾十載尋盟千秋共矢龍鬬虎
馳鶻落鵲起修篠摩天青萍拂水惟兄之才有似
於此戟髯雖眉寤言獨思簸揚百氏選詞徵知孰
熱焉靡孰月焉虧意氣凌厲珞玉璫規乎則形就
迂則心辭俗惡異已謂子非宜抗姿拔韻蹇譽謝
施汲古自綸遇也勿恤再躋肆顛排榮拾實趣厲
紉蘭情均懷橘喪爾嚴親朝暮一溢謂我先人辛
棄章

文集卷之七

下

勤沐櫛弗覲子成孰俾萬一刻死附生無庸自律
弗家于喪是用疾疾伯氏告徂捐兒立孤兄也有
後身之不圖母謂兩兒一孫踟躕喪室謀室希廣
其孥獨力將母筆舌焉需無仕易農東西奔趨不
敢懷安馬瘡僕痛譬彼鳥鳥反哺劬劬投羅觸網
獵食崎嶇客歲之秋辭母就旅母則念行憂心亂
緒崦嵫之晷天弗假與孤兒承乏百事克舉兄病
于途戀母無處皇遽言歸望柩創鉅一慟而絕水

漿莫茹追母于冥謂得死所嗚呼蒼蒼茲虐太狠
未閱兩月母子狎亾惟兄終始孝友章章毀產襄
事推嗣讓良爲養行役慕怨自戕其道雖過其志
可傷哀哉汝廣受此不祥在昔立孤無以有已至
於有成子仍爾子況乃英英力支瘠毀再罹大變
垢面經紀孝不危身兩母有恃嘉爾之孤必擴爾
祉報善之符可以無詭凡我弟兄及諸友生感念
黃鳥愴惻弗平長與子絕涕泗縱橫束芻登堂尊
棄章

文集卷之七

下

酒自清誰爲酌之聽此精誠

祭蓬萊令王文和先生年伯文

嗚呼幽顯盈約譬彼晝夜貧常死終則歸其舍况復廉貞首陽柳下古今一軌不隨代謝惟君之先輝赫閭王清門爲庶居藤之陽藝道獲德翁發其祥在昔壯歲麟遊鳳翔伊余先祖合志同方忘年廸哲彌孔劉揚施及予考再挹厥芳嘉靖甲子同舉于鄉自茲攸往出處行藏翁令蓬萊先人守蜀一東一西各標英躅奏直于今如郢中曲誰能委

妻直

文集卷之七

本集

蛇太白若辱拂衣東歸抵藩勿觸囊橐空虛田園荒蕪於陵一畦栽桑五株獨寐寤歌其道不癯得全于淡以壽其軀細書匪督且利走趨迄于九十德充之符邦之祭酒乞言不孤鄉有大耋楷式群模先人稱詩翁則倡和載酒携筇珠玉咳唾先人善書翁勁益過芝狂旭顛盤薄相佐今藤之中家傳戶播二老遺墨後先揚簸先人云亾蓋在去年翁來弔視涕泗潸然死生交誼高薄雲天乙卯丙

辰寒暑再遷翁亦違疾迄秋弗痊以翁壽履久而逾鮮精英騰上必比列仙典刑凋喪是用腸煎王孫裸葬子從明哲黔婁正斂妻亦人傑惟翁之風清韻不滅厥後繩繩克振其節某在比鄰尚守衰經緬懷世誼不勝嗚咽越紼拜翁清醕是設翁偕先靈當無隔絕見其諸兒有淚如血當無動情晨風朔雪

妻直

文集卷之七

本集

代陳門諸壻祭林孺人文

孺人者兵部郎陳公諱時霖元配也陳公沒妾子端明益明者爲危言所傾謂非公出孺人怒罵曰誰爲此黑心之言耶二兒墮地吾皆親視斷臍護血衣汚予手者今危孺子將蔑先夫吾將唾其面也言者屏息二子無恙端明後以豪縱酒色蕩其貲孺人猶撫之如初今年五月十一日考終

文燦卷之七

于嫡孫履約之室履約誣其瘟死祕不發喪端明謂母壽百有二齡數過而返何誣爲瘟也憤而爭禮焉不得又憤而鳴官焉又不得家又貧力莫能自治喪事客之弔者盈履約之門閉而不納故端明憤且耻遂自縊以報母也有母之仁聖而卒獲端明孝烈之報俾母德之益彰也愚哉約乎重賄而不難誣祖母以疫奇哉端明乎

不學而能明禮殉母于一旦人之相越也如此聞是母是子可以風矣

嗚呼壻之哭母實惟母爲或哭其公或哭其私私惟子翼公惟母儀母儀伊何淑哲惠慈兼是四者母儀匪虧母韜洪族習禮明詩作配我翁琴瑟攸宜蜚英發藻代帝制詞允文允武實總帝師賴母淑哲厥載用熙翁後謝政退食委蛇經始式廓爰篤唱隨唱隨無已爰廣其華衮祠之戴小星咏思惠焉若此樹德如滋翁後謝世諸孤嬌癡主器先殞莫適周咨嘖有煩言謗及兩兒母則抗聲嗟衆勿疑二子之生子禎其時澡血翦髫予手所司趙孤孔棘賴以無危翁胤載篤授室分貲護如珠玉言如筮龜慈焉若此從古而誰天祚母躬百歲逾期逮及曾玄母俱舍館公卿式間精耀厥楨此德此壽女中白眉軒轅之精返彼天逵數有所極凡聖同之况乃過曆神光四維自夏徂秋斑首

文燦卷之七

下卷

如狸哀母家季戴母不衰臯魚比孝殉母何奇非
母令德刻其骨肌彼季雖烈何以臻茲母仁子烈
景仰同悲匪悲母算而悲母貽某等受庇沁入肝
脾或嫡或庶均壻不遺內焉存孤翁有裘箕外焉
戒女母無詒罹內外孫子百口一詞被澤弘遠以
堅秉燹

妻直

文彙卷之七

六星集

代陳門諸壻祭陳孝子端明文

孝子之嫡母林孺人以正言全孝子於衆
論傾危之日孝子殺身報母于嫡孫匿喪
不發之時母奇于仁子奇于孝國人哀之
故其諸戚尤痛悼致詞曰

嗚呼孝子陳丈之靈生自名家長于華廡湖海元
龍豪氣自愈孝烈天鍾霜飛雪吐殺身成仁照耀
今古人亦有言既外遺中惟子燁燁與凡不同豪
妻直
文彙卷之七
六星集
奢放俠以及御窮如端木叔如王無功德邁祖賜
達過兄通諭諭訛訛有若盲聾然而弘肆不寐厥
志一意孤行動協大義不爲威怵不爲利企財輕
漢朱諾重楚季苟適子心感死靡二昔子庶胤沸
沸蒙誣嫡母聖善哺同舄鳥昌言排衆親鑒桑弧
厥掌視文厥領視鬚朱殷滂滂載泣呱呱毀巢取
子曷不良圖皇天后土此實趙孤子啣母心母獲
子所是粥是饘有成有旅跼踣高厚耿耿厥緒色

養不遑矢報無處荷天之休母壽百齡哀彼蓼莪
可辜小星罔極之思追從冥冥恨生鮑車孝踵維
經愛敝牴牾烝乏鵲鴒一瞑萬世幼稚零丁二婺
摩笄以勵厥靈貫日虹霓叫天風庭生無婦言死
昭德刑大夫君子降割不庭母仁子烈宜史宜銘
凡在見聞痛惜靡寧况我周親血淚熒熒某等稱
壻名門尊公半子與爾相隨夙無間已莫扶子危
莫救子死奇變駭心哀音亂耳造物無私行昌爾
祀令德芳聲死而不毀視彼汶汶等如泥滓茲焉
束芻清醕在几靈烈如生奮或吾以嗚呼哀哉

文獻卷之七

本集

祭吳門妹文

嗚呼吾不幸乙卯先人見背丙辰生母繼歿其年
夏汝適歸寧與生母俱病在吾家已而訛言寇至
汝遷病城中生母病篤不能遷反以念汝之故增
劇吾兄弟徬徨奔走而吾尤獨勤苦至舍其病妻
不顧割其一女之死不顧早夜侍生母而晝日赫
烈輒一走城中爲汝延醫煎藥歸又以汝之安否
慰生母心如是者四十餘日而生母竟不起汝幸
得生越二年而汝舉一子今六齡矣吾舉家爲生
母悲且爲汝喜悲者悲吾生母之賢而不得享一
日之養且其死實以汝之故也喜者喜汝不惟得
生且有子或可慰生母于地下耳嗣是而汝之體
漸羸飲食起居無時吾八旬嫡母日夜望汝來以
慰餘年而汝輒不能歸卽歸又以病去輒不能久
又于中產一女今歲之夏又舉一子而血虛成瘵
奄奄至今死也嗚呼痛哉昔先人擇配而嫁汝益

文獻卷之七

本集

知汝夫家世德而汝夫重厚少文必能偕汝長久耳不謂汝中道忍其夫與子而先逝也幸而汝夫愛敬汝不衰醫藥扶携及棺殮之具皆無憾然而二子一女或僅離襁褓或尚在呱呱後人不可知履霜不可必也汝生而鬱鬱不自得者吾不能知汝之心或者謂嫁遠一水不得時時歸寧或者謂先人生母繼歿無所怙恃或者謂若翁又逝家事無所稟承或者謂家世詩書希望汝夫分榮而不能知也至汝死而耿耿不瞑日者無他惟此二子一女而已天若祚汝則汝夫必不以汝之存亡異心襁褓者呱呱者有時而成立有時而婚嫁有時而顯榮後人可冀其亦賢履霜可冀其終免也嗚呼痛哉吾兄弟七人雖亡其一今六人者尚依依無恙嫡庶同心衆所知也至吾獨有姐妹三人而長者方十八而未嫁亡于西川次者僅三十三

而亡于賢孝勤家今汝又三十二而亡于多鬱多病多產使吾八旬嫡母痛前沒之女而撫其遺孤寢食不安痛今沒之女而慮其遺孤形神加戚夫誰之不嫁誰之不死至吾家女多薄命相繼早夭傷哉婦人身或爲夫死或爲子死傷哉父母心旣劬于男復劬于女傷哉手足誼爲男旣翁尚得時時割艾分痛爲女于歸安得日日焚鬚調藥生爲一體之身死爲異姓之鬼生而以一身取憐于父母死而以兒女寄命于他人幼穉嬌癡尚未知終天之恨日月推遷尚未知葬埋之所也

祭鄭文岳會伯文

先人舊交指屈可數凡在里中小子及親阜仙文
雄二劉純古翁家斗老高言清吐其在夔宗德通
鼓舞靈源伯父雙泉叔祖最長者翁主盟衆甫一
時彬彬可爲儀羽文宗韓歐詩稱李杜出處雖殊
以道爲主其後死生亦遞變更僅留四老白首嚶
鳴先人叔姪翁家弟兄酒歌鳴鳴棊子丁丁饑渴
寒暑風雨晦明以及患難聚樂不傾先人非翁倡
和無聲翁非先人莫與縱橫迨乎末年廟社再營
采愚欄楯西翼東榮四老共倡衆力所成廟貌方
麗先人卽世實繫里思以枯翁涕斗老隨沒叔祖
旋逝今濱于翁得正而斃三年之間四老相繼不
見麗眉閭閻連袂但見榆枌樹林翁醫後生友朋
式悲前詣夔則尤劇憂心如閉惟翁裴芳釣渭未
應如畏壘兀窮堅老壯死而不亡

聘珪璋下建文孫載錫之光餘皆屹立食報有常
存順沒寧翁也何妨自茲以往乘舄眇莽偕諸老
處于霄漢上昔先人亾鄉夢靈爽明神不誣言尚
如響翁夙同心冥契共賞兩家兒子敦好如囊筆
墨之芬又自吾黨共薦醴殺推夔辱長豈無他辭
以申忽悅今昔之感吾將安仰稽所欲陳衆心無
兩嗚呼哀哉尚饗

文

文

文

祭王支提學憲先生文 代

惟君挺生川停嶽峙薄海彌天知有王子初筮雲
司典法自矢再屬夏官旌旄改視赫赫畱都總齊
皇軌遂陟岱宗主盟泰時一變齊魯文無浮靡俗
之尚通師道黻翫惟君直絃中立不倚醜正怡邪
衆態自爾所持金心百鍊不毀自君介居時趣彌
詭忠愛愴懷有憂無喜厄此遭逢莫罄底裏寢無
匡床食無四簋重以喪慈苦塊痛痕色若寒林心
同汨水辛酉別君病在骨髓語猶憂時隄側無已
是後參差三載終始我役營田君淹方起 帝簡
祝鳩攸堅媚使取道秦淮臥疴吳市甲子爽秋天
不慙俾平生故人爲之經紀旅觀南歸佳兒足恃
惟君清芬金陵播美雨花臺前尸祝畏壘千年峴
碑魂魄猶履倚於楊園何必梓里嗟我與君誼託
生死繫以絲緡庇茲葛藟俱迫王程後先行止我
獨艱貞君尤蹇否遂分存亡音容莫揣君之訃來

我劇未耜一奠遲遲今乃追誄深負幽冥顧慙景
啓身爲哲人子亦才士詩卷長畱慶餘可俟何愧
得之何憾沒齒嗚呼哀哉尚饗

祭故銀臺林榕江先生暨子林彤雲先生墓

維先生父子俱受天間氣雖一窮一達俱卓然出類先生居父祖兄弟之間尚爲位不配德獨鍾于彤雲公爲曠代才人文追青蓮字迫懷素豪宕不羈變化不測而身旣天歿後嗣衰息徒使人撫遺篇而悽惻夔生也晚向慕彌殷常欲編才子之集考才子之墳吐一詞以憑吊祔知已于榆枌今因營葬亾妻卜地樟林比隣尊塚喬松森森始知才子卽祔葬于納言之域登墳跪拜獲遂平日向慕之心嗚呼古才人牢落不遇而死者何限彤雲公獨得以狂言傲骨不假飛馳不託良史姓字至今而未嘗消沉吾知過此數百載公家卿相光華或與時代久遠而彤雲才人之號必與山俱高與水俱深夔他日身獲埋骨于此精爽相依倡和咏吟生不及執鞭從事死猶得地下招尋嗚呼夔何幸而友不世之才子彤雲何幸而遇無意之知音

納言先生鑒茲一念見生狂死狂相縈戀于無何有之鄉驅山魃而逐魍魎吐虹霓而騎飛尾必輟然一笑翩然居歆

杉陽莫陳昇真業師文

嗚呼我師儒行無曠般若久修迄于廻向以居士
身現具足相於臨滅頃一了百當如戴角虎如摧
鋒將逆生死流入如來藏視昔日零丁于幼孤坎
坷于過壯危苦千端窮愁萬狀原等虛空終歸幻
妄若其孝友慈仁狷介貞亮樂善好賢忍辱耐謗
幽顯不欺心口無誑事事作助道之資糧念念具
超凡之船舫值此時節因緣等覺正覺無量撒手
去上
懸崖揚帆巨浪使製布衫者不計斤兩蒟蘆者難
依樣嗟夫象教凌夷邪禪正旺惟淨土門安穩無
恙決定往生蓮臺品上夔幼從師儒書曉暢比知
佛乘頗勤叅訪名利沉淪知見遮障師但默然執
持安養非教非宗絕無依傍于三乘中不和不倡
密行深心道師哲匠比聞善逝委悉淨况愧此頑
心未蒙痛棒瞻空遙禮道心增長欲報師恩當在
不讓其他世諦慶餘胤嗣倘儻荷擔名教尉爲時

空華與空果亦福慧之條習維師張
度不忘窮未來今永作依仗本無去來有歡
愴

祭董達泉師叔姻外祖文

神山海喙涵演龍塘挺生異人世美有章維先德
類錫篤昆季仕隱雖殊俱成先志巍巍我師爲天
之支翁實先後孝友敷施斬斬當戶櫛沐勤苦俾
父若兄照耀今古其仁其仁道蔚天民被褐懷玉
澹以全真展親睦族逮及鄉塾一姓三人百城再
築爰有佳兒如鼎如彝推其家嗣父事我師師篤
具爾天大其祉繩振繩繁鞠隆巨子少壯爲師
祿崇階自天恩澤豈曰榮華而少志時夏
割席問奇曾不予捨夔在師門國士難逢夔予蒙
庇婿翁外孫顧慙碌碌秉承尊宿學術淵源姻姪
骨肉胡不大年觀成後賢典型遽謝寂寞雲烟汪
戍雍奴侍師之側師慮翁疾憂形于色曾幾何時
翁訃終馳天涯之痛孰慰厥思有子時年不
帶有子來歸適與喪會皆天不
順變降服從權其報覃厚其
名彌久卓卓銘

待師手孟溪幽幽天物怒流夔有寸心痛劇西
酌溪之水采溪之芷翁其鑒予等予諸子

祭太常卿洪桂清文

易聊之山天挺人傑忠孝淳備始終一節集微
殷濯英以縈進寸退尺規生矩設攸都贊襄庶
烈烈昔在先皇龍德潛彰危疑嶮岨在牀在旁
時筮仕僅爾曹郎建儲一疏赫然爲章人知國
朝有天常直身盈宇身蟻道光南都特起鳩倂
紀櫛垢爬痒斥美禁靡赤白之鏹源如流水設
綢繆惟力是視簡秩寅清並于正卿
條其鳴被服蘭茝鏤鏘璫玕軫茲皇輿蕩
懸悲三釜澹然無管遂十年所雨汲雲耕
嗣服嘉乃遺直拔自田間克修舊職際遇風雲
翼孝德天步艱難變生深墨一月之間明兩繼
公襄陵事奔走孔棘忠爾忘身一疾自踣旅櫬
然道途嘆息今上聖神恩卹勞臣祭葬贈諡
陰紛綸澤殊于舊忠勸乎新不晦者名無愧
出處死生可謂全人凡我同官賻贈弔靈輅

返涕泗霑襟合詞傷盡

文惟陸之

禱雨告城隍牒文

凡吾民明所恃者吏幽所恃者神是故不能得
朝吏爲申之不能得于天神爲申之其有不申厥
咎維均今歲大稔穀踊民貧凡吾有司力能有爲
者省刑緩賦節用捐緡無食者授之陳無種者貸
之新矣乃自夏徂秋不雨九旬百禱俱致神不我
禔聞之書曰肅時雨若曰僭恒暘若不肅且僭斯
皆吏之弗職亦何與于吾人而使之焦禾絕粒婦
啼子呻雖天聽之尚遠冀神心之興仁如有不宥
其當吾身罔及非辜大肆泯泯况應龍實處南方
不在深潭之底則在大海之濱神以帝之命臨
之其能致雨靡夕則晨秋苗不死食可續春國有
賦稅官有供億而後神有牲珍則今日之事有雨
有民無雨無民有民有神無民無神神其無亦冀
人言曰災惑犯干天意未肯俯徇而邈邈于吾之
諄諄恐天既降鑒吾有司深自隕越于下而貽神

以弗享弗賓謹牒

表五

文懷卷之七

本處



ZW

21101000814991

錢侯入祠告文

於樂先生古之遺愛鞠此蒸民廼植廼誨爰播滿
 風彌歷時代攸堅攸埽濯纍濯漑炳炳膚功改作
 泮宮杓構魁枕迎氣於東育賢毘聖燾後劬躬兩
 楹肅穆六籍昭融泮宮旣作泮水思樂筏旂喊鸞
 皇皇斯鐸乃奮哲人乃彰顯學丙午至今簪纓有
 灼旣覃厥施亦禱厥爲藹藹吉士民之秉彜由音
 土鼓也見周禮葦臘社蘋藻宮祠踰三十祀次第展忠崇

文彙卷之七

屬後儒夙欽善政承乏代庖餘輝猶映俎豆趨賒
 幸逢厥盛百世之師拜瞻起敬惟道式憑不命其
 承自午及午再值賓興精靈眷顧陰牖賢能馮翼
 孝德皇王斯烝伏惟昭格尚饗